

DE
S V M M I P O N T I F I C I S
A V C T O R I T A T E,
DE E P I S C O P O R V M R E S I D E N T I A,
ET B E N E F I C I O R V M P L U R A L I T A T E,
C R A V I S S I M O R V M A V C T O R V M
C O M P L U R I V M O P V S C V L A
ad Apostolicæ Sedis dignitatem maiestatemq; tuendam spectantia.

*Omnia nunc primum in unum collecta, congrueq; digesta,
ac in duos Tomos diuisa.*

Accessit Quæstionum, & capitum quæ in his continentur.
Elenchus.

Auctorum nomina, uersa pagina sese lectori obiciunt.



*Cornelio
Lange*

*Francesco
de la Sala*



V E N E T I I S,
EX OFFICINA IORDANI ZILETI.
M. D. LXII.

AVCTORITATE
SVMMI PONTIFICIS
D. B. 200

DE EPISCOPORVM RESIDENTIA,

STATIARVM PLURALITATE,

NOT TO BE REPRODUCED

A L I C E V A N D M A R I A V A N D O S

THE UNIVERSITY OF CHICAGO

RECEIVED BY THE LIBRARY OF THE

ՀԱՅԿԱՅԻՆ ԴՐԱՄԱՆԱԿԱՆ ԳԻՏՈՒԹՅԱՆ ԿԵՆՏՐՈՆ

1714 10. 12. 1714

Electrons.

. အသံကောင်းစွာရှိပြီး နားထောင်ရန်လည်း သင့်တော်ပါသည်။



NOMINA AVCTORVM
TOMI PRIORIS.

DE SVMMI PONT. POTESTATE

Diui Thomæ Aquinatis De summi Pontifici-
cis autoritate Quæstiones per D. Ioan-
nem de Turre Cremata Cardina-
lem in Basiliensi Concilio
in unum collectæ.

*Thomæ de Vio, Caietani Cardinalis, de eadem potestate :
De primatu Romane Ecclesiæ.*

De Synodorum differentia opuscula.

Iacobi Naclanti Episcopi Clugiensis, de eadem compendiarie narratio.

DE RESIDENTIA PASTORVM.

*Thomæ de Vio Caietani Cardinalis, de Pastorum Residentia tractatus.
Bartholomæi Caranza de Miranda, Archiepiscopi Toletani de eadem,
opusculum.*

Iacobi Naclanti, Episcopi Clugiensis de eadem tract.

*Dominici Sotho, Caroli. V. Cæsaris à sacris Confessionibus, de eadem,
quæstiones.*

NOMINA AVCTORVM TOMI POSTERIORIS.

Thomæ Campegij Episcopi Feltrensis, de Residentia opuscula.

Ambrosij Catharini Senensis Archiepiscopi Compsani, de eadē tractatus.

Francisci Torrensis, aduersus Chatarinum de eadem, opusc.

Eiusdem Catharini aduersus Torrensem pro eadem, Responso.

Eiusdem Torrensis aduersus Catharinum pro eadem, Antapologeticum.

Eiusdem Torrensis de eadem opusc. & de commendatione Ecclesiarum.

Leonardi Veneti, Canonici Regularis, de eadem Tract.

DE BENEFICIORVM PLURALITATE.

D. Thome Aquinatis, de pluralitate prebendarum sententia.

Cardinalis Caietani super ea explicatio.

Dominici Soto de eadem, questio subtilissima.

Eiusdem D. Thome super hac re, Consilium.

Canonistarum de eadem explicatio.

ILLVSTRISS. AC

REVERENDISS. D. IOANNI

Morono S. R. E. Cardinal. amplifs.

Frater Remigius Florentinus Ordinis Prædicatorum Theolog.

S. P. O.



OLENT, qui sertum quod-
dam, Illustriss. ac Reuerendiss.
Domine, siue in Deorum mu-
nus, siue in cuiusdam uictorię
signum contexere student, ua-
rij coloris flores, uarijs ex pra-
tis colligere, ac in confusum
adactos aceruum, pulchriores
inde facernere, illisq; in coronę modum ligatis, uel
Deorum aras ornare, uel uictoris tempora cingere.
Ego uero, qui nostra hac tempestate, plura in dubiũ
ac quæstionem uocari contueor, tanquã non piẽ di-
scussa, uel non determinata perfectẽ, horum Scripto-
rum illustrium flores, qui passim dispersi marcebant,
ex multorum aceruo selectos, in unum texendos cu-
raui, ut qui Summi Pontificis auctoritatem sanctẽ tue-
ri, & Pastorum residentiam iuris uel esse, uel non esse
diuini disceptare percuperent, unde id commodè fie-
ri posset, haberent, ac tandem ut seruo hoc, Summus
Pontifex, Iesu Christi Domini nostri in terris Vica-
rius, supremo afficeretur honore, & inter tot pro Resi-
den-

dentia decernentes, capita dēcorarentur uictorum.
At quia pleriq; ex clarissimis his uiris, ex prædicato-
rum cætu, cuius tu meritò nuncuparis Protector,
ad Episcopatus, Cardinalatusq; culmen fuerunt ascen-
ti, ideo ipse, qui in eadem quoq; familia, minimum
me esse confiteor, coronam hanc iure tibi dicendam
decreui, ut cognosceres (quod tibi ignotum non reor)

quos ædat Dominicana partus Religio, meq;

uel facie ignotum, in tuorum Clientum

numero hilari fronte conscriberes,

cui Deum opt. Max. propi-

tium semper imploro

Vale.

INDEX OMNIUM CAPITVM,
AC QVÆSTIONVM, QVÆ
IN HOC PRIORE VOLVINE
continentur.



VTRVM super Episcopos ali
quis dandus sit superior in
Ecclesia. fol. 1

Vtrum Pontifex Romanus sit pri-
mus, & maximus omnium Epi-
scoporum. fol. 2

Vtrum Roma. Pont. exislat ceteris
Patriarchis prelatas. fol. 2

Vtrum Papa in totam ecclesiam
Christi uniuersalem pralationem
habeat. fol. 3

Vtrum error sit dicere Romana Ec-
clesie Pontificem, non habere uni-
uersalis Ecclesie primatum. fol. 3

Vtrum Papa sit superior in tota Ec-
clesia. fol. 3

Vtrum Papa sit caput uniuersalis ec-
clesie. fol. 3

Vtrum Papa sit caput fidelium tan-
tum uiatorum. fol. 4

Vtrum Papa sit sponsus uniuersalis
Ecclesie. fol. 4

Vtrum Christus, & papa dicendi sint
duo sponsi uniuersalis Ecclesie.

fol. 4

Vtrum preter Papam, qui est caput
& sponsus ac pastor uniuersalis
Ecclesie, sint necessarij alij prala-
ti in Ecclesia. fol. 4

Vtrum Reges, & Principes Christia-
ni, & per consequens omnes fide-

les teneantur esse subiecti Roma.
Pont. fol. 5

An sit de necessitate salutis subesse
Romano Pont. fol. 5

Vtrum sit hereticum dicere, non esse
obediendum statutis Papalibus.
fol. 5

Vtrum non obediens Romano Pon-
tifici sint schismatici. fol. 6

Vtrum magis sit obediendum Pape
quam alteri cuiusq; potestati in-
feriori. fol. 6

Vtrum Papa possit cogere precepto
suo aliquem ad sustinendum Epi-
scopatum. fol. 6

Vtrum qui facit contra constitutio-
nem Pape per ignorantiam, pec-
cet. fol. 6

Vtrum Romanus Pont. succedat bea-
to Petro in ea perfectione pote-
statis & dignitate vicarius Chri-
sti, qua ipse beatus Petrus Chri-
sti fuit in Ecclesia sublimatus.

fol. 7

Vtrum Papa in Ecclesia habeat ple-
nitudinem potestatis. fol. 7

Vtrum errent contra unitatem Ec-
clesie qui Romanum Pont. negant
plenam habere in Ecclesia pote-
statem. fol. 8

Vtrum Papa habeat plenitudinem
pontifi-

- pontificalis potestatis sicut rex in Regno. fol. 8
 Vtrum à Papa deriuetur potestas in alijs prælatis. fol. 8
 Vtrum papa possit uti clauis potestatis in quemlibet de Ecclesia. fol. 8
 Vtrum Papa possit concedere alicui potestatem quòd quis utatur in eum potestate clauium in foro conscientie. fol. 9
 Vtrum Papa possit concedere potestatem alicui, ut utatur in eum in foro exteriori, scilicet quod aliquis excommunicet eum. fol. 9
 Vtrum papa sit proprius sacerdos dicendus aliquo modo cuiuslibet parrochia. fol. 9
 Vtrum papa sit immediatus prælatus cuiuslibet fidelis. fol. 9
 Vtrum papa possit committere aliquibus predicare, & confessiones audire fidelium, & uti potestate clauium irrequisitis proprijs sacerdotibus parochialibus. fol. 10
 Vtrum præter duos ordines institutos à Deo, scilicet Episcopatum, & sacerdotum parochialium, qui propria auctoritate predicarent, & confessiones audirent sint alij necessarii. fol. 10
 Vtrum papa possit compellere collegia generalia studiorum, ut ad eorum societatem religiosi admittantur. fol. 10
 Vtrum ad papam pertineat maximè ordinario studiorum et uniuersitatum. fol. 11
 Vtrum papa habeat plenitudinem potestatis dispensandi in actis dispensabilibus. fol. 11
 Vtrum papa possit dispensare in uoto continentie solemnizato per professionem religionis. fol. 11
 Vtrum papa possit facere quod ille, qui est professus religionem, non sit religiosus. ibid.
 Vtrum papa possit dispensare in uoto continentie solemnizato per susceptionem sacri ordinis. fol. 12
 Vtrum papa possit dispensare in uoto obediencie cum religioso simpliciter. fol. 12
 Vtrum maximè pertineat ad papam dispensatio uel commutatio, aut relaxatio iuramentorum. fol. 12
 Vtrum solius auctoritate papa possit Episcopus curam Episcopalem deferere. fol. 12
 Vtrum solus papa possit dispensare in uotis perpetuis ad uacandum obsequiis. fol. 13
 Vtrum possit papa committere simpliciter sacerdoti quod confirmet siue conferat sacramentum confirmationis. fol. 13
 Vtrum papa possit committere Diacono absolueri in foro penitentias. fol. 13
 Vtrum papa possit committere simpliciter sacerdoti conferre ordinem sacerdotij & ordines minores. fol. 13
 Vtrum solus papa possit dare plenas indulgentias. fol. 14
 Vtrum papa possit novos articulos fidei, aut editos remouere, aut noua sacramenta instituire, aut instituta remouere. fol. 14

Vtrum

- Utrum ad papam spectet determinare ea quæ sunt fidei.* fol. 14
- Utrum ad summum pontificem pertineat symbolum ordinare.* fol. 14
- Utrum auctoritas uniuersalis ecclesie in determinatione fidei principali ter resideat in papa.* fol. 15
- Utrum pertineat ad papam sanctorum canonizatio.* fol. 15
- Utrum papa in diffiniendo ea quæ fidei sunt, aut in canonizatione sanctorum errare possit.* fol. 15
- Utrum solius auctoritate papa habeat synodus uniuersalis congregari.* fol. 16
- Utrum ad papam pertineat sententias confirmare synodorum.* fol. 16
- Utrum ad papam pertineat à synodo appellare.* fol. 16
- Utrum necesse habeat papa congregare generale, uel uniuersale concilium, quocumque habeat aliquid de fide determinare.* fol. 16
- Utrum patres existentes in Concilio uniuersali possint aliquid statuere sine auctoritate papæ.* fol. 17
- Utrum papa subiiciatur statutis conciliorum.* fol. 17
- Utrum Papa possit mutare statuta sanctorum patrum, in Concilijs uniuersalibus facta, aut in eis dispensare.* fol. 17
- Utrum Papa habeat plenitudinem dispensandi in omnibus statutis per Ecclesiam, uel Ecclesia prælatos.* fol. 17
- Utrum Papa possit dispensare circa ea quæ sunt iuris diuini.* fol. 17
- Utrum Papa possit dispensare cum bigamo, ut promoueatur.* fol. 17
- Utrum Papa possit dispensare quod aliquis Sacerdos non indutus uestibus sacris consecret corpus christi.* fol. 18
- Utrum Papa possit dispensare aut aliquid facere contra Apostolum.* fol. 18
- Utrum Papa resideat utraq; potestas tam secularis, quàm spiritualis.* fol. 19
- Utrum Papa possit committere simoniam.* fol. 19
- Utrum opinio dicens Papam non posse committere Simoniam maximè cum persona ecclesiastica, quia res Ecclesie sunt sue, sit erronea.* fol. 19
- Utrum clerici teneantur decimam dare Papæ, si ab eis exigat.* fol. 19
- Utrum teneatur communitas religionis Christianæ prouidere Papæ de necessarijs ad regimen, & gubernationem ipsius Ecclesie.* fol. 19
- Utrum Papa utatur baculo sicut Episcopi.* fol. 19
- Utrum sit laudabile in Papa uiliorè habitum extra metas habitus consueti assumere.* fol. 20
- Utrum correctio fraternæ se extendat ad Papam.* fol. 20
- Utrum Papa in aliquo casu sit à subditis publicè arguendus.* fol. 20
- Utrum Papa correctus à subditis possit, aut debeat corrigi per correctionem, penalem.* fol. 21

I N D E X C A P I T V M

tractatus de comparatione authoritatis papæ & concilij.
Domini Thomæ Caietani,
Card. S. Xisti.

QUOD Papa habeat supremam
potestatem in ecclesia dei. cap. 1. fol. 21
Opiniones aliorum: de comparatione
potestatis Petri primi Papæ &
apostolorum. cap. 2. fol. 23
Rationabilis sententia, q. petro subie
ti erant ceteri apostoli. c. 3. f. 24
Solutio obiectionum contra determi
nationem factam de petri prima
tu super alios Apostolos. c. 4. f. 26
Rationes tenentium, quod ecclesia
uniuersalis seu concilium uniuer
sale habet potestatem supra papā
simpliciter, ita quod papa est illi
subiectus. cap. 5. fol. 27
Quis sit sensus, quo questio de compa
ratione concilij & Papæ uertitur
in dubium. cap. 6. fol. 29
Quod papa est supra potestatem &
Ecclesie & concilij uniuersalis ut
distinguitur contra papā. c. 7. f. 31
Responsio ad obiectiones sumptas ex
authoritate concilij Constantien.
& Basilien. cap. 8. fol. 33
Solutio reliquarum obiectionum con
tra authoritatem papæ supra con
cilium factarum. cap. 9. fol. 35
De noua quadam fictione, qua imagi
nantur aliqui concilium esse supra
papam. cap. 10. fol. 39
Quod secluso papa non est in ecclesia
papatus suppletine & sicut in re-

gulate usum illius. cap. 11. fol. 41
Quod secluso papa non est in ecclesia
potestas legislatiua. c. 12. fol. 4
Quod secluso papa non est in ecclesia
potestas applicatiua ecclesiasticæ
potestatis ad personam, nisi in
casu. cap. 13. fol. 44
Solutio rationum contra papam, ex
eo quod ecclesia est totū autori
tas illius maior in sex. c. 14. f. 46
Opinio aliorum quod secluso papa, in
ecclesia est autoritas congregandi
generale Conciliū. cap. 15. fol. 47
Quomodo uerificetur, quod generale
Concilium potest aut non potest
sine papa congregari. c. 16. f. 47
Initium comparationis potestatis ec
clesie & papæ in casu hæresis: &
primò de modo quo papa propter
crimen hæresis subijcitur concilio
secundū unā opinionē. c. 27. f. 50
De modo quo papa hæreticus subijci
tur concilio secundum aliam opi
nionem. cap. 18. fol. 51
Examen illius propositionis papa hæ
reticus est ipso facto priuatus pa
patu. cap. 19. fol. 52
Rationabilis sententia, quod papa fa
ctus hæreticus subest ministeriali
potestati ecclesie & non autori
tatiue super papam. cap. 20. f. 54
Discussio prædictæ potestatis ministe
rialis depositiue papæ hæreti.
cap. 21. fol. 55
Responsio ad rationes & auctores al
latis in cap. 17. ad probandū, quod
Papa hæreticus est ipso facto de
positus in re diuino. cap. 22. fol. 58
Quomodo cum papa in heresim lap
so

so parato corrigi, agendum est.

cap. 23. fol. 61

Opinio quodd papa propter intorribilitatem in quocunq; notorio crimine scandaligantem ecclesiam, subijctur Concilij potestati, ita quodd potest ab eo deponi. cap. 24. f. 63

Discussio & determinatio, ad quam legem spectet determinare casus in quibus papa subest iudicio Concilij. cap. 25 fol. 64

Quot casus sint diuina lege statuti ut possit concilium papam deponere. cap. 26. fol. 66

Responsio ad obiectiones factas in cap. 24. ad probandum, quodd papa ex alio crimine quam heresis pot deponi ab ecclesia. c. 27. f. 69

An in euentu aliquo papa sine culpa sua subsit ecclesia, ita quodd possit deponi. cap. 28. fol. 73

INDEX CAPITVM TRACTATUS Apologie de potestate papae & concilij.

RATIO, intentio & ordo operis. Prolo. fol. 75

Examen fundamēti inuis naturae, quodd communitas Ecclesiae supra papam in potestate extollitur. c. 1. f. 75

Examen fundamēti iuris diuini, quodd etiam communitas Ecclesiae papae in potestate praefertur, et pro quo Ecclesia sumitur, cum dicitur, dic Ecclesiae. cap. 2. fol. 77

Discussio quid significet li ecclesia, cum dicitur, dic ecclesiae. cap. 3. fol. 78

An Dominus immediate dederit po-

testatem iurisdictionis Ecclesiae, & quantam auctoritatem eidem dedit. cap. 4. fol. 79

Quomodo Ecclesia habeat potestatem iurisdictionis, an scilicet ratione suae totalitatis an ratione partis. cap. 5. fol. 81

Quomodo intelligi possit, quodd Ecclesia ratione suae totalitatis potest habere & habet quandoq; potestatem aliquam iurisdictionis. cap. 6 fol. 82

INDEX CAPITVM SECTUNDE partis Apologie.

RESPONSIO ad obiectionem contra illud q. Dominus Ecclesiae regimen sic ordinauit ut summum Pontificem institueret, a quo uia ordinaria in reliquum Ecclesiae potestas deriuaret, & quodd apostolis alijs uia praeventiois gratuite potestatem dedit. fol. 83

Responsio ad obiectiones contra illud quodd Papa est caput uniuersalis Ecclesiae, et non solum singulorum membrorum. fol. 84

Responsio ad obiectiones contra illud, quodd concilium auctorizatum a Papa, non est maioris auctoritatis quam ipse papa. fol. 85

Responsio ad obiectiones contra illud, si communitas Ecclesiae seculo papa haberet potestatem supra papam ecclesiae regimen esset populare. fol. 85

Responsio ad obiectiones contra illud, quodd papa est supra communitatem

tem totius ecclesie ex illa auctori-
tate, pascere oues meas. & quod pa-
pastor pastor uniuersalis Ecclesie
& non solus singulari omium. 85

Responsio ad obiectiones contra illud
ex illa auctoritate. fiet unum omni-
te & unus pastor. quod papa est
pastor illius ouilis, et non e conuer-
so. cap. 6. 86

Responsio ad obiectiones contra illud.
Non minus papa est pastor. Eccle-
sie catholice quam quilibet episco-
pus ecclesie sue, inferendo ex hoc
superioritatem papae ad ecclesiam. 86

Responsio ad obiectiones contra illud,
papa habet supremam potestatem
in Ecclesia, ergo est super uniuers-
alem Ecclesiam. 87

Responsio ad obiectiones contra illud
papa est proximus & immediatus
Vicarius Christi, ergo nullam ha-
bet in terris potestatem priorem
se &c. 87

Responsio ad obiectiones septem contra
illud. papae potestas est supra Ec-
clesiam uniuersalem & Concilium
generale. ut distinguitur contra
papam. 88

Responsio ad obiectiones contra illud,
quod Constan. Concilium pro tem-
pore quo fecit decreta de potesta-
te Synodi, non erat uerum Conci-
lium uniuersalis Ecclesie, & quod
Basilien. concilium errauit illud
sequendo. 92

Responsio ad obiectiones contra glo-
sam datam ad illa uerba Augu.
quando petrus clauis accepit Ec-
clesiam significauit, quod per hoc

intelligitur clauis officio capitis
in petro & successoribus. datas
esse. 92

Responsio ad nouam obiectiones con-
tra illud. quod papa non potest er-
rare errore in dicta in fide, quia
ad ipsum spectat finalis determinatio
de fide. 93

Responsio ad obiectiones contra illam
rationem quare papa non potest
errare in fide, quia. s. esset error
uniuersalis Ecclesie, quia tenetur
sequi diffinitionem papae in fide.
cap. 14. 95

Responsio ad obiectiones contra expo-
sitionem illius uerbi Hiero. si au-
thoritas queritur, orbis est maior
urbe. 96

Responsio ad obiectionem contra mul-
tas auctoritates ex libro decreto-
rum, quibus probatur papam non
habere superiorem in terris.

cap. 16. 97

Responsio ad septem obiectiones con-
tra illud, quod ecclesie dei, secluso
papa, non est data potestas papalis
aut superior papali in euangelio
Matth. 18. & quod in Ecclesia
huiusmodi non est talis potestas. 97

Responsio ad obiectiones contra illud,
quod ex missum esse non sequitur
esse subditum. 99

Responsio ad obiectiones contra illud,
quod ex. 39. q. 2. cap. placuit in
Eloca. tria habetur quod Hiero.
auctoritas innixa sacrae scripturae
praeualuit Concilio. cap. 19. 99

Responsio ad obiectionem contra hoc
quod ex auctoritate decretal. de
elec.

elec. in ca. significasti, dicitur
quod Concilia à papa habent aucto-
ritatem. cap. 20. 99

Responsio ad obiectiones multas con-
tra illud, quod Concilium genera-
le legitime congregatum, potest
errare in diffiniendo papa absente
vel non consentiente. ca. 21. 100

Responsio ad plures obiectiones con-
tra illud, quod potestas applicati-
ua papatus ad personam, seu po-
testas electiva papae est regulari-
ter et principaliter in papa, et non
nisi in casu in Concilio. c. 22. 102

Responsio ad obiectiones contra illud,
quod in ecclesia est potestas aucto-
ritativa super coniunctionem pe-
tri & papatus, non autem super
papam. cap. 23. 105

Responsio ad obiectiones contra illud,
quod papa posset committere po-
testatem depositionis papae hære-
tici collegio Cardinalium. c. 24. 106

Responsio ad obiectiones contra ratio-
nem datam quare pro infidelitate
sola potest papa deponi, quia si so-
lus infidelis inter crimina contra-
riatur ad esse papae. cap. 25. 106

Responsio ad obiectiones contra illud,
quod ex sacra scriptura solus casus
haereticus excipitur an. impunita
re papae respectu eccl. c. 26. 107

Responsio ad obiectiones contra hoc,
quod in solo casu haereticus papa su-
bicitur Ecclesiae, ita quod possit
deponi. cap. 27. 107

Responsio ad obiectiones contra illud,
quod propter scandalum non est

praescindendum caput iuxta Domi-
ni sententiam Matth. 18. c. 28. 108
Responsio ad obiectiones contra illud,
quod Deus optime providit Eccle-
siae, disponens quod orationis reme-
dio contra malum papam uteretur
non autem depositionis potestate.

cap. 29. 108

INDEX CAPITULI TRA- ctatus de principatu. Ro. pō.

Quid, quomodo, & quo ordine tra-
ctandum est. cap. 1. 110

Petri persona & non dono reuelatio-
nis aut beatitudinis promissae sunt
claves. cap. 2. 110

Persona petri in se & non solum in
persona Ecclesiae promissae esse
claves. cap. 3. 115

Verba Christi, Tibi dabo, petro, non
in persona omnium Apostolorum
dicta esse. cap. 4. 119

Apostolis alijs non esse alias collatum
quod petro. cap. 5. 122

Solum petrum accepisse claves, con-
sonat ei quod est Ecclesiam acce-
pisse claves. cap. 6. 128

Promissum esse petro totius Ecclesiae
pontificatum in antedictis promif-
sionibus. cap. 7. 127

Persona petri quoniam caritate
qualificata dictum esse pascere oves
meas. cap. 8. 132

Soli petro ita quod non alijs Aposto-
lis dictum est pascere oves meas.

cap. 9. 133
Petro soli universam committi Eccle-
siam.

fiam per hæc verba Christi pasce
 oues meas. cap. 10. fol. 134
 Petro per hæc verba, pasce oues meas
 cōmissum a Christo pontificatum
 totius ecclesiæ. cap. 11. fol. 135
 Petrum habere ex Christi institutio-
 ne successorem in pontificatu Ec-
 clefiæ catholice. cap. 12. fol. 137
 Romanū pontificē succedere petro in
 pōtificatu totius ecclesiæ. c. 13. 14.
 Auctoritates sanctorū antiquorū et
 conciliorū affirmantes Ro. Ponti-
 ficis successoris petri pontificatum
 super totam Ecclesiam à Christo
 institutum a petro. cap. 14. fol. 147

INDEX CAPITVM, quæ in libris de pastorū residen- tia continentur.

Declaratur quibus generibus argu-
 mentorum examinanda sit præ-
 sens controuersia. cap. 1. fol. 176
 Explicatur per duo Axiomata totius
 status presentis controuersia. c. 2.
 fol. 177
 Testimonijs ueteris Testamenti pro-
 batur necessaria residentia perso-
 nalis ministrorum Ecclesiæ. cap. 3
 fol. 178
 Testimonijs Euangelicis probatur re-
 sidentiam personalem esse de iure
 diuino. cap. 4. fol. 180
 Testimonijs Apostolicis ostenditur re-
 sidentiam necessariam esse iure na-
 turali & diuino. cap. 5. fol. 184
 De Pastorū Spiritualium nominibus
 cap. 6. fol. 187
 Residentia Pastorū probatur necessa-

ria legibus conciliorū generalium
 & prouincialium. cap. 7. fol. 190
 Summorum Pontificum decretis con-
 nincitur necessaria residentia.
 cap. 8. fol. 196
 Sanctorum patrum doctrina residen-
 tia Episcoporum demonstratur no-
 mina. cap. 9. fol. 199
 Sententia Cardinalis Caietani de re-
 sidentia recensetur. cap. 10. f. 207
 Rationibus humanis manifestantur
 uera quæ dicta sunt de residentia.
 cap. 11. fol. 208
 Examinantur an sint aliqua quæ pos-
 sint excusare Episcopum à perpe-
 tua residentia. cap. 12. fol. 210
 Quod & quale Episcoporum onus.
 fol. 212
 Rursum de eodem sed aperitas. f. 217
 Episcopus regulariter residere debet
 assidue. fol. 221
 Casus in quibus Episcopus excusatur
 si continue non recederit. fol. 222
 Vtrū Institutio Episcopalis dignitatis
 sit de iure diuino. fol. 227
 Vtrum Episcopi in suis Diocesisbus resi-
 dere iure diuino teneantur. f. 228
 Vtrum residentia Episcoporum iu-
 re naturali fundetur. fol. 242
 Vtrum Episcopi iure humano, hoc est
 Pōtificio residere teneantur. f. 224
 Vtrum aliqua emergere possit causa
 ob quā liceat episcopo a grege sibi
 commisso abesse. fol. 246
 Elenci prioris Tomi finis.

DE SUMMI PONTIFICIS

LEONIS DECIMI, SACROSANCTAE ROMANAE ECCLESIAE

IN CHRISTO FIDELIUM SERVITUS

DEI GRATIA, APOSTOLICE SEDIS LEGATIONIS

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE VALLERIE, SACROSANCTAE ROMANAE ECCLESIAE

SECRETARIUS, ET APOSTOLICE PALATINAE BIBLIOTHECAE

PRINCIPALIS BIBLIOTHECARIUS, LUDOVICUS

DE SUMMI PONTIFICIS

AVCTORITATE, QVAESTIONES OMNES

D. THOMAE, IN VNVM COLLECTAE

PER REVERENDISS. D. IOANNEM

DE TURRE CREMATA TT. SANCTI

SIXTI PRESBITERVM CARDINALEM,

VNVM EX PATRIBVS BASILIENSIS

*Concilij, omnibus quidem utiles, Sed ijs praefer-
tim, qui Ecclesiam tueri volunt.*



ANDASTI Reuerendissime Pater & do-
mine praestantissime, D. IULIANE, di-
gnissime presbyter Cardinalis, ut ea quae
de Summi Pontificis potestate gloriosus
Doctor Sanctus Thomas de Aquino spar-
sim in suis ponit operibus; in unum col-
ligerem tractatulum, In quo pro nascenti-
bus difficultatibus, Circa Romani Pon-
tificis singularem auctoritatem, Reueren-

dissima Paternitas Vestra posset sine laboriosa multorum reuo-
lutione librorum, huius splendidissimi doctoris ad manum habe-
re sententias. Optassem planè hoc onus, aut studiosiori uiro,
cui familiarior esset praefati Doctoris doctrina fuisse iniunctum,
aut alio clariori tempore mihi, in quo laboriosiori animo, & sol-
licitudine magis integra perscrutationi tantorum librorum ua-
care potuisssem. Verum quia omnino ita metuendissime uestrae
paternitati placuit, ut hoc per me nunc fieret, mandata domi-
nationis uestrae reuerenter complexus; sequentes sententiarum
flores eiusdem Beatissimi Doctoris Thomae librorum, quos nunc
satis perfunctorie transcurrere potui, in hunc codicillum, tan-
quam in unum manipulum florum collegi. Qui ut gratior uestre
redderetur paternitati Reuerendissime, & aptius redoleret eius
utilitas, formatis circa ipsam auctoritatem titulis septuaginta-
trium quaestionum, quibus ex praefati Sancti Doctoris libris sa-

A

tisfieri

DE AVTORIT.

tisfieri reperiam, ante nominatos sententiarum flores per modum responsionum ordine debito servato, contextui.

QVÆSTIO I.

VTRVM SVPER EPISCOPOS ALIQUIS
dandus sit superior in Ecclesia.

AD hanc quæstionem respondet Sanctus Thomas affirmatiue, quòd sic in multis locis, primò in 4. sententiarum di. 24. q. ultima, ubi rationem assignans ita loquitur. Vbicunque sunt multa ordinata in unum; oportet esse aliquod uniuersale regimen super particularia regitua, quia in omnibus uirtutibus & artibus, (ut dicitur in primo Ethic.) est ordo secundum ordinem finis, bonum autem commune est diuinius quàm bonum speciale, & ideo supra potestatem regitiuam quæ cõmunicat bonum speciale, oportet esse potestatem regitiuam uniuersalem, respectu boni communis, alias non potest esse colligatio ad unum. Et ideo cum ecclesia sit unum corpus, oportet si ista unitas debeat seruari, quod sit aliqua potestas regitiua respectu totius ecclesiæ, supra potestatem episcopalem, qua unaquæque specialis potestas ecclesiæ regitur. Et hæc est potestas papæ, & ad argumentum quo sic arguitur in oppositum, quòd omnes Episcopi, sunt Apostolorum successores, licet potestas quæ est data uni Apostolorum scilicet Petro, Matth. 16. etiam data est omnibus Apostolis Io. 20. Igitur omnes Episcopi sunt pares & unus non est super alterum. Respondet Sanctus Thomas in eodem loco sic, quòd quauis omnibus Apostolis data sit communiter potestas ligandi & soluendi, tamen in hac potestate, ut ordo aliquis significaretur, primo soli Petro data est, ut ostendatur quòd ab eo debet ista potestas descendere, propter quod etiam ei dixit singulariter. Cõfirma fratres tuos, & pascue oues meas. i. loco mei, ut dicit Christostomus, Præpositus & caput es fratrum, ut ipsi te in loco meo assumant, ubique terrarum te in throno tuo sedentem prædicent, & confirmet. Cæterum, secundò ad eandem quæstionem inducit idem Doctor Sanctus plures rationes contra gentiles cap. 76. ubi ita ait; Manifestum est autem quòd quauis populi per diuersas dioceses & ciuitates distinguantur, tamen sicut est una ecclesia, ita oportet esse unum populum Christianum. sicut igitur in uno speciali populo Christi requiritur unus Episcopus, qui

qui sit totius populi caput . Ita in toto populo Christiano requiritur quòd sit unum totius ecclesiæ caput . Item ad unitatem ecclesiæ requiritur quòd omnes fideles in fide conueniant , Circa ea uerò quæ fidei sunt , conuenit quæstiones mouere . per diuersitatem autem sententiarum diuideretur ecclesia , nisi in unitate per unius sententiam conseruaretur . Exigitur igitur ad unitatem ecclesiæ conseruandam , q̃ sit unus qui toti ecclesiæ præsit , Manifestum est autem , quòd Christus ecclesiæ non defuit in necessarijs quam dilexit , pro qua sanguinem suum fudit , Cùm & de synagoga dicatur per dominũ , Quid ultra debui facere & nõ feci uineæ meæ Isa. 4. Nõ est ergo dubitandũ , quia ex ordinatione Christi , unus toti ecclesiæ præsit , Adhuc nulli dubiũ debet esse , quia ecclesiæ regimen sit optimè ordinatum , utpote per eum dispositum per quem Reges regnant , & legum conditores iusta diffiniunt , Opportunum autem regimen multitudinis est , q̃ regatur per unum , quod patet ex fine regiminis , quod est pax , pax enim & unitas subditorum est finis regentis . unitatis autem causa congruentior est unus quàm multi , Manifestum est ergo regimen ecclesiæ sic esse dispositum ; ut unus toti ecclesiæ præsit . Amplius , ecclesia militans a triumphanti ecclesia per similitudinem deriuatur , unde & Io. in Apoc. uidi Ierusalem descendente de cœlo & Moysi dictum est , quòd faceret omnia secundũ exemplar quod ei in monte monstratum est , In triumphanti autem ecclesia unus præsidet in toto uniuerso scilicet Deus , dicitur enim Apoc. 21. Et ipsi populus eius erunt , & ipse cum eis erit eorum Deus , Ergo & in ecclesia militante , unus est qui præsidet uniuersis . Hinc est , q̃ Ioel. 1. dicitur , Congregabuntur filij Iuda & filij Israel , pariter & ponent sibi caput unum , & Dominus dicit Io. 10 . Et fiet unũ ouile & unus pascor . si quis dicat quod unus pastor , & unum caput est Christus , qui est unus & unius ecclesiæ sponsus , non sufficienter respondet , Manifestum est enim q̃ omnia ecclesiastica sacramenta ipse Christus perficit Ipse enim est qui baptizat , ipse enim est qui peccata dimittit , uel remittit , Ipse est uerus sacerdos , qui se obtulit in ara crucis , & cuius uirtute corpus eius quotidie in altari cõsecratur , & tamen quia corporaliter non cū omnibus fidelibus præsentialiter erat futurus , elegit ministros , per quos prædicta fidelibus dispensaret , ut supra dictum est . Eadem ratione ergo , quia presentiam corporalem erat ecclesiæ subtrahurus oportuit ut alicui cõmitteretur ,

D E A V T O R I T.

qui loco sui ecclesiæ gereret curā, Hinc est quod Petro dixit ante Ascensionem, Pasce oues meas Ioan. ultimo, & ante passionem, tu iterum conuersus confirma fratres tuos, Luc. 22. Et ei soli promisit, tibi dabo clauēs regni cœlorum, ut ostenderet potestatem clauium per eum ad alios deriuandam, ad conseruandā ecclesiæ unitatem, Hęc ille.

Q V A E S T I O II.

V T R V M P O N T I F E X R O M A N V S S I T P R I M V S

& maximus omnium Episcoporum.

A D hanc quæstionem respondet Sanctus Thomas affirmatiue, in tractatu contra errores græcorum in ca. 66. ubi titulus talis est, Quod Romanus Pontifex est primus & maximus inter omnes Episcopos, pro qua parte inducens auctoritates sic ait, quod enim Romanus Pontifex successor Petri & Christi Vicarius sit primus & maximus omnium episcoporum, Canon concilii expressè ostendit sic dicens. veneramur secundum scripturas & canonum diffinitiones, sanctissimum antiquæ Romæ Episcopum Primum esse & maximum omnium Episcoporum, Hoc autem consonat sacræ scripturæ, quæ inter Apostolos, Petro attribuit Primum locum tam in Euangeliiis, quàm in actibus Apostolorum, Vnde dicit Chrysostomus super Matth. super illud accesserunt discipuli ad Iesum dicentes. Quis maior est in regno cœlorum, quoddam humanum scandalum cõceperunt, quod est in se iam occultare non poterant, & tumorem cordis non sustinebant in eo quod uiderant Petrum sibi præferri; & præhonorari.

Q V A E S T I O III.

V T R V M R O M A N V S P O N T I F E X E X I S T A T

ceteris Patriarchis Prælati.

A D hoc respondet Sanctus Thomas in tractatu predicto in ca. 71. ubi ita dicit. Patet etiam quod ipse Patriarchis Prælati existat ex hoc, quod Cirillus dicit. quod ipsius scilicet Apostolici throni Romanorum Pontificum, solus est reprehendere, corrigere, statuere, disponere, soluere, & loco ipsius ligare qui ipsum ædificauit, Et Chrysostomus super actus Apostolorum dicit, quod Petrus est veterum Sanctissimus beati Apostoli.

Apostolici chori, Pastor bonus. & hoc etiam patet ex auctoritate domini dicentis Luc. 22. Tu aliquando conuersus; confirma fratres tuos.

Q V A E S T I O I I I I.

VTRVM PAPA IN TOTAM ECCLESIAM CHRISTI
vniversalem Prelationem habeat.

A D questionem respondet Sanctus Thomas affirmatiue in prefato tractatu contra errores Græcorum in ca. 67. Vbi ita dicit, quod predictus Christi Vicarius, in totam Ecclesiam Christi vniversalem prelacionem obtineat, legitur enim in Calcedonen. concilio, quod tota Synodus acclamauit Leoni Papæ, Leo Sanctissimus Apostolicus, & ycumenilitos. i. vniversalis Patriarcha, per multos annos uiuat. Et Chrysostomus super Mat. dicit, filius, quæ patris est, & ipse filij potestatem Petro vniversaliter concessit, ubique terrarum & homini mortali omnium quæ in cælo sunt dedit auctoritatem dando eadem clauis ad hoc, ut ecclesiam ubique terrarum amplificet & super Io. in Omel. 54. Iacobum localiter in loco determinat, Petrum autem totius orbis ordinat Magistrum & doctorem, Idem super actus Apostolorum Petrus a filio quæ filij est accepit potestatem super omnes, non ut Moyses in gente una, sed in uniuerso orbe: hoc etiam trahitur ex auctoritate sacre scripturæ, Nam Petro distinctè oues suas commisit Christus dicens, Io. ultimò, Pascce oues meas & Io. 1. c. vt sit vnum ouile & unus pastor.

Q V A E S T I O V.

VTRVM ERROR SIT DICERE ROMANÆ ECCLESIE
Pontificem non habere vniversalis ecclesiæ Primatum.

RESPONDET Sanctus Thomas affirmatiue in antedicto tractatu contra errores Græcorum in ca. 66. Vbi sic dicit Similis autem error est dicentium Christi Vicarium Romanæ Ecclesiæ Pontificem, non habere vniversalis Ecclesiæ primatum, error idicentium, Spiritum sanctum a Filio non procedere. Ipse enim Christi Dei filius suam Ecclesiam consecrat, & sibi con-
signat

DE AVTORITY.

signat Spiritu Sancto, quasi suo caractere & sigillo, ut ex sup-
positis auctoritatibus manifestè habetur, & similiter Christi vica-
rius suo primatu & providentia, uniuersam Ecclesiā tanquā fi-
delis minister Christo subiectam conseruat; & ad illud quod di-
citur di. 99. in ca. nullus, Nullus Patriarcharum Vniuersitatis
uocabulo nunquā utatur, & in ca. sequenti. Vbi Gregorius
prohibet se uniuersalem uocari, Respondens sanctus Thomas in
tractatu contra impugnantes religionem sic dicit. Qui autem
Papa Vniuersalem Pontificem se prohibet nominari, non hoc
ideo est quod non habeat auctoritatem immediatam & ple-
nam in qualicunque Ecclesia, sed quia non præsicitur cuilibet
particulari ecclesiæ ut proprius & specialis illius Ecclesiæ rector,
sic enim cessarent omnium aliorum pontificum potestates, &
hoc capitulum inductum pro ratione inducit.

Q V A E S T I O VI.

VTRVM PAPA SIT SUPERIOR IN TOTA ECCLESIA.

RESPONDET Sanctus Thomas affirmatiuè, Patet primo ex
iam dictis, sed secundò hoc idem asserere uidetur in 4. di. 15. Vbi
querens an omnes teneantur ad ieiunium, Argumentando in 3.
argumento dict sic, secundum Bernardum in libro de dispensa-
tione & præcepto, In præcepto superioris, non potest dispen-
sare inferior. Sed quælibet singularem personarum est inferior
quàm ecclesia quæ ieiunium sub præcepto statuit, nisi forte ille
qui est caput totius ecclesiæ uel loco capitis scilicet Papa, ergo
sequitur quod nullus potest dispensare.

Q V A E S T I O VII.

VTRVM PAPA SIT CAPUT VNIVER-
SALIS ECCLESIAE.

RESPONDET affirmatiue sanctus Thomas in multis lo-
cis, sed potissimè in tertia parte q. 5. articulo 6. ubi querens utrū
sit proprium Christo esse caput ecclesiæ, ita dicit, Quod caput
in alia membra dupliciter influit, uno quodam intrinseco fluxu,
prout uirtus motiua & sensitiua à capite deriuatur ad cetera mē-
bra, Alio secundum quandam gubernationem, prout scilicet
secundum

secundum uisum & alios sensus, qui in capite radican-
tur homo in exterioribus actibus, Interior autem influxus gra-
tiæ nō est ab aliquo nisi à solo Christo, cuius humanitas ex hoc
q̃ est diuinitati coniuncta habet uirtutem iustificandi. sed influ-
xus in membra ecclesiæ quantū ad exteriorem gubernationem,
potest aliis committere. Et secundum hoc, alii possunt dici ca-
pita ecclesiæ secundum illud Amos vi. optima res capita popu-
lorum, differenter tamen à Christo, Primò quidem quantum
ad hoc, quòd Christus est caput omnium eorum qui ad ecclesiā
pertinent, secundum omnem locum, & tempus, & statū, Alii
autem homines dicuntur capita secundum specialia loca, sicut
Episcopi suarum ecclesiarum, uel etiam secundum debitum tem-
pus sicut Papa est caput totius ecclesiæ scilicet tempore sui pon-
tificatus, & secundum debitum statū prout scilicet sunt in statu
uiatoris, Alio secundum q̃ Christus est caput ecclesiæ propria
uirtute, Alii uerò dicuntur capita secundum quòd gerunt uicē
Christi secundum illud 2. ad Cor. 11. Nam & ego quod donauī,
siquid donauī propter uos in persona Christi. Et secūde ad Co-
rin. 5. pro Christo legatione fungimur. tanquā Deo exortan-
te per nos.

Q V A E S T I O VIII.

VTRVM PAPA SIT CAPVT FIDELIVM TANTVM VIATORVM.

RESPONDET Sanctus Thomas affirmatiuē, in responsio-
ne data ad ante proximam quæstionem, dicens, quòd Papa est
caput totius ecclesiæ, scilicet tempore sui pontificatus, sed se-
cūdum determinatum statū, prout scilicet sunt in statu uiatoris.

Q V A E S T I O IX.

VTRVM PAPA SIT SPONSVS VNIVERSALIS ECCLESIAE.

RESPONDET sanctus Thomas affirmatiuē in tractatu con-
tra impugnantes religionem, ita dicens, quòd sponsus ecclesiæ
proprie loquendo, Christus est, de quo dicitur, qui habet spon-
sam sponsus est, ipse enim de ecclesia suo nomini filios generat,
alij autem dicuntur sponsi exterius cooperantes ad generatio-
nem spiritualium filiorum, quos tamen non sibi, sed Christo ge-
nerant, Qui quidem ministri in tantum sponsi dicuntur, inquan-
tum,

D E A V T O R I T.

tum uicem ueri sponsi obtinent, & ideo, Papa qui obtinet uicem sponsi in tota ecclesia, uniuersalis ecclesiæ, sponsus dicitur, est autem hic adiiciendum, ad intelligentiam illius dicti Bernardi ad Eugenium dicentis, quòd Papa non sit sponsus ecclesiæ, sed paranymphus & amicus sponsi. Quod Sanctus Thomas ponit in 4 di. 38. Dicit enim sic, quòd episcopus in cura ecclesiæ sibi commissæ uirgines desponsat non sibi, sed Christo quasi sponsi paranymphus & amicus.

Q V A E S T I O D E C I M A.

V T R U M C H R I S T U S E T P A P A D I C E N D I S I N T

duo sponsi uniuersalis ecclesiæ.

RESPONDET Sanctus Thomas in tractatu immediatè allegato sic dicens. Episcopus autem suæ diæcesis sponsus est, & presbyter suæ ecclesiæ, unde & diæcesis sponsus papa est, & episcopus parochiæ, nec tamen propter hoc sequitur quòd sint plures sponsi unius ecclesiæ, quia sacerdos suo ministerio cooperatur episcopo tanquam principali, & similiter episcopi papæ, & papa ipsi Christo. Vnde Christus & papa episcopus & sacerdos computantur quasi unus sponsus ecclesiæ.

Q V A E S T I O X I.

V T R U M P R E T E R P A P A M , Q U I E S T E T C A P V T E T

sponsus ac pastor uniuersalis ecclesiæ, sint necessarij alij

Prelati in ecclesiæ.

RESPONDET Sanctus Thomas affirmatiuè in 4. di. 19. ubi querens utrum sacerdos quilibet potest uti clauis in quemlibet, Ita præfatam quæstionem probat dicens, ea quæ circa singularia oportet operari, non eodem modo omnibus competant, unde sicut præter generalia medicinæ præcepta, oportet adhibere medicos, quibus præcepta uniuersalia medicinæ infirmis secundum quod debent aptentur, ita in quolibet principatu præter illum qui uniuersaliter præcepta legis tradit, oportet esse aliquos, quibus ea singulis secundum quod debent aptentur, & propter hoc etiam in cælesti ierarchia, qui indistincte præfunt, ponuntur

nuntur principatus, qui singulis prouintijs distribuuntur, & sub his Angeli, qui singulis hominibus in custodiam deputantur. Vnde & ita esse debet in prelatione ecclesiæ militantis, ut apud aliquem esset prelatio indistincta in omnes, & sub hoc essent aliqui, qui super diuersos distinctam potestatem acciperent.

Q V A E S T I O X I I .

V T R U M R E G E S E T P R I N C I P E S C H R I S T I A N I , E T
per consequens omnes fideles, teneantur esse subiecti
Romano Pontifici.

R E S P O N D E T Sanctus Thomas affirmatiuè in tractatu suo de Rege & Regno ad Regem Cipri, ubi in 3. c. loquens de Regno ecclesiæ & regali sacerdotio, ita ait, Huius Regni ministeriū, ut a terrenis spiritualia essent discreta, non terrenis Regibus, sed sacerdotibus est commissum, & precipue summo sacerdoti Christi Vicario Romano Pontifici, cui omnes christianos Reges oportet esse subiectos sicut ipsi D. Iesu Christo. Sic enim ut dictū est, ei ad quem pertinet ultimi finis directio subijci debent illi, ad quos pertinet cura antecedentium finium, & etiam imperio dirigi, quia & sacerdotium & totus diuinorum cultus erat propter temporalia conquirenda, quæ omnia ordinantur ad multitudinis bonum commune, cuius regi cura incumbit conuenienter, sacerdotes gentilium regibus subdebantur, sed etiam in ueteri lege promittebantur bona temporalia siue terrena, non a demonibus, sed a bono Deo, religioso populo exhibenda. Vnde etiam in ueteri lege sacerdotes leguntur regibus fuisse subiecti, sed in noua lege est sacerdotium alterius, per quod homines traducuntur, ad bona cœlestia, vnde in lege Christi, Reges dicuntur esse sacerdotibus subiecti, unde mirabiliter ex diuina sapientia factum est, ut romana urbs, quam Deus prouiderat christiani sacerdotij principaliter sedem futuram, & eius ciuitatis rectores, sacerdotibus subderentur.

Q V A E S T I O X I I I .

A N S I T D E N E C E S S I T A T E S A L V T I S S V B E S S E R O M A N O P O N T I F I C I .

R E S P O N D E T Sanctus Thomas affirmatiuè in libro cō-

DE AVTORIT.

tra errores grecorum c. 71. ubi sic ait , ostenditur etiam quòd subesse Romano Pontifici sit de necessitate salutis . dicit enim Ciril. in lib. canonic. Itaq; fratres mei, si Christum imitatur & ipsius oues uocem audiamus manentis in ecclesia Petri , non inflemur uento superbix , ne forte tortuosus serpens propter nostram contentionem uos eiciat, ut olim Eua de Paradiso , & Maximus in epistola orientalibus directa dicit. Coadiuuatam & fundatam super petram confessionis Petri, dicimus uniuersalem Ecclesiam secundum diffinitionem saluatoris , in qua necessario salutis animarumstrarum est manere, & ei est obedire suam seruantis fidem & confessionem.

Q V A E S T I O X I I I I.

VTRVM SIT HAERETICVM DICERE, NON EST OBE-
diendum statutis papalibus.

RESPOND ET Sanctus Thomas affirmatiuè in libro contra impugnantes religionem sic dicens. Dicitur in decretis di. 22. c. omnes qui romanæ ecclesiæ, ab ipso summo omnium ecclesiarum capite traditum auferre cogatur, proculdubio in heresim labitur & infra, fidem quippe uiolat , qui aduersus illam agit quæ est fidei mater , Hoc autem priuilegium Christus romanæ ecclesiæ contulit , ut omnes ei sicut Christo obediunt . Vnde dicit Ciriillus Alexandrinus episcopus in libro secundo thesaurorum , ut membra maneamus in capite nostro apostolico throno Romanorum Pontificum , à quo nostrum est quid credere , & quid tenere debeamus , ipsum uenerantes, ipsum rogantes præ omnibus , quoniam ipsius solum est reprehendere, corrigere, statuere , soluere & loco illius ligare, qui ipsum edificauit , & nulli alij quod suum est planum , sed ipsi soli dedit, cui omnes ut uere domino caput inclinant , & Primates mundi tanquam ipsi Domino Iesu obediunt . Vnde patet, quòd quicumq; dicit non esse obediendum in his quæ per Papam statuuntur, in heresim labitur , item ad idem est in tractatu contra gentiles lib. 4. c. 76. ubi post assignatas rationes pro prima conclusione superius inductas , concludens ita dicit, Per hoc excluditur quorundam error presumptuosus , qui se subducere nituntur ab obedientia & subiectione Petri , successorem eius Romanum Pontificem uniuersalis ecclesiæ pastorem non recognoscentes.

Quæstio

Q V A E S T I O X V.

VTRVM NON OBEDIENTES ROMANO PONTIFICI
sint *scismatici*.

RESPONDET Sanctus Thomas affirmatiuè in 4. sententiarum di. 14. ubi supra. ubi post rationes probantes quòd necessarium sit dare unam potestatem regitiuam respectu totius ecclesie, supra potestatem episcopalem, cui inest potestas Papæ, dicit sic, et ideo illi qui hanc potestatem negant, dicuntur *scismatici*, quasi diuisiones ecclesiasticæ unitatis, cæterum, hoc idè in secunda secundæ. q. 39. art. primo repetit ita dicens. sicut dicit Ysidorus in libro Ethimo. nomen *scismatici* a scissura animorum uocatum est, scissio autem unitati opponitur, sicut enim in rebus id quod est per accidens, non constituit speciem, ita etiam nec in rebus moralibus, in quibus id quod est intentum per se est, quod autem sequitur preter intentionem est quasi per accidens, & ideo peccatum *scismatici* proprie est spirituale peccatum, ex eo quòd intendit se ab unitate separare, quam charitas facit, quæ non solum alteram personam alteri unit spirituali uinculo, sed etiam totam ecclesiam in unitate spiritus. et ideo *scismatici* dicuntur illi, qui propria sponte & intentione se ab unitate ecclesie separant, quæ est unitas principalis. Nam unitas particularis aliquorum ad inuicem ordinatur ad unitatem ecclesie, sicut compositio singulorum membrorum, in corpore naturali, ordinatur ad totius corporis unitatem. Ecclesie autem unitas in duobus attenditur, scilicet in connexionione membrorum ad inuicem seu cõicatione. Et iterum in ordinatione membrorum omnium ecclesie ad unum caput, secundum illud Col. ij. Inflatus sensu carnis sue, & non tenens caput, ex quo totum corpus per nexus & connexiones subministratum & constitutum, crescit in augmentum Dei, hoc autè caput est ipse Christus, cuius uicè in ecclesia gerit summus Põtifex, & ideo *scismatici* dicunt q. subesse renuunt summo Põtifexi, & q. mēbris ecclesie ei subiectis cõicare recusant.

Q V A E S T I O X VI.

VTRVM SIT MAGIS OBEDIENDVM PAPAE QVAM
alteri cuiunque potestati inferiori.

RESPONDET Sanctus Thomas affirmatiue in secundo sen

D E A V T O R I T.

ten. quest. ultima in expositione, literæ, Vbi querens utrum magis obediendum sit maiori potestati quam minori, sic dicit, quod potestas superior & inferior dupliciter se habere possunt. Aut ita quod inferior potestas ex toto oriatur a superiori, & tunc uirtus tota inferioris fundatur super uirtutem superioris, Et ideo simpliciter est magis obediendum in omnibus potestati superiori quam inferiori, sicut etiam in naturalibus, causa prima plus influit super causatum causæ secundæ, quam ipsa causa secunda, ut in libro de causis dicitur, & sicut se habet potestas Dei ad omnem creatā potestatem, & sicut etiam se habet potestas Imperatoris ad potestatem præconsulis, sic etiam se habet potestas Papæ ad omnem potestatem in Ecclesia, quia ab ipso Papa gradus dignitatum diuersi in ecclesia disponuntur & ordinantur, unde eius potestas est quoddam ecclesiæ fundamentum, ut Math. 16. Et ita in omnibus magis tenemur obedientie Papæ, quam episcopis uel etiam Archiepiscopis, uel etiam Monachus Abbati, absque ulla distinctione, Possunt iterum potestas superior & inferior ita se habere quod ambæ ordinantur ex una quadam suprema potestate quæ unam alteri subiicit, secundum quod uult, & tunc una non est superior altera nisi in illis, in quibus una supponitur alteri a suprema potestate, & in illis tantum est magis obediendum superiori quam inferiori, Et hoc modo se habet potestas Episcopi & Archiepiscopi descendentes a potestate papæ.

Q V A E S T I O XVII.

VTRVM PAPA POSSIT COGERE PRÆCEPTO
suo aliquem ad substinendum episcopatum.

RESPONDET Sanctus Thomas in 4. senten. in fi. di. 28. Vbi sic ait, Quidam dicunt quod papa non potest præcipere alicui quod accipiat episcopatum, quia consensus debet esse liber, sed hoc posito, periret ecclesiasticus ordo, Nisi enim aliquis posset cogi ad suscipiendum regimen ecclesiæ, conseruari non posset, cum quandoq; illi qui sunt idonei, onus hoc nolunt suscipere, nisi coacti. Hæc illæ.

Q V A E S T I O XVIII.

VTRVM QUI FACIT CONTRA CONSTITUTIONEM
papæ per ignorantiam, peccet.

RESPONDET Sanctus Thomas primo. q. 19. quod quandoque

doque sic, secundum quòd ignorantia est peccatum, pro quo notatur quòd ignorantia quæ est causa actus, causat in uoluntarium, Vnde semper excusat, nisi ipsa ignorantia sit peccatum, Est autem ignorantia peccatum quando ignorat quis quod potest scire & tenetur, Constitutiones Papæ modo suo quisque tenetur scire, si ergo aliquis non sciat per negligentiam non excusatur a culpa, si contra cõstitutiones agat, Si uerò aliquis habeat sufficiens impedimentum propter quod scire non poterit, puta si fuerit in carcere uel in terris alienis uel extraneis, ad quas constitutio non peruenit uel tempore, uel aliquid simile, tunc ignorantia excusat ut non peccet contra dispositionem papæ faciens, Hæc ille.

Q V A E S T I O XIX.

VIRVM ROMANVS PONTIFEX SVCCEDAT BEATO
Petro in ea perfectione potestatis et dignitate Vicariatus Christi, qua ipse Beatus Petrus Christo fuit in ecclesia sublimatus.

AD hanc questionem Respondet affirmatiuè Sanctus Thomas. Primò in li.4. contra gentiles c.76. Vbi post sermonem de institutione, qua beatus Petrus a Christo caput & pastor uniuersalis ecclesiæ institutus est ita loquitur, Non potest dici quòd & si Christus Petro hæc dignitatem dederit, tamen ad alios non deriuatur, Manifestum est enim quòd Christus ecclesiam sic instituit, ut etiam usq; ad finem seculi sit duratura, secundum illud Isaia, Super solium David & super Regnum eius sedebit, ut confirmet illud, & corroboret. in iudicio & iustitia ammodo. & usque in sempiternum, Manifestum est ergo, quòd illos qui tunc erant, in ministerio constituit, ut eorum potestas deriuaretur ad posteros pro utilitate ecclesiæ, usque ad finem seculi, presertim cum ipse dicat Math. ultimo, Ecce ego uobiscum sum usq; ad consummationem seculi, Per hoc autem excluditur quorundam error presumptuosus, qui se subducere nituntur ab obedientia & subiectione Petri, successorem eius Romanum Pontificem uniuersalis ecclesiæ pastorem non recognoscentes, Hæc ille, Ceterum hanc conclusionem determinat ipse Sanctus Thomas in tractatu

D E A V T O R I T.

Statu contra errores græcorum, ubi in c. 69. ita loquitur, ostēditur etiam quòd Petrus sit Christi Vicarius, & Romanus Pontifex sit successor in eadem potestate, ei à Christo collata. Dicit enim canon concilij Calcedon. Siquis Episcopus prædicatur in famis, liberam habeat sententiam appellandi ad Beatissimū Episcopum antiquæ Romæ, quem habemus petram refugij, & ipsi soli libera potestate loco Dei sit ius discernēdi episcopi infamiā, secundum claves sibi à domino datas, Et infra, & omnia diffinita ab eo teneātur, tanquā Vicario apostolici throni. Item Cyrillus Ierosolimitan. Patriarcha dicit ex persona Christi loquēs. Tu cum sine & etiam sine fine cum omnibus quos loco tui pœnā plenē, & perfectē sacramento & auctoritate cum eis ero, sicut sum & tecum, & Cyrillus Alexan. episcopus in Thesauro sic dicit, q̃ Apostoli in Euangelis, & in Epistolis affirmauerunt, in omni doctrina Petrum esse loco Domini, eidem dantes locum in omni Concilio, & synagoga, in omni electione, & affirmatione. Et infra. Cui Sancto Petro omnes iure diuino caput inclinant, & Primates mundi tanquā ipsi Domino IESV CHRISTO obediunt, & Christus dicit ex persona filii loquens, Pasce oues meas, idest, loco mei, præpositus esto fratrum.

Q V A E S T I O XX.

VTRVM PAPA IN ECCLESIA HABEAT
plenitudinem potestatis.

Ad hanc quæstionem Respondet Sanctus Thomas affirmative in tractatu contra errores græcorum in cap. 68. ubi sic dicit Habete etiam ex prædictorum doctorum auctoritatibus q̃ Romanus Pontifex habeat in ecclesia plenitudinem potestatis, Dicit Cyrillus patriarcha Alexan. in lib. Thesaurorum. sicut Christus accepit à patre duplex sceptrum, ecclesię gentium & Israel egrediens super omnem principatū & potestatem, & super omne quodcunque est, ut ei genua cuncta curuentur plenissimā potestatem, sic & Petro & eius successoribus plenissimē commisit, & infra, nulli alii quā Petro, Christus quod suum est, plenum, sed ipsi soli dedit, & infra, pedes Christi humanitas est, ipse homo cui tota trinitas dedit potestatem quam unus trium assumpsit, & in uirtute personæ trāsuexit ad patrem super omnem
pote-

potestatem & principatum, ut adorent eum omnes Angeli Dei, quem totum dimisit per sacramentum & potestatem Petro & ecclesiæ eius, Et Chrysostomus ad consulta uulgatorum ex persona Christi loquens dicit. Te interrogo ut me diligas, quia ter me trepidus & timidus negasti, Nunc autem reductus, ne credant te fratres gratiam, & clauum auctoritatem amisisse, quia amas me coram ipsis. tibi iam confirmo quod meum est plenum, hoc etiam trahitur ex auctoritate sacræ scripturæ. Nam Dominus Matth. 16. uniuersaliter Petro dixit, Quodcumq; solueris super terram erit solutum & in cælis.

Q V A E S T I O X X I.

VTRVM ERRENT CONTRA VNITATEM ECCLESIAE
*qui Romanum Pontificem negant plenam habere
 in ecclesia potestatem.*

RESPONDET sanctus Thomas affirmatiuè in tractatu præ nominato contra errores græcorum in cap. 73. ita dicens. sicut autem prædicti errantes contra unitatem corporis mystici Romani Pontificis potestatem plenariam abnegantes, sic contra puritatem sacramenti corporis Christi delinquant dicentes, ex azimo pane corpus Christi consecrari non posse.

Q V A E S T I O X X I I.

VTRVM PAPA HABEAT PLENITVDINEM PONTIFICALIS
potestatis sicut Rex in Regno.

RESPONDET Sanctus Thomas affirmatiuè in 4. Sententiarum di. 29. ubi querens utrum Episcopus possit indulgentias facere dicit sic. Papa habet plenitudinem pontificalis potestatis quasi Rex in Regno, sed Episcopi assumuntur, in partem sollicitudinis quasi Iudices singulis Ciuitatibus Præpositi, propter quod etiam solos eos in suis literis fratres uocat, reliquos autem filios, Non etiam bene, quod idem Doctor in eadem distinctione articulo primo, q. 1. dicit, quod in Regno tota potestatis plenitudo residet penes Regem, in Aristoteli autem apud eum non residet plenitudo potestatis, sed apud omnes.

questio

DE AVTORITY.

QVÆSTIO XXIII.

VTRVM A PAPA DERIVETVR POTESTAS IN ALIIS PRAELATIS.

AD hanc quæstionem respondet sanctus Thomas in locis superius denotatis, primo in 4. contra Gentes, per Regnum cœlorum, ut ostenderetur potestas clauium per eum ad alios deriuanda, ad conseruandam ecclesiæ unitatem, Item hoc idem dicit in 4. sententiarum dist. 24. & ult. sub his uerbis. Quàmuis omnibus apostolis data sit communiter potestas, uel autoritas ligandi, & soluendi, tamen in hac parte, ut ordo aliquis significaretur, primo soli Petro data est, ut ostendatur quòd ab eo debeat ista potestas descendere, Cæterum, hanc conclusionem plenius declarat in fine ultimæ distinctionis secundi sententiarum, ubi sicut allegatum est in responsione. 16. quæstionis, sic ait. potestas superior, & inferior dupliciter se habere possunt, aut ita quòd inferior potestas ex toto hauriatur a superiori, Et tunc uirtus tota inferioris fundatur super uirtutem superioris, Et ideo simpliciter in omnibus est magis obediendum uirtuti superiori siue potestati, quàm inferiori, sicut etiam in naturalibus, causa prima plus influit in causatum quàm secunda, ut in lib. de causis dicitur. Et sic se habet potestas Imperatoris ad potestatem, Proconsulis. sic etiam se habet potestas Papæ ad omnem potestatem in ecclesia, quia ab ipso Papa, gradus dignitatum diuersi, in ecclesia disponuntur, & ordinantur, unde eius potestas est quodam ecclesiæ fundamentum ut patet Matth. 16.

QVÆSTIO XXIIII.

VTRVM PAPA POSSIT VTI CLAUE POTESTATIS

in quemlibet de ecclesia.

RESPONDET Sanctus Thomas affirmatiuè in 4. di. 19. q. prima articu. 3. Ita dicens, quòd usus clauium requirit aliquam prælationis potestatem, per quam ille in quem usus clauium cōmunicatur, efficitur materia propria illius actus, & ideo ille qui habet indistinctam potestatem super omnes, potest uti clauibus in quemlibet. Illi autem qui sub eo distinctas potestates acceperunt, non in quolibet uti possunt clauibus, sed in eos tantum,

tum, qui in sortem uenerunt nisi in necessitatis articulo, ubi sacramenta sunt deneganda. ceterum secundo idem declarat sanctus Thomas in tractatu contra impugnantes religionem D. nostri Iesu Christi, vnde dicit Dyonisius in 5. cap. ecclesiastica Ierarchia. pōtificū ordo primus quidē est secūdū deriuati ordinatio nē sublimissimus & nouissimus. Idē, etenim in ipsuni perficitur & impletur omnis Ierarchia dispositio. Vt enim omnem Ierarchiā uidemus a Iesu consumatam, sic unumquemq; in proprium dominum summum sacerdotem id est episcopum, vnde etiam primae Petri. 2. dicitur, Conuersi estis ad pastorem & episcopum animarum uestrarum. Hoc autem precipue uerum est de Romano Pōtifice, cui ut dicit Cirillus, omnes iure diuino caput inclināt, & tanquam ipsi Domino Iesu obediunt, Et Chrysostomus. dicit super illud Io. ultimo Pasce oues meas, id est loco mei, prepositus & caput esto fratrum.

Q V A E S T I O XXV.

VTRVM PAPA POTEST CONCEDERE ALICVI
*potestatem, quod quis utatur in eum potestate
 clauium in foro conscientiae.*

RESPONDET Sanctus Thomas affirmatiue in 4. in di. superius assignata. q. 9. Ita dicens. potestas clauium inquantū est de se, extendit se ad omnes, sed quod in aliquem sacerdos non posset uti potestate clauium, contingit ex hoc, quod eius potestas ad aliquem limitata est specialiter, unde qui limitauit potest extendere quantum uoluerit, & propter hoc, potest etiam sibi dare potestatem in se ipsum quāuis, ipse in seipsum uti clauis potestate non possit, quia potestas clauium, requirit pro materia aliquem subiectum, & ita alium, sibi ipsi autem aliquis subiectus esse non potest. Hæc ille.

Q V A E S T I O XXVI.

VTRVM PAPA POSSIT CONCEDERE POTESTATEM ALI
*cui ut utatur in eum in foro exteriori, uidelicet quod
 aliquis excommunicet eum.*

RESPONDET Sanctus Thomas negatiue in eodem loco
 C ita

D E A V T O R I T.

ita dicens, in solutione unius argumenti, Iudicium exterius est secundum homines; sed iudicium confessionis est quoad eum, apud quem aliquis redditur minor ex hoc quod peccat, non autem apud hominum prelationes, & ideo in exteriori iudicio sicut nullus de se ipso sententiam dare potest excommunicationis, ita nec alteri committere suam absolutionem, qua ipse uti non potest uel posset, vel dicendum quod absolutio in foro confessionis est principaliter potestatis clauium; & ex consequenti respicit iurisdictionem, sed excommunicatio respicit totaliter iurisdictionem. Quantum autem ad potestatem ordinis, omnes sunt æquales, non autem quantum ad iurisdictionem. Et ideo non est simile. Hæc ille

Q V A E S T I O XXVII.

V T R U M P A P A S I T P R O P R I U S S A C E R D O S D I C E N D U S aliquomodo cuiuslibet parrochie.

R E S P O N D E T sanctus Thomas affirmatiue in tractatu contra impugnantes religionem ita dicens, Ad id quod obijcitur, quod quilibet tenetur semel in anno confiteri proprio sacerdoti, dicendum quod proprius sacerdos non solum est sacerdos parochialis, sed etiam episcopus uel Papa, ad quos etiam plus pertinet cura eius, quam ad sacerdotem, ut multipliciter ostensum est, proprium enim non accipitur hic secundum quod accipitur contra comune, sed secundum quod diuiditur contra alienum, unde qui confessus est episcopo suo, uel alicui habenti uicem eius, confessus est proprio sacerdoti. Hæc ille.

Q V A E S T I O XXVIII.

V T R U M P A P A S I T I M M E D I A T U S P R A E L A T U S C V I U S libet fidelis.

R E S P O N D E T sanctus Thomas affirmatiue in 4. di. 17. q. 47. dicens, inconueniens esset quod duo equaliter super eandem plebem constituantur, sed quod duo, quorum unus est alio principalior super eandem plebem constituantur, non est inconueniens, & secundum hoc super eandem plebem immediate sunt & sacerdotes

dos parrochialis, & episcopus, & Papa; & quilibet horum potest committere ea quæ iurisdictionis sunt ad ipsum pertinentia alteri. Hæc ille. Item in eodem tractatu ait, Papa habet immediatam iurisdictionem in omnes christianos, quia Romana ecclesia nullis synodicis constitutionibus ceteris ecclesijs prelata est, sed elucidata uoce domini & Salvatoris sui primatum obtinuit, ut in decretis habetur di. 22. Quamuis. Hæc ille.

Q V A E S T I O XXIX.

UTRUM PAPA POSSIT COMMITTERE ALIQUIBUS

predicare & confessiones audire fidelium & uti potestate clauium irrequisitis proprijs sacerdotibus parrochialibus.

RESPONDET Sanctus Thomas affirmatiuè in. 4. di. 17. q. 47. Cuius inter alias, hæc una est ratio. Quicquid potest inferior potest & superior, sed ipse sacerdos parrochialis potest dare licentiam suo parrochiano quæ alteri confiteatur, ergo multo fortius hoc superior eius potest. in corpore uerò questionis ita dicit. Dicendum quod sacerdos aliquis potest dupliciter impediri ne alicuius confessionem audiat, unò propter defectum executionis ordinis, sicut excommunicati, & degradati & huiusmodi. Qui cunque autem habet interdictionem potest ea quæ sunt iurisdictionis committere, & ideo, si quis impediatur quod alterius confessionem audire non possit propter iurisdictionis defectum, potest sibi per quemcunque iurisdictionem habentem immediatam in illos committi, quod confessionem audiat & absoluat, siue per ipsum sacerdotem siue per episcopum, siue per papam. si autem propter executionis ordinis impedimentum, amouere potest. Demum secundo hanc questionem in tractatu contra iniquantes religionem manifestam facit, ac clarissimam ex consuetudine, quæ in romana ecclesia ab antiquissimis temporibus seruata est ita dicens. Post multas alias rationes, ad hoc facit consuetudo romanæ ecclesiæ, ad quam accedentes a penitentiarijs papæ ad quoscunque sacerdotes literas impetrans, ut eis confiteatur, item Legati papæ & eorum penitentiarii confessiones audiunt non petita licentia a presbyteris parrochialibus, & etiam auctoritate papæ ubique predicant, & ita patet, quod predicare & audi

DE AVTÖRIT:

re confessiones potest alijs committi sine licentia sacerdotum parochialium. Hæc ille.

Q V A E S T I O X X X.

VTRVM PRETER DVOS ORDINES INSTITVTOS A DEO
scilicet episcopatum & sacerdotum parochialium, posset Papa in
stituire tertium ordinem talium predicatorum, qui propria au
thoritate predicarent & confessiones audirent.

RESPONDET Sanctus Thomas affirmatiue in tractatu contra impugnantes religionem in insolutione unius argumenti ad uersariorum ita dicens, quod & si duo ordines tantum essent a domino instituti, qui possent predicare propria auctoritate, posset tamen ecclesia tertium instituere ordinem predicationis qui propria auctoritate predicarent, & precipue papa, qui habet plenitudinē potestatis in ecclesia sicut & in primitiua ecclesia fuerunt duo ordines sacri. scilicet presbyteri & Diaconi, & tamen postea ecclesia minores ordines sibi constituit, ut magister in sententijs dicit. Hæc ille.

Q V A E S T I O X X X I.

VTRVM PAPA POSSIT COMPELLERE COLLEGIA,
generalium studiorum ut ad eorum societatem religiosi
admittantur.

RESPONDET Sanctus Thomas affirmatiue in præfatio tractatu sic dicens in responsione ad vnum argumentum. Quod autem obijciunt, quod nullus possit cogi ad societatem inuitus ut lex dicit, patet quod intelligitur de priuata societate, quæ consensu duorum uel trium constituitur. Sed ad societatem publicā quæ non potest constitui nisi ex superioris auctoritate, aliquis compelli potest, sicut Princeps qui præest Reip. potest compellere ciues, ut in sua societate aliquem recipiant sicut collegium alicuius ecclesiæ cogitur ut aliquem recipiat in canonicum & fratrem. Vnde cum collegium studii generalis sit publica societas, ad eam potest aliquis induci auctoritate superioris cogente. & infra. unde nulli dubium esse debet scholares compelli posse auctoritate Apostolica, ut ad societatem studii religiosos admittant. Hæc ille.

Quæstio

QVAESTIO XXXII.

UTRUM AD PAPAM PERTINEAT MAXIME ORDINATIO
Studiorum, & uniuersitatum.

RESPONDET Sanctus Thomas in tractatu proximè nominato ubi ita dicit. Ad eum enim qui regit rem publicam pertinet ordinare de nutritionibus & ad inuentionibus iuuenù, in quibus exercere se debeant ut dicitur. x. Eth. & politica ut habetur 1. Ethicorum ordinat quas disciplinas debitum est esse in ciuibus, & quales unumquemq; adiscere & usquequo. Et sic patet quod ordinare de studio pertinet ad eum, qui preest reipublicæ, & precipue ad auctoritatem sedis apostolicæ qua vniuersalis ecclesia gubernatur, cui per generale studium prouidetur. Hæc illæ.

QVAESTIO XXXIII.

UTRUM PAPA HABEAT PLENITVDINEM POTESTATIS
dispensandi in actis dispensabilibus.

RESPONDET Sanctus Thomas in 4. affirmatiuè, dicēs dist. 38. q. 4. art. 2. Sic dicens, Plenitudo potestatis in dispensando residet penes summum pontificem. Alii autem de hac potestate participant, quantum eis concessum est, sed quia omnes ad unum concurrere non possunt per inferiores dispensationem recipere possunt. unde in uotis illis, quæ non de facili dispensationem recipiunt nec frequenter, sed raro sicut uotum religionis & alia huiusmodi uota perpetua, solus papa dispensare potest. In aliis autem temporalibus uotis sicut peregrinationis Ieiuniorum & huiusmodi possunt etiam episcopi dispensare, nisi aliquod horum sibi Papa reseruaret. Sicut dispensatio in uota terræ Sanctæ. Ad quod inter alia talem rationem adducit Sanctus Thomas ibidem. in corpori humano quidam actiones sunt, quæ solis principalibus membris conueniunt & quædam soli capiti. Sed in ecclesia uicem capitis tenet Papa & principalium uicem membrorum prelati maiores, ut episcopi, ergo aliquæ dispensationes sunt, quas solus Papa potest facere. Primo ad idem est in 2. secundæ. q. 83. art. ultimo. In responsione ultimi argumenti ubi sic dicit, quod quia summus Pontifex gerit plenarie uicem Christi in tota ecclesia, ipse habet plenitu-

DE A V T O R I T.

plenitudinem potestatis dispensandi in omnibus dispensabilibus uotis. Alii vero inferioribus prælatis coire dispensatio in uotis quæ communiter fuerit, & indigent frequenti dispensatione, ut habeant de facili homines ad quem recurrât, sicut sunt uota peregrinationum, & ieiuniorum, & aliorum huiusmodi, uota autem maiora ut puta peregrinationis terræ Sanctæ, & continentię reseruata sunt summo Pontifici.

Q V A E S T I O XXXIII.

VTRVM PAPA POSSIT DISPENSARE IN VOTO
continentię solemnizato per professionem religionis.

Q V A E S T I O XXXV.

VTRVM PAPA POSSIT FACERE QVOD ILLE QVI
est professus religionem, non sit religiosus.

AD HAS duas quæstiones Respondet Sanctus Thomas negatiue, In secunda secundæ q. 88. articulo 11. ubi narrata opinione dicentium, quomodo etiam prosequutus fuerat in 4. sententiarum dist. 38. q. in uoto solemnī continentię propter aliquam communem utilitatem ut puta propter pacificationem terrarum, ex aliquo matrimonio contrahendo, & hac opinione dimissa quia in oppositum eius militare uidetur decretalis illa, Cum ad monasterium abdicatio proprietatis similiter & custodia castitatis, a deo est annexa regula monachali, ut nec summus Pontifex possit indulgere. Dicit sic. Et ideo aliter dicendum uidetur, quod sicut supra dictum est, ut habetur Leuitici ultinio. Illud quod semel sanctificatum est domino, non potest in alios usus commutari. Non autem potest aliquis ecclesiæ Prælatus facere ut id, quod est sanctificatum sanctificationem amittat, etiam in rebus inanimatis, ut quod calix consecratus desinat esse consecratus si maneat integer. Vnde multo minus hoc potest facere prælatus aliquis, ut homo Deo consecratus, quamdiu uiuit, consecratus esse desistat, solemnitas autem uoti consistit in quadam consecratione seu benedictione uouentis, ut dictum est. Et ideo non potest fieri per aliquem prælatum, quod ille qui uotum solemnē emisit desistat ab eo, ad quod est consecratus,

cratus, Puta quòd ille qui est sacerdos non sit sacerdos, licet possit prælatus ob aliquam causam, exequutionem ordinis inhibere. Et simili modo, Papa non potest facere quòd ille qui est professus religionem, non sit religiosus, licet quidam iuristæ ignoranter contrarium dicant. Est ergo considerandum, utrum continentia sic censeatur annexa ei, a quo uotum solemnizatur quasi non ei essentialiter annexa, quia si non est ei essentialiter annexa, potest manere solennizatio consecrationis sine debito continentia, quod non potest contingere si censeatur annexum ei, a quo uotum solemnizatur. Non autem est essentialiter annexum debitum continentia ordini sacro, sed ex statuto ecclesiæ, Vnde uidetur, quòd per ecclesiam possit dispensari in uoto continentia, solemnizato per susceptionem ordinis, Est autem debitum continentia essentialiter statui religionis, per quæ homo abrenunciat seculo totaliter, dei seruitio mancipatus, quod non potest similiter stare cum matrimonio in quo manebit necessitas procreandæ vxoris, & prolis, & familia, & rerum quæ ad hoc requiruntur. Vnde Apostolus dicit primæ ad Corinth. septimo, Quòd qui est cum uxore, sollicitus est quæ sunt mundi, quomodo placeat vxori, & diuisus est. Vnde nomen monachi ab unitate sumitur per oppositum ad diuisionem prædictam. Et ideo in uoto solemnizato per professionem religionis, non potest per ecclesiam dispensari. Et rationem assignat decretalis, quia castitas est annexa monachali regulæ. Hæc ille.

Q V A E S T I O XXXVI.

VTRVM PAPA POSSIT DISPENSARE IN VOTO
continentia solemnizato per susceptionem sacri ordinis.

RESPONDET Sanctus Thomas affirmatiuè, sicut patet ex proximè dictis.

Q V A E S T I O XXXVII.

VTRVM PAPA POSSIT DISPENSARE IN VOTO
obedientia cum religioso simpliciter.

RESPONDET Sanctus Thomas secunda secundæ quæst. 186. articulo 8. In responsione ad 3. articulum ita dicens. Papa
in uo

D E A V T O R I T.

in uoto obedientiæ non potest sic cum religioso dispensare, ut nulli prælato teneatur obedire in his, quæ ad perfectionem uitæ pertinent, Non enim potest ipsum a sua obedientia eximere, potest tamen eximere ab inferioris prælati subiectione, quod non est in uoto continentiæ dispensare.

Q V A E S T I O XXXVIII.

VTRVM MAXIME PERTINEAT AD PAPAM DISPENSATIO
uel commutatio, aut relaxatio iuramentorum.

R E S P O N D E T sanctus Thomas affirmatiuè in secunda secundæ q. 89. articulo. 9. ubi in solutione. 3. argumenti sic ait. Notandum quod quandoque illud quod cadit sub iuramento promissorio, manifeste repugnans iustitiæ, uel quia est peccatum, si cut cum aliquis iurat se intraturum religionem, & tale iuramentum dispensatione non indiget. Sed in primo casu tenetur aliquis iuramentum tale non seruare ut supra dictum est, quandoque uero aliquid sub iuramento promittitur de quo dubium utrū sit licitum, uel illicitum, proficuum uel nocuum, uel simpliciter aut in aliquo casu, Et in hoc potest quilibet Episcopus dispensare, quandoque uerò sub iuramento promittitur aliquid quod est manifestè licitum, & utile & in tali iuramento non uidetur habere locum dispensatio, uel commutatio nisi aliquid melius faciendum occurrat ad communem utilitatem, quod maxime uidetur pertinere ad potestatem Papæ, uel qui habet curam uniuersalis ecclesiæ, uel etiam absoluta relaxatio, quod etiam ad Papam pertinet in omnibus generaliter quæ in dispensationem rerū ecclesiasticarū pertinet, super quibus habet plenitudinem potestatis. sicut & ad unumquodque pertinet irritare iuramentū quod sibi a subditis factum est circa ea, quæ eius potestati subdūtur, sicut pater potest irritare iuramentum puellæ, & uir uxoris ut dicitur numeri 30. sicut & supra de uoto dictum est.

Q V A E S T I O XXXIX.

VTRVM SOLIVS AVCTORITATE PAPAE POSSIT
Episcopus curam Episcopalem deferere.

R E S P O N D E T Sanctus Thomas affirmatiuè in secunda secundæ. q. 85. articulo. 4. ubi ita dicit, post multa oportet quod si-
curam

curam regiminis assumit aliquis per providentiam superioris prelati, ita etiam per eius auctoritatem ex causis prædictis deferat susceptam. Vnde extra de renunc. dicit Innocentius secundus, Si pennas habeas qui satagas in solitudinem auolare Ita tamen astrictæ sunt nexibus præceptorum, ut liberum non habeas absq; nostra permissione uolatum, Soli enim papæ licet dispensare in uoto perpetuo, quod quis se ad curam subditorum astringit Episcopatum suscipiens.

Q V A E S T I O X L.

V T R U M P O S S I T P A P A O S S I T D I S P E N S A R E I N
uotis perpetuis ad uacandum obsequijs.

R E S P O N D E T Sanctus Thomas affirmatiue in secunda secundæ q. 189. art. 7. Vbi querens utrum presbyteri curati possint licite religionem ingredi dicit sic, sicut dictum est, obligatio uoti perpetui prefertur omni alij obligatio, obligatio autem uoto perpetuo & solemni ad uacandum diuinis obsequijs competit propriè episcopis & religiosis, presbyteri autem & archidiaconi non obligantur uoto perpetuo & solemni ad curam animarum tenendam, sicut ad hoc obligantur episcopi. Vnde episcopi presulatum non possunt deferere quacunque occasione, absque auctoritate romani Pontificis, ut habetur extra de Re etoribus transuentibus ad religionem c. licet. Archidiaconi autem presbyteri curati possunt libere abrenunciare curam eis commissam episcopo, absque licentia papæ, qui solus potest in uotis perpetuis dispensare. Vnde manifestum est, & Archidiaconos & presbiteros. possa. ad religionem transire.

Q V A E S T I O X L I.

V T R U M P O S S I T P A P A C O M M I T T E R E S I M P L I C I
Sacerdoti quod confirmet siue conferat Sacra-
mentum confirmationis.

Q V A E S T I O X L I I.

V T R U M P A P A P O S S I T C O M M I T T E R E D I A C O N O
absolvere in foro penitentiali.

D

Quesitio

DE AVTORITY.

QVÆSTIO LXIII.

VTRVM PAPA POSSIT COMMITTERE SIMPLICI
Sacerdoti conferre ordinem Sacerdotij.

QVÆSTIO LXIII.

VTRVM PAPA POSSIT COMMITTERE SIMPLICI
Sacerdoti conferre ordines minores.

AD has quatuor questiones Respondet Sanctus Thomas similiter in 4. dist. 7. q. 15. Ad primam & ultimam affirmatiue, Ad duas medias negatiue, ubi sic formaliter dicit, quòd cum Episcopus non addet aliquid super sacerdotium per relationem ad corpus Domini uerum, sed solum per relationem ad corpus mysticum, Papa propter hoc quòd dicitur episcoporum summus nō dicitur habere plenitudinem potestatis per relationem ad corpus Domini ueri, sed solum per relationem ad corpus mysticum, quia gratia sacramentalis per quam gratia datur dependet ab operatione sacramentali super corpus Christi ueri. Et ideo solus sacerdos potest absoluerē in foro pœnitentiali & baptizare ex officio, & ideo dicendum quòd promouere ad illas perfectiones quæ non respiciunt corpus Christi ueri sed solum corpus mysticum, possunt a papa plenitudine pontificalis potestatis committi, qui habet actum suum supra corpus Christi ueri, Non autem Diacono uel alicui inferiori qui non habet perficere corpus dominicum sicut nec absoluerē in foro pœnitentiali. Non autem potest simplici sacerdoti committere promouere ad perfectionem quæ respicit aliquo modo corpus Domini ueri & ideo simplex sacerdos ex mandato papæ non potest conferre ordinationem sacerdotij, quia oportet quòd ordines sacri habeant actum supra corpus Domini ueri uel supra materiam eius. potest autem concedere simplici sacerdoti quòd conferat minores ordines, quia isti nullum actum habent supra corpus D. ueri uel supra materiam eius. Nec etiam supra corpus mysticum actum per quem gratia conferatur, sed habet ex officio quosdam actus sacerdotis secundarios & pręparatorios, & similiter potest concedere alicui sacerdoti quòd confirmet, quia confirmatio perficit

ficat eum in actu corporis mystici. Non autem habet aliquam relationem ad corpus Domini veri, Item ad idem est in 3. parte. q. 27. articulo undecimo. Ita dicit in responsione ad primum argumentum. Papa in ecclesiam habet plenitudinem potestatis ex quo potest quædam quæ sunt superiorum ordinum committere inferioribus quibuldam, sicut presbiteris concedi conferre minores ordines, quod pertinet ad potestatem episcopalem, Et ex plenitudine potestatis concessit beatus Gregorius papa quod simplices sacerdotes conferrent hoc sacramentum confirmationis. Hæc illæ.

Q V A E S T I O L X V .

V T R U M S O L V S P A P A P O S S I T D A R E
plenarias indulgentias.

R E S P O N D E T Sanctus Thomas affirmatiuè in 4. di. 19. q. 12. Quia Thesaurus ecclesiæ est communis toti ecclesiæ, sed illud quod est toti ecclesiæ plene non potest dispensari, nec per illum qui tibi ecclesiæ preest, cuiusmodi est papa, Pro cuius clariori intelligentia prosequitur sic, Papa habet plenitudinem pontificalis potestatis quasi Rex in Regno, Sed Episcopi assumuntur in partem solitudinis quasi iudices in singulis Ciuitatibus prepositi, propter quod etiam solos eos in suis literis fratres vocat, reliquos autem omnes uocat filios, Et ideo potestas facienda indulgentias plene residet in papa, quia potest facere prout uult causa tamen existente legitima, sed in episcopo est taxata secundum ordinationem papæ, & idcirco possunt facere secundum quod eis taxatum est, & non amplius. Hæc ille.

Q V A E S T I O X L V I .

V T R U M P A P A P O S S I T N O V O S A R T I C U L O S
*fidei aut editos remouere, aut noua sacramenta in
situere aut instituta remouere.*

R E S P O N D E T Sanctus Thomas negatiuè in di. 17. q. 4. sic dicens, quod ministri ecclesiæ instituuntur in ecclesia diuinitus fundata, & ideo institutio ecclesiæ presupponitur ad operationem
D 2 ministrari

DE A V T O R I T.

ministrari sicut opus creationis præsupponitur ad opus naturæ & quia ecclesia fundatur in fide & sacramentis, ideo ad ministros ecclesiæ nec novos articulos fidei aut æditos remouere, aut noua sacramenta instituere, aut instituta remouere pertinet, sed hoc est potestatis & excellentiæ quæ soli Christo debetur, qui est ecclesiæ fundamentum, & ideo sicut papa non potest dispensare ut sine baptismo quis saluetur ita quod nec saluaretur sine confessione secundum quod obligat ex ipsa in sacramento, sed potest dispensare in confessione secundum quod obligat de præcepto ecclesiæ ut possit aliquis diutius confessionem differre quod ab ecclesia institutum sit.

Q V A E S T I O X L V I I.

V T R V M A D P A P A M T E R M I N E T D E T E R M I N A R E
ea quæ sunt fidei.

R E S P O N D E T Sanctus Thomas affirmatiue in tractatu contra errores græcorum in c. vij. Ita dicens, ostenditur etiam quod ad ipsum Pontificem pertineat quæ sunt fidei determinare, dicit enim Cirillus Alexandrinus in lib. Thesau. ut membra maneamus in capite nostro apostolico throno Roman. Pontificum, a quo nostrum est credere, quid credere & quid tenere debeamus, & Maximus in epistola orientalibus directæ dicit. Omnes fratres orbis qui dominum sincere receperunt & ubique terrarum catholici ueram fidem confitentes in ecclesia Romanorum tanquam solem respiciunt, & ex ipso lumine catholicæ & apostolicæ fidei recipiunt, nec immerito, nam Petrus legitur primo perfectam esse confessus domino reuelante, cum dicit Matth. 16: Tu es Christus filius Dei uiui, unde & ei Christus dixit, ego pro te rogo Petre, ut non deficiat fides tua.

Q V A E S T I O X L V I I I.

V T R V M A D S V M M V M P O N T I F I C E M
pertineat symbolum ordinare.

R E S P O N D E T Sanctus Thomas affirmatiuè, In secunda secundæ q. prima articulo ultimo, sic arguens. Primo æditio symboli

Symboli facta est in synodo generali, sed huiusmodi synodus auctoritate solius summi Pontificis potest congregari, ut habetur in decreta. 14. distinct. ergo editio symboli pertinet ad auctoritatem summi Pontificis, Pro cuius ampliori intelligentia ulterius procedens ita dicit. Noua editio symboli necessaria est ad uitandos insurgentes errores. Ad illius ergo auctoritatem pertinet sententia litaliter determinare ea, quæ sunt fidei & ab omnibus inconcussa fide tenenda. Hoc autem pertinet ad auctoritatem summi Pontificis, ad quem maiores, & difficiliore, ecclesiæ quæstiones referuntur, ut dicitur in decreta. dist. 17. Vnde & Dominus, Luc. 22. Petro dicit quem summum Pontificem constituit. Ego pro te rogaui Petre ut non deficiat fides tua, & tu aliquando conuersus confirma fratres tuos, & huius ratio est, quia una fides debet esse totius ecclesiæ secundum illud primæ ad Cor. 1. Idipsum dicatis omnes, & non sint in uobis schismata, quod conseruari non potest nisi quæstio fidei de fide exorta terminaretur per eum qui toti ecclesiæ præest. Et sic eius sententia a tota ecclesia teneatur firmiter, & ideo ad solam auctoritatem summi Pontificis pertinet noua editio symboli, sicut & omnia alia quæ pertinent ad totam ecclesiam, ut congregare synodum generalem, & alia huiusmodi, Si argumentum sit in oppositum quod id quod est sub anathemate interdictum ab uniuersali ecclesia nõ subest sub potestate alicuius hois, sed noua symboli editio interdicta, est sub anathemate uniuersalis ecclesiæ auctoritate. dicitur enim in gestis primæ, ephesinæ synodi quod perlecto symbolo Nicenæ synodi, decreuit sancta synodus aliam fidem nulli licere proferre uel conscribere uel componere, præter diffinitam a sanctis patribus qui in Nicena synodo congregati sunt a spiritu sancto & etiã subditur anathematis pœna, & idem etiam reiteratur in gestis Calcedon. synodi. Ergo non uidetur quod pertineat ad auctoritatem summi Pontificis noua editio symboli, Respondet, idem S. Thomas q̃ prohibitio & sententia synodi se extendunt ad personas priuatas, quarum non est determinare de fide. Nõ enim per huius sententiæ synodi generalis ablata est potestas sequenti synodo nouam editionem symboli facere, non quidem aliam fidem continentem, sed eandem magis expositam, sic enim quælibet synodus obseruauit, ut sequens synodus aliquid exponeret supra id quod præcedens synodus exposuerat propter necessitatem alicuius hæresis insurgentis, unde pertinet ad summum Pontificem

DE AVTORIT.

tificem cuius autoritate synodus congregatur, & eius sententia confirmatur.

Q V A E S T I O X L I X.

VTRVM AVCTORITAS VNIVERSALIS ECCLESIAE
in determinatione fidei principaliter resideat in Papa.

RESPONDET Sanctus Thomas affirmatiuè in secunda secū
dx.q. 11. arti. 3. In solutione ad tertium argumentum. Ita dicēs
Postquā autem aliqua essent autoritate uniuerſalis ecclesiæ de
terminata, si quis tali determinationi pertinaciter repugnaret,
hæreticus censceretur, quæ quidem autoritas principaliter resi-
det in summo Pontifice. dicitur enim 14. q. 1. quotiens fidei ra-
tio uentilatur, arbitror omnes fratres nostros, & coepiscopos
non nisi ad Petrum j. sui nominis autoritatem recurrere debere,
qua cuius autoritatem, nec Hieronymus, nec Augustinus, nec
aliquis sanctorum suā sniam defendit, vnde dicit Hiero. Hæc est
fides Papa beatissime, quam in catholica discimus ecclesia in qua
si minus peritè aut parum cautè fortè aliquid positum est emē-
dari cupimus à te, qui Petri fidem & sedem tenes, si autem hæc
nostra confessio apostolatus tui iudicio approbatur uel com-
probatur quicūque nos inculpate uoluerit, se imperitum uel ma-
liuolum uel etiam non catholicum sed hæreticum comprobabit.

Q V A E S T I O L.

VTRVM PERTINEAT AD PAPAM SANCTORVM
canonizatio.

Q V A E S T I O L I.

VTRVM PAPPA IN DIFFINIENDO EA QVAE FIDEI
sunt, an in canonizatione sanctorum errare possit.

AD has duas questionēs respondet Sanctus Thomas ad pri-
mam affirmatiuè, & negatiuè ad secundam simul, in quolibetis,
quolibeto viii. articulo ultimo, ubi quærens, utrum omnes san-
cti canonizati per ecclesiam sint in gloria, uel aliqui eorum sint in
inferno,

infernò , Respondet sic dicens . Aliquid potest considerari possibile secundum se consideratum , quod relatum ad aliquid extrinsecum impossibile inuenitur , dico ergo , quòd iudicium eorum qui preunt ecclesiæ , errare in quibuscunq; , si personæ eorū considerentur tantum , possibile est , si uerò consideretur diuina prouidentia quæ ecclesiam suam spiritu sancto dirigit , ut non erret , sicut ipse promisit Io. 14. Quòd spiritus ueritatis doceret eos omni ueritatem , de necessariis ad salutem , certū est quòd iudicium ecclesiæ uniuersalis errare in his quæ ad fidem pertinet impossibile est : unde est magis sententiæ Papæ standum ad quæ pertinet determinare de fide , quam in iudicio proferet , quam quorumlibet sapientum hominum in scripturis oppinioni , cum Cayphas quamuis nequam , tamen quia Pontifex erat anni illius prophetauerit. Io. xi. In alijs uerò scientijs , quæ ad particularia facta pertinent , ut cum agitur de possessionibus , uel criminibus , uel huiusmodi , possibile est iudicium ecclesiæ errare , propter testes falsos . Canonizatio uerò sanctorum medium est inter hæc duo , quia tamen honor quem sanctis exhibemus quædā protestatio est fidei , qua sanctorum gloriam credimus , piè credendum est , quòd nec in his etiam iudicium ecclesiæ errare possit , & cum arguitur primo sic , quòd nullus potest esse certus ita de statu alicuius , sicut ipsemet , quia quæ sunt hominis , nemo nouit nisi spiritus hominis qui in ipso est , ut dicitur primæ ad Cor. 1. Sed homo non potest esse certus de se ipso , utrum sit in statu salutis , Eccle. 9. Nemo scit utrū sit dignus odio uel amore , ergo multo minus papa , & sic potest in canonizatione errare , Respondet quòd summus Pontifex cuius est canonizare sanctos , potest certificari de statu alicuius per inquisitionem uitæ & attestationem miraculorum , & precipuè per spiritus sancti instinctum , qui omnia scrutatur etiam profunda Dei , secundo arguitur scilicet de testimonio cum inquit per testes de uita & miraculis , ergo cum testimonium hominum sit fallibile , uidetur quòd ecclesia in canōizando possit errare , Respondet quòd diuina prouidentia præseruat ecclesiam , ne in talibus per fallibile testimonium fallatur.

Q V A E S T I O . LII.

VTRVM SOLVS AVCTORITATE PAPAE HABEAT

synodus uniuersalis congregari.

Quæstio

DE AVTORIT.

QV AESTIO LIII.

VTRVM AD PAPAM PERTINEAT SENTENTIAS
confirmare synodorum.

QV AESTIO LIIII.

VTRVM AD PAPAM PERTINEAT A SYNODO APPELLARI.

QV AESTIO LV.

VTRVM NECESSE HABEAT PAPA CONGREGARE
generale vel uniuersale concilium quotiescunque habeat ali-
quid de fide determinare.

AD omnes istas questiones. Respondet Sanctus Thomas simul ad primas tres affirmatiuè, ad quartam negatiuè, in questione de primo q. 10. articulo. 4. ubi querit utrū spiritussanctus procedat a filio, qui respondens. 14. argumento factio in cōtrariū dicit sic, Sicut posterior synodus potestatem habet interpretandi synodum, a priori conditum, aut ponendi aliqua ad eius explanationem, ita etiam Romanus Pontifex hoc sua autoritate potest, cuius autoritate sola, synodus congregari potest, & à quo sententia synodi cōfirmatur ad ipsum synodus appellat quæ omnia patent in gestis calcedon. synodi. Non est necessarium q̄ ad huiusmodi expositionem faciendam uniuersale concilium congreget, Cū quandoq; id fieri prohibeant, bellorum dissidia, sicut in sexta synodo legitur, q̄ Constantinus Augustus dixit, quòd propter imminētia bella uniuersaliter episcopos cōgregare non potuit, Sed tamen illi qui conuenerunt quæ dubia in fide erant sequentes sententiam Agatonis papæ determinauerūt, scilicet quòd in Christo sunt duæ uolūtates & duæ actiones, sic patres in Calcedon. synodo congregati sunt sententiam Leonis papæ, qui determinauit Christum esse in duabus naturis post incarnationem. Hæc ille.

Questio

Q V A E S T I O LVI.

VTRVM PATRES EXISTENTES IN CONCILIO

*uniuersali, possint aliquid statuere sine
autoritate Papæ.*

RESPONDET sanctus Thomas negatiuè in tractatu contra impugnantes religionem, Sancti enim patres in concilijs congregati nihil statuere potuissent, nisi autoritate Romani Pontificis interueniente, sine qua etiam concilium congregari non potest.

Q V A E S T I O LVII.

VTRVM PAPA SVBIICIATUR STATVTIS

Conciliorum.

HVIC questioni Respondere uidetur S. Tho. sub distinctione in prima secundæ.q.96.articulo.6. Vbi querens utrum omnes legi subijciantur ita dicit, quòd secundum hoc, lex de sui ratione duo habet, scilicet qd est regula humanorum actuum, secunda quòd habet uim coactiuam. Dupliciter potest aliquis esse subiectus legi quam facit potestas, Alio modo sicut coactum cogenti. Et hoc modo homines uirtuosi & iusti, non subduntur legi; sed soli mali, & infra tractans illud quod dicit Iuris peritus, quòd Princeps legibus solutus est, Dicit, quòd Princeps dicitur esse absolutus à lege, quantum ad uim coactiuam legis, nullus enim propriè cogitur à seipso, lex autem non habet uirtutem coactiuam nisi ex principis potestate, sic ergo princeps dicitur esse absolutus à lege, quia nullus in ipsum potest iudicium condemnationis ferre, si contra legem agat, Unde supra illud. Psalm. Tibi soli peccaui &c. dicit quòd Rex non habet hominem qui facta eius diiudicet, Sed quantum ad uim directiuam legis, princeps subditur legi propria uoluntate, secundum quod dicitur extra de constit. Quòd quisquis Ius in altero statuit, ipse eodem Iure uti debet. Et sapientis dicit auctoritas. Patere legem, quam tu tuleris.

DE AVTORIT.
QVÆSTIO XXV.

VIRVM PAPA POSSIT MUTARE STATVTA SAN-
ctorum patrum in concilijs vniuersalibus facta
aut in eis dispensare.

RESPONDET Sanctus Thomas affirmatiuè in tractatu con-
tra impugnantes religionem, ubi respondens ad illud zozimi Pa-
pæ, quod habetur in c. nono 25. q. 1. contra statuta Sanctorum
patrum condere aliquid uel mutare. Huius quidem sedis potest,
sic dicit. Dicendum quòd hoc est uerum in illis quæ statuta San-
ctorum patrum decreuerunt esse de iure diuino, sicut articuli,
qui determinati sunt per concilia, Sed illa quæ Sancti Patres de-
terminauerunt de iure positiuo, sunt relicta sub dispositione pape
ut ea possit mutare uel dispensare, secundum opportunitatem tē-
porum, uel negotiorum, Sancti enim patres in concilijs congre-
gati, nihil statuere potuissent nisi autoritate pontificis interue-
niente, sine qua etiam concilium congregari non potest. Nec ta-
men Papa quādo aliud facit quā a sanctis patribus statutū sit,
contra statuta facit, quia seruatur intentio statuentium etiā si
non seruentur uerba statutorum, quæ non possunt in omnibus
casibus, & in omnibus temporibus obseruari, seruata interpre-
tatione statuentium, quæ est utilitas ecclesiæ, sicut et in omni iu-
re positiuo accidit, derogatur enim prioribus statutis per statu-
ta sequentia.

QVÆSTIO LIX.

VIRVM PAPA HABEAT PLENITVDINEM
dispensandi in omnibus statutis per ecclesiam
uel ecclesiæ praelatos.

QVÆSTIO LX.

VIRVM PAPA POSSIT DISPENSARE CIRCA
ea quæ sunt iuris diuini.

QVÆSTIO LXI.

VIRVM PAPA POSSIT DISPENSARE CVM
Bigamo ut promoneatur.

Quæstio

Q V A E S T I O L X I I .

V T R V M P A P A P O S S I T D I S P E N S A R E Q V O D

*aliquis sacerdos non indutus uestibus sacris , consecret
corpus Christi .*

Ad has quatuor quæstiones . Respondet Sanctus Thomas si-
militer in quolibet 4. artic. 14. Ad primam & tertiam & quartã
affirmatiuè sic dicens. non est dicendum quòd Papa habeat ple-
nitudinem potestatis in ecclesia, ita scilicet quòd quæcunq; sunt
instituta per ecclesiam uel ecclesiæ prælatos , sint dispensabilia
à Papa , Hæc enim sunt quæ dicuntur esse iuris humani, uel iuris
positiui . Circa uerò ea quæ sunt iuris diuini, uel naturalis, dispẽ-
sare non potest , quia ista habent efficaciam ex institutione diui-
na , ius autem diuinum est , quod pertinet ad legem nouam, uel
ueterem , Sed hæc est differentia inter legem utramq; , quia ue-
tus lex determinabat multa , tam in præceptis cerimonialibus ,
pertinentibus ad cultũ Dei , quàm in præceptis iudicialibus per-
tinentibus ad iustitiam inter homines cõseruandam . sed lex no-
ua , quæ est lex libertatis , huiusmodi determinationem non ha-
bet , sed est contenta præceptis moralibus naturalis legis, articu-
lis fidei, & sacramentis gratiæ , unde etiam dicitur lex fidei & lex
gratiæ propter determinationes articulorum fidei & efficaciam
sacramentorum . Cætera uerò quæ pertinent ad determinatio-
nem diuini cultus , liberè permisit Christus qui est nouus legisla-
tor , Prælati ecclesiæ , & principibus populi Christiani determi-
nanda , unde omnes huiusmodi determinationes pertinet ad ius
humanum , in quo Papa potest dispensare . in solis uerò his quæ
sunt de iure naturæ , & in articulis fidei & sacramentis nouæ le-
gis , dispensare non potest . Hoc enim non esset posse pro ueri-
tate , sed contra ueritatem . Manifestum est autem , q̃ bigamum
non promoueri non est de lege naturæ , nec pertinet ad articu-
los fidei , nec etiam est de necessitate sacramenti , quod patet ex
hoc , quia si Bigamus ordinetur , recipit ordinis sacramentum ,
sed hoc pertinet ad quandam determinationem diuini cultus ,
Vnde circa hoc potest Papa dispensare , licet dispensare non de-
beat , nisi ex magna , & euidenti causa . sicut posset etiam dispẽ-
sare circa hoc , quòd aliquis sacerdos nō indutus uestibus sacris ,

DE A V T O R I T.

consacret corpus Christi, & eadem ratio de omnibus aliis huiusmodi, quæ ex institutione humana processerunt. Hæc ille.

Q V A E S T I O L X I I I.

V T R U M P A P A P O S S I T D I S P E N S A R E A V T

aliquid facere contra Apostolum.

RESPONDET Sanctus Thomas quolibeto & articulo, proxime nominatis, ubi respondens ad primum argumentum, sic ait, qd Apostolus in sua doctrina aliqua dupliciter posuit, quædam quidem sicut promulgans ius diuinum, sicut est illud quod habetur Gal. 5. Si circumcidimini Christus vobis nihil proderit, & multa alia huiusmodi, & in hoc propterea non potest dispensare, quædam uerò sicut propria autoritate aliqua statuens. Nam ipse dicit primo ad Cor. 11. Cætera cum uenero disponfam, & infra 16. mandauit ut collectæ quæ sunt in sanctos, per unam sabbati fiant, quod non pertinet ad ius diuinum, & similiter etiam quod dicit de bigamo non promouendo, non est iuris diuini, sed institutio autoritatis humanæ, diuinitus huiusmodi concessæ. Hæc ille. Ad idem in 4. dist. 28. In solutione unius argumenti. Cum arguitur quod non potest dispensare contra ea quæ in canone dicuntur sic dicens, quod hoc uerum est quantum ad ea quæ sunt de iure naturali, & quantum ad ea quæ sunt de necessitate sacramentorum, & fidei. Sed in alijs quæ sunt de institutione Apostolorum, cum ecclesia habeat nunc eandem potestatem statuendi, & destruendi, quam tunc habuit; potest per eum qui primatum in ecclesia tenet, dispensari. Cæterum ad idem est in tractatu contra impugnantes religionem. Respondet ad id quod dicit Urbanus Papa in cap. Sunt quidem 25. q. 1. uidelicet: Si quod docuerunt Apostoli & prophetæ, destruere, quod absit, nitatur, scilicet pontifex Romanus, Non sententiam dare, sed magis errare conuinceretur, sic dicit. Non est uerum quod Papa non possit aliquid facere contra Apostolum, dispensat enim cum bigamo, Et in pœna, quam canones apostolorum statuerunt presbytero fornicanti. Ex decreto autem inducto non potest amplius haberi, nisi quod Papa non potest destruere scripturam canonicam Apostolorum, & prophetarum, quæ est in ecclesia, fidei suadamentum. Hæc ille.

Quæstio

Q V A E S T I O L X I I I .

V T R V M I N P A P A R E S I D E A T V T R A Q V E P O T E S T A S T A M
secularis quam spiritualis.

R E S P O N D E T Sanctus Thomas affirmatiuè in 2. sententia
 rum di. ultima in si. sic dicēs. potestas spiritualis & secularis utra
 que deducitur à potestate diuina, & ideo in tantum secularis po
 testas est sub spirituali, in quantum ei a Deo supposita est, scilicet
 in his quæ ad salutem animæ pertinent, & ideo in his magis est
 obediendum potestati spirituali secundum illud Matth. 22. Red-
 ditæ quæ sunt Cæsaris &c. nisi forte potestati spirituali etiam po
 testas secularis coniugatur, sicut in Papa, qui utriusque potesta-
 tis apicem tenet, scilicet spiritualis & secularis, hoc ille disponen-
 te, qui sacerdos & Rex secundum ordinem Melchisedech Rex
 regum & Dominus Dominantium cuius potestas non aufere-
 tur, & regnum non corrumpetur in secula seculorum amen.

Q V A E S T I O L X V .

V T R V M P A P A P O S S I T C O M M I T T E R E S Y M O N I A M .

R E S P O N D E T Sanctus Thomas affirmatiuè in secunda secū
 dæ q. 4. articu. primo ubi sic dicit in responsione ad argumentū
 septimum, dicendum q̄ Papa potest incurrere uitium symoniæ si
 cut & quilibet alius homo, peccatum enim in alia persona tanto
 est grauius quanto maiorem obrinet locum quamuis enim res
 ecclesiæ sint eius ut principalis dispensatoris, non tamen sunt
 eius ut domini & possessoris, & ideo si reciperet pro aliqua re spi-
 rituali pecuniam de redditibus alicuius ecclesiæ non caret uitio
 symoniæ, & similiter etiam posset symoniam committere reci-
 piendo pecuniam ab aliquo layco non de bonis ecclesiæ.

Q V A E S T I O L X V I .

V T R V M O P I N I O D I C E N S P A P A M N O N P O S S E C O M M I T T E R E
*symoniam maximè cum persona ecclesiastica, quia res
 ecclesiæ sunt suæ, sit erronea.*

R E S P O N D E T Sanctus Thomas affirmatiuè in 4. senten-
 tiarum

DE AVTORIT.

tiarum di. 25. q. 15. sic dicens in responsione ad argumentum tertium. Dicendum q̄ opinio illa erronea est, si enim Papa pro aliqua re spirituali munus acciperet, symoniam committeret sicut & alius homo, quia in ipso Petro cui papa successit symoniæ vitium damnationis inchoavit in nouo testamento, quàmuis res ecclesiæ sint aliquo modo papæ, non tamen sunt eius omnibus modis habendi, sicut id quod ad manum habet non est dubium q̄ symoniam committeret, si quis aliquid spirituale debitori suo daret ut quod suum est recuperaret, & ita etiam in proposito Papa a symonia non excusaretur, si (quod absit) spiritualia pro temporalibus rebus ecclesiarum daret.

Q V A E S T I O LXVII.

VTRVM CLERICI TENEANTVR DECIMAM DARE
papa si ab eis exigat.

Q V A E S T I O LXVIII.

VTRVM TENEATVR COMMVNITAS RELIGIONIS
*christiane providere papa de necessarijs ad regimen &
gubernationem ipsius ecclesiæ.*

AD has duas questionēs Respondet Sanctus Thomas affirmatiuè in secunda secundæ q. 87. articu. 4. in responsione ad. 3. argumentum sic dicens. in ueteri lege primitiæ debebantur sacerdotibus, decimæ autem leuitis, & quia sub sacerdotibus longe erant, Dominus mandauit ut ipsi loco primitiarum soluerēt summo sacerdoti decimā decimæ, vnde nunc eadem ratione tenentur clerici summo Pontifici decimam dare si exigent. naturalis enim ratio dictat ut illi qui habet curam de cōmuni multitudinis statu, provideatur unde possint exequi ea quæ pertinent ad cōmunem salutem. Hæc ille.

Q V A E S T I O LXIX.

VTRVM PAPA VTATVR BACULO SICVT EPISCOPI.

RESPONDET Sanctus Thomas in 4. sententiærum di. 24. in fine negatiuè, ad hoc rationem assignans, primò quia Petrus
misit

misit episcopum ad suscitandū quendam discipulum suū, qui factus est postea episcopus Treueren. & ideo in dioc. Treueren papa baculum portat, & non in alijs, secundo quod non habet coarctatā tam potestatem quod curuatio baculi significat.

Q V A E S T I O LXX.

VTRVM SIT LAVDABILE IN PAPA VILIOREM HABITVM
extra metas habitus consueti assumere.

RESPONDET Sanctus Thomas negatiuē in tractatu cōtra impugnantes religionem sic dicens. quidam sunt status hominum, quibus est habitus determinatus, sicut quælibet religio suū determinatum habitum habet, ita etiam antiquis temporibus in dignitatibus constituti determinatos habitus habebant, quasi suæ dignitatis insignia. Et sic nunc summus Pontifex determinato habitu utitur. Vnde sicut religioso unius religionis non licet assumere uiliorem habitum qui suæ religionis metas excederet, quāuis infra metas habitus suæ religionis, si uilioribus utatur non sit reprehensibilis, sed laudetur, ita etiam non fuisse laudabile in antiquis principibus, nec modo esset in summo pontifice, si uiliorem habitum assumeret extra metas habitus consueti, secus etiam est de principibus & alijs hominibus, qui non habent certum habitum deputatum, in eis enim non est uituperabile, si uilioribus utantur quā eis conuenire possit secundum statum suum, unde. 2. Reg. vi. quod Michol deridens Dauid ait, quā gloriosus fuit Rex Israel, hodie discooperiens se ante ancillas seruorum suorum, & nudatus est quasi si nudetur unus ex seruis, Et Dauid respondet, Ludam & uilior fiam plusquam factus sum, & ero humilis in oculis meis. Et Hest. 14. Tu scis infirmitatem meam & necessitatē, quod abominer signum superbiæ meæ, quod est super caput meum, & non portem illud in diebus silentij mei, ex quo patet quod in regibus & principibus est laudabile quod humilibus sint contenti, quando sine scandalo fieri potest & sine detrimento propriæ auctoritatis.

Q V A E S T I O LXXI.

VTRVM CORRECTIO FRATERNA SE
extendat ad Papam.

RESPONDET Sanctus Thomas affirmatiuē in secunda secundæ

DE AVTÓRIT.

cundæ.q.33.artic.4. ita dicens, Correctio quæ est actus iustitiæ per cohercionem penæ, non competit subdito respectu prælati, sed correctio fraterna quæ est actus caritatis pertinet ad unumquemq; respectu cuiuslibet personæ, ad quam caritatem debet habere, si aliquid in eo corrigibile inueniatur. Actus enim ex aliquo habitu uel potentia procedens se extendit ad omnia quæ continentur sub obiecto illius potentiæ uel habitus, Sicut uisio ad omnia quæ continentur sub obiecto uisus, sed quia actus uirtuosus debet esse moderatus debitis circumstantijs. Ideo in correctione qua subditi corrigant prælatos debet modus congruus adhiberi, ut scilicet non cum proteruita & duricia, sed cum mansuetudine, & reuerentia corrigât, Vnde Apostolus dicit primæ ad Tymo.4. Seniore[m] ne increpaueris, sed obsecra ut patrem. Et ideo Dyonisius redarguit Demophilum monachum, quia sacerdotem irreuerenter correxerat eum eiiciens, & de ecclesia expellens.

Q V A E S T I O LXXII.

VTRVM PAPA IN ALIQUO CASU SIT A SUBDITIS
publicè arguendus.

RESPONDET Sanctus Thomas in secunda secundæ.q.12.arr. nominatis, Tractans autoritatē illam apostoli ad Gal.2. In facie ei restiti & glo. ait ut par. dicit sic, in faciem resistere corā oībus excedit modum fraternæ correctionis, & ideo sic Paulus Petrum non reprehendisset, nisi aliquo modo par esset quantum ad fidei defensionem, sed in occulto admonere & reuerenter, hoc etiam potest ille, qui non est par: Vnde Apostolus ad Col.ultimo scribit, ut prelatum amoneat cum dicit. Dicite Archiepiscopo, ministerium tuum imple, sciendum tamen quod ubi immineret periculum fidei, etiam essent publicè prælati a subditis corrigendi, Vnde & Paulus qui erat subditus Petro propter imminens periculum fidei & scandali circa fidem, Petrum publicè arguit, & sicut glo. Augustinus dicit ad Gal.2. Ipse Petrus exemplum maioribus prebuit, ut si cubilfortè rectum tramitem reliquissent, non dedignentur etiam à posterioribus corrigi. Item idem Sanctus Thomas super epistolam ad Gal. tractans prefatam autoritatem tūc dicitur quod glo. ait restiti ei tanquam par dicit, quod

quòd Apostolus fuit par Petro in exequutione auctoritatis, nō autem regiminis. Ex prædictis ergo habet exemplum quasi Prælati humilitatis, ut non dedignentur à minoribus & subditis corrigi, Subditi uerò exemplum zeli, & libertatis, ut non ue-
reantur prælatos corrigere, præsertim si crimen est publicum, & in periculum multitudinis uergat. In 4. uerò sententiarum dist. 19. dicit quòd hoc quòd Paulus Petro in faciem restitit excedit modum fraternę correctionis q̄ prælatis a subditis debetur, Nā prælati à subditis coram multitudine, sed humiliter, & in priua-
to corripiendi sunt, nisi immineret periculum fidei, tunc enim Prælatus minor fieret si in infidelitatem laberetur, & subditus si
delis maior.

QVAESTIO LXXIII.

VTRVM PAPA CORRECTVS A SVBDITIS POSSIT
aut debeat corrigi per coercionem penalem.

RESPONDET Sanctus Thomas negatiuè in 4. senten. dist. & q. proximè nominatis, ubi respondens ad tertium argumen-
tum. Ita dicit, quòd quàmuis Prælati a subditis sint corripiendi, non tamen est eis pœna infligenda, sed recurrendum est, uel ad
superiorem denuntiando, uel si non habet superiorem, recurrat
ad Dominum, ut eū emendet uel de medio subtrahat. Hæc ille.
Deo gratias.

Expliciunt quæstiones Beati Thomæ de Aquino de autho-
ritate summi Pontificis, collectę per Reuerendum Magistrum
Ioannem de Turre Cremata ordinis prædicatorum scholaris
sacri Apostolici palatii regentem in concilio Basiliens. An-
no Domini. M. cccc xxxvi.

Hæc sunt pater Reuerendissimæ, quæ ego uester humilis Ca-
pellanus frater Ioannes de Turre Cremata, ex libris beatissimi
Doct̄oris Thomæ de Aquino iussu Reuerēdissimæ uestre pater-
nitatis de auctoritate summi Pontificis collegi, quæ si minus in-
tegrè collecta sunt, Dominatio uestra gratanter suscipere di-
gnetur.

F I N I S.

F



THOMAE DE VIO CAIETANI
CARDINALIS S. SISTI,

DE COMPARATIONE AVTORITATIS
PAPAE, ET CONCILII TRACTATVS.

QVOD PAPA HABEAT SVPREMAM POTESTATEM
in ecclesia Dei. Cap. 1.



INTENDENS resolute cōparare potestatem Pa-
pę potestati ecclesię, & concilij vniuersalis, pri-
mo potestas Papę suo loco ponenda est. deinde
comparabitur specialiter Apostolorum autori-
tati. post ecclesię, & concilij vniuersalis abso-
lute: & deinceps in casibus, primo hęresis, secū-
do incorrigibilitatis, & dēnum in euentibus, ut sic resolute ha-
beat, & simpliciter & secundum quid. Et intendo pro solis vi-
ris doctis absq; ulla passione rationabilia tantum dicere: sub iu-
dicio tamen sacrosanctę Roma. Ecclesię. Et ne quis putet po-
nere me falcem in messē alienam, pręmitto q̄ quia autoritas
pape immediate est a Deo & reuelata in sacra scriptura, & au-
toritas ecclesię vniuersalis immediate dicitur esse à Deo (ut con-
stantien. concilium declarauit) ideo materia ista primo, & prin-
cipaliter est Theologorum: quorum est sacram scripturam, &
diuina opera scrutari, secundario autem in quantum, scilicet est
in sacris Canonibus declarata, ad canonistas spectat. Propter
quod, grauiter errāt in hac re canonistis primo deferētes. Opor-
tet ergo virum docilem utrosque (Theologos, & Canonistas)
in re hac perspicere, & in suo quemq; loco honorando theolo-
gię primatum dare; utpote quę ex propriis potest hęc determi-
nare. Canonici autem ius nō nisi ad theologicam recurrat au-
toritatem. s. sacre scripturę, quę uera theologia est.

A PRIMO igitur inchoando dicimus, q̄ certa est ista propo-
sitio. papa habet supream potestatem in ecclesia Dei. Funda-
turq; super institutione IESV CHRISTI Matth. 16. & Ioan. ult.
Saluator siquidem noster Rex regum, & dominus dominantiu,
quāuis potuisset christianam repub. in terris diuersis modis
regendam disponere, uoluit tamen & statuit, ut non populare,
non

non diuitum, non potentum, non optimatum multorum, aut paucorum esset regimen, sed vnus tantum: promittens soli Petro Matth. 16. tibi dabo claues, &c. & eidem soli promissionē exhibens, curam omnium ouium suarum committens Ioan. ult. pascue oues meas. Comparatiua siquidem interrogatio, a qua sermo in cepit dicens, Simon Ioannis diligis me plus his? conuincit etiam proteruios, quod Petro vt distincto ab Apostolis præsensentibus (ad quos refertur comparatio) & non in persona eorū loquebatur dominus. Et licet hic textus sufficere deberet; quoniam tunc factus est Petrus pastor vniuersalis, dum dictum est in præsenti, pascue oues meas: non has uel illas, sed indistincte, ut omnes comprehenderet; ut Greg. notat. Non desunt tamē glossę Chryso. dicentis ibidem: preteriens alios, petro loquitur. p. ppositus loco mei esto, & caput fratrum tuorum. Et Theophili dicentis quod commissionem ouium mundi Petro commēdat nō alij. Et Leo papa in ca. ita dominus. di. 19. & in .6. de elec. ca. fundamenta, dicit. Ita dominus huius muneris sacramentum ad omnium apostolorum officium pertinere uoluit, ut in beatissimo petro apostolorum omnium summo principaliter collocaret, ut ab ipso quasi a quodam capite dona sua uelut in corpus omne diffunderet. Et merito inquit diuus Tho. in 4. contra gent. cap. 76. sic saluator instituit: quia regimen ecclesię est optime ordinatum: optimum autem regimen est vnus. Quod ex fine regiminis apparet. est enim finis pax, quę in unitate consistit; & constat quod melius est causa unitatis unus quā multi: qui non nisi ut in unum uenientes eam causant. est ergo ecclesię regimen institutum, ut unus solus præsint uniuersę reipub. Et tu ualde notabis assumptum. scilicet quod Iesus Christus instituit tale regimen, ut claudas ora opponentium de regali regimine instituto a senatu, seu populo libero. non enim ecclesia, aut populus Christianus, aut concilium aliquod uniuersale, sed Christus ipse (qui uiuit & regnat) instituit tale regimen, sic ut petrus non ecclesię, sed Iesu Christi uicarius esset: ut ex concilio Lugd. in c. ubi periculum de elec. lib. 6. patet. Vbi papa dicitur Iesu Christi uicarius. Et in ca. quamuis. di. 21. pelagius papa dicit. Sancta Rom. Ecclesia Catholica & Apostolica nullis synodice constitutis ceteris ecclesijs prælata est, sed Euangelica uoce domini & saluatoris primatum obtinuit. Afferuntur quoq; in dicto ca. contra gent. multę ad hoc propositum rationes de prima-

DE AVTORIT. PAPAE.

tu papæ & de necessitate eiusdem ultra Iesum Christum in cælis, quas poteris ibi uiderè. Firmatur autem asserta propositio auctoritate Martini. 5. in concilio constantien. ubi definita est; ut patet in bulla cōdemnationis Ioannis uicleff. In cōcilio quoq; ecumenico florentino sub Eugenio. 4. (ubi unio Græcorum & acmenorum cum Ro. Ecclesia facta est) habentur hæc uerba. Definimus Sanctam Apostolicam sedem & Rom. Pontificem in uniuersum orbem tenere primatum: & ipsum Ro. Pontificem successorē esse beati Petri principis Apostolorum, & uerum Christi uicarium, totiusque Ecclesiæ caput, & omnium Christianorum patrem ac doctorem existere, & ipsi in beato Petro pascendi, regendi & gubernandi uniuersalem ecclesiam, a domino nostro Iesu Christo plenam potestatem traditam esse. Hæc ibi.

Ex quibus patet propositionem dictam non solum esse ueram, sed contrariam esse erroneam. ut etiam S. Tho. in tracta. contra errores Græcorum. ca. 65. & tribus sequentibus tangit. & pertinet ad errores Ioannis huius, damnatos in concilio constantien. a Martino. 5.

OPINIONES ALIORVM DE COMPARATIONE POTESTATIS Petri Primi papæ & Apostolorum. Cap. 2.

QUAMVIS autem papæ potestas Petro Apostolo primum collata ostensa sit suprema: non desunt tamen qui Apostolos reliquos parem potestatem accepisse a Christo arguant. Et ut ueritas clarius elucescat, scito quòd in hac re duo dubia inuoluuntur: quæ si separentur, perspicuam magis sortientur ueritatem. Alterum dubium est de equalitate potestatis Petri & aliorum Apostolorum. Alterum de modo habendi potestatem: an scilicet omnes immediate habuerint eam a Iesu Christo, an solus petrus immediate a Christo, alij uero ab eodem mediante petro. Et quo ad utrūque dubium duæ sunt opiniones extremæ.

Prima est dicentium, quòd omnes apostoli parem potestatem a Iesu Christo immediate habuerunt. Et hi utrunque simul multipliciter probant ex sacra scriptura. Primo ex eo quòd Matth. 18. saluator omnibus Apostolis replicauit quod soli Petro dixerat in ca. 16. ait enim, quæcunque solueritis super terram &c. Et uerbum illud Ioan. ulti. dictum Petro. pascue oues meas, omnibus

Apostolis

Apostolis in sententia dictum est: quoniam pascere tripliciter fit, doctrina, uita & correctione. Hæc autem omnia omnibus dicta sunt Apostolis. Primum matth. vlti. Docete omnes gentes. Secundum matth. 5. Vos estis lux mundi, sic luceat lux uestra coram hominibus &c. Tertium Ioan vlti. quorum remiseritis peccata &c. Secundo ex. 2. cap. ad Gal. Vbi Paulus dicit, quod hierosolymis petrus & alij apostoli nil sibi contulerunt, nec doctrinæ nec potestatis (ut ibidem bis habet S. Tho.) sed dederunt ei dexteram societatis. & quod in Antiochia restitit petro in faciem, quia reprehensibilis erat. Hæc enim non sunt inter superiorem & subditos, sed potius inter socios. In actibus Apostolorum. 8. ca. legimus, quod Apostoli miserunt petrum & Ioan. in Samariam. Constat autem quod maior non est qui mittitur mittente. iuxta illud. non est seruus maior domino suo, nec Apostolus maior eo qui misit illum, Ioan. 13. Et confirmantur hæc autoritate sacrorum Canonum. Primo Anacleti pape di. 21. ca. in nouo. Cæteri Apostoli, inquit, cum beato Petro pari consortio præditi, & honorem & potestatem acceperunt. Secundo Cypriani in ca. loquitur dominus 24. q. 1. Hoc cæteri apostoli erant quod petrus fuit, pari consortio prediti & honoris & potestatis. Terio Hiero. super epistolam ad Galatas (& habetur. 2. q. 7. ca. Paulus.) Paulus petrum reprehendit: quod non auderet, nisi se non imparem sciret.

Altera extrema opinio est, discordantium in utroque: & dicentium, quod nec parem potestatem, nec immediate a Iesu Christo omnes Apostoli acceperunt potestatem. sed solus petrus immediate a domino Iesu Christo potestatem accepit, & omnes ei subiecti fuerunt ab ipso potestatem habentes. Et de modo quidem habendi potestatem, scilicet, quod solus petrus habuit eam a domino Iesu Christo immediate, probant in communi quidem ex textu Anacleti. di. 21. in nouo. Petro primo pontificatus in ecclesia Christi datus est. In speciali autem quo ad potestatem ordinis, non sacerdotalis (hanc enim constat habuisse omnes immediate a Christo in cæna dicente. Hæc quotiescūque feceritis, in mei memoriam facietis, quo ad actum celebrandi missas. & post resurrectionem quo ad actum absoluedi in sacramento pœnitentiæ, dicente. Accipite spiritum sanctum, quorum remiseritis peccata remittuntur eis &c.) sed episcopalis probant ex cōsecratione Iacobi & Pauli ac Barnabæ. Iacobus enim ordinatus

ordinatus fuit archiepiscopus hierosolymitanus a Petro, Iacobo & Ioanne, ut dicitur in cap. porro di. 66. Et Paulus & Barnabas ordinati ab alijs fuerunt. Dicitur enim Act. 13. dixit spiritus sanctus. Segregate mihi paulum & Barnabam &c. Et subiungitur. Imponentes eis manus dimiserunt. glosa, in modum ordinandorum. Et in cap. q. die dominico di. 75. Quo ad potestatem vero iurisdictionis, cum nullibi clarius appareat quā Matth. 18. ubi apostolis dicit dominus Iesus. quęcunque solueritis super terram &c. Probant ex hoc, quod Christus soli petro dixerat quodcunque solueris &c. Matth. 16. Ex ipso inquirunt ordine promissionum insinuat, quod potestas ligandi & soluendi ordine quodam exhibenda erat, ut. s. per petrum ad alios deriuaretur, ut S. Tho. in 4. contra gen. ca. 76. & in 4. sen. di. 24. q. ulti. dicit. Affertur quoque auctoritas leonis supra inducta ex ca. ita dominus. di. 19. clare dicentis, quod Christus hoc disposuit ut ab ipso petro quasi a quodam capite dona sua uelut in corpus omne diffunderet.

DE EQUALITATE uero potestatis apostolorum quatuor inuenio expositiones, sustinentes cum hoc petri autoritatem super omnes. Prima distinguit potestatem ordinis & iurisdictionis. Et oēs dicit esse equales in potestate ordinis, sicut oēs episcopi sunt equales tali potestate. Petrus autem super omnes dicitur potestate iurisdictionis. Secunda dicit, quod omnes apostoli fuerunt in potestate iurisdictionis pares .i. similes. Probatq; in scriptura paritatem pro similitudine sumi, ex Leui. 18. ca. Cauete ne uos similiter euomat, cum paria feceritis. glo. j. similia. Tertia & est sancti Tho. in secunda secundę. q. 33. arti. 4. ad secundum, quod fuerunt pares aliquo modo, quantum ad fidei defensionem. Inquit enim sic. coram omnibus Paulus Petrum non reprehendisset nisi aliquo modo par esset quantum ad fidei defensionem. Quarta est eiusdem super epistolam ad gala. 2. cap. quod apostoli fuerunt equales quantum ad executionem auctoritatis. ait enim Apostolus. s. Paulus fuit par petro in executione autoritatis, non autem in autoritate regiminis.

RATIONABILIS SENTENTIA, QVOD PETRO
subiecti erant ceteri Apostoli. Cap. III.

ALLATIS duabus extremis opinionibus media mihi uia incedendū occurrit, & dicendū, quòd apostoli inter se possunt comparari dupliciter. Primo inquantum apostoli, & sic omnes fuerunt equals. Alio modo inquantum oues Christi, ab eo hic corporali conuersatione separatæ. & sic Petrus solus est pastor, & reliqui apostoli oues sub illius cura. Sed quia non sufficit dicere, sed oportet declarare & probare sic esse ut dicimus, declaro primo dignitatem & potestatem apostolatus. Scribitur in primis Luc. 9. ca. quòd cōuocatis Iesus. 12. apostolis, dedit illis uirtutē & potestatem super oīa dæmonia, & ut languores curarēt, & misit illos prædicare regnū Dei & sanare infirmos. Matth. quoq; ult. legitur, quòd eisdē dominus dixit. Eūtes in mūdū uniuersum docete omnes gētes, baptizātes & docētes seruare omnia q̄ mādauī uobis. In prima quoq; epistola pauli ad Corin. 12. ca. legitur, quòd Deus posuit in ecclesia primū apostolos. ubi glo. inter linearis in uerbo primū dicit. dignitate & tēpore. Et ī uerbo apostolos; dicit. omniū ordinatores & iudices. In decre. di. 68. ca. quorū uices; dicitur ex aug. Pro patribus tuis nati sunt tibi filij, patres missi sunt apostoli, pro apostolis filij nati sunt & cōstituti epī. Et in cōcilio icumenico florētino sub Eugenio. 4. inter decumēta fidei de ministro cōfirmationis habētur hæc uerba. Hæc scōfirmationē nō nisi ep̄s debet cōferre, quia de solis apostolis legitur (quorū uicē tenēt episcopi) quòd per manus impositionē spiritūs sanctū dabant. Diuus Tho. super præallegatis uerbis ex prima epistola ad Corin. 12. ca. dicit hæc uerba. Maiores autē ministri in ecclesia sunt apostoli, ad quorū officium tria pertinent. Quorū primū est autoritas gubernandi fidelē populū, q̄ proprie pertinet ad officiū apostolatus. secūdo facultas docendi. tertio potestas miracula faciēdi ad cōfirmationē doctrinæ. Hæc ille. Et postquā subiūxit, q̄ tertium horum ordinatur ad secūdū, & secūdū ad primum, subdit Deus posuit primū apostolos, quorum regimini cōmisit ecclesiā. Et tripliciter probat. Primo per illud Luc. 12. & ego disponō uobis, sicut disposuit mihi pater meus regnū. Secundo per illud apoc. 21. Murus ciuitatis habēs fundamēta. xij. & in ipsis. xij. nomina duodecim apostolorum. Tertio per illud

ad

ad Ro. s. Nos ipsi primitias spiritus habentes, maiori. n. gradu maiior datur gratia. Ex his omnibus facile est uidere, q̄ apostoli in quātum apostoli, habuerūt nō solum potestātē ordinis, sed iurisdictionis. Autoritas. n. gubernādi ecclesiā, q̄ est apostolatui propria, sine iurisdictionis potestātē non est. Et si huic adiunxeris, quōd nō habuerunt apostolatū a Christo mediāte petro, sed immediate ab ipso Iesu Christo, iuxta illud Io. xx. sicut misit me pater, & ego mitto uos, & Matth. i. 10. & Marci. 3. & Luc. 6. patet, quōd ipse fecit eos apostolos. Et ad Gala. 1. paulus probat se apostolum, quia neq; ab hominibus, neq; ab homine tā mittēte quā dō cēte est apostolus. Solues utrunq; dubiū. s. & de potestatis equalitate, & de modo habēdi, quōd. s. apostoli quātū ad apostolatus auctoritatē fuerunt equales simpliciter, & quōd hāc potestatem habuerunt a Iesu Christo immediate, sicut & apostolatū. Dixi autē simpliciter, quia secundum quid nihil prohibet unum apostolum, habere apostolatū dignius altero, ut paulus alijs. iuxta glo. interlinearē ad Gala. 1. in uerbo. qui suscitauit eum a mortuis, dicētē in persona pauli. & ita dignius me cōstituit per imortalem Christum quā alios per mortālē. & glo. marginalem ex Aug. in libro retractationum ex eadē radice. Propter quod diuus Tho. ibidem dicit paulum ad dexteram, & petrum ad sinistram in bullis papalibus imprimi. Dignitas. n. ista ex parte status vocantis, quia. s. est immortalis, non facit uocatur apostolum maiorem simpliciter, sed quo ad hoc,

SI AUTEM consideremus, quōd etiā ipsi apostoli oues erāt Christi, a quo statutum est ut sit unum ouile & unus pastor, sic petrus inuenitur ille unus pastor, cui dictum est. pasce oues meas, non has uel illas: & reliqui inueniuntur unius ouilis oues. In cuius signum petrus statim factus pastor, curam Ioā. suscepit, interrogans de eo. Hic autem quid? ut patet. Ioan. ult. Quomodo autem uerificārī possunt hāc duo simul; quōd scilicet omnes Apostoli fuerunt pares in autoritate gubernandi ecclesiā, atq; a IESU CHRISTO eam immediate habuerunt, & q̄ Petrus solus fuit institutus pastor vniuersalis ecclesiā, & maior autoritate super alios apostolos, ita q̄ ab ipso capite in totum ecclesiā corpus potestas deriuata est; difficile apparet prima fronte, sed si subtiliter contēplati fuerimus, videbimus de facto omnia uera simul fuisse. Sciendum est nāq; q̄ sicut in natura dupliciter aliqua fiunt. s. naturaliter, ut cum ho-

mo generat hominem, & infirmus ex uirtute naturæ sanatur, & supernaturaliter, sicut cum homo creatus est à deo, & infirmus miraculo sanatur. Ita in ecclesia duplici quoque modo aliquid fit, scilicet ordinariè, ut cum seruato iuris ordine creatur episcopus, & de speciali gratia à principe, ut si statim aliquis crearetur episcopus; ut de Ambrosio contigit. Vtroque autem modo princeps noster IESVS CHRISTVS in primitiua ecclesia usus est. nam in institutione ecclesiastici regiminis ordinario iure perpetuo seruandi monarchicū. i. vnus, principatum instituit, & posuit Petrum caput vnū totius corporis ecclesiæ: a quo in omnes potestas iurisdictionis, & ordinis ordinariè deriuaretur. Et hoc intendunt omnes sacri autores, cum dependentia omnium à Petro doctrinam tradunt. In erogando vero ex speciali gratia: sicut præuenit petrum in conferendo potestatem ordinis (dum ipse dominus per seipsum etiam alios apostolos fecit sacerdotes in ultima cena, & confessores post resurrectionem, & sacramentum confirmationis in die Pentecostes) ita præuenit eundem in dando auctoritatem gubernandi, ordinandi, iudicandique ecclesiæ; ut ex allatis patet auctoritatibus. Et quemadmodum nihil obstat maioritati ipsius petri capitis, & alij non habuerunt ab ipso potestatem ordinis (quia hoc non fuit ex defectu potestatis in petro, aut ex exemptione aliorum ab ipso, sed ex præuentione superioris, qui prius dedit id subditis petri ex gratia, quod ordinariè dandum erat eisdem a petro) ita etiam nihil officit excellentiæ potestatis iurisdictionis petri super omnes, quæ eius subditis saluator superior omnibus dedit illam potestatem ex gratia, quam a petro per uiam ordinariam erant accepturi. Modus itaque uariis dandi, & accipiendi potestatem, clarificat ueritatē. In petro enim & a petro inchoat omnis ecclesiæ potestas, & deriuatur in totam ecclesiam uia ordinaria: & rursus aliqui petro subditi plures potestates acceperunt à Christo immediate, quas a petro accepturi erant, uia præuentionis gratuite. Et sic ecclesia una sub unico tantum capite petro, scilicet & habet apostolos omnes immediate à Christo potestatem ordinis, & iurisdictionis habentes ex gratia præueniente: & habet petrum solum caput apostolorum cæterorum, & omnium, a quo in apostolos alios, & in omnes ordinariæ potestas ordinis, & iurisdictionis deriuanda est. Sunt ergo simul uera, quæ aduersari sibi inuicem uidebantur.

Et ut clarius elucescant dicta, scito quinq; esse differentias inter potestatem petri, & aliorum apostolorum. Prima est in modo dandi, & accipiendi, quia petro data est ordinarie, aliis autem ex speciali gratia: ut explanatum est. Secunda est in officio (& sequitur ex prima) quod petrus factus est Vicarius generalis IESU CHRISTI, alij uero facti uelut legati seu delegati eius: iuxta illud Pauli secundę ad Cor. 5. legatione pro Christo fungimur, & ad Eph. ult. legatione fungor in cathena ista. Et hoc ipsum apostoli nomen importat, a missione sumptum; quāuis extenso uocabulo in præfatione dicantur Vicarij. Tertia est in obiecto potestatis, quod aliorum potestas iurisdictionis non erat supra se inuicem, sed super alios, petri uero potestas erat & super alios, & super ipsos reliquos apostolos. dicente sibi soli Christo, pasce oues meas, in quarum numero sine dubio erant apostoli. Vbi Chryso. dicit in persona Christi, ad Petrū. Loco mei præpositus esto, & caput fratrum tuorum. Quarta est in perpetuitate potestatis; quia aliorum potestas finienda erat cum uita eorum: quoniam data est eis in personis proprijs, pro solis personis proprijs, & non pro eorum successoribus. Petri uero potestas usque ad consummationem seculi perseverat, quia data est sibi in persona propria non solum pro seipso, sed omnibus successoribus suis. quod sancti Doctores exprimūt sub alijs uerbis, dicendo q̄ data est petro in persona ecclesię. Et ex hac differentia oritur, quod nullus est successor Ioan. aut Iacobi, nec etiam pauli apostoli in autoritate apostolatus vniuersalis gubernationis ecclesię, sicut Apostoli gubernabant ubiq;: sed tantū in potestate ordinis, & regiminis unius certę ecclesię succedunt episcopi, sed solius petri successor est, & dicitur papa, ut patet in allegatis superius. Quinta & ultima pro nunc est in ipsa essentia potestatis, quoniam autoritas communiter apostolis data, ex ui apostolatus fuit uelut potentia executiua. unde & a S. Tho. uocatur autoritas gubernandi: gubernatio enim executionem sonat. Autoritas uero data soli petro cum factus est papa, dicente Christo. pasce oues meas, est potentia præceptiua, & propterea uocatur a S. Tho. autoritas regiminis. Propter quod dixit S. Tho. Paulus fuit par petro in executione, non in autoritate regiminis, ad Gala. 2. & ad Cor. 12. ecclesię regimē, quod sonat executionem non autoritatem regiminis, quod sonat imperium, commissum dicit apostolis. Vnde & in præfatione non
appel-

appellantur Vicarii absolute, sed vicarij operis, dicente ecclesia ad Deum de apostolis. quos operis tui vicarios, quasi diceret vicarios ad exequendum. Verûtamen, quia unum pro alio quâdoq; poni potest, si etiam inueniretur paritas in autoritate regiminis, pie exponendum esset pro executiua potentia. Dedit. n. saluator omnibus apostolis cômunitè, ut exequi possent in eis ad quos mittebantur, omnia quæ poterat exequi Petrus: puta instituere ecclesias, & episcopos, docere, excommunicare, &c. Petro autem absolutæ dedit potestatem omnium. Et si Paulus aliquo modo. i. executiue erat par Petro, quantum ad defensionem fidei, ut ex Secunda secundæ dictum est. Et si nō penetras differentiam hanc inter potestatem executiuam, & præceptiuâ, uide illam in exemplo. Episcopi habent officium prædicandi, & fratres prædicatores habent etiam officium prædicandi (cum ad hoc instituti sint) sed differenter, quia episcopi ex propria autoritate hoc faciunt, fratres uero prædicatores autoritate Papæ delegantis eis in officium, hanc prædicationis exercendæ potestatem. Sic. n. proportionaliter de potestate gubernâdi ecclesiam in petro & alijs apostolis fuit, petrus. n. ex propria sui pontificatus officij autoritate gubernabat, alii uero apostoli ex priuilegio domini delegantis eis gubernationis officium.

Nunc superest respondere obiectis in sequenti capitulo.

IN QVO SOLVUNTUR OBIECTIONES CONTRA DETERMINATIONEM factam de Petri primatu super alios Apostolos. Cap. 4.

VT AUTEM ordinate satisfiat obiectis, primo, ad primo in ductas obiectiones, & sic deinceps respōdebitur. Ad autoritatē ergo ex Matt. 18. dicitur, quod in uerbis dictis Petro soli c. 16. & in uerbis dictis oībus cap. 18. perspicienda sunt duo scilicet ordo, & potestas data. Ordo fuit, q̃ prius petro soli est dictum, quodcunq; solueris, & deinde omnibus. Et ex hoc ordine insinuat dominus ordinarium progressum potestatis soluēdi, & ligandi, q̃. s. a petro ad ceteros deriuanda est propter unitatem capituli, & corporis ecclesiæ, ut ex autoritatibus S. Tho. allatis ex. 4. contra gen. & 4. sen. apparet. potestas data fuit (ut dictum est) ad gubernatiuam ecclesiæ potestatem pertinens, & æqualis modo dicto. Et ex hoc ostendit dominus, quod ipse ex gratuita præuentione dare uoluit apostolis. Ambo igitur simul cō-

siderata ostendunt magis quod diximus esse verum. Ad illud Ioā.ulti. quamuis male probetur, quod correctio iurisdictionalis sit commissā omnibus per illud. quorū remiseritis peccata (quoniam hæc uerba ad correctionē fori pœnitentiæ spectant) quia tamen posset probari per illud Matth. 18. quæcunq; solueritis : vbi Saluator loquitur de exteriori iurisdictione, qua ecclesiā non audiens sit ethnicus & publicanus. Respondetur, quod in ueritate saluator illa uerba etiam quo ad sensum. pasce oues meas, soli petro dixit, ut probatum est. Et quod si inuenitur aliquid simile commissum apostolis (puta pastorale officiū) ex eodē fundamento dicatur, quod nulli commissæ sunt oues Christi indistincte, ut comprehendantur oēs, nisi petro. alijs uero commissæ sunt oues de terminate saltē hac determinatione. scilicet alio ab ipsis apostolis, saltē petro. Et propterea alij possunt dici delegati pastores; iuxta illud præfationis. quos operis tui vicarios eidē cōtulisti præesse pastores. quasi diceret, quod gregi tuo contulisti apostolos præesse pastores, ut uicarios operis tui. id est. missos ut uice tua ad executionem operis tui. Petrus autē creatus est pastor ouium Christi absolute & uniuersaliter, dicēte Christo ipsi soli, pasce oues meas. Vnde (ut unico uerbo dicatur) plus datum est per hoc uerba petro, quā per quæcunq; alia simul congregata ceteris, quia auctoritas regiminis uniuersalis simpliciter hoc claudit, quamuis totum pastorale officium executiue concessum sit omnibus apostolis. Ad auctoritatē ex secundo ca. ad Gal. iam patet, quod nil doctrinæ aut potestatis accepit paulus a petro, nō ex defectu potestatis in petro, sed ex præuentione gratuita, qua a domino Iesu habuit potestatem & scientiam, ut ipsemet in primo ca. dixerat. Dexteras autem societatis propter unitatem fidei, quam docebant: non solum namq; socij, sed fratres in unitate fidei sumus, iuxta illud Matth. 23. omnes uos fratres estis. Quomodo uero in faciē restitit ut par, iam declaratum est, quod de paritate in executione officij defensionui fidei intelligitur. Ad illud uero, quod in actibus apostolorū, Petrus & Ioannes missi sunt. facile patet ex theologis in primo sen. di. 15. responsio, quod non oportet mittē tē esse maiore missō. Et nihilominus in proposito missi dicuntur consilio uel amore, non auctoritate aliorum. Ad auctoritates Anacleti Cypriani, & Hieronymi iam patet quid dicendum ex fundamento iam posito. Vnde uir doctē, quia non uagando, sed ex eadē radice omnia soluantur, testimonium habes quod doctrina hæc

uera est. Vero. n. omnia cōsonāt: & oportet ex quòd quid est rei, omnes difficultates pprias soluer e, ut philosophus dicit. 4. phy.

Ex eadem quoq; radice patet de positione aliorum, quam recitauimus circa modum habendi potestatem a Christo immediate. Patet in quā de potestate ordinis, quòd nihil refert an dominus Iesus prauenerit petrum in faciendo omnes apostolos episcopos (ut glosa in ca. porro di. 66. sentire uidetur contra textum) an eos ordinandos petro reliquerit, ut prællegata sonant. Si. n. petro hoc dimisit, ordinarium progressum potestatis ordinis in statuto cursu non prauenit & si ipse ordinauit per seipsum, gratuita pręuentione non reuocatione statuti ordinis hoc fecit. De potestate uero iurisdictionis, iam dictum est, quòd gratuita pręuentione per seipsum eam omnibus exequenda dedit, qui in ordine dandi seu promittendi ordinarium progressum deriuationis illius ad alios per petrum fore statuit, ut allatæ auctoritates docent. Ex his omnibus clare liquet, quòd petrus solus princeps, caput, & pastor est apostolorum, & quòd ei subditi fuerunt apostoli ut oues pastori, & quòd ordinaria uia ab ipso potestatem sortiti erant ordinis & iurisdictionis, licet gratuita pręuentione potestatem iurisdictionis executiuam equalem a domino immediate habuerit. potestatem autem ordinis episcopalem immediate uel mediate, omnes etiam a domino habuerunt equalem. Et si prædicta perspicaciter intuitus fueris, uidebis quòd petrus licet apostolus & papa fuerit simpliciter maior ceteris, Linus tamen, Cletus aut Clemens non sic se habebāt ad Ioannem apostolum & euangelistam qui uiuebat, sed aliquo modo ut par, & excedens, & excessus. Erant enim pares in potestate executiua regiminis ecclesiæ, pro quanto Ioannes poterat ex apostolatu exequi quicquid poterat papa. Erat papa excedens in auctoritate regiminis, sicut de petri auctoritate dictum est, quia illius erat successor, & IESU CHRISTI uicarius ipse, non Ioannes. Erat & excessus in dignitate apostolatus, quia Ioannes erat apostolus, Linus autē & Clemens non. Et quia apostolis non papæ condendi libros sacre scripturæ concessum est, dicēte illis domino quòd spiritus sanctus doceret eos omnia, & omnem ueritatem (unde Aug. de consensu Euange. Lucas & Marcus scripserunt illo tempore, quo ab ipsis in carne manentibus apostolis probari meruerunt) iō prælauisset sententia Ioan. sententię clementis papę in doctrina fidei & morum, sicut modo

modo prædalet Evangelium Ioannis sententię cuiuscunque papę & totius ecclesię. Nec obstat illud Aug. Evangelio nõ crederem, nisi me autoritas ecclesię admoneret, quia ipse Ioānes, & similiter quilibet apostolus ecclesiā erat, Iesu Christi auctoritate, testante hoc ipso Ioanne, qui de seipso loquens ca. ult. dicit in persona ecclesię, quam auctoritate Christi gerebat. Et scimus, quia verum est testimonium eius. Ex quo namq; constat apostolum aliquem scripsisse ad doctrinam ecclesię, ecclesię auctoritatem habet. Ex his autem patet, quòd duarum extremarum opinionum. sc. dicentis, quòd omnes apostoli eodẽ modo sint instituti a Christo uicarij sui, & dicentis quòd Christus immediate soli petro dedit potestatem iurisdictionis, neutra uidetur uera, quamuis ista secunda sit non reprobanda sed exponenda. Media autem uia sola uera est, quam declarauimus. sc. quòd solus petrus habuit uicariatum Iesu Christi, & solus immediate potestatem iurisdictionis ordinarię a Christo accepit, ita quòd ab eo alij ordinario iure accepturi erant, & ei sunt subiecti, hoc enim modo uerificatur secunda opinio. Et cum hoc, Iesus Christus dominus iuris præueniendo delegauit ceteris parem in exequendo potestatem (ut dictum est) & hoc ueritatis habet prima opinio. Sequere ergo medium.

IN QVO PONUNTUR RATIONES TENENTIVM

quòd ecclesia uniuersalis seu concilium uniuersale ha-

bet potestatem supra Papam simpliciter, ita

quòd papa est illi subditus.

Cap. V.

EXAMINATA comparatione potestatis papę ad apostolos ratione sui apostolatus, comparanda modo est papę potestas ecclesię uniuersalis seu concilij uniuersalis potestati. nunc quidem absolute, postmodum uero in euentibus & casibus ut promissimus. Et quoniam opposita iuxta se posita magis elucescunt, afferam primo rationes primarias in quibus consistit uis, quibus probatur Papam subesse ecclesię seu concilij uniuersalis iudicio. Et ne contingat sepius ecclesiam & concilium iungere, pro eodem sumantur, quoniam

quoniā non nisi sicut repræsentans & repræsentatū distinguunt.
 Fundant igitur hi constitutionem dictā primo in actis concilij Constantien. sub Ioan. 23. anno domini. 1415. ubi in sessione quinta habita die. 6. mēsis Aprilis sic legitur. Hæc sancta synodus declarat, quod ipsa in spiritu sancto legitime congregata, concilium generale faciens, & ecclesiam catholicam repræsentans, potestatem a CHRISTO immediate habet, cui quilibet cuiuscunque status, uel dignitatis, etiam si papalis existat, obedire tenetur, in his quæ pertinent ad fidem, & extirpationem dicti schismatis, & reformationem dictæ ecclesiæ in capite & in mēbris. Hæc ibi. Et subiungitur aliud decretum in hæc uerba. Item declarat, quod quicumque cuiuscunque conditionis, status, dignitatis, etiam si papalis, qui mandatis, statutis seu ordinationibus aut præceptis huius sacrę synodi, & cuiuscunque alterius concilij generalis legitime congregati super præmissis seu ad ea pertinentibus factis uel faciendis, obedire contumaciter contempserit, nisi resipuerit, condigne pœnitentiæ subiiciatur, & debite puniatur, etiam ad alia iuris subsidia si opus fuerit recurrando. Hæc ibi. Ex quibus habentur tria. Primo quod concilium uniuersale habet auctoritatem a IESU CHRISTO immediate. Secundo quod papa tenetur ei obedire. Tertio quod ipsa synodus habet potestatem coactiuam supra papam, dum punitioni eum subiicit. Confirmaturque eadem sententia per concilium Basilien. celebratum anno domini. 1431. sub Eugenio quarto, ubi resumpta sunt hæc decreta in sessione secunda & 18. Deinde in condemnatione errorum Ioannis uiclef. in eodem Concilio Constantien. sessione. 8. & postmodum per bullam Martini. 5. sacro approbante concilio firmata ibidem. Vbi inter alia sic damnatur articulus iste scilicet. Non est de necessitate salutis credere Romanam ecclesiam esse supremam inter alias ecclesias. error, si per Romanam ecclesiam intelligatur uniuersalis ecclesia, aut Concilium generale, aut pro quanto negare primatum summi pontificis super alias ecclesias particulares. Hæc ibi. Ex qua condemnatione habetur, quod Cōcilium uniuersale est suprema ecclesiarum, & consequenter est superior ecclesia Romana, quæ est una ecclesiarum. Et confirmatur hanc esse intentionē patrū, quia faciunt differentiā inter primatū concilij & summi pōtificis, quoniam de concilio dicunt simpliciter, quod est suprema inter alias ecclesias. De summo uero pontifice, dicunt quod habet primatum

matum respectu ecclesiarum particularium.

Fundant quoque hoc idem in euangelio & doctoribus, ex eo quod claves regni cœlorum, officium pastorale & potestas ligandi atque soluendi, ecclesiæ data sunt dupliciter, scilicet autoritative & finaliter. Et quod autoritate ecclesia ipsa hæc habeat testatur in primis Matth. 18. ca. vbi postquã dominus dixerat. Dic ecclesiæ, & si ecclesiam non audierit, sit tibi sicut ethnicus & publicanus: statim subdit. Amen dico vobis, quæcunque ligaueritis super terram, erunt ligata & in cœlo, & quæcunque solueritis super terram, erunt soluta & in cœlo. Vbi manifeste ecclesiæ hanc contulit potestatem uniuersalem: ad hoc enim illa uerba subdidit dominus (ut Hierony. ibidem dicit cum Hylario) ne priuata autoritate reputaretur non audiens ecclesiam ethnicus & publicanus, sed diuina autoritate ecclesiæ collata.

Testatur deinde Aug. super Ioan. (ut habetur 24. q. 1. ca. quodcunque) vbi concluditur quod Petrus quando claves accepit, ecclesiam sanctam significauit. Et rursus sermone 10. super Ioã, loquens de potestate ligandi & soluendi dicit. Hoc petrus cum omnibus tanquam personam gerens ipsius unitatis accepit. Et iterum in sermone Apostolorum Petri & Pauli. Petrus totius ecclesie gestabat personam: & propterea audire meruit. tibi dabo claves regni cœlorum. Has enim claves non ipsæ ut homo unus, sed unitas accepit ecclesiæ. Et in libro de Agõe Christiano. Non sine causa inter apostolos, ecclesiæ catholicæ personam sustinet petrus. Huic enim ecclesiæ claves datæ sunt, cum petro datæ sunt. Et cum ei dicitur, ad omnes dicitur amas me? pascue oues meas.

Et confirmatur hoc ratione. Quia non minus iuris habet ecclesia in clauibus sibi datis a Iesu Christo quam in rebus, sed dominium rerum temporalium principaliter est in ecclesia, cum etiam papa non sit dominus, sed dispensator rerum ecclesiæ, ut s. Thom. dicit in 22. q. ca. ar. primo, ad septimũ, ergo ecclesia principalius habet claves quam papa. Et confirmatur hoc rursus. Quia cum rectum sit iudex sui & obliqui, & ecclesia uniuersalis adeo sit recta, ut errare non possit (ut patet) papa autem errare possit etiam in fide (ut patet 40. di. ca. si papa) consequens est, quod ecclesia excellentius & prius habeat claves quam papa: immo quod habeat etiam ut iudex papæ. Quod autẽ finaliter ecclesiæ datæ sint claves, patet ex 2. ad Cor. 13. potestatem mihi dominus dedit in edificationem, & non destructionem. Et S. Tho. in tractu
contra

contra impugnantes religionem, expressè tenet q̄ potestas iurisdictionis prælatorum est propter bonũ subditorum, & propterea nulla iniuria fit prælato inferiori, puta episcopo, quando eximitur ab eo Abbas propter bonum ecclesiæ. Ex quibus sequitur q̄ Papa est propter ecclesiam, & non econuerso, & consequenter clauēs Papæ datæ sunt propter ecclesiam finaliter.

Fundant, & tertio idem super principijs naturaliter per se notis. Omne inquit totum est maius sua parte; ecclesia vniuersalis est totum, & Papa pars, ergo ecclesia vniuersalis maior est Papa. Processus bonus. Et maior est principium per se notum. Minor est apostoli ad Ro. 12. multi vnum corpus sumus, singuli autem alterius membra. & Hieronymi ad propositum in ca. legimus di. 93. Si autoritas quæritur, orbis maior est urbe.

Fundant demum hoc idem super hoc, q̄ ecclesia cōstituta est a domino IESV CHRISTO iudex Papæ in casu peccati, ut patet Matth. 18. Si peccauerit in te frater tuus, &c. dic ecclesiæ, & si ecclesiam non audierit, sit tibi sicut Ethnicus & publicanus. Ex qua autoritate, licet loquatur in casu peccati (quia incipit si peccauerit) & propterea non spectet ad præsens ca. in quo comparatur Papa ecclesiæ non in casu, sed absolute. uolunt tamen elicere etiam quòd ecclesia sit absolutæ supra Papam. Tū quia ordinarius iudex alicuius in puniendo, est etiam ordinarius iudex illius absolute. Tū quia iudex & lex non differunt nisi sicut aīatū, & in aīatū, ut patet 5. Ethi. Ad eandem aut legis autoritatē cuius est unus actus legis. s. punire. spectant tres reliqui. s. imperare, uetare & permittere. Ad eiusdem ergo iudicis ordinarij autoritatem spectabunt omnes iudicis actus, ad quē spectat punire. Et sic cum ecclesia sit iudex ordinarius Papæ in puniendo, sequitur quòd erit simpliciter iudex eiusdem in imperando, uetando, & permettendo. hi. n. quatuor actus sunt legis; ut in 12. q. 92. arti. 2. habes a diuo Tho. Et confirmatur hoc sacrorum autoritate Canonum 25. n. q. j. contra statuta, dicit Zozimus Papa. Contra statuta patrum concedere aliquid uel mutare, nec huius quidem sedis potest autoritas. Et in cap. primo dicitur. Prima salus est recte fidei, regulam custodire, & a constitutis patrum nullatenus deuiare. Ex quibus habetur & quòd Papa non est supra potestatem concilii. & quòd ad primam salutem spectant statuta patrum non Papæ. Multa quoq; in eadem causa & q. dicuntur ad hoc, quæ breuitatis causa omittuntur.

QUIS SIT SENSUS, QVO QVAESTIO. DE COMPARATIONE
autoritatis concilij, & Papae uertitur in dubium. Cap. 6.

AD EVIDENTIAM huius cōparationis prædeclarandi
 sunt termini: quid. scilicet. uoie ecclesiae seu concilii uniuersalis
 intelligitur, ne in uanū tota disputatio sit. Ecclesia uniuersalis
 duo significare potest in proposito, aut totum corpus eccle-
 siasticum constans ex omnibus membris, comprehenso etiā
 capite. i. Papa, aut totum residuum corpus ecclesiae distinctum
 contra caput. i. Papam. Concilium quoq; uniuersale, aut sumi-
 tur cum capite. i. Papa, uel personaliter, uel autoritate eius auto-
 rizatum; aut sine Papa utroq; modo. Et sic tres comparationes
 examinandae sunt. Prima est inter papam & ecclesiam seu con-
 cilium sine capite. i. papa omnino. Secunda est inter papam, &
 ecclesiam seu concilium cum capite personaliter. Tertia est in-
 ter papam, & ecclesiam seu concilium autorizatum a papa. Et
 quoniam omnes hae comparationes supponunt papam esse ca-
 put ecclesiae uniuersalis, & non solum singulorum membrorum
 (ut inimici ueritatis glosant) hoc primo monstratur. Primo ex
 autoritate ipsius Constantien. concilii ante & post electionem
 Martini, ut patet in sessione. 15. eiusdem: & in bulla Martini,
 ubi damnatur propositio illa Ioannis Hufs. Petrus nec est, nec
 fuit caput ecclesiae sanctae catholicae. Et altera. scilicet. Non est scintil-
 la apparentiae, quod oportet esse unum caput in spiritualibus re-
 gens ecclesiam, quod semper cum ipsa militante ecclesia con-
 uersetur. Hic expresse damnatur, quod Petrus non fuit caput
 catholicae ecclesiae: catholicum. n. idem est quod uniuersale. Et si
 militer damnatur, quod non oporteat esse præter Christum qui
 in caelis est, unum caput quod regat ecclesiam, conuersans cum
 ea, quod est papa, ut latius ostendit diuus Tho. hanc necessita-
 tem in 4. contra Gen. cap. 76. Hieronym. quoq; in lib. de ortu,
 & obitu sanctorum in nouo testamento. Petrus (inquit) in Chri-
 sti ecclesia firmamentum est, cephas corporis Christi principa-
 tus & caput est. Si Petrus est caput corporis Christi, ergo totius
 ecclesiae collectiue: iuxta illud apostoli ad Rom. 12. multi uinum
 corpus sumus in Christo. Et 24. q. j. rogamus vos, Marcellus pa-
 pa expresse dicit, quod Petrus est caput totius ecclesiae. Et in cō-
 cil. Lug. Greg. 10. (ut habetur in c. ubi periculum, de elec. li. 6.)
 Papam vicarium Iesu Christi Petri successorem, rectorem uniuersalis
 ecclesiae, & directorem gregis dominici uocat. Ritus quo-
 que

que nō. eccle. habet. ut cum papa se subscribit in aliqua uniuersa-
lis negocij bulla, dicit sic. Ego. N. catholice ecclesie episcopus. Ex
quibus patet, q̄ cauillatio dicens, q̄ papa est caput membrorum
ecclesie, & non ipsius simul ecclesie; erronea est. Quo namq; pa-
cto debuit aut potuit melius explicari a sanctis quam per nomi-
na collectiua, & apposita, quandoq; nomina uniuersitatis expre-
serunt ecclesiam gregem, corpus Christi explicando totam, uni-
uersalem catholicam? Dicant isti quomodo debet dici. & con-
uincantur saltem ex uerbis ipsius constantie. & basilie. concilij.
ubi eisdem uerbis significatur ecclesia collectiue, cum millies
ibi replicatur: Hec sancta synodus uniuersalem seu catholi-
cam ecclesiam representans.

De prima ergo comparatione. scilicet inter papam & ecclesiam uni-
uersalem sine capite) aperte constat quid dicendum sit. siq; papa
est super eam. Tum quia est corpus enormiter diminutum, quia
est truncum absq; principali membro, ac per hoc non est uni-
uersalis ecclesia, quæ perfectum significat. Tum quia dei perfe-
cta sunt opera Deute. 32. ac per hoc non conuenit diuinæ prou-
identie in tam imperfecto corpore supremam auctoritatem lo-
care; sed magis ipsum a capite dependere. Et si instetur, quod
apostolica sede uacante, inuehitur uniuersalis ecclesia, & tamen
sine capite, quod est papa: Respondetur quod non inuenitur
uniuersalis ecclesia nisi imperfecta, ita q̄ imperfectio ista est con-
ditio diminuens, si uniuersalis ecclesia, sicut corpus truncum di-
minuit a corpore integro. uniuersale. n. uniuersitatem claudit in
se; membrorum officialium, quorum præcipuum est caput. Vnde
tunc ecclesia est acephala, & est absq; eius suprema parte & pote-
state: Et qui hoc negat, in errorem Ioā. Huf. negantis necessita-
tem capitis ecclesie in terris (damnatum & a S. Tho. & a Marti-
no 5. cum concilio Constantien. ut dictum est) incidit. Et si de ec-
clesia uniuersali sic sumpta intelligatur, quod habet immediate
potestatem a Christo, & quod ipsa representatur per uniuersa-
le concilium, erratur errore intolerabili, ut patet ex allatis auto-
ritatibus, & inferius magis eluceſcet.

De secunda autem comparatione in altero extremo. scilicet inter pa-
pam ex una parte, & ecclesiam totam. i. etiā cum papa ex altera
parte, dicitur q̄ papa cum residuo ecclesie non est maioris pote-
statis iurisdictionis spiritualis quam ipse solus, quia potestas sua
cōtinet in se omniū reliquorū potestates, ut earū cā uniuersalis:

Nulla enim est potestas iurisdictionis in ecclesia, quæ nō sit in papa, ut patet inductiue. Quinetiam potestas electiua ipsius papæ, in papæ potestate esse. Quod patet tum ex facto petri, qui elegit sibi successorem, ut 18. q. 1. c. si petrus, dicit Ioannes tertius. Tū ex eo quod papa ordinat actum electiue potestatis, determinando quando & qualiter debet fieri electio. & quod plus est, determinando subiectum illius potestatis, dum constituit q̄ ad duas partes cardinalium ad minus spectet electio. Probatum & ex ca. si papa di. 40. ubi dicitur, quod uniuersitas fidelium suam salutē post dominum ex papæ incolumitate animaduertit propensius pendere. Et di. 19. ca. Ita dominus, Leo. Papa dicit. Huius muneris sacramētum ita dominus ad omnium apostolorum officium pertinere uoluit, ut in beatissimo petro omnium apostolorum summo principaliter collocaret, ut ab ipso quasi a quodam capite dona sua uelut in corpus omne diffunderet. Vbi manifeste patet, a papa omne reliquum corpus ecclesiæ, uelut a capite potestatem sortiri. Et sic sumendo ecclesiam uniuersalem, constat q̄ habet immediate auctoritatem a IESU CHRISTO, nihil enim mediat inter ipsam & Iesum Christum. Sed ex hoc non habetur, quod comparando membra aliqua (puta corpus sine capite) ad Christum, quod habeat immediate potestatem ab ipso, sed sufficit quod totum habeat immediate a Iesu Christo, partes autem inter se ordine quodam, & ita in caput primo, & per caput in corpus reliquum potestatem diffundit saluator noster, iuxta dicta & dicenda. Vnde patet, quod tota ecclesia non habet potestatem supra papam solum, nec econuerso, quia papa cum ecclesia reliqua non facit maius in potestate, sed plures potestates.

De tertia autem comparatione (quæ est media, & est inter papam & concilium autorizatum a papa) ex antedictis facile sumitur, quid dicendum est. S. quod non est maioris auctoritatis quam papa, a quo solo autorizari potest, ut patet 17. di. per totū. & extra de elec. c. Significasti, ubi dicitur q̄ omnia concilia per rom. ecclesiæ auctoritatem & facta sunt, & robur acceperunt.

His tribus comparationibus secundum ueritatem præmissis; quarta superaddit secundum opinionem, & est inter ecclesiam uniuersalem ut quandam communitatem, siue papa prima pars eius non, caput totius auctoritatis in ea uelit in eam cōuenire, siue non ex una parte & papam ex altera parte. Et quia comparatio inter diuersa est, & eiusdem ad seipsum subiectio non est, si-

cut nec iustitia proprie loquendo. cum dicunt hi quòd ecclesia uniuersalis est supra papam, alterum duorum intendūt. aut enim intendunt per ecclesiam uniuersalem congregationem fidelium uelut quādam communitatem, siue papa pars prima illius uelit interessē siue non. aut intendunt ipsam fidelium congregationē auctoritate capitis scilicet summi pontificis factam: ita quòd ipsum congregari solum dependeat a papa in ecclesia uniuersali, in concilio uero, duo dependeant a papa. scilicet congregari & repræsentare uniuersalem ecclesiam, ita quòd in his intendunt, quòd seclusa auctoritate papæ, ex quo congregata est ecclesia uel concilium fit comparatio potestatis ecclesię uel concilij ex una parte, & papæ ex altera. Totus ergo futurus sermo de ecclesia seu concilio ut distinguitur contra papam erit de ecclesia & concilio seclusa papæ auctoritate, post congregationem legitime factam. Et cōtra hos dicentes ecclesiam habere auctoritatem supra papam, ratio est. Quia positio ista peruertit ordinem regiminis ecclesię: oportet namque secundum istos regimen ecclesię esse democraticum seu populare: in quo tota auctoritas apud nullum residet, sed in tota communitate, sicut in cap. accidit, ut s. Thom. in 4. sen. di. 19. q. 1. ar. primo, q. 3. ad tertium dicit. Et hoc ipsi uolunt; dum ecclesiam uelut communitate libera, potestate supra papā quasi regem habere dicunt, ut senatus populusq; Romanus, habebat super imperatorem. Et quia hoc ipsi non reputant inconueniens quantum ad rem, licet uocabula horrere uideantur, ideo circa rem insistendo monstrandum est, quòd non communitati ecclesię, sed uni soli in illa Christus plenitudinem potestatis ecclesiasticę dedit.

QVOD PAPA SIT SVPER POTESTATEM ECCLESIAE
*uniuersalis & concilij generalis, ut distinguitur contra
 papam. Cap. 7.*

PRINCIPIVM huius ueritatis ex domini nostri IESV CHRISTI auctoritate sumitur; ubi Ioan. ult. soli petro ut distincto ab aliis dicit, pasce oues meas (ut deductum in primo ca. fuit) in hoc istituens regimen ecclesię monarchicum. Et si ridiculosa illa responsio detur, quòd Christus dixit Petro. Pasce oues meas, non ecclesiam meam, quasi fecerit eum pastorem singularum ouium, non ipsius ecclesię, quæ significat totum consurgens

confurgens ex omnibus ouibus. manifeste excluditur hoc ex eo, quòd in oratione dicitur. Deus omnium fidelium pastor & rector, famulam tuam. N. quem pastorem ecclesiae tuae praesesse uoluisti. Et in concil. Lug. de elec. lib. 6. ubi periculum, papa rector uniuersalis ecclesiae, & gregis dominici director dicitur, ubi patet, quòd respectu ecclesiae & gregis (quae collectiones significant) & non solum respectu particularium pastor, & rector & director est papa. Et quia hoc est ultima fuga harum uulpecularum uineae domini demolientium, idcirco in omnibus afferendis uigilandum est, ut de ipsa collectione seu communitate concludamus non praetalam sed subditam esse papae. Amplius. Ioan. 10. saluator inquit, alias oues habeo &c. & subdit, & fiet unum ouile & unus pastor. Certum est quòd ouile non significat oues, sed unum continens oues. Et ex glosa interlineari in principio illius capituli (ubi dicitur, qui non intrat per ostium in ouile, exponente in ouile, i. in catholicam ecclesiam) habetur quòd per unum ouile intelligitur ecclesia una ex iudeis & gentilibus. Ex hac auctoritate arguitur sic. Ecclesia ut una ex iudeis & gentilibus, est ouile, & petrus cui dictum est, pascere oues meas, est pastor unus illius ouile, ergo ecclesia, ut una non est super papam, sed sub eo, ut ouile sub pastore. Et confirmatur hoc. Quia ecclesia seu concilium distinctum contra papam. aut est oues aut ouile, aut pastor. Non oues, quia ex utriusque ouibus ouile unum constituendum dicit dominus. Non pastor, quia cum petrus sit unus pastor ecclesiae (ut monstratum est) si ecclesia esset alius pastor, essent duo pastores, contra dominum dicentem, fiet unus pastor. Ergo ouile. & cum non sit ouile nullius pastoris, est ouile unum unius pastoris, qui est dominici gregis rector & director, papa scilicet.

Et confirmatur quòd de papa specialiter loquatur, quia uerbo futuri temporis utitur significante futurum fieri, fiet inquit ouile unum utrisque conuenientibus & unus pastor. Et quoniam quod est, non fit nec fiet: ipse dominus, qui de seipso praemisit pluries ibidem, ego sum pastor bonus, non est postmodum factus pastor unus: sed dum soli petro postmodum dictum est, pascere oues meas, non has uel illas. impletum est fiet, unus pastor, loco illius summi pastoris, qui solus est pastor bonus per essentiam.

Amplius. Non minus papa est episcopus ecclesiae catholicae quam

quàm quilibet episcopus suæ ecclesiæ, sed quilibet episcopus est episcopus & singularum personarum & totius collectionis earum in unam cõunitatem. ergo & papa est episcopus singulorum & uniuersorum christianorum in unam catholicam ecclesiã collectiorem. Et confirmatur hoc. Quia cum ecclesia sit nomẽ collectiũ, & significet collectionem fidelium (ut dicitur de cõse. di. 1. ca. ecclesia) & episcopus dicatur episcopus ecclesiæ talis, oportet ut primo sit episcopus ipsius ecclesiæ, & secundo singularum personarum, ac per hoc papa qui intitulatur episcopus ecclesiæ catholicæ, & non illorum aut omnium christianorũ. primo est episcopus ipsius ecclesiæ catholicæ, & secundo membrorum eius. Et uere sic est, quia primo debet superintendere bono proprio ipsius unius ecclesiæ catholicæ & deinde bonis proprijs membrorum omnium. Et si studiosè quæratur quo pacto papa potest dici episcopus & caput ecclesiæ catholicæ, cũ ecclesia catholica includat ipsum papam. Pater responsio dupliciter, primo quòd hæc est distributio accõmoda, sicut cum dicitur, cœlum continet omnia corpora, non quòd contineat seipsum. sed quia continet omnia possibilia contineri. pariformiter enim dicitur, quòd papa est caput & episcopus ecclesiæ catholicæ, non quòd sit caput, episcopus, rector &c. sui ipsius, sed quia est caput omnis possibilis habere caput, rectorem & episcopum. Secundo dicitur, quia secundum Hylarium sermo rei, & nō res sermoni debet esse substituta, ea ratione papa dicitur caput & episcopus ecclesiæ catholicæ, quia in ecclesia catholica ipse capitis & episcopi locum tenet. Amplius. Papa habet supremam potestatem in ecclesia dei, ergo papa non subest ecclesiæ. Antecedens patet ex condemnatione iam dicta in concilio cōstantiẽ. per Martinum 5. ubi de papa loquendo, dicitur habens supremã potestatem in ecclesia dei. Consequentia probatur, quia supra supremam auctoritatem in ecclesia dei, non potest maior intelligi in eadẽ ecclesia dei, etiã si fingẽdi detur licentia. Immo ex hoc etiã sequitur, quia tam ecclesia quã cõciliũ papæ subditur, quia non sunt duæ supremæ potestates in ecclesia dei, principatũ. n. plura licet mala cũ sit (ut patet. 1. 2. metaphy.) a Iesu Christo summe bono, quia uult ecclesiã suã optime disponi esse non pōt. Et confirmatur hoc auctoritate Innocẽtij. 3. i cõcilio generali, ex. de pe. & re. ca. cũ ex eo. ubi dicitur, quia Ro. Pōtifex plenitudinẽ obtinet potestatis. Et in c. pposuit, de cõces. prabẽ. idẽ dicit. Nos secundum pleni.

plenitudinem potestatis, de iure possumus supra ius dispensare. Et ex de elec. in. c. significasti. Paschalis dicit. Aiunt in concilijs statutum non inueniri, quasi Ro. eccle. legem concilia ulla praxerint, cum omnia concilia per Ro. ecclesie auctoritatem, & facta sint, & robur acceperint. Quæ omnia pro plenitudine potestatis papæ. s. concilia, & consequenter uniuersalem ecclesiam alata sunt. Et confirmantur auctoritate. S. Tho. in trac. contra impugnantes religionem, ubi dicit hæc uerba. Sancti patres in concilijs congregati nihil statuere possunt nisi auctoritate Ro. pontificis interueniente, sine qua etiam nec concilium congregari potest. Hæc illæ. Amplius. Papa est proximus & immediatus uicarius Christi & apostolorum, ergo nullam habet in terris potestatem priorem se. Antecedens patet in sepe dicta condemnatione articulorum a Martino. 5. in concil. constantiæ. ubi unus ex reprobatis articulis est iste. Ecclesia Ro. est synagoga Sathane, nec papa est proximus & immediatus uicarius Christi & apostolorum. Consequentia patet, quia proximo & immediato nihil est propinquius & immediatius. Et ex hoc patet primo, quod erroneum est dicere, quod ecclesia ut distinguitur contra papam habet immediate auctoritatem a Christo supra papam, sic enim non papa, sed ecclesia esset proxime & immediate Christi uicaria. Impossibile est enim esse duo sub ordinata ambo equæ proxima & immediate Christo, ut patet istos fingere.

Et confirmatur auctoritate. S. Tho. dicentis in trac. contra errores græcorum ca. 69. Christi uicarius suo primatu & prouidentia uniuersalem ecclesiam tanquam fidelis minister Christo subiectam seruat, & oppositum sentire dicit esse errorem. Postremo uideat quæso diffinitio facta in Concilio florentino, quod quia ex orientali & occidentali simul ecclesia constatum est, cæteris occidentalibus tantum, antefertur. Et ibi (ut in primo. c. uerba adduximus) non solum dicitur 'quod papa est omnium christianorum pater & doctor, sed quod est etiam uniuersalis ecclesie pastor gubernator & rector, cum plena potestate a domino Iesu Christo institutus in beato Petro. Dicant ipsi quomodo potuerit clarius exprimi, quod non solum omnium membrorum, sed ipsius uniuersalis ecclesie pastor, rector & gubernator est, & quod non mediante ecclesia, sed in petro cuius est successor, plenam potestatem pascendi, regendi, gubernandi uniuersalem ecclesiam a domino Iesu Christo accepit. Et uideant si tantum

lumis

luminis eis concessum fuerit, quòd hereticorum more scripturas, & sanctorum dicta oportet eos extorquere, ut eorum proteruus error defendatur. Forte nulla scriptura tam clara in fide habetur, quam non possit extorta expositio ad suum trahere propositum. sed veritas tunc inuenitur, cum planus scripturæ sensus iuxta sanctorum consensum queritur.

IN QVO RESPONDETUR OBJECTIONIBVS SYMPTIS EX AVTORITATE concilij Constantien. & Basilien. Cap. 8.

VT ORDINATE autē obiectis distincte satisfiat inchoandum est a decretis Constantien. ad quæ duæ responsiones dantur. Prima negans illa esse autentica auctoritate veri concilij facta: quoniam facta sunt tempore schismatis, quo erant tres Papæ in ecclesia Dei, ab una sola obedientia. scilicet Ioannis 23. absente etiam illo suo papa. Quod constat ex eo, quòd illa promulgata sunt anno domini. M. ccc cxv. die vj. Aprilis in sessione 5. & obedientia Gregorij 12. coniuncta est illi die 4. mensis Iulij eiusdem anni in sessione 14. & obediētia Benedicti. xij. iungi cepit anno Domini, M. ccc cxvi. die xij. Octobris in sessione 22. Unde dicere, quòd illa obedientia constitueret concilium generale catholicam ecclesiam representans, nihil aliud est quàm renouare antiquum schisma, & damnare ut schismaticas duas obedientias, & quod semper fuit & est dubium, facere certum. Et si dicatur quòd Martinus v. approbavit illa decreta & illam synodum. Decreta quidem in sessione vltima, ubi legitur quòd dixit quòd omnia, & singula determinata, conclusa, & decreta in materiis fidei per præsens concilium, concilialiter tenere, & inuiolabiliter obseruare volebat, & nunquā contravenire quoquo modo: ipsaq; sic concilialiter facta approbat & ratificat, & non aliter, nec alio modo. Hæc ille. Constat autem quod concilium esse supra Papam, uel papam supra illud, materia fidei est. ergo decreta illa in sessione 5. facta super superioritate concilij supra papam, sunt approbata. Synodum uero in bulla condemnationis articulorum Ioannis uicleff, sacro approbante concilio. ubi interrogatoria ponens dicit, utrum credat quod condemnationes Ioannis uicleff, Ioannis Huls, & Hieronymi de praga, factæ de personis eorum, libris, & documentis per sacrum generale Const. conciliū, sint rite, & iuste factæ, & a quo,

libet catholico pro talibus tenendę & asserendę. Hęc ibi . Et cū
 constet, quòd contra Ioannem uicleff in sessione 8. contra Io
 an. Hufs in sessione 15. & contra Hiero. de prag. in sessione 21.
 sententia lata fuerit, consequens est, tunc ante unionem obediē
 tiarum omnium, concilium generale fuerit, si Martinus in tali
 bulla verum dicit. Respondendum est, quòd tractari aliquid in
 materia fidei contingit dupliciter. scilicet materialiter, & formaliter.
 Tunc tractatur formaliter materia fidei, quando tractatur ut
 credenda, uel damnanda a fide. Tunc autem tractatur materia
 fidei materialiter, quando tractatur res quidem pertinens ad fi
 dem, sed non ut credenda, uel non credenda: sed quacumq; alia
 ratione, extra formale. n. infinita contingit esse. Et quia nisi ser
 mo intelligatur formaliter, perit certitudo, ideo uerba Marti
 ni v. in illa ultima sessione formaliter sunt intelligenda. In con
 cilio siquidem illo fuerat in materia fidei tractatum, & decusum
 formaliter (ut patet in sessionibus allegatis contra illos tres su
 pradictos, & etiam in sessione . 19.) & fuerant multa alia tra
 ctata, sed non ut materia fidei, inter quę sunt illa sessionis . 4.
 & 5. In cuius signum nulli fuerunt deputati ibi ad uidendum de
 fide, quin potius deputatio in materia fidei cepit post hęc in ses
 sione . 6. ut patet ibi. nulla etiam fit ibi mentio de credendo uel
 non credendo. Martinus autem v. approbavit decreta in mate
 ria fidei formaliter tantum, & non illa alia. Et hoc euidenter et
 patet: quia illa uerba dixit respondens requisitioni oratorum
 Regis Polonię exigentium, quòd acta per cōcilium contra illos
 prænominatos hæreticos firma essent (ut patet in sessione ulti
 ma) & propterea bulla illa condemnationis subsequuta est. Ad
 instantiam uero de approbatione synodi dicitur, quòd per illud
 & alia interrogatoria, ibidem de concilio Constantien. posita,
 totum a nobiliori parte Martinus nominauit: congregatio siqui
 dem Constanrien. quę inchoauit in sola obedientia sub Ioanne
 xxij. & iterū post in coniuncta obedientia sub Grego. xij. in con
 iunctione obedientię Benedicti. xij. cōsummata est. & post Mar
 tinum electum autorizata facto præsidentię personalis in conci
 lium uniuersale, ad hoc nobiliori, & certiori statu tota conci
 lium uniuersale uocatur, & nuncupatiue in quolibet statu con
 cilium uniuersale appellatur, nominibus utendo ut plures.

Fundatur autem hęc declaratio, super eo quòd non est rōni
 consentaneū, Martinū uoluisse declarare alias obediētias fuisse

extra ecclesiam, sed uerba proferre honoribus, nominibus utēdo ut plures utuntur, absque ueritatis tamen offensa. Vnde in illa bulla, bis oppositū declarauit, scilicet in articulo, papa habet supremam potestatem in ecclesia dei, & in illo. petrus fuit caput ecclesie appellatæ. Et ut insinuaretur, quod concilium ab ultima parte appellabatur, in præcedenti interrogatorio, præterito adiunxit præsens, dicens quoddam concilium approbauit & approbat, condemnauit & condemnat, quasi præteritum non suffecerit. Et quia iā ex isto priore interrogatorio habitum erat, quoddam concilium Cōstatien. in præsentī sub Martino v. condemnat illos tres, nō oportuit in ultimo interrogatorio præterito iungere præsens. iā enim præteritum supponebat pro concilio sub Martino, quia iam dannauerat, & sic etiam uerba saluantur uerbaliter. Hæc est prima responsio ad principale motiū. Secunda autem est, dato quod decreta illa ualeant, intelligenda sunt cum grano salis, quomodo autem, dicendum est per singula. In primis, cum dicitur quoddam concilium potestatem a CHRISTO immediate habet, potest dupliciter intelligi, primo de concilio ut distinguitur contra papā. Et sic est falsum, ut patet per inductas auctoritates extra de election. significasti. ubi dicitur quoddam robur habent omnia concilia a Ro. sedis auctoritate. Et distinc. 19. ita dominus, ubi Leo dicit, quoddam a Petro quasi a quodam capite in corpore omne auctoritas manat. Et s. Tho. in tractatu, contra impugnantes religionem dicit, quoddam sancti patres in conciliis congregati, nil possunt statuere sine Rom. pontificis auctoritate interueniente, sine qua nec congregari concilium potest. Hæc ille. Et nota quoddam dicit sancti patres, quia patribus non sanctis, sed præsumptuosis nulla lex posita est, sed præsumptio eorum sibi ipsis est lex. Secundo potest intelligi de concilio incluso papa. Et in hoc sensu est uerum, quoddam habet immediate auctoritatē a Iesu Christo. Et quoddam sic interpretandum sit, ex duobus uerbis illius decreti colligitur. Primum est, legitime congregata. constat enim quoddam legitima congregatio concilij generalis ad papam spectat, ut ex nunc nūc allatis testibus patet, & distinc. 17. per totum. Secundum est, ecclesiam catholicam repræsentans corpus nāque ecclesiasticum uniuersum (quod ecclesia catholica. i. uniuersalis significat) non est ipsum uniuersum corpus ecclesiasticum, si sine capite sit uel intelligatur. Papam autem ex dictis constat caput esse totius ecclesie catholice, ac per hoc concilij ipsam repræsentantis. Et si mundi

cordis oculo perspiciatur, apparebit quòd Conciliū habet quòd repræsentet uniuersalem ecclesiā a papa, qui habet plenissimam curam uniuersalis ecclesiæ. Quis enim Cardinalibus, Episcopis, Abbatibus & prælatibus paucis (ut communiter accidere uidetur) contulit uota totius populi christiani, nisi papa? oportet enim aut ipsos christianos hoc fecisse, aut aliquem supplere potentem eorum uota. Et cum ipsos non transferre uota sua in eos, experientia testetur, quin potius si requirerentur christiani, infiniti inuenirentur qui refutarent transferre uota in alios, & per se ipsos interesse mallerent, aut concilium non celebrandum ducerent. Relinquitur ergo, quòd Papa qui solus est pater, pastor, doctor, rector & gubernator omnium & singulorum christianorum cum plenitudine potestatis, uota totius ecclesiæ transfert in concilium congregando & roborando ut ei uideatur. Propter quod, sine papa patres sancti congregati nihil possunt, & dissolui potest concilium a papa, auferendo ab eis quòd amplius uniuersalem ecclesiā non repræsentent auctoritative. Nec est uerum si dicatur, quòd ecclesia ratum habet concilium, non reclamando. ideo enim non reclamatione, quia in uero concilio papa supplet: in falso autem quia contra præsumptuos præualere non sperant docti, ignorantes autem nescij silent. hoc autem non est approbati ab ecclesia, sed non molestari ab illa.

Deinde cum dicitur, quòd ipsi concilio seu eius decretis etiā papa obedire tenetur: multis distinctionibus iuxta multos terminos opus est. Distinguendum est enim de papa dubio uel certo, sicut enim quod nescitur consecratum, pro non consecrato habetur, & resecratur secundum sacros canones (ut patet extra de presbytero non baptizato cap. ueniens, & de consec. di. 1. cap. solennitates) sic qui nescitur legitime electus papa, tanquam non papa obedire tenetur, & hoc directe pertinet ad illa decreta ratione schismatis, quando erāt tres papæ, & nullus indubitatus ex sua electione.

De papa autem certo, & indubitato distinguendum est, quia uel est sermo de his quæ a Concilio & decretis eius statuuntur de iure diuino (ut ea quæ sunt fidei) uel naturalis iuris, ut ea quæ sunt uirtutum & uitiorum moralium, & sic papa tenetur obedire, nec potest contra ea dispensare. Et sic interpretanda sunt decreta illa. unde in tribus dicitur debere obedire scilicet in his quæ sunt fidei reformationis & amotionis schismatis. hoc enim

enim cum spectantibus ad ea, aut ad ius diuinū aut ad ius naturale spectant. Vel est sermo de his quæ sunt pure iuris positivi. & sic distinguendum est de obedientia, scilicet quo ad iudicium diuinum uel humanum: & dicendum, quod licet princeps sit solutus legibus, nec concilia legem ullam coactiuam in iudicio humano præfixerint Rom. sedi, in iudicio tamen diuino tenetur papa obedire: ut s. Thom. expresse habet in prima, secunde. q. 96. ar. 5. ad tertium. Et in ca. confidimus; 25. q. 1. Gelasius papa dicit, uniuersalis eccl. constitutum nullam magis exequi sedem præ cæteris oportere quam primam. Demum cum subditur de punitione contumaciter contemnentium, potest dupliciter intelligi. Primo indifferēter, ut quilibet etiam indubiratus papa in quo cunque peccato contra ius diuinum aut naturale contumax, punitioni humanæ subiiciatur. Et hic sensus est contra sacros canones, ut patet in ca. si papa di. 40. & dist. 79. ca. electionem, & in cap. aliorum. 9. quæstio. 3. Nec est acceptandum quod id, quod infinito temporis spatio a tot est patribus approbatum unico uerbo destruere uoluerit conditores canonum. Secundo potest intelligi discretè secundum proportionem materiæ & personæ, & sic cum prælati communiter non sint publice puniendi (exemplo dei, qui non puniuit publice Aaron de idolatria: ut s. Tho. dicit in 4. sen. dist. 46. q. secunda, ar. secundo, quæstio. secunda, ad quintum,) & papa non ut puniendus factus, sed uerbis repræhendendus publicæ (ut ex s. Thom. colligitur in 4. senten. distin. 19. quæstio. secunda, artic. secundo, quæstio. secunda, ad secundū & in secunda secundæ, q. 33. artic. 4. in casu quo publice in periculo eccl. peccat, ut Petrus repræhensus fuit a Paulo ad Gal. 2.) & in casu quo potest deponi etiam factus depositionis puniri possit, consequens est quod sic discretè & proportionaliter intelligantur uerba illius decreti.

Ex quibus omnibus clare patet, quod nec ex illis decretis habetur superioritas concilij aut eccl. supra papam. Vnde non oportet aliter respondere ad eandem ex Concilio Basilien. in sessione. 2. & 18.

De quo tamen sciendum est, quod licet ab Eugenio iij. fuerit approbatum quo ad inchoationem & prosecutionem, & multa pro illo Concilio in bullis suis dixerit, nunquam tamen illius approbauit decreta, quin potius in Concilio florentino statim

tim diffiniuit Ro. Ponti. esse caput, pastorem, doctorem, & recto-
 ré uniuersalis ecclesiæ, ut superius attulimus. Refert quoq; do-
 minus Io. de Turre cremata (qui fuit præsens utriq; concilio) in
 lib. 3. de ecclesiâ, ca. 100. multos defectus qui in concil. Basilien.
 in conflatione illorum decretorum interuenerunt. s. quòd nò fue-
 runt unanimiter conclusa, nec cum consensu præfidentium le-
 gatorum domini papæ, qui talibus interesse recusarunt. nec ex-
 pectatis oratoribus Angliæ & Castelle, quos in uia nouerant con-
 stitutos, nec auditi sunt uiri multi sapientes, uidentes hoc esse cõ-
 tra doctrinam sanctorum, sed promulgata sunt ad furorem ho-
 stium. apo. sedis cum multitudine populi, nullius auctoritatis. Vn-
 de ex neutro concilio admittuntur ut ualida. Nos tamẽ ex abũ-
 danti iustitia, illa glosauimus. Et si glosas contra intentionem
 autorum dixerit aliquis, ex alijs actis eorundem conciliorũ hoc
 conuicens. respondebo primo quòd ego homo sum. & uideo,
 quæ foris sunt quo ad ipsa decretorum uerba, deus autem intue-
 tur cor. Quo ad alia uero acta eorundem conciliorum attestan-
 tium aliam fuisse autorum intentionem, dicam de Constantien.
 quòd sicut errauit usurpās in una sola obedientiam uniuersalem
 ecclesiā, ita errauit dominus in procedentibus ex ea, quoniā
 tunc illa decreta fecit. De Basilien. uero notorium est, quòd erra-
 uit cum contra unum uerum & indubitatu Pont. Euge. 4. proces-
 sit usq; ad depositionem inclusiue, qui tamen cum successoribus
 suis uerus Papa est. Dicam secundo quòd si honorem ueritatis re-
 cusant, falsa, erronea ac igni obnoxia sunt.

IN QVO SOLVUNTUR RELIQVE OBJECTIONES

contra idem facta.

cap. I. X.

EX PEDITIS auctoritatibus conciliorum Constan. & Basi-
 liæ. quæ nullius auctoritatis censentur, soluendæ cõsequēter
 sunt obiectiões quæ ex uera ac certa auctoritate procedūt,
 iuxta ordinem quo inductæ sunt. Ad declaratiōē, igitur Mar-
 tini V. in condemnatione articulorum. s. quòd error est non cre-
 dere Ro. ecclesiā esse supremam inter alias ecclesiās, si per Ro.
 ecclesiā intelligitur ecclesiā uniuersalis uel conciliū uniuersa-
 le, aut pro quanto negat primatum summī pontificis super par-
 ticulares ecclesiās. Respondetur, quòd quia comparatiō est in-
 ter

ter diuersa, & hæc tria. scilicet ecclesia uniuersalis, concilium uniuersale, & ecclesia Ro. singula sunt quædam corpora mystica integra, constantia ex capite & membris reliquis, & in capite non solum conueniunt, sed identificantur (papa siquidem caput propriū uniuersalis ecclesiæ & concilij & Ro. ecclesiæ est) in membris autem reliquis distinguuntur. uel sicut repræsentans & repræsentatum, ut membra ecclesiæ & concilij, uel sicut pars & totum, sicut membra reliqua Ro. ecclesiæ partes sunt membrorum reliquorū concilij & ecclesiæ uniuersalis, ut patet. idcirco cum sit comparatio inter ecclesiam seu conciliū uniuersale & ecclesiam Ro. non sit comparatio secundum caput, sed secundum reliqua utriusque membra, secundum quæ recte dicitur, quod tam ecclesia, quā synodus uniuersalis, est superior ecclesia Ro. ut ex illo articulo de ducitur. unde admissio illius comparatiue nihil concludit contra papæ auctoritatem. Posset nihilominus dici, quod quia esse supremam inter ecclesias, conuenit ecclesiæ ratione capitis, & ecclesia Ro. ratione capitis est de essentia concilij & ecclesiæ uniuersalis. & nulla comparatio etiam cum dictione exclusiua excludit intrinseca. idcirco non est admittenda comparatio concilij ad ecclesiam Ro. quo ad hoc, quod est esse supremam inter ecclesias, sicut nec quo ad caput, quia sicut idem est caput, ita eadem est superioritas, & negaretur illa illatio, ergo concilium est suprema inter alias ecclesias etiam Romanam. Et ad probationem, quia Ro. ecclesia est una ecclesiarum. respondetur, quod plus requiritur ad comparisonem istam, oportet enim quod sit una, & distincta capite proprio ab ecclesia quæ est concilium, quod hic non est. Ex calce uero illius articuli. scilicet quod primatus papæ est super ecclesias particulares, cum sit sermo affirmatiuus de primatu super particulares, & non negatiuus de primatu super uniuersalem ecclesiam, nihil habetur in oppositum, quod. n. nō fuit expressum ibi, est expressum alibi, ut adductū est. Ad obiectionē sumptam ex euangelio Matth. 18. quæcunque solueritis &c. dicitur, quod ad litteram hæc tria tantum ad propositum habentur. Primum est, quod a Christo immediate apostolis data est potestas ligandi & soluendi, quod superius concessimus conformiter ad ca. in nouo. di. 21. Secundum est, quod potestas data est uniuersalis, iuxta illa uerba. quæcunque solueritis. Sed tamen non est adeo uniuersalis ut uerba sonant, sed li. Quæcunque, distribuit pro subiectis. ita quod sensus est, Quæcunque uobis subiecta solueritis

aut ligaueritis &c. alioquin oportet dicere, quòd omnino occulta potuissent soluere uell ligare, contra illud apostoli primæ ad Corin. 4. nolite ante tempus iudicare, donec ueniat dominus, qui illuminabit abscondita &c. Et quia Petrus non erat eis subiectus, sed prælatus cum factus fuit pastor ecclesiæ, ideo sub illa distributiva non concludebatur Papa; utpote non subiectus. Tertium autem est, quòd ex illo contextu insinuat, quòd ecclesiæ quælibet habitura esset potestatem ita ligandi & soluendi, ut soluta & ligata ab ea essent soluta & ligata in cælo. & hoc in sibi subiectis. Vnde sicut ridiculum est ex hoc, quòd ecclesia Bononien. habet hanc auctoritatem, inferre ergo potest ligare aut soluere nō subiecta: ita ex hoc quòd ecclesia uniuersalis habet hanc auctoritatem non potest inferri, nisi quòd potest in subiecta. quamuis enim multo plura sint subiecta uniuersali ecclesiæ quàm Bononien. nihilominus in hoc formali conueniunt, quòd nulla ecclesia potest nisi in sibi subiecta. Ex hoc autem non habetur, quòd Papa est ei subiectus. nec etiam habetur (ut superius dictum est) quòd habeat a Christo immediate potestatem, quia modus habendi. s. immediate a Christo, ex speciali gratia ad personas suas fuit. Quod autem alicui gratiosè conceditur, non debet ab alijs trahi in exemplum. a Christo. n. habent omnes ecclesiæ hanc potestatem, sed non immediate. Ad auctoritates Aug. dicentes quòd Petrus in persona ecclesiæ & unitatis &c. clauis accepit. Dicendum est, quòd per hæc omnia intelligendum est hic. s. quòd non soli personæ petri, sed officio suo perpetuo duraturo hæc collata sunt. Et quia officium petri est officium capitis quod habet influere in corpus reliquum, ideo officio capitali data, toti corpori, data dicuntur & sunt. Non potest siquidem expers corpus remanere, si caput officium suum facit. unde & Leo Papa in di. 19. ca. ita dominus, ipsi domino attribuit quòd a Petro in corpus omne potestas deriuaretur. Quia ergo unitas officij cōmunicatiui toti ecclesie clauis accepit in persona petri, ideo dicitur quòd Petrus personam ecclesiæ gerebat, & quòd unitas nō unus clauis accepit, & quòd ad omnes dicitur amas me, pasce oues meas, & similia. & non propterea dicitur quasi cōmunitas popularis aut senatoria potestatem acceperit. Hic. n. sensus contra Aug. & Iesum Christum est, ut ostensum est. & ipse Aug. in q. noui & ueteris testamenti aperit dicens. Saluator cum pro se & Petro dari iubet didragma. pro omnibus soluissè uidetur, quia si

cut in saluatore erant omnes causæ magisterij, ita & post saluatorem in Petro omnes continent: ipsum. n. constituit caput eorū, ut esset pastor gregis dominici. In quibus uerbis docet, q̄ in officio capitali Petri, omnes subintelliguntur. Ad primam autem rationem dicitur, quod licet nō minus iuris habeat ecclesia in potestate iurisdōnis quā in bonis tēporalibus: tamē nō eodē, sed alio mō habet. Nā p̄tate iurisdictionis obtrinet ut regimē monarchicum: dominium autem temporalium ut cōmunitas. Et ratio diuersitatis est: quia potestas iurisdictionis est a Iesu Christo, qui tale statuit regimen, dominium autem rerum est a donatoribus hominibus, transferentibus dominium quod ipsi habebant in cōmunitatem ecclesiæ, & non in unum aliquem. Et hoc apparet in ecclesijs particularibus: in quibus manifeste ecclesiæ in ep̄o habent potestatem iurisdictionis, non autem dominium rerum.

Ad aliam uero rationem, quod ecclesia non potest errare, distinguendum est de errore personali in credendo, & in sentētiāliter auctoritatiue diffiniēdo, & rursus de ecclesia uniuersali claudendo in se Papam, & ut distinguitur contra eius auctoritatem. & dicendum est, q̄ errore personali, certum est q̄ Papa quia est una singularis persona, magis potest in fide errare quā totum residuum ecclesiæ, sed hoc non spectat ad propositum. Errore autem iudiciali in fide, est econuerso, quia magis potest errare cōmunitas ecclesiæ sine auctoritate Pape quā Papa. Et ratio est: quia error Papæ in diffinitiuā sententiā fidei est error totius ecclesiæ, & ueræ uniuersalis ecclesiæ, capituli, & membrorū; quia ad ipsum spectat determinare finaliter de fide quid tenendum, & quid repellendum, ut ab omnibus inconcussa fide teneatur: ut S. Tho. in tractatu contra errores grecorum cap. 67. auctoritate Cirilli, & Maximi ostendit, & in Secunda secundæ q. j. artic. ult. probat ratione. impossibile est autem uniuersalem ecclesiam errare in fide, ergo impossibile est Papam in iudicio diffinitiuo auctoritatiue errare in fide. Secus est in alijs: ut S. Tho. in quoli. 8. artic. ult. ostendit. Vnde argumentum militat ad oppositum; quia Papa in hōi iudicio est rectissimus propter assistentiam spiritus sancti. in iudicio fidei propter uniuersale bonum fidei; sicut promissit Ioan. 14. spiritus sanctus docebit uos omnē ueritatem. & Petro dixit. ego rogaui pro te, ut non deficiat fides tua: & tu aliquando conuersus confirma fratres tuos. Iuxta quod etiam 24. q. j. dicit Innocentius Papa cap. quoties. Quo-

ties ratio fidei uentilatur non nisi ad Petrum. i. sui nominis honorem, & auctoritatem habentem recurrendum est. Et scito, quod cum dicitur de errore iudiciali, quod sola uniuersalis ecclesia errare in fide non potest; non excluditur summus Pontifex, sed includitur: quia auctoritas determinandi de fide competens uniuersali ecclesie principaliter residet in Ro. pontifice: ut S. Tho. ij. ij. q. xj. art. iij. ad tertium dicit. Immo ipsa auctoritas, quae uniuersalis ecclesie dicitur, non nisi illa Papae est, ut ex inducta auctoritate ex. q. j. secunda secundae (ubi finalis sententia de fide ad Papam spectare probatur) patet. Et propterea in allegato quolibet S. Tho. iudicio ecclesie, & Papae ut synonymis utitur; aperiens expresse quod sententiae Papae per assistentiam diuinam prouidentiae standum est. Et propterea oportet esse cautum, ne uocabulis aliter intellectis fallamur. Certi namque sumus, quod nec Papa, nec ecclesia, aut synodus uniuersalis integra, potest in fide errare, iudicando auctoritative de fide. De ecclesia autem ac synodo acephala nihil inuenio: quia nihil auctoritatis sine capite in ea uideo, quamuis merita multa. Et non aduertere ad hanc distinctionem de fide personali, uel in iudicio auctoritative, est ea quae a multis ignoranter in materia fidei ecclesia, immo Doctores, Papae praeferrantur. considerant. n. ipsum non officium cum assistentia diuina ad fidem in officio, etsi non in persona. Ad id uero quod additur, quod clauis sunt propter ecclesiam finaliter, concedo ingenue quod Papa ut potestatem iurisdictionis habens est propter bonum fidei, & pacis ecclesie, ut ex cap. lxxvij. quarti. contra Gen. & S. Tho. apparet; & est ignobilior ipsa pace Christi, quae exuperat omnem sensum. Et hoc est, quia Papa non est princeps nisi ut minister, & vicarius naturalis principis qui est summum bonum, ad quod ordinatur bonum commune totius communitatis, ut ex 12. Meta. habetur. Ad rationem ex principio illo, omne totum est maius sua parte. dicitur concesso illo principio formaliter (s. de toto & parte ut sic) quod licet Papa quo ad personam, & merita, sit pars ecclesie uniuersalis, secundum potestatem tamen iurisdictionis (de qua est sermo) non est pars. ita quod potestas ecclesie uniuersalis non confurgit ex potestate iurisdictionis Papae & aliorum ut totum ex partibus: sed potestas Papae est tota potestas ecclesie uniuersalis. & aliae partes sunt participationes ipsius in partem solitudinis datae. iam. n. dictum est quod non plus potest Papa, & ecclesia quam Papa solus:

papa solus, licet plures potestates sint prates papę & ecclesię q̄ papa solius. Et si ex ratione capitis, quia est membrum & pars corporis, instare uelis, respice ad IESVM CHRISTVM, qui caput uerum totius ecclesię sic est, ut non solum quo ad potestatem, sed nec quo ad nobilitatem & sanctitatē sit pars ecclesię. Et uide quod in his mysticis locutionibus non oportet ea quę imperfectionis sunt (ut est esse partem) saluare in his quę sunt superioris ordinis: quales sunt Iesus Christus, & eis uicarius generalis, qui quo ad nobilitatem & sanctitatem & personam pars est ecclesię. Ad illud uero Hiero. quod orbis maior est urbe, respondetur quod uerum est quo ad multa, puta merita, uirtutes, scientiam, & in proposito secundum uigorem consuetudinis non potestatis. i. consuetudo orbis preualet consuetudini urbis, sed potestas urbis est supra potestatem orbis. Et quod hec sit intentio Hiero. ex contextu patet, quia de consuetudine ecclesiarum qua diaconi sub presbyteris sedent, loquitur.

Ad rationem formatam super mandato domini. Dic ecclesię; quia aduersarij sanctas glosas refugiunt (ut pro ecclesia pralatus ut sic intelligatur cum sacris doctoribus eadem sententia) aliter dicitur, quod dominus in illo mandato affirmatiuo plura ordinate mandat. Primo actum charitatis. corripe cum inter te & ipsum. Secundo actus iudiciales. adhibe duos, ut in ore duorum uel trium stet omne uerbum; & dic ecclesię. Inter hos autē actus hęc est differentia: quod actus charitatis extendit se ad omne peccatum in proximum; & ad omnem fratrem: ut patet, actus uero iudiciales non extendunt se ad omne peccatum in proximum, nec ad omnem fratrem. Et quod non ad omne peccatum in proximum, ex eo lucidissime patet, quod sunt quedam peccata contra nos, quibus conuincendis non possunt adhiberi testes, ut patet de peccato coniugis tentantis facto coniugem in lecto ad peccatum contra naturam, & de secretissimis sermonibus. In his enim quia non possunt testes adhiberi: locum non habet preceptum hoc affirmatiuum. adhibe tecum duos, ut in ore duorum uel trium stet omne uerbum. Nec illud. dic ecclesię: quia intelligitur in peccatis subiectis adhibitioni testium. Quod etiam non ad omnem fratrem, ex eodem fundamento habetur, quia scilicet si est aliquis frater qui non sit subiectus alicui in terris, de illo non intelligitur preceptum. adhibe testem, nec dic ecclesię. uanum enim hoc esset. Et quia papa est talis frater, ideo preceptum hoc non habet locum simpliciter con-

tra papam. Dico autem simpliciter, ut preseruem me a casu in quo potest deponi. Et quod hæc sit uera expositio ad literam, probatur ratione & auctoritate. Ratione quidem, quia saluator in hoc præcepto duo exprimit uniformiter, scilicet personam peccantem, frater tuus, & peccatum, peccauerit in te (utrumque enim absque exceptione aliqua indefinite ponit) & tamen oportet quo ad peccatum limitare ad peccatum capax adhibitionis testium. ergo quo ad fratrem, limitare etiam oportet ad fratrem subiectum, communicantem tecum in patre in terris. Et hoc potest accipi ex illo uerbo, frater tuus. i. pure frater, id est qui ita sit tibi frater ut non sit plus quàm frater, cæteri namque prælati tui nō sunt simpliciter plus quam frater, sed quo ad aliquid, papa uero simpliciter. Qua ergo ratione limitatio admittitur peccati, admittenda est & limitatio peccantis fratris. Autoritas est s. Thom. in 4. senti. di. 19. q. 2. art. 2. q. 3. ad secundum dicentis, quod si prælatus non habet superiorem, recurrendum est ad deum, qui eum emendet uel de medio subtrahat. hoc enim propter solum papam oportet dici, quia cæteri prælati habent superiorem. Nec solus est s. Thom. sed nunc nunc infinitæ fere auctoritates afferretur, ostendentes papam omnino non habere superiorem, ac per hoc non claudi sub appellatione fratris peccantis, quo ad actus iudiciales. Ex quo patet quam temere quidam dicant quod super hoc textu absque omni calumnia plenitudo potestatis gladii spiritualis, & executio eius in ecclesia collocata, ac per hoc in concilio uniuersali sub quemlibet Christianum: qui est frater noster, etiam si papa fuerit, fundatur. Et quod super hoc fundatur potestas diffiniendi, determinandi, statuendi, exercendi, constituendi leges, etiam supra personam papæ, & usum potestatis eius. Hæc enim ex dictis & dicendis patet esse erronea. & dicentes hæc, nesciunt discernere, quod præcepta quæ dantur de actibus iustitiæ iudicialis, intelliguntur tam in factis quam in personis subiectis & non aliis, & quod ista præcepta non probant subiectionem talis facti uel talis personæ ad ecclesiam, sed de subiectis illi quæcunque & quicunque sint disponit. Ignorantiæ ergo est ex hoc textu subiectionem papæ arguere. Et ut conuincantur illi, prædicetur textus iste sic. Primo, textus non magis loquitur de ecclesia uniuersali quam particulari: puta Mediolanen. Et hoc etiam conuincitur ex hoc, quod peccante in me fratre meo Mediolani, sufficit dicere ecclesiæ illi, & si illam non audierit, erit, sicut ethnicus &c. Indistincte ergo de ecclesia loquitur. Tunc ul-

tra cum dicitur. Dic ecclesiæ, aut sumitur ecclesiæ communiter pro collectione fidelium quomodolibet, & hoc non, quia si non audiret totam collectionem Mediolanensem absque prælatis, non esset sicut ethnicus & publicanus, ut patet. Aut sumitur ecclesiæ pro collectione fidelium cum prælato, & si sic sumitur, ergo etiam ecclesiæ uniuersalis cum sibi dicendum est, non sumitur pro acephala, sed cum capite qui est papa. Ex hoc ipso ergo præcepto domini intellecto proportionaliter de ecclesiæ uniuersali, papa comprehenditur ostenditur, non sub appellatione fratris peccantis, sed ecclesiæ indicantis: quia ecclesiæ cum capite, & non acephalæ dicendum mandat peccatum fratris peccantis. Rursus papa non est deterioris conditionis respectu ecclesiæ suæ, quam quilibet episcopus respectu ecclesiæ suæ, sed episcopus peccans in fratrem suum non denunciatur ecclesiæ suæ acephalæ, sed ecclesiæ, id est prælato superiori, & sufficienter impletur mandatum domini, ergo papa non denunciatur ecclesiæ catholicæ (cuius est episcopus) acephalæ, sed superiori, qui est IESVS CHRISTVS, clamando ad Deum, qui est paratus cito facere uindictam clamantium ad se, multo magis quam iudex terrestris, ut ipse testatur luce. 18.

Negandum est igitur, quod ecclesiæ uniuersalis sit iudex ordinarius papæ in puniendo, & consequenter quod sit simpliciter, & absolute illius iudex, & consequenter quod quemcunque legis actum possit super eum. An autem in aliquo euentu uel casu sit illius iudex inferius examinabitur.

Repugnare quoque sacris canonibus quod ecclesiæ uniuersalis sit iudex papæ in puniendo absolute, manifeste patet, quia sic de quolibet peccato papæ in proximum posset denunciari papa, iudicari & puniri si fraternam admonitionem non audisset, contra cap. si papa distinc. 40. & cap. multa, nona quæstio. tertia, scilicet patet, nemo, aliorum, facta, cuncta. & contra omnes canones pontificum, scilicet Bonifacii, Nicolai, Innocentij, Fimachi, Antharij & Gelasij. Et licet aliquod horum patiat forte glosam, quod loquitur de particulari iudice, & non de uniuersali ecclesiæ, multa tamen capitula omne iudicium citra diuinum excludunt, ut capitulum, patet. ubi sunt de sede Apostolica hæc uerba, cuius auctoritate maius non est iudicium. Similiter capitulum aliorum. ubi sunt hæc uerba. aliorum causas hominum deus uoluit per homi-

nes terminare, sed sedis istius præfulem suo sine questione referuauit arbitrio. ubi etiam Papa excludit prosequendo obiectiones in contrarium. Est & contra extrauagantem Bonifacij. viij. unam sanctam. ubi diffiniens inquit. Si deuiat terrena potestas, iudicatur a spirituali, si deuiat spiritualis, iudicatur minor a superiori, si uero suprema, a solo deo & non ab homine potest iudicari. Hæc illę. Et est contra multos doctores in theologia quidem (ut refert dominus Ioannes de turre Cremata in lib. 2. de ecclesia. ca. 94.) Hugonē de sancto Victore, Albertum Magnum. S. Thomam, Alexandrum de Ales. S. Bonauenturam, Petrum de Tarantasio, Vtricum, Ricardum, Petrum de Palude, Herueum, Augustinum de Ancona, Alexandrum de Alpidio. In iure autē canonico Hostiensem, Ioannem Andreæ, Guidonem, Archi. Innocen. & Aluar. Ad ultimo allata ex sacris canonibus, ex eo quod Papa non potest contra statuta patrum, responsionem habeo diui Thomæ in tractatu contra impugnantes religionem. quod intelligitur quo ad ea quæ sunt iuris diuini uel naturæ. Et hoc etiam habetur in glosa illius & præcedētis capituli. sunt quidam. Ad capitulum. prima salus. eodem modo dicendum est, aduertendo quod patrum appellatione uenit principaliter Papa, qui est pater patrum. Quod autem Ioannes Ierfon affert cōtra summos Pontifices illud Gratiani di. 4. Leges instituuntur cum promulgantur, firmanur autem cum moribus utentium comprobantur, quasi examen supremum legum sit, unde firmanur. risu magis quam responsione dignum est. Relinquitur igitur certum & indubie tenendum, quod Papa est supra uniuersalem ecclesiam. non solum secundum singulas personas & ecclesias, sed secundum ipsam ecclesiæ cōmunitatem, solum Deum superiorem habens.

DE NOVA QVADAM FICTIONE, QVA IMAGINANTUR aliqui concilium esse supra Papam.

Cap.

10.

HACTENVS simpliciter est disputatum & conclusum, qđ Papa habet potestatem super uniuersali ecclesia & concilio ut caput, pastor, rector, & director illius. Deinceps noua quædam imaginatio Ioannis Ierfon in trac. de potestate ecclesiæ

stica,

frica, & in tractatu de auferibilitate sponſi ſeu papæ, tractanda conſutandaq; eſt, quoniam periculofa eſt ualde, & ſanctæ matri eccleſiæ plurimum nociua. Et ut melius obſeruare ſe ab his omnes poſſint, recitanda eſt ſua imaginatio. Ponit in primis poteſtatem eccleſiaſticam uelut quoddam totum integrale diſtingui in ſuas partes integrales, papatum, cardinalatum, patriarchatum, epiſcopatum, ſacerdotiumq;, eccleſianiq; integrari ex his ita uult, ut ſublato, non Papa, ſed papatu, non ſit eccleſia uniuerſalis. Vultq; proinde in eccleſia & concilio uniuerſali ſiue Papa ſit, ſiue non, claudi auctoritatem papalem, quam ſupremâ poteſtatem eccleſiaſticam & plenitudinem poteſtatis eccleſiaſticæ, ſontaliter, poteſtatiue, & originaliter, reliquas continentem, & in ſolo Romano Pontifice formaliter & ſubiectiue eſſe fatetur, a Jeſu Chriſto petro datam. Fatetur quoq; eccleſiæ regimen a Jeſu Chriſto inſtitutum monarchicum, ita quòd hoc non niſi a ſolo deo mutabile eſt, & monarcham eſſe Papam. Cum his quoque diſtinguit & bene poteſtatem eccleſiaſticam tripliciter accipi. primo ſecundû ſeipſam, ut papatû ſecundum ſe ſecundo. ſecundum applicationem ad hanc uel illam perſonam, ut quòd papatus ſit in Ioâne uel Martino, III. ſecundum executionem, ut quòd Papa faciat uel non faciat hoc uel illud. Et appoſita altera diſtinctione de multiplici modo eſſendi in aliquo, uult quòd licet quælibet eccleſiaſtica poteſtas ſit formaliter & ſubiectiue tantum in ſuppoſitis formaliter denominatis ab illa (puta papalis in Papa, Cardinalitia in cardinali, Epiſcopalis in epiſcopo) nihilominus quælibet eccleſiaſtica poteſtas eſt in eccleſia uniuerſali ſeu concilio uniuerſali illam representante tripliciter. primo ſicut in fine, quia data eſt in edificationem corporis Chriſti. ſecundo ſicut in regulante applicationem ipſius ad perſonam. tertio ſicut in regulante uſum, ſeu executionem poteſtatis in perſona exiſtentis. Et de primo ac ſecundo modo non eſſe dicit difficultatem. De tertio autem ſimiliter dicit, ſi conſideretur quòd poteſtas papalis data eſt in edificationem eccleſiæ. Et probat ſic. Papa eſt peccabilis, & poteſt hac poteſtate in deſtructionem eccleſiæ abuti. ſimiliter ſacrum collegium cardinalium non eſt in gratia uel fide confirmatum, ergo oportet ut aliqua ſit relicta in obliquabilis & indeuiabilis regula ab optimo legiſlatore Chriſto, ſecundû quâ poſſit abuſus huius poteſtatis reprimi, dirigi, atq; moderari. hæc autem eſt eccleſia, ſeu uniuerſale concilium. ergo in eccleſia

fia uniuerſali eſt papatus, ut in regulatio executionis ipſius. Et confirmatur, quia cum medium uirtutis non habeatur niſi prout ſapiens iudicabit, & Papa habeat poteſtatem in edificationem prout ſapiens iudicabit, finalis reſolutio huius iudicij fiet ad eccleſiam ſeu concilium, ubi eſt ſapientia indeuiabilis. Et hic inquit fundantur multa, ut quòd Papa iudicari poteſt & deponi per concilium, quòd concilio ſubijcitur quo ad uſum ſuæ poteſtatis, & ſibi poteſt dici, cur ita facis, & quòd in concilio eſt etiã poteſtas papalis quarto modo. ſ. ſuppletuæ, q. ſ. ſupplendo facere poteſt quicquid poteſt Papa, ut decreta & aſta concilij Conſtantien. teſtãtur. Diſtinguit præterea poteſtatem papæ in eã, quæ ſibi a Ieſu Chriſto tributa eſt in Petro, tanquam ſuo uicario & monarchæ, tam ordinis quam iuriſdictionis in foro uoluntario & inuito (& hanc uult eſſe ſupernaturalem) & in eã quæ conuenit papæ ex iure naturæ & poſitiuo. Naturæ quidem, quia dictamẽ naturalis iuris uult ut ſupremus in aliqua politia, gaudeat multis priuilegijs & honoribus ſuper alios. Poſitiuo uero multiplici, & in propoſito ipſius eccleſiæ ſeu generalium conciliorum, ſicut cõmunitas perfectã ſuo capiti dare poteſt. Et hanc uult eſſe autoritatem interpretandi diſpenſandi; in ſtatutis concilij generalis, prout occurrens neceſſitas, uel euidens utilitas poſtulat, ubi pro tunc reſuſus ad generale concilium non patet. Propter cuius diſtinctionis ignorantiam multam ortam putat ignorantiam in putantibus omnia poſſe Papam ex autoritate ſibi a Chriſto tradita. Concilium igitur eſſe ſupra papam, habereq; uim coactiuam ſuper illũ, poſſeq; illi leges imponere circa uſum poteſtatis, ſuſpendere ab executione, & deponere cum culpa & ſine culpa, inferit. Comparare propterea inquit eccleſiam papæ, nihil aliud eſt quam comparare totum parti integrali, & quære quid ſit maius. Conſtat. n. quòd eccleſiæ ſeu concilij uniuerſalis autoritas, maior eſt autoritate papæ in ſex. primo in amplitudine uel extensione. ſecundo in infallibili directione. tertio in morum reformatione in capite & in membris. quarto in coactiua poteſtate. quinto in cauſarum fidei difficultium ultimata deciſione. ſexto quia copioſior. complectitur enim ſaltem uirtualiter oninem poteſtatem & omne politicum regimẽ, papale, imperiale, regale, ariſtocraticum, & timocraticum. Confirmat dicta ſua ex apoſtolorum actibus pluribus, quia. ſ. Iacobus non Petrus diffiniuit in concilio Act. 15. & ibidem non petri nomine,

ſed

sed communitalis ſcribitur ad antiochiam, apoſtoli, & ſeniores, &c. & miſerunt Petrum & Ioannem tanquam ſubditos eccleſiæ, Act. 8. & Petrus compulſus eſt rationē reddere de ingreſſu ad centurionē Act. 11. Fundat autē ſuperallatis prius ex Matth. 18. auctoritatibus. dic eccleſiæ, & quęcunq; ligaueritis ſuper terram. & concilio Conſtan. Et concludit q̄ luce clarius ex principijs theologiæ cōcluſa eſt ſubiectio Papæ ad concilium. Et uſq; adeo progreditur, ut peſtiferam pernicioſiſſimamq; doctrinā: n̄ appellet ponentem Papam ſupra concilium, aut ſaltem non in parem illi.

QVOD SECLVSO PAPA, IN ECCLESIA NON EST PAPATVS ſuppletive, & ſicut in regulante uſum ipſius. Cap. 11.

PRINCIPIVM veritatis uidendæ circa recitata à radice ſumendo, declarabimus primo id, ſuper quod tota hæc conſurgit fabrica; falſum eſſe. ſ. quod ſecluſo Papa quomodolibet in eccleſia Dei fit papatus, ſicut in regulatio ipſius quārum ad uſum, & ſuppletive. Deinde oſtendetur falſum eſſe quod Paſpa habeat aliquam poteſtatem ab eccleſia; ſed omnia poteſt ex papatus auctoritate. Et deinceps ſigillatim omnia examinandos determinabuntur, manifeſtata prius veritate circa poteſtatem applicandi poteſtates eccleſiaſticas ad perſonas, an ſit in eccleſia ſecluſo Papa. Sic. n. modo de eccleſia ut diſtinguitur contra Papam loquimur; & ſic uolumus intelligi dum de his ſermo eſt. Si Papatus igitur eſt ſic in eccleſia, cum eccleſia non habeat ipſum ex ſeipſa (ut aduerſarius fatetur) oportet quod datus ſit ei a Deo. Et cum huiusmodi donata a deo neſciamus, niſi per revelationem in ſacra ſcriptura, uel traditione Apoſtolorum, uel in ſanctis Doctōribus, aut determinatione apoſtolica contentam, aut per rationem ex principijs Theologicis efficaciter probantem; ſi in nullo horum revelatio hæc inuenitur, ſed opoſitum, ſi Theologica ratio non conuincit, ſed potius abducit ab hoc, ſentiendum eſt oppoſitum. Et quidem quod in ſacra ſcriptura donatio iſta non reperiatur, ex antedictis patet. autoritates. n. ſumptæ ex Matth. 18. nihil dant niſi ſupra ſubiecta eccleſiæ indefinitæ, ut prædeclaratum eſt. Vnde ex eis nō poteſt huius, uel illius ſubiectio probari: ſed haberi quam poteſtatem in ſubiecto habeat. Ex geſtis uero ab Apoſtolis nihil ta-

le habetur: quia Act. 8. licet Petrus & Ioannes sint missi: non tamen ut subiecti: spiritus. n. sanctus missus est a filio (iuxta illud Ioann. 16. quem ego mittam vobis) & tamen non est subiectus. Male Theologus est, qui ex missum esse, infert subditum esse. Act. uero xj. disceptatio eorum qui erant ex circuncisione aduersus Petrum, nullam superioritatem, sed ambiguam emulationem legis Moysei præ se fert. Et quod illa disceptatio non ab Apostolis, sed conuersis iudeis, & præcipue phariseis fuerit, textus ille iunctus cum cap. 15. (ubi illi de heresi phariseorum, dicebant legalia imponenda etiam gentilibus) insinuat. Et rursus reprehensio non factis, sed uerbis, subditis quandoq; licita est, aduersus prælatos: ut de Petro, & Paulo apparet ad Gala. 2. & superius ex S. Tho. ostendimus. Et item Gregorius (ut habetur 2. q. 7. cap. Petrus.) hoc soluit, quod Petrus noluit uti auctoritate sua. Act. uero 15. non fuit concilium uniuersale, nec Iacobus dedit sententiam. & ideo nihil facit ad propositum. Quod non fuerit concilium uniuersale, patet ex hoc, quod non fuerunt ibi nisi tres ex 12. Apostolis; ut ad Gal. 2. habetur. scilicet Petrus Iacobus, & Ioannes. Quod. n. narratur Act. 15. tunc fuit, quando Paulus post annos xiiii. ascendisse se Hierosolymam ad Gal. 2. refert: ut glossa ordinaria dicit Act. 15. Quod Iacobus sententiam non dederit, sed iudicium suum dixerit post Petrum loquens, ex eo patet quod subditur. tunc placuit Apostolis, & senioribus cum omni ecclesia eligere & mittere, & c. scribentes per manus ipsorum. Conclusio ergo in qua stat proculdubio sententia definitiua, in communi facta est, & non a Petro, nec Iacobo. Et scito, quod quia solutio questionis petebatur non a Petro, sed ab Apostolis, & presbyteris presentibus Hierosolimys (ut patet in eodem 15. c.) ideo Petrus simplici apostolatu non papali auctoritate usus exhibuit se sicut unum ex alijs in tali conuentu; & communi nomine apostolorum appellatione contentus fuit. Et bene: quia omnia tempus habent: nec dum autem erat tempus utendi plenitudine potestatis sue: in statuto præcipue transitorio: quale fuit propositum a Iacobo cum dixit. ego iudico. i. hoc est iudicium meum, & c. Aduenit postmodum tempus, quo Papa manifestauit sue plenitudinem potestatis, ut patet legenti gesta patrum, & ecclesie. Quamuis & hic Petrus primus inueniatur: & in electione Mathie; & in condemnatione Ananie, & Saphire, & Symonis. & ex traditione successiua Apostolorum, Papam potius

tius quam concilium primatum obtinere animas uocibusque christianorum imbibitum est usque ad concilium Constantien. ad quod usque tempus, sancti doctores absque dubio hoc docuerunt. Nec concilium Constantien. aut Basiliense oppositum determinare potuit, quia si Hieronymi solius autoritas innixa sacre scripturæ præualuit concilio (ut patet 36. q. 2. ca. tria. iun. & cap. placuit) quanto magis tanta lucida nubes testimoniorum innixa sacre scripturæ aperte, ut monstratum est & monstrabitur, præualeat congregationi Constantien. ante Martinum, & Basilien. concilio. Omnia enim concilia per Rom. sedis auctoritatem robur acceperunt, & facta sunt, ut ex ca. Significasti, de elec. allegatum est. Quod autem nec ratione ex theologicis principiis hoc habeatur, sed potius oppositum, manifestatur. tota enim ratio huius consistit in hoc, quod summus prouisor & legislator dominus Iesus Christus, non reliquit ecclesiam dilectissimam sine sufficiens regula & inobliquabili in remedium occurrentium defectuum, sed papa est peccabilis, ecclesia uero errare non potest. ergo. Hæc enim ratio ad hoc propositum non solum non procedit ex principiis theologiæ, sed in heresim adducit damnatam. cum pro fundamento enim sumitur, quod ecclesia non potest errare, & papa potest errare: aut loquitur de errore personali in gratia gratum faciente, aut de errore iudiciali diffinendo in quacunque re ecclesiæ uel in fide. Si loquuntur de errore personali in gratia, in heresim inciditur damnatam, quod potestas ecclesiastica fundatur super charitate, & tamen hoc modo contra seipsum oportet quod intendat iste homo, quia expresse affert pro ratione, quia papa est peccabilis, & sacrum collegium ei assilens non est confirmatum in fide & gratia. Ex hoc ergo, quod apud ipsum ecclesia est firmata in fide & gratia, & propterea in obliquabilis, oportet dicere quod a deo habeat regulatiuam potestatem usus omnis ecclesiasticæ potestatis. Et hoc, quid aliud est dicere, quam sequi heresim illorum, qui quoniam ubi sunt duo uel tres congregati in nomine meo in medio eorum est dominus ecclesiasticam potestatem in bonis christianis ponunt? Amplius. Quis reuelauit huic homini, quod prelatorum congregatio in concilio generali secluso papa, sit confirmata magis in fide & gratia personali quam collegium Cardinalium? quare non possunt omnes illi esse in peccato mortali sicut isti?

P. Quamuis ecclesiæ sit promissa gratia personalis in aliquo

supposito semper (iuxta illud Matth. ult. ecce ego uobiscū sum omnibus diebus usque ad consummationē seculi) quis hoc promisit pralatis istis sic congregatis, magis quam collegio Cardinalium cum Papa. Quęcunque enim auctoritas afferatur de congregatis, scilicet, ubi duo uel tres &c. & si duo ex uobis consenserint & similia, non magis habet locum, in illa acephala congregatione, quam in ista non acephala, quę uerā est in nomine domini saltem quo ad auctoritatem. Nec potest dici, quod hoc cōueniat Concilio dicto ex repręsentata ecclesia uniuersali: quia gratię personales repręsentati, non transeunt in repręsentatē, ut patet inductiue.

Si uero loquuntur de errore in iudicialiter diffiniendo de re qualibet, constat & quod papa, & quod concilium simul cum papa errare potest male iudicando de uno regno; quod iste habet ius eius & non alter: aut quod ille episcopus sit simoniacus, ut patet in cap. nobis. de senten. excom. & in quol. s. Thom. ubi supra. Si autem de iudicio fidei sit sermo: tunc aut comparatur papa & concilium secundum proprias naturas & uires. Et sic tam papa quam concilium potest errare; quia omnis homo mendax. Aut secundum assistentiam diuinę prouidentię, & sic falsum & erroneum est dicere quod papa possit errare: quia hoc esset dicere, quod ecclesia tota potest errare in fide, quia ad ipsum pertinet determinare de fide, ut habetur de baptismo & eius effectu, c. maiores, & 24. q. 1. capitulis a recta, memor sum, & quoties. Et quicquid determinatum est ab ipso de fide, omnes Christi fideles sequi oportet, ut patet ex hoc, quod hęreticus censetur qui damuare ab apostolica sede conclusioni in fide, adharet pertinaciter, & ex hoc quod qui aliter docet & sentit de fide & sacramētis ecclesię quam Rom. ecclesia, hęreticus est: ut patet ex s. Thom. in 22. q. 1. art. ult. docente, quod ad summi pontificis auctoritatem pertinet, finaliter determinare ea quę sunt fidei; ut ab omnibus inconcussa fide teneantur, & in q. xi. ar. 2. ad tertium, q. contra papę auctoritatem in materia fidei, nec Hierony. nec Aug. nec aliquis sacrorum doctorum suam sententiam defendit. & ex cap. si papa, dist. 40. ubi dicitur, quod ex ipso post dominum uniuersorum salus dependet, & per hoc infallibile papę iudiciū impletur illud Ioan. 14. quod spiritus sanctus docturus est nos omnia. Colligendo igitur rationis solutionem, dicitur, quod semper altera pręmissarum est erronea. Si enim est sermo de obliquitate

quitate a gratia, illa uniuersalis est erronea, scilicet quòd obliquum oportet regulari in terra a recto, & est expressè damnata etiam a concilio Constantien. sub Martino. Si autem est sermo de obliquitate a iudicio fidei, illa propositio est erronea, scilicet quòd papa potest errare, & reliquum ecclesiæ non.

Constatantur hæc, auctoritatibus supra allegatis. Et hæc responsio est ratio sumpta ex parte causæ materialis, ex hac enim habetur, quòd non magis communitas quam una persona in officio uicariatus CHRISTI posita quantum ad ea quæ sunt fidei, habet quòd sit subiectum seu materia assistentiæ diuinæ, cum non sit differentia apud Deum in multis aut paucis, uno uel pluribus saluare: immo ex quo monarchicum institutum est regimè, in uno solo constituta est potestas, ut s. Thom. in 4. sen. dist. 19. q. 1. dicit.

Ex quo patet, quòd uoluntarie dicitur quòd papa habet potestatem in edificationem prout sapiens, id est concilium determinabit. In his enim quæ sunt fidei secundum diuinam sapientiã in scripturis reuelatam & sibi assistentem, in directione autè morum secundum prudentiam monasticam & politicam, quæ in principe est, edificare ecclesiã debet. Et ad hæc multum adiuuatur ex concilio sanctorum patrum, & propterea cum ueneratione a summis pontificibus suscipiuntur, ostendunt siquidem statuta inter papæ, quod sequi secundum Deum debet, quamuis cogere ipsum nequeant, ut ex prima secundæ s. Thom. allegatum est. Rationes autem quæ concernunt depositionem papæ, inferius soluentur.

Ex parte uero causæ formalis, quia papatus est ex formali sua ratione suprema in ecclesia Dei potestas, ut ex antedictis habetur, & istemet fatetur, supremæ autem potestati in ecclesia repugnat dari in ecclesia superiorem, quia iam non esset suprema in ecclesia, sed potestas in ecclesia regulatiua papatus quo ad usum, est superior papatu, ergo in ecclesia Dei non est talis potestas, & consequenter non est in illa papatus sicut in regulatiuo usus illius. Prima propositio assumpta (ut dictum est) patet ex determinatione etiam concilij Constantien. sub Martino quinto. Secunda autem est nota ex terminis. Tertia autem, & probatur, & est ab eo confessa. Probatur quidem, quia cum par in parem non habeat imperium; & propterea unus papa non potest ligare manus alterius, oportet si ecclesia potest liga-

re manus Papæ constituendo leges coactiuas circa usum papatus & suspendendo ab executione, quòd potestas ecclesiæ non sit par papatui, sed superior papatu. Confessa est autem ab hoc uiro, quum loquens de dispensatione facta a papa dicit, tenet &c. Hæc dispensatio si non contineat errorem apertum, aut nisi fuerit superiori lege prohibita, quod dicitur propter statuta fieri possibilia circa papalis usum potestatis per generale concilium. Hæc illæ. Et ut magis pateat horum fictio, aduertendum est, quòd quemadmodum in adunatione omnium sensuum exteriorum in unum subiectum, non inueniretur aliquis unus iudex, præter singulas sensuum potestates, nisi sensus superior eis omnibus & cõmunis omnibus præiungeretur (& propterea oportet ponere sensum cõmunem, ut patet in secundo de anima. unicum & cõmunem omnium sensibilem iudicem altior omnibus, quo uno unum subiectum habens plures sensuum potestates iudicat) ita posito, sed non concesso, quòd in ecclesia inuenirentur omnes potestates ecclesiasticæ. s. papatus, cardinalatus &c. si eis non resuleret, aut quomodolibet eis iungeret una alia potestas, nihil posset nisi quod secundum singulas potestates, papatus, cardinalatus, episcopatus &c. posset. Perinde enim est (ut dicitur in secundo de anima) duabus potentijs iudicare, ac si duo iudices essent. Ex concursu igitur omnium potestatum in ecclesia uniuersali etiam cum papa, non plus potest apud sapientes tota ecclesia cum papa, quam possint singulæ potestates, ac per hoc, cum papatus non possit ligare manus papæ, nec tota ecclesia hoc potest. nisi fingatur superior quædam potestas papatu, quia ecclesiæ cõmunitas utens iudicet de singulari potestatum actibus. & si hoc fingitur, contradicitur ueritati & sibi ipsi, qui ecclesiam ex papatu, cardinalatu &c. componi uult.

Ex causa demum finali probatur intentum quadrupliciter. Primo, quia incidit in scyllam, cupiens uitare charybdim. Si. n. propter hunc finem ut quilibet potens errare habeat superiorem in terris, oportet hanc in ecclesia supra Papam potestatem ponere. quis corrigit concilium ipsum potens errare? immo quod de facto errauit in decretis illis Constantien. & Basilien. & in multis alijs errare potest, propter quod, a concilio ad Papam conceditur appellatio. ut S. Tho. in. q. de po. d. i. q. 10. ar. 4 ad 13. dicit. Et de concilio Basilien. quod quamuis legitime congregatum, errauerit notorie, conuincitur ex ipsis uerbis in secunda sessione. s.

synodus

synodus Basiliensis. decernit & declarat, quòd ipsa pro heresum ex-
tirpatione ac morum generali reformatione ecclesiæ in capite
& in membris, necnon pace inter christianos procuranda, in spi-
ritu sancto legitime congregata per nullum quauis autoritate
(etiã papali dignitate præfulgeat) dissolui, aut ad alium locum
transferri, seu ad aliud tempus prorogari debuit aut potuit, de-
bet autem, potest, debet, aut poterit in futurum absq; eiusdem
synodi Basiliensis. deliberatione & consensu. Hæc ibi. Vbi manife-
stissime apparet, qd etiam in his quæ sunt iuris positivi (qualia
sunt tempus & locus concilij) determinauerunt non habere po-
testatem summam Pontificis. etiam antequam ipsa synodus congre-
gata ibi tunc esset. quod tam erroneum est, ut argumentatione
non egeat. Et hoc unum ideo attuli, ut ostendatur & quòd cõ-
cilium rite etiam congregatum autoritate Romani Pontificis. ipso absen-
te aut non consentiente decretis errare potest & errauit, & ut
ex hoc uno manifeste falso in principio concilij illius decreto,
omnium decretorum illius autoritas quanta sit cognoscatur. In-
quit enim Augustinus. quòd si uel minimum mendacium in sacra scrip-
tura admittitur, tota perit. Secundo. Quia uerus finis potesta-
tis ecclesiasticæ. unitas fidei, charitatis & pacis, qua una est ec-
clesia, & peruenitur ad patriam cœlestem, melius causatur per
unum. quàm per plures conuenientes in unum. Tercio. Quia ni-
mis derogat dignitati supernaturalis ordinis positio ista, quasi
sicut deus in naturalibus creauit hominem liberum & reliquit eum
in manu consilij sui, quo fit ut cõmunitas libera regem cõstituat
cum certis legibus tacitis uel expressis, sic disposuerit Christus
in supernaturali regimine ecclesiæ, dando cõmunitati potestatem
supra principem. Longe quippe aliter est, nam supernaturalis re-
giminis firmitas, non super humano consilio, sed super diuina assi-
stentia supernaturali fundatur, ac per hoc ad infallibilitatem in-
fallibiliter consequendam, ipsa supernaturalis regiminis resolu-
tio respuit recursum ad potestatem cõmunitatis. Quarto.
Quia cum gratia perficiatur natura per modum eius, & diuina sa-
pia disponat omnia suauiter, oportet ut dominus Iesus Christus
disponat regimen ecclesiæ suæ. ut uiuus non ut defunctus, pro-
pter quod, non ante mortem, sed post resurrectionem in æter-
num non moriturus Petrum instituit non successorem, sed uica-
rium suum. Cõmune est autem omnibus principibus uiuentibus
uicarios instituentibus, ut potestatem Reipublice super uicarium non
dent,

tamen potest aliquid statuere habens uim coactiuam non solum circa actus Papæ, sed nec circa quemcunq; Christianum, nisi ratione autoritatis prælatorum illius, nisi illi ad hoc concurrunt: & si fiat de facto, non ualet, nisi autoritate Ro. Pontificis implicite, uel explicite roboretur. Vnde S. Tho. (ut superius adductum est) inquit. sancti Patres in concilijs congregati nihil possunt statuere, nisi interueniente autoritate Ro. Ponti. Et ut prædictum est, rectè dixit, sancti patres; quia multi patres ex sua temeritate possunt statuere etiam ligandas manus Pontifici summo. Et confirmatur hoc ex diffinitione legis posita a sancto Tho. in prima secundæ q. 90. ubi in ulti. artic. ex prædeterminatis concluditur, q. lex est rationis ordinatio ad bonum commune ab eo, qui curam habet communitalis promulgata. Ex hoc. n. patet, q. lex ecclesiæ nihil aliud est, quàm rationis ordinatio ad ecclesiæ commune bonum a Papa (qui curam habet communitalis ecclesiasticæ) promulgata, ac per hoc cõitas ecclesiæ, cui suis ipsius cura nõ est relicta a Iesu Christo, sed commissa Papæ, non potest leges autoritatis facere. Et hoc cognoscentes sancti Patres; Papæ robur decretorum suorum recognouerunt. ut etiam exorto hoc errore post electum Martinum, ipsa requisitio oratorum Regis Poloniæ, quod approbarentur decisa in materia fidei a Martino, testatur; ut patet in sessione vltima. Et Basilienses multum institerunt apud Eugenium IIII. vt decreta Basiliens. concilij approbaret: & nunquam, obtinuerunt: ut dominus Ioan. de Turre cremata refert: & in gestis Basiliens. concilij apparet. Amplius. Autoritas ecclesiæ determinatiua de his quæ sunt fidei, principaliter residet in summo Ponti. & non solum principaliter, sed finaliter, ita quod ad ipsum spectat finalis de fide determinatio. nec expectat concilium; sed concilij sententia a Papa confirmatur, & a concilio ad Papam appellatur vt S. Tho. in allegatis locis ex ij. ij. & q. de potetia Dei: & contra errores græcorum docet. ergo a fortiori ad Papam principaliter, & finaliter spectat cætera statuere: & frustra a concilio ad eum appellaretur; nisi iustitiam posset supra concilium ministrare.

Amplius. Consuetudo ecclesiæ habet & habuit, ut Papa in omnibus, quæ non sunt de iure naturæ, aut diuino possit nõ solum dispensare, sed mutare iura: non ergo ipse a concilio in interpretando dependet, sed e conuerso. Et ex hoc patet quod capitulum frequens, in concilio Constantien. decretum; nisi apud

stolica autoritate firmatum sit; non habet certam vim obligati-
uiam; quoniam in sessione 39. ante electum Martinum fa-
ctum est.

QVOD POTESTAS applicativa ECCLESIASTICAE POTESTA-
tis ad personam, non est in ecclesia secluso Papa, nisi
in casu. Cap. 13.

DE AVTORITATE autem applicatiua Papatus, & alia-
rum ecclesiasticarum potestatum ad hanc personam uel il-
lam, sciendum est quod potestas ista regulariter, & prin-
cipaliter est in Papa: & non nisi in casu in concilio seu ecclesia.
& in Papa quidem esse potestatem hanc quo ad applicationem
potestatum inferiorum papatu patet, tum ex gestis apostolorum
dum singulos episcopos per loca instituebant. tum ecclesiae con-
suetudine: quae quotidie hæc a Papa faciente suscipit absq; con-
scientiae scrupulo. tum ex ratione officij sui, ad eundem nanq;
spectat plena potestas supremi regiminis, & assumptio aliorum
in partem sollicitudinis: ut patet Exodi 18. ubi Moyses dux po-
puli ex consilio Ietro elegit, & constituit principes populi: &
millenos, & centuriones, & decanos. Quo ad applicationem
uero papatus: & ex gestis Beati Petri Apostoli cum instituit Cle-
mentem Papam (ut habetur 8. q. j. si Petrus. ex autoritate Ioan-
nis tertij, qui sedit anno Domini ccccc. tempore Iustini
Imperatoris) & ex continua obseruatione liquet. Papa namq;
instituit ad quos spectet electio: & mutat & limitat sic actum ele-
ctionis, ut opposito modo sit irritus. In ecclesia autem seu con-
cilio non esse hanc autoritatem secluso Papa: ex hoc patet, qd
rota ecclesia non potest autoritatiue mutare legem factam a pa-
pa: puta quod electio non spectet ad Cardinales veros, & indu-
bitatos, quod electus a minus quam duabus partibus Cardina-
lium sit Papa; sed bene ecouerso, Papa posset statuere, quod ele-
ctus a minus quam duabus partibus Cardinalium sit Papa: & qd
electio spectare ad tales & tot prælatos, & non ad hos qui vo-
cantur Cardinales, quia eiusdem est destituere, cuius autoritati
ue est constituere in his, quæ sunt iuris positiui: quale est quod ele-
ctio spectet magis ad presbyteros & diaconos talium ecclesiarum
Romæ: qui vocantur Cardinales, quam ad canonicos Latera-
nen. & S. Petri: magis ad episcopos Hostien. Sabinæ. Prænestin.
Tuscu-

Tusculanen. Albanen. & Portunē. quam ad alios episcopos. hoc .n. nec a diuino nec a naturali iure esse constat. Si enim potestas ista applicatiua esset in ecclesia secluso papa, posset ecclesia mutare statuta papę circa applicationem huiusmodi. Vnde secundū ueritatem, cōcilium secluso papa, quia nihil potest nisi quod per singulas potestates in eo contentas potest. nec unum. quidem & illum minimum potest constituere episcopum, si illi pręlati ad quos spectat illū constituere defuerint. papa autem potest & eligere & cōstituere episcopos ubique terrarum sua sola auctoritate, quę non sua, sed illius est, qui graditur in multitudine fortitudinis suę. In casu autem permissionis (puta quia papa nihil statuit in oppositum) & ambiguitatis, quia nescitur si aliquis est uerus Cardinalis, & similia euentum, mortuo uel incerto papa (ut tempore magni schismatis inchoati sub Urbano sexto contigisse uidetur) in ecclesia Dei esse potestatem applicatiuā papatus ad personam seruatis debitis requisitionibus, ne perplexa sit asserendum est. Et tunc per uiam deuolutionis ad uniuersalē ecclesiam potestas hęc deuenire uidetur, tanquā non existentibus electoribus determinatis a papa, ad repręsentandum illam in hoc actu pro bono ipsius ecclesię. Iam. n. ostensum est, quod ecclesię cura non sibi ipsi, sed Petro a Christo commissā est: & propterea determinatio Petri ad exercendum electionis actum nomine ecclesię pręualeat tam determinationi quā actui ipsius ecclesię, cuius nomine sed non auctoritate fit. Quid autem de potestate depositiua sentiendum sit, inferius tractabitur, domino concedente. Hęc autem dicta sunt, ut pateat concilium secluso papa, nec regulatiua usus papalis potestatis, nec legum conditiuā & interpretatiuā, nec applicatiuā omnis potestatis ecclesiasticę ad personam potestatem auctoritatiue habere, sed omnia a papa mēdicare ipsum oportet. Et per hęc etiam satis clarū restat, quod concilium non habet papalem potestatem suppletive. Et si cōtra hęc afferantur gesta in concilio Constantien. iam dictum est, quod propter incertitudinem papę & electorum in his quę electionis actus exigebat, admitti potest congregatio illa post unionē triū obedientiarum. Verum tamen perfectum ac indubitatum concilium absque uero & indubitato papa, & uno eorum contradicente, esse non potuit. propter quod illius acta non nisi sub Martino quinto autentica sunt, sub quo nihil gestum est a concilio si cut prius.

QUOD uero dicitur quod comparare ecclesiam papæ est comparare totam parti integrali, de potestatibus ecclesiæ (quicquid de his est sermo) facillimum est solvere, immo sophisticium monstrare, nam sophisma est. Nam si unitas est pars numeri, & senarius numerus est maior tam unitate quam dualitate, ita papatus, qui est unica potestas ecclesiastica, est pars totius numeri potestatis ecclesiasticæ. Et hoc modo potestas ecclesiæ est maior potestate papæ, sicut totum parte, & hoc est dicere, quia sunt plures potestates quam potestas papæ, quod gratis cõceditur. Sed ex hoc non sequitur, quod potestas ecclesiæ sit maior, id est plus possit quã papa, in quo sensu disputatur. Vnde puerile est, quod ex distinctione potestatis ecclesiasticæ in papatum, cardinalatum, episcopatum &c. inferatur quod querere an ecclesia sit maior papa, est querere an totum sit maior parte integrali. Quod etiam dicitur quod ecclesiæ auctoritas est maior autoritate papæ in sex, falsum & erroneum est, quoniam si sumatur ecclesia ut distincta contra papam, nullo modo est maior papa, nisi amplitudine seu extensione numeri, quia papa est una potestas, illa multæ. Ex quo enim ostensum est, quod papatus secluso papa, non est in ecclesia nisi in potestâ ministerialiter electiua (quia scilicet potest sede vacante papam eligere per Cardinales, uel per seipsam in casu) & papatus est potestas supræma, ad quã spectat causas fidei determinare, & qui certus est, non eget amplius certificari: erroneum est dicere, quod ultima decisio fidei non ad papam, sed ad concilium spectat, & tanto magis erroneum, quanto de concilio dicitur distincto contra papam. Et quoniam sola diuina assistentia causa est inobliquabilis directio nis & iudicii in ecclesia, & hic adest papæ, & similiter papatus est potestas omnium aliarum potestatum coactiuam uim habens, & omnem potestatem uirtualiter continens, consequens est quod auctoritatiue ecclesia non sit maior papa: sed e contra in ceteris quinque enumeratis c. 10. Et sic patet quanta cecitate percussus fuerit iste Ierson, dicens quod luce clariùs ex principiis theologis, deducta erat conclusio ista, quam monstrauimus erroneam. Et rursus quam presumptuosus fuerit appellando doctrinam sanctorum,

torum, annis. 140. approbatam, pestiferam & perniciosissimā. Nec excusatur nisi affectata forte ignorantia ex declaratione concilij Constan. in una tantum obedientia sub Ioanne 23. papa dubio, profugo etiam & reclamante, ut dicitur.

OPINIO ALIORVM, QVOD IN ECCLESIA SECLV-
so papa, est auctoritas congregandi generale concilium.

Cap.

15.

ET quoniam inter singulares auctoritates Ro. pontificis potestas congregandi generale concilium computatur, & hanc aliqui putant alijs convenire posse, ideo in hac quoque concilium papæ comparandum specialiter est. Est igitur nonnullorum opinio, quod quamvis regulariter congregatio concilij spectet ad papam (ut in c. significasti. de elec. & di. 17. per totum in decretis patet) in casu tamen aliquo congregari generale concilium potest, papa non consentiente ac etiā invito. Fundant hoc super illo principio. scilicet. Regulæ generales patiuntur exceptiones, præsertim ubi casus particulares incidunt variabiles modis infinitis, quod probatur ex Epiikia in quinto Eth. & Gnoine. in 6. Ethic. uirtutibus positis ab Aristo. ad has exceptiones. Ex his namque oportet dicere, quod quodcumque observatio legis dissiparet unitatem quæ est finis legis: & obesset reipub. non esset in illo casu servanda. Et propterea si papa requisitus nollet necessarium congregare concilium, non est servanda pro tunc lex, quod ad ipsum spectat congregare, sed ipso invito congregari potest. Explanat autem dictus Ioan. Ierson tres in specie casus, in quibus congregatio generalis concilij sit legitime sine papa. Primus est dum desit esse, quod tripliciter accidere potest scilicet uel per mortem naturalem, uel per mortem civilem, ut si cadat in perpetuam maniam. aut si ad eum captivatum non pateat accessus. uel per mortem canonicam, puta depositionem. Secundus est dum sufficienter requisitus papa de convocando concilio, renuit contumaciter in perniciem ecclesie, præsertim si tangat ipsum. Tertius est, si concilium postquam a papa est legitime congregatum, statuatur certum tempus & locum pro celebrando generali concilio, puta infra quinquennium, uel de decennio in decennium, etiam ubi papa renueret. De auctoritate autem Concilij sine papa, dicit

cit quòd fulcitur & utitur autoritate primo Iesu. Christi inde-
fectibilis capitis ecclesiæ. Secundo legum suarum tam diuinæ
quàm naturalis, quæ hanc licentiam uel necessitati, uel mani-
festæ charitati, uel religiose pietati concedunt. pro quo facit
autoritas domini Marci. X l. excusantis discipulos a uiolatione
sabbati exemplo Dauid propter necessitatem.

Sunt & alij duo casus positi a Felino in ca. super literis. col. 10.
in ti. de rescrip. & ab Alex. in. 17. di. ca. synodum. Primus est in ca-
su, quo Papa pòt legitime deponi, quia ex quo concilio Contra
Papam distincto, inest potestas deponendi Papam, oportet quòd
possit seipsum dispersum congregare ut deponat, alioquin cum
Papa deponendus nollit congregare concilium, nō posset de-
poni. Secundus est, cum dubia, est electio facta de Papa, alioquin
perplexa esset ecclesia, dum nesciret se habere Papam, & nō pos-
set obuiare. Et hoc modo consummata est congregatio concilij
Constantien. Benedicto. 13. nolente concilium autenticare
quantum sua intererat.

QVOMODO VERIFICETVR QVOD CONCILIUM POTEST
aut non potest sine Papa congregari. Cap. 16.

AD EVIDENTIAM propositæ ambiguitatis scire oportet,
quòd aliud est loqui de conuocatione & congregatio-
ne personarum, ex quibus constitui potest concilium, &
aliud est loqui de conuocatione seu congregatione concilij. Pri-
mum. n. significat solūmodo congregationem ad simul esse quo
ad locum, tempus, collationem mutuam & huiusmodi, secundū
autem significat congregationem ad auctoritatiuè deponendū
de uniuersali ecclesia. Et si de primo fiat quæstio, dicendum est,
q̃ regulariter spectat ad Papam, sicut ad quemlibet principem
spectat conuocatio procerum regni sui. & si ipso inscio huiusmo-
di conuocatio sit, suspicio generatur coniurationis. Hoc tamē
non sic spectat ad Papam, quin in multis casibus possit & sine ip-
so & contra ipsum fieri. Et secundum hunc sensum uerificari po-
test dictum aliquorum, quòd concilium potest congregari sine
Papa, & quòd papæ potestas congregandi concilium introducta
est de iure positiuo, ut in ca. ult. di. 17. Alex. dixit, pro quanto ad
modum iuris positiui exceptiones patitur. & uana est quæstio de
potestate sic congregandi, quando sunt undecunq; congregati
patres.

patres. Sed si de secundo modo congregandi fiat quaestio, distinguendum est quòd duplex est còcilium autoritativum. quoddam perfectum simpliciter, quoddam perfectum secundum praesentem statum ecclesiae. Vocatur concilium perfectum simpliciter, quod constat ex capite & membris, quod potest simpliciter statuere & ordinare uniuersalem statum ecclesiae. Vocatur concilium perfectum secundum praesentem statum, quod constat ex membris possibilibus inueniri, ecclesia in tali statu existente, & potest quo ad aliquid tantum de uniuersali ecclesia se impedire. Et utrunq; horum licet habeat latitudinem, quia conciliū perfectum simpliciter fit capite praesente per legatos, & capite praesente personaliter. & hoc est perfectum in summo, de quo non est dubium, quòd errare in his quae sunt fidei non potest. Quādo autem fit per legatos, cum adhuc super sit Papa, ad quem finalis determinatio eorum quae sunt fidei, & consequenter reliquarū causarum spectat, & a quo sententia concilij confirmatur (ut patet ex dictis) si erraret in aliquo (ut de concilio Basiliensi patet) habet correctorem papam, sicut & illud habuit & habet. Concilium quoq; perfectum secundum praesentem statum ecclesiae pluribus modis contingit, quia & existente uno papa heretico deponendo, & existentibus pluribus pontificibus summis dubijs, quale fuit concilium Constan. Licet in qua latitudo sit in utroq; quo ad congregationem, tamen sic se habent, quòd concilium perfectum simpliciter, solus papa potest congregare. Ita quòd nec mortuo, nec heretico, nec quomodolibet aliter se habente papa, potest concilium perfectum simpliciter absq; papae consensu fieri. & si fiat, de facto nullius auctoritatis est. Probatur hoc primo ex dictis, quia. sc. còmunitas ecclesiae sine papa non habet potestatem papalem, nisi in potētia electiua, ut ostensum est. Còcilium autem perfectum simpliciter includit potestatem papalem in actu, ergo concilium hoc non est perfectum simpliciter.

Secundo. Quia si còmunitas ecclesiae absq; papa constitueret concilium perfectum simpliciter, cum ad tale concilium spectet ordinare simpliciter uniuersalem ecclesiam, & hoc sit proprium vicariatus Iesu Christi (ut patet) sequitur quòd còmunitas ecclesiae esset uicaria Christi. & sic Iesus Christus haberet in terris duos uicarios suos, & papa non esset uicarius Iesu Christi immediate, sed esset uicarius vicarij, puta concilij acephali in terris, quod non solum est erroneum, sed fatuum. Tertio. Quia cum
solus

solus papa ex cura uniuersalis ecclesię habeat potestatem determinandi de fide, ordinandi symbolum, & congregandi conciliū ut in. q. prædicta S. Tho. probat ex ratione unitatis fidei) sicut cura uniuersalis ecclesię ex iure diuino conuenit soli papæ, ita hæc spectantia imediate ad ipsam curam uniuersalis ecclesię. Et confirmatur hæc ratio ex doctrina eiusdem S. Tho. in prima secundæ q. 100. arti. 8. Quia. si ea quę sunt de iure diuino, determinata ab ipso deo, non solum in cōmuni ratione iustitię, sed etiam quantū determinationem ad singulos actus, non sunt dispensabilia a prælatis ecclesię, sed a solo deo. Verbi gratia, quia a deo prohibita est simplex fornicatio, quod est coniungi non suę, non potest fieri ab ecclesia quod coniunctio cum hac non sua sit quandoq; licita, sed solus Deus hoc potest, sed deus in solo petro & successoribus posuit curam uniuersalis ecclesię, & non reliquit ipsi ecclesię curam suiipsius, & ad curam uniuersalis ecclesię spectat concilij congregatio & celebratio, ut patet ex eius officio principali. ergo solus deus potest in hoc dispensare. Nec habet locum in hæc epikia aut gnomē, quoniam expresse in quinto ethi. dicitur, quod est directio iustitię legalis, quā nos ius posituum uocamus. quod quia ab homine est, non petente prouidere & prouidere singulis euentibus, defectibile est in casu, & tunc gnomē in intellectu pratico, & epikia in uoluntate supplet, nō interpretando ambigua, sed manifesta spectando & eligendo, ut S. Tho. in secunda secundę q. 120. ar. 1. ad tertium aperit. Non est ergo regula hæc ut morales, grāmaticales, ciuiles aut canonicę, sed diuini iuris, a quo excipi nequit. Et sic intelligēda sunt quę dicuntur in di. 17. & propterea dixit S. Tho. quod sancti patres nihil possunt in concilijs congregari statuere, nisi auctoritate Ro. Pontificis interueniente. Concilium perfectum secundum præsentem ecclesię statum potest congregari sine Papa, & eo inuito, si requisitus non uult ipsa illud congregare, sed nō habet potestatem ad ordinandum uniuersalem ecclesiam, sed ad prouidendum illi casui tunc occurrenti. Et licet casus humani variabiles sint infinitis modis (puta si contingeret mori omnes electores papæ, si contingeret tale quid, quod electores non possent eligere sine conuocatione concilij, ad reprimendum, discernendum uel pacificandum &c.) omissis his & similibus duos tantum certos casus, & qui fuerunt quandoq; & possunt esse, affero, in quibus concilium tale congregandum est. Primus est si
Papa

Papa propter hæresim est deponendus : tunc. n. ex quo requisitus renuit, possunt Cardinales, potest Imperator, possunt prælati congregationem vniuersalem facere. in qua erit non uniuersalis cura ecclesiæ, sed tantum depositiua potestas Papæ, & electio ad solos Cardinales (ad quos de iure spectat) pertinebit. Probatu hoc, cū de depositione Papæ inferius agetur. Secūsus est, quando Papa unus, uel plures incerta electione laborant; ut conuigisse dicitur in magno schismate Urbani VI. & aliorum. Tunc n. ne perplexa sit ecclesia, illa membra ecclesiæ, quæ inueniuntur, potestatem habent iudicandi uerum si potest sciri, & si sciri nequit, providendū q̄ electores in unum eorum, uel alium conueniant. & si certi electores nescirentur, cū electio ad ecclesiam deuoluta sit, ex ipso electorum defectu concilium sic imperfectum eliget, ut in concilio Constan. factum uidetur in electione Martini V. In alijs autē recitatis casibus, nulla necessitas apparet talis concilij. nam si non sane est perpetuo, & hoc constat, alius eligi a Cardinalibus potest, quoniam mortuus est Papa uita rationali non solum in actu (ut dormiens, aut ebrius, aut phreneticus) sed in potentia naturali. Constat autem, quod Papa eligitur in pastorem ecclesiæ secundum uitam rationalem, & propterea non est trepidandum timore, ubi non est timor. Et si dubium esset de sanitate recuperanda, expectandum est, sicut in diuturnis egritudinibus. Posset quoque propter dubios euentus statuto pontificis obuiari huic casui, si statueretur, quod Papa insanus factus tanto tempore expectetur : & si post nullum uestigium sanitatis recuperandæ appareat, & a collegio medicorum iudicatus incurabilis fuerit, censeatur mortuus, & apostolicam sedem vacare. Ex quo namque quilibet sub ista lege pontificatum acceptaret, & eam non reuocaret, tacito consensu renunciare, aut depositionem acceptare se profiteretur, adueniente tali casu. & sic si post electum alium pontificem sanus fieret, papatum repetere non posset, a quo semel rite cecidisset. Ex eo autem quod Papa captus esset, & nō pateret accessus ad eum, alter non esset creandus. Petrus namq; seruabatur in carcere nullo patente accessu (ut patet ex actibus apostolorum) & tamen non est electus alter, sed oratio facta sine intermissione ab ecclesia ad Deum pro eo, ipsum liberauit. Nunquid abbreviata est manus Domini, aut statuendus est terminus domino, infra quem debeat liberare Papam, ut fecit Ozias cum illis de

bethulia. & reprehensi a Iudith sunt dicente. posuistis uos tempus miserationis domini, & in arbitrium uestrum diem constitui istis ei: ut patet Iudith. 7. & 8. Possset tamen in hoc & in præcedenti casu, pontificio statuto prouideri, quòd a Cardinalibus eligeretur vnus; qui vices pontificis in omnibus & per omnia illo fatuo aut isto incarcerato durante, obtineret. Et tunc ille electus posset omnia facere in vtroque foro, sicut modo potest summus penitentiarius in foro conscientie absolvere autoritate iuris, mortuo Pontifice, uel fatuo, uel detento. In casu autem quo Papa non hereticus certus, & indubitatus renuit requisitus congregare concilium, & statutum esset concilij generalis cum omnibus clausulis derogatorijs (ut Constantien. ceperunt & Basilien. apposuerunt) nescio ad quid congregatio ista fieret; cum nihil posset facere, quod renitens Papa non posset irritare. Pro erronea ergo habenda est omnis opinio, dicens concilium perfectum. i. habens auctoritatem disponendi, & statuendi simpliciter de uniuersali ecclesia posse absq; Ro. Ponti. auctoritate celebrari seu congregari: quia derogat singulari priuilegio potestatis Papalis, cõcessio sibi a Christo immediate: ut patet ex dictis.

Dicentibus autem quòd quia concilium Constan. in sessione 39. & post Basilien. in sessione 11. constituit cap. frequens: ideo etiam innito Pontifice de decennio in decennium potest celebrari concilium etiam perfectum, propter auctoritatem statuti. Respondendum est, quòd sunt in magno errore: & q̃ in ueritate schismati operam dant tales. & tanquàm schismatici puniri possunt, si sic exquerentur: quoniam rebelles sunt roma. Pont. qui est supra totum ius posituum, & constat quòd determinatio temporis, & loci concilij de iure est positiuo. Et si Doctores aliqui inueniuntur sentientes, quòd quia tempus interpellat, & auctoritas deuoluitur ad alios, & huiusmodi, aut sunt sectatores illius erroris, quòd concilium est supra Papam, aut loquuntur stante statuto in robore, ita q̃ papa non tollat, aut interprete-
tur, aut dispenfet, aut prohibeat. Quo ad negationem uero consensus requisiti Papæ ad congregandum concilium; quia tantum ponderatur, sciendum est, quòd oportet hic discretione uti. nam si requiritur a uiris probis: præterita & perseuerans uite ac morum integritas commendat: & subest causa cõciliij (puta heresis uel schisma) debet papa annuere, & nunquàm credo: q̃ fuerit papa qui negauerit sic rebus se habentibus. Si autem requi-
ritur

ritur a uiris, qui uolunt alligare onera aliis, & digito suo nolunt mouere ea, qui priscorum conciliorum statuta non seruant, ambitiosis, insatiabilibus suarum passionum sectatoribus & huiusmodi pro reformatione ecclesie, nonne responsio Christi conuenit? Hypocrita, eice primum trabem de oculo tuo, & tunc perspicies ut educaas festucam de oculo fratris tui, præsertim quod melius potest papa solus reformare ecclesiam inchoando sponte a seipso & suis, quam per concilium. oportet enim primo seruare quæ scripta sunt, & deinde alia scribere statuta. Sufficiens quoque est causa negandi consensum concilio, probabilis timor usurpandæ auctoritatis a concilio supra papam, ut Basilien. mox ostenderunt bis scilicet cum primum inchoatum est concilium sessione. xi. & cum iterum redintegratum fuit ab Eug. sessione. 18. Finis enim concilij est pax, quæ per istam usurpationem perturbatur, ut experientia magistra rerum testatur. Ex his igitur patet, quod inter extraneas opiniones de congregatione & celebratione concilij absque papæ consensu: media uia sola uera est, quâ declarauimus scilicet quod concilium perfectum simpliciter, nunquam, perfectum uero concilium secundum presentem ecclesie statum quandoque; sine papa & contra ipsum congregari & celebrari potest. Et secundo hanc distinctionem potes diuersa, si uis dicta doctorum saluare.

IN QVÔ INCIPIT COMPARATIO POTESTATIS
ecclesie & papæ in casu hæresis. Et primo de modo quo papa
propter crimen hæresis subijcitur concilio
secundum unam opinionem.

Cap.

17.

POST collatam potestatem papæ cum auctoritate ecclesie & concilij generalis simpliciter & absolute, & manifestationem superioritatis papæ supra ecclesiam uniuersalem & concilium uniuersale, consequenter comparanda est auctoritas concilij ad papam in casibus. Et primo in casu heresis, deinde in casu incorrigibilitatis & aliis casibus, & demum in euentibus. Et quoniam innata est nobis uia ex certioribus nobis in minus certa, supponamus cum doctoribus, & communi animi conceptione ex casu papa, di. 40. quod papa propter crimen heresis potest deponi a concilio generali, & inuestigemus modum depositionis, & potestatem depositiuam, ut sic nosse possimus, an papa in aliquo casu sit subditus concilio seu ecclesie uniuersali.

DE MODO quo papa propter crimen hæresis deponitur, uaria est opinio. Quidam dicunt q̄ hoc fit propter defectum subiecti. Subiectum nāq; papatus dicunt esse hominem fidelem, ac per hoc sicut deficiente uita corporali per mortem desinit subiectum papatus: ita deficiente fide in illo homine qui est papa per hæresim, desinit subiectum papatus. Fundatur hæc opinio super hoc, q̄ fides constituit uiatorem in hoc, q̄ est esse membrum ecclesiæ Christi. Huic. n. adinnēta alia propositione. s. q̄ negatio prioris inducit negationē posterioris in essentialiter ordinatis ordine causæ formalis (quæ patet inductiue. si. n. non est animal, non est homo, & si non est color, non est albedo, & sic de aliis) subiungunt, sed esse mēbrū & esse caput sunt sic essentialiter ordinata, q̄ esse mēbrum est prius quam esse caput, ut patet, quia caput oportet esse membrum, sed non e contra, quod igitur non est membrum nō est caput. Et sic homo carens fide (qualis est hæreticus) non est membrum ecclesiæ, igitur non est caput eiusdem, ac per hoc, cū papa nihil aliud sit quā caput ecclesiæ, eo ipso quo fit sine fide, fit non papa. Et hoc est quod sub aliis uerbis ab aliis dicitur, q̄ cū papa fit hæreticus, ipso facto iure diuino quo fit distō fidelium ab infidelibus, est priuatus papatu. Et quādo per ecclesiam propterea deponitur, non iudicatur neq; deponitur papa, sed qui iā iudicatus est (quia non credit, secundum uerbum domini Ioan. 3.) & qui iā depositus est, dum propria uoluntate translatus est extra corpus ecclesiæ factus infidelis. declaratur iudicatus & depositus. Primā autē propositionem radicē huius opinionis (quæ sola negari in hac ratione potest) fundant super auctoritatibus plurimis, quibusdā directē ex ratione fidei & ecclesiæ, quibusdā ex consequētib; ad esse extra fidē & ecclesiam id testantibus. Ex ratione fidei quatuor afferuntur auctoritates. Prima saluatoris Matt. 16. super hanc petram edificabo ecclesiam. siue. n. per petram intelligatur Christus, siue Petrus, siue cōfessio fidei, in idem redit quoad fidei rationem. ipsa. n. semper inuenitur fundare ecclesiam. Secunda est Abac. 2. & apostoli ad Ro. 1. & Hebr. 10. iustus ex fide uiuit. Sicut autem uiuere uiuentibus est esse in naturalibus, ita in ecclesia uiuere est esse in ea: bene uiuere autem est per charitatē. Tertia est apostoli ad Hæbr. xi. Fides est sperandarū substantia rerum. Substātia. n. primum locum tenet. Quarta est sancti Tho. in 3. sen. di. 13. q. 2. ar. 2. q. 2. exprasse dicentis, quod homines infideles non pertinent ad unionem corporis ecclesiæ, secundū q̄

est

est unū simpliciter, & ideo respectu horū, Christus non est caput nisi in potētia, secundum q̄ sunt unibiles corpori. Ex rōne ecclesie affertur diffinitio ecclesie. s. quod est collectio fideliū, de consec. di. 1. ca. ecclesia. Ex consequentibus uero ad esse extra fidē & ecclesiam, multę afferri possunt auctoritates, dicentes ad statū extra fidē & ecclesiā cōsequi extra communionem fidelium, sine clauibus, sine prāte, sine honore, sine officio pascendi oues. Fieri & esse procul a cōione fidelium hæreticos, faciūt in primis dominus numeri. 16. recedite inquit a tabernaculis impiorum, Dathā .f. & Abiron, schismaticorum. constat enim omnes hæreticos esse schismaticos. Deinde Paulus apostolus ad Gal. 1. si Angel. de celo euangelizet uobis præter id, quod euangelizauimus uobis, anathema sit. Et. 2. ad Thessalo. 3. rogamus uos fratres in nomine dōmini nostri IESV CHRISTI, ut subtrahatis uos ab omni fratre ambulante inordinate, & non secundum doctrinā, quam acceperunt. Et. 2. ad Cor. 6. nolite iugum ducere cum infidelibus. quę .n. participatio iustitię cum iniquitate? aut quę societas lucis ad tenebras? quę autem conuentio Christi ad Belial? aut quę pars fidelis cum infidelis? Demum Ioan. euangelista. 2. Ioan. 2. si quis uenit ad uos, & hanc doctrinā non affert, nolite eum recipere in domum, nec aue ei dixeritis. Amissionem clauū Ambrosius in pasto. (& habetur de pæ. di. 1. ca. uerbum) explicat. Dominus parius & soluendi esse uoluit & ligādi, & subdit. Certum est quod ecclesie utrūque licet, hæresis utrūq; non habet. Honoris uero & prātis perditionem Cyprianus promulgat, ut habetur 7. q. 1. ca. Nouatianus. Qui nec unitatē spūs, nec cōionem pacis obseruat, & se ab ecclesie uinculo atq; sacerdotū collegio separat, nec epī prātem pōt habere nec honore. Et. 14. q. 1. c. didicimus, dicit oēs omnino hæreticos & schismaticos nihil habere prātis & iuris. ad idē est Gelasius ibidē in c. Agathius. Ad idē est expræsse. s. Tho. in 2. secundæ. q. 39. ar. 3. uolens quod prās spālīs iurisdictionis nō manet in hæreticis, nec quo ad usum, nec quo ad substātiā, ita quod siquid fecerint, nihil est actū. Officiū pascendi oues adimit Aug. i sermone de pasto. tractās illud Cant. 1. pascce hēdos tuos. & dicens. Manenti Petro dicitur, pascce oues meas, exeunti hæretico, pascce hēdos tuos. Et hanc sententiam repetit in epistola ad Vincentium. Ex his omnibus clare patet radicalis illa propositio, quod fides facit membrum ecclesie. Si enim secluso iure posiuo (ut loquimur) cum perditione fidei remane-

rent

rent membra in locis suis, non esset eis subtracta cōmūio, non honor, non potestas, non officium, ut de se patet. Immo subtractio sola potestatis sufficit ad propositum, quia papa sola potestate iurisdictionis constituitur.

Confirmaturq; hæc positio, ex eo quòd papa hereticus & ex-cōmunicatus, ut patet ex glosa in ca. Agathius. 24. q. 1. dicente. Hic est casus, in quo papa papam ligare potest, in quo papa in canonem late sententiæ incidit. Nec huic obuiat illa regula, quòd par parem soluere uell ligare non potest, quia si papa est hereticus, est minor quolibet catholico, ut habetur. 12. q. 1. c. audi uimus. Hoc idem Hug. dicit in. c. inferior. di. 21. Est etiam accusandus, adeo (ut glo. in. c. si papa di. 40. dicit) quòd papa non potest statuere, quòd non possit papa accusari de heresi. Est etiā iudicandus, ut in dicto ca. si papa habetur. Quæ omnia arguunt hereticum non esse papam, sed minorem. Et ad hoc est S. Tho. in 4. di. 19. q. 2. art. 2. q. 3. ad primum, tractans illud ad Gal. 2. quomodo paulus restitit in faciem petro, dicit quòd non debet prælati a subditis coram multitudine corripi, nisi imineret periculum fidei, tunc enim prælatus minor fieret, si in infidelitatem laberetur, & subditus fidelis maior. Constat enim quòd non de maiori & minori charitatis loquitur, quia hoc est cōmune omni peccato mortali, sed potestatis, qua prælatus præest subdito, ergo ut prius. Ex his autem inferitur, quòd in utroq; modo quo certus papa uiuens desinit esse papa, eadem est causa desitionis. scilicet propria uoluntas illius qui est papa. nam renunciando propria uoluntate, abdicat a se esse caput ecclesiæ, heresim autem amplectendo, propria uoluntate aufert a se esse membrum ecclesiæ, & consequenter esse caput. Et sic ex nullo certo modo desitionis papæ uiuentis, habetur quòd papa inuitus deponitur, propter quod remanere dicunt incōcussum, quòd papa manens papa, non habet superiorem in terris potestatem.

DE MODO QVO PAPA HAERETICVS, SVBIICTVR
concilio secundum aliam opinionem. cap. 18.

QUAMVIS autem dicta positio illustrium sit uirorum, & cōmunis uideatur esse, non placet tamen omnibus, contra dicunt nāq; duobus, ponentes duas propositiones. Prima est, quòd papa hereticus non est ipso facto depositus, sed deponendus

ponendus. Secunda est, quòd papa hereticus manens papa, habet superiorem iudicem in terris concilium uniuersale.

Primā propositionem licet multipliciter probent, quatuor tamen solum afferentur, quia in his consistit uis. Primo ex facto Marcellini, & glo. di. 21. cap. nunc autem, qui idolatra non fuit depositus, & fuit sanctus. Et glo. affert Hug. dicentem, quia paratus erat corrigi, non deponitur, ut. 24. q. 3. dicit apostolus. Secundo ex ca. audiuius. 24. q. 1. ubi dicitur de episcopo heretico. Si autem in corde suo nouam heresim confinxit, ex quo talia prædicare cœpit, neminem damnare potuit. Ante igitur quàm prædicaret heresim, damnare potuit, & sic non erat depositus ipso facto. Tertio, quia alij prælati non sunt ipso facto priuati, sed perseverant in prelacionibus suis redeuntes ad pœnitentiam. ergo nec Papa, cum non sit deterioris conditionis. Assumptum patet. r. q. 7. maximum. Quarto (quia ut patet extra de here. cum ex iniuncto) ad eundem pertinet institutio & destitutio. sed institutio papæ pertinet ad electores, ergo & destitutio, absq; ergo iudicio electorum non destituitur Papa. Secundam autem propositionem, quòd papa hereticus manens papa habet iudicem in terris uniuersalem ecclesiam, probant quo ad primam partem sic. Papa hereticus est accusandus & iudicandus secundum omnes, ut habetur di. 40. si papa. & non est ipso facto depositus, ut probatum est. ergo habet iudicem, coram quo accusetur, & a quo iudicetur. Quo ad secundam, ex eo quòd ecclesia uniuersalis seu uniuersale concilium est supra papam in hoc casu, ut communiter tenetur.

EXAMEN ILLIUS PROPOSITIONIS, PAPA

hereticus est ipso facto priuatus papatu. Cap. 19.

PRÆMISSIS duobus modis dicendis contrarijs quomodo papa hereticus definit esse papa, examinanda primo occurrat illa propositio, quæ est fundamentum primi modi, an sit uera. Et breuiter facile ostenditur, quòd est falsa simpliciter, quamuis forte tracta ad aliquem sensum, sit uera. Monstratur igitur, quòd nec iure diuino nec humano papa hereticus est ipso facto priuatus, tali ratione. Alij episcopi si sunt heretici, non sunt ipso facto priuati iure diuino aut humano. ergo nec papa. Sequela patet, quia papa non est deterioris conditionis, quàm alij episcopi.

episcopi. Assumptum probatur sic. episcopus discredens contra fidem, solo actu interiori est uerè propriè & perfectè hereticus, & non est priuatus potestate iurisdictionis ipso facto. ergo perfectè hereticus episcopus non est priuatus ipso facto.

In hoc processu sunt duę propositiones. Prima quòd solo actu interiori constitutur perfectè hereticus. Et hæc est manifesta per se, quia heresis est peccatum mortale oppositum fidei, quæ perfectè consistit in solo actu interiori, cuius effectus est confessio exterior, iuxta illud ad Ro. 10. corde creditur ad iustitiam, ore autem confessio fit ad salutem. Secunda autem probatur, quia potestas iurisdictionis inest huic homini, qui est episcopus ex simplici cõmissione hominis, ut S. Tho. expresse dicitur in secunda secundæ. q. 39. ar. 5. Ex hoc enim deducitur intentum sic. Episcopus hereticus solo actu interiori, nullo hominis iudicio subditus ex hoc est, quia solius dei est iudicare de interioribus puris, iuxta illud primi Reg. 16. homo uidet quę foris sunt, deus autem intuetur Cor. Et. 1. ad Cor. 4. apostolus dicit. nolite ante tempus iudicare, donec ueniat dominus, qui illuminabit abscondita tenebrarum, & manifestabit consilia cordiũ. Propter quod talis hereticus non est excommunicatus. non. n. potest ecclesia excommunicare, quod non potest iudicare. Ergo multo minus est priuatus iurisdictionis potestate, quæ est ab hominis cõmissione, utrunq; enim est humani iudicij, cõmittere. s. & auferre illam & dixi multo minus, quia plus exigitur ad incurrendam priuationem ipso facto, quàm ad incurrendam excommunicationem, quoniam incurfus censurarum non requirit declarationem, sicut incurfus priuationis apud iuristas. Ad hanc rationem non uideo responsionem, nisi dicatur quòd potestas iurisdictionis non est ab homine. quod est primo contra. S. Tho. Est secundo contra sententiam omnium doctorum catholicorum, sentientium quòd a petro omnis iurisdictio in totum residuum ecclesiæ corpus manauit & manat, iuxta illud Leonis papæ. c. ita dominus. di. 19. Ita dominus huius muneris sacramentum ad omnium apostolorum officium pertinere uoluit, ut in beatissimo Petro apostolorum omnium summo principaliter collocaret, ut ab ipso quasi a quodã capite dona sua uelut in corpus omne diffunderet. Ad hoc idem sunt tot autoritates & rationes, quot sunt ad ostendendum unitatem capitis & principis in ecclesia militante, propterea nolo immorari, sed pro constanti supponere.

Et si dicatur, quòd nò est par ratio de Papa & alijs episcopis in hoc casu, quia potestas iurisdictionis in alijs episcopis est ab homine, in Papa uero est a Deo immediate. & propterea merito accidit ut episcopi, quorum potestas est ab homine, nò sint ipso facto priuati (quia homo uidet quæ foris sunt) & Papa cuius potestas est a solo Deo, sit ipso facto priuatus; quia Deus intuetur cor. Hæc obiectio facile excluditur, discernendo inter opus dei & opus hominis. Quòd.n. in papatu sit potestas iurisdictionis, a deo est immediate, iuxta illud Matt. 16. quodcumque ligaueris super terram, &c. Quòd autem papatus ipse habens hanc p̄tatem sit in hoc hoīe, ab hoīe est (sola Petri persona excepta; quem Deus ipse papā fecit Ioan. ult. pascite oues meas) nam ab homine eligitur hic homo, ut in eo sit papatus. Et quoniam cum deponitur papa, non aufertur potestas iurisdictionis a papatu, quod esset auferre opus dei (quoniam ut dicitur ad Roma. xj. sine penitentia sunt dona Dei) sed aufertur potestas iurisdictionis ab hoc homine, in quo non fuit posita a Deo immediate, sed mediante iudicio humano: ideo eadem ratio est de papa, & alijs episcopis, quo ad perditionem potestatis iurisdictionis a Deo seu iure diuino. In utrisq; .n. a Deo cum sit mediante iudicio humano, consequens est, quòd non auferatur a Deo immediate, sed mediante humano iudicio, ac per hoc, nò aufertur per id quod humano iudicio secundum se non subiaceret occultam in solo corde hæresim.

Siquis autem hæsitaret de illa altera propositione. sc. q. de hæresi interiori, ecclesia nò se potest impedire: propterea quia Docto. dicunt, quòd hæretici etiam occulti sunt excommunicati: & quia in clemen. de hære. c. multorum, excōicantur inquisitores, qui odio uel amore omiserint procedere: ubi de interiori amore & odio ecclesia iudicat. Facillime certior fieri potest, q. hæretici ut sic, foro ecclesiastico subditi quantuncunque occulti sunt excommunicati: & non hæretici solo actu interiori. Vnde si quis incidit in hæresim interius, & solus secum loquendo uerbo exteriori profert submississime illam hæresim, est excōmunicatus, quàmuis sit omnino occultus: quia actus exterioris locutionis subiaceret humano iudicio secundum se, quàmuis careat testibus. In clemen. autem illa & similibus, non iudicantur actus interiores secundum se in sua puritate manētes, sed ut sunt causæ exteriorum commissionum, aut omissionum: ad idem

nāque genus pertinet commissio & omisio, sicut affirmatio & negatio, sermo autē noster est de hæretico interiori puro. Et ex inadvertentia huius distinctionis scilicet de occulto per se & occulto per accidens, multum hac errauerunt. Nec mirum, quia contigit in his quæ sunt per accidens, etiam sapiētes falli, ut Aristoteles dixit. Actus enim interiores puri sunt in genere occultorum per se: quia ex propria natura habent quod sint iudicio humano ignoti. Actus autem exteriores sunt de genere occultorum per accidens, quia ex propria natura subsunt cognitioni humanæ: Possunt namque sensibus percipi, sed ex hoc quod fiunt sine teste, occulta sunt, propter quod nunquam (ut dictum est) ab ecclesia actus interior purus, sed exteriori iunctus iudicatur. Unde quia præsens ratio conuincit intellectum meum, ideo concludo quod illa propositio, papa cum sit hæreticus, ipso facto est iure diuino seu humano depositus, est falsa. Confirmatur autem sic esse ut dicimus, etiam ex ipsius contrarium sentientibus, quoniam dicunt, quod papa quamuis hæreticus, si est paratus corrigi non deponitur, ut glo. in di. 21. cap. nunc autem adducit Hug. Si enim hæreticus est ipso facto depositus iure diuino a papatu, quomodo iterum fit papa? immo quomodo ex sola non depositione perseverat papa? immo quomodo non deponitur? Hæc enim contradicunt positioni anteriori scilicet, quod sit ipso facto iure diuino depositus, ut patet, nec sufficienter dicitur, quod dum ecclesia non deponit, reeligit, tum quia falsum est quod non depositio sit reelectio, ut patet, tum quia electores ad quos spectat, si peterentur an uelint ipsum reeligere, dicerent quod non, aut quod uellent meditari super hoc, sed non deponunt, quia ius uidetur habere, quod si est paratus corrigi, non deponatur. Unde nihil ei tribuunt non deponendo, sed sustinent quod habet, & si nihil habet (ut positio illa dixit) nihil sustinent decepti. Et si quis hoc eorum dictum suscipiat ut uerum, quod papa factus hæreticus paratus postmodum corrigi non deponitur, sequitur manifeste, quod papa manifestus hæreticus, non est ipso facto depositus. quia enim paratus corrigi non deponitur, sequitur non erat prius depositus.

RATIONABILIS SENTENTIA, QUOD PAPA FACTVS HAERETICVS
*subest potestati ministeriali ecclesie, & non auctoritative
 super papam. Cap. 20.*

PRÆMISSA certitudine trium (scilicet quòd papa ex hoc quòd factus est hæreticus non est ipso facto diuino, aut humano iure depositus, & quòd papa manens papa non habet superiorem in terris, & quòd papa si a fide deuiat, deponendus est, ut in cap. si papa. 40. di.) Magna restat ambiguitas, quomodo & a quo iudicabitur papa deponendus quòd sit depositus, cum iudex in quantum iudex sit superior eo qui iudicatur. Vnde apostolus ad Rom. 14. tu inquit quis es, qui iudicas alienum seruum? domino suo stat aut cadit, & s. Thom. in secunda secundæ, q. 67. determinat, quòd iudex non potest nisi subditum iudicare. & in decre. di. 21. c. inferior, idem dicitur. Si nāque a concilio uniuersali iudicandus deponendusque est, statim sequitur quòd papa manens papa, habet concilium uniuersale supra se, saltem in casu hæresis. Si autem nec concilium nec ecclesia est supra ipsum, statim sequitur quòd papa deuius a fide sit iudicandus & deponendus, & tamen a nullo est iudicandus & deponendus, quod est ridiculum. Quid ergo dicemus, ut euitemus utrumq; extremum? non est quo diuertendum sit, nisi ad medium, quod difficile attigitur, in cuius attinctione cōsistit uirtus, quod multas consuevit soluere quæstiones.

Dicamus igitur, q̄ hic sunt duæ uiæ extremæ, & ambæ falsæ. Altera est, quòd papa factus hæreticus est ipso facto diuino, iure absque humano iudice depositus. Altera est, quòd papa manens papa habet supra se in terris superiorem potestatem, a qua potest deponi. Media autem uia est adhuc duplex. Altera dicēs, quòd papa licet absolute non habeat superiorem in terris, ipsæ tamen in casu hæresis habet superiorem in terris ecclesiā uniuersalem. Altera dicēs, quòd papa nec simpliciter nec in casu habet superiorem in terris, sed subest potestati ministeriali uniuersalis ecclesiæ quo ad solam depositionem. Prima uia fundatur in uirtute coactiua & iudicatiua ecclesiæ super Petrum papam in casu heresis oportet enim subditum esse qui iudicatur & cogi posse, & hæc est uia communis quantum uidi hætenus.

Contra tamen hanc uiani est, quia cum papa diuino iure sit supra concilium & ecclesiam (ut ostensum est) oportet si in aliquo casu est illi subditus, quod ex diuino iure sit facta exceptio ista. nullum enim aliud inferius ius potest exceptionem hanc facere, ut patet. In diuino autem iure non exprimitur subiectio, sed separatio, cum casus hæresis excipitur: ut patet in singulis textibus sacrae scripturae inductis. Numeri. n. 16. dicitur recedite. Ad Gal. 1. anathema. i. separatum sit. Secundæ ad Thess. 3. subtrahatis uos. Secundæ ad cor. 6. nolite iugum ducere. Secundæ Ioan. 2. nolite recipere, nec ei aux dixeritis. Ad Titum. 3. deuota. Et breuiter nullibi inuenio superioritatem & inferioritatem in casu hæresis ex diuino iure, sed separationem. constat aut quod separare se potest ecclesia a papa sola ministeriali potestate, qua potest ipsum eligere. Non igitur ex hoc quod diuino iure sancitum est, ut habetur hæreticus uitetur & procul sit ab ecclesia, maiori potestate opus est quam ministeriali; ex quo ipsa sufficit, & eam constat esse in ecclesia. Et confirmatur hoc. Quia non est iuri diuino tribuendum, quod nec expressum est in eo, nec ex expressis necessario sequitur. Potestas autem supra papam in casu hæresis, propriè loquendo, non habetur in diuino iure, nec ex ipso necessario sequitur, ergo. Probatur minor, quod enim non habeatur puto patere legenti. Dico autem puto, quoniam imminens schisma, opusculum hoc infra duos menses fieri impulit ex improviso. Quod uero non sequatur, patet ex eo quod, quia non oportet multiplicare entia sine necessitate, melius est unum principium quàm plura facere, ex quo igitur potestas ministerialis sufficit, alia opus non est.

ERIT ergo media & uera uia, quod papa factus hæreticus & perseverans habet in terris potestatem non superiorem se, sed ministerialem ad sui depositionem. Ad cuius euidentiam altius ordiendo, tria præmittenda sunt. Primo quod in papa inueniuntur tria, scilicet, papatus, persona quæ est papa, puta Petrus, & coniunctio utriusque. i. papatus in Petro, ex qua coniunctione refertur Petrus papa. Secundo, quod discernendo & applicando proprias causas suis propriis effectibus, inuenimus, quod papatus est a Deo immediate, Petrus est a patre suo, &c. coniunctio autem papatus in Petro post Petrum primū a Christo immediate institutum, non est a deo, sed ab homine, ut patet, quia hoc fit

per electionem hominum. Concurrit autem duplex consensus humanus ad cauſandum hunc effectum, ſcilicet, eligentium & electi. oportet enim electores uoluntariè eligere, & perſonam electam acceptare electionem, alioquin nihil fit. Eſt ergo coniunctio papatus in Petro non a Deo immediate, ſed mediante miniſterio humano, tam ex parte electorum, quàm ex parte electi. Nec ſe habet huiusmodi miniſterium humanum in cauſando hanc coniunctionem ut applicans actiũ paſſiuo (ut applicans ignem ſtipulæ) uel applicans uirtutem paſſionis Chriſti ſubiecto, ut facit baptizans, & ſacramenta miniſtrans, quoniam nulum eſt hoc applicatum actiũ, ſed ſola uoluntas humana electorum & electi. non facile enim eſſet fingere aliquod aliud actiũ. Ex hoc autem quòd coniunctio papatus cum Petro eſt effectus uoluntatis humanæ, cum ipſa conſtituat Petrum papam, ſequitur quòd licet papa a ſolo Deo dependeat in eſſe & fieri, Petrus tamen papa depēdet etiam ab homine in fieri. ſit. n. Petrus papa ab homine, dū ab hominibus electus, ipſe homo acceptat, & ſic iungitur petro papatus.

Tertio, quòd quia iam nihil tam naturale eſt, ut unaquæque res per quaſcunque cauſas fit, per eaſdem contrario modo diſſoluatur (ut dicitur in cap. omnis, de regulis iuris) ideo Petrus papa, qui ex conſenſu ſuo & electorum cauſatus eſt, ex conſenſibus eiſdem ſcilicet ſuo & electorum ad contrarium, diſſolui poteſt. Et hoc iam determinatum eſt factio Cœleſtini & decretalis Bonifacij octauī, in ſexto, de renuntiatio. capit. primo.

Ex his tribus præmiſſis habetur, primo, abſque omni hæſitatione certum quòd Petrus Papa & in fieri & in corrumpi dependet a poteſtate humana, non ſuperiori nec equali poteſtati papæ ſed minore, quia nec ad faciendum de Petro non papa Petrum papam, nec ad faciendum de Petro papa Petrum non papam exigitur alia facultas quam uoluntatis humanæ, ſcilicet, electi & electorum. Nec ſit curæ in propoſito, utrum bona uel mala conſcientia, ex bona, uel mala intētionē uel cauſa moueātur, ſat eſt in propoſito quòd facta tenent, ita quòd in ueritate Petrus ſit aut non ſit papa.

Quod etiam iſta poteſtas ſit minor poteſtate papæ, abſq; alia probatione ex eo liquet. quòd mortuo papa, nullo ēt ſuppoſito ſtatuto iuris poſitiui, iſta poteſtas eſt in eccleſia, & nō ſe extēdit ad ea

ad ea, ad quæ se extendit summi Pōti. auctoritas; alioquin essent
duæ suprema potestates in ecclesia, & Christus non instituisset ec-
clesiasticum regimen monarchicum. Et cum par in parem nō ha-
beat imperium, non potuissent pontifices huic potestati execu-
tionis modum imponere, p̄r quos; quot. s. & quomodo debeat
electio celebrari, cum iteratione actus, si secus factum fuerit.
Hæc. n. ostendunt potestatem hanc, nec maiorem nec parem, sed
inferiorem potestate papæ, superioris nāq; uirtutis est dispo-
ne re de actu inferioris autoritatiue, ita quod si secus fiat, nihil ua-
leat, ut in proposito inuenitur.

Habetur secundo certo certius, quod aliud est posse supra cō-
iunctionem Petri & papatus construendam, seu destruendam, &
aliud est posse supra papam, ex eo nāq; quod potestas minor pa-
patu. s. simplex uoluntas electi & electorum potest construere &
destruere hanc coniunctionem, & huiusmodi potestas cum sit
minor papatu, non potest supra papam, manifeste conuincitur,
quod aliud est posse supra illam coniunctionem, & aliud est posse
supra papam. Vnde potestas supra papam, non inuenitur nisi in
domino Iesu Christo, potestas autem supra coniunctionem pa-
patu & petri, inuenitur in terris. Et merito, quia papatus opus
dei immediate est, cōiunctio autē papatus & petri opus nostrū est.
Nec mireris tu qui philosophiam proferis, quod inueniatur
potestas sup. coniunctionem formæ cum materia, quæ non est
super formam, quia coniunctio formæ cum materia, formam cō-
sequitur. Ceslabit admiratio tua, si contemplatus fueris, quod
coniunctio formæ & materiæ utrinq; attingi potest. s. ex parte
materiæ & ex parte formæ. & quod potens super coniunctionē
formæ & materiæ ex parte utriusq; seu ex parte formæ, potest
etiam supra formam. sed potens super coniunctionem illam ex
parte materiæ, non oportet quod possit super formam, ut patet
in generatione hominis. Sol. n. & homo generant hominem, qui
consistit in coniunctione corporis & animæ intellectiue, aut re-
sultat ex illa coniunctione, & constat solem & hominem non pos-
se supra animam intellectiuam, quæ uenit de foris, sed supra con-
iunctionem illam ex parte corporis, quæ est materia. Sic. n. acci-
dit in proposito, nam papatus & petrus se habent ut materia &
forma, & solus dominus Iesus Christus potest super coniunctio-
nem eorum ex parte papatus, & consequenter utriusq; & propte-
rea solus potest limitare & ordinare potestatem papæ. ecclesia
autem

autem potest super coniunctione eorum ex parte petri solum,
 & propterea nihil potest super papam, sed super coniunctionem
 tantum. Et quoniam amotio papæ siue per renunciationem, siue
 per depositionem, siue per eiectionem non est corruptio papa-
 tus nec petri, sed coniunctionis papatus & petri, idcirco dilige-
 tissime & cautissime oportet pro regula habere ante metis ocu-
 los, cum de amotione papæ tractatur, quod non quæritur pote-
 stas superior papæ, sed superior coniunctione inter Petrum &
 papatum. Quod ut clarius pateat scito, quod certum est, quod
 tribus modis potest petrus Papa uiuens amoueri a papatu. pri-
 mo per eiectionem a domino Iesu Christo. secundo per renun-
 ciationem spontaneam a seipso. tertio per depositionem inuitā
 propter incorrigibilem heresim ab ecclesia. In omnibus autem
 his modis, non definit papatus nec Petrus, sed sola coniunctio
 utriusq;. Differenter tamen, quia in primo modo. scilicet per eiectionem
 a domino Iesu Christo, coniunctio illa corrumpitur a pote-
 state superiori, non solum respectu coniunctionis, sed respectu
 papatus, est. n. auctoritas domini supra coniunctionem illam et
 ex parte formæ. Et quia (ut dictum est) nulla alia potestas est su-
 pra papam, ac per hoc nulla alia potestas potest coniunctionem
 illam attingere ex parte formæ, consequens est, ut nulla alia po-
 testas possit amouere papam ut potestas superior papæ, sed hoc
 est proprium Saluatoris nostri. Et hoc modo intelligendum est
 dictum Analeti papæ di. 79. ca. eiectionem, dicentis. eiectionem
 summorum Ponti sibi dominus reseruauit. Differentia nāq; in-
 ter papam & alios Pontifices in hoc consistit, quod alij pontifi-
 ces possunt eiici tanquā a potestate superiori ipsis potestatibus
 pontificum, papæ autem non, quia in ecclesia terrestri inuenitur
 potestas supra potestatem iurisdictionalem episcopi, non autem
 supra potestatem papæ. Ex hoc. n. habetur, quod illorū eiectionem
 dominus concessit papæ, concedendo potestatem superio-
 rem, papæ uero eiectionem sibi reseruauit, nulli concedendo po-
 testatem superiorem papatu. Vnde si Papa Ioā. episcopum de
 plenitudine potestatis eiiceret, eiectus esset, nec haberet am-
 plius potestatem iurisdictionis. Nulla autem potestas in ecclesia
 relicta est a domino, quæ possit hoc facere in Petrum Papam.

In secundo autem modo (scilicet per renunciationem) & ter-
 tio, scilicet per depositionem, coniunctio illa corrumpitur, non
 a potestate supra papatum, sed a potestate supra coniunctionem
 solam,

solam, quia nec voluntas petri, nec voluntas ecclesiæ est supra papatum, & ex ipsis causatur coniunctio illa, & corrumpitur, ut patet. Quia ergo certum est papam hereticum incorrigibile factum non esse ipso facto depositum, & esse deponendum ab ecclesia, & ecclesiam non habere potestatem supra papatum, & ecclesiam habere potestatem supra coniunctionem inter Petrum & papatum, utpote opus suum, oportet dicere, quod cum Petrus papa factus hereticus incorrigibilis deponitur ab ecclesia, iudicatur & deponitur a potestate superiori, non papatu, sed cōiunctione inter papatum & Petrum.

DISCVSSIO PRAE DICTAE POTESTATIS MINISTERIALIS
depositiue papæ heretici. Cap. 21.

QUAMVIS autem ex certificatis habeantur in ecclesia re spectu coniunctionis inter Petrum & papatum duo posse scilicet posse coniunctionem talem cōstruere & destruere pari consensu, & posse coniunctionem eādem ipso heretico incorrigibili, invito destruere) non tamen liquet quod hæc duo posse sint unius & eiusdem potestatis. Quod tamen conclusum est in præcedenti ca. per viam diuisionis, propter identitatē obiecti, quia utrunq; est circa ipsam coniunctionem papatus & Petri.

Nec solum obscurum est, sed falsum multipliciter apparet. Primo ex ipsius potestatis natura, nam quando una causa totalis ex duabus partialibus constans exigitur ad aliquem effectum. neutra illarum partialium sine altera sufficit ad talem effectum, ut patet in uinculo matrimonij. Quia. n. ad uinculum matrimonij concurrunt duo consensus (.s. uiri & mulieris) & causa totalis eius constat ex utroq; consensu, neuter sine altero sufficit ad causandum uinculum matrimonij in altero. In proposito autem ad coniunctionem petri & papatus construendam uel destruendam cōcurrūt duo, consensus (.s. electorum ex una, & petri electi ex alia parte) tanquā causæ partiales, & uterq; simul tanquam causa totalis. ergo consensus alter tātū nō potest in talē effectū. s. dictā cōiunctionē construendā uel dissoluendā. Et quia potestas depositiua papæ invito propter heresim incorrigibiliter, includit alterum consensum tantum, sequitur quod & ipsa non est idem, quod illa potentia totalis, & quod si est pars eius non potest deponere, qđ repugnat potētīæ depositiue. Male ergo dictū est, qđ potētia depositiua

depositiua papæ est illa potentia, quæ euidenter est in ecclesia su-
per coniunctione dicta. Et confirmatur hæc rō. Quia de quo
magis videtur inesse & non inest, ergo nec de quo minus; magis
aut videtur q̄ solus consensus Petri papæ possit se facere non Pa-
pam, quam solus consensus aliorū, quia pōt renunciare. sed hoc
non potest Petrus solus, quia quāntūcūq; Petrus ipse renūciat;
semper est Papa, donec renūciatio sua acceptetur: sicut e contra
quantūcūq; Petrus sit electus, nūquā est Papa, quousq; electio
nō de se consentiat. Hæc. n. ostendūt, q̄ cā totalis tā constructiua
quā destructiua coniunctionis Petri & Papatus, quæ in ecclesia
minor papatu, non est ecclesiæ solius, aut Petri solius, sed utriusq;
simul consensus. ac per hoc, per hanc nō pōt inuitus papa depo-
ni quacūq; ex causa: quia implicat contradictionē. Secundo
apparet falsum ex mō exeūdi in actū talis ptātis: quoniam Papa
hæreticus iudicāndus est. iuxta c. si papa. di. 40. & Doctores, Po-
testas aut ista minor papatu, nō pōt citare, cōpellere, & breuiter
non habet uim coactiuā supra Petrum papā. repugnat ergo q̄ sit
ptās minor. & q̄ sit iudex, ex ipso mō: quia. si ui coactiua proce-
dere posse debet. Tertio apparet falsū ex subiecto: t̄stis par-
tialis consensus, quia cū consensus iste partialis ex parte ecclesiæ
fit in electoribus papæ, qui mō sunt soli Cardinales (ad quos spe-
ctat eligere, & renūciationē acceptare, ut patet in facto Celesti-
ni) sequeretur quod apud eosdem solos resideret potestas depo-
sitiua Petri papæ facti hæretici, cuius oppositum cōiter tenetur.

SED HORVM solutio magis propositum confirmabit. Si
nāq; consensus electi, & electorum in hac causanda coniunctio-
ne concurrerent, ut consensus uiri & mulieris ad causandum uin-
culum matrimonij, ratio procederet. quoniam uterq; consensus
habet se ut partialis cā quasi efficiens uinculum matrimonij. In
proposito autem isti duo consensus diuersimodē concurrunt:
nam consensus electorum se habet ut cā faciens illā coniunctio-
nē. consensus aut electi se habet ut reddens subiectū capax illius
coniunctionis, non. n. est capax nisi christianus uolūtarius. Sicut
n. esse fidelē non est cā illius coniūctionis factiua, ita nec esse uo-
luntarium ad illā. Et hoc patet in acquisitione aliarū iurisdic-
tionum. cū. n. alicui imponitur aliqua prælatio. certū est q̄ quousq;
ipse illā acceptet, nō est prælatus: acceptatio tamē sua non facit
in se prælationē, sed subiectū reddit capax prælatiōis, & sic actio
imponētis sortitur effectū in subiecto capaci faciens iurisdic-
tione,

quæ propter in dispositionem subiecti non poterat intentum facere in eo. Actus.n. actiuorum sunt in patiente disposito; ut dicitur in secundo de Anima. Consensu igitur electi concurrente ut red dente subiectum capax coniunctionis cum papatu, restat ut consensus eligentium sit faciens coniunctionem illam. ostensum est enim, quod non est a deo immediate, sed mediante humano opere: quod est electio in subiecto sufficienter disposito. Et sic ex hoc relinquitur, quod potestas faciens, uel quasi faciens hæc coniunctionem est in electoribus, & non in electo ut sic. nemo enim sibi assumit honorem, sed qui vocatur a Deo ut Aaron: ut dicitur ad Hebr. 5. Ad confirmationem dicitur, & si papa sola sua renuntiatione absq; acceptatione ecclesiæ non potest a se abdicare papatum, hoc magis confirmat propositum, quod eius consensus non fuit inter causas facientes. Ratio autem quare acceptatio requiritur est, quia nemo potest renunciare iuri alterius, quod habet in se; nullus.n. qui ex pacto tenetur alicui soluere. e. potest renunciare huic uinculo absq; uoluntate eius cui tenetur, quamuis ab initio uoluntarie se obligauerit. Papa autem acceptando papatum, obligat se ecclesiæ ad regimen ipsius. unde iuri ecclesiæ quod habet in Petrum Papam, non potest ipse renunciare inuita ecclesiæ cui tenetur. Et confirmatur. Quia papatus non coniungitur sibi ratione sui, sed ratione ecclesiæ: dicente domino in creatione Petri primi Papæ, non aliud quam pascere oves meas. Unde non est uerum quod magis uideatur de consensu solo electi quod possit dissoluere: quoniam ipse non est causa efficiens etiam partialis illius coniunctionis, sed dispositio tantum subiecti.

Ad secundum. (in quo pendet tota uis huius rei) dicitur quod potestas ista minor papatu habet uim coactiuam, non super Petrum Papam, sed super coniunctionem papatus, & Petri, non simpliciter, sed in casu hæresis. ita quod potestas ista relata ad Papam est ministerialis, relata ad coniunctionem Petri, & Papatus in fieri, uel dissolui; subiecto existente disposito, est autoritativa, si a sententia diffinitiva ex hac autoritate procedens super coniunctionem talis materiæ Petri hæretici cum papatu, dissoluit autoritative coniunctionem illam. Sicut.n. electio ecclesiæ autoritative super coniunctionem non super Papam, coniungit Petrum dispositum. i. fidelem, & uoluntarium cum papatu; ita talis sententia dissoluit: agit.n. in materiam dispositam per hæresim.

Exemplum horum habemus in naturalibus, cum homo generatur & corrumpitur ab agente non potente super animam hominis, sed super coniunctionem animæ & corporis ex parte materiæ. Et si quæretur quomodo præcedentia sententiam depositiuam fient, cum usque ad illam Petrus daret superior, posset dici quod quia nec Deus nec natura deficit in necessariis, quod eadem auctoritas extendit se ad omnia præambula. Quorum nullū uideo oportere esse coactiuum Petri papæ: sed sufficit quod sint intimatiua, repræhensiuæ & huiusmodi. iudicium enim hoc non ex confessione sua extorta præceptis, cæsuris, aut tormento, sed ex euidenti facto uel uerbo habetur sis incorrigibiliter, expectatur, quod sine eius coactione fit. Siquis autem diceret, quod non est inconueniens hanc minorem potestatem indirectè posse cogere Petrum ad præambula necessaria ad sententiā, non uideo quare erraret, cum Petrus papa hereticus incorrigibilis, iā sit in corruptionis uia, & Deus (cuius perfectæ sunt opera) potestatem depositiuam in casu hæresis absque necessariis præambulis non deris ecclesiæ, qui nunquam deficit in necessariis. Et hoc dico si aliqua præambula coactiua ex necessitate iudicij essent necessaria, quod iuristis discutiendum relinquo. Bene tamē aduertant, quod non loquor nisi de necessariis ex necessitate huius iudicij: & non loquor de necessariis ex occasionibus euentuum & aliorum extraneorum a ratione iudicij.

Ad tertium dicitur, quod potestas ista depositiua nō est in cardinalibus, quia in eis nō est potestas super coniunctione Petri & papatus, nisi limitate scilicet tempore, quo papatus uacat. In ecclesia autem uniuersali est potestas super cōiunctione ista absque limitatione, si secluso iure positiuo loquimur. & ideo Card. non possunt deponere papam hereticum, sed hoc spectat ad uniuersalem ecclesiam. Posset tamen hic potestas cōmitti dominis cardinalibus a iurē statuto pontificis, sicut cōmissa est eis potestas eligendi scilicet per uiam determinationis, quod ipsi repræsentarēt uniuersalem ecclesiam sicut in eligendo, ita & in deponendo, quādo deponendus est. Manifestum autē exemplo fieri potest, quod dictum est. Siquis nāque episcopus iturus in regionem longinquam, instituat suum generalem uicarium cum plenissima auctoritate: ordinans quod si institutus Vicarius moriatur, aut publicus blasphemus fiat, canonici possint illum amouere, & aliū nominare in uicariū absque alia confirmatione &c. Constat quod

canonici nullam auctoritatem super vicarium haberent, neque si n̄pliciter neque in hoc casu, sed super amotione eius in illo casu, quod est habere potestatem super coniunctione vicariatus cū persona in casu &c. Eodem enim modo est in proposito. nam pastor & episcopus animarum nostrarum dominus Iesus Christus abiit in regionem longinquam accipere sibi regnum & reuerti, & instituit Petrum apostolum in suum generalem vicarium cum plenissima auctoritate, ante ascensionē dicēs ei, pascue oues meas, & cum effectu exhibens promissam sibi prius potestātē amplissimam. tibi dabo clauēs, & quodcunque ligaueris &c. Et ordinauit ut si unquam aliquis Petri successor h̄reticus fiat, ecclesia eū possit amouere, & loco eius alium nominare. 40. di. cap. si papa. Ex hac igitur cōcessa potestate patet, quod ecclesia nihil potest super papam absolute, nec in casu h̄resis propriē loquendo, potest supra papam, sed super coniunctione papatus cū Petro, quā dissoluit amotio. Et sic clare liquet, quod potestas ecclesie est super cōiunctione papatus & Petri in fieri & in corrumpi, subiecto existente disposito ad fieri per fidem & uoluntatem, ad corrumpi uero per h̄resim uel uoluntatem, & cum hoc potestas ista est minor papatu, & ideo nō potest limitare eius potestatem. Et sic patet, quod papa nullam etiam in casu h̄resis habet supra se potestatem, quod erat intentum.

RESPONDEATUR RATIONIBVS ET AVCTORITATIBVS

allatis in cap. 17. ad probandum quod papa h̄reticus,

est ipso facto depositus iure diuino.

Cap.

22.

QUAMVIS autem ex determinatis manifesta sit rationalis sentētia, quod scilicet certus & indubitatus papa nec simpliciter, nec in casu h̄resis est subditus, propriē loquendo concilio aut ecclesie uniuersali, quia inest adhuc papa, sed in casu h̄resis cōnexio papatus cum persona infra subdita est de terminationi ecclesie & concilij uniuersalis, ita quod potest deponi, oportet tamen satisfacere rōnibz & auctoritatibus tot illustrium uirorum, tenentium papam ipso facto depositū, & propterea subditum concilio. Et quoniam uis principalis consistit in hoc, q̄ fides saltem informis ex igitur ad membrum Iesu Christi, ideo sciendum est, quod baptisumus (quo primū regeneramur, & per tinemus ad Iesu Christi corpus mysticū quod est ecclesia)

tres quantum ad propositum spectat: facit in anima nostra effectus, primo imprimi characterem indelebilem, secundo fidem, tertio charitatem. Et de tertio quidem effectu. scilicet charitate manifestum est quod licet constituat membrum uiuum Christi, non tamen exigitur ad habendam iurisdictionis uel ordinis potestatem. oppositum enim spectat ad hæresim pauperum de lugduno. De secundo autem (de quo tota est questio) quod non exigitur ad potestatem ordinis, etiam clarum est, quoniam hæretici consecrant uerum corpus Christi, & faciunt ueros sacerdotes. si serua ta forma & intentione ecclesie hoc faciant, & ex hoc ipso inchoat splendor ueritatis, quod scilicet fides informis constituat membrum Christi secundum quid (ut dixit in tertia par. s. Thom. q. 8. ar. 1. ad secundum) quia tamen latitudo datur in membris Christi secundum quid, etiam sine fide informi, ex solo characterе sacramenti fidei constituitur membrum Christi secundum quid re motius a Christo. hæreticus enim nisi membrum secundum quid Christi esset, nec corpus Christi, nec ministros consecraret, nec sacramentum confirmationis daret. Hæc. n. a solis Christi membris non quibuscumque, sed in magno sacerdotii. scilicet uel episcopatus gradu constitutis facta tenent &c. Altius quoque contemplando uidebimus, & quod tanta est uis characteris baptismalis, ut et fides formata eius uices non suppleat, ut patet ex hoc quod presbyter non baptizatus reordinatur, ut patet extra de presbytero non baptizato, ca. si quis presbyter. Et quod ipse character constituit membrum Christi, dicente Inno. co. tit. in c. ueniens. non solum per sacramentum fidei, sed per fidem sacramenti efficitur quis procul dubio membrum Christi. Constat. n. quod proprius & inseparabilis effectus sacramenti fidei, quod constat esse baptismum, est solus character, ut patet cum aliquis hæreticus baptizatur secundum formam ex intentione ecclesie. nihil. n. aliud recipit quam characterem. Et si altius adhuc mentis oculos eleuauerimus, intuebimur quod habens solum fidei characterem, est simul & fidelis & infidelis, membrum Christi & ecclesie & extra membra Christi & ecclesie, diuersis respectibus, & prope a doctoribus diuersa & contraria de eo dicuntur. Habens namque solum characterem fidei, quantum est ex parte sua infidelis est & extra membra Christi & ecclesie, quoniam uoluntarie discedit, ex parte autem Iesu Christi, qui characterem fidei semel datum indebitatem conseruat, est fidelis inuitus, & est membrum Christi & ecclesie uelut uoluit ipse, utpote non ualens abdicare,

aut abijcere a se susceptum semel fidei characterem. Propter quod a diuo Tho. in secunda secunda q. 10. ar. 3. ad tertium computatur talis inter fideles, cum dicitur quod pro adulterio grauius punitur fidelis quam infidelis propter sacramenta fidei quibus est imbutus, quibus peccando contumeliam facit. & in eiusdem q. ar. 5. numeratur inter infideles, dum ponit heresim speciem in fidelitatis. Differt autem habens solum characterem ab habente etiam fidem in formam quo ad officium membri Christi, quia habens characterem & fidem, suscipit influxum interiorem a Iesu Christo capite quo ad hunc actum vitalem qui est credere, ut S. Tho. dicit in tertia parte q. 8. ar. 3. ad secundum. Habens autem characterem solum, non suscipit influxum alicuius actus vitalis interius, sed tantum quo ad exteriorem operationem, sicut brachio arido potest quis uti ad alios percutiendo uel inquendo aliquid extra. Quia ergo character fidei est primum in compositione membri Christi (quod patet ex hoc, quod ipse a solo baptismo cum sit solus est inseparabile ab eo, ac per hoc proprius effectus baptismi, quo efficiuntur primo membra Christi & ecclesie) oportet quod sit ultimum in resolutione membri Christi & ecclesie, & consequenter quoad character manet, non desinit esse totaliter membrum Christi. Et quia nunquam desinet character, ideo semper erit intra latitudinem membrorum Christi, etiam cum abscisum, totaliter est per damnationem in inferno. & per hoc differet a pure infidelibus damnatis. & magis cruciabitur, iuxta sententiam apostoli ad Heb. 10. Et haec ratio ultra tot allegata testimonia, ex propria efficacia sufficit, quia secundum ueram theologiam diuinam & humanam, attributum alicui cause ut proprius effectus, intelligitur attribui ei secundum id quod illi cause proprium est, ut patet in causis naturalibus, moralibus, & ecclesiasticis inductiuè periret. n. aliter omnis certitudo moralis. Ex quo ergo attribuitur baptismus ut proprius effectus, quod faciat membrum Christi, oportet quod intelligatur, attributum ei secundum id quod huic sacramentali cause quae est baptismus, esse proprium, quo differt a ceteris. hoc autem est pro quanto est causatiuus characteris fidei, hoc n. solus habet, hoc solum primo & infallibiliter causat solis essentialibus requisitis ad sacramentum concurrentibus. Quia ergo papa factus haereticus licet amiserit fidem etiam in formam, quia tamen retinet sacramentum fidei etiam inuitus, quo constituitur primo quis in hoc, quod est esse membrum Christi, ideo

rationes

rationes & auctoritates quæ fundantur super hoc quòd fides saltem informis requiritur ad esse membrum Christi, non sunt efficares ad inferendum ipsum non esse membrum Christi, ac per hoc ipso facto iure diuino depositum. quamuis ex defectu fidei informis optime inferatur, quòd ipsæ quantum est ex se, est extra latitudinem membrorum Christi, ac per hoc a membris Christi segregandus per depositionem ab officio capitis, & post per alias pœnas ab ecclesia puniendus, & demum curiæ sæculari tradendus.

SIGILLATIM ergo respondendo, auctoritas in primis domini, Ioan. 3. non est ad propositum, quia loquitur de iudicio æternæ damnationis. quo qui non credit, iam iudicatus est. & ex parte dei, quia nouit dominus qui sunt eius, ut glo. ex Aug. sumpta exponit. & ex parte meritorum, quia habet in se causam eternæ damnationis, ut Chryso. dicit. & ex parte, clare condemnationis in ultimo iudicio absq; examine, ut Greg. explicat.

Ad illud uero, super hanc petram. i. fidem, dicitur q̃ sacramentum fidei quod remanet in hæretico, non est extra fidem, sed primus Lapis fidei ædificandus in quolibet. & propterea illo solo remanente lapide, super petram fidei remanet ecclesiastica potestas in uia ad ruinam quò ad illud suppositum. Ad id autem, q̃ iustus ex fide uiuit. si de fide informi admittatur, dicitur quòd sumitur uiuere pro operatione uitali, & non pro esse, sicut sumitur cum dicitur, uiuere uiuentibus esse. Ad diffinitionem fidei, fides est substantia, ac per hoc primum. dicitur quòd fides habet rationem primi sustentantis inter uirtutes pertinentes ad fideles, & ideo dicitur substantia. Cum quo stat, quòd ipsius fidei sacramentum prius sit ipso ordine generationis. Ad auctoritatē allatam est tertio sen. S. Tho. dicit, quòd doctrina. S. Tho. ibidē est male intellecta. & est contra istos in proposito, nam ibidem appellatione infidelium non ueniunt, nisi hi qui nunquā actu fuerunt de ecclesia. ut patet ex hoc quòd dicit. respectu horum Christus non est caput nisi in potentia, secundum. s. quòd sunt unibiles corpori. Constat nāq; quòd respectu baptizatorum hæreticorum Christus est caput, aliter quā in potentia, quia est actu caput eorum secundum sacramenta fidei. non ergo appellatione infidelium ibi ueniunt hæretici. Appellatione quā fidelium peccatorum ibi ueniunt hæretici, qui per fidei sacramentum in uno numero obiecto fidei unionem illam quā unionē simpliciter au-

tor nominat, retinent, utcunq; velint nolint. Et hoc insinuat, ex hoc quod dicit, quod velut membra arida possunt non in se, sed alijs sacramenta ministrando & docendo, hoc. n. omnia per hereticos non in quantum tales, sed in quantum aliquid ipsius capitis participant, Christus facit. Ad diffinitionem ecclesie dicitur, quod quia hereticus ex seipso est infidelis, ideo simpliciter est infidelis & extra ecclesiam. Cum hoc tamen stat, quod secundum quid sit in ecclesia ad tempus ut abijcendus. sic. n. manet papa hereticus. Auctoritates omnes testamenti noui & veteris prohibentes communionem cum hereticis, non probant quod sit depositus ipso facto, sed deponendus, ut non communicemus cum eo. sic. n. sufficienter satisfiat precepto huiusmodi. Si. n. ipso facto vitandus preciperetur a deo hereticus, non dixisset apostolus ad Titum. 3. ca. hereticum hominem post primam & secundam correctionem denota. Amissio clauium apud hereticos, intelligitur quatenus heretici sunt, & quo ad licitum usum. Honoris & potestatis iurisdictionalis perditio ipso facto, intelligitur quantum est ex eorum parte, & iuris dispositione, in his qui subsunt iuri humano, & sunt in ecclesie foro heretici. sic. n. interpretanda sunt S. Tho. & aliorum in comuni loquentium dicta. Tales. n. soli sunt excommunicati, & consequenter priuati ipso facto saltem per suspensionem potestatis iurisdictionis, si est crimen occultum, & declarandi priuati. Papa autem ex diuini & humani iuris dispositione, & heresis propriæ exactione, est priuandus humano iudicio, a quo coniunctus est papatus huic personæ, ut dictum est. Officium quoque pastorale ab hereticis in quantum heretici sunt, Aug. adimit ipso facto, quia impossibile est ut hereticus in quantum heretici officium exercet, pascat oves Christi. Possibile tamen est, ut illæ qui est hereticus, in seipso sit hereticus & oves Christi pascat, officium petri non heretici exercens. Sed quia periculosum hoc est valde, ideo abijciendus est ab officio pascendi oves Christi.

Illud demum quod ex glo. decreti affertur, quod Papa cadens in heresim damnatam, incidit in excommunicationem, fallum est, nam cum omnis excommunicatio, quæ est ecclesiastica censura (de hac enim loquimur) sit a iure positiuo, & ius positiuum non habeat vim coactiuam in foro ecclesiastico supra papam, & excommunicatio coactionem importet in foro ecclesiastico, oportet dicere quod papa in nullam incidere censuram potest. Et usque adeo docent hoc doctores, ut dicat S. Tho. (in. 4. sen. di.

q. j. art. iij. ad tertium) quod Papa non potest committere alicui, q. excommunicet ipsum. Et in eadem sententia sunt Albertus Magnus, & S. Bonauen. & D. Io. de Turre cre. de istis refert. Vnde audiendi non sunt illi, qui omnia hæreticorum iura ad papam hæreticum extendunt, dum papa. n. est, soli depositioni subijcitur, depositus autem subijcitur iuri sicut alij. Ad probationem autem (s. quod si papa fiat hæreticus, est minor quolibet catholico, sūptam ex c. audiuius xxiiij. q. j. & S. Tho.) dicendum est, quod cū hoc non possit intelligi de maiori, & minori meritorum seu charitatis (quia extra propositum esset, & prælatus non solum per infidelitatem, sed quodcumq. mortale crimen sit minor sic omni existente in charitate, (nec de minore, & maiore secundum iurisdictionem de facto perditam) quia secundum illud prælatus cadens in heresim sit minor, secundum quod quilibet catholicus est maior, cum ista sint correlatiua. sed quilibet catholicus non est maior secundum iurisdictionem, nō. n. ex hoc quod papa, vel prælatus meus sit hereticus, ego vnus catholicus qui nihil habet iurisdictionis iurisdictionem acquirō super eum, aut alios) oportet sane uerba hæc intelligere & exponere tanto, diligentius, quanto super his uerbis S. Tho. magna fabrica erigitur, & dicitur q. papa est depositus ipso facto. dicendum est igitur aliter.

Ad cuius euentum scito primo, quod cum maior & minor sint correlatiua, consequens est quod oportet proportionaliter minorem maiori referre: ut & in quo prælatus sit minor, subditus quilibet catholicus fiat maior. Scito secundo, quod cum sermo sit intelligendus secundum subiectam materiam, & ibidem sit sermo de correctione prælatorum a subditis, manifeste sit comparatio inter prælatum & subditum, nō quo ad personas puras, sed considerato prælationis officio. Potest igitur tripliciter diuidi hoc verificari. Primo ut intelligatur de maiore & minore simpliciter. & est sensus, quod prælatus si labitur in infidelitatem sit minor simpliciter & absolute, & quilibet subditus fidelis maior simpliciter, & absolute. Et hoc est uerū, quia quilibet catholicus absolute, & sine limitatione aliqua loquendo est in ecclesia Dei maior in fide. Cum quo tamen stat, quod prælatus donec deponatur, aut declaretur, sit maior secundum quid. s. secundum potestatem iurisdictionis iam prope mortem. Secundo (& sequitur ex hoc iam dicto) potest intelligi, quod etiam quo ad potestatem iurisdictionis prælatus infidelis est minor, & subditus

ditus fidelis maior quantum est ex se, quia infidelis quantum est ex se extra membra Christi est, ac per hoc quantum ex ipso pendet, inhabilis est ad potestatem iurisdictionis spiritualis. fidelis autem quilibet ex ipsa spontanea fide dispositus, est habilis ad potestatem spiritualis iurisdictionis in ecclesia Christi. Et sic prelati ob infidelitatem fit minor secundum potestatem iurisdictionis quantum est ex se, & catholicus subditus maior. Tertiò (& sequitur ex dicta expositione) potest intelligi de maiore & minore in officio defendendi fidem, ex eo namque quod prelati a fide deuiat, & subditus permanet in fide, minor fit ille in officio executiue defendendi fidem, & subditus fidelis econtra maior fit officio fidei defendendæ. Et hoc totum simul iunctum satisfacit literæ decreti & intentioni sancti Tho. & concordat cum dictis suis alibi: Accusandum denique esse & iudicandum Petrum papam hæreticum, nihil aliud concludit, nisi quod iudicem habet superiorem, non papa (ut isti putant) sed coniunctione papatus, & Petri in casu heresis, & conceditur concilium esse iudicem in tali casu. Et per hoc patet solutio allatorum etiam in cap. 18. pro quanto contra determinationem præsentem militat. Vnum tantum superest declarandum, an scilicet sola heresis sufficiat, an exigatur et in corrigibilitas seu perseverantia obstituta in heresi ad hoc ut deponatur papa. quod sequens c. declarabit.

QUOMODO CUM PAPA IN HAERESIM LAPSO
parato corrigi, agendum est. Cap. 23.

AD ABSOLVENDUM demum motam hanc difficultatē de potestate concilij ad depositionē Papæ in casu heresis; scire conuenit quod duæ sunt hæ extremæ opiniones. Altera quod Papa propter crimen heresis etiam confessum, non potest deponi. Et fundatur hæc opinio primo super facto Marcellini, & responsione episcoporum, ut patet in xxj. dist. c. nunc autem. & sunt uerba Nicolai papæ. Cum. n. idolatriæ crimen incurrisset Papa; congregatum concilium uidens eum compunctum corde, dixit: Tu te ipsum, iudica, prima sedes non iudicabitur a quoque; & sic non depositus Martyr effectus est post modum. Secundo super glo. in d. c. & in c. si papa. di. xl. & multis Doctoribus.

Tertiò super ratione: quia cum hæreticus nomen sit uitij, & papa hæreticus sit deponendus, tãdiu deponendus uenit quãdiu

diu hæreticus seu a fide deuius est, ac per hoc, si penitet eū, sui delicti, non est amplius hæreticus aut a fide deuius, & consequenter non subiaceret amplius pœne depositionis. Et firmatur hæc ratio super dictis Gratiani in decretis. 36. q. 1. de matrimonio inter ratorem & raptā, ut patet ibi in ca. nullus. Quarto super auctoritate Apostoli ad Titum. 3. hæreticum hominem post unā & secundam correctionem deuita. Si enim deuitatio non sequitur crimē hæresis, sed secundam correctionem, a fortiori nec depositio. Altera opinio est, quod papa propter crimen hæresis potest deponi. Et hæc fundatur super hoc, quod reus est & obnoxius pœnæ criminis quicumque crimen illud admisit, etiam si nō perseueret in illo, ut patet inductiue. Qui. n. semel homicidium commisit, reus est pœnæ homicidij & simile est de adulterio, simonia, furto, blasphemia, periurio, & sic de aliis, sed papa propter hæresis crimen pœnæ depositionis reus est, ut communiter doctores ex ca. si papa 40. di. moti, dicunt. Non ergo exigitur perseuerantia in hæresi, sed sicut si pro adulterio deponendus foret, sufficeret ipsum adulterium commisisse, ita quia pro deuiatione a fide deponendus dicitur, sufficit quod hæresim incurrerit. Et confirmatur. Quia alij prælati (puta episcopi) ex hoc solo quod damnatam incurrūt hæresim, in foro ecclesiæ sunt ipso facto excommunicati, & possunt declarari priuati constituto de crimine. Et confirmatur iterū. Quia si papa paratus corrigi non potest deponi, cū centies in ueritate possit relabi & resurgere, sequeretur quod ceteris relapsus, paratus tamen corrigi, non posset deponi, quod est fatuum.

L I C E T autem hæ duæ opiniones contrariæ uideantur, ad mentionem tamen expositæ discordes non inueniuntur. Vnde media rationabilisque sententia est. quod papa hæreticus post duas monitiones deponendus est, ipso Paulo apostolo hoc dissimulante ad Titum. 3. hæreticum hominem post unam & secundam correctionem deuita. Et rationem quare non amplius sustinendus est assignans, subdit, sciens quia subuersus est, qui eiusmodi est. Vbi glo. inter linearis in uerbo subuersus, exponit perditus, & in uerbo eiusmodi, exponit incorrigibilis. Et est intentio literæ, quod quia iudicium humanum datur secundum id quod ut in pluribus inuenitur & secundum communem cursum, qui ab ea quam ut ueram sponte professus est fide declinat primo, & post unam correctionem secundo, & post secundam correctionem

tertio, abiiciendus tanquam incorrigibiliter censetur: idcirco papa hæreticus post primam & secundam monitionem delinquens in fide, deuitandus est depositione. Non enim possunt fideles euitare papam manentem, cum ex eo post dominum Iesum omnium salus dependeat, ut dicitur 40. dist. si papa: Quia ergo Apostolus hæreticum hominem post duas correptiones delinquentem in fide, non sustinendum sed deuitandum præcepit, consequens est primo quòd quantuncunq; papa hæreticus post duas correptiones relapsus paratus sit corrigi, non solum potest sed debet deponi. Et merito, ne in infinitum protrahatur humanum iudicium, sed limite aliquo terminetur. Rationabilis autem terminus est statutus trinus error cum trina monitione, prima in professione fidei, & duabus post deuiationem subiunctis, ita quòd tertius error tres monitiones contempsit, sicut hæretici relapsi post professionem, excommunicationem & adiurationem, non amplius admittuntur ab ecclesia. Consequens secundo est, quòd ante correptiones non est deponendus papa hæreticus, qui propter hæresim non est excommunicatus, sed excommunicandus depositione. Et propterea in eo ad litteram seruandum est præceptum Apostoli de duplici correptione, quod in aliis inferioribus propter adiunctam excommunicationem latæ sententiæ quam tulit ecclesia contra hæreticos, non seruatur. Alij enim quia excommunicati sunt post ab ecclesia statim euitantur, papa autem quia excommunicatus non est, sicut nec excommunicati erant homines hæretici tempore Pauli apostoli, sed excommunicandi, post duas correptiones deuitandus est. Duplex enim correctio a Paulo concessa non abstulit potestatem humano iuri rigorosius procedendi contra hæreticos subiectos humano iuri, sicut concedendo ius diuinum matrimonium cum sorore consobrina, non ademit potestatem ecclesiæ inhibendi tale coniugium, sed ostendit quid secluso humano iure seruandum est. Propter quod quia papa (ut patebit) solo diuino iure iudicandus deponendusque uenit, quia illi soli subiectus est, ideo in eo solo apostolica regula seruanda remansit, cæteris propter hæresim ab ecclesia excommunicatis.

Nec obstat dictis, si dicatur quòd hæretici etiam tempore Pauli erant excommunicati ab ipso ad Gal. 1. Cum enim sententia illa se extendat ad superiores scilicet Angelos de cælo, & constet quòd nullus superiorem sub quacunque conditione excommunicare

municare potest: consequens est quod non fuit excommunicatio, sed denunciatio, quod a deo anathema fieret quicumque; etiā angelus de cœlo, si contra Euangelium Christi prædicaret. Et hoc est denunciare separatū esse a deo, & dignum excommunicatione ecclesiæ quo ad homines. Et confirmatur ex. S. Th. ibidem dicente, quod sententia illa ab apostolo data est auctoritate Euangelicæ doctrinæ promulgata Ioan. 10. c. sermo quem sum locutus, ille iudicabit eum in nouissimo die. Constat namque quod excommunicandos ab ecclesia non excommunicatos ab eadem constituit sermo diuinus contradicens sibi.

Ad rationes igitur primæ opinionis, vnico uerbo dicitur quod papa post secundam correctionem deuius a fide, non admittitur ut paratus corrigi apud humanum iudicium, sed tanquam incorrigibilis hereticus censetur. Quamquam apud deum semper possit corrigi, & forte in ueritate sit correctus. Ad rationes autem alterius opinionis dicitur, quod ubi est speciale ius non oportet ex communi procedere iure. In hac autē causa est speciale ius apostoli, & satis rationi consonum, & stilo ecclesiæ in excommunicandis personis præsertim in persona tam excellentis dignitatis. De alijs autem episcopis iam reddita est ratio dissimilitudinis, quia. s. non sunt in illo statu in quo erant tempore apostoli, propter superuenientem ecclesiæ excommunicationem, qua redditi sunt statim uitandi, & propterea possunt declarari priuati. propter tamen dignitatem eorum & fragilitatem humanam unica correctio declarationem si præcederet, misericordis equitatis esset. Faciunt ad prædicta quæ scripsit diuus Th. in ij. ij. q. xj. art. iij. & iij. de receptione hereticorum ab ecclesia;

OPINIO, QUOD PAPA PROPTER INCORRIGIBILITATEM IN quocunque notorio crimine scandalizante ecclesiam, subijcitur concilij potestati, ita quod potest ab eo deponi. C. 24.

EXPEDITA resolutione Papæ in casu heresis ad concilium; oportet in alijs extra heresim casibus decernere, si Papa subest potestati depositiue concilii in aliquo casu quam in casu heresis. Et nunc quidem uere casus qui peccata sunt, tractandi sunt, postmodum de euentuum casibus sermo erit. Est igitur nonnullorum opinio, quod papa extra casum heresis deponi a generali cōcilio potest. Probaturnque hoc ex septē capitibus.

Primo

Primo ex ratione criminis papa potest deponi pro heresis crimine, ergo & pro aliquo alio. Probatur sequela. tum primo, quia aut hoc est singulare in heresi ratione gravitatis. & hoc non, quia odium dei est gravius peccatum heresi, ut patet in secunda secundae S. Tho. q. 14. ar. 2. Aut ratione damni ecclesiae. & hoc non, quia plus nocet ecclesiae papa omnia beneficia uendens, prauos extol- lens, bonos deprimens, tyrannidem exercens, uitiorum lux, blas- phemia, avaritiae &c. notorie plenus, quam si pertinaciter sen- tiens, quod spiritus sanctus non procedat a filio, recte alias uiuat, & hanc heresim solus teneat. Tum secundo, quia in sacra scriptu- ra non inuenitur specificè expressum, quod papa possit deponi magis pro heresi quam alio crimine. relictum est ergo interpreta- tioni doctorum & canonum. Et sicut Bonifacius Papa & martyr expressit casum heresis di. 40. si papa, ita potest casus incorrigibi- lis notorie & scandalizantis ecclesiam criminis, excipi, ut glo. ibi- dem sentit. Tum tertio, quia qui potest in maius, potest in mi- nus, ut dicitur in ca. ex parte, extra de decimis. sed concilium po- test iudicare papam de maiori crimine, puta heresis, ergo de mi- nore. s. symonia notoria &c. Secundo ex parte abusus potesta- tis. constat namque quod gladius de manu furiosus potest & debet au- ferri, inuasor & occisor corporum detineri, & pertinax in propo- sito in custodiam poni, quanto magis seuiens in perditionem ani- marum papa gladio papalis potestatis abutens, illo priuandus est, tanquam phreneticus & ebrius suarum passionum commotione actus. Cogit. n. alios male facere suo exemplo, ut apostolus testa- tur ad Gal. 2. dicens ad Petrum, cogis gentes iudaizare, glo. con- uersationis exemplo. Et confirmatur, quia si papa uellet mulie- rem opprimere uel occidere, posset & repelli & percuti & occi- di, cum moderamine inculpatæ tutelæ, a fortiori si opprimit ec- clesiam, si occidit animas, resistendum primo, & si opus est occi- dendus depositione est. Et confirmatur hoc ex ratione finis potestatis acceptæ, quia. s. ad ædificationem est, & non est in de- structionem. Tertio ex parte obligationis ipsius papæ. tenetur enim papa ad purgationem sui cum infamis est de crimine scan- daloso, ut patet de Damaso accusato de adulterio, teste Hiero. de uiris illu. & de Sixto, Leone, & Symacho. 2. q. 7. Et probatur ratione, quia tenetur pascere oues suas, & constat quod scandalu depascit oues. Purgationi autem substitutus si deficit, iudicandus est. igitur papa potest ab ecclesia de alio crimine quam de heresi iu- dicari.

dicari. Et confirmatur auctoritate Grego. in ca. si quis. 1. q. 7. dicentis. Siquis super hoc nos redarguere noluerit, uel extra auctoritatem facere nos contenderit, ueniat ad sedem apostolicam, ut ibi ante confessionem beati Petri, mecum iuste disceptet, quatenus unus ibi ex nobis suscipiat sententiam suam. Nec hoc inquit Ierfon ex humilitate, sed ex debito Gregorius fecit.

Quarto ex parte ecclesiarum. Quia sicut papa sponsus potest dare libellum repudij ecclesiarum suarum sponse renunciando papatui, ita econtra (cum non debeant quo ad hoc impari iure censi) & potior adducitur ratio pro ipsa contra sponsum, uel quia prostituerit eam quatenus quantum in se est, uel tyrannide seu a laniando eam, uel placitando bona sua dissipando, uel quia abuti conatur ea in perniciem filiorum. Et confirmatur hoc. Quia ad communis totam spectant principis correctio uel destitutio apud Aristot. in 1. politicis, si inemendabilis perseveret. Et hec potestas inauferibilis uel inabducibilis est a communitate libera, quanto magis hoc habebit ecclesia? Quinto ex parte diuinis prouidentis. Cum enim dei perfecta sint opera, & ecclesia opus ipsius immediate sit (multo magis quam synagoga, cui tamen dixit. quid ultra tibi debui facere, & non feci? Esai. 54.) oportet ecclesiarum regimini & corpori perfectum prouisum esse. Constat autem quod perfectum non est corpus, quod non potest putrida a se membra abijcere uel sanare. sed cum totius dampno euidenter emergente oportet sustinere. Et similiter non est perfecte dispositum regimen, quod non potest commune bonum & necessarium conseruare, abijciendo manifeste & notorie commune bonum usurpantes, diripientes &c. Hec enim omnia papa notorie scandalizans, simonia, luxuria, blasphemis, tyrannide, promotione indignorum &c. manifeste facit contra bonum charitatis commune ecclesiarum militantis & triumphantis bonum. Sexto ex parte decretorum & gestorum concilij Constantien. & Basilien. In concilio namque Constantien. depositus fuit Ioan. 23. quem ipsi tenebant ut uerum Papam, & Benedictus. xij. de consensu suarum obedientiarum. In concilio quoque Basilien. depositus fuit Eug. iij. & creatus Felix. multi quoque olim depositi sunt pontifices non propter heresim, ut Felix, Stephanus, Christophorus, Benedictus, Greg. 6. Ioan. 11. Et confirmatur locus iste auctoritatem multorum doctorum sententiarum idem quod concilia ista, ut patet de glo. in ca. si papa. di. 40. & sequacibus. Septimo ex parte naturae iudicij humani. scilicet secundum

dum allegata & probata uel praesumpta iudicantis. Quo fit, ut ratione praesumptae heresis papa non hereticus deponi possit in multis casibus. scilicet dum praesumitur hereticus propter contumaciam, iuxta ca. cum contumacia, de here. li. 6. Vel per mansionem in excommunicatione per annum deficiente purgatione, iuxta ca. excommunicamus, extra de here. Vel dum timore, mortis actus heretici tales exterius tantum fecit, ut de Marcellino dicitur. Vel simili timore uerba hereticalia absque intentione protulit, uel si per falsos testes conuincitur hereticus relapsus, uel dum suam excusationem in causa fidei probare non potuit. Ex his & similibus creditur papam in casibus pluribus incorrigibilibus subesse iudicio concilij generalis sic ut possit ab ipso deponi.

DISCVSSIO ET DETERMINATIO, AD QVAM LEGEM

speclet determinare casus in quibus iudicio concilij, *cap. 25.*

DICTAE AVTEM opinioni communis sententiae doctorum theologorum & canonistarum antiquorum obuiat, tenens quod si sit catholicus papa, non iudicatur a quocunque iudice in terris, iuxta c. si papa. 40. di. & ca. oves. 2. q. 7. Et quoniam hinc inde multum disputatur, oportet primo uidere in quo consistit haec difficultas, unde scilicet questionis ueritas pendet, quo ignorato ueritas huius latet, & quo cognito ueritas liquet. Nisi enim hoc sciatur, continget quidem aliquem uerum assequi, sed nescire se uerum affecturum. Sciendum est igitur, quod tota difficultas pendet ex hoc, an iure diuino uel humano papa in casu criminis (quodcumque sit illud) deponendus sit potestate ecclesiae seu concilij. Si. n. lex diuina exigitur ad faciendam exceptionem hanc scilicet quod in casu criminis heresis possit ab ecclesia deponi, lex quoque diuina exigitur, statuens quod propter tale crimen, puta notorium scandalizans & pertinax deponi possit. Et si solum ius humanum sufficit ad statuendum quod papa in casu heresis est deponendus, solum quoque ius humanum sat est ad statuendum quod papa propter notorium crimen deponatur. Dicentes quod ius diuinum exigitur, fundant se super hoc, quod licet Petrus potestate ministeriali ecclesiae sit iunctus papatu, factus iam papa diuina lege est supra ecclesiam & concilium, ac per haec nulla inferiori lege potest subijci (nec simpliciter, nec

nec in casu) concilio , aut ecclesiæ , sed sola diuina lege . Et quia lex diuina in solo casu heresis subdit illum potestati ecclesię ministeriali, uel ut alijs placet auctoritatiue ; ideo in solo hoc casu iudicari deponiq; potest. Quod. n. casus heresis inueniatur exceptus in lege diuina, patet ex multis inductis testibus sacrę scripturę, expressę separationem ab heretico quocunq; indicantibus. Quod autem solus sit exceptus , patet ex sententia Saluatoris Matth. 23. super cathedram Moyfi sederunt scribę, & pharisei , omnia ergo quęcunq; dixerint facite , secundum autem opera eorum nolite facere . Vbi dominus aperte statuit subditos debere audire pręlatos malę uitę , & bonę doctrinę . Constat autem quod doctrina ad fidem spectat , uita autem & opera ad malos mores aliorum criminum. secundum igitur sententiã domini audiendi sunt fideles pręlati, quāuis mali. Confirmatur quoque eadem sententia a Petro apostolo in prima epistola ij. cap. Obedite prępositis uestris, non tantum bonis & modestis, sed etiam discolis . Dicentes autem , quod ius diuinum nõ exigitur, sed Deus relinquit hoc in manu consilij humani ; sicut , & multa alia; fundant se super hoc, qđ opus pure humanum, secundum se, nec bonum, nec malum moraliter , subiaceret plenarię legi humanę. coniunctio autem inter Petrum , & papatũ est opus pure humanum, quandoq; bonum, quandoq; malum. ergo subiaceret plenarię legi humanę: ac per hoc lex humana disponere potest de illa coniunctione , qđ quando est bona persequeret, quādo mala dissoluatur . Dixi opus pure humanum, ad differentiã operationum sacramentalium, quę non sunt pure humanę . In coniunctione autem Petri cum papatu sola humana actio interuenit coniungens electionis actũ utrinq; , supponendo materiã formę: ut patet ex hoc, qđ si cessat a papatu (ut Celestinus fecit) nihil diuini operis in se restat , sicut restat in episcopo renuncian- te, & in sacerdote degradato potestas ordinis a deo data. sine penitentia nãque sunt dona dei: ut dicitur ad Ro. xj. Dixi secundum se, nec bonum, nec malum moraliter, ad differentiam actũ secundum se bonorum, ut credere , amareq; Deum, &c. & secundum se malorum , ut blasphemia Dei , mendacium, & similia: hæc. n. naturali diuinoq; iure regulantur . Coniunctio autem Petri cum papatu quandoq; bona est: ut patet in tot sanctis Rom. Pontificibus. & quandoq; mala, ut patet in multis eisdem sceleratis, quos vtinam nescire licuisset. Et consumatur. Quia potestas

R mini-

ministerialis existens in ecclesia ad cōiunctionē Petri & papatus regulatur humana lege, ut patet de actu electionis papæ, qui irritus, & nullus ab humana lege si non seruetur, redditur. Vnde sicut Bonifacius Papa & Martyr promulgauit, q̄ in casu heresis potest papa iudicari & deponi, potest alia lege humana promulgari q̄ pro simonia in beneficio possit deponi, & sic de aliis maximis excessibus, obseruata consonantia legis humanæ ad naturalem, & diuinam. Et etiam siue noua lege (quia in defectu manifesto humanæ legis, locum habent gnome, & epikia) posset papa ex notorio excessu scandaloso & incorrigibili deponi, sicut pro heresi.

S I Q V I S autem diligentius perspiciat, uidebit quòd diuina lege opus est statuente casus depositionis Papæ, nec ulla lege humana potest, aut potuit hoc fieri. Quod probatur ex ratione humanæ legis breuissimæ, & clarissimæ sic. Omnis lex ecclesiastica potest tolli & mutari a papa: ergo nulla lege humana potest contra papam inuitum procedi. Antecedens cōstat ex eo, quòd est dominus iuris positiui. Consequentia est euident: quia ex quo potest tollere legem, & non uult subire ipsam, tollet eam: & sic nihil contra eum fiet.

Et licet hæc ratio sufficiat, quia Papa diuina auctoritate hoc potest, & nulla deuolutione, interceptione, inchoatione, appellatione, suspensione, aut quouis alio termino potestas sua minuitur, aut impeditur in his, quæ sunt positiui iuris, attamen ex propriis rationibus potestatis ecclesiasticæ concurrentis ad propositum idem ostenditur. Quadruplex nanque potestas hic nominatur. Primo potestas papalis, de qua cum par in partem non habeat imperium, non oportet sollicitari.

Secundo potestas ecclesiæ seu concilii vniuersalis supra Papam simpliciter, & absolutæ, Et hæc nihil est, sed chimera. unde nullum effectum in mille, quingentis annis in ecclesia Dei habuit. omnia enim iura positiua subiecta sunt, & fuerunt semper papæ, uelit nolit concilium; instante hoc vniuersalis ecclesiæ per orbem diffusæ obseruantia.

Tertio potestas auctoritatiua concilii supra Papam in casu criminis, puta heresis. Et hæc potestas licet minus rationaliter poni uideatur, uerum tamen attestatur proposito, quia ponentes eam, in solo casu a diuina lege statuto dicunt eam posse exire in actum.

Quarto est potestas ministerialis ecclesiæ, quæ habet pro obiecto coniunctionem personæ cum papatu. Et hic etiam attestatur proposito, quia cum ipsa non se directe extendat supra coniunctionem Petri & papatus in facto esse, sed in fieri (quia nihil potest supra coniunctum: scilicet Petrum papam, utpote superiorem iam nominatum, ac per hoc ministerialiter constitutum) consequens est, quod ad ipsam non spectat determinare dispositiones coniunctionis scilicet Petri papæ disponentes ad dissolutionem coniunctionis. nam dispositiones tales adveniunt coniuncto iam facto: ad quod non se extendit potestas ista. Et propterea nisi diuino aut naturali iure dispositio Petri papæ ad dissolutionem determinata sit, potestas ista non potest exire in actum dissoluendi, utpote non habens patiens dispositum, nec potens per seipsam illud disponere, determinando quæ est dispositio subiciens subiectum scilicet Petrum papam tali potestati. Et ex hac constitutione scilicet quod lex diuina exigitur statuens casum depositionis papæ, patet quam ignoranter procedant quotquot ex ui canonici iuris procedunt ad ostendendum, quod papa ex crimine notorio scandaloso & incorrigibili deponi potest, ut glo. super cap. si papa. di. 40. & super cap. Agatius. 24. q. 1. nesciens quid dicat, errauit cum tota multitudine sequacium. Oportet namque ex iure diuino casus inuenire subiectionis papæ ad concilium, ex quo iure diuino ipso absente est supra concilium, & uniuersam ecclesiæ communitatem. Et hic iacet lappus, non est hac illacque amplius uagandum. Vnde ipsamet glo. a ueritate inducta, dicit quod papa non potest statuere, quod non possit iudicari de hæresi. hoc enim ideo uerum est, quia diuino non humano iure iudiciū hoc in casu hæresis statutum est: nam iuris humani papa est dominus.

RATIO autem in oppositum allata non concludit oppositum, quoniam opus humanum indifferens subiici humanæ legi, potest intelligi dupliciter, primo quo ad modum fieri, & sic est uerum. Secundo quo ad ipsum fieri secundum suam substantiam. Et sic est falsa, ut patet de abscissione ligni uel ferri, præcidi siquidem potest bene & male moraliter, & lege humana determinari potest, quando bene & quando male, sed non spectat ad humanam legem, si potest uel non potest præcidi, sed ad naturalem potentiam præcisoris, & dispositionem subiecti cedendi. Vnde in proposito humane legi subijcitur modus actionis, quo coniunctio Petri & papatus fit aut dissoluitur, sed si potestas ista potest

exire in actum, ex altiori pendet principio. Nam non potest exire in actum coniunctionis nisi uacante sede, & tunc in subiectum dispositum scilicet Christianum uoluntarium. Depositionis uero nisi disposito subiecto, aut per recessum a Christianitate, aut per recessum a uoluntario, ut patet de papa hæretico uel renunciante. Propter quod, non potest lex humana statuere, quod coniunctio papatus & Petri quando est mala propter alia crimina ab hæresi, dissoluatur. nõ potest dico efficaciter statuere coactiue, quia papa criminosus posset illam legem tollere, cum par in parem non habeat imperium.

QUOT CASVS CRIMINVM SINT DIVINA LEGE STATVTI,
ut possit concilium papam deponere.

Cap.

26.

QUIA igitur ad solam diuinam legem spectat determinare casus depositionis papæ, in ipsa & ex ipsa scrutari oportet, quot sint casus depositionis papæ. Et ut probabitur, solus casus heresis est a lege diuina, in quo papa potest deponi ab ecclesia, siue auctoritatiua, siue ministeriali potestate, non curando in proposito.

Probatur hoc tripliciter, scilicet, ratione ex principiis theologicis certis, & auctoritate sacrorum doctorum, & diffinitione sacre scripture.

Ratio est ista. Constat quod secluso papa, in ecclesia est potestas electiua papæ, seu applicatiua papatus ad Petrum, quæ quomodocunque uocetur, habet pro obiecto coniunctionem personæ & papatus in fieri & in dissolui, ut patet de actu electionis quo Petrus fit papa, & de actu depositionis, quo Petrus papa hæreticus incorrigibilis deponitur. Constat etiam quod ad hoc quod Petrus fiat papa efficaciter ita quod sit papa, & consequenter ad hoc quod potestas illa ecclesie exerccat actum constructiuum coniunctionis efficaciter inter Petrum & papatum, aliquæ dispositiones requiruntur in petro de necessitate simpliciter, aliqua ad bene esse. Requisitæ de necessitate simpliciter sunt duæ, scilicet esse uoluntarium, & esse Christianum. nunquam enim aliquis quantuncunque electus est papa, nisi consentiat, & similiter non est papa, nisi sit membrum Christi. Secunda dispositio exigitur de

iure

iure diuino . & quia ordo gratiæ præsupponit ordinem naturæ , prima dispositio exigitur de iure naturæ . Requisitæ autem dispositiones ad bene esse , sunt boni mores , scientia ecclesiastica , charitas , experientia regiminis , & huiusmodi , sine his enim Petrus si est electus & acceptat est papa , quamuis ineptus & malus . Constat etiam , quòd quia facilius est destruere quam construere , duabus simul requisitis necessario conditionibus ad constructionem , quæcunque earum deficiat , dissolui potest coniunctio ista . Nam quæ si Petrus non uult amplius esse papa , potest renunciatione dissolui coniunctio ista , & dissoluitur dum acceptatur renunctio , ut patet de Cælestino . Et rursus si Petrus papa labatur in hæresim incorrigibiliter , potest deponi inuitus , ex quo desit quantum est ex se esse membrum Christi , sicut in primo casu desit esse uoluntarius . Hæc omnia certa sunt , ex quibus necessario sequitur , ut deficientibus in Petro conditionibus , quæ non sunt necessariae simpliciter , sed ad bene esse , non propterea fit dispositus , ut possit dissolui coniunctio ista , ut possit attingi Petrus a potestate depositiua . Nam dispositiones illæ quæ non requiruntur in subiecto ad hoc quòd uniatur efficaciter formæ , sed tam cum eis , quàm cum suis contrariis uniri potest formæ & constituere compositum , non sunt tales , ut earum contrariæ pertineant ad dissolutionem compositi . Quod est dicere , quòd si Petrus sceleratissimus & criminosissimus , & scandalosus , & incorrigibilis , Christianus tamen & consentiens , fit & est papa si eligatur , oportet quòd huiusmodi crimina superuenientia Petro iam papæ , aut perseuerantia , etsi reddant ipsum nialum papam & non solum malum hominem ut prius , non tamen reddunt ipsum deponibilem . Ex quo enim ad bene esse papæ requiritur bonitas , & non ad esse papam , consequens est , quòd malitia ad male esse papæ , & non ad non esse papæ spectet . ac per hoc sicut non spectat bonitas ad esse , quod est effectus electionis , ita malitia non spectat ad non esse , quod est effectus depositionis .

Ex his patet ratio , & potest formari breuiter sic . Sola contraria conditionibus necessario requisitis ad esse papæ , reddunt papam deponibilem , sed inter crimina sola infidelitas contrariatur conditionibus necessario requisitis ad esse papæ , ergo sola infidelitas inter crimina reddit papam deponibilem , prima propo patet ex hoc , quod depositio est non esse papæ , & unumquodque in suo esse pseuerat ,

rat, si contrarium non superuenit. Nunquā. n. homo desineret esse, si non superueniret aliquod contrarium illi esse. & simile est in aliis. secunda autem propositio probata est, quia cætera uitia contrariantur conditionibus requisitis ad bene esse papæ. Hanc rationem uellē in statera poni, & non friuolas & apparentes, per accidentia uagantes. Hæc de primo.

AVTORITATES sanctorum sunt in primis. Anacleti Papæ & martyris, & habetur. 79. dist. ca. electionem. Si nāq; papa posset propter crimina deponi, sicut alij episcopi, frustra dixisset, quod electionem summorum pontificum sibi dominus reseruauit. Deinde Bonifacij papæ & martyris, & habetur. 40. di. ca. si papa. Nisi inquit a fide deuiauerit papa, redarguere eius, culpas mortalium nullus præsumit. Vbi solum infidelitatis crimen subijcit iudici, a quo papa potest iudicari, quem constat esse uniuersalem ecclesiam, seu concilium generale. ab eodem. n. excipit a quo negat redarguendum fore. Sanctus quoq; Euseb. papa (& habetur. 2. q. 7. in. c. oues) dicit. Oues quæ suo pastori commissæ sunt, eum nec reprehendere nisi a fide exorbitauerit, nec ullatenus accusare possunt. Secundus Anterius papa & martyr (& habetur. 9. q. 3. in ca. facta) inquit. Facta subditorum iudicantur a nobis, nostra uero iudicantur a domino. Et quod loquatur de factis peccatorum, patet ex eo quod subdit. deteriores sunt, qui uitam moresq; bonorum corrumpunt, his qui substantiam aliorum prædiaz; diripiunt. Secundus Beda (& habetur 9. q. 3. ca. episcopo) tractans de iudicio peccatorum ait. Sola enim Ro. ecclesia sua auctoritate ualet iudicare de omnibus, de ea uero nulli iudicare permittitur. Sanctus Bernar. Inno. 2. scribens inquit. Quis faciet mihi iustitiam de uobis? si haberem iudicem ad quem uos trahere possem, iam nunc ostenderem uobis ut parturiens loquor quid mihi iminet. extat quidem tribunal Christi, sed absit ut ad illud appellem uos. Sanctus Tho. in 4. sen. di. 19. q. 1. ar. 1. q. 3. ad secundū dicit. Quamuis prælati sint corripendi a subditis, non tamen est eis pœna infligenda, sed recurrendum est ad superiorem denunciando, uel si non habet superiorem, ad deum, ut eum emendet, aut de medio tollat. Et ibidem ad primum exceperat crimen infidelitatis, cum dicit. prælatus minor fieret, si in infidelitatem laberetur, & subditus fidelis maior. Et licet hæc auctoritates deberent sufficere ad promulgationem diuini iuris (quia tot sanctorum sunt, & spiritus sancto inspirati

inspirati locuti sunt sancti Dei homines, ut dicitur secundæ Petri. i. ca.) ad maiorem tamen firmitatem debiliū adfunt Simachus Papa in ca. aliorum. 93. q. dicēs. Aliorum hominum causas deus uoluit per homines terminare, sed sedis istius præfulem suo sine questione reseruauit arbitrio. Et quod loquatur de causis peccatorum, patet ex eo quod subdit dicens. uoluit beati Petri apostoli successores cælo tantum debere innocentiam, & subtilissimi discussoris indagini inuiolatam habere conscientiam. Et excludens obiectionem subdit. nolite æstimare eas animas inquisitionis non habere formidinem, quas Deus præ ceteris suo reseruauit examini &c. Innocen. iij. in sermone cōsecrationis papæ dicit. Intantum mihi fides est necessaria, ut cum de cæteris peccatis deum iudicem habeam, propter solum peccatum quod in fide cōmittitur, possem ab ecclesia iudicari. Bonifa. quoq; 8. in extrauaganti. unam sanctam, dicit. Si deuiat suprema potestas, a solo deo iudicatur, ut superius allegatum est. Albertus Mag. Pet. de Pal. Herueus, Vlricus, Aug. de Anch. & alij quos refert dominus Ioan. de Tur. Crema. in lib. de ecclesia. hanc uia secuti sunt. quibus magis credendum est quàm canonistis multis, ad quos non spectat, nisi secundo de iuris diuini rebus tractare, sicut de usura, sacramentis ecclesiæ, heresibus & huiusmodi. Hæc de secundo.

D I V I N A scriptura solum casum heresis aperte excipit, dum (ut supra allatum est) hereticos separandos ab ecclesia instituit, & sanæ doctrinæ prælatos, malorum autem morum tolerandos constituit. Hoc enim nihil aliud est, quàm differentiæ pro solo heresis criminæ deponendum instituimus quantum est ex diuina lege prælatum, ac per hoc iuri humano reliquas depositionis causas dimittimus quo ad subditos iuri humano, de non subditis. nullus statuit. Et de heretici quidem separatione extat textus Pauli Apostoli & Ioan. Euangelistæ iam dicti. De toleratione uero, imo obedientia & audientia malorum prælatorum fidelium, extat sententia domini Matth. xxij. super cathedram Moyse & c. & Petri Apostoli. obedite prepositis discipulis. qui iam inducti sunt. Et nunc adiungitur sententia domini Luc. 12. manifestans iudicium papæ mali in seipsum & in proximum, agendum per ipsum dominum, dum respondens Petro ait. quis putas est fidelis dispensator & prudens, quem constituit dominus super familiam suam &c. Et subdit de eodem, quod si dixerit seruus ille in cor-
de suo.

de suo. moram facit dominus meus venire, & cœperit percutere seruos & ancillas, & ædere & bibere & inebriari, ueniet dominus serui illius in die qua non sperat, & hora quam nescit, & dicitur det eum, partemq; illius cum infidelibus ponet. Vbi notandum est primo, quod ad literam loquitur de seruo constituto super familiam. i. ecclesiam, ut glo. interlinearis exponit. Quod patet ex officio. s. ut det illi in tempore tritici mēsuram. & ex p̄mio. beatus ille seruus, quoniam super omnia bona sua constituet eum. In quo apparet differentia (ut glo. dicit) inter subditum & prælatum beneficientem, quia subdito promittitur quod præcinget se dominus, & transiens ministrabit illi, prælato uero quod super omnia bona sua est constituendus. Notandum est secundo, quod distinguit manifeste crimina tria, in seipsum, in proximum, & in deum, ac per hoc comprehendit omnia. In seipsum per gulam & ebrietatem. scriptum est enim propter crapulam multi obierunt, qui autem abstinens est adiiciet uitam, Ecclesiastici. 37. In proximum, per percussione[m] suæ curæ cōmissorum utriusq; sexus. In deum, per infidelitatem. Et non describit dispensatorem criminis in deum per infidelitatem, sed in seipsum & in proximum. & dicit seruum talenti confidentem in mora domini, iudicandum domino per mortem, qua diuidetur a familia, & per damnationem æternam cum infidelibus. Hæc manifestæ sunt in litera, & clarè ostenditur. quod diximus. s. quod quantum est ex lege diuina, prælati de criminibus ceteris a domino iudicandi statuuntur, de infidelitate autem, ecclesiæ iudicio dimissi intelliguntur, ac per hoc, si alij prælati non subessent iuri humano, quod superapposuit sui, subditis alias causas criminum iudicandas, ab ecclesia non essent iudicandi & deponendi, nisi pro infidelitate sicut papa, qui quia soli diuino iuri subest, in casibus a diuino iure toleratis, nulli subijcitur. Quia enim sola negatio statuti casus a iure diuino quo ad papam soli diuino iuri subiectum, sufficit ad constituendam legem, quod non potest iudicari aut deponi, multo magis expressa tolerantio casuum in iure diuino constituit ipsum tolerandum. alios autem tolerabiles, si a superueniente iure positio, cui substituti ex diuina lege sunt, permittantur.

Vnde inter papam & alios quo ad casum criminis iudicandi & puniendi ab ecclesia, tantum interest, quod in papa locus ab auctoritate diuini iuris negatiuæ efficacissimus est, quia soli illi iuri subiectus est. In alijs aut, nec tolerantio, nec negatio diuine legis

ne legis efficax est: quia quod superius ius nō statuit, aut tolerat, inferius ius pōt, & statuere, & punire. ut manifeste patet in contrahendis matrimonijs, & administratione sacramentorum: in quibus multa permissa ex diuino iure, prohibita sunt ab ecclesia in sibi subsiditis. Et si absq; uelamine aliquo obumbrante, sententia domini perspicatur, apparebit quōd propter prælatum qui nullum habet supra se nisi dominum (utpote constitutū super reliqua familia domini absentis) promulgata est hæc sententia. Quod etiam ex eo habetur, quōd constitutus super familiam absentis domini, neminem timere describitur, nisi domini aduentum: in cuius mora confusus tanquā neminem habens supra se peccare cæpit. De prælatis nanq; habentibus superiorem præsentem in hac uita, non consonat, q̃ in sola mora domini cōfidant, quia habent statim superiorem iudicem, quem timeant ultorem. Non nihil quoq; ad hoc confert, quōd Petro futuro Papæ hoc dominus dicit. Ex his auctoritatibus perspicaciter intellectis, habetur quōd pro reliquis criminibus manifestis nō est Papa deponendus. Docens. n. dominus secundum opera malorum prælatorum nolite facere, proculdubio de uotis operibus loquebatur: de quibus dixit, a fructibus eorum cognoscetis eos. Ne autem propter adiunctam scandali rationem deponendum putares, docuit Matth. 18. q̃ pes, manus, uel oculus, non tamen caput scandalizans amputaretur. instruens ad literam, q̃ si aliquod nobis opportunum (ut manus, pes uel oculus) scandalizans occurreret, præcidendum esset. secus autem de organo habente officium capitis. sentiebat, nunquā dicēs. si caput tuum scandalizat te, abscinde illud, & proiice abs te. Hanc auctoritatem qui credit, Iesum Christum Dei uirtutem, & sapientiam omnia præuidentem, & cunctis prouidentem, non spernet, sed reuerenter considerabit, non casu nominasse dominum manum, pedem & oculum membra summæ necessaria, & tacuisse caput. sed ideo non esse mandatam præcisionē capitis scandalizantis, quia nec propter scandalum caput simpliciter præcidendum est. Dico autem simpliciter, ad differentiam capitis in hac uel illa ecclesia: quia quantūcunq; caput huius uel illius ecclesiæ præcidatur, sēper restat caput ecclesiæ in terris, papa. f. Patet igitur quōd nullū extra infidelitatē crimē notoriū ac scandalizans, depositionem papæ inducit. Hæc de tertio.

RESPONDETUR RATIONIBVS FACTIS IN CAP. 24.
*ad probandum quòd papa ex alio crimine quam hæresis
 potest deponi ab ecclesiâ. Cap. 27.*

MANIFESTATA sufficienter ueritate, quòd scilicet si papa est fidelis, nec iudicari nec deponi potest ab ecclesiâ pro quocunque alio crimine quâuncunque notorio & scandaloso, superest allatis in oppositum satisfacere. Ad primum ergo motiū ex parte criminis neganda est sequela, quia nec maior, nec par ratio est de hæresi & alijs criminibus. Et ratio iam tacta est, quia scilicet infidelitas spectat ad non esse, alia autem crimina ad malæ esse papæ. Cum ergo dicitur, aut hoc est ratione grauitatis aut nocuenti. dico quòd diuisio non est sufficiens, quia datur tertium. scilicet quòd est ratione status. Infidelitas. n. mutat statum hominis, quia facit quantum est ex parte hominis de christiano non christianum. Odium autem Dei licet sit grauius peccatum, ac per hoc faciat hominem peiorem quam infidelitas faciat, non tamen facit de christiano non christianum.

Nec obstat quòd hæreticus restat christianus inuitus ex characterē, quia quod non uoluntarie habetur, non est ab homine in quantum homo, ut in principio primæ secundæ. s. Tho. dicit. Propter quod fides informis saltem & character, non sunt duo cōstituentia distinctos status humanos ecclesiasticos, sed unum & eundem statum christianitatis! constituunt complere concurrente utroque, altero ut humano scilicet fide, quæ non est, si non est uoluntaria, & altero ut hominis scilicet characterē, qui & sine uoluntate acquiritur (ut patet in pueris) & inuite conseruatur, ut patet in hæreticis. Propter quòd sublata fide mutatur status christianitatis in quantum erat humanus, quod est mutari ipsum eo modo quo per hominem mutari potest. Mutatio autem status christianitatis, extra christianos hominem ponit ex propria natura; & propterea crimen hæresis non ratione maioris grauitatis, sed mutationis status deponendum constituit papam, alia autem crimina non.

Et licet hæc responsio sufficiat etiam ad alterum membrū de nocumento, sciendum tamen est, qd aliud est loqui de nocumento per se annexo peccato, & aliud de nocumento annexo per accidens, quia scilicet est in isto homine sic disposito. Si enim loquimur

mur de nocumēto per se, maius nocumētum est annexum h̄-
resi ipsius pap̄e quā cuicunq̄ alteri crimini, quia h̄resis quā-
tum ex se adh̄eret doctrina h̄retica, quā in capite quantum ex
se est, induceret h̄resim in ecclesiam uniuersalem, quo maius no-
cumentum inferri nequit. Si uero loquimur in isto qui nō docet
h̄resim & bene gubernat & dispensat, hoc est per accidens, &
ideo despiciendum. Ad aliam probationem scilicet, quod non
inuenitur in scriptura sacra expressum, quod magis sit pro h̄re-
si pap̄a depōnendus quā pro alio crimine. iam patet respōsio,
quod non inuenitur quod magis pro hoc quam pro alio, sed in-
uenitur in sacra scriptura, quod pro sola h̄resi est deuitandus &
declinandus, ut patet ex textibus inductis. Vnde non est uerum
quod sit hoc relictum interpretationi doctorum & canonū, nisi
sicut explanantibus, quo modo etiā articuli fidei sunt relictī do-
ctoribus & canonibus sacris. Sed sicut articulos fidei declarare
non mutare possunt doctores & canones, ita legem hanc diuinā
declarare non mutare addendo aut subtrahendo possunt. Ad
tertiam probationem dicitur, quod illa maxima, qui potest in
maius, potest in minus, si philosophice discutienda est, inuenitur
falsa, tam de actu, quam de obiecto, quam de effectu. Intellectus
enim qui potest in actum maiorem. s. intelligere, non potest in
actum minorem, puta odorare. Similiter uisus qui potest in obie-
ctum maius, puta lucidum, non potest in obiectum minus, puta
sōnum. Virtus quoque generatiua hominis potest in effectū ma-
iorem scilicet hominem (homo enim generat hominem) & tamē
non potest in effectum minorem, puta leonem. Si autem po-
litice discutienda est (ut Innocen. 3. in dicto cap. ex parte, el ter-
tio iducit sub aliis uerbis. s. cui cōcessum est maius, minus quoq;
concessum esse uidetur) dicitur quod intelligenda est cēteris pa-
ribus. modo autem cetera non sunt paria, quia in crimine h̄re-
sis (quod est maius crimen) subiectum mutauit christianitatis sta-
tum, in aliis uero criminibus minoribus subiectum permanet in
eodem christianitatis statu. Et h̄c est uera respōsio ex parte cri-
minis maioris & minoris. Ex parte autem maioris uel minoris
effectus iudicij, negatur minor, quia maius esset iudicare papam
in statu christianitatis de adulterio, quam iudicare ipsum a Chri-
stianitate ruentem de heresi, quia in primo attigitur superior sta-
tus gradus quam in secundo, ut patet.

Ad secundam rationem, (ex parte. s. actus) dicitur, quod fal-

lacia confistit in hoc, quòd aliud est auferre gladiũ, resistere, impedire, & huiusmodi, & aliud est facere istamet autoritatiue. Auferre nãq; gladium de manu furiosi, resistere tyranno, impedire oppressorem, & hmõĩ, cuilibet licet & debitum est ut actus uirtutis, sed facere ista autoritatiue soli superiori licitum est. Vnde licet cuilibet uim in se & in proximum ui repellere cum modera mine inculpatã tutelã, non tamen cuilibet licet punire cum qui uim infert. Et similiter quãuis quilibet licite posset papam, in uasorem, se defendendo occidere, nulli tamen licet papam propter homicidium punire pœna mortis. Vnde hmõĩ argumenta, & similia, non concludunt autoritatem iudicis ad puniendum, sed cuiuslibet priuati debitum ad resistendum, impediendum, defendendumq; nisi quis adeo desipiat, ut dicat quẽlibet esse iudicẽ cuiuslibet. Resistendum est ergo et in faciem papę publice dilaniant ecclesiã. v. g. quia non uult dare beneficia ecclesiastica nisi pro pecunia, aut commutatione officii, & cum omni reuerentia, & obiecta neganda est possessio talium beneficiorum his qui emerunt, & alleganda est cã simoniæ et cum Papa commissę. & si ne dubio principes seculi & clerus gladium de manu furiosi sic cum modestia tollerent. Multę quoq; sunt uia, quibus absq; rebellionẽ principes mundi & prelati ecclesię si uellent uti, resistentiam impedimentumq; abusus potestatis afferrent. Sed quãdo principes, & prelati non curant, nisi quasi somnando, cur cõqueruntur quòd non potest deponi? cur opponunt quòd potestas data est in edificationem, & non in destructionem? Abusui nãq; potestatis qui destruit, obuiam eant congruis remedijs nõ obediendo in malis, non adulando, non tacendo, arguendo, aduocando illustres ad increpandum exemplo Pauli, & præcepto eiusdem (dicite Archippo. uide ministerium quod accepisti in domino, ut illud impleas, ad Col. ult. &c.) & parum, aut nihil abuteretur potestate. In responsione tantum ad quintum habebis ultimam satisfactionem huius argumenti.

Ad tertiam rationem ex parte ipsius Papæ, dicitur quòd et est fallacia. nam aliud est purgatio ad remouedũ scãdalum, & aliud est purgatio ipsa coram iudice. Ad primam tenetur Papa de iure diuino, ad secundam non, unde Damasus nõ coram generali concilio, sed coram 42. episcopis se purgauit, ut patet. ij. q. vij. nos si competenter. Et si Greg. ipse testatur, quòd ex humilitate exhibuit se ad iudiciũ, patet ij. q. vij. cap. Petrus. ubi ipse Greg.

Greg. dicit. Petrus potestatem regendi acceperat, & tamē idem apostolorum primus, quærimoniæ contra eum a fidelibus factæ, cur ad gentes intrasset, non ex potestate officij (qua posset dicere, oves pastorem suum non accusent, nec reprehendant) sed ex auctoritate diuinæ uirtutis qua gentiles acceperat spiritum sanctum, respondit. ubi apparet quòd ipsa imitatus est Petrum apostolum, non utendo potestate sua, & quòd potuisset illa uti.

Ad quartā ex parte ecclesiæ ut sponsæ, breuiter dicitur primo quòd papa non potest inuitam ecclesiā deferere, quia nō potest iuri ecclesiæ renunciare. prælatus. n. est propter ecclesiam, & non ecōtra, ut super epistolā ad col. in fine diuus Tho. dicit. Secūdo quòd nō est par rō ex utraq; parte, quia ecclesia est subdita papæ, & nō econtra. Nec ēt in lege Moyſi uxor poterat dare libellū repudij uiro. Nec est periculum de ipsius dilanatione, quia scriptū est, portæ inferi non præualebunt aduersus eam. Ex parte uero ecclesiæ ut cōitatis libere, breuiter dicitur, quòd licet sit libera libertate gratiæ, est subdita tamen scđm iurisdictionē papæ. Vnde ipsa ecclesia non abdicauit a se ptātem supra principē, sed Iesus Christus dominus ecclesie non subiecit eā ipsius cōitati ecclesie, sed suo uicario, & propterea nihil pōt supra suum principem. Nō sic est de alijs communitatibus de quibus assertur Arist.

Ad quintam (ex parte diuinæ prouidentie, & operationis immediate, & perfecti operis) dicitur quòd deus perfecte ecclesie corpus fecit, disposuit ac ordinauit, ita ut ordinatissimum optime extet, & nihil opportunum desit illi. Et cum dicitur, ergo est relictum ecclesiæ remedium contra papam fidelem criminofum &c. concedendum est. Sed cum infertur, ergo ecclesia potest illum incorrigibilē deponere, mēbrū illud abscindere & huiusmodi. respondet quòd est sophisma consequentis a superiori ad suū inferius affirmatiue, a prouisione & remedio in cōmuni ad hanc prouisionem seu hoc remedium, ac si non esset alia prouisio & aliud remedium. Dicendum est. n. quòd IESVS CHRISTVS altioris ordinis remedium reliquit in ecclesia ad repellendum sui proprii uicarii incorrigibile scandalosumq; regimen.

Ad cuius euidentiam sciendum est, quòd sicut in naturalibus diuina sapientia inferiora per media & media per supremas causas secundas gubernat, ita in supernaturalibus, inter que est ordo gratiæ fidei, & ecclesiæ super illam fundatæ, inferiora per media, & media per supremas causas secundas supernaturales gubernat.

Rursus

Rursus cum causę effectibus proportionata sint, ut superioribus effectibus superiores causę respondeant, & inter causas secundas providentia humana ecclesiastica auctoritate fulta, inferioris ordinis causa sit quā oratio, quę in supremo ordine secundarum causarum locata est a deo (quod ex eo patet quod tota creatura corporea & incorporea subiecta est illi) & prouisio supra papam fidelem sit inter supremos effectus in ecclesia, consequens est, quod sapientissime deus disposuit remedium in ecclesia supra fidelem papam, non providentiam humanam, cui subiecit reliquum ecclesię, sed oratione. Nec est minus efficax causa secunda oratio ecclesię pro se petens necessaria ad salutem persequenter, quā providentia humana, cum constet quod cuiuslibet particularis personę oratio pia perseverans, petens necessaria ad salutem pro se, est causa efficacissima & infallibilis, ut diffuse habes in 3. contra gen. a beato Tho. ca. 95. & 96. Vnde si necessariū est ad salutem ecclesię, quod papa talis auferatur, sine dubio oratio sic conditionata auferet illum de medio. Et si non est necessarium quod auferatur, quid causamur bonum dominum, qui negat quod uolumus, & tribuit quod mallems? Si est necessaria eius ablatio, non potest non auferri ab eo rogato, qui promisit quod nihil deesset timentibus eum. Si non est necessaria diuino iudicio, & tamen iudicio humano utilis & necessaria creditur, cur præponis te deo uolens illum deponere? tu quis es, qui iudicas alienum seruum? domino suo stat aut cadit Iesu Christi uicarius. Non dico hoc ego, sed dominus, qui Luc. 18. docet quod deus multo magis quā homo faciet cito uindictam electorū suorum clamantium ad se. Constat enim ecclesiam electos claudere, & uindictam hanc, quia ipsi soli domino reseruata est, ab ipso præ ceteris faciendam. non dormitat neq; dormit custodiēs Israel, qui nauiculę fluctuanti quarta uigilia noctis ex oratione surgens subuenit, qui a Senacherib exercitu Ezechiam liberauit, Assueri cor mutauit, Nabuchodonosor prædicatorem suū fecit, Anastasium. 1. oratione ecclesię percussit, Leonem etiā Papam (seu Liberium apud alios) Hylarij orationi subiecit, qui etiā omnia temporalia bona superadijcienda promisit, qui demum dedit nobis filium & omnia donauit cum illo. Sed heu impletum quasi est illud. putasne filius hominis ueniens, inueniet fidem in terra? nam prouisio istius tam excelsę & tam efficacis causę secundę pro nihilo habetur. Oportet (inquiunt) providentia nostra

stra puniri papam, non diuinæ prouidentię solj & orationibus relinqui. Quare hoc dicunt, nisi quia prouidentiam humanā præferunt orationum efficacię? quare hoc dicunt, nisi quia animalis homo non percipit quæ dei sunt? Quare hoc dicunt, nisi quia didicerunt confidere in homine, & non in domino, & ponere carnem brachium suum? Quo fit ut si incorrigibilis existimet quādoq; papa, in proprijs uitijis manentes subditi quotidie murmurēt de malo regimine, nullum orationis remedium adhiberi procurantes, nisi forte, ut somniantes absq; fide, & facto suo adimpleant scripturas (quòd. s. propter peccata populi regnat hypocrita, officio sanctus, animo diabolus) & detur ac conseruetur rex in furore domini. Iram enim & clementiam dei in manibus orationum nostrarum esse, spiritus sanctus in psalmo testatur. benedictus deus qui non amouit orationem meam & misericordiā suam a me. glo. quia non est amota oratio, securus esto, quia nō auferetur misericordia. Verum ita stolidi sumus ut nolumus orare ut debemus, & tamen uelimus orationis fructum, nolumus scīa re & uelimus metere. Aut christiani non non inemur, aut christi prouisionem amplectamur, & sic phreneticum, furiosum, tyrannum, dilaniatorem, dilapidatorem corruptoremq; ecclesiæ (cum contingeret talem præesse) superabimus. Sed qui nosmet non superamus nostris orationibus (quia eas non ut delect agimus) quomodo conqueri possumus, quòd aliorum malorum uitam non superamus orationibus? quæ non solum rectum non transeunt, sed nec oratiū capita propria penetrant. Et quod peius est, olim conquerebatur deus. populus hic labijs me honorat, cor autem eorum longe est a me. Tempore reuelate gratiæ, nec labijs honoratur, quoniam nihil dicitur minus intelligibiliter quàm diuinum officiū. nihil tam celeriter persoluitur quàm missa. Tempus diuini officij & missæ, onerosum est ualde. ioci autem & negocia ac cōmoda sēcularia distinctè dicuntur & reputantur, & absq; temporis mensura delectant. Vnde concluditur, quòd aut abscissio papæ fidelis & incorrigibilis post humana remedia est in ueritate necessaria ad salutem ecclesiæ, & oratio fit sine intermissione ab ecclesia, & sic habetur certa, & multo celsior ac efficacior prouisio quàm si auctoritas deponendi humanæ esset prouidentię delegata, aut non est necessaria, uel non fit oratio ut debet & tunc nullus est quærele locus, si in non necessarijs abest prouisio exterminatiua, quoniam nec humana prouidentia

dentia extra ueram necessitatem deberet illa uti auctoritate, si eam haberet, uel si nos ipsi cōcesso remedio efficaci nolumus uti. Quamuis etiam non sit abbreviata manus domini, ut non possit saluare citra omnimodam necessitatem, nec aggrauatæ sint aures eius, ut non exaudiat citra necessitatem. sed iniquitates nostrę sunt, quę diuidunt inter nos & deum nostrum, & multas malas actiones in rectoribus nostris procurant, ut Hiero. in ca. audacter. 8. q. 1. & Greg. 7. q. 1. ca. ex merito dicunt.

Et si contra hæc instetur. Quia oratio cōmune est remedium omnibus occurrentibus malis, in hac autem re proprium quæritur remedium, sicut in ceteris rebus, ultra cōmunem causam propria assignanda est. Respondetur, quod supremę causę quauis, sint causę cōmunes respectu inferiorum, sunt tamen proprię respectu superiorum effectuum. & propterea oratio quia est inter supremas causas secundas supernaturales, respectu inferiorum est causa cōmunis, respectu autem summorum effectuum, qualis est exterminatio papę fidelis, utpote effectus reservatus deo, est causa propria. & remedium proprium. ultra quod sunt multa alia humana adminicula, quę scripsit dominus Ioan. de Tur. Cre. in lib. 2. de ecclesia ca. 106. Cum his tamen omnibus memeto, quod pessimus papa fidelis toleratus a deo, nō potest totum corpus ecclesię inficere, aut in perniciem ducere & huiusmodi, ut argumenta autumant in similitudinibus corporum & huiusmodi. Nam deus non potest se ipsum negare. de quo scriptum est. fidelis deus, qui non permittet uos tentari supra id quod potestis, sed faciet etiam cum tentatione prouentum.

Ad sextam, quantum ad gesta concilij Constantien. iam dictū est, quod concilium perfectum secundum presentem statum ecclesię potest deponere incertum papam, nullus enim fuit illo tempore certus papa. Quantum ad gesta concilij Basilien. respondet uniuersalis ecclesia, quę Eugenium a concilio depositum adorauit & adorat ut papam, olim in persona sua, & post in successore Nicolao, quem ipse eodem anno creauerat cardinalem, & sic deinceps. Et hæc responsio facti testatur quantum delirent, qui papam concilio submitunt. Ad priscorum temporum gesta dicitur, quod licet multi legantur depositi pontifices summi, aut non erant indubitati pontifices summi, aut de facto non legitime depositi sunt, ut in ca. 103. secundi libri de ecclesia domini Ioan. de Tur. Cre. manifestat diffuse. Ad auctoritatem glosę,

gloſa, & plurium canonistarum ſequentium illam, dicitur quòd gloſa eſt contra textum, quia textus excipit ſolam hereſim, & ipſa leui ratione mota, extendit ad omne crimen notorium ſcandalizans, incorrigibile, quia. ſ. contumacia eſt hereſis. Conſtat enim quòd lato uocabulo contumacia hereſis dicitur, ſicut & ſimonia, nec equiparanda eſt uere hereſi, quæ mutat ſtatum chriſtianitatis. Et quàmuis glo. quia ſobrie loquitur dicens, credo &c. mereatur ueniam, aſſertores tamen illius documenti ſuper illam ſe fundantes, quia contra antiquam fidei doctrinam tam leuiter mouentur, nescio excuſare. Canonistarum autem auctoritas in re hac (quia principaliter eſt theologica) parua eſt, nec maior ratione ſuper qua ſe fundant. non ſic eſt de auctoritate ſanctorum, qui ſpirituſancto inſpirati locuti creduntur. Rurſus ſecundum ipſosmet canonistas, in materia fidei magis ſtandum eſt antiquorum quàm modernorum auctoritati, licet in his quæ iuris ſunt, quanto iuniores tanto perſpicaciores. Cum igitur hæc ſit materia fidei (quia imediatum opus dei non ratione naturali, ſed ſola diuina reuelatione ſcibile, in queſtione eſt) conſequens eſt, ut ſanctorum auctoritas ſacræ ſcripturæ inixa, omnibus concilijs & theologorum uniuerſitatibus, ac canonistis poſterioribus, imo quaſi modernis præponenda ſit. Ad ſeptimam ex parte iudicij humani, dicitur quòd conditiones iudicij humani ſunt duplices. quædam ex naturali iure uel diuino determinatæ, quædam a iure poſitiuo. Inter quas hæc eſt differentia, quia illæ quæ ſunt ex iure poſitiuo, non poſſunt in inuitum papam exerceri, quia non ſubeſt poſitiuo iuri. illæ uero quæ ſunt a naturali uel diuino iure, habent etiam locum in papa. Ex iure autem diuino ſtatuta eſt forma iudicij humani circa hereticum, ut poſt primam & ſecundam monitionem euitetur, ac per hoc (ut dictum eſt) poteſt contingere ut papa fidelis nunc, ſed bis relapſus deponi poſſit & debeat. Ex iure etiam naturæ eſt, ut homo uideat quæ foris ſunt, ac per hoc propter actus manifeſtè hereticales, & uerba manifeſtè ſerio heretica cognita &c. ſic facta, & dicta, ut humano iudicio corde conſentiente facta ſint & dicta, iudicetur quis hereticus. Ex ipſo quoq; diuino iure eſt, ut in ore duorum uel trium ſtæt oë uerbū, ut patet Matth. 18. Et ex iure naturæ unicuiq; cōtra ſe creditur, ſi eſt ſani capitis &c. Vnde ex nō ſuſpectis &c. teſtib. cōuictus q̄s de dānata & nota &c. hereſi, hereticus iudicabitur. & ſimiliter ſi ſua ſponte ſe conſitetur hereticum,

quàmuis coram deo mentiatur, iudicabitur hæreticus. Et iure autem positivo contumax, & perseverans per annum, si quis alius est eiusmodi, præsumitur hæreticus. Vnde primi duo casus non habent locum in Papa, qui non potest excommunicari, nec iuri positivo subijcitur, sed servanda est lex ab apostolo Paulo in sacra scriptura tradita. Similiter si timore mortis, certo, uel probabili secundum humanum iudicium absque interiori consensu gesta, uel uerba hæreticalia habuit, non deponitur papa. unde Petrus Apostolus, qui solo uerbo negavit Christum, quia fides eius non defecit, sed charitas (teste Iesu Christo dicente, ego rogavi pro te, ut non deficiat fides tua) conuersus a peccato negationis cum periurio quo perdidit charitatem, confirmaturus instituitur fratres suos, non deponendus. Et hoc imitati patres, Marcellinum (qui etiam solo exteriori actu peccasse uidetur) deponendum non censuerunt. di. xxj. nunc autem. Ex casibus autem in quibus propter conditiones humani iudicii iure diuino, uel naturali determinatas Papa in corde fidelis, coram ecclesia uero infidelis deponitur, non constituitur alius casus quàm casus infidelitatis. Nam nihil refert esse, & apparere sufficienter, quòd ita sit secundum humanum iudicium coram ecclesia, quæ non uidet nisi foris quæ sunt, nec uerius iudiciũ ab ecclesia exigit Deus, qui naturam hominis iusque diuinum condidit. Vnde ex his nulla alia subiectio Papæ ad concilium habetur, sed illa sola quæ dicta est. scilicet in casu hæresis proprie sumptæ. Et sic si sit catholicus, Papam non iudicat ullus.

AN IN EVENTU ALIQUO PAPA SINE CVLPA SVA
subsistit ecclesia, ita quòd possit deponi? Cap. 28.

VT PROMISSA perficiantur, superest discutere, an in aliquo euentu sine culpa papæ, subsistat ecclesiæ seu concilio uniuerso, ita quòd possit deponi. Inuenio siquidē notatos sex casus in quibus ecclesia sine culpa qui dem Papæ, sed nō sine causa deponere potest papam. Primus est cum coram uniuersali ecclesia testibus comprobaretur, quòd Papa qui diu detentus erat à sarracenis iam obiit, & cōcilium determinat noui Papæ electionem, & sic fit. decernendo quòd pro bono ecclesiæ etiam si uiueret, iste nouus sit papa, potest. n. ipsum captiuũ sine spe reditus deponere. Secundus est, cum propter in dispositionem

tionem corporalem (puta dementiam) esset inutilis, & concilium per eum congregatum dum sanæ mentis esset, decerneret alterum Papam creandum. Tertius est, quando Cardinales omnes statim, post canonicam electionem Petri in Papam moverentur, ita quod non possent publicare electionem. tunc ecclesia cum non teneatur istum acceptare, alium eliget, & sic istum deponet, quia duo simul esse non possunt. Quartus est, quando Cardinales etiam uiuentes non possunt facere fidem de electione sua canonica in unum, ut videtur accidisse in schismate magno ab Urbano. 6. usque ad Marri. V. tunc ecclesia deponit nolentes renunciare, ut in concilio Constantien. factum est.

Quintus est, quando propter communem errorem, aut estimationem subditorum, aut ipsorum malitiam generalem, præsumitur, quod nunquam præstabunt obedientiam tali qui fuit rite electus in Papam, alteri tamen nouit eligendo parati sunt, obedire, ut si forte græci uellent ad unitatem ecclesiæ redire, dummodo tolleretur Papa iam existens, & nouus rite Canonice crearetur. Et confirmatur hoc ex autoritate iuristarum, dicentium religio sum professum posse uxorem ducere pro salute magnæ gentis aut conuersione ad fidem. Sextus est, quando papa uerus iuramento, uel uoto seipsum ad cessionem obligasset; sed differret adimplere in scandalum populorum putantium ex tali facto papæ, quod nec ipsi uotis, aut iuramentis proprijs obligantur, ut Ioan. 23. contigisse uidetur in principio concilij Constantiensis.

SED ex nullo euentu conciliū posse deponere papam, quāuis ex hoc haberi possit quod supra dictum est. scilicet quod euentus locum habet in his quæ humani iuris deterterminationi subsunt: non in his quæ solius diuini sunt iuris (qualis est autoritas immediate a Christo tradita, quæ ad depositionem fidelis pontificis exigitur) examinando tamen singulos idem apparebit incussum permanere. In primo itaque euentu de Papa captiuo, duo tanguntur. primū retrogrado ordine est, quod nulla existēte spe reditus, & nullo patente accessu, potest per conciliū deponi. Quod primitiuæ ecclesiæ gestis non consonat, quia petro seruato in carcere, & sine humana spe reditus ac accessus ad eū (quia inter tot milites uinctus cathenis, post tot custodias erat) non depositio tractabatur, sed oratio fiebat sine intermissione ab ecclesia ad Deum pro eo. & sic per ecclesiæ orationem liberatus est. Secundum, quod constituto per testes de morte, licet

non ita fuerit, potest eligi alter. Et hoc non aliter verum est, quam quòd constito per testes quòd maritus Marthæ mortuus est, licite ipsa Martha nubit alteri, filiosque generat, & tamen adueniente primo marito, qui reuera non erat mortuus, ad primum maritum (qui solus est uerè maritus) redire eam oportet, alioquin adultera esset. Sic nāq; esset in casu hoc, redderetur q̃ppe Papæ uiuo sponsa sua, etiam non uenienti (quia ubiq; præsens est) & ex humano errore electus Papa cessaret. In secundo euentu de dementia perpetua, dicitur quòd Papa non potest deponi, sed si constat de dementia perpetua, cum sit mortuus uitæ rationali, secundum quam homo est subiectum Papatus, sine cōcilio generali possunt Cardinales procedere ad alterius electionem, utpote sede uacante in ueritate: non minus quam cum sedes uacat per renunciationem. In tertio euentu de morte omnium Cardinalium, dicitur, quòd cum ecclesiæ uideat solū quæ foris sunt, si electio papæ non constat ecclesiæ sufficienter, tūc nullus est Papa certus ecclesiæ, & propterea ecclesiæ non deponit Papam in foro suo, licet deponat papam in foro conscientiæ. Hoc autem non solum posse, sed debere ecclesiā facere, ex eo patet, quòd ille posset eam decipere dicendo se electum, & tamen non esset. Vnde euētus iste, & quartus de defectu probationis, nihil aliud inferunt nisi quòd Papa incertus ecclesiæ potest deponi: quod gratis conceditur. Sed non est questio de hoc, sed de Papa certo: paria enim apud ecclesiā sunt, non esse & non apparere. In quinto euentu rebellionis communis, dicitur, quòd quia non sunt facienda mala ut eueniāt bona, nec periculis humanis subueniendum est usurpatione diuinæ auctoritatis, nec debent mali ex iniquitate reportare commodum cū iniuriā innocentis, non potest Papa deponi. Si enim boni faciant quod in se est, & orationi uacent sine intermissione omnē sollicitudinem suam in eum proiicientes, cui est cura de ecclesiā, impossibile est ut desit diuinum adiutorium, scriptum est enim time te dominum omnes sancti eius, quoniam nihil deest timentibus eum. In sexto euentu dilatare celsionis post uotum, & iuramentum, breuiter dicitur, quòd licet ipse teneatur ex uoto, & iuramento cedere: ecclesiā tamen non potest ipsum ad hoc cogere inuitum, quia potestatem coactiuā super fidelem Papam non habet. Et bene hic caue, quia non ualet argumentū, Papa tenetur ad hoc, ergo potest ad illud per ecclesiā cogi.

patet

patet nāque quòd tenetur ad solícite vigilandum, ad non for-
 nicandum, & infinita alia, & tamen non potest cogi ab ecclesia
 ut in cap. si Papa. distinctio. xl. pater. Quibus autem scandalum
 præbetur de suo periurio, & uoto facto, & alijs huiusmodi, præ-
 ueniens dominus dixit: super cathedram Moysi sederunt scri-
 bæ, & pharisei: quæ dicunt facite, secundum uero opera corû
 nolite facere. Et sic patet quòd Papa ordinaria potestate a
 IESV CHRISTO tanta donatus est, cum ipseus est institutus
 Vicarius, ut ei Apostoli, ecclesiæ singula membra, & commu-
 nitas subiecta sit, ipse uero soli ipsi IESV CHRISTO subie-
 ctus uiuat, sicut in nullo euentu nulloque casu nisi hæresis pro-
 priæ sumptæ iudicari, aut deponi possit, nisi ab ipso domino IE-
 SV CHRISTO. Pro cuius fide, ecclesiæ & apostolica sede hæc
 ipso donante scripsi. Romæ die. 12. Octobris Anno Salutis.
 M. D. XI. etatis uerò meæ. 43. Rogoque lectores omnes,
 ut soli ueritati intenti passionibus, sectas, paternas traditiones, ca-
 sus, uoluntarias glosas, omnemq; nebulam a mentis acie abijciāt,
 & sic censores se exhibeant rectos. Ad Dei, & Gloriosæ Vir-
 ginis Mariæ, & Apostolorum Petri, & Pauli laudem, & hono-
 rem. Amen.

Tractatus Thomæ de Vio Caietani Cardinalis S. Systi de cō-
 paratione Autoritatis Papæ, & Concilij. Finis.

THOMAE DE VIO CAIETANI
CARDINALIS SANCTI SYSTI DE
COMPARATA AVTORITATE PAPAE
ET CONCILII APOLOGIA.

PROLOGVS, IN QVO RATIO, INTENTIO,
ordoq; operis est.



CHARITAS Iesu Christi, sanctaq; eius ecclesiae, Reuerendis. in Christo pater, protector & domine, cogit me uirum periculosum, eneruatore ecclesiasticae potestatis, falsarium, adulatorem atq; blasphemum, ad haec quidem exemplum illius sequi, qui cum malediceretur non maledicebat, ad obiecta autem contra doctrinam in opusculo de comparatione auctoritatis papae & concilij per me edito, tuarq; Reuerendis. dominationi dicato contentam, pro ueritate respondere.

Et licet plura obiecta sint, quae a uiris doctis (pro quibus solis opus illud scripsisse me ibi sum contestatus) facile soluerentur, quia tamen sapientibus & minus sapientibus debitores sumus, qui parati esse debemus omni poscenti nos rationem reddere de ea quae in nobis est fide. ideo responsiones iuxta obiectorum amplitudinem extendendae sunt. Visus est autem conueniens ordo, si obiectiones iuxta ordinem capitulorum illius libelli afferantur atq; soluantur. erunt siquidem haec uelut commentaria illius.

Rogo igitur in primis omnes, ut meminerint sermonis formae & subiectae materiae, meditenturq; diutius, antequam sententiam proferant, ne multiplicatis argumentis pro gloria ingenij, res tanta de qua agitur, in disputationem dialecticam aut etiam sophisticam deducatur. Et quoniam communia singulis, & radices ramis praeponi dicunt, ideo & latius & altius secundum uires repetenda sunt rei huius fundamenta. Sciendum itaq; est, quod cum iura positua ab ecclesiastica sint condita potestate, & in questionem uersetur ipsius auctoritatis ecclesiasticae subiectum, non ex iure positio, sed naturali uel diuino, aut utroq; ueritas pendet ut ex causa, a positio autem iure ut a teste. Et secundum luminis mihi concessi facultatem duo sola sunt fundamenta (alteru

iuris naturalis, alterum iuris diuini) in quibus uniuersa moles doctrinæ extollentis cōmunitatem ecclesiæ supra papam in potestate, sic quòd papa sit illi subditus, sustinetur, quæ si euulsa fuerint, ruent omnia. Primo igitur hæc tractanda sunt sex capitulis, deinde sigillatim singulis iuxta propositum ordinem respondendum.

IN QVO FVNDAMENTVM IVRIS NATVRÆ

examinatur. Cap. I.

EX NATVRALI igitur iure stabilitur auctoritas cōmunitatis ecclesiæ supra papam, in hoc, quòd de iure naturæ est, quòd cōmunitas perfecta & libera est, ad quam spectat providere sibi de principe, & tueri se contra eum quando in destructionem utitur potestate, & cogere, punire ac amouere illum quando demeretur. Huic. n. principio si adiungatur, quòd ecclesia uniuersalis est cōmunitas perfecta & libera, & quòd ordo gratiæ institutus a Iesu Christo non tollit sed perficit naturam, manifestè concluditur, quòd ad ecclesiam uniuersalem spectat providere sibi de papa, & tueri se contra eum, & punire, ac etiam deponere illum, & uniuersaliter esse supra illum.

HÆC RATIO quāuis in ca. 27. soluta sit, ex eo quòd dominus Iesus ecclesiam non reliquit in hoc liberam, altius tamen eādem tractando dicimus, quòd natura regis cum sit multiplex ex ipso naturæ fonte (nam quoddam naturaliter in uno, qui est naturale caput cōmunicationis illius, residet, ut patet in regimine domus, cuius auctoritas naturaliter in patrefamilias est. quoddā uero naturaliter in ipsa cōmunitate multitudinis manet, ut patet in regimine ciuitatis, secluso omni superaddito dominio) ecclesiasticum regimen cum domesticum & ciuile complectatur (iuxta illud apostoli ad Ephe. 4. estis ciues sanctorum & domestici dei) ac per hoc altius quid sit, non ex diuinæ potentiz īmensitate, nec ex diuine sapientiæ, iustitiæ aut bonitatis decentia (quoniam nō est impossibile apud deum omne uerbum, nec dedecere deum potest quicquid uult) qualis naturæ sit, sed ex ipsa natura facti contemplandum est. Sicut. n. domesticum regimē & politicum ex ipsis diffinimus, ita oportet ecclesiastici regiminis naturam ex seipso speculari. Et quoniam naturalis propagatio regiminis sicut & aliarum rerum, ortū rei naturam ostendit, libet intueri quòd ecclesia

ecclesia non a singularibus aut a cōmunitate, sed a capite homogeneo Iesu Christo initium sumpsit originis, perfectionis & potestatis. propter quod ecclesie suae dixit Ioan. xv. non uos me elegistis, sed ego elegi uos. Natura igitur ecclesiastici regiminis ab ipsa sua natiuitate est, non ut in cōmunitate sit, neque ut a cōmunitate ad unum uel plures deriuetur (quemadmodum accidit in regimine ciuili humano) sed ut in uno certo principe suapte natura sit. Et cum princeps iste unus atque idem dominus Iesus heri hodie & in secula uiuat & regnet, secundum naturalis iuris consequentiam oportet, ut ad ipsum principem non ad cōmunitatē ecclesie spectet in sua absentia ordinare de uicario, non cōmunitatis ecclesie (quae utpote serua nata, principandi iure caret) sed ipsius principis naturalis domini cōmunitatis ecclesie. Et hoc ipsum saluator noster per semetipsum exequi dignatus est, dum Petrum apostolum solum instituit suum uicarium post resurrectionem, neminem antequam caelos ascenderet, ut patet Ioan. ult. Relinquitur igitur quod sicut princeps ecclesie non a cōmunitate ecclesie naturaliter auctoritatem habet, ita illius uicarius non ab ecclesie cōmunitate, sed a Iesu Christo auctoritatem naturaliter habet.

Patet ergo primo, quod ecclesie cōmunitas secundum propriam naturam considerata, non est talis naturae, ut ad ipsam spectet providere sibi de principe, ac per hoc nec ad ipsam spectat suapte natura punire, deponere, & alia huiusmodi contra principem suum, quia serua (ut dictum est) nata est. Patet secundo, quod ecclesie cōmunitas secundum propriam naturam sumpta non est talis naturae, ut ad ipsam spectet instituere aut destituere uicarium sui principis, qui uocatur papa. Et si ecclesie cōmunitas potestatem aliquam habet in disponendo de uicario principis, quaecumque sit illa, non habet illam ex sua natura, sed aliunde.

Ex his autem facile patet euulsam esse fundamentum iuris naturalis pro potestate ecclesie supra papam, quoniam falsum assumit, dicendo ecclesiam esse cōmunitatem liberam quo ad ius principandi, licet sit summa libera libertate gratiae, quin potius ex ipso naturae iure supposita ecclesie natura, quam deus illi statuit, oppositum sequi monstratum est. Unde ordo gratiae non tollit in ecclesia naturae ordinem, qui ibi natus est, esse. Non enim in ecclesia natus est esse ordo talis, ut eius sit ius principatus, & a gratiae ordine tollitur, sed in ecclesia ex sua natura natus est ordo talis, ut ius principatum sit non in se, sed in domino suo naturali,

turali. Et hunc naturæ ordinem in ecclesia, consequens est quod gratia non tollat sed perficiat, & Iesu Christi sapientia disponēs omnia suauiter complectatur. Facillime quoque patet ex hac ratione prouenire, quod omnia quæ inducuntur conuenire alicui corpori mystico ad ius principatus spectantia, non spectant ad cōmunitatem ecclesiæ ex sua natura. Dico autem ad ius principatus spectantia, propter ea quæ ad priuatas personas spectant, ut uim ui repellere cum moderamine inculpate tutelæ, & auferre gladium de manu furiosi, & siquid eiusmodi est. hæc siquidem discernendo non fallimur. Signum autem infallibile seruitutis ecclesiæ cōmunitatis quo ad ius principatus est, quod non potest sibi ipsi regimē retinere, nec duobus aut tribus cōmittere. hæc enim posse cōmunitatem liberam manifestum est. Potest enim & per seipsam regere, potest & triuuiratum instituere, & alia huiusmodi, etiam supra regem quem eligunt. quod ecclesiam non posse manifeste liquet, alioquin posset aut in pluribus simul locare potestatem iurisdictionis papæ, aut officium aliquod supra papam quo ad iurisdictionem & regimen ecclesiæ instituere in uno uel pluribus suppositis, sic & a talibus nominandis, quod loco ipsius cōmunitatis ecclesiæ, ecclesiam & papam regeret. Quia igitur naturale ius fundatum supra ipsam ecclesiæ naturam, non instituit ecclesiam supra Iesu Christi uicarium, perferendum est, an aliunde ex iure. scilicet diuino ecclesiæ cōmunitas hoc habeat ius.

FUNDAMENTVM IURIS DIVINI EXAMINATUR.

¶ pro quo ecclesia sumitur, cum dicitur, dic ecclesie.

Cap. 2.

ET LICET hoc a multis affirmetur, & in Constantiensi atque Basiliensi concilijs diffinitum sit, quod ab ipso principe Iesu Christo, ecclesiæ cōmunitas habet immediate potestatem supra papam ipsius principis uicarium, nullibi tamen in sacra scriptura (in qua ius diuinum promulgatur) hoc haberi asseritur, nisi Matth. 18. ubi dominus ait. Si peccauerit in te frater tuus &c. & subdit. Dic ecclesiæ, & si ecclesiam non audierit, sit tibi sicut ethnicus & publicanus. amen dico uobis quæcunq; solueritis super terram, erunt soluta & in cælo, & quæcunq; ligaueritis super terram, erunt ligata, & in cælo. In his enim uerbis patet &

V

ecclesiæ

ecclesiæ, non alicui eius membro (ecclesiæ. n. non aliquod mem-
brum, sed collectionē eorum significat) datum est ut audiat, ex-
cōmunicet, liget soluat omnem fratrem, & quæcunq; super ter-
ram. Pluraliter quippe subiectū est, quæcunq; solueritis, ad osten-
dendum ecclesiæ auctoritatem. • Ex hoc textu apparet primo,
quod ecclesiæ habet immediate auctoritatem a domino Iesu Chris-
sto. Per seipsum quippe hoc dixit ecclesiæ, non minus quā Petrus
cum dixit, pascite oves meas & quicquid solueris super terrā &c.
Apparet secundo, quod cum uicarius principis huius sit frater
cuiusq; fidelis (iuxta illud Marth. 23. omnes uos fratres estis) q̃
si peccauerit in me, potest denunciari ecclesiæ. & procedi secun-
dum subsequētia. Apparet tertio, quia eiusdem potestatis
esse ordinarium iudicem uicarij principis & aliorum singulo-
rum membrorum ecclesiæ & ordinare de illis, quod ex hoc eo-
dem textu ecclesiæ cōmunitas instituta est simpliciter superior
ad ordinandum de uicario domini & alijs ecclesiæ membris.

HÆC RATIO quāuis in cap. 9. illius libelli multipliciter tra-
ctata ac soluta sit, altius tamen & latius (si fieri a me potest) re-
petenda est, quia hinc omnia pendent. Et quoniam principia cō-
gnoscamus ex terminis, examinemus primo quomō. oportet hic
sumi ecclesiam cum dicitur. dic ecclesiæ, & si ecclesiam non audie-
rit &c. Oportet nāq; sermonem hunc uerificari de ecclesia, aut
uniuersaliter. i. de omni ecclesia, aut singulariter de ecclesia uni-
uersali, seu de ecclesia simpliciter, aut de aliqua determinata ec-
clesia, aut de ecclesia indistinctē non determinando hanc uel il-
lam. Cum enim sermo sit de ecclesia in actū audiendi & iudican-
di, alius modus esse non potest, quo de ecclesia hoc uerificetur.
Oportet enim aut omnibus, aut alicui ecclesiæ, aut toti uniuer-
si ecclesiæ competere iudicium hoc a domino traditum.

Et quidem quod non singulariter de sola uniuersali ecclesia ser-
mo sit ex hoc conuincitur, quod præceptum hoc domini de denū-
ciatione peccantis proximi in me, non me obligat ad recurren-
dum ad uniuersalem ecclesiā. Non. n. oportet ut peccant in me
fratre meo, & post adhibitos testes incorrigibiliter pernicioso,
dicā concilio uniuersali ecclesiæ, ut patet. Et tamen si sermo istq;
esset de sola uniuersali ecclesia, præceptum domini ad hoc obli-
garet, quia obligat ad dicendū ecclesiæ uniuersali iuxta hunc sen-
sum. Esset. n. sensus. si peccauerit in te frater tuus &c. dic ecclesiæ
uniuersali.

Amplius, Si in hoc textu data est potestas ecclesiæ

uniuer-

uniuersali, cum non sit ei data maior intensue potestas, quā Petro (utriq; enim eadem potestas data est, dū utriq; dicitur, quod cūq; ligaueris uel solueris super terram &c. quomodo ecclesie cōmunitas maiorem sibi quā petro potestatem iurisdictionis usq; patet. Quomodo rursus Christus æternā sapientiā duas equales intensue potestates in ecclesia absq; tertia supra ambas instituit. & mutuo. n. se impediunt, cum p̄r in parem non habeat imperium. Quomodo perplexas relinquit oues, uel liberās, ut aut obediant cui uolunt, aut neutri, aut utriq; præcipienti contraria simul? Nō igitur est sermo præsentis textus de sola ecclesia uniuersali.

Et per idem patet, quod non est sermo de ecclesia simpliciter, ut distinguitur contra ecclesiam talem: (ut puta Mediolanensem, Bononiensem &c.) hoc. n. nihil aliud est dicere, quā quod est sermo de ecclesia uniuersali, quod exclusum est. Et quia non est maior ratio de una ecclesia quā de alia, ideo patet quod non est sermo de aliqua ecclesia determinate, nec de omni collectiue aut distributiue propter prædictam rationem, quia non teneor denūciare omnibus ecclesiis peccantem in me fratrem, sed sermo est de ecclesia indistincte seu indefinite, ita quod ecclesie datum est iudicium fratris peccantis non determinando hanc uel illam. Et quoniam actiones sunt singularium, & actor sequitur forum rei, determinatur in quolibet ecclesia a fratre peccante, ad ecclesiam scilicet fratris peccantis. Ita quod sensus literalis illius tex. est si peccauerit in te frater tuus, dic ecclesie illius, & si illam non audiuerit &c. Et ad hoc proculdubio obligat præceptum absq; ullo inconuenienti; & cōmuni animi conceptione ac consuetudine ecclesie roboratur, disponit. nāq; sic intellecta doctrina domini, omnia suauiter. Nec fallaris malā intelligendo ecclesiam peccantis fratris, quoniam ecclesia illius est non sola sua propria, sed quæcūq; alia iurisdictionem habens super illam, ut patet.

DISCVTITVR QUID SIGNIFICET ECCLESIA CVM
dicitur, dic ecclesie. Cap. 3.

DE HOC rursus uocabulo ecclesie uidendū est quid significet in hoc textu, cū dicitur, dic ecclesie. Et ne ī multitudi-
ne expositionū uagi estimemur, pprie sumi admittat ecclesia p
cōuocatione seu collectione fidelium. Aut autē isti quod eccle-
sia hoc in loco significat cōitatē fidelium non in seipsis, sed in pre-

DE COMPARATA AVTORIT:

latis eorum, siue papa intersit siue non. Sed quod hic non sit sensus literalis, ex eo patet quod in una & eadem significatione oportet intelligere in hoc textu ecclesie nomen respectu cuiuscunque peccantis ecclesia sit. Cum enim ut ex dictis patet, indistinctè dictum sit. dic ecclesie peccantis fratris (quam ille teneat audire) & non magis de uniuersali quàm particulari aut e contra, oportet uniuoce significare ecclesiam, cum applicatur ad uniuersalem, & cum applicatur ad particularem, ut patet. Constat autem quod cum denunciandus est frater ecclesie mediolan. siue ecclesie, non precipitur a domino quod dicat ecclesie illius. i. communitati, siue episcopus intersit siue non. Ergo cum precipitur dicendum ecclesie indistinctè, non intelligitur communitas, siue caput uelit esse siue non. Vnde sciendum est, quod licet ex uocabulo dic ecclesie, significet dic conuocationi proculdubio fidelium, ex contextu tamen literæ (quia subditur. amen dico uobis quaecunq; solueritis super terram &c.) sumitur quod non de quacunque conuocatione fidelium, sed de auctoritativa intelligitur, alioquin conuocatio fidelium mediolan. sine eius prelato haberet a domino potestatem iudicandi &c. Perinde ergo est dic ecclesie & dic auctoritative conuocationi. Constat autem inductiuè in singulis ecclesiis, quod auctoritativa conuocatio non est, ubi prelatus illius conuocationis deest, igitur nec auctoritativa conuocatio omnium fidelium est, ubi omnium fidelium pastor & rector qui est papa, deest omnino. i. tam per se quàm per alium. Et est sermo de auctoritativa conuocatione seu ecclesia simpliciter & absolute, & non secundum quid, seu respectu huius, puta papæ heretici deponendi, uel electionis futuræ &c. inquirimus siquidem nunc superioritatem simpliciter & absolute.

Explanatur autè amplius qd' dicimus. i. quod in noie ecclesie: i. hoc textu clauditur illius ecclesie prelatus. Quia si nō includitur prelatus illius, oportet alterū duorū dicere, aut quod cōitas fidelium in ecclesia aliqua particulari habeat et inuito episcopo a domino iurisdictionis potestatem excommunicandi &c. aut quod nō de cōmunitate sit dictū, dic ecclesie. & similiter quod non est ei dictum, quaecunq; solueritis super terram &c. Sequela patet, quia ecclesie data est auctoritas. & si nomine ecclesie intelligitur communitas, ipsa cōitas uelit nolit, episcopi auctoritatem habet, & si non habet, relinquitur q. ipsa non significat ecclesie noie hoc in loco. Primū aut horū affirmari nō potest, secūdū igitur est uerū In

cuius signum sacrorum Doctorum ei consonat glossa. dic ecclesię. i. prælato vt capiti conuocationis. Iuxta hunc etenim sensum etiam ipse qui est Papa, dicere potest crimen alterius ecclesię. i. autoritatiue conuocationi, ut Nicolaus Papa xj. q. iij. cap. præcipue. Lothario regi comminando scribit. Nec obstat quòd ipsemet sit illius caput, quia hoc est per accidens. scilicet quòd denuncians, & prælatus conuocationis coincident in vnam & eandem personam. Et si bene contextus Euāgelij notetur, ubi uult dominus autoritatiuam conuocationem adhiberi, in qua ex pluralitate conuocatorum consilij vigor, ex autoritate autem prælati autoritas iudicij inueniretur. Propter quod, etiam conuertit sermonem ab ecclesia ad prælatos. cum. n. prius de ecclesia dixisset, dic ecclesię, & si illam non audierit, &c. non subdidit. amen dico uobis, quicquid soluerit ecclesia super terram, sed subdidit, amen dico uobis, quicquid solueritis. insinuans per hoc cõmuni quidem conuocationis concilio correctionem tractandā: prælatorum autem autoritate soluendum ligandumq; (iuxta cõclusa) per ecclesiam esse. Pluraliter autem dixit solueritis, uel propter pluralitatem conuocatorum ad tractandum, & concludendum, uel propter pluralitatem capitum in pluribus ecclesiis de quibus indistinctè dixerat dic ecclesię.

DISCVTITVR, AN DOMINVS PER ILLA VERBA

Matth. 18. dederit immediate potestatem ecclesię,

& quantam ei dederit Cap. 4.

QVAMVIS autem ex ecclesię in hoc textu suppositione, & significatione, manifestum sit, quòd ad ecclesiam uniuersalem non restringitur præsens litera, sed quòd indistinctè de ecclesiā est sermo, adhuc tamen obscurum remanet, & propterea declarandum, an dominus immediate dederit potestatem iurisdictionis ecclesię indistinctè, & quantam autoritatem eidem dederit. Est autem ratio obscuritatis in primo, quia si dominus dedit immediate potestatem iurisdictionis ecclesię fratris peccantis in me, cum quolibet ecclesia sit talis, sequitur quòd quolibet ecclesia habeat immediate potestatem iurisdictionis a domino, quod non bene sonat. si autem non dedit, omni ecclesię fratris peccantis in me, cum non sit maior ratio de una quàm de reliqua, nulli dedit in hoc textu, quod non admittitur. Non autem

DE COMPARATA A V T O R I T.

autem obscuritatis in secundo est, quia equalem potestatem continent uerba dicta in hoc textu ecclesiæ, & uerba dicta Petro. scilicet quæcunque ligaueritis super terram, erunt ligata & in cælo, & quæcunque solueritis super terram, erunt soluta & in cælo. Nō consonat autem equales esse in ecclesia Dei potestates iurisdictionis non habentes in eadem aliquam tertiam supra se, principatum. n. pluralitas mala est.

P R I N C I P I V M autem huius claritatis sumendum puto a destructione sensus opinati, ut uel sic veritas eluceat. Dicendum est ergo primo, quod ipsum dominum dare immediate potestatem illam, quæcunque solueritis, communitati uniuersalis ecclesiæ, repugnat ordini inter papam, & ecclesiā, quia (ut dictū est) ponit duas equales intensiue potestates iurisdictionis in ecclesia, non habentes tertiam supra se in eadem ecclesia, a domino immediate ordinatas. scilicet communitatis ecclesiæ uniuersalis, & Papæ. Patet sequela ex textu Matth. 16. & Matth. 18. ubi (ut dictum est) eadem uerba utrique dicta leguntur. Et licet hoc sit secundum se inconueniens, maius tamen ostenditur, si attendamus quomodo Christus æterna sapientia, principatum pluralitatem in ecclesia instituit, quomodo mutuo sese impedirēt duæ potestates, quomodo perplexæ essent oues Christi, uel libere contraria præcipientibus, ut aut obedirent alteri ad libitum, aut neutri, aut utrique ad contraria, quod est impossibile. Et quod amplius est. si hæc etiam poneretur data immédiate potestas uniuersali ecclesiæ, unde sibi potestatem supra Papam habentē equalem communitas ecclesiæ uendicaret, cum par in parem nō habeat imperium? Cum n. potestas iurensiue æqua sit, qua ratione ecclesia supra Papam, quia membrum eius iurisdictione haberet quia dictum est. si peccauerit, &c. dic ecclesiæ, eadem ratione, quia ecclesia est ouile Papæ, quia dictum est. fiet unum ouile, & unus pastor, Papa supra ecclesiæ communitatem iurisdictionem haberet, aut neuter super alterum. Dicendum est secundum, quod ipsum dare immediate potestatem illam, quæcūq. solueritis, &c. communitati cuiuscunque ecclesiæ, repugnat consuetudini ecclesiæ (& est semper sermo de cōmunitate ecclesiæ ut aduersarij intelligunt. scilicet siue prælatus adsit, siue non omnino.) Patet hoc ex communi ecclesiæ consuetudine, qua talis communitas inuito suo episcopo, & Papa non potest absolueret & ligare, quæ tamen posset, si a domino immediate heberet potestatem cōmunitas

nitas cuiusq; ecclesiæ. Dicendum est tertio, quòd ipsum dare immediate illam potestatem, quæcunque solueritis super terram erit, &c. in sua amplitudine ut sonat cuicunque ecclesiæ auctori-
 zate proprio capite, nisi cuius propriū caput est Papa, repugnat ecclesiæ ordini essentiali, & earum professioni. Ordini quidem, quia si ex hoc loco summa auctoritas cuicunque ecclesiæ auctoritate proprio capite (ut dominus loquitur) indistinctè data asseritur a domino immediate, oportet dicere duo. primo, quòd quælibet ecclesia immediate habet autoritatem a domino secundo, quòd quælibet ecclesia habet æquale intensiue a domino potestatem iurisdictionis, quàmuis extensiue una excedat alteram, & uniuersalis ecclesia omnes. Et cōuincitur sequela utriusque, quia ecclesiæ indistinctè immediate & equaliter datum est (ut patet in litera, & ex dictis) & non magis uni, quàm alteri, ut patet ibidem. Et ex hoc sequitur ulterius utraque contradictionis. scilicet quòd una ecclesia est superior simpliciter, & non est superior simpliciter altera. Nam ex eo quòd quælibet ecclesia habet a domino in suos potestatem, sequitur quòd ecclesia una, puta uniuersalis est superior simpliciter qualibet ecclesia particulari (utpote eius membro) ac per hoc potest disponere, & ordinare de illa, & ordinare aliquid de illius potestate, irritando si secus factum fuerit. Ex eo uero quòd quælibet ecclesia habet a domino immediate potestatem equalem intensiue, sequitur quòd ecclesia uniuersalis nō potest aliquid subtrahere potestatis iurisdictionis ecclesiæ particularis, potestas. n. data alicui a principe, non potest ab inferiori auferri. Et consequenter sequitur, quòd ecclesia uniuersalis non est simpliciter superior secundum potestatem iurisdictionis respectu ecclesiæ particularis, superioris. n. potestatis iurisdictionis simpliciter est posse irritare inferioris actum, si hoc faciat. Reliqua inconuenientia quæ sequuntur ex equalitate intensiua potestate iurisdictionis in qualibet ecclesia (utputa quòd subditus non tenetur magis uniuersali quàm particulari obedire, quòd par in parem habet imperiū, quòd quicquid ab una sit, a reliqua potest impediri, & reliqua) uiris medio critere doctis relinquo deducenda. Professioni autem ecclesiarum hoc repugnat, quia Papa reseruante, uel prohibente, &c. ecclesiæ reliquæ potestatem iurisdictionis in reseruatis prohibitis, &c. se non habere consentitur, quod non uerè dicerent si illam potestatem a domino immediate accepissent. Et est sermo
 semper

DE COMPARATA AVTORIT.

semper in huiusmodi de dare ordinario iure potestatem.

Ex QVIBVS omnibus collige, cum hæc potestas tam ampla soli Petri ecclesiæ conueniat, & hæc uerba non soli Petri ecclesiæ dicta sint. quòd per hæc uerba, aut nulla ordinaria potestas iurisdictionis data est, aut non tam ampla ut est illa data Petro. Et uerè sic est. Verba siquidem domini manifestæ continent potestatem iurisdictionis in ecclesia (nec hoc vertèdum est in dubium) sed non continent quòd per ipsa data sit a domino talis potestas, ut discurrendo per singula, & ratione manifestatur. Discurrendo quidem per singula, nam per illud uerbum, dic ecclesiæ, nulla datur potestas, sed præcipitur denunciatio. perinde.n.est, dic ecclesiæ, ac dic iudici, ubi patet non dari iurisdictionem, sed præcipi denunciationem. Per illud uerò, si ecclesiæ non audierit, sit tibi sicut ethnicus, & publicanus, cum per inde sit, ac si iudicem non audierit, sit tibi sicut ethnicus & publicanus, manifeste patet nullam dari potestatem, sed in casu pertinaciæ excommunicationem illius a domino indici. Per illud demum. amen dico uobis, quæcunque solueritis, &c. nullam èt dari tunc potestatem ex eo patet, quòd nec Petro ex eisdem uerbis (.i. quicquid solueris, &c.) ulla data est tunc potestas, sed post resurrectionem domini, cum dictum ei est, pascue oues meas.

Ratione autem. Nam potestas iurisdictionis contenta in his domini uerbis, aut est data tunc ecclesiæ, cui dominus loquitur aut non est data tunc, inter hæc.n. cum contradictoriæ opponatur, non datur medium. Si non, habetur intentum. Si est data tunc ecclesiæ, ergo cuilibet collectioni seu conuocationi fidelium cui ecclesiæ nomen ueræ conuenit, data est a domino immediate potestas illa iurisdictionis, hoc autem spectat ad hæresim pauperum de Lugduno, dicentium, quod ubi sunt fideles congregati in nomine domini, ibi est potestas, eo quòd potestas sequitur sanctitatem personæ, solum.n. differt ab ea secundum unum & multa. Sequela autem patet, quia dominus indistinctè de ecclesia loquens, ad quamcunque ecclesiam peccantis fratris præceptum sententiamque extendit. Constat autem collectionem seu conuocationem fidelium sine prælato aliquo inter eos ecclesiæ nomen uere habere. Et confirmatur quod de talium collectione oporteat istos concedere ecclesiæ ibi dici: quia quod est, non fit, & habenti non datur quod habet. si ergo ecclesia per hæc fit habens potestatem, ipsa non habet illam. ergo illa collectio in sermone est,

quæ

quæ non habet auctoritatem, sed hinc accipit. Et cum non sit maior ratio de una quàm de alia, sequitur idem quod prius. scilicet quælibet fidelium collectio a domino, hinc habuerit auctoritatem iurisdictionis. Si dicatur, quòd ecclesiæ nomine intelligitur hic collectio fidelium autorizata, tunc currit ratio prius dicta de ordine essentiali ecclesiarum, Et obstat ipsum dare, quia habenti non datur, & quod est potestatem habens, non fit potestatem habens.

Quia igitur ex prædictis patet, quòd auctoritas iurisdictionis in uerbis domini continetur, & non est per hæc uerba data: dicendum est, quòd per hæc uerba dominus ultra præceptum de correctione fraterna, denunciatione illiusque ordine, efficaciam ecclesiasticæ potestatis iurisdictionis ad literam expressit per illa uerba. si ecclesiam non audierit, &c. & quæcunque solueritis super terram, &c. ostendit. n. tantæ efficacie ecclesiæ esse sententiam, ut indubie a nobis seruanda, & in cælo rata sit. Et hoc solum per illa uerba dominus fecit: potestatem. n. ecclesiæ alias supposebat. Et potest admittere quòd promissit illam per illa uerba, quæcunq; solueritis, sed ad utrūq; horū. scilicet quòd potestas supposita est, & promissa, sat est, si quādoq; data est. & similiter quoad modum, si mediata, uel immediata data est. Petro siquidem, ac per hoc eius ecclesiæ immediate potestatem dedit post resurrectionem dicens, pascue oues meas, reliquis uero ecclesijs mediante Petro secundum cursum ordinarium, quāmuvis dispensatiue mediantibus alijs apostolis, quibus potest concedi hoc, esse permisum. Est ergo sensus literalis uerborum domini, quòd tanta esset futura ecclesiæ cuiusq; autorizate potestas in sibi subditis ut sic, ut sententia eius, & coram hominibus, & in cælo esset ualida. Et hic sensus est amplectendus, utpote cui omnia consonant, & series textus, & sensus uerborum, & auctoritates sanctorum, & consuetudo ecclesiæ, & euitatio omnium inconuenientium, quæ omnia propter iam dicta hic, & in libello illo prosequenda omitto. Satis enim patere puto hæc, & quòd promissioni domini sufficiat exhibitio, quam mediante Petro ordinarie, & mediantibus alijs Apostolis per uiam legationis omnibus ecclesijs fecit.

DE COMPARATA AVTORIT.

QUOMODO ECCLESIA HABEAT POTESTATEM
iurisdictionis, qua in verbis domini continetur, an
scilicet ratione sue totalitatis, an ratione
partis. Cap. 5.

QUIA autem constat ecclesiam: de qua dominus loquitur, habere potestatem iurisdictionis: quantuncunq; per illa verba non sit ei data, & varijs modis intelligi hoc potest: oportunum videtur discutere modum, quo potestas iurisdictionis est in ecclesia. Sciendum igitur est, quod dupliciter potest intelligi ecclesia, ad litteram cui peccatum fratris peccantis dicendum mandat dominus, habere potestatem iurisdictionis in foro exteriori (de quo est sermo) iuxta duos modos quibus de ecclesia, quæ quoddam totum significat, aliquid verificatur. Primo ratione partis. Secundo ratione ipsius totalitatis seu totius. Sicut de homine, qui etiam quoddam totum est, dicimus quod videt quod audit, &c. & verificatur ratione partis: quia videt per oculum, audit per aurem, &c. & rursus dicimus de eodem, quod perfectissimum est animalium, quod est animal politicum & huiusmodi, & verificatur ratione ipsius totius, ut patet. Et quidem quod de ecclesia ratione partis (puta capitis) verificatur quod habet potestatem iurisdictionis soluendi, & ligandi in foro exteriori, dubium non est, & sic solum (ut probabitur amplius) ad litteram verificari potest sermo Evangelij, quod ecclesia habeat potestatem. Quod autem de ecclesia ratione ipsius totius hoc verificetur, multipliciter imaginari potest. Primo accipiendo ecclesiam quasi totum Homogeneum, i. similis naturæ per totum, prout ecclesia est collectio fidelium, omnes. n. fideles in quantum fideles, unius sunt naturæ. Et sic esset sensus, quod ecclesia, i. collectio fidelium habet potestatem iurisdictionis, &c. Et si in hoc sensu intelligatur, dic ecclesie, sequitur quod cum in fide non sit differentia sexus & status quod ecclesia laicorum, & seminarum haberet iurisdictionem in foro exteriori. Et tenet sequela, tum quia omnes fideles sunt eiusdem naturæ. tum quia si contingat in aliqua ecclesia mori clericos omnes, remanet ibi verè ecclesia in hoc sensu, i. collectio fidelium, & consequenter secundum istam phantasiam, illa haberet potestatem excommunicandi. Immo si bene consideretur sumendo ecclesiam, ut totum Homogeneum, quoniam fides sola est eius natura, accidit illi toti, quod aliqua eius pars sit status clericalis, quia
in illo

in illo toto ut sic potestas ponitur secundo ergo potest intelligi
sumendo ecclesiam ut totum Eterogeneum. i. dissimilis naturæ;
prout ecclesia constat ex omnibus membris officialibus (puta
episcopo, sacerdote Diacono, uel alijs quomodolibet assignan-
dis membris) hoc. n. totum est quasi corpus constans ex oculis,
manibus, &c. Et sic esset sensus, dic ecclesiæ. i. conuocationi inte-
gre membrorum ecclesiæ. Et si in hoc sensu intelligatur, quod ip-
sum totum ratione suæ totalitatis habet potestatem iurisdictionis,
obstant tria. primo quod equalis potestas intensiue ponere-
tur in qualibet ecclesia, quoniam una tantum potestas a domino
nominata est, & non magis de una quàm de alia ecclesia, ut patet
in litera, & ex antedictis. secundo quod esset maior intensiue po-
testas in ecclesia quàm illa, quodcunq; ligaueris super terrâ, &c.
Et tenet sequela, quod potestas totius ecclesiæ ratione suæ tota-
litis ponitur superior etiam respectu Papatus. Fallitas autem
consequentis patet etiam ex uerbis domini eadem uerba repli-
cantis, quæ Petro dixerat. s. quæcunq; solueritis super terrâ. ter-
tio, quod non esset data a Christo immediate Matth. 18. quod
tamen est totum fundamentum istorum. Et tenet sequela, quia
tunc non erat institutum sacramentum ordinis, quod constat esse
institutum simul eucharistiæ sacramento, pridem quàm dominus
pateretur. Non igitur dedit dominus tunc ecclesiæ. i. cõitati sa-
cerdotum, diaconorum, & episcoporum (qui integrant genera-
le concilium) potestatem iurisdictionis, quia non erant sacerdo-
tes, nec diaconi, nec episcopi, nec clerici, nõ enti aut nihil datur.
Et si dicatur quod dominus tunc non dedit, sed promisit se datu-
rum in illis uerbis. quæcunq; alligaueritis, &c. Habeo intentum
quod nullibi in sacra scriptura habetur, quod dominus per semet
ipsum immediate ecclesiæ communitati potestatem iurisdictionis
dedit. Et si instetur, quia quod promissum seruauit. Patet re-
sponso, quod non promisit per semetipsum immediate se datu-
rum (ut patet in litera) & ideo non oportet, quod hoc obserua-
uerit. satis nãq; fecisset promissioni suæ, sicut in ueritate de facto
uerificauit illa uerba sua mediante Petro in uniuersis ecclesijs.

Quia igitur de ecclesiæ communitate quomodolibet suma-
tur, non uerificantur ratione suæ totalitatis uerba domini Mat-
th. 18. in quibus totum fundamentum ex autoritate scripturæ, &
tota aduersariorum opinio stat in hoc, quod communitas ec-
clesiæ ratione suæ totalitatis habet potestatem immediate domino:

DE COMPARATA AVTORIT.

consequens est ut uerba domini verificentur de ecclesia ratione partis (puta capitis) ut prædictum est. Et propterea communis animi conceptio fidelium est, dic ecclesiæ. i. prælati ecclesiastico, ratione cuius ecclesia ipsam potestatem habet.

QVOMODO POTEST (CONDESCENDENDO MVLTORUM sensui) intelligi quòd ecclesia ratione suæ totalitatis habere potest & habet quandoque potestatem aliam quam iurisdictionis. Cap. 6.

OBSERVANDVM quoq; est, ne fallamur, uidentes quandoq; auctoritatem iurisdictionis ecclesiasticæ in ecclesia ratione suæ totalitatis, & propterea falsa iudicemus prædicta. Nō enim docuimus aut docemus non conuenire ecclesiæ potestati quandoque ratione suæ totalitatis, sed sic non esse datā eia domino Iesu Christo immediate per illa uerba Matt. 18. Non nego n. q̃ episcopi orientales conuenientes, possint simul quasi unum corpus & unam auctoritatem ex suis conficere, se etiam singulos subiiciendo illi, & sic illa potestas in toto illo corpore ratione suæ totalitatis existens, statuet supra illas ecclesias, actusq; iurisdictionis exercebit. Sed tamen nihil poterit illa potestas, nisi quod ex potestatibus singulis & illarum subiectis consurgere potest. Propter quod si esset aliquid reseruatū Ro. Pontifici, non posset potestas illa absoluerē ab illo. Et similiter omnes uniuersi orbis prælati, mortuo summo Pont. uel sine illo, si cōuenirent communicando in unum corpus, & unanimes in constituēdo, constituerent in tota synodo illa potestatem unā super omnes ecclesias, his tamen exceptis, quæ summi Pont. sunt propria. Simili quoque modo cum Papa cum reliquis prælatis orbis concilium celebrando simul cum eis constituit, absoluit dānat, &c. communicando cum alijs quasi vnus ex eis, facere uidetur. In his enim omnibus & similibus non est aliqua potestas immediate data a Domino Iesu Christo ipsi communitati primo, nec est aliqua extranea potestas a potestatibus partialibus, sed uelut potestas totalis consurgens ex partialibus. Quemadmodum enim in naturalibus inuenitur differre forma a forma dupliciter, scilicet ut una forma separata ab alia, ut forma solis a formis mistorū, & ut forma totius a forma partis, ut humanitas ab anima hominis: ita potestas Papæ differt ab alijs primo modo, & potestas

testas synodi differt ab his ex quibus accumulatur, secundo modo. Et ista potestas in tota synodo per uiam cōmunionis seu accumulationis in cōmuni a singulis partibus liberalius uel minus liberaliter, prout partibus & præcipuè principi uidetur, qui nunquā totam suam auctoritatem accumulare in cōmuni intelligitur, sed quantum ad illa tractanda expedit. In cuius signum non intelligitur se subijcere synodi potestati coactiue, quantūcū que statutis synodi consentiat, cōmunis omnibus ecclesiæ personis. Et ex hoc patet, quòd si tota ecclesia secluso papa aliquem præficeret curæ ecclesiæ, ille esset subditus papæ, nec posset a casu papali absolueri, quod non esset, si ecclesia haberet uniuersalē & plenam potestatem imediate a Christo ratione suæ totalitatis secluso papa. Et similiter papa potest quantum est ex potestatis auctoritate, tollere statuta concilii generalis etiam de consensu & auctoritate sua facta, quod non esset, si ecclesia integra ratione suæ totalitatis haberet potestatem uniuersalem & plenam a domino Iesu Christo. Ex omnibus autem dictis euulsam iam esse radicem ex iure diuino opinatam potestatis ecclesiæ supra papam liquido apparet.

Apologiæ secunda pars.



ET SIC cum utriusque iuris, naturalis. s. & diuini, fundamentum ademptum sit, ad singula obiecta descendendum est.

CAPITVLVM PRIMVM.

DIXI in cap. 3. illius libelli dominum ordinasse sic ecclesiæ regimē, ut Petrum summū Pontificem instituerit, a quo uia ordinaria in reliquum ecclesię potestas deriuaret, & quòd ipse dominus uia preuentionis grauitatē apostolis alijs potestatem dedit.

OBIICITVR CONTRA. In ecclesia fuit potestas electiua papæ, antequā Petrus fuerit Papa, ergo cum maiori apparentia diceretur Christum cum fecit Petrum summum Pont. preuenisse ecclesiam, & id ex gratia Petro contulisse quod ecclesia potuisset ordinare ex Christi institutione, quā quòd preuenerit Petrum dando apostolis potestatem. Antecedens probatur, quia potestas electiua est in ecclesia a Christo, Matth. 18. &c.

Respondeo.

RESPONDEO. quòd assumptum est falsum, nam cum electio papæ sit uicarij principis electio, & ordinarie electio uicarij unius cuiusq; principis uiui & præsentis spectet ad ipsum principem, consequens est, ut cum dominus usq; in diem ascensionis ut princeps præsens fuerit in ecclesia, ad ipsum ordinarie spectabat tunc electio sui uicarij. Nec unquã inuenitur quòd in Matth. 18. nec alibi dominus dederit ecclesiæ ius eligendi suum uicarium ipso præsentem. Vnde dominus non præueniendo, sed instituendo & exequendo quod promiserat Matth. 16. tibi dabo clauis regni cælorum &c. & Ioan. 10. fiet unum ouile & unus pastor, Petrum papam & papatum simul instituit. Rursus (ut per antedicta patet) Matth. 18. potestas electiua papæ non est data ecclesiæ. Quomodo autem & unde potestas electiua papæ sit in ecclesia, inferius in ca. 22. dicitur. Et aduerte hic, quòd præuentio quam ego dixi, super ipsius ecclesiæ & sanctorum determinatione fundatur. Quòd enim a Petro ordinarie potestas in reliquum ecclesiæ corpus deriuanda sit, leo in ca. ita dominus di. 19. manifestat. Quòd etiam dominus ipsum ordinaria uia instituerit, ex hoc quòd non ipsum solum, sed in ipso omnes successores suos instituit habetur, hoc. n. statuentis non præuenientis est sicut per oppositum, quia reliquos apostolos in proprijs tantum personis, & non in successoribus suis legatos uniuersales fecit, ad præuentionem gratuitam spectat. Hæc enim ecclesia fatetur, petri solius successorem uniuersali potestate cognoscens. Et per hoc etiam patet non fuisse in ecclesia ante institutum Petrum papam, potestatem electiuam papæ. Nam tantam potestatem habet nunc quantam tunc, cum papa non possit illam auferre, & dominus qui instituendo dederat, eam statim non diminuerit præueniendo secundum illos in institutione petri. Quemadmodum igitur poterat tunc quem libet alium episcopum in papam eligere, ita mortuo petro qui ex gratia factus fuerat a principe, potest alium episcopum quàm romanum papam instituere. Et sic Ro. Pontifex recognoscere debet se prælatum ceteris ab ecclesia, hoc illi concedente, non auferendo saltem, cuius tamen oppositum docet pelagius in ca. quauis di. 21. Sancta Ro. ecclesia catholica & apostolica, nullis synodis constitutis ceteris ecclesijs prælata est, sed euangelica uoce domini & saluatoris primatum obtinuit. Amplius. Si dominus imediate dedit hanc potestatem electiuam papæ uniuersali ecclesiæ, qua præsumptione clerus romanus & populus eius &c.

usurpa-

usurpauerunt sibi hanc potestatem electiuam papę tanto tempore antequam institutum aut approbatum fuerit per generale concilium de electoribus? qua conscientia tot sancti uiri electionem toti ecclesię a Christo commissam irrequisitis alijs a paucissimis tractauerunt, fecerunt, acceptauerunt, exercuerunt? Sed de his latior erit sermo. Hęc autem dicta sunt ad ostendendam falsitatem assumpti in hac obiectione.

D I X I in ca. quarto eiusdem, quod preualuisset sententia Ioā. &c. Sed obiectio contradictionis proprie in ca. 13. tractabitur.

C A P I T V L V M S E C V N D V M.

D I X I in ca. sexto eiusdem, papam esse caput ecclesię uniuersalis, non solum singulorum membrorum, ut inimici ueritatis glosant.

O B I E C I T V R contra hoc dupliciter. Primo, quia falsum est papam esse caput ecclesię uniuersalis collectiue sumptę.

Tum, quoniam ecclesia non est Petri, sed Christi, iuxta illud Matth. 16. super hanc petram edificabo ecclesiam meā, nō tuam.

Tum, quia papa est minister ecclesię, non dominus, ecclesia autem est cui ministratur, ac per hoc maior, iuxta dictum saluatoris, maior est qui recumbit quā qui ministrat.

Tum, quia omnes auctoritates dicentes papam esse caput ecclesię, intelliguntur de ecclesia pro singulis ecclesijs particulatim, respectu quorum est caput ministeriale, & non pro tota ecclesia collectiue.

Secundo, quia licet concedatur Petrum esse caput ministeriale etiam totius ecclesię uniuersalis, non tamen oportet omnem proprietatem capitis in eo saluari, & specialiter superioritatem in auctoritate respectu totius residui. Et hoc precipue, quia tota ecclesia non dicitur corpus Petri, sed corpus Christi, ut patet ad Ro. 12.

Et confirmatur hoc. quia rex dicitur caput regni, non tamē propterea est regno congregato superior, sed qualibet eius parte.

R E S P O N D E O. Et ad primi quidem probationem primam, quod ecclesiam non esse petri sed christi, non arguit petrum non esse caput eius: sed petrum non esse caput illius ex se, sed loco christi: ut patet. Ad secundam uero probationem, quod petrum esse ministrum ecclesię ut cui ministrat, non est esse inferior-

DE COMPARATA AYTORIT.

inferiorem potestate, sed exercitio, unde ipse dominus de seipso dicit, quòd uenit ministrare, & papa uocat se seruum seruorum dei. & sic est in ueritate. Ecclesiam autem esse maiorem papa ut finis est maior eo quod est ad finem, uerificatur quòd est esse melius, in his. n. quæ non mole magna sunt, idem est maius quod melius secundum Aug. papatus siquidem est propter ecclesiam. & non e contra. Vnde ex hoc, quòd papa non est dominus sed minister, & ecclesia maior bonitate & nobilitate, nihil habetur contra potestatem capituli, contra quàm tenditur. Ad glosam demum communem, dicitur quòd licet multe auctoritates possent sic glosari, non omnes tamen sunt illius capaces, ut in libro ostensum est.

Ad secundum autem dicitur, quòd ecclesiam non esse corpus petri, sed Christi, uerum est, quia Christus non solum caput mysticum eius, sed mysticum suppositum ipsius est, ut patet ad Ephe. 1. Vbi de Christo duo dicuntur. scilicet quòd est caput ecclesie, & quòd ecclesia est corpus eius. Et primæ ad Cor. 12. expresse dicitur. sicut. n. unum corpus est, & multa membra habet, omnia autem membra corporis cum sint multa, unum tamen corpus sunt, ita & Christus. Ex hoc autem, quòd ecclesia est corpus Christi & non Petri, non sequitur quòd Petrus non sit caput loco Christi, sed quòd Petrus non sit ille, qui operatur per membra huius corporis, sed Christus, qui per Petrum & ceteros operatur. Et si militer non sequitur, quòd illud caput loco Christi non sit superior auctoritate residuo corporis Christi, ut manifestè liquet.

Ad confirmationem dicitur dupliciter. Primo quòd nullus dicit, quòd ex esse qualitercunque; caput alicuius multitudinis, sequatur potestas iurisdictionis super illa multitudine, cum multipliciter aliquid possit dici caput alterius metaphorice. Papa autem est sic caput, quòd est pastor, episcopus & rector totius ecclesie, & non solum singularum, ut auctoritatibus & ratione ibi probatum est. Dicitur secundo, quòd sicut rex est caput regni, ita superior eo. & propterea rex qui dependet a regno collectivè, non est caput illius, & ideo non est superior eo, sed singulis partibus. Rex autem qui etiam a regno collectivè non dependet (ut est regnum) est caput etiam totius congregati, & superior eo. Vnde arguere ab esse caput in rege dependente a regno, ad esse caput in papa, non est rectum. eo quòd papa non dependet a regno ecclesie, nec uices ecclesie gerit sicut rex talis uices regni, sed solus Iesu Christi uicarius est.

DIXI in eodem cap. 6. quòd potestas electiua ipsius Papæ in Papæ potestate est. Sed quia in cap. 22. latius tractatur, ibi dem obiecta soluentur.

CAPITVLVM TERTIVM.

DIXI in eodem cap. 6. quòd non est maioris autoritatis concilium autorizatum a Papa, quàm ipse Papa.

OBIICITVR CONTRA. Primo ex glos. in cap. legimus xciij. dist. Statuta concilij generalis præiudicant statutis Papæ, si contradicant. Secundo, quia constitutio Calcedonenſis concilij præualuit reclamationi Leonis de Constantinopolitana ſede, ut patet in cap. antiqua. de priuilegijs, & xxiij. di. renouâtes. Tertio quia conſuetudo generalis eccleſiæ pontificale ſtatutum abrogat.

RESPONDEO. Et de glosa primo dico, quòd ipſamet non aſſertiuè dicit illam ſententiam, ſed argumentum ad illam dicit, ut patet etiam ex ſeiſſa in cap. nemo q. ix. ad quam ſe remittit. Secundo dicitur, quòd uerificatur de ſtatuto concilij ſuperuenientis ſtatuto Papæ: quoniam quemadmodum ipſemet Papa ius condendo priori contrarium, illud tollit (ut patet in cap. licet in vj.) ita etiam concilij autorizati a Papa conſtitutio, Papæ conſtitutionem priorem contrariam tollit. De uigore aut concilij circa ſedem Constantinopolitanam, dicitur quòd non concludit ſuperioritatem concilij ſupra Papam, ſed tolerantiam papæ. Videmus. n. continue prælatos cedere multitudini magnatum, quàmuis ſi ptâte uti uellent, compeſcere poſſent. Quàmuis de reclamatione Leonis nihil in capitulis illis habeatur. Imò ibi humilis eſt locutio dicentium, petimus, &c. De ui autem conſuetudinis uniuerſalis, dicitur quòd ſi hoc cōcluderet eccleſiā ſupra Papam, concluderet et eccleſiam ſupra ſeiſſam eccleſiam: quoniam et ſtatutū vniuerſalis eccleſiæ, generalis conſuetudo abrogat. unde abrogatio iſtiusmodi nō fit ptatiue, ſed executiuè ex parte eccleſiæ, & negatiue ex parte principis, quia. ſ. non cogit.

CAPITVLVM QVARTVM.

DIXI in eodem 6. c. quòd ſi eccleſia, hoc eſt cōitas eccleſiæ ſecluſo Papa haberet ptatem ſupra Papā, quòd eccleſiæ regimen eſſet democraticum ſeu populare, in quo tota autoritas apud nullum reſidet, ſed in tota communitate.

OBIICITVR contra ſequelam. quia non dicitur regimen regale, in quo ſit unicus toto reſiduo ſuperior (quia tunc non eſſet

DE COMPARATA AVTORIT.

effet in ciuilibus aliquod regimē regale) sed quia est unicus, qui totius populi uices gerit, quolibet particulari superior.

R E S P O N D E O. quòd sequela est optima formaliter intellectis terminis; quia si in tota communitate sola, est autoritas, ergo ut sic constituit regimen popolare, quàmuis in quantum aliquem unum preficit, constituat aliam speciem regiminis. Rursus sequela est optima de supremo regimine ecclesię, de quo est quęstio, quoniam si in tota communitate, & sola est uniuersalis ecclesię potestas, summum regimen, summumq; tribunal eiusdem, ad quod omnia resoluenda sunt, esset popolare, ut patet, quicquid esset de regimine medio per vnum. Vnde si in regno aliquo populus est supra regem, manifestè sequitur, & quòd communitas populi ut sic regimen est popolare, & q̄ summum tribunal est popolare, quàmuis exerceat per aliam regiminis speciem (puta per regale) supra alios iurisdictionem suam cōmuniter. Nihil igitur obstant obiecta dictis, quoniam cum regimine regali medio, stat supremum popolare, de quo est quęstio. & formalis sermo.

CAPITVLVM QVINTVM.

DIXI in cap. 7. probando q̄ Papa esset supra communitatē, totius reliquę ecclesię, ex illa autoritate, pascere oues meas, &c. quòd Papa est pastor uniuersalis ecclesię, & non solum singularum ouium.

O B I E C I T U R respondēdo dupliciter. Primo per interēptionem negando. hoc. Secundo per limitationem, quòd Papa est pastor totius ecclesię quantum ad administrationem pabuli spiritualis, uerbi Dei & sacramentorum. Hęc. non exercentur per communitatem sicut actus iuridici.

R E S P O N D E O. Et negatio quidem, irrationabilis inferius in 7. cap. ratione monstrabitur, nunc autoritate inducta ostenditur. Cum dominus dicit, pascere oues meas, illimitate admititur, ergo non est limitandum ad singulas, & non omnes, ut negatio ista limitat, nam singulę, & omnes suę oues sunt. Secunda autem responsio, aut nihil dicit, aut seipsam interimit. Nam dupliciter potest intelligi concessum, quòd Papa est pastor totius ecclesię quantum ad ministrandum uerbum Dei & sacramēta. primo autoritatiue. secundo ministerialiter respectu totius ecclesię. Si autoritatiue, ergo ipse uerè superior, tota, ecclesię communitate est, nam autoritatiue pascere uerbo Dei, & sacramentis,

mentis, est actus superioris absolute respectu illius qui sic pascitur, ut patet inductiue. & sic responsio interimit seipsam. Si autem ministerialiter, ergo non habet Papa ex se in pascendo plus quam in actibus iuridicis, potest siquidē, & actus iuridicos omnes ut minister ecclesię communis apud istos. & sic responsio nihil dicit. Est ergo Papa uerē pastor autoritatiue uniuersalis ecclesię, & singularū personarū eius in iudicio, & iustitia, & uerbo Dei, &c. uice illius qui pascit omnes in innocentia cordis sui.

CAPITVLVM SEXTVM.

DIXI in eodem 7. cap. ex illa autoritate, fiet unum ouile & unus pastor, quod Papa est pastor illius ouilis, & non e conuerso.

OBIICITVR, quod Christus dixit Petro, pascue oues meas, non tuas, & quod Christus dedit potestatem ouili supra pastorem.

RESPONDEO, quod Petrum esse pastorem ouium non suarū sed Christi, concludit ipsum esse pastorem non ex se, neque loco ecclesię communis (ut obiiicientes dicunt) quoniam oues, nec sunt Petri, nec sunt communis ecclesię, sed loco Iesu Christi, cuius solius sunt oues proprie. Vnde ex hoc nihil aliud habetur, nisi quod Petrus pręstet ouili non suo, sed Christi, non ex se, sed loco Christi. Quod autem additur Christum dedisse autoritatem ouili supra pastorem, uoluntarie dicitur, & ipsis uerbis domini dissonat & repugnat. Dissonat quidem, quia ouile illius pastoris ecclesiam constituit. regulare est autem ut pastor pręsit ouili, & non e contra. Repugnat autem (ut ibidem deductum est) quia non fieret unus pastor iuxta uerbum domini, sed duo. scilicet Petrus & ipsum ouile. Et quia de Petro uoce domini constat dicentis, pascue oues meas: & quod unus tantum sit, eiusdem auctoritate domini patet, consequens est ut alter pastor factus sit contra domini sententiam.

CAPITVLVM SEPTIMVM.

DIXI in eodem 7. ca. quod non minus Papa est episcopus ecclesię catholicę quam quilibet episcopus suę ecclesię, ex hac propositione inferendo superioritatem eius super ecclesiam catholicam, & non solum super singula membra, sicut est in alijs episcopis respectu suarum ecclesiarum.

OBIICITVR contra similitudinē. Tum quia episcopus particularis gerit uices uniuersalis ecclesię, quę est supra suam cōita

DE COMPARATA AVTORIT.

tem. Tum quia ecclesia particularis cui præficitur episcopus, habet superiorem in terris, qui præficit illum episcopum.

R E S P O N D E O. Et primo quòd ratio non fundatur super similitudine, sed super proprietate huius sententiæ, papa est episcopus ecclesiæ catholicæ, quâvis declaretur ex simili, imò eadē ratione in alijs episcopis. Ambrosius est episcopus ecclesiæ Mediolan. &c. Vnde cum ex ista propositione formaliter intellecta, papa est episcopus ecclesiæ catholicæ, sequatur ipsum esse episcopum cōmunitatis ecclesiæ, satis habetur intentum.

Obiecta autem afferunt dissimilitudinem in non causa ut causa. nam in eo quod est esse episcopum catholicæ uel talis ecclesiæ, potest considerari quid importet esse episcopum, & potest cōsiderari a quo fiat episcopus. Et obiecta quidem procedunt considerando a quo fiat uel fieri debet episcopus, ratio autem procedit considerando quid est esse episcopum. Constat autem quòd ad iudicandum de naturis rerum, causa formalis & quòd quid est, concludit efficaciter undecunq; fiant effectiue, siue. n. homo fiat a deo (ut Adam) siue ab alio homine, ut nos, unius naturæ sumus. Et similiter siue episcopus sit a papa, siue ab uniuersali ecclesia, siue habeat superiorem siue non, unius naturæ est inquantum episcopus, quâvis alterius naturæ sit inquantum subditus. Vnde ut unico uerbo dicatur, ratio de episcopo ut sic loquitur, obiectiōnes autem de episcopo inquantum subditus alteri & alterius & ab altero. Propter quod cum papa sit uere episcopus ecclesiæ catholicæ, sequitur ut ibidem dixi, q̄ est primo episcopus ipsius ecclesiæ catholicæ, & secundo singularium. Tum quia non minus est ipsæ catholicæ ecclesiæ episcopus quā Ambrosius episcopus ecclesiæ Mediola. esset. n. longe minus, si non esset episcopus totius, sed singulorum membrorū tantū. Tum quia actus p̄prius episcopi, qui est superintendere, primo fertur super bono ipsius catholicæ ecclesiæ, & secundo super bono singulorum, ut patet ex hoc quòd papa ad hoc tenetur sub peccato mortali ex hoc q̄ est papa. constat autem potestates per actus proprios cognosci.

Nec ad hoc uideo responsionem, nisi diceretur quòd papa habet hunc actum inquantū gerit uices uniuersalis ecclesiæ, cui primo conuenit iste actus, & ex eius cōmissione conuenit papæ. Sed hæc responsio potest dupliciter intelligi. Primo q̄ papa habeat hunc actum dependēter ab ecclesia, sicut rex creatus a regno, & in hoc sensu falsa est, quia sic papa esset uicarius ecclesiæ, & nō im-

mediate

mediate ipsius Iesu Christi, quod monstratum est esse falsum; & amplius monstrabitur. Secundo potest intelligi, quod papa habet hunc actum ex suo officio, supplendo id quod ecclesie conueniret, si non esset subdita. Et in hoc sensu est uera responsio sed nihil obstat rationi, ut patet.

CAPITVLVM OCTAVVM.

DIXI in eodem septimo ca. quod papa habet supremam potestatem in ecclesia dei, & ex hoc deduxi ipsum esse supra uniuersalem ecclesiam.

OBIECITVR glosando, primo quod potestas papæ dicitur suprema respectu potestatum particularium non autem respectu potestatis cõitatis totius ecclesie. Dicitur secundo quod ex hoc quod ponitur suprema potestas in papa, & suprema potestas in ecclesia, non sequitur quod sint duæ supremæ potestates in ecclesia dei, quia potestas papæ est propter ecclesiam, iuxta illud, posuit uos deus regere ecclesiam. ubi autem unum propter alterum, ibi unum tantum, ut patet in topicis.

RESPONDEO. Et glosa quidem allata repellitur ex magna differentia inter secundum quid & simpliciter. De papa asseritur simpliciter, quod habet supremam potestatem in ecclesia dei, ut patet in tex. allegato ibi. glosa autem ponit papam habere potestatem supremam secundum quid, quia in respectu ad aliquas, & non ad omnes potestates in ecclesia dei. Repellitur quoque ex literalis expositione illius superlatiui supremam. potest. n. exponi negative & positive. i. non habens superiorem, & omni alia superior. & utroque modo repugnat glosæ illi. Quod autem obijcitur sequelæ, nihil est, quoniam si cõitas ecclesie est tantæ potestatis quod papa subest ei, oportet quod obiectum proprium potestatis ecclesie & obiectum proprium potestatis papæ se habeant secundum supra & sub proportionaliter sicut ipsæ potestates. Et hoc est manifestum ex eo quod cõe boni ecclesie totius est proprium obiectum potestatis cõitatis ecclesie, bonum autem singulorum est proprium obiectum potestatis papæ cõsequenter loquendo, quia potestas sua propria secundum illos est primo respectu singulorum. & respectu boni cõis totius, papa non intromittit se nisi ut utens potestate ecclesie ut instrumentum illius. essent ergo uerissime due potestates supremæ, & subordinatæ simul, quod est ridiculum. Ad id uero quod dicitur, potestas papæ est propter ecclesiam. dicitur quod secundum ueritatem est uerum, & nihil iunat, sed secundum hypothefim eorum non esset

DE COMPARATA AVTORIT.

esset propter ecclesiā eodē modo formaliter sumptam, propter quā esset potestas illa ecclesiæ, quia ista propter ecclesiam collectiue, illa uero propter ecclesiam distributiue. Vnde cum regula ex unitate obiecti non obstat, & potestas non sit propter potestatem sed sub potestate, nō uideo quomodo obstat regula topica.

CAPITVLVM NONVM.

DIXI in eodem septimo cap. quod papa est proximus & immediatus uicarius Christi, ergo nullam habet in terris potestatem priorem se, & inde intuli ecclesiam non habere immediate ordinariam auctoritatem a Christo, & papam non mediā te ecclesia habere auctoritatem &c.

OBIICTVR glosando, quod papa dicitur immediatus uicarius Christi, quia potestas uicariatus sui, est immediate instituta a Christo & ecclesiæ collata, & non propterea quod habeat a Christo non mediante ecclesia. ita quod papa est immediatus uicarius Christi, sicut apud apostolum reges sunt ministri dei in uindictā malefactorum, qui tamen mediante populo sunt.

RESPONDEO. Et glosa quidem repellitur ex differentia inter medium in instituendo principatum, & medium in principando. differunt. n. hæc sicut cælum & terra. Et esse immediatum uel mediatum uicarium, non attenditur secūdu institutionem solam, sed secūdu ipsum principari. Declaro singula breuitatis causa in exemplis. Christus instituit absq; medio potestātē episcopālē & sacerdotalem, instituit mediante ecclesia potestātē ordinū minorum, & subdiaconatus secūdu aliquos. in istis est medium in instituendo; in illis nō. Papa instituit legatum, qui cōmittit uices suas alteri. legatus principatur sub papa absq; medio, uicarius autē legati cum medio in principādo, dependet. n. principari huius a principatu legati & nō sola electio ipsius. Ex his autē liquet quale mediū negatur, cum absolute dicitur aliquis immediatus uicarius alicuius principis, quod. s. negatur mediū in principando, ut patet inductiue. Vnde cum papa absolute & absq; limitatione aliqua asseritur proximus & immediatus Christi uicarius, negatur medius principatus inter Christū & Papā inferior Christo & superior Papa, cuius uices gerat Papa. Si. n. medius principātus talis est (ut isti concedunt ponentes ecclesiā totius cōitatē esse tale principatū) licet Papa posset dici uicarius Christi, non tamē potest uere dici simpliciter & absolute immediatus uicarius Christi, sed immediate uicarius ecclesiæ, & mediate ipsius Christi. Immediatio

diatio autem institutionis potestatis papæ a Christo, non facit ipsum Papam Christi uicarium immediatum nisi secundum quid. scilicet secundum potestatis suæ institutionem. Sic. n. quilibet episcopus potest dici immediatus uicarius Christi, quia cuiuslibet potestas immediate est instituta a Christo. constat autem, quod aliud inter determinatio ecclesiæ & sancti patres, cum asseritur Papam immediatum esse uicarium Christi. Vnde ratio stat in suo robore. Ad id uero quod additur de simili in regibus. dicitur quod non dicuntur proximi & immediati ministri dei, sed uices multitudinis gerendo, dei ministri proculdubio sunt. Longe autem aliter est de Papa, qui non gerit uices multitudinis, sed ipsius Christi.

Et scito quod inter regem creatum a populo, ut Saul (ut stando in naturali iure sit) & regem datum a Deo, ut Dauid, & Papam factum a Christo, ut Petrus, & Papam electum ab ecclesia, ut reliqui. tanta est in representando populum differentia, quod rex tam creatus a populo quam datus a Deo, populum & eius potestatem representat, licet namque in fieri differant inter se (quia alter a populo, alter a Deo præficitur) in natura tamen officij & potestatis non distinguuntur. Nam quemadmodum organum naturale (puta manus) si sit a Deo miraculose, perinde est ac si esset a natura, ita organum politicum (puta rex) cum est a Deo, perinde est ac si esset a populo. & propterea eius potestatem utroque modo factus representat & exercet, illiusque uices gerere dicitur, & non dei immediate. Papa autem siue a Christo immediate. siue ministerio ecclesiæ mediante factus, eiusdem etiam est naturæ & potestatis, & non representat potestatem populi ecclesiastici, nec ipsum, sed dominum Iesum Christum immediate, & illius solius uices gerit immediate. Et ratio diuersitatis in rege & Papa est, quia potestas regia naturali iure est in populo primo, & ex populo deriuatur ad regem, potestas autem papalis supra naturam est, & diuino iure in persona unica, non in cõmunitate primo est. statuente Christo Ioan. 10. formam supremi ecclesiastici regiminis in unica persona. cum dixit. alias oues habeo, & illas oportet me adducere, & fiet unum ouile & unus pastor. & determinante eodem talem formam ad personam Petri in sua perpetua successione Ioan. ult. cum dixit illi, pascere oues meas. Vnde Papa solius Christi uicarius est, & non ecclesiæ. & propterea diffinitum est per ecclesiam, quod Papa in beato Petro officium suum uniuersale suscepit, ut patet ex allegatis in libello &c.

Capi:

Dixi in eodem septimo cap. conclusionem hanc papæ potestas est supra ecclesiam uniuersalem, & concilium generale ut distinguitur contra papam.

OBIICITVR primo autoritate Aug. in epistola ad Glorium Eleutium, Fœlicem grammaticum &c. quę inter epistolas est 162. ubi loquens de depositione Cecilianii Carthaginensis episcopi, dicit. Ecce putamus illos episcopos qui Romæ iudicarunt, non bonos iudices fuisse, restabat adhuc plenarium ecclesię uniuersale concilium: ubi etiam cum ipsis iudicibus causa posset agitari. ut si male iudicasse conuicti essent, eorum sententię solueretur &c. Et inter episcopos Romæ iudicantes, comprehendit Melchiadem papam: ut patet ex epistola illa.

Ex quibus uerbis manifeste sequitur, quod a Papa & concilio simul particulari, potest appellari ad concilium uniuersale, & sententia eiusdem solui. Secundo autoritate octauę synodi canonę. 21. cuius pars habetur. 22. di. in ca. diffinimus. ubi dicitur. Vniuersalis synodus cum conuenienti reuerentia, quamlibet questionem de Ro. sede exortam audire tenetur: & in ea proficere; non tamen audacter sententiam in Romanum pontificem dicere. Ex quo patet quod licet omnem questionem de Romana sede diffinire habeat synodus: id tamen cum reuerentia propter illius eminentiam facere debet. Tertio autoritate Damasi Papę, quę ponitur inter epistolas Ambrosij, epistola. 72. ubi Damasus dicit respondendo. Cum huiusmodi fuerit concilij capuensis iudicium: ut finitimi Bonoso atq; eius accusatoribus iudices tribuerint, aduertimus quod nobis iudicandi forma competere non posset. nam si integra esset hodie synodus, recte de his quę uestrorum scriptorū cōprehendit series decerneremus. Vestrum est igitur qui hoc recepistis iudicium, sententiam ferre; uicem enim synodi recepistis: quos ad examinandum synodus elegit, Et infra. Vos. n. (ut scripsimus) totius synodi uicę dei decernitis, nos quasi ex synodi autoritate iudicare non conuenit.

Ex quibus manifeste patet primo, quod Papa dicit se nō posse de illa causa cognoscere, de qua posset, si synodus adhuc esset integra. i. nihil commississet. Secundo, quod Papa confitetur non solum concilium esse eo in iudicando superius, sed etiam deputatos per concilium, in ea causa in qua deputati sunt.

Quarto autoritatē canonis in ca. si duo. dj. 79. ubi dicitur, quod

quod si duo contendunt de papatu, concilium est iudex, ergo habet superioritatem in utrumq; nullus. n. est alterius iudex ordinarius, quin sit iurisdictione superior. Quinto ratione. Papa & reliqui prelati quicquid iudicant &c. faciunt ut ministri ecclesiarum, non solum finaliter (s. i. propter ecclesiam) sed effectiue auctoritate ecclesiarum, ergo in ecclesia est primo autoritas. Antecedens probatur, quia agere dicuntur secundum intentionem ecclesiarum. Sequela autem est manifesta. Et confirmatur. Quia suffragia quibus priuatur excommunicatus, & indulgentia non sunt prelatorum sed ecclesiarum. Et confirmatur iterum. Quia sicut deus condens humanum genus, dedit potestatem regiminis ciuilibis ad finem naturalem, non uni, sed communitati &c. ita regnerans idem ad finem supernaturalem, dedit potestatem spiritualis regiminis ad illum finem communitati ecclesie &c. Et sicut quandoq; praeuenit populum dando principem, ut Moysen, ita praeuenit ecclesiam dando petrum. Et confirmatur tertio. Quia aliter politia ecclesiastica non esset, ita bene ordinata sicut ciuilibis, nam ista potest provide sibi, principe potestate abutente in destructionem, ecclesia autem non posset, si non esset superior. Papa. Et confirmatur quarto. Quia ipse Papa esset miserabilior ceteris, si a malo compesci non posset.

Et confirmatur quinto. Quia Papa est ecclesie filius, ac per hoc subditus. Antecedens patet ex Ambro. in lib. de symbolo. non habebit ibi deum patrem, qui noluit habere ecclesiam matrem. Sequela patet prouerb. 10. Stultus despicit matrem suam.

Sexto etiam ratione. Si Papa habet potestatem super totum residuum ecclesiarum collectivae, ergo potest aliquem actum iurisdictionis in illud totum etiam inuitum exercere. sed hoc est falsum, quia non potest illud totum excommunicare aut interdicere, nec ad aliquid ipso renitente obligare, ut patet per illud Aug. Leges instituuntur cum promulgantur, firmanur cum moribus utentium comprobantur. di. 4. ca. in istis. Septimo. Quia potestas ecclesiastica prius tempore est in ecclesia quam in aliquo summo pontifice, quia illa fuit instituta & ecclesie collata Matth. 18. ista autem Ioa. ult. petro data est. Et ideo si Christus Petrum Papam non instituisset, potuisset hoc ecclesia facere, committendo ei suam potestatem, nec potuisset illam ab eo auferre, nisi ex causa rationabili, sicut populus potest respectu regis.

RESPONDEO. Ex autoritate illa Augustini non sequitur

concilium esse supra Papam, sed dupliciter argumentum ex illa deficit. Primo. Quia equivoCAT de concilio; nam quæstio nostra est de concilio distincto contra Papam seu secluso Papam, quod est concilium acephalum. Aug. autem loquitur de uniuersali concilio cum Papa, ut patet ex hoc, quod ponit præsentiam iudicum .i. episcoporum qui iudicauerant. Constat autem quod non licet arguere a concilio ad concilium acephalum. *doq. 200b*

Secundo deficit. Quia ex hoc, quod restabat refugium concilij uniuersalis, infertur superioritas, est .n. hic sophisma consequentis. Potest .n. recursus iste haberi propter multas causas. scilicet exclusionem suspicionis, plenioris discussionem, maiorem sapientiam, personalem tractatum, & quicquid eiusmodi est, ut patet ex continua consuetudine appellantium ad eundem iudicem (puta Papam) plenius informandum, & causam per alios tractaturum iudices &c. Et hoc consonat literali sensui Augustini, ubi propter præsentiam omnium prælatorum potuisset causa ita discuti, ut etiam iudices qui primo in partibus & qui secundo Romę iudicarunt, personaliter præsentem, rationes iudicij conferre potuissent, & uniuersali omnium iudicio decerni, & etiam dissolui prius male iudicatum. Ad nihil .n. horum exigitur maior autoritas intensius quàm Papæ, sed sua sufficit cū maiori discussionē sapientiæ &c. ut quotidie uidemus. Est etiam cum his omnibus in concilio uniuersali maior autoritas extensius, & maior solennitas iudicij, quę omnia sententiam eius omni exceptione maiorem reddere uidentur. Ad secundum ex autoritate octauę synodi, dicitur quod male exponuntur uerba synodi, dicendo quod synodus negat modum iudicandi Papam (.i. audacter) & non iudicium ipsum. Et quod hec expositio sit mala probat, quia li audacter aut importat uitium audacie, aut importat autoritatem. Si primum, cum illud sit uitandum respectu cuiuscunque, & non solum respectu Papæ, ridicula esset decisio synodi, quod ipsa non debet uitiose uel ex passione iudicare Papam &c. Si secundum, haberetur contrarium expositionis allatę. *in q. 200b*

Vnde literalis sensus est, quod dicere sententiam in romanum pontificem est audacie uitium, illa siquidem negatio præposita non modum solum, sed totum negat. Dicendo igitur non tamen audacter dicere sententiam in Romanum pontificem, significat quod non nisi audacter dicere potest sententiam in Romanum pontificem. Sic cum dicimus, quod de manifestis licet nobis iudi-

care; de cordis autem occultis non licet nobis tenere diffinire, non intendimus negare modum diffinendi tantum (puta temere) sed intendimus determinare, quod ipsa diffinitio de occultis cordis est temeraria. Determinat ergo li audaacter naturam iudicij in Papam, sicut li temere in exemplo dato naturam iudicij in cor. Et propterea ex hac auctoritate habetur oppositum eius quod arguentes intendunt. In cuius signum synodus dicit sibi competere audientiam, & progressum in quaestione de Papa cum reuerentia, & de sententia subdidit illam negatiuam quam non subiunxisset, si etiam sententia cum reuerentia sibi competeret. ipsa quippe distinctio expositionis confutate defectum ostendit. Cum autem legeris hoc, memeto, quod sermones morales de ijs sunt quae regulariter accidunt. In casu quippe heresis pertinacis in Papa, synodi iudicium depositum Papae absque audacia esset.

Ad tertium ex auctoritate Damasi, dicitur quod neutrum ductorum ex illa auctoritate sequitur. Nam in illis uerbis non negat potentiam, sed formam iudicandi sibi competere posse. huius negationis, causam reddit, non impotentiam, aut subiectionem suam, sed indecentiam, ut patet in illis uerbis. hoc autem familiare est principibus. Quin etiam si dixisset se non posse iudicare, uerum dixisset, a consuetudine principum non recessisset, qui ea se negant posse facere, quae indeceter facerent si exaudirent. Constat autem, quod indecens est determinationes concilij etiam prouincialis soluere, quanto magis concilij generalis quorum decreta etiam Papam in foro conscientiae ligant, non minus quam propria. unde & secundum sacros Canones ad Romanum Pontificem praecipue spectat seruare statuta patrum.

Et si notaueris eandem auctoritatem, contra arguentes facit pro quanto insinuat excellentiam suam tantam, quod eum quasi ex synodi auctoritate iudicare non conuenit.

Ad quartum ex auctoritate canonis, dicitur quod gratis concessum est quod Papa in eum subditur concilio. Duobus. n. contentibus intertis, iudicat ecclesia, sed si alter esset certus, & indubitatus, ecclesia non iudicaret, sed adiungeret certum, obediendo, condemnando antipapam, &c.

Ad quintum ex ratione, quia praelati ministri ecclesiae dicuntur, quod praelati dicuntur ministri Christi, & ecclesiae Christi quidem, effectiue (quia ab illo habent suam potestatem esse-

Atque) & suppositaliter, mystice tamen, quia omnes prælati sunt uelut membra Christi, iuxta illud Augu. super Ioan. si præpositum ecclesiæ pastores sunt, quomodo unus pastor est, nisi quia sunt illi omnes unius mēbra pastoris? Ecclesiæ autem integræ (id est, cum capite suo, quod Christus est) ministri, etiam dupliciter dici possunt, scilicet effectiue ratione partis, scilicet capitis, a quo habent prælatis auctoritatem, & integraliter, quia sunt mēbra ecclesiæ reliquæ a capite, non ut suppositi, sed ut corporis mystici partes integrales. Et hæc dicimus loquendo de prælatis ecclesiæ absolute, non de isto ordinato, & instituto ab illo, sic enim esset quæstio de illo alio, & sic de alijs.

Ex quibus patet, quod prælatis ecclesiæ proprie loquendo non sunt ministri ecclesiæ effectiue, nisi rōe capitis scilicet Christi, & cōsequenter non sunt ministri ecclesiæ, ut dominæ, nisi ratione capitis propter quod Paulus dicit. Siquid ego donavi in persona Christi, & rursus. Sic nos existimethomo ut ministros Christi. Et hoc autem quod ministri ecclesiæ dicuntur agere secundum intentionem ecclesiæ, non plus habetur quàm dictum est quia, scilicet, agunt secundum intentionem ecclesiæ in capite, & in corpore ab ipso capite diffusam. Quamuis hoc possit et intelligi secundum intentionem ecclesiæ, id est, secundum intentionem ecclesiastico officio debitam: hæc enim intentione confici, & conferri dicuntur sacramenta, &c.

Ad primam confirmationem, quia suffragia sunt non prælatorum, sed ecclesiæ, dicitur quod falsum est suffragia non esse prælatorum ut dispensatorum, quàmuis sint ecclesiæ integre, ut proprietarie, sed hoc nihil aliud concludit, nisi prælatos ab ecclesia integra ratione capitis potestatem habere. Unde omnia deficiunt ob equiuocationem ad propositum ab ecclesia integra ad ecclesiam ut distinctam contra caput.

Ad secundam confirmationem de similitudine conditionis, & regenerationis generis humani, dicitur quod apertissime constat falsum assumi, & dissimiliter Deum instituisse. Nam in ordine ad finem naturalem potestatem communitatis indidit, & non uni, in ordine autem ad finem supernaturalem, potestatem dedit uni, & non cōmunitati. perfecit enim Iesum Christum secundum quod homo est, in principem, & caput omnis ecclesiæ, ut patet. & hoc non præueniendo sicut in civilibus, sed instituendo, ut patet.

Et sci-

Efficit, quod argumentum deficit ex eo quod non attendit ordinem primatum regenerationis humanæ sicut attendit primarium ordinem conditionis humanæ, sed declinat ad ordinem secundarium ecclesiæ, qui est in tempore absentiae principis, qui abiit in regionem longinquam accipere sibi regnum & reuerti. Quæ declinatio manifestè defectiua est, quia primario in uno, primarium in altero reddendum proportionaliter est. Hic autem secundarius ordo in ecclesiâ naturam si se quitur principal. absq; omni cōtradictione optimus uidetur. Sic autem potestas in uno principis uicario non in cōmunitate locanda est, & locata ab ipso principe in Petro. Vnde patet q non præuenit princeps ecclesiâ, sed suapte natura ordinem regiminis spiritualis prosecutus, in petro & eius successoribus uicariatum suum locauit. Ad tertiam confirmationem, iam patet q optime prouisum est politiæ spirituali in suo naturali principe, qui peccare non potest, in ordinatione autem uicarij illius optime quoq; prouisum est, dum suauis dispositio, seruata est. Supernaturale nãq; regimen (quale est papatus) suapte natura supernaturalē defensionē & remediū sibi uendicat, quale dominus Iesus Christus sibi autoritative reseruando eiectionē, & ecclesiæ reliquæ ministerio orationum instituit. Hoc. n. suaue & efficax est remedium, ut in loco suo inferius amplius monstrabitur. Vnde falsum est dominū Iesum Christum nunus bene ordinasse politiā ecclesiæ etiam sub uno uicario, quā politiā ciuilem in humanis, quoniam utrobq; nō idē, sed proportionale remedium contra malum principem datū est. Ita q ecclesiâ potest se & contra illum tueri, & deponere uotis & operibus ecclesiæ proportionatis. s. orationibus, ieiunijs, elemosynis. hæc. n. efficaciora sunt ceteris causis secundis, quia superiores sunt reliquis, & propriæ uniuersali saluti ecclesiæ, sed non omnes capiunt uerbum istud. Ad quartam confirmationem, dicitur q imediate susceptus sub cura Christi uiuentis, & specialiter de ipso curam habentis, non est miserabilior cunctis, nisi ratione seruitutis uniuersalis, & periculi maximi, & huiusmodi. talis autem est Papa, qui non potest coactiua pœna puniri, sed tenetur ex amore libere operari. Felicitatis enim quædam inchoatio est non miserię, esse in statu in quo non sicut seruus sub lege, sed sicut liber in gratia constitutus homo adhuc mortalis est positus, ut in papatu contingit.

Ad secundam dicitur, quod Papa in quantum singularis persona

na est filius ecclesię, quia regeneratus, nutritus & instructus ab ecclesia sicut ceteri, in quantum autem Papa, est filius ecclesię integre hoc est cum suo capite, & pater non filius reliquę ecclesię. sed in his & similibus adverte tu, cui hec & similia obijciuntur, ne equiuocatio de ecclesię uocabulo te fallat, ut ea quę dicuntur de ecclesia integra (sue cum capite, siue cum uicę capitis habente) ad ecclesię cõmunitatem secluso capite applicata suscipias, hec .n. te deciperent. Ad sextum argumentum principale dicitur cum apostolo, q̃ omnia mihi licent sed non omnia expediunt, & rursus omnia possum, sed nõ omnia edificant. Conceditur igitur, quod Papa potest quantum ex potestatis sue auctoritate est actum iurisdictionis etiam in inuitam ecclesiam reliquam exercere, sed non expediret, si nõ edificaret. Nec ualet argumentum, nõ potest illam excommunicare, ergo non potest aliquem actum iurisdictionis in inuitam exercere, ut pater.

Ad probationem autem ex auctoritate Aug. dicitur quod potius probat oppositum. Si .n. leges instituuntur cum promulgantur, Papa promulgando legem in totam ecclesiam instituit absq; ecclesię consensu, potest igitur ipse solus instituere legem in illam. Firmitas autem ex consensu utentium, non ex parte auctoritatis, sed executionis se tenet. Quod conuincitur ex eo, q̃ statutum uniuersalis concilij integre etiam consensu utentium firmatur, ita quod non ligat quando est a dissensu utentiũ infirmatum, & tamen nullus dubitat uniuersale concilium integrum firmitatem auctoritatis legibus suis dare. Prouenit autem hæc legum infirmitas ex dissensu utentium etiam ab ipsis legislatoribus negatiue, pro quanto tolerando dissimulant, & implicite reuocant quod fecerunt. Et merito, quia lex (ut dicitur di. 4. ca. erit) debet esse patrię loco temporiq; conueniens.

Ad septimum dicitur, falsum assumitur, nam potestas ecclesiastica primò fuit in primò summo pōtifice domino Iesu Christo, qui pontifex assistens futurorum bonorum eternam redemptionem inuenit. Falsum quoq; monstratum est esse quod dominus per illa uerba quę habentur Matth. 18, potestatem ecclesiasticam dederit ecclesię, quamuis promiserit ei super suos subditos, ut superius diffuse discussum est. Equiuocatio demum incidit iam dicta, ab ecclesia ad ecclesiam secluso capite declinando. Reliqua autē quę arguendo afferuntur (.i. q̃ ecclesia potuisset instituere Petrum Papam) quā falsa sint ex supradictis patet. quia si
potuit

potuit ecclesia unquam instituere papatum in uno & eius successore, ut Christus fecit, posset quoque illum instituere in triumviratu, uel aliquo huiusmodi, quia eiusdem est instituere, & instituta mutare pro loco & tempore.

CAPITVLVM VNDECIMVM.

DIXI in 8. ca. quod concilium Constantien. pro illo tempore primo quo fecit illa decreta de potestate synodi, non erat uerum concilium uniuersalis ecclesie. Et quod Basilien. errauit illud sequendo.

OBIICITVR dupliciter. Primo, quod blasphemauit.

Secundo, quia concilium Constantien. sub obedientia Ioan. 23. erat uerum concilium uniuersale, quia succedebat concilio pi sano, in quo fuerat unio ecclesie, deposito utroque Papa (scilicet Gregorio. 12. & Benedicto. 13.) & electus Alexander quintus, cui successit Ioannes. 23. qui congregauit illud Constantien. concilium.

RESPONDEO. Et primo quo ad Constantien. concilium. si ego blasphemus, quare Grego. 12. qui expresse recusauit in actu unionis ecclesie, recognoscere concilium illud pro tunc, ut concilium illud, non blasphemus sed uir pacis & ecclesie amator habitus est? ut patet in gestis eiusdem concilij sessione. 14. Quare obedientia Benedicti. 13. inter foedera unionis, & in actu unionis ecclesie reculationem talis pro tunc concilij uolens & faciens, non blasphemus sed catholicæ unitatis studiosa est habita? ut patet in sessione. 20. & 22. Quare Sigismundus Imperator, qui praesedit illi concilio ut satisfaceret reculationi illius concilij, non blasphemus sed defensor ecclesie habetur? Quare demum ipsummet tunc Constantien. concilium, cum negauit facto seipsum esse concilium non semel sed bis (primo in acceptando praesidentiam imperatoris & autorizari se in concilio a Gregorio. 12. secundo in acceptando se conuocari ab obedientia Benedicti. 13. & conuocare illam) non blasphemauit? Et si potius scandalum permitti debet a qualibet singulari persona, quam ueritas deferatur, quomodo concilium uniuersale a spiritu sancto rectum, potius ueritatem deseruit seipsum facto negans, quam scandalum permittere uoluit iam natum? Ex his autem recte consideratis patet, quod conciliū illud non reputauit seipsum certum & indubitatum concilium illo tempore. & propterea huiusmodi negationes admittebat, dans operam ut unum certū & indubitatum concilium fieret cum indubitato

capite

DE . COMPARAT. AVTÖRIT.

capite, ut tandem fuit. In quo igitur ego erro, si dubia & incerta pro dubijs incertisq; habui? nihil .n. dixi aliud in sententia. Nam dubia & incerta pro uera auctoritate refutari constat, ueritatiscq; auctoritatem eis tribuere nephas est. Ad secundam obiectio- nem de successione ad concilium Pisani, dicitur quod nec illud concilium constat fuisse certum & indubitatum, ut ceteri omis- sis patet ex duobus. Primo. Quia assertio ista renouaret anti- quum schisma, quid .n. aliud est dicere, consilium illud pisanum cū Alexandro V. certum & indubitatum, quā certe & indubie damnare Gregorium. 12. & benedictum. 13. cum suis obedi- tijs? Hoc autem est redire ad illud schisma.

Secundo. Quia ipsum Constantien. concilium sub obedientia Ioannis. 23. licet crediderit se esse uniuersale concilium succe- dens pisano, non tamen hoc pro certo & indubitato tenere se contestatum est facto suo, ut patet ex dictis. Accedit ad hęc, quod sine Papa diffiniuit. & propterea si fuisset etiam tota reli- qua ecclesia repræsentatiue, potuisset errare, nec fuisset cōcilium generale perfectum simpliciter, ut patet in libello. Quo ad concilium uero Basilien. uniuersalis ecclesię responsionem repli- co, quæ Eugenium adorauit, concilium florentię uniuersale ex orientali etiam ecclesia celebrauit in materia fidei &c. Si ego blasphemauit, quis excusat ecclesiam a blasphemia?

CAPITVLVM DVODECIMVM.

DIXI in ca. 9. glosando uerba Aug. petrus quando clau- es accepit, ecclesiam significauit, & similia, quod in hoc sensu dicta sunt, quia officio capitis perpetuo, in petro & succe- soribus data hæc sunt, & propterea in persona ecclesię dicitur petrus suscepisse hæc.

OBIICITVR quod nō sit iste sensus intentus ab Aug. quia sequeretur clau- es datas esse ecclesiæ finaliter, & non formaliter, cuius oppositum uult ubi Aug.

RESPONDEO. quod sequela non tenet. Immo sequitur ex illo sensu clau- es esse datas ecclesiæ formaliter. tum quia quod datur capiti formaliter, uere etiam datur corpori cuius est illud caput formaliter, tum quia datum capiti & corpori formaliter, quāuis corpori mediante capite, constat datum esse toti for- maliter, sic autem est in proposito, ut pater. Sed argumentū præ- ter hoc fallitur in equiuoco de ecclesiā, ab integra ecclesiā in ter- ris, capite .s. & corpore (de qua loquitur Aug.) ad ecclesiam pro

pro corpore tantum, ut quoddam unum integrum, cuius Papa sit uicarius. quod est fictitium. Firmatur autem sensus a me as signatus, ex eo quod exposui Aug. ex ipsomet Aug. inquit. n. in lib. de Agōe christiano. Non sine causa inter Apostolos, ecclesie catholice personam sustinet Petrus, huic. n. ecclesie clauis datae sunt, cum Petro datae sunt. & cum ei dicitur ad omnes dicitur. amas me, pasce oues meas. Hæc ille. Constat. n. quod Petro ut distincto ab alijs & pro se & successoribus datus est papatus, per illa uerba, pasce oues meas Ioan. ult. Et Aug. idem iudicat de hoc actu, & de acceptione clauium, ratione igitur officij capitalis, & perpetui in ecclesia diffusi Aug. dicebat quod personam ecclesie gerebat.

CAPITULUM DECIMUMTERTIUM.

DIXI in eodem cap. quod Papa non potest errare errore iudiciali in fide, quamuis possit errare personaliter, quia ad ipsum spectat finalis determinatio de fide, ut decre. primo, & S. Th. post dicit, & probat rōne & autoritate Cyrilli, & Maximi. **O**BJECTIONES primo. Quia duo summi Pontifices determinauerunt contraria in iis, quæ fidem tangunt, ergo alter eorum errauit errore iudiciali in fide. Assumptum patet de Ioan. 22. & Nicolao 3. quorum unus determinauit iudicialiter Christum, & Apostolos nihil habuisse in communi, nec in particulari, alter oppositū, ut est uidere in eorū extrauagantibus. Secundo. Quia Innocentius tertius, & Celestinus determinauerunt contraria super illa propositione, uno coniugum ad heresim trāseunte, alter qui remanet in fide potest ad secunda uota transire, ut patet in eo quanto, de diuortijs, & glosa ibidem. Tertio. Quia aliqui statuerunt contra Euangelium, ut Pelagius, qui constituit ut Subdiaconi Siciliæ a suis vxoribus abstinerent, quas in minoribus du xerant, aut ab officio cessarent, quam cōstitutionem, quia erat impia & contra Euangelium, retractauit. Beatus Grego. primus eius successor, ut patet in dist. xxxj. c. ante triennium, in textu, & glosa. sicut. n. potuit iudicialiter statuere contra Euangelium, ita & diffinire. Quarto. Quia sequeretur quod summus Pontifex non posset fieri hereticus circa propositiones nondum determinatas, ut erat articulus de processione spiritus sancti a filio. Et tenet consequentia, quia non posset esse pertinax contra sui ipsius determinationem. Sequeretur et quod determinatio etiam solius summi Pontificis, ligaret suum successorem. Sequeretur

A A

etiam,

etiam, quod Papa uerè hereticus male iudicari posset, quia decideret obiecta contra eum esse intelligenda in aliquo sensu suę assertioni consono. Quinto arguitur ad hominem. Quia ego cōtradico mihi in hoc eodem libello. nam in fine quarti capituli dictum est, quod sententia Ioannis Euāgelistę pręualuisset sententię Clementis Papę in doctrina fidei, & nunc dicitur, qđ Papa nō potest errare in iudicio fidei. hæc. n. contradicunt. quia non pręualuisset sententia Ioānis, sed tantum fuisset standū snię Cle. Papę quantum snię Ioā. immo, & plus, quia apud Clementē fuisset ultima decisio fidei iuxta hic dicta, sicut apud Petrum, si adhuc superuixisset. Sexto. Quia frustra fuissent cōgregata quatuor cōcilia generalia p̄cipalia cōtra quatuor heresiarchas, puta Nicenū, Cōstātinopolitanū, Ephesinū, & Calcedonē. Et tenet consequētia, quia suffecisset solius Papę decisio, immo apud aduersarium tāte est p̄tatis solus Papa in diffiniendo, sicut aggregatum ex ipso, & residuo. Septimo ex ockam. Quia Innocentius tertius (ut habetur extra qui filij sint legi. in c. per uenerabilē) dicit. Cū Deutero. secūda lex interpretetur, ex ui uocabuli cōprobatur, ut quod ibi decernitur in nouo testō debeat obseruari. Quę uerba si uniuersaliter secundum literalem sensum intelligantur, heresim sapiūt, qđ ceremonialia ibidē in c. xij. & xiiij. nō sunt seruanda. Si uero mystice intelligantur, nihil speciale de Deuteronō. dicunt, quia omnia mysticę seruanda sunt, ut legitur di. 6. ca. his itaq; . Octauo ex eodem. Quia nōnulli summi Pontifices inueniuntur diffiniuisse se in tēporalibus habere supremam potestatem, ceteri uerō oppositum. Nōno. Quia non est uerissimile, quod homini potēti in iis quę sunt fidei errare, commiserit Deus; ultimam fidei decisionem.

RESPONDEO, Et ad primum quidem dicitur, quod falsum assumitur. s. quod unus papa. s. Nicolaus determinauit iudicialiter Christum & Apostolos nihil habuisse in cōi. Nam manifeste Nicolaus (ut patet in 6. de uerb. signifi. exijt qui seminat) dicit. Egit nāq; Christus & docuit p̄fectionis opera, egit ēt & infirma, sicut interdum in fuga paret, & oculis, sed utrūq; p̄fectē p̄fectus existens, ut perfectis, & imperfectis se uiam salutis ostenderet. Hęc ille. Vbi manifeste patet, quod Nicolaus asserit Christū habuisse aliquid. ualet. n. sequela Nicolaus asserit Christum habuisse aliquid, ut imperfectis se uiam salutis ostenderet, ergo asserit Christū hūisse aliquid. Ioan. ergo 22. qui determinauit hereticū esse

esse, tenere quòd Christus & apostoli nihil habuerunt in còmunì, quia contradicit sacræ scripturæ, ueritatem fidei determinauit, cuius contrarium non determinauerat Nicolaus.

Ad secundum dicitur, q̄ neuter illorum pontificum diffinitiuè determinauit. Nam de Celestino in ca. quanto de diuortijs, Inno centius dicit. licet quidam prædecessor noster sensisse aliter uideatur. & de seipso subiungit respondendo oppositum, non credimus quòd in hoc casu is qui relinquitur, uiuente altero, possit ad secundas nuptias conuolare. Vbi uerba ipsa (uidelicet, uidetur aliter sensisse, & non credimus) ostendunt q̄ non diffiniendo in materia fidei locuti sunt. Ad tertium dicitur, q̄ Pelagius si statuit illud, nihil contra sed supra euangelium statuit. Quod manifestè patet ex hoc, quòd statutum illud suos obseruatores aut in bono super erogationis locabat, si còtinerent, aut in nullo malo, si non continentes se suspendebant ab officio, ut quidam subdiaconus fecit. Est autem hic aduertendum, quantum crescat infamia per diuersa ora paulatim, nam sanctus Gregorius de hoc statuto loquens dicit, & q̄ diaconus auctoritate tamen papæ hæc prohibitionem fecit (ut patet. 27. q. 2. ca. multorum) & quòd sibi durum ac incompetens uidetur. ut patet in ca. ante. trienniū, di. 3. r. Glo. uero ibidem auget, dicens q̄ Pelagius hoc fecit, & q̄ illa constitutio fuit iniqua, arguens autem amplius auget, dicens quòd Romanus pontifex statuit contra euangelium. Ad quartum dicitur. Negando primam sequelam. scilicet quòd papa non possit esse in non decisus hereticus. Nam si ille qui est papa, tenuisset pertinaciter spiritum sanctum non procedere a filio, etiam si ab ecclesia sic determinaretur, fuisset hereticus. Per accidens autè est, quòd ab ipso uel alio determinatio ecclesiæ fieret. standum est. n. in formalibus & per se, & non declinandum ad ea quæ sunt per accidens in quacunq; scientia. Et ex hoc patet responsio ad secundam sequelam, Nam determinatio unius papæ in materia fidei ligat per se omnes personas ecclesiæ, quarum sunt actus credendi, & sic persona propria & successoris ligatur ad tenendam determinationem semel factam de fide.

Ad tertiam autem sequelam dicitur, quòd cum id quod imparetur papæ pro heresi, non esset decisum adhuc per ecclesiam, & ipsæ non teneret hic pertinaciter, sed defenderet esse consonū sacræ scripturæ & fidei ecclesiæ, non esset hereticus formaliter, etiam si materialiter erraret in ijs quæ sunt fidei. Et propterea

nō sequitur, quod papa male posset iudicari de heresi in casu quo iudicandus est. s. de heresi formaliter, in his. n. non habet locum interpretatio ad istum vel illum sensum. Ad quintum dicitur, quod nulla est contradictio in dictis meis allatis. Nam bene simul stat, tam Ioannem quā Clementem non posse errare, & tamen alterum esse supra alterum. possunt. n. esse duo omnino recta subordinata, ut patet apud omnes de ecclesia uniuersali præsenti, & de sacra scriptura. Dicendo autem quod sententia Ioannis præualuisset sententiæ Clementis Papæ, nihil aliud dixi, nisi quod clementis sententia subordinata erat sententiæ Ioannis. Ad id uero quod adiungitur, quod sequeretur oppositum huius, negatur sequela. Nam cum dicitur, quod ad papam spectat finalis determinatio de fide, intelligitur in ordine & gradu suo. s. sub sacra scriptura, cuius autor est spiritus sanctus. Et quia Ioannes euangelista in doctrina fidei locum sacre scripturę tenebat (sicut euangelium suum hodie tenet) ideo non sequitur quod magis Clementis quā Ioannis esset standum sententię, sed e contra. Et ex hoc patet responsio ad simile allatum arguendo de Clemente & Petro, quod. s. non est eadem de utroque ratio, quia petrus non ratione papatus sed apostolatus, locum etiam sacre scripturę tenebat sicut nunc tenent epistolę eius. & hunc sensum expresse aperui in libello illius loco allegato dicens. Præualuisset sententia Ioannis sententiæ Clementis papæ in doctrina fidei, sicut modo præualet euangelium Ioannis sententię cuiuscunque papæ & totius ecclesię.

Ad sextum negatur sequela, quod. s. frustra fuissent concilia illa principalia in materia fidei congregata. Concilia. n. non propter potestatem intensiuam, sed extensiuam, & propter discussionem & collationem cum multitudine uniuersali sapientum in fide, & propter indubitabiles & acceptatos ab omnibus iudices omni exceptione maiores, congregantur in materia fidei. Probatio autem sequelę procedit, ac si propter habendam solam auctoritatem intensiuam concilium congregandum esset, quod falsum est. Nam licet papa solus tantę intensiue sit auctoritatis, quantę ipsę cum residuo, non tamen tantę extensiue, non tamen tantę sapientię, non tamen tantę acceptationis indubitate ab omnibus (ut patet de ipsis oppositum sentientibus) non tamen tantę solennitatis (quę animos humanos cōmuniter multum afficit), non demum tantę bonitatis & gratiæ coram deo, quę apud multitudinem hominum multum ualet ad persuadendum quod a spiritu sancto

sancto regitur & errare non potest. Oportet. n. ea quæ totam ecclesiam tangunt, in singulis sic fieri ut acceptabilia facillime omnibus sint, & ad hoc inultum ualent uniuersalia concilia a probis præcipue prælatis celebrata. Ad septimum dicitur, quod quia duæ sunt leges diuinæ (scilicet uetus & noua) & noua est secunda ordine generationis, ideo uocabulum illud. scilicet secunda lex, nouæ legi conuenire ex ui uocabuli dicitur, & argumentum ex conuenientia uocabuli sumpsit Innocentius. Et hoc expresse, ne intelligeretur quod absolute concluderet, sed quantum est ex ui uocabuli. Et hoc diminiuit argumentum, non auget (ut patet) quoniam in uoce una latent multa. Vnde ex hac conuenientia quædam persuasione intendebat, qua mandata in deuteronomio, non ad litteram, sed proportionaliter secundum conuenientiam ad tempus gratiæ seruanda erant quando, ubi &c. expediret. Vnde ipsa mandatum unum iudiciale ex deuteronomio assumens & tractans, non ad litteram, sed iuxta conuenientiam ad sacerdotium petri exposuit. Nec obstat, quod omnia ueteris testamenti hoc modo seruari possunt, conceditur. n. quod nihil speciale de deuteronomio intendebat, nisi persuasionem ex conuenientia nominis.

Ad octauum dicitur, quod quia potestas papæ directe est respectu spiritualium, ad supremum simpliciter finem humani generis, ideo sue potestati duo conueniunt. primo, quod non est directe respectu temporalium. secundo, quod est respectu temporalium in ordine ad spiritualia, hoc. n. habet ex eo quod ad supremum finem omnia ordinari debent, etiam temporalia, ab eo proculdubio cuius interest ad illum finem omnes dirigere, ut est Christi in carnis. primum autem ex natura sue potestatis consequitur. Ex his autem sequitur, quod utrumque uere potest determinari de papa, & quod habet supremam potestatem in temporalibus, & non habet supremam potestatem in temporalibus, quoniam utrumque uerum est ad sanum intellectum. Assertio namque est uera in ordine ad spiritualia, negatio uero est uera directe, seu secundum seipsa temporalia. Vnde nihil ex utraque decisione erroris accidit. Aduerte tamen, quod quia aliud est determinare de fide formaliter, & aliud de eo quod est fidei materialiter (nam primum importat determinare quid credendum uel non credendum est, secundum autem determinare de questionibus. quæ in rebus creditis accidunt) & constat quod cum determinatur quæstio aliqua secundo modo, non determinari dicitur de fide, sed de tali uel tali materia, id cum dicitur, quod
papa

Papa non potest errare in iudicio fidei, non accipio dictum esse nisi de iudicio fidei formaliter, quando .s. determinatur quid credendum uel non credendum. Contra quod nulla harum obiectionum procedebat, nisi prima apparet. ne tamen fugere uidear, singillatim solutę sunt omnes. Ad nonum dicitur, quod non uerisimile sed uerum & humanę diuinęq; rationi & auctoritati consentaneum est, ut homini potenti errare secundum seipsum, non autem ut directo a spiritu sancto, deus ultimam fidei decisionem sub sacra scriptura comiserit. Cum .n. non sit differentia apud deum in uno & in multis saluare, & omnes in concilio pręsentes secundum se & proprias uires considerati, possint errare male determinando de fide, ob ignorantiam uel aliquę alium defectum, ac per hoc ad assistentiam spiritus sancti recurratur. magis attestatur assistentię spiritus sancti & eius uirtuti, salus fidei per unum quàm per totum concilium, hoc .n. humane sapientię opus esse uidetur (propter omnium patrum concursum). illud autem solius dei opus est & apparet. Vnitas quoq; fidei unitatem quoq; iudicis qui preest toti ecclesię expolcit, ut in secunda secundę q. j. ar. ulti. diuus Tho. asser.

CAPITVLVM DECIMVMQVARTVM.

DIXI in eodem .9. ca. rationem quare Papa non potest errare in iudicio fidei. quia hic error esset error uniuersalis ecclesię, quia tenetur sequi diffinitionem Papę in fide, afferens ad hoc auctoritatem sancti Tho. & post decretalis in ca. maiores, & Iesu Christi. ego rogau pro te Petre.

OBIICITVR negando quod ecclesia de necessitate tenetur credere sententię diffinitiuę Papę in materia fidei, & dicendo quod sicut Papę pręcipienti contra Euangelium non est obediendum, ita nec sententię erroneę in fide. De auctoritate Sancti Tho. non est cura. Ad capitulum maiores, dicitur dupliciter. primo, quod non pro ultima & necessario credenda determinatione habenda. sed regulariter ad Papam est recurrendū, quia regulariter non est ecclesia congregata. Secundo (& in idem redit) quod referendę sunt summo pontifici causę fidei ut conuocet concilium, quia ad ipsum spectat congregare illud.

Ad uerbum domini, ego rogau pro te Petre, dicitur quod non pro sola persona Petri aut successoribus orauit Christus ne deficeret fides eius, sed pro uniuersali ecclesia per Petrum representata.

Respondeo

RESPONDEO. Negationem illam consuetudo ecclesiæ auctoritateq; sanctorum confutant, & ignis experientia comprobaret. si quis non teneret quod sola Ro. ecclesia determinaretur hereticum esse, ut patet extra de hereticis. ad abolendam in text. & glosa. Et hæc responsio manifestat ad quid fateantur ipsi: et se declinare oportere, defendendo subiectionem Papæ reliquo corpori ecclesiæ uel concilij. Quod autem additur quod sententiæ erroneæ sicut nec præcepto diabolico adherendū esset, uerissimum est. sed nihil obstat, quoniam ex his nihil aliud quam conditionalis ueritas habetur. s. si determinaret erronee, si præciperet contra euangelium, non audiretur. Hoc. n. non solum de Papa, sed de angelis sanctis uerissimum est, iuxta illud. si angelus de cælo euangelizet aliud &c. anathema sit. Ex his. n. non sequitur quod antecedens aut consequens possit esse uerum, ut patet.

Quod auctoritas. s. Th. paruifiat, nihil est, quoniam ecclesia non paruifacit. Sed esto, quod. s. Th. paruifiat, Cyrillus & Maximus ibidem allegati etiam paruifient. Hiero. quoq; dicens ad Damasum (ut habetur 24. q. j. ca. hæc est fides). si hæc nostra confessio apostolicatus tui iudicio cōprobatur, quicumq; me culpare uoluerit, se imperitum uel maleuolum uel etiam non catholicum non me hereticum cōprobabit. manifesteq; in his uerbis contestans quod ex approbata fidei confessione a Papa aliquis obstans non catholicus sit, paruipendendus erit.

Ad expositionem uero dictam de ca. maiores, dicitur, quod iteræ contradicit. Nam textus causam quare ad Petri sedem sit recurrendum, assignat ueritatem Petri in confirmando fidem & indefectibilitatem eius in eadem propter orationem Christi. Ex hac. n. causa manifeste sequitur, quod ideo ad Papam referendas esse maiores causas dicitur, quia ipse constitutus est indefectibilis iudex in fide. Et quia eū qui certus est amplius certificari non oportet, sequitur quod sententia Papæ in fide est finalis determinatio & necessario credenda secundum illam decretalem. & sic utraq; expositio ruit. Quod autem de oratione Christi pro Petro dicitur, potest bene & male intelligi. Male quidem, si intelligatur q. Christus pro ecclesia siue cū Papa siue sine Papa orasse se dixerit, quoniam expræsse Christus dixit hæc uerba Petro ut distincto ab alijs, ut patet ex cōtextu. inquit. n. Luce. 22. Simō, ecce Sathan expetiuit uos, ut cribraret sicut triticū, ego autē rogavi pro te ut non deficiat fides tua, & tu aliquando conuersus cōfir-

ma fratres tuos. Vbi manifestè patet quòd distinguit tentationis actum ab oratione quo ad hoc, quòd communiter expetiti erant, & tamen ipse singulariter pro Petro rogauerat dicens. expetiuit uos, ego autem pro te rogaui. Apparet quoq; idem ex eo quòd Petro commisit ut confirmaret alios, tanquàm diceret, ego tui, tu autem aliorum curam habeas. Bene autem si intelligatur dominum orasse pro Petro & alijs, diuersimòde tamen. pro Petro quidem immediate, pro alijs autem mediante Petro, pro Petro in supposito Petro, pro alijs autem in Petro ipsorum capite. Et in hoc sensu magis confirmatur intentum nostrum, ut patet.

Et ut unico uerbo dicam, si hæc auctoritas de Petro & successoribus uerificatur (ut dictum est maiores assert) satis habetur intentum qd Petri sedes non potest errare in fide propter Christi orationem. Et cum hoc non sit uerum de errore personali, sequitur quòd uerificatur de errore iudiciali.

CAPITVLVM DECIMVM QVINTVM.

Dixi in eodem, 9. cap. exponendo illud Hiero. si auctoritas queritur, orbis maior est urbe. quòd uerum est quo ad multa, puta merita, uirtutem, scientiam, & in proposito uigorem consuetudinis &c.

OBIECTVR Tu glosas de maioriute meritorum, & Hiero. non dicit, si merita querantur, sed si auctoritas queritur, & sic de maioriute potestatis non meritorum loquitur.

RESPONDEO, Satis diminute glosa mea adducitur, nam (ut patet in libello) ego dixi quòd dictum Hiero. uerum erat. quo ad multa, puta, meritum, scientiam &c. & quòd in proposito & ad litteram Hiero. loquitur de uigore consuetudinis. & obiectio in solis meriti se ponit. Propter quod etiam addo quòd merita ad auctoritatem consuetudinis plurimum ualent, quoniam consuetudo non uiuorum malorum, sed uiuorum sanctorum, maxime est in ecclesia dei auctoritatis, & proponitur imitanda. Et propterea stando etiam in meritis Hiero. textus optime intelligitur, ut quia orbis maior est urbe in auctoritate consuetudinis, propter maiora merita orbis quam urbis, idèd consuetudo orbis qua diaconi subesse non præesse consueuerunt imitanda est. Et sic dicendo si auctoritas quereretur, ratione materie de qua erat sermo, scilicet de loco diaconorum maioriutem meritorum non potestatis in causam auctoritatis afferebat. Facile tamen contendentibus in uerbis dici potest, quòd orbis auctoritas maior est, exten-

siue non intensiue, auctoritate urbis, & similiter potestas.

CAPITVLVM DECIMVMSEXTVM.

DIXI in eodem cap. 9. multas auctoritates ex lib. decreto-
rum, quòd Papa non habet superiorem in terris.

OBIICITVR duabus glosis. Prima est, quòd intelligitur hoc in criminibus non scandalosis ecclesię. Secunda est, quòd intelligitur hoc regulariter, quia regulariter ad superiorem summi pontificis concilium. s. recursus haberi non potest.

RESPONDEO quòd prima glosa est uoluntaria, & falsa. Vo-
luntaria quidem, quia ecclesia canonum, aut sanctorum aucto-
ritate non roboratur. Falsa autem, quia fit exceptio de solo cri-
mine fidei. constat. n. quòd ab uniuersali cū una exceptione fa-
cta nō nisi falso alia exceptio fit. Cum ergo solum fidelitatis cri-
mē exceptū ab uniuersali sit, restat ut alia crīa omnia inclusa sint.
Secunda autē glo. manifeste falsa conuincitur ex eo quòd etiā
de crimine heresis Papa diceretur non habere superiorem, quo-
niam regulariter concilium non est cōgregatum. Tertia autem
glo. quòd auctoritates iste sunt summorum Pont. qui ut in pluri-
bus simbrias suas nimis extēdentes, sibi met tribuerunt quod ec-
clesię est proprium, quia non procedit de Theologiā, aut sacro
rū Canonū, &c. auctoritate quā bene sonet, aduertat, qui no-
tat in quanta ueneratione decretales summorum Pont. in eccle-
sia sunt. Et tanto plus, quanto multorum sanctorum pontificum
auctoritates refutandę sic essent, ut patet de Bonifacio, Anthe-
rio, Eutebio, & aliorum sanctorum in libello allatorum. Taceo
de tot Doctoribus in Theologia & in iure illustribus ibi allatis.

CAPITVLVM DECIMVMSEPTIMVM.

DIXI in cap. xj. quòd ecclesię Dei secluso Papa non est
data potestas papalis, aut superior papali in Euangelio
Matth. 18. & quòd in ecclesia huiusmodi non est talis potestas:

OBIICITVR, quòd dominus ibidē dixit, si ecclesiam nō
audierit, &c. per hoc. n. ecclesię iurisdictionem ostendit in effe-
ctu. s. in pœna excommunicationis, & subdidit in plurali numero,
quęcunq; solueritis, &c. per hoc. n. ostendit, quòd pluribus in
ecclesię nomine contentis dabat illam potestatem. Affertur
etiā ad hoc vsus primitiuarū ecclesię, quando Act. 15. diffinitū
est ab ecclesia. uisū est spiritui sancto, & nobis, nihil amplius one-
ris uobis imponere, &c. Affertur tertio auctoritas Gregorij,

DE COMPARATI. AVTORIT.

quæ ponitur in ca. sicut sancti. ubi Gregorius fatetur se quatuor concilia illa, scilicet Nicenum, Constantinopolitanum, Ephesinum, & Calcedonen. tenere sicut Euangelium. & subdit causam, quia dum uniuersali sunt constituta consensu, se & non illa destruit. quisquis præsumit absolvere quos ligant, aut ligare quos absolunt. Ecce quod non dicit quod summi Pon. sed uniuersali consensu, nec quos Pontifex ligat, sed quos illa ligant. Quarto ad hoc est capitulum decreuit lxxx. dist. ubi dicitur. decreuit sancta synodus, & non dicit decreuit summus Pontifex. Quinto capitulum nimis. de iureiurando. ubi auctoritate sacri concilii non propria summus Pontifex præcipit. Sexto. Ecclesia potest elargiri indulgentias, ergo habet clauis iurisdictionis. Probatur antecedens, quia dantur indulgentiæ de thesauro ecclesiæ, & non Papæ, ergo a fortiori ecclesia potest dispensare. Septimo. Ecclesia potest condere Canones latæ sententiæ, depositionis, excommunicationis: ergo. Antecedens patet de concilio Carthaginensi. in c. placuit. 8. q. j. & habetur extra de clericis non residentibus. in ca. ex gestis.

RESPONDEO. Et ut his & similibus respondendi uia detur, quatuor puncta pre oculis semper habenda in hac materia, & in huiusmodi auctoritatibus assigno. Primum est. Aliud est ecclesiam seu synodum habere potestatem plenariam ratione partis (puta capitis: sicut homo uidet, audit, &c.) & aliud est ecclesiam seu synodum habere eandem ratione suæ totalitatis. Et propterea cauendum est, ne a primo in secundum oratio declinet. Secundum est. Aliud est ecclesia seu synodum habere potestatem plenariam, & aliud est eam habere immediate a Domino IESU CHRISTO. Et propterea cauendum est. ne a primo in secundum oratio declinet. Tertium est. Aliud est ecclesiam seu synodum habere plenariam potestatem, & aliud est eandem habere potestatem talem, scilicet coactivam respectu talis, scilicet uicarij principis sui, potentia enim actiua cum dicatur non absolute, sed respectu passiuæ (ut patet 5. & 9. Metaph.) plenaria potestas plenissime est, quando respectu subiectorum omnia potest. Cauendum est propterea, ne a primo in secundum oratio declinet. Quartum est. Aliud est ecclesiam seu synodum habere potestatem plenariam, & aliud est ecclesiam seu synodum acephalam seu truncam habere eandem. Et propterea cauendum est, ne a primo in secundum oratio declinet.

Ex

Ex his siquidem quatuor sapienter dispensatis, uniuersa questionis istius argumenta facile elucescent, sic ut nullum forte obsecrum relinquatur. Ad singula tamen descendendo respondetur. Et ad uerba domini Matth. 18. dicitur (ut iam probatum est) quod dominus non dat ibi ecclesiae auctoritatem, sed significat eam habituram potestatem, non explicando ibi quomodo habitura sit. & an secundum se totam primo, an ratione partis, hoc. n. nō negamus, sed docemus. Verba quoque illa in numero plurali nō cogunt ad auctoritatem ecclesiae ratione suae totalitatis, imo absque determinatione ad hunc uel illum modum potestatis ecclesiae. s. ratione totius uel partis oportere intelligi, ex hoc conuincitur, quod utroque modo uerificari possunt, ut patet ex dictis. constat. n. euidenter quod cōmune duobus abstrahit ab utroque. Potest igitur ille numerus pluralis referri ad pluralitatem ecclesiarū futuram, & ad pluralitatem conuenientium in ecclesia, ad conferendum, discutiendum, probandum &c. & ad pluralitatem accumulantium suas auctoritates in cōmuni, propter quod ex illa littera nihil habetur obstandi dictis. Ad secundum ex primitiua ecclesia, dicitur, quod gratis conceditur ecclesiam statuisse, sed an potestate partium (puta trium apostolorum) an communitatis per accumulationem in cōmuni, an aliquo alio modo (puta a Christo immediate, ut isti falso putant) nihil ibi exprimitur. Et propterea ex ista auctoritate, & ceteris subiunctis, & similibus, nec habetur ista affirmatiua. s. ecclesia seu synodus habet immediate a Christo potestatem, nec habetur ista negatiua. synodus non habet potestatem a domino mediante Papa. Et de affirmatiua quidem ex eo constat, quia cum multipliciter possit uerificari synodum habere potestatem (ut patet ex dictis) & ex his nihil aliud habeatur, nisi quod synodus habet potestatem, oportet hoc sic communiter intelligi, ut a singulis huiusmodi sensibus determinate abstrahat. De negatiua autem ex eadem radice constat, quia. s. synodum habere potestatem, non oportet quod intelligatur determinate ad illum modum quo excludatur habere potestatem a domino mediante papa (ut contingit quando per accumulationem ecclesia habet potestatem) quia omnes partiales potestates sunt a petro, & cōcatio potestatis suae cum alijs ab eodem est, qui solus a domino utpote eius uicarius immediate potestatem habet, & ratione eius solius synodus integra potestatem uere dici, quod habet immediate potestatem a Christo domino. Ad

DE COMPARAT. AVTORIT.

auctoritatem Gre. dicitur, q̄ causa reddita a Gregorio manifeste
 fauet intento nostro, quoniā nō reddit pro causa auctoritatē imē
 diate datā a Christo, sed uniuersalem cōsensum, ac per hoc ē ip-
 sius summi pōtificis, qui caput est. & propterea seipsum negaret
 papa, illa negans, ut ibi dicitur. Ex hac quoq; Gregorij rōne ha-
 betur quod diximus, quod auctoritas synodi includit caput, alio-
 quin nō faceret uniuersali consensu quā facit. Et inuitur q̄ pote-
 statē habet a suis partibus, ad quarū negationē deducitur negās
 illā. Et rursus ex hac auctoritate nihil aliud habetur, nisi quod sy-
 nodus habet potestātē diffiniēdi &c. Et per hoc patet respōsio
 ad quartū. Ad quintū uero dicitur, quod cum synodus integra
 habeat potestātē uniuersalē quocūq; id modo cōtingat, & aucto-
 ritas quā est ipsius papæ absolute & ut propria sit ipsius synodi
 protunc & ut cōicata, quēadmodū quilibet alius posset uerā di-
 cere auctoritate sacri cōcilij, statuto &c. ita ipse papa, cum nō sit
 deterioris cōditionis alijs. Neq; n. per hoc quod affirmat se syno-
 di auctoritate facere, negat sua se auctoritate facere. Imo potius
 affirmat hoc, quia auctoritas de necessitate claudit in se auctori-
 tatē capitis. Neq; rursus per hoc, quod affirmat synodi auctori-
 te se facere, affirmat se aliena auctoritate facere. licet. n. synodus
 sit aliud a Papa, sicut ecclesia alicuius episcopi differt ab episco-
 po, nō tamē oportet, quod potestas ecclesiæ sit aliud a potestate
 ep̄i, sed una & eadē pōt esse utriusq; diuersimode, ep̄i ut propria,
 ecclesiæ ut cōicata. Et per hoc ē patet, quod per hoc quod affir-
 mat se sacri cōcilij auctoritate facere, nō p̄pterea affirmat se mi-
 norē in auctoritate. Et quāuis hęc satisfaciāt, uerūtāmē cōde-
 scēdēdo multorū sensui, scito q̄ dupliciter papa pōt dici minor
 synodo secūdū potestātē. s. extēsiue, & quasi intēsiue secūdū qd.
 Extēsiue quidē quia synodus integratur ex tot potestatibus tā
 tā multitudinis. Intēsiue uero secūdū quid, hoc est secūdū illam
 partē potestatis, quā cōicat papa cōcilio, quasi pro portioe sua.
 Papa. n. præsens synodo nō intelligitur (ut prædictū est) totā suam
 potestātē totaliter synodo cōicare. sed tātum suæ potestatis quā
 tum ad decernēdum &c. oportet. & sic ex eo potestatis papæ &
 reliquis potestatū aliorū sit una potestas, quasi intēsiue maior
 quā id potestatis papalis solū esset. Et hęc maior præs intelligit
 esse in tota synodo rāquā in subiecto. Dixi aut quasi intēsiue,
 quia præs illa papalis eo quod cōicatur ut limitata, sic ut cū alijs
 potestatibus possit uelut quēdā singularis potestas accumulari,

intelli-

intelligitur & superari a tota, pro quāto tota pōt uniuersale stat ut
tūm cōdere diffinire &c. quod illa ut sic non potest per seipsa in
solā. Sed quoniā tota potestas synodi nō plus pōt quā ex singulis
huiusmodi potestatibus habeat, ideo non simpliciter, sed quasi in
tensue maiorem appellauit. Et ne putes me hanc portionē pa-
palem fingere, contemplare potestatem legatorum papæ in syno-
do, quādo per legatum papa synodum celebrat, & uidebis clare,
quod quia papa tunc non erigit legatum illum in papā, sed potes-
tatem cōmittit quātā oportet pro synodo haberi, ex sola præ-
sentia papæ in synodo non habetur quōd plus suæ potestatis sy-
nodo impartiat quā oporteat, quāuis maior dignitas, & infal-
libilis assistentia spiritus sancti in synodo quo ad ea quæ sunt fi-
dei, præsentiam papæ per seipsum consequantur. Vnde quāuis nō
cogamur, possumus tamen dicere quōd, papa tāquā minor extē-
sue & secūdū quid intensue synodo, auctoritate sacri cōcilij dici-
tur facere, quod tamē de plenitudine suæ potestatis posset & face-
re & tollere. Et quoniā uerba prædicta (.s. facere auctoritate
synodi uel cōcilij in papa habēt spēm minorationis) ideo a sacris
canonibus nō sunt extēsa, sed more similiū locutionū sunt pæ in
tēpretationi relictā, & quasi correctā, dum papa in cōcilio dicit,
statuimus sacro approbante cōcilio, approbare. n. cōc est pote-
stati, sapiētīæ, consensui. nec superioritatē, nec equalitatē potesta-
tis i approbātibus exigit, ut patet. Ad sextū dicitur, quōd licet
ecclesia integra possit dare indulgentias &c. & eius sit thesaurus
meritorū unde sūt indulgētīæ, ut propter cuius utilitatē est. non
tamē eius sunt ut dominæ, quoniā ipsa est serua domini Iesu, & q̄c
quid acquirat seruus, acquirat domino suo. & ipsi dictū est. cū fece-
ritis q̄cūq; mādauero uobis, dicite quod debuimus fecimus, ser-
ui inutiles sumus. Vnde nō magis ad ecclesiā, sed ad uicarinū do-
mini spectat dispensatio thesauri in utilitatem ecclesiæ, pro quā
est. Ad ultimū iam patet, quōd gratis concedimus synodū,
quæ uere synodus est. s. integram potestatem habere deponēdi,
excōmunicandi &c. De hoc. n. non est questio, sed de modo ha-
bendi, ut patet ex dictis. Et hæc sufficiant ad similia.

CAPITVLVM DECIMVM OCTAVM.

DIXI in eodem. xi. ca. quōd ex hoc quōd apostoli miserūt
Petrum & Ioannem ad Samaritanos, nō potest inferri eos
subditos esse apostolis, quia ex missum esse non sequitur
subditum esse, ut patet de spiritus sancto.

Obijci-

OBICITVR, Ista consequentia est optima, spiritus sanctus mittitur a filio, ergo est ab eo uel eo inferior, & sic oportet fateri, quod Petrus est ab ecclesia, ex quo non est inferior.

RESPONDEO, quod consequentia illa quæ uocatur optima, non est uere optima, cum non sit bona nisi gratia materia, quoniam spiritus sanctus mittitur a seipso (ut patet in primo sensu di. 16.) & tamen non est a seipso, nec inferior seipso. Et similiter filius mittitur a seipso, immo etiam filius mittitur a spiritu sancto, qui est a filio, ut patet in eodem lib. di. 15. Et quia consequentia non est bona de forma, ideo non infert ergo Petrus est inferior ecclesia, uel est ab ecclesia.

CAPITVLVM DECIMVMNONVM.

DIXI in eodem ca. xj. quod ex. 36. q. 2. ca. placuit. iuncto ca. tria. habetur quod Hieronymi auctoritas innixa sacre scripture præualuit concilio.

OBICITVR, quod Hieronymus & dictum concilij intelliguntur pro diuersis temporibus, & quod uerba Gratiani ibidem inter paleas computanda sunt.

RESPONDEO, quod licet certum sit quod Hieronymus absolute & non secundum hoc uel illud concilium futurum loquatur, & quod concilium generale posset prohibere quod non est absolute prohibitum, uerba tamen concilij non tanquam constituentia sed declarantia ius sumpta, Hieronymi auctoritati non præiudicant. & hoc intendit Gratianus, & non quod non posset statuere. Veruntamen quicquid de hoc sit, satis habeo intentum meum ibidem, dum ex illo loco habetur siue autoritate Gratiani, siue quacumque alia, quod Hieronymi auctoritas præualuit concilio, & ita hodie iuxta Hieronymi, non iuxta concilij auctoritatem seruat ecclesia. Quod autem computentur uerba Gratiani inter paleas ab arguentibus, nihil obstat, quia oportet quod ab alijs & non ab ipsis solis inter paleas computentur.

CAPITVLVM VIGESIMVM.

DIXI in eodem ca. xj. ex autoritate decretalis de electione in ca. significasti. quod concilia a Papa auctoritatem habent.

OBICITVR Dicendo, quod illud est intelligendum de concilio quantum ad suum congregari, quia regulariter autoritate Romani pontificis congregatur, sed ex quo congregatum est, siue autoritate Romani pontificis, siue alias habet immediate auctori-

autoritatem a Christo.

RESPO. ND. O. quòd expositio ista repugnat textui, Nam ibi duo dicuntur habere concilia a Ro. ecclesiæ autoritate quòd facta sunt, & q̄ robur acceperunt, & primũ ut patet, refertur ad ipsum congregari, secundum autem nisi superfluat ad autoritatem congregari. Et cõuincitur hanc esse absq; omni ambiguitate intencionem, litem illius, quia reddit rationem, quare concilio rum legibus apostolica sedes non subest. Si. n. dependerent concilia tantum in congregari a Papa, ex quo leges faciunt postquam congregata sunt, nihil ualeret ratio assignata ad intentum inferendum. Patet namq; manifeste quòd ex hoc quòd concilia regulariter nõ congregantur nisi per Papam, non sequitur, ergo non præfigunt legem Papæ, quia stat, quòd cõgregata præfigant legem, si congregata non pendent ab ipso.

CAPITVLVM VIGESIMVM PRIMVM.

DIXI in eodem. xj. ca. quòd concilium uniuersale legitime congregatum errare potest diffiniendo, Papa absente, aut non consentiente, & quasi dixi, quòd potest errare eodem modo in his quæ sunt fidei.

OBI. C. T. V. quia ad concilium generale spectat determinatio eorum quæ sunt fidei. & ipsi promittitur, quòd docebit uos spiritus sanctus omnem ueritatẽ. In cuius signum Act. 15. ponitur spiritus sanctus præsidens concilio apostolorum, cum dicitur. uisum est spiritui sancto & nobis. & non dixerunt, uisum est Petro & nobis. Hoc satis innuere uidetur Aug. euangelio nõ crederem, nisi me autoritas ecclesiæ admoneret.

Et in sexta synodo (ut patet di. 16. cap. placuit) dicitur. Placuit huic sanctæ Synodo, ut ammodo confirmata & rata sint canonum apostolorum. 83. capitula. Hoc quoq; deduci potest ex illo. ecce ego uobiscum sum omnibus diebus usq; ad consummationem seculi, hoc. n. successoribus apostolorum dicitur. concilium. n. generale representat concilium apostolorum & seniorum.

Hoc idem patet ex eo q̄ quilibet fatetur se credere in unam sanctam ecclesiam catholicam, ex hoc. n. sequitur q̄ ad eam ultima decisio eorum quæ sunt fidei spectat. Cum. n. Papa fatetur se credere in unam sanctam ecclesiam, non dicit se credere in semetipsum. P. Ecclesia uniuersalis non potest errare in fide, & concilium gaudet eodem priuilegio, quo ecclesia repræsentatur sicut eadem potestate. Immo cum ecclesia ut dispersa nullum
actum

atque iurisdictionis exercere possit, nec aliquid sententialiter diffinire, infallibilitas in diffiniendo ei competere debet, ut congruenter in concilio. Et si dicatur quod Papa representat ecclesiam sicut concilium, diceretur quod Papa representat ecclesiam remote, concilium autem propinquissime, quia in eo est aliquis de quolibet ecclesia saltem sufficienter vocatus. & privilegium ecclesie transit in concilium immediate eam representans, non autem in summum pontificem.

RESPONDEO. Hæc obiecta dupliciter deficiunt & primus defectus communis est omnibus. secundus aut quibusdam obiectationibus communis. Defectus omnium obiectationum est, quia a concilio declinant ad concilium secluso Papa. Ex cuius proprio privilegio (concilium quippe generale sine Papæ consensu non diffinit) constat quod non uniuersali consensu diffinitio illa facta est, cum Papa supremum in ecclesia dei teneat locum, officium, & regimem etiam uniuersale. Quod autem uniuersali consensu diffinitum non est, proculdubio a concilio ut ecclesiam uniuersalem representat, diffinitum non est. Dico igitur quod, propositio dicens quod concilium generale non potest errare in iudicio fidei est uera simpliciter & absolute, de concilio iudicante in fide cum Papa. & non est uera de concilio acephalo. 11303 O. 28. 11

Et hæc responsio sufficit ad omnia obiecta quantum ad intentionem conclusionem. Sed quantum ad uim ipsarum obiectationum, in speciali dicitur. Et ad primam quidem quod, ad concilium generale spectet ultima decisio fidei, dicitur quod hoc verificatur de concilio ratione capitis, sicut de homine quod uidet ratione oculi. Et quod hoc sit uerum, patet de concilio Ariminensi & Ephesino secundo, quorum primum errauit in fide cum Arrio, secundum autem etiam errauit in fide cum Euthicete. 11304 O. 28. 11

Et quod amplius est notandum, istud secundum fuit etiam auctoritate apostolica congregatum, & in neutro consensit erronee diffinitioni Romanus pontifex. Et de Ephesino quidem secundo, clare patet ex multis epistolis Leonis, & gestis Calcedonen. synodi. De Ariminensi uero patet ex Rufino in ecclesiastica historia, & in historia tripartita lib. 5. ca. 29. Ex effectu igitur manifestum est, quod uerbum domini, spiritus sanctus docebit uos omnem ueritatem, non dictum est concilio dissentienti a Papa, quamuis legitime congregato. Hæc recte examinent omnes qui hac de re decernunt, ut caueant, & a sensatis non recedat iudicium.

Ad secundam dicitur, quod etiam si concilium illud apostolorum, &c. fuisset concilium generale, nihil aliud haberetur, nisi quod concilio integro cum Petro presente, & primo, spiritus sanctus præsideret, quod gratis conceditur. Sed quare ibi in cōmuni diffinitum sit, & quod non fuerit generale concilium illud in libello illo diximus. Ad tertium patet etiam, quod Aug. dixit. nisi auctoritas me admoneret ecclesiæ, & non dixit ecclesiæ acephale. Ad quartum fateor me non uidere quid probet, nisi contra asserentes, quia canones apostolorum quāmus a synodo confirmati euanuerunt. hoc. n. non facit ad celsitudinem potestatis synodi, quā illi intendunt. Ad quintum dicitur, quod ad litteram loquitur de ecclesia vniuersali, quæ nunquam deficit, hæc enim est, quæ succedit apostolis & alijs quibus dominus loquebatur. Ab ecclesia autem, uel etiam concilio eam representante, ad concilium acephalum, non ualet argumentum.

Ad sextū dicitur, quod antecedens assumptum ex articulo fidei de una sancta ecclesia potest dupliciter legi. scilicet cum præpositione in (dicendo, credo in unam sanctam ecclesiam catholicā) & sine illa præpositione, quod melius iudicat diuus Tho. dicendo. credo unam sanctam ecclesiam catholicam. Et siquidem dicitur credo in unam, &c. sumitur ecclesia pro ecclesia integra, corpore. scilicet & capite quod est Christus dominus, ratione cuius in ecclesiam dicimur credere. Et tunc optime ualet consequentia, ergo ad huiusmodi ecclesiam pertinet ultima decisio fidei, & quod Papa non dicitur credere in semetipsum. Summi quoque potest pro ecclesia in terris ut iungitur spiritui sancto, ratione cuius dicimur credere in ecclesiam, ut diuus Thomas placet. Et sic etiam patet quod optime ualet consequentia, quod ad ecclesiam catholicam iunctam spiritui sancto, ut sic spectat ultima decisio fidei, & quod Papa nō dicitur propterea credere in seipsum, sed in spiritum sanctum, ut est ecclesiæ rector, sed non ualet ulterior consequentia, ergo ecclesiæ acephalæ. Si autem legatur sine præpositione, tunc dicitur ut supra, quod creditur una sancta catholica ecclesia, sed non ualet, ergo ecclesia acephala. Et conceditur quod unam sanctam ecclesiam catholicam spectat ultima decisio fidei, sicut, & potestas iurisdictionis, quæ conuenit ei ratione partis. Nec Papa credendo ecclesiam dicitur credere seipsum, sed dicitur credere officium suum, & aliorum. in cuius signum a fide deuiaret, si non crederet officium suum. Ad se-

DE COMPARAT. AVTORIT.

primum dicitur primo, q̄ concilium etiam integrum non admittit gaudere de necessitate privilegio personali ecclesie (quale est esse semper in ecclesia fidei formatam) quoniam de ecclesia hoc constat, de concilio autem nullibi inuenisse me fateor autentica auctoritate firmatum, quàmuis rationabile sit de facto, ita esse; q̄. s. in aliqua persona concilij sit fides formata. Dicitur secundo q̄ non posse errare in fide iudicialiter est privilegium ecclesie ratione capitis, ad quod spectat iudicium. Et ideo non est privilegium ecclesie acephalæ, nec ecclesie. i. collectionis fidelium, ad quam non spectat potestas iurisdictionis, quam tamē ecclesiam pro collectione fidelium omnium, tamen concilium representat, & cui promisit dominus quòd secum esset. Et ex hoc patet quantum deficit argumentum illud. nam procedit ac si ecclesie ratione communitatis conveniat privilegium illud non posse errare iudicialiter, cum constet quòd sicut iurdictio convenit ecclesie ratione capitum, ita actus iurisdictionis. Et quia actus iste. s. iudicialiter diffinire de fide, concernit universalem ecclesiam, ideo convenit ecclesie ratione capitis, cui commissa est cura universalis ecclesie, sicut alij actus ratione aliorum capitum proportionaliter. Dicitur ergo tertio formaliter, quòd concilium integrum gaudet eodem privilegio officij nō personæ quod gaudet ecclesia, & eodem modo. s. ratione partis, puta capitis & similiter gaudet eadem potestate, & eodem modo, sed ex hoc magis habetur intentum. Et concedo gratis, quòd infallibilitas in diffiniendo de fide, convenit concilio integro ratione capitis, & non ab ecclesia, cui etiam hoc non convenit nisi ratione capitis, sed a Domino I a s v, cuius caput uices gerit.

Quod autem dicitur de representatione immediata, & remota, duò importat; scilicet representationem ecclesie per Papam & concilium, & modum representandi. Et quo ad representationem dicitur, quòd inter Papam, & concilium tanta est in hoc differentia, quòd concilium representat universalem ecclesiam integram (hoc est corpus cum capite) proportionaliter, sic quod caput concilii representat Christum caput ecclesie, & corpus concilij corpus ecclesie. Et hic est verus, & indubitatus sensus, quo concilium, universalem ecclesiam representare dicitur, & a domino immediate potestatem habere. Ecclesiam autē in terris positā, conciliū integrum quo ad partem representare dicitur, pro quanto omnis ecclesiastica pars in eo inuenitur per seipsam

seipsam uel in sua uicaria. quo ad uota uero, quia intelligitur in ipsum consentire omnium personarum ecclesie uota, ut patet ex autoritate Gregorij supra inducta. Papa autem uniuersalem ecclesiam integram, & in terris ecclesie potestatem & uota, difformiter representare inuenitur. nam caput dominum .s. Iesum Christum participatiue, Papatum in seipso formaliter, relique ecclesie potestatem & uota eminenter representat. De differentia autem obijciendo tacta, totum oppositum est, quia dum ratione prelatum concilium ecclesiam representare dicitur, & solus Papa immediate a Christo prelatum est, reliquum autem ecclesie corpus a domino mediante Petro munus hoc habet. oportet dicere quod Papa immediatius representat ecclesiam quam concilium, quia Papa mediante solo Christo, concilium autem mediante Christo & Papa.

CAPITVLVM VIGESIMVM SECVNDVM.

DIXI in ca. 13. quod potestas applicatiua papatus ad personam, regulariter & principaliter est in Papa, & non nisi in casu in concilio seu ecclesia. & in ca. 6. idem sub alijs uerbis. .s. quod potestas electiua Papae, in Papae potestate est. Et attuli ad hoc utrobique duo argumenta. Primum ex facto Petri. 8. q. 1. ca. si Petrus. Secundum ex eo quod Papa determinat de actu electionis, ita quod contrario modo factus sit irritus.

OBIICITVR contra quatuor .s. contra hoc, quod talis potestas est in Papa, & contra hoc, in casu tantum est in ecclesia seu concilio, & contra utrumque argumentum. Primo ergo arguitur contra primum ex Occham. si potestas electiua Papae esset in potestate papae, sequeretur quod papa posset relinquere ecclesiam absque potestate electiua, quod est impossibile, ergo. Et tenet sequela, ponendo quod mortuis, uel priuatis electoribus papa non ordinaret electores. Et si dicatur quod in tali casu deuoluitur ad ecclesiam. Contra, quia tunc sequeretur quod ecclesia esset superior papa, quod tu negas. Et tenet sequela, quia nunquam potestas aliqua ex negligentia alicuius deuoluitur ad alterum, nisi sit simpliciter & absolute superior, potestas enim papalis, non deuoluitur ad episcopum ex negligentia papae non prouidentis alicui beneficio, sed e conuerso. P. Si ecclesia in illo casu habet potestatem electiuam, quaeritur a quo habet immediate, cum a seipso non habeat. Si dicatur a Christo, difficile erit reperire

in factis literis fundamentum, in quo possit stabiliri quod in illo casu habeat, & non regulariter. Secundo principaliter arguitur ex armachano. Non est verisimile, quod dominus voluntati unius hominis commisit potestatem electiuam summi pontificis, quia posset euenire, quod una progenies diceret, hereditate possideamus sanctuarium dei, dum quilibet in fine uitæ suum eod sanguineum subrogaret. Tertio. Quia sequeretur, quod etiam potestas destitutiua papæ in casu heresis, quo deponi potest, esset in papa, & sic par in parem haberet insuperium. Et rursus quod papa posset constituere, quod papa hereticus a duobus vel tribus deponi posset. Et tenet sequela, quia per easdem causas habent generari & destrui potestates istæ. Quarto. Si in papa esset potestas, electiua papæ, uel ergo est in eo potestas illa sic quod per semetipsum potest successorem eligere, uel solum quia aliquibus potest illam potestatem communicare. Hoc secundum nihil habet apparentie. Ex primo autem si concedatur, sequitur hoc inconueniens quod esset in potestate duorum facere quod alternatis uicibus, quilibet per annum in ordine suo esset summus pontifex, more Annæ & Cayphæ. Et patet consuetudo, quia unus papa pro sua uoluntate potest eligere alterum in papam, & in fine anni ille alter reeliget eundem, & sic deinceps. Quinto. Christus non contulit papæ aliquam potestatem perniciosam ecclesie, sed (ut habet glossa in cap. si petrus) hoc est perniciosum quod aliquis eligeret sibi successorem, ergo Christus non contulit illam potestatem.

Contra rationem ex facto petri allatam, dicitur primo, quod petrus non instituit Clementem, sed instituendum ordinauit. Dicitur secundo, quod hoc fecit instinctu spiritus sancti, quo et præuidit mortem. Dicitur tertio, quod papa in casu necessitatis quo electores non possent congregari, & pro occurrenti periculo opus sit pastore, potest papa moriens instituere successorem.

Contra rationem autem, ex hoc quod papa statuit circa actum electionis et electores determinando, &c. dicitur, quod papa non dedit potestatem electiuam Cardinalibus, sed ecclesia uniuersalis in sexta synodo in cap. in nomine domini. ubi Nicolaus papa non propria auctoritate, sed sanctorum patrum statuit. Et propterea ubi Cardinales potestate sibi tradita abuterentur manifeste, uniuersalis fidelium posset eos priuare potestate electi-

ua papa, & alijs eam committere.

RESPONDEO. Et primo declaro sensum uerborum meorum in libello illo. secundo quid in hac materia mihi uideatur. tertio satisfacere curabo obiectis.

Quo ad primum nunquam dixi, quod papa potest sibi eligere successorem, nec quod potestas electiua papæ sit in papa formaliter, nec quod potestas applicatiua papatus ad personam sit in papa formaliter, sed dixi quod huiusmodi potestas est in papa regulariter, & principaliter. Constat namque apud uiros doctos, quod multa sunt in potestate superioris, quæ non sunt in illo, & eius potestate formaliter, & quæ etiam non potest per se ipsum immediate facere. Sunt enim in intelligentijs (quas angelos dicimus) formæ inferiorum, & eorum potestates, non tamen formaliter, nec sic, quod possint earum actus per seipsas exercere. sunt in corporum Cœlestium potestate formæ elementorum, & eorum potestates, non tamen formaliter, nec sic quod eorum opera possint per seipsa exercere. Stat igitur quod huiusmodi electiua potestas sit in papa regulariter, & principaliter, & non sit in eo formaliter, nec possit per seipsum huiusmodi potestatis actum exercere. Sumantur ergo uerba mea in hoc sensu, quod potestas electiua est in potestate papæ uirtualiter seu eminenter, & hoc quo ad modum essendi, & quod est in potestate papæ regulariter. In ordinario iure, ad differentiam ecclesiæ uiduæ, in qua est huiusmodi potestas in casu, & principaliter ad differentiam eiusdem ecclesiæ, in qua est secundario, pro quâ tunc in casu potest non solum eligere, sed facere electores, & ordinare de modo electionis. Hæc de primo.

Quo ad secundum, quia eius est potentia, cuius est actus (ut dicitur in de sonno, & in gilia) & electionis papæ actus simpliciter, & absolutè non est papæ, ideo potestas electiua papæ non conuenit formaliter papæ. Probat minor. electio papæ est actus factiuus quantum ex se est tunc papæ, eego repugnat ei, quod præsupponat pro tunc papam. Et tenet consequentia, quia quod si non est, si enim esset iam non fieret. Tunc ultra, ergo electio papæ non est papa, & tenet sequela, quia elector præsupponitur secundum naturam electioni, & est simul tempore cum electione. Tunc ultra, ergo actus electionis papæ non est papæ, & tenet sequela, quia electio papæ est actus electoris papæ. Ex hoc igitur patet, quod potestas electiua papæ, cuius actus simpliciter, &

absolu-

absolute est electio factiua ex natura sua tunc, papa nō est in papa potestate formaliter. Et confirmatur auctoritate consuetudinis, ecclesiasticæ, qua fit ut electiones pastorum non fiant nisi vacationis tempore, necnon diuinæ sapientie suauiter omnia disponētis, quæ dixit, sufficit diei malitia sua, Crastinus enim dies sollicitus erit sibi ipsi. In subiecto igitur opportuni temporis quo potestas electiua eligere debet, locata est formaliter, & nō in papa, qui solum præueniendo sollicitudinem crastini diei eligere posset, ut patet. Subiectum autem huiusmodi electiue potestatis formaliter (iuxta peripateticam, & apostolicam simul auctoritatem, qua inuisibilia ex uisibilibus cognoscenda a nobis sunt) ex ipsius electionis actus exercitatione inuestigandum est. Apparet autem absque omni ambiguitate, quod electio papæ ad Romanam ecclesiam spectat, computando intra Romanam ecclesiam episcopos Cardinales, qui uelut suffraganei Romani Archiepiscopi introducti uidentur. Et propterea cessante omni humano statuto, certisque existentibus ecclesiæ Romanæ membris, in eadem regulariter est potestas electiua papæ, non minus, quam in cæteris ecclesijs potestas electiua suorum episcoporum. Ex eo enim quod Christus dominus Romanam ecclesiā elegit in Petri ecclesiam propriam, dum ipsi ne ex Roma, sicut ex Antiochia papatum transferret inhiuit (dicens, uenio Romam crucifigi) ecclesiæ Romanæ potestatem electiuam papæ non positiuè, sed negatiue, hoc est, oppositum non ordinando, concessisse dicitur. In casu autem incertorum electorum, ecclesiæ uniuersali eandem potestatem eadem ratione (quia scilicet, est episcopus uniuersalis ecclesiæ) & eodem modo, scilicet, negatiue dedisse intelligitur. Ex statuto autem humano, apostolica auctoritate contractum per uiam determinationis positiuè est subiectum potestatis electiue ad Cardinales Romanæ ecclesiæ solos. Papa enim ex eminentia potestatis, cure ac regiminis uniuersalis, potest de electiua potestate decernere, ipsamque sic dirigere, & ordinare, ut contrario modo faciendo irrita sit in suo opere, & subiecto, ut patet in gestis ipsorum pontificum & obseruatione ecclesiæ. Hæc de secundo.

Quo ad tertiū respondēdo obiectis pro quāto militāt aduersus hæc, dicitur ad primū, quod impossibile est ecclesiā relinqui absque papa; & potestate electiua papæ, quoniā decedente papa absque ullo decreto de hoc, negatiue relinquit potestatem electiuā ecclesiæ

Roma-

Romanæ, sicut Linus successor Petri immediatus electus creditur.

Responsio quoq; data quod per uiam deuolutionis potestas applicatiua Papatus ad personam esset in ecclesia uniuersali in casu, pro quanto ex meo libello assumitur, nō intelligitur de deuolutione propter negligentiam, cōtra quam obijcitur, sed communiter. & propterea non sic arctatur deuolutionis uocabulum, quin siue deuolutionis, siue successionis, siue suppletionis, siue cuiuscunq; alterius modi in hac sententia uiam includat. Vnde non super negligentia electorum, sed super defectu ordinariorum electorum fundauit, & in tali non in alio casu ibi dicta intelligo. Existentibus siquidem certis electoribus, qui hodie sunt Cardinales, non succedit Romana ecclesia, neq; ecclesia uniuersalis, defunctis autem omnibus Cardinalibus, Romana ecclesia a qua Linus est electus ante humana iura nobis nota, immediate succedit. Quia tamen pars clauditur in toto, & in ecclesia uniuersali clauditur ecclesia Romana, si concilium generale cum pace Romanę ecclesię eligeret in tali casu Papam, uerus papa esset ille qui electus sic esset. A quo autem ecclesia Romana aut ecclesia uniuersalis haberet in casu potestatem electiuam Papę & non regulariter, facile patet. Nam constat quod haberet a Christo, & euangelicario negatiue, quia .s. neuter ordinauit oppositum, & Christus dominus statuit Petrum in successoribus perpetuum. Stante siquidē hoc secundo, cum successio carnalis in nouo testamento consilio callitatis, maxime conuenienti perfectissimo statui (qualis Papę est) dissonet, uoluntaria quoq; quasi adoptio uel institutio successoris suauis ecclesię dispositioni aduerfetur, uia electio nis perpetuandus relinquatur successor Petri, proculdubio ab ecclesia sua. quæ quia est & Romana & uniuersalis, nisi ipse Papa de terminet qui Romanam & uniuersalem ecclesiam representent in eligendo, determinationi ipsius Petri & domini, qua facta morte, .s. Petri in episcopatu Romano determinatū est quod ecclesia Romana representet ecclesiam uniuersalem in electiua potestate (ut patet si secludamus omne ius positiuū per intellectum & aspiciamus ad ecclesię antiquę consuetudinem) standum est. Vnde non oportet sollicitari de autore potestatis electiue in casu, & non regulariter in ecclesia. Ad secundum dicitur, quod non est contra sensum declaratum. Argumentum tamen non est ostensuum, nec ducens ad inconueniens ex natura potestatis, sed ex abusu, ex quo si liceret arguere, nescio quæ potestas uniuersalis

uersalis recte committi posset. uoluit. Ad tertium dicitur, quia quilibet potestas ecclesie est inferior potestate Papae cui reliquae subiacent potestates, nullum inconueniens uideo concedere, quod in Papae potestate eminenter continetur potestas etiam, depositiua Papae heretici, & quod posset constituere, & quod a collegio Cardinalium posset deponi in casu quo deponendus est. Nec sequitur, quod par in parem habeat imperium, quia non supra Papam sed supra coniunctionem papatus cum persona, exerceret imperium, in statu in quo coniunctio illa est in corrumpi ex diuino iure. Ad quartum dicitur, quod proprie loquendo neutro modo est potestas electiua in Papa, sed quia potest determinare electores & modum eligendi. Vnde non oportet ad inconueniens deductum respondere, quod tamen ex abusu potestatis sequeretur. Ad quintum dicitur, quod non potestas sed abusus potestatis si data esset a Christo, esset perniciosus.

Ad obiecta uero contra rationem ex facto petri, dicitur quod prima glosa uidetur contra textum dicentem tradente sibi Petro, & non dicit ordinante quod sibi traderetur. Secunda uero glosa acceptari potest, quamuis non sit autentica, praesertim quia mortem non instinctu spiritus sancti sed domini uoce agnouit, dicentis. uenio Romam iterum crucifigi. Tertia autem glosa si acceptatur, eminentie potestatis Papae fauet, ut patet, sed quomodo tunc fuerit talis necessitas deberet a periri. Videtur tamen mihi, quod uel iuxta secundam glosam instinctu spiritus sancti Petrus hoc fecerit, uel de eminentia potestatis (propter quod dissolutum a spiritu sancto dicitur factum Petri, non semper erunt Petrus & clemens) uel potius quod tanquam incertum factum, auctoritatem firmam non faciat. Dico autem incertum, quia ecclesia, linum & cletum reputas, summos pontifices, computatis annis quibus quilibet eorum rexit ecclesiam Ro. ante Clementem, testari uidetur quod uerba illa Ioannis Papae tertij tanquam narrativa crediti facti accipienda sint, & non ut autorizantia factum, quod narratur, propter quod auctoritate illa utimur, ut ualeat quantum ualere potest. Accidit ad hoc uersus in glosa ibidem de clemente dicens. Disputat hoc mundus quartus fuerit, uel secundus. Ad obiecta demum contra rationem ex hoc quod papa statuit de electoribus papae, dicitur quod manifesto constat, ex illo, scilicet in nomine domini, quod propria auctoritate papa illud statuit in synodo, ut patet ex illis uerbis, uenerabilis Pontifex decernens

nens auctoritate apostolica inquit . Mirum est autem, quòd arguentes non aduerterint grammaticam constructionem in sequentibus (ubi dicitur. quapropter instructi prædecessorum nostrorum aliorumq; sanctorum patrum auctoritate, decernimus, ut obeunte, &c.) & dixerint propter hæc verba, quòd papa non propria, sed sanctorum patrum auctoritate statuit, cum li auctoritate determinet li instructi, & non li decernimus. unde solidum stat quòd papa auctoritate propria statutum illud fecit. Quàm uis etiam omnia statuta de electione papæ, quo summus Pontifex etiam in synodo fecit, propria auctoritate fecerit, & sancti patres in synodo congregati nihil possint sine auctoritate Romani Pontificis statuere. Hæc quoq; ex auctoritate papæ fieri comprobantur, dum statutum Gregorij decimi cum concilio Lugdunen. (quod habetur in 6. de electio. ubi periculum. disponens de electione Papæ, reuocatum per Adrianum & Io. XXII. ac deinde reassumptum per Celestinum V. & Bonifacium VIII.) robur auctoritatis habet, ut gl. in eodem ca. dicit Clementinā quoq; ne Romani, de electione papæ, a papa non a concilio generali factam esse patet in Clementinis de electione. Multa quoq; circa electionem papæ statuta in di. lxxix. patet a Gratiano referri. Et nouissime Iulius II. qui uiuit & regnat, statutum nouum edidit de electione papæ absq; concilio generali. Vnde negare huiusmodi potestatem in papa, est negare sensum.

CAPITVLVM VIGESIMVM TERTIVM.

DIXI in c. 20. 21. & 22. quòd in ecclesia Dei est potestas auctoritativa super coniunctionem Petri, & papatus, non autem super Papam.

OBIICITVR contra tripliciter. Primo quia contrariantur dictis in libello illo. Secundo quia contrariantur hæc duo inter se. Tercio quia falsum est, potestas depositiua Papæ, quæ est in ecclesia, non sit auctoritativa supra papam. Primum ostenditur sic. in cap. 6. & 13. dictum est, quòd potestas applicatiua ecclesiasticæ potestatis ad hanc, uel illam personam est in solo papa, nunc dicitur, quòd potestas auctoritativa super coniunctionem est in ecclesia. ergo contradictio. Secundum aut ostenditur exemplo, quo vtor retorquendo in me. Habere enim potestatem super hominem, non est habere potestatem super animam, nec corpus, sed super separationem animæ a corpore, cū

D D

nihil

nihil aliud faciat occidens hominem. quid ergo aliud est habere potestatem auctoritativam super papam, quàm posse papatum ab ipso auctoritative separare? Tertium autem (quòd. scilicet ecclesia auctoritativa super papam ipsum deponit) probatur tripliciter. Primo, quia aliter papa hereticus citatus non tenebitur comparere, nec erit contumax non comparens, iudicabunt ergo inauditum, aut non obligatum respondere. Secundo, omnis actus punitivus personę ratione proprii peccati, est ab habente iurisdictionem super eum qui punitur. Tertio arguitur ad hominem, me ipsum. scilicet Ecclesia potest excommunicare papam hereticum antequàm deponat, ergo habet auctoritatem iurisdictionis super papam. patet sequela. Et antecedens ex te est, quia cū tu dicas hanc consequentiam esse bonam non est excommunicatus ipso facto, ergo non est depositus, & ista erit bona, non potest excommunicare, ergo non potest deponere. & ista potest deponere, ergo potest excommunicare.

RESPONDEO. Et ad primum dicitur, quòd nulla est in dictis meis contrarietas, quoniam superius de auctoritate eminentiæ erat sermo, ubi ecclesię potestas papę potestati comparabatur. Vnde dictum est ibi, quòd papa est moderator & director potestatis ecclesię, & non econverso, hoc enim ad eminentiam & non eminentiam potestatis spectat. Hic autem sermo est de auctoritate efficacis, dum dicimus quòd potestas ecclesię auctoritative potest super coniunctionem, &c. hoc enim nihil aliud sonat, nisi quòd talis potestas tanquàm superior coniunctione illa, potest efficere illam, agens enim ut sic præstat eo quod sit ut sic. Cum hoc nāq; patet bene stare, quòd potestas applicativa potestatis ecclesiasticę, secundum eminentiam est in solo papa.

Ad secundum vero dicitur, quòd hæc duo, scilicet, potestas est super coniunctionem, & non super papam, in nullo repugnant inter se, quia diversa sunt. Et papa significat aliquid maius coniunctione, quoniam significat formam papatus, sicut dominus formam dominij. Propter quod retorasio exempli de homine nihil valet. nam non convenit papę significatum. equiparare significato hominis, & simile de utroq; ferre iudicium, quia homo significat formaliter compositum ex anima, & corpore, papa vero significat formaliter purum papatū, quàmvis in concreto, ut patet. Sed hoc totum Petrus papa se habet ut li hō. & conceditur quòd p̄tās illa pōt super Petrum papam, rōne subiecti (ut in

libello dicitur) non autem super papam, quia non potest ex parte formæ. Vnde patet nullam esse repugnantiam, & quòd aliud est posse super papam, & aliud super Petrum papam, sicut aliud est posse super compositum & aliud super formam. Ad primum autem contra tertium (hoc .s. quòd potestas ecclesiæ non est supra papam) respondetur, quòd Petrus papa hereticus tenetur ad omnia quæ sunt necessaria ad iudicium depositionis ipsius, ut in libello ca. 21. expressè dictum est. unde mirandum uidetur de obiectionibus. Dico igitur, quòd petrus papa hereticus ratione subiecti sic dispositi, subditur potestati depositiue ecclesiæ, & in oïbus necessario præambulis & consequentibus. Nec ex hoc sequitur, quòd potestas ecclesiæ sit supra papam, sed supra petrum papam sic depositum in hoc tantum. Et per hoc patet solutio primi & secundi. Ad tertium uero dicitur quòd (ut patet in ca. 19. libelli, unde impositum est mihi q. dicam illam cōsequentiam bonam) nunquā ego dixi hoc, nūquā somniaui connexionē inter excōicationem & depōnē, immo oppositū expressè sensi. Ego. n. ex illa communi radice. id quo J infligitur a iudicio humano, non incurritur ipso facto ex solo pctō interiori pure, intuli duo. .s. negationem excommunicationis, & negationem priuationis. & dixi, quòd si ex hac radice sequitur non esse excommunicatum, multo magis sequitur non esse priuatum, quia ibi non requiritur declaratio apud iuristas. sicut hic. Argumentum autem procedit contra dicentem illationem formalem a negatione excommunicationis ad negationem depositionis, & ideo non est ad propositum.

CAPITVLVM VIGESIMVMQVARTVM.

DIXI in ca. 21. quòd papa posset committere potestatem depositiuam papæ heretici collegio Cardinalium.

OBIICITVR quòd non possum sic dicendo sustinere, quin par in parem habeat imperium.

RESPONDEO, quòd facillime patet ex hoc non sequi parem in parem habere imperium, quia potestas depositiua non est supra papam, sed supra cōiunctionem petri cum papatu, quæ coniunctio non est par papæ. Quare autem huiusmodi potestas depositiua papæ, quàmquàm minor papatu, non sit auferibilis ab ecclesia a papa, in promptu causa est, quia diuino iure illi conuenit contra papam hereticum, ut patet ex dictis in libello.

DIXI in ca. 26. rationem quare papa pro infidelitate sola potest deponi, quia sola infidelitas inter crimina contrahitur ad esse papæ.

OBJICITVR. dupliciter contra hanc rationem. Primo. quia falsum est quòd fides requiratur ad esse papæ, cum papa si fiat hereticus, adhuc sit papa apud nie, sufficit enim character baptismalis. Secundo. quia hæc ratio æque fortiter probaret, quod pro heresi deponi non posset, quia heresis non opponitur ad esse papæ.

RESPONDEO. ratio mea nō est intellecta ut est, studiose namq; non posui inter conditiones requisitas ad esse papæ fidem sed christianitatem, ut excluderem hanc obiectionem. Nec asumpsi, quod infidelitas sola inter uitia contrariatur fidei, sed christianitati seu conditioni requisitæ ad esse papæ, ut patet in libello. Constat enim christianitatis statui (qui membrū Christi constituit) solam infidelitatem inter uitia opponi, & quod christianitas requiritur necessario ad esse papæ. Et in libello eodem, ca. 27. clare manifestavi differentiam inter christianitatem & fidem, & quod christianitas est status quidam ecclesiasticus ex characterē & fide constitutus. Sed ut melius vis rationis perspiciatur, ex conclusione intenta & directā oppositione infidelitatis, considerandum est, quod non est intenta aut deducta conclusio ex illa ratione, quòd papa habet non esse propter infidelitatem, sed quòd est dispositus propinquissime ad non esse, quod significat conclusio, dicens, quod est deponendus. Et propterea nō oportet quòd infidelitas sic opponatur christianitati, quòd auferat taliter esse christianum, si n. hoc tolleretur, non deponendum, sed depositum papam inferret. Sed sat est, quod opponatur christianitati sic quòd constituat christianum hominem quantum est ex parte hominis in non esse christianitatis. Per hoc siquidem non esse christianitatis in Petro papa, constituitur Petrus papa in esse deponibili, quia per tale non esse est dispositus sic ut deponi possit, ut patet ex dictis in libello. Et manifestatur ex officio papæ. cum n. papæ officium sit pascere doctrina & opere, cum habet fidem formatam uelut sanus uiuit in papatu, dum autem habet fidem informem ob perditam charitatem, nō pascit amplius exemplo, sed doctrina tantum, ac per hoc uelut eger in papatu est. Si demū etiam fidem omnino amiserit, iam nec doctrina pascere

scere potens est, & quasi mortuus sicut in extremis uitæ constitutus, ad omne opus inualidus, dispositus est ut morte depositio nis auferatur a uita papali. Vnde patet responsio ad primum, quia non obstat rationi, quòd infidelitas stat cum esse papæ, ut patet ex dictis. Et potes eandem sententiam unico uerbo dicere, quòd fides est necessaria ad esse Papæ simpliciter, quamuis non sit necessaria ad esse papæ sic. s. quasi mortui, immo ex hoc quòd constituit papam in esse papæ simpliciter, & eius oppositum constituit in esse papæ quasi mortui, manifeste sequitur, quòd constituit papam in esse deponibili. Et per hoc patet solutio secundi, heresis. n. non stat cum esse christianum simpliciter, nec cum esse papam simpliciter, quanuis non auferat totaliter utriusque esse. Sed quia constituit non esse christianum quantum ex parte hominis, ideo constituit dispositum ad non esse papæ, quoniam esse papam simpliciter supponit esse christianum simpliciter. Sed argumentum in hoc fallitur, quia accepit hanc rationem ac si inferret non esse papæ sic quod esset depositus, cuius tamen contrarium patet in litera. Manet ergo ratio illa nõ inuenta adhuc minus habens, quamuis in statera posita, ut desiderare me dixi.

CAPITVLVM VIGESIMVM SEXTVM.

DIXI in eodem. 26. ca. iuncto. 25. quòd ex sacra scriptura solus casus heresis excipitur ab impunitate papæ respectu ecclesiæ.

OBIICITVR Quia in sacra scriptura inuenitur etiam, alias criminofum esse separandum, ut patet. 1. ad cor. 7. Si is qui frater nominatur inter uos est fornicator, aut auarus, aut idolis seruiens aut maledictus, aut ebriosus, aut rapax, cū huiusmodi nec cibum sumere. Et dominus matthe. 18. innuit hominem pro quolibet mortali, cui annexa est contumacia, esse excōmunicandum.

Et si gloriati fuerint hi textus de subditis in terra, similiter gloriantur textus allegati parte de heretico. Et ad dicta saluatoris & Petri conceditur, quòd quandiu bene docent & remanent prælati, sunt audiendi.

RESPONDEO. quòd cum sacra scriptura tota sit ab uno autore (qui est spiritus sanctus) & uelut una integra doctrina legis diuinæ, non est gloriis sed textui attribuendum, cum ex cōiunctione diuersorum locorum scripturæ, sensus unus colligitur. sic autem est in proposito. Cum. n. propter heresim maxime, & propter etiam alia crimina sint diuino iure uitiosi multi separandi ab ecclesia,

ecclesia, & exceptio fiat de solis prælatis ab ipso diuino iure in criminibus alijs ab infidelitate: manifeste colligitur absq; nostris glosis, quòd reliqui pro multis criminibus, prælatus autem pro sola infidelitate diuino iure separandus ordinatur. Scriptura igitur loquens de heretico, communis est prælatis & subditis, quia nulla sit exceptio in ea de prælato. loquens autem de alijs criminibus, prælatum simpliciter non comprehendit. quia excipit eum.

Ad responsionem vero datā exceptioni Domini & Petri (quā do' exceptus est prælatus Matth. uigesimotertio super cathedrā Moyse. & 1. Pet. 2. obedite præpositis discipulis) dicitur quòd responsio illa scilicet quandiu bene docet & sunt prælati, potest bene & male intelligi. Bene quidem, si sit sensus, quòd quandiu per se bene docent & sunt prælati. Et sic nihil obstat proposito: quoniam fides christi est, qua sit doctrina, & quæ sustinet prælatum in esse simpliciter. ac per hoc quandiu habent fidem, habent unde per se recte doceant & sint prælati, quantum est ex iure diuino; ut patet in libello. Male autem si sit sensus, quòd non dicitur prælatus tolerandus, sed si toleretur audiendus, quoniam cum in maiori includatur minus, & plus sit malos prælatos audire cū effectu & obedire eisdem quam tolerare (ut patet) consequens est, quòd mandatum Domini & Petri de obediētia prælati male vitæ & bonæ doctrinæ, claudat in se mandatum de toleratione ab eisdem, quibus obedientiam indidit. Et sic auctoritas iuris diuini allata, efficax ad propositum restat, supra firmam petram fundata.

CAPITVLVM VIGESIMVM SEPTIMVM.

DIXI in eodem. 26. ca. conclusiue, quòd in solo casu hæresis papa subijcitur ecclesie, ita quòd possit deponi.

OBIICITVR primo. Quia in epistola Clementis ad Iacobum, ex ore Petri apostoli ordinatur, quòd clemens Papa deponatur propter negligentiam, ecclesia siquidem non spernit illam epistolam, quod sufficit. Secundo. Quia cum ecclesia in casu hæresis sit iudex Papæ; & talem potestatem non habeat nisi Matt. 18. & ibi non commemoretur magis peccatum hæresis quàm quodcunq; aliud cū contumacia, sequitur q; non solū casu hæresis ecclesia sit iudex Papæ. Tertio. Quia si vicarius regis absentis tyrannice regeret, cōitas posset illum deponere; ergo ecclesia potest deponere vicarium Christi domini, si tyrānice regat.

Respondeo

RESPONDEO. quòd epistola illa eadem facilitate rejicitur qua recipitur, immo maiori rejicitur, ut patet ex opposito decreto 40. di. si papa, ubi manifeste propter negligentiam papa non iudicandus dicitur, quamvis perniciosam, unde non sufficit illius auctoritas. Auctoritas autem Domini secundo loco allata, potestatem ecclesiæ supra subditos sibi ut sic manifestat. Et propterea cum papa ex alijs locis sacræ scripturæ non sit subditus ecclesiæ nisi in casu hæresis, consequens est, ut ex illa sententia Domini non habeat ecclesiæ potestatem super eum quia est Papa, nisi in casu hæresis. quod enim ibi non est expressum, sufficit alibi inveniri declaratum. Ad tertium dicitur, quòd similitudo illa deficit dupliciter. Primo quia communitas libera habet potestatem deponendi principem, regem scilicet si tyrannice regat, & ideo non est mirum, si potest deponere etiam vicarium illius. Ecclesiæ autem serva est principis sui Iesu christi, Secundo. Quia rex purus homo absens supponitur, & solum per vicarium gubernare, rex autem noster sic absens est corpore, ut per seipsum audiat querelas contra vicarium suum ab ecclesiæ & membris singulis, & propterea non est ab ecclesiæ eius vicarius deponendus: sed recurrendum est ad principem audientem & optimum ut deponat.

CAPITVLVM VIGESIMVM OCTAVVM.

IN eodem vigesimo sexto cap. quòd propter scandalum non est præscindendum caput iuxta domini sententiā Matth. 18.

OBJECITVR quòd licet non sit auferendum caput totaliter sic quòd nunquam sit futurum aliquod caput, tamen auferendum est istud caput, sine quo in corpore remanet vita, immo quod corpus inficit quantum est ex se.

RESPONDEO quòd ex verbis domini negative tamen (ut in libello dictum est) sumitur quòd nec totaliter, nec hoc caput præscindendum est, quoniam expresse dicitur. si manus tua, oculus tuus, pes tuus. Pronomen siquidem adiunctum, ostendit quòd de membro hoc loquitur, & consequenter de capite isto negatum accipimus quòd præscindatur. Falsum quoque est, quòd sine isto capite sit vita, cum ipsum loco domini saluificet ecclesiam: ut in ca. si papa. di. 40. dicitur.

Nec

Nec inficit in hoc caput, sed recte docet, quàmuis abusus potestatis capitalis in isto inficiat quantum est ex se ecclesiam, nò hoc caput, sed abusus illius in culpa est, & non est præscindendū caput, sed illius abusui congruis remedijs obuiandum.

CAPITVLVM VIGESIMVM NONVM.

Dixi in cap. 27. quòd Deus optime prouidit ecclesiæ, disponens, quòd orationis remedio contra papam malū ute retur, non autem depositionis potestate.

Obiicitur, tripliciter. Primo, quia minus bene instituta esset policia ecclesiastica, quàm ciuili. Et tenet sequela, quia ciuili potest principem tyrannice regentem pertinaciter deponere, ecclesiastica autem non posset. Secundo, quia Deus admissit communitati ecclesiæ potestatem sibi naturaliter conuenientem, & necessariam ad pacificam conuersionem, qualis est potestas depositiua principis in casu tyrannidis. Et tenet sequela, quia talis potestas naturaliter conuenit communitati perfectæ, & libere. Tertio, quia cum Deus opportunius remedium quàm orationem ecclesiæ potuerit instituere (scilicet potestatem depositiuam) dicere non aliud remedium quàm orationes reliquit se, est dicere politiam ecclesiasticam non bene institutam, & effectam seruam strictissima seruitute.

Respondeo quòd Deus longe melius, & eminētius instituit ecclesiasticam reipublicam quàm ciuilem, quoniam illam instituit cum proximo, & homogeneo capite, uiuo in perpetuū sine potentia errandi, præsentē spiritualiter uotis omnium, & singulorum ubique. hæc enim est institutio reipublicæ Christianæ simpliciter. De institutione autem ad tempus, scilicet corporalis absentię principis nostri, dicitur et quòd optima est, quando consonat primarię institutioni. Et quoniā respublica Christiana secundum suam primariam institutionem serua est nata, & tota potestas est in suo principe naturali, ideo optime consona institutio ad tempus est, ut non communitati, sed Vicario principis potestas plena committatur (ut prædictum est) & quod respublica quandiu uicarius principis sub principe est simpliciter, (quod fit per esse Christianum) simpliciter recognoscat principem uiuum, recurat ad audientem & paratum exaudire. Et sci to quòd contingit homines in hac re falli, quasi a negatione modi ad negationem rei. Cum enim deponere papam contingat multis modis, scilicet per prouidentiam humanam, & per orationem

tionem ecclesię perseverantem, & neutro modo opus sit nisi in casu uerę necessitatis. ex hoc, quod ecclesię non est concessum, possit deponere per uiam prouidentię humanę, non sequitur ecclesię non esse concessum, quod possit deponere papam. quoniam alia uia. scilicet orationis perseverantis infallibiliter potest, quę enim per amicos possumus, per nos aliqualiter posse testatur philosophus, quanto magis quę per patrem possumus.

AD PRIMUM ergo negatur sequela. Et ad probationem dicitur, quod utraque politia (scilicet tam ciuili quam ecclesiastica) potest deponere tyrannicę regentem ipsam. sed diuersimode, quia ciuili perfecta, & libera potestatiue, & per prouidentiam humanam, ecclesiastica autem per potestatem sui patris per orationis perseverantiam, quando uerę oportet. Et hic modus quidem excellentior, & non potens errare, sicut primus est melior & propterea non minus bene, sed melius prouisum est ecclesiastice reipub. de modo abiiciendi a se malum ministrum, quam ciuili. Ad secundum negatur etiam sequela, quia communitas Christiana nata est serua, ac per hoc naturali iure sibi non cōpetit potestas super principem suum, & consequenter, nec super principis uicarium, nisi a principe sibi concedatur. Vnde licet uerum sit, quod ecclesiastica communitas distincta contra principem non habeat super principem, & eius Vicarium tyrannizantem autoritatiuam potestatem, non tamen adempta est sibi a Christo, aut quocunq; alio modo, sed ex natura sua, quia serua nata est, contraxit hanc negationem. Ad tertium autem dicitur, quod non fuisset opportunius remedium prouidentia humana, quam oratio ecclesię perseverans. Tum quia prouidentia humana falli potest (cogitationes siquidem mortalium timide, & incerte prouidentię nostrę) oratio autem ecclesię perseverans falli non potest. Deponeremus forte quando non oportet, non pręuidentes futura, nec occulta scrutantes. Oratio autem ecclesię perseverans non deponet, quando nō oportet, quia bonus dominus negat quod uolumus, ut tribuat quod uallemus. Tum quia facilius, minus impedibilis, & efficacior causa est oratio ecclesię perseverans pro se in necessariis ad salutē ecclesię, quam tota omnium hominum prouidentia. hæc enim difficile consonat, potentia impediri potest, & omnia subiecta nō habet: descripta autem oratio facile consonat, non potest potentia aliqua humana impediri, & omnia sub Deo subiecta habet.

Mirum est autem de subiunctis. scilicet quod dicere Deum solum orationis remedium reliquisse, &c. solum. n. hoc remedium tanquam supremum, & efficax simpliciter, relictum dicimus, existentibus multis alijs remedijs per quam admonitionis, &c. Mirum autem dico, quia cum naturaliter ex eisdem tuamur ex quibus sumus & conseruamur, & christiana respub. ex oratione sit adaucta, & in uno onili constituta (dicente patre ad Christum. postula a me & dabo tibi gentes hereditatem tuam) & ex oratione conseruetur (dicente te Christo ad Petrum ego rogaui pro te, ut non deficiat fides tua) naturali quoque ordine oratione defendenda est, contra tyrannice regentem. Mirum dico, nisi quis putet orationem ecclesie perseverantem pro se in uera sui necessitate posse deficere. quod prope infidelitatem, esse si infidelitas non est, paulo meo iudicio uidetur, diuine siquidem prouidentie quam in specie de ecclesia sua habet, derogare uidetur. Si. n. natura non deficit in necessarijs, quomodo Deus qui dedit. semetipsum ecclesie, deficiet illi in necessarijs, seruatis ex parte ecclesie seruandis, ut patet ex descriptis conditionibus orationis? Mirum demum dico, quoniam si efficax hoc orationis ecclesie, &c. remedium indubie creditur, cur insufficienter prouisum ecclesie dicitur de remedio opportuno? Et per hunc modum excludendi papam tyrannam ab ecclesia, fatisset omnibus, quae obijciuntur de corpore respectu membri contagiosi, & similibus. ad omnia siquidem sat est oratio perseverans ecclesie. Pro cuius zelo hanc respondendi curam suscepi, arbitratus quibusdam licet non omnibus friuolis obiectis respondisse, uituperandum non esse hanc uice. Rogo igitur lectores: ut equos se praebeant interpretes, aut censores, nisi. n. hic aut alibi mihi, sed rationi uel auctoritati allata tribui uolo, & hoc etiam ubique & semper sub sacro. san. Rom. eccle. correctione. Romae die. 26. Nouemb. M. D. XII. Ad laudem, & gloriam Domini nostri Iesu Christi, Amen.

FINIS.

DE DIVINA INSTITVTIONE PONTIFICATVS TOTIVS ECCLESIAE

IN PERSONA PETRI APOSTOLI:

libellus Thomae de Vio Caietani Car-

dinalis Sancti Sylvi.

QVID, QVOMODO, ET QVO ORDINE

tractandum est.

Cap. 1.



PRINCIPATVS Romani pontificis super uni-
uersas Christi ecclesias, quanuis questiōibus mul-
tis pulsatus fuerit, nostro tamen proposito unica
inuestigatione absoluendus occurrit. Non. n. uer-
titur hic in dubium an Ro. pontifex sit de facto
caput ecclesiae, nec an idem potestatem habeat
a deo eo modo quo, iuxta apostolum Ro. 13. non est potestas nisi
a deo, & quae a deo sunt, ordinata sunt, & sicut potestas regia in
ueteri testamento erat a deo, iuxta illud primi Regum. 8. audi uo-
cem eorum, & constitue super eos regem. eiusmodi. n. omnia ad-
uersariorum multi affirmant. Sed uertitur in questionem an a
Christo institutus fuerit Ro. pontificis super omnes ecclesias
principatus in beato Petro, ita quod instituerit Christus petrum
cum eius successoribus suum uicarium ad gubernandum omnes
Christi ecclesias. Quo fit, ut loca a rationibus & autoritatibus af-
firmantibus petrum seu Romanum pontificem fuisse seu esse ca-
put omnium ecclesiarum, a praesenti secreta sint intentione, & ea
duntaxat afferenda sint, ex quibus Christum dominum contulif-
let huiusmodi principatum petro soli habetur.

QUIA (VERO) ex sacris literis pendet omnis quaestionis hu-
ius ueritas, & duo sunt praecipui textus, scilicet Math. 16. & Io.
ulti. expressse de hoc mysterio loquētes. ideo primo iuxta utrūq;
textum inuestigandum est, an soli petro uerba Christi dicta sint.
secundo, an per haec soli petro pontificatus totius ecclesiae a Chri-
sto commissus sit. tertio an hic totius ecclesiae pontificatus petro
a Christo commissus sit ab eodem domino datus successori petri.
quarto an sit a Christo hic pontificatus datus Ro. pontifici ut
petri successor. Vt autem primi clausula sit absolutio, Mathei
textus primus discutiendus sic est, ut in primis tractetur opinio

EE 2 dicen.

dicentium uerba Christi nõ Petro, sed personæ qualificatæ, deinde dicentium non petro sed ecclesiæ, postea dicentium petro & apostolis alijs, demum negantium soli petro, quia ecclesiæ dicta esse. Multifariam siquidem obnubilare conati sunt dominicam promissionem Matth. 16. relatam, tibi dabo clauēs &c. Quidam nanq; adeo restrinxerunt uerba hæc, ut personam etiam petri ab illis eximerent, & ad solum diuinum donum in petro directa intelligunt. Alij etiam restringentes & eximentes petri personam, ad solam ecclesiam in petro significatam, Christi uerba dirigunt. Multi autem extenderunt domini promissionem ad alios apostolos, ita quòd petro in persona omnium apostolorum dicta accipiunt. Sed & nonnulli sunt admittentes soli petro hæc dicta, principatus tamen singularitatem collatam petro negant, eo quòd si milis potestas alijs apostolis a Christo collata alibi legitur, puta Math. 18. quæcunq; alligaueritis super terram, & alibi. Hesitant deniq; aliqui, quo pacto soli petro clauēs datas esse uerificatur, & tamen datas quoq; ecclesiæ esse clauēs omnes affirmamus. Quocirca, ordine quo numerata sunt quinq; hæc, sigillatim tractanda sunt. Preponendo ubiq; rationes dubitandi, ut opposita iuxta se magis elucescant.

PETRI PERSONE ET NON DONO REVELATIO.

nis aut beatitudinis promissæ sunt clauēs &c. cap. 2.

NON defunt dogmatizantes pontificiam potestatem homini non imediate collatam, sed dono uirtutis mediante, ita quòd perduto uirtutis dono, perire simul pontificiam potestatem necesse sit, tanquàm uirtus glutinum quoddam sit iungens homini pontificatum. Quo fit, ut horum iudicio clauēs non petri personæ sed eius dono collatæ sint in aliquo singulari ministro, puta sacerdote seu iusto quocunq;.

ARGUMENTANTVR autem hi ex huius euangelij textu multipliciter. Primo, quia ante omnia dominus beatitudinem petri affirmat, dicens, beatus es, proculdubio in spe ueræ fidei, non inchoasset. n. a Simonis beatitudine, nisi ad subsequenter pontificatum spectaret huiusmodi beatitudo, nihil. n. impertinens dixisse Christum decet. Secundo ex eo quòd dominus adiungit Simõ bariona, hoc est filius colūbæ, ut Hiero. exponit. Quorsum n. petrus accepturus pontificatum, filius colūbæ prænominatur,

nisi

nisi uel eius simplicitas columba significata (iuxta illud , estote prudentes sicut serpentes, & simplices sicut columbæ) uel spiritus sanctus (qui columba designatur, eo quòd in columbæ specie apparuit in Christi baptismo) ad ecclesiasticū principatum pertineret? Tertio ex ratione subiuncta. quia caro & sanguis non reuelauit tibi, sed pater meus qui in cœlis est. Ministrant. n. hæc non a carne & sanguine, sed diuina reuelatione instruendum esse qui alijs præficitur in christiana fide erudiendis. Quarto ex eo quòd dominus addidit tu es petrus, & non dixit tu uocaris petrus (ut glo. ibi notat) ob fortitudinem fidei & confessionis constantiam. Hoc. n. cum omnibus præcedentibus ad uirtutum munera spectant, quæ ut dictum est, aut impertinenter præposita sunt, aut ad principatum, tunc subsequenter promissum opportuna memoria sunt. Vnde & quinto arguunt ex subiuncta prima promissione, super hanc petram edificabo ecclesiam meam. Cum n. ista sit prima promissio petro facta, quoniam ut Cypria. Hiero. & Aug. exponunt, per hanc petram demonstratur ipse petrus, inquit. n. Hiero. super Matth. edificabo ecclesiam meam super te, Aug. in li. retrac. refert. seipsum dixisse quòd in apostolo petro tanquam in petra edificata est ecclesia, nec retractat hanc sententiam. Cyp. quoq; ubi supra dic. loquitur dominus ad petrū. ego dico tibi, quia tu es petrus & super hanc petram edificabo ecclesiam meam, super unum edificat ecclesiam &c. Cum inquam hæc sit prima promissio facta petro, & hæc promissio non immediate sed mediante dono firmitatis & soliditatis ad personam petri pertineat (ut ipsa domini uerba testantur, dum non dicit super te, sed super hanc petram, hoc est super te petram edificabo ecclesiam meam) consequens est, ut subsequentes quoq; promissiones intelligantur factæ personæ Simonis, quatenus erat petrus & filius columbæ & beatus &c. Et cōfirmatur, quia ista promissio non solum est prima sed principalis, nam præcipuum donum petro collatum est esse fundamentum. ecclesiæ. Ex hoc autem quòd hæc promissio est prima & principalis, consequens est ut alię promissiones consequentes sequantur naturam principalis, ac per hoc nulla promissio est facta personæ humanæ nisi mediā te dono uirtutis, quod erat intentum manifestandum.

Non est difficile catholico doctori monstrare falsam esse re-
latam sententiam, dubitando ad damnata inconuenientia. Nihil
n. aliud est huiusmodi dogma, quam heræsis quorūcunq; dicen-
tium

tium in malis ministris non inueniri ecclesiasticam potestatem, clauisq; ecclesiæ in solis & omnibus iustis haberi. ecclesiamq; ex solis iustis constare, quæ omnia reprobata & damnata esse constat. Verum ne heretici causentur se opprimi auctoritate prælatorum & non euangelij, ex ipso euangelij textu catholicæ doctrinæ reddenda est ratio. Ad cuius euidentiam aduerte duas esse in hoc domini sermone ad petrum partes. quarum prima secundum planum euangelij contextum ac sensum, ad confessionem quam petrus fecerat pertinet. Nam nihil aliud continet nisi reuelate confessionis actorem, fructum seu præmium, & personam seu personæ conditionem cui reuelatio facta est. Dicendo beatus es, fructum seu præmium pronunciat, dicendo simon bar iona, personam ad literam seu conditionem personæ mystice puta simplicitatem seu spiritualitatem aperit, & dicendo quia caro & sanguis non reuelauit sed pater meus, actorem reuelationis monstrat. tota ergo prima pars sermonis ad reuelatam confessionem spectat, & non ad futurum principatum. Quod ut plenius intelligas, uide singula. Merito ex accepta reuelatione Simon beatus dicitur, quoniam si secundum philosophiā beatus in hac uita est, qui ad cognitionem supernarum substantiarum peruenit, & secundum euangelicam ueritatem beatitudo uiatorum in spe ueræ fidei consistit (iuxta illud, beati qui non uiderunt & crediderunt) longe magis Simon beatus fuit cum ad cognoscendum trinitatis mysterium peruenit, non innixus reuelationi alijs factæ (ut nobis contingit) sed reuelationi sibi ipsi interius factæ. Ad hanc. n. cognitionem petrum peruenisse testantur uerba petri, testatur & dominus, confessus est. n. petrus, tu es Christus filius dei uiui, confessus fuerat olim Nathanael tu es filius dei. Io. primo confessi fuerant qui erant in nauicula, uere filius dei es, Math. 14. confessus fuerat & petrus in persona omnium. & nos credimus & cognouimus quia tu es Christus filius dei Io. 6. Nunquam tamen dominus beatitudinis præmium apposuit nisi nunc, quia nunquam confessio facta fuerat quæ esset filius dei naturalis, qualē modo petrus explicauit, adiungēdo illud adiectiuum uiui. hoc. n. dupliciter potest intelligi. primo ut sit adiectiuum determinans suum substantiuum absolute, ut ita dictum sit dei uiui, tanquā dictum fuisset dei ueri aut dei omnipotentis. & sic per accidens adiungeretur petri confessioni ad maiorem expressionē ueri dei, ad differentiam deorum lapideorum seu mortuorum, ut Saturni, Iouis & reliquorum.

Alio modo, ut determinet suum substantium. s. dei in ordine ad filium, cuius enūciatur pater, dum dicitur filius dei uiui, & sic per se & essentialiter apponitur confessioni Petri, & conituit Petri confessionem esse per se essentialiter ac formaliter veram, & altissimi sensus. significatur siquidem hinc plenissime & formaliter modus quo christus est filius dei. s. quod est naturalis filius dei. Et ne altitudo sensus sententiam claram obumbrat, manifestatur quod dicimus ex differenti filiatione nostra & christi, commune nanque est christo & nobis quod sumus filij dei (secundum quod de nobis scriptum est Io. primo, dedit eis potestatem filios dei fieri) sed nos sumus filij dei quia uult, iuxta illud Io. primo uoluntarie enim genuit nos uerbo ueritatis, christus autem est filius dei non quia uult, sed quia est. Ratio siquidem quare deus nos genuit filios, est sua uoluntas, qua elegit nos, ratio autē quare deus genuit christum est sua essentia, qua genuit unigenitum deum, qua & ipse deus est. Hoc autem vocando ancillas ad theologicā arcem (quia uiuere uiuentibus est esse, ut dicitur. 2. de anima) significatum est per deum uiuum, ex eo nanque quod uiuere uiuentibus est esse, idem est filius dei uiui in quantum uiuit, & filius dei in quantum est. Meminit tamen Petrus non dei esse, neque dei nature, sed dei uitae, quoniam cuiusque est filius, cōuenit generare filium, non ea ratione qua est, nec ea ratione qua res naturalis est, sed ea ratione qua uiuit. Quod si altius perspicere cupis, iunge hæc simul. s. filius dei uiui, cum enim constet ex una parte filium sonare genitum talem, qualis eius parens est, & ex altera parte parentem significari deū uiuum, si cointellecta fuerit philosophica traditio scilicet, naturalissimum operū esse oībus uiuentibus facere tale, quale ipsum est ut habetur. 2. de anima, manifeste uidebis quod dicendo filius dei uiui, significatur naturalis filius dei, ex eo enim quod filius dei ponitur, genitus a deo dicitur, ex eo autem quod filius dei, in quantum est uiuus ponitur, per naturalissimum opus uiuenti quatenus uiuens est genitus significatur. Acutissime ergo & formalissime Petri cōfessio christum non adoptiuum dei filium, sed naturalem dei filium manifestat, dicendo christum filium dei uiui. Et si altius adhuc intuiti fuerimus, percipiemus in hac responsione claudī non solum duas trinitatis personas filium scilicet & patrem, & rationem ac modū generationis scilicet, quod ille naturalis pater & iste naturalis filius (ut declaratum est) sed consubstantialitatem, coeternitatem,

ac coequalitatem utriusque, natura ex eo quòd naturalis filius est talis equalis est pater, & christus dicitur filius dei uiui, significatur quoque quòd ipse est deus uiuus, & cum nò sint multi dij, significatur quòd est unus deus cum patre, ac per hoc còsubstantialis, coeternus & coequalis. Nec spiritus sancti persona omisa est. christus enim sonat unctù spiritusan. ut ipsemet Petrus declarauit A&t. 10. Quo fit, vt hac confessione Petrus non minus diuinæ trinitatis ac generationis mysterium docuerit, quā Ioannes dicendo, in principio erat uerbum & uerbum erat apud deū &c. immo licet Ioannes spiritualius, dum ad immaterialem intelligibilemque gradum penetrauit, Petrus tamen personas non inibus proprijs filij ac per hoc patris & generationem naturalem cum ratione generandi clarius significauit, dicens, tu es christus filius dei uiui, & ideo iure a saluatore mundi beatus affirmatur.

Ad hunc tam altum huius còfessionis sensum tendisse inuenies Origenem, Chry. atque Hyla. Hunc tam altū istius confessionis sensum testatur ecclesia, quotidiana ueneratione repetens prima diei hora, christe fili dei uiui &c. Merito quoque ad eandem reuenerationem spectat Bar Iona, dupliciter siquidem vt Hieron. dicit, potest intelligi, uel legendo Bar Iona, id est filius Ionæ (Bar enim idem sonat quod filius) uel quòd uitio scriptorum detracta sit media syllaba, cum deberet legi Bar Ioanna. i. filius Ioannis, Simon siquidem creditur a multis filius Ioannis, secundum tamen ueritatem fuit filius Ione, ut patet Ioan. primo Simō filius Iona, tu uocaberis cephas, licet uitio scriptorum latini codices sint corrupti. Est ergo primus sensus, mysticus tamen, tu es filius Iona. i. columbæ, secundus autem literalis, tu es filius Iona seu Ioanna. Vterque autem sensus propositum fouet, nam si filius exponitur columbæ, simplicitatem ac spiritualitatem personæ ipsius Petri tanquam habilis ad reuelationem suscipiendā indicat.) ad reuelationem nanque diuinam suscipiendam simplicitas & spiritualitas maxime præparant, spiritus enim sanctus disciplinæ effugiet fictum (vt dicitur Sap. primo) & animalis homo non percipit quæ sunt spiritus dei, prime Cor. 2. Si autem filius Iona uel Ioanna intelligitur, ad confirmationem confessæ ueritatis ualde spectat, quoniam pertinet ad hæc quòd ideo dominus naturalis patris ipsius nō Petri, sed Simonis meminit, ut subiungendo, quia caro & sanguis non reuelauit sed pater meus, ex hoc ipso quòd patrem suum & naturalem patrem Simonis e regione

gione ponit, tanquàm diceret, beatus es Simon filius Ione seu Ioannis, quia non pater tuus secundum carnem, & sanguinem reuelauit tibi sed pater meus qui in Celis est, ex hoc inquam ipso eruditus quisque intelligat patrem qui in Celis est, ita esse naturaliter patrem meum, sicut Ionas est naturaliter pater tuus. Et hoc iam notauit Chrysostomus. dicens. uanum est dicere, tu es filius Ione, uel Ioanna, nisi ut ostendat, quoniam ita naturaliter Christus est filius Dei sicut Petrus filius Ione, eiusdem substantiæ cum eo qui genuit. Oportuit autem Saluatorem nostrum commendare Petri confessionem, manifestando illius actorem, & præmium, & cætera, ut Petri confessio uera habeatur, & sic ipse uerus ac naturalis filius Dei credatur ex Petri confessione nõ a carne, sanguine, sed a celesti patre deriuata. nisi. n. hoc manifestasset, confessionem Petri ut humanum uerbum acciperemus, nunc autem ut a Deo prolatam sententiã habemus. Ex quibus omnibus clare patere potest, quòd hucusque nihil ad principatum Petri pertinens dictum est. Tota igitur prima pars Domini ad Petri sermonis, circa illius confessionem uersatur, & ad approbationem fidei de seipso Christo filio Dei uiui pertinet. secunda autem ad Petro promittendum conuertitur, unde, & inchoat a reddendo uices ipsi Simioni Petro, & ego dico tibi. tanquàm diceret (ut Hiero. notauit) tu mihi dixisti, tu es Christus filius Dei uiui, & ego dico tibi, tu es Petrus, & super, &c. Vbi ad uerte non solum diuersas, uerum non unius, sed diuersorum generum promissiones Petro factas esse: nam prima promissio constructionem respicit ecclesiæ, edificabo ecclesiam meam: secunda autem auctoritatem, dabo clauis Regni Cælorum, & quodcunque solueris, &c. illa ad ecclesiæ substantiam? ista ad officium respicit: tantumq; inter se differunt quātum est inter substantiã, & officium distantia. Et licet in prima promissione triplex inueniatur intellectus, exponendo per hanc petram uel Christum, uel Petrum, uel confessionem Petri: ut Chrysostomus. exponit: si tamen subtilius perspexerimus, unicus est sensus. literalis, hoc est quòd per hanc petram demonstratur Petrus. Aug. enim in lib. primo retractationum c. xxj. lectoris iudicio relinquit quæ duarum sententiarum sit probabilior, Petrus ne an Christus demonstretur per hanc petram. Vnde hac libertate freti, ex ipso Euangelij textu dicimus per hanc petram Petrum demonstrari, ut patet ex eo, quòd dominus dixit, super hanc petram edificabo. Si enim

seipsum demonstrasset, non dixisset edificabo, quoniam tunc uerè super seipsum edificabat faciendo de Simone Petrum, super Petrum autem non tunc, sed post resurrectionem edificare cepit, & propterea dixit in futuro edificabo, ac si aperte diceret, te quem nunc facio Petrum, postea faciam fundamentum ecclesiæ meæ. Confirmaturq; hic sensus, quia aliter ipertinenter præmisisset tu es Petrus, cum tamen pro maxima re hoc Petro dictum Euangelium insinuet, cum dominus quasi reddens uices Petro (ut prædictum est) dixerit tu es Petrus. quid enim tam magnū sonaret esse Petrum aut quorsum tu es Petrus, nisi subsequenter demonstrare, super hanc petram edificabo ecclesiā meā super te. Expositio autem Chryso. de confessione Petri, in idem redit, quoniam confessio fidei in idem redit cum soliditate seu firmitate fidei quam donat Petrus, non enim differt ab ea nisi tanquam actus ab habitu, & rursus constat quòd ecclesiā magis habet pro fundamento fidem quàm fidei confessionem. Vnde relinquitur quòd ad literam per hanc petram demonstratur Petrus. Exactius autem loquendo dic, hanc petram, id est in te petram, in te soliditatem fidei, in te Christum creditum, in te Christum confessum, ut complectaris omnes sanctorum expositiones. nā singulæ ueræ quidem sunt, sed partem tantum ueritatis explicarunt, fidem seu confessionem, aut Petrum, uel Christum exponentes. Cum autem utrumq; simul iungitur, ita quòd & Petri personam, & Christi seu fidem simul significari exponitur, integra ueritas, integer sensus habetur literæ, dicentis, non super petram, sed super hanc petram. Indiuiduatur siquidem metaphorica petra, & fit hæc, quia est in hoc demonstrato supposito, sicut quodlibet aliud in Petro existens indiuiduatur, & fit hoc, quia est in ipsa Petri persona.

Hoc igitur integro sensu literali patefacto, & admissio, amplius aperiendo, scito ex Euangelio omnes promissiones Petro factas conuenire in hoc quòd, omnes sunt factæ unicæ personæ ipsius Simonis, qui dicitur Petrus, cui dictum est, tu es Petrus. Manifestaturque sic esse primo de prima promissione, & deinde de secunda. In prima promissione tria respice. primo tu, secundo es Petrus, tertio super hanc petram. Ex pronomine tu, demonstratur persona illa cui Christus

flus loquebatur, persona dico, non qualitas aliqua, nam constat pronomen tu, demonstrare substantiam sine qualitate etiam apud grammaticos. Rursus ex pronomine tu, monstratur unica persona, ut patet. Et coniunctione propterea huius quod est esse petrum ad li tu, cum dicitur, tu es petrus, significatur aperte affirmari a domino illam unicam personam esse petrum, & quia per hanc petram demonstrat illam eandem petram quam tunc pronomine demonstratio monstrabat tu es petrus. Significantissime siquidem ille articulus hanc, exprimit eandem monstrari petram de qua tunc erat sermo, quæ & per pronomen tu es petrus monstrabatur, & hoc tanto clarius, quanto nulla alia petra tunc monstrata aut nominata inuenitur in euangelio. Esse igitur futurum christi ecclesie fundamentum, iungitur huic petra, quæ quia iungitur personæ monstrata pronomine tu, oportet intelligere quod esse Christi ecclesie fundamentum promittitur unice personæ demonstratæ per tu, cui tunc datum est quod esset petrus. Et ut hoc magis ac magis notares, inchoavit dominus, & ego dico tibi, non beatitudini tuæ, non filio columbæ, nō filio reuelationi, sed tibi. De secunda autem promissione clarissime patet, quia exprimitur pronomen demonstratiuum substantiæ, dicendo, & tibi dabo clauēs. Oportet namq; hæc ualde notare, quoniam hic commenta hereticorum & schismaticorum spētenus sancta, sed reuēnosa confutantur, aiunt. n. super petram. i. fidei firmitatem ecclesiam fundatam. Verū dicunt, sed diminutum, quoniam dominus dixit quidem super petram, sed non hoc solum dixit, sed addidit articulum hanc, dicens super hanc petram, quam proculdubio tunc monstrabat dicens tu es petrus, si. n. super fidei solidum absolute edificaturus esset, nō dearticulasset soliditatem ad personam illam. Sed schismatici personalis fundamenti unitatem a Christi ecclesia tollere per hæc commenta nituntur. Dominus autem hos omnes præueniens, sermonem ad Simonem petrum sub pronomine direxit inchoans & ego dico tibi, & subdens tu es petrus, tu, non beatitudo tua aut aliquid eiusmodi, tu, nō uos, ut unitas fundamenti, ecclesie, unitas quoq; personalis a Christo affirmata intelligatur, dum dicitur, tu es petrus, tu unus es petrus futurum postea fundamentum, quando super hanc petram. i. te petrum edificabo ecclesiam meam. Duplex autem aduertenda est inter has promissiones differentia, prima est. quod esse fundamentum ecclesie nō promittitur personæ petri absolute, sed qua-

tenus est petrus seu petra, clauces autem regni cœlorum promittuntur personæ petri absolute. Et habes hanc differentiam ex euangelio. dñi de primo dicitur, & super hanc petrâ edificabo ecclesiam meam, & nō dixit super te edificabo ecclesiam meam. per hanc. n. petram demonstrauit totum quod dixerat, tu es petrus, nam petram reddidit ad li petrus, & articulum hanc, reddidit ad pronomen tu, tanquā si diceret, tu es petrus & super te petrum edificabo ecclesiam meam. De clauibus autem regni cœlorum non dicitur & tibi petro neq; huic petræ, sed simpliciter & absolute tibi dabo clauces, monstrans per hoc quod dixit tibi, quod personæ non qualitati per petram significatæ puta fidei promittebat clauces. personæ ergo qualificatæ promissum est fore Christi ecclesiæ fundamentum, personæ uero nudæ promissæ sunt clauces regni cœlorum. Altera differentia est quod in prima promissione petro promittitur ecclesiam sustinēdi officium, non se petro sed Christo auctore, nam, non dixit & super hanc petram edificabis ecclesiam meam, sed dixit, super hanc petram edificabo ecclesiam meam, tanquā si diceret, tu sustinebis tanquā petra me edificante ecclesiam meam super te petra. In promissione uero clauium aperiendi officium & claudendi non sibi reserua uit dominus, sed se daturum clauces promisit, ut ille cui dantur agat aperiendo uel claudendo regnum cœlorum. Hę ex euangelij pleno sensu differentię cōstāt. Ex quibus euidenter colligitur differentia inter officium petri quo ad potestatem utendi clauibus & soluēdi atq; ligandi, & officium eiusdem ad sustinendam ecclesiam in fide, dum officium clauium homini committitur, officium uero sustinendi ecclesiam in fide, ad Christum ut auctorem, ad petram ut rationem sustinendi, ad hominem uero petrum ut fundamentum suppositumq; spectare dicitur. Oportet siquidem hæc diligentius contemplari, ut sciamus hic rationem reddere postcentibus nos de ea quæ in nobis est fide: ex his. n. facile est perspicere q̃ clauces regni cœlorū non sunt datæ sanctitati seu iustitie hominis, sed promissæ sunt homini futuro pastori ouium Christi. Siquis autem contra huiusmodi exactam expositionem uerborum euangelij obijciat, eo quod petrus non fuit ex tunc re & nomine petrus, quoniam non perseverauit solidus ac firmus in fide, ter siquidem postea dominum negauit, ac per hoc uerba domini sonantia in præsentī tu es petrus, non sunt sic exacte intelligenda. Aduertat sic obijciens se falli confunden-

do firmitatem fidei & firmitatem charitatis, petrus quidem ex tunc factus est firmus in fide, dicente Christo, tu es petrus. ut Hiero. testatur, exponens & ego dico tibi non sermone casso & nulum opus habente, sed dico tibi quia meum dixisse fecisse est, quia tu es petrus. Nec defecit negando dominum in fide, quæ in corde est, quanuis defecerit in confessione fidei, horum enim distinctio à Paulo apostolo manifestata est ad Ro. 10. corde creditur ad iustitiam, ore confessio fit ad salutem. Testatur siquidem dominus petrum non defecisse in fide, Luc. 22. dicens. ego rogaui pro te ut non deficiat fides tua, constat. n. Christum in omnibus exauditum fuisse pro sua reuerentia, ut dicitur Hebr. ca. 5. Defecisse autem ipsum in charitate & periurium manifestat, & dominus testatur subiungens, & tu aliquando conuersus confirma fratres tuos, auersus. n. fuit a charitate Christi, non a fide. perseverauit ergo semper Petrus.

HIS PRAEMISSIS ad obiectiones in oppositum dicendum est. Et circa tres primas non oportet insistere, quia iam declaratum est quod impertinentes sunt, nam ad confessionem petri spectant omnia quæ in eis afferuntur. Ad alias uero obiectiones, ex illis uerbis, tu es petrus & super hanc petram edificabo ecclesiam meam, dicitur quod, hæc quidem spectant ad pontificalem gradum, non secundum officium clauium, sed secundum officium fundamenti. Et ex proposito dominus dixit non tu uocaberis petrus, sed tu es petrus, ut affirmaret, tu es petrus re. & nomine, hoc est, tu es solidus firmus constans &c. in fide tanquam petra, ut Leo, Greg. Beda; exponunt. Nec ex his aliud potest inferri nisi quod soli habenti fidem conuenit esse fundamentum sustinendi ecclesiam in fide. quod gratis concedimus. nam ex hoc non habetur quod esse fundamentum mediante charitate seu iustitia conueniat petro, sed mediante fide. Et rursus hinc non habetur quod esse fundamentum promissum sit fidei simpliciter & absolute, ac per hoc promissum sit cuicunque in quo inuenitur fides, quoniam Christus non dixit & super petram, sed dearticulauit eam ad personam, adiungens li hanc, dicendo super hanc petram, proculdubio. n. petra tunc demonstrata per præmissa uerba, tu es Petrus, repetitur, ut qui modo est Petrus futurum sit fundamentum. Quocirca clare patet, quod sicut solus Simon demonstratus est dicendo tu es Petrus, solus quoque repetitus est domino, & super hanc petram edificabo ecclesiam

clesiam meam. Nulla ergo promissio facta est dono virtutis absolute, sed sola prima inter eas. s. edificatio ecclesie facta est dono fidei, non in quocunque sed in persona futuri pastoris ouium christi. Ad confirmationem autem inferentem simile esse iudicium de officio clauium & officio fundamenti, respondetur quod ex differentibus uerbis domini manifeste declaratum est non esse simile de utroque iudicium. Et licet accessorium sequatur naturam principalis ceteris paribus, ubi tamen (ut in proposito) maxima est in ceteris disparitas, non oportet secundarium assimilari principali. Manifestatur autem maxima disparitas in hoc, quod in officio fundamenti homo se habet quasi totaliter passiuè, dicente christo, ego edificabo super te Petro, in officio autem clauium non dixit, ego aperiam aut claudam, sed absolute tibi dabo clauis regni cælorum. Non est propterea mirum si aliter promissum est fundamenti officium & aliter officium clauium, illud mediante firmitate fidei, istud homini absolute. Consentanea est autem huiusmodi differentia a christo instituta humanæ etiam rationi. nam usus clauium siue rectus siue abusus fuerit non in uniuersalem redundat ecclesiam, officium autem sustinendi fidem si aberraret, ecclesia uniuersalis rueret, de qua tamen dominus dicit & porte inferi non preualebunt aduersus eam. Promisse sunt ergo clauis regni cælorum non dono uirtutis (ut hæretici fingunt) sed personæ Simonis Petri futuri pastoris ouium & agnorum christi.

PERSONAE PETRI IN SE ET NON SOLVM IN PERSONA ecclesie promissas esse clauis. Cap. 3.

NON longe a prioribus recedunt affirmantes clauis regni cælorum, non Petro, sed ecclesie a christo promissas, dicente tibi dabo clauis regni cælorum. tanquam dixerit tibi hoc est ecclesie significare parte, non tibi dabo clauis regni cælorum. Nam istis cum prioribus commune est & eximere Petrum ab hac domini promissione, & nulli singulari homini datas esse clauis, sed dono dei promissas esse clauis, solum in hoc differunt, quod priores dono dei in quolibet iusto aut saltem in quolibet sacerdote, isti dono dei in ecclesia inuento clauis datas asseuerant, eo quod Petro non ut uni homini, sed ut personam gerebat

rebat ecclesiæ christum dixisse contendunt tibi dabo claves regni cœlorum, nitunturq; hoc multis argumentis astruere.

Vnde primo arguunt. Christus exponit seipsum in euangelio cui loquitur & cui tradat claves dicens, beatus es Simon Bar Iona, caro & sanguis non reuelauit, sed pater meus qui est in celis. Vbi aperte Petrus in hac persona non est Petrus, non est caro neque sanguis, non Simon Bar Iona, omnino Petrus extra hominem ponitur, & iam non est ulla persona per se, sed reuelantis patris auditor cui dantur claves. Nulli ergo priuatio homini datæ sunt claves, sed soli ecclesiæ: quia de nullo priuato homine certum habeat necne reuelationem patris, ecclesiæ autem ipsa est de qua dubitare non licet, ipsa est ergo ille Petrus auditor reuelationis & acceptator clauium. Secundo ex coherentibus. Christus enim post gloriosam istam Petri commendationem cui ei Petrus prohibuit ne moreretur reprehendit Petrum, vade post me Sathana, nõ enim sapis ea quæ Dei sunt. Vt ex subsequuta post commendationem uituperatione clarum fiat illum superiorem Petrum qui claves accepit, non fuisse Petrum filium Bar Iona, sed ecclesiam filiam dei, quæ verbo dei genita verbum dei audit & confitetur perseveranter in finem, non aliquando non sapiens quæ dei sunt, nec vnquam retro abire iussa sicut Petrus.

Tertio ex eo quod christus dixit. super hanc Petram ædificabo ecclesiam meam, hoc est super fidem a Petro totius ecclesiæ persona confessam, ac per hoc in qualibet ecclesia ubi est fidei Petra illic & claves. Firmatur autem hoc, quia nec ipse Petrus Petra fuit in eadem perseverans cõfessione, quoniam mox post acceptas claves errauit, & tamen non sunt ei claves rursus allatæ, quare non in sua, sed ecclesiæ persona eas accepit.

Quarto. Quando papa eligitur an secum affert claves uel nõ? si affert, ergo erat papa antequam eligeretur, si non affert, a quo accepit? nunquid ab angelo de cœlo? nonne ab ecclesia? Item quando papa moritur cui relinquit claves, nisi ecclesiæ a qua accepit? quid igitur potest dici contra hanc evidentissimam experientiam, optimam euangelij interpretem claves nec Petro, nec successori, sed soli ecclesiæ datas? a qua tanquam minister accipit usus eis sacerdos in qualibet ecclesia. Quinto formatur argumentum similis formæ argumento quo Paulus Rom. 4. & Gal. 4. vtitur dicens, quod sicut Abraham ex fide reputata est iustitia, ita & omnibus qui credunt reputabitur ad iustitiam. Quare
etiam

etiam hic similiter, si Petro habenti reuelationem patris & christum confitenti clauces dantur, ita necesse est homini similiter confitenti & reuelationem habenti clauces donatas esse, quod nulli nisi ecclesie conuenire potest, cum nullus singularis fidelis constanter certo ac perseueranter habere possit hanc confessionem, ut etiam de ipso Petro patet. Sexto, quia non solum (ut Aug. 1. li. de doc. christia. ca. 17. testatur) has clauces christus dedit ecclesie sue, ut quaecumque solueret in terra soluta essent & in caelis, sed etiam ut ipse testatur super Io. Petrus apostolus propter apostolatus sui primatum ecclesie gerebat figurata generalitate personam, in persona ergo non sua, sed ecclesie clauces accepit.

Quod ex Aug. verbis ibidem amplius firmatur, cum dicit. Quod enim ad ipsum Petrum proprie pertinet, natura unus homo erat, gratia vnus christianus, abundantiore gratia vnus idemque primus apostolus, sed quando ei dictum est tibi dabo clauces regni caelorum, vniuersam significabat ecclesiam. Confirmaturque eadem sententia ex verbis eiusdem Aug. psal. 108. Sicut quaedam dicuntur quae ad apostolum Petrum pertinere videntur, neque tamen habent illustrem intellectum nisi cum referuntur ad ecclesiam, cuius ille agnoscitur in figura gessisse personam propter primatum quem in discipulis habuit, sicut est tibi dabo clauces regni caelorum, ita Iudas personam sustinet inimicorum christi. Ex his enim verbis apparet Petrum non in sua, sed ecclesie figurata persona clauces suscepisse, dum hic dicitur non haberi illustrem intellectum nisi ad ecclesiam referatur, & ibi contra personales conditiones Petri aduersatiua coniunctione subditur, sed quando ei dictum est tibi dabo, ecclesiam significauit. Et confirmatur rursus auctoritate euangelistae describentis interroganti christo quem dicunt homines esse filium hominis? nullum certum discipulum respondisse opiniones quae de eo erant. interroganti vero de se apostolos unum certum Petrum respondere & constanter absolueret ac pronunciare fidei confessionem, ut ueram christi cognitionem in unitate & firmitate consistere, non multorum opinionibus uelut arundinem agitari doceret. Tenet ergo Petrus ecclesie unitatis figuram. Accedit ad haec Cypria. auctoritas habita. 24. q. 1. loquitur dominus. dicentis. quamuis apostolis omnibus post resurrectionem suam parem tribuat potestatem, tamen ut unitatem manifestaret, unitatis eiusdem originem ab uno incipientem auctoritate sua disposuit, haec utique erant

erant ceteri apostoli quod Petrus fuit, pari consortio præditi, & honoris, & potestatis, sed exordium ab unitate proficiscitur, ut ecclesia Christi una monstretur. Vnde non unus, sed unitas clauus accepit, ut attestantur etiam capitula omnibus. & quodcumque xxiii. q. j. ex Hiero. & Aug.

AD EVIDENTIAM horum considerandum est unum dici a sanctis. s. Petrum significasse ecclesiam cum clauus accepit. Duo autem exponi seu deduci. primum est, ecclesia accepit clauus cum Petrus clauus accepit. secundum est, quod persona Petri non accepit clauus. Vnde dupliciter contingit hic errare, uel negando primum, uel affirmando secundum. Et negare quidem Petrum ecclesiam significasse, est contradicere expositioni sanctorum. Affirmare autem ecclesia sic accepisse clauus quod persona Petri non accepit, error est plusquam hereticus, quoniam euangelica per hoc negatur historia, & historia in parabolam uertitur. Parum dixi, quoniam omnis etiam ueteris testamenti historia in parabolam uerteretur. Declaro singula. si. n. petro non in persona propria solummodo in persona significatæ per eum ecclesie promissæ sunt clauus cum dictum est ei, & tibi dabo clauus, &c. parabolicus Petrus inducitur, & non narratur historia sed parabola, cum dicitur. uenit Iesus in partes cæsareæ philippi, & interrogauit discipulos suos. cum reliquis, quæ sequuntur. Et eadem licentia qua hæc historia uertitur in parabolam, omnis alia historia non solum noui, sed etiam ueteris testamenti in parabolam uerti potest, scriptum est. n. omnia in figuram contingebant illis. Si enim quia Petrus figuram gerebat ecclesie parabolicus ponitur, & non in propria persona circa clauus, parabolam, quoque necesse est fateri de Martha, & Maria, quæ figuram gerebant uitæ actiue, & contemplatiue, parabola quoque erunt resurrectiones trium mortuorum a Christo, quia figuram gerebant trium generum peccatorum spiritualiter resurgentium. quinimmo, & mors Christi, & resurrectio parabola erit quia illa nos mortuos peccato, ista nos in nouitate uitæ significat. & breuiter uniuersa ruit rerum gestarum fides in sacra scriptura ex hac licentia. Vera autem, probata sententia est, dupliciter aliquid significari. uno modo per modum parabola, sicut filius prodigus significat peccatorem, & operarii conducti ad uineam significant cultores Dei in Christi in ecclesia, & sic de alijs. Alio modo per modum rei gestæ, ita quod res ueræ gesta significat rem aliam, sicut transitus Hebreorum per mare rubrum signifi-

cat transitum nostrum de uitis ad uirtutem, & aduentus magorum adorantium Christum; significat uisitorum progressum ad celestem patriam. Inter hos autem significandi modos hæc est ad propositum disparitas, quod in parabolica significatione nulla est cura de significantibus personis secundum seipsas, quoniam ad significandum tantum describuntur: quemadmodum apud poetas fit in comedijs, & tragedijs. Cum autem res gesta significat oportet primo omnem curam adhiberi ad rem quæ geritur, & ad personas secundum seipsas, quia sensus literalis in hoc consistit, ex quo solo secundum Dio. & Aug. efficax trahitur argumentum: Unde oportet primo uerificare in historijs res gestas, & dictas de personis secundum seipsas ad ueritatem fidei, & deinde potest superaddi sensus spiritualis, quo res gesta significat aliam, quo persona historica figurat aliquid aliud. & hoc ad edificationem Christi fidelium, non ad comprobandum ea fidei quæ in controuersiam ueniunt. Quocirca oportet primo ad ueritatem fidei saluandam sensum historicum tenere, & personam Petri non uertere in personam parabolicam, cum de fide agitur historiæ, & sensus literalis inuestigatur euangelicæ historiæ quando uenit Iesus in partes cæsareæ Philippi, & interrogauit primo, ac secundo, audiuit responsiones primo discipulorum, deinde Petri, respondit Petrus dixit promissitque clauis regni celorum. Et firmata ueritate sensus literalis, quod personæ Petri dictum promissumque est, superaddere licet sensum mysticum quo Petrus figurat ecclesiam, sicut apparet in similibus, puta in significatione uitæ actiue per Martham (cui dictum est, sollicita es, & turbaris erga plurimam) & contemplatione per Mariam, de qua dictum est, optimam partem elegit, quæ non auferetur ab ea, & sic de alijs. patet ergo quod Petrus in personam ecclesiæ promissas esse clauis uerum est sic, ut personæ ipsius Petri primo, & ad literam promissæ sint, quia illud uerificatur secundum sensum mysticum, hoc autem secundum sensum literalem.

Ad primum ergo in oppositum dicitur, clarum ex antedictis esse uerba illa Domini (beatus es Simon Bar Iona, quia caro, & sanguis non reuclauit, sed pater meus) non ad petri primatum, sed ad ipsius confessionis fructum spectare, & propterea tanquam impertinentia longe sunt a proposito secundum literalem sensum. Hæc autem petri condones trahere mystica interpretatione ad ecclesiam, quauis saltim periri possit, intolerabile tamen est ut sensus mysticus excludat literalem, Petrus excludat seipsum, audi-

tor excludat eum qui audit, & Simon Ioannis uertatur in parabolica personam. Ad secundum uero dicitur, falso interpretari finem cur post tantam commendationem, Petrus reprehensus fuerit; nam secundum planum literæ sensum commendatur primo persona Petri ratione diuini doni, deinde reprehenditur ratione proprii sensus, neutrum autem secundum historię fidem spectat ad alium quam ad Petrum, quoniam tam commendatio quam reprehensio personalis fuit. Secus autem est secundum sensum mysticū, quo quilibet proprii sensus & affectus in Petro reprehenditur, & quilibet diuine reuelationis sectator in Petro commendatur.

Ad tertium dicitur, per hanc Petram demonstrari ad literam fidem in hoc, id est Petro, ut ex dictis patet. Et propterea non sequitur quod cuilibet partiali ecclesię ubi est fides, equaliter datę sint clauēs, sed sufficit cuilibet fideli ecclesię datas esse in totius ecclesię capite, quod est hæc petra super quam christus ædificat ecclesiam suam. Et ad confirmationem dicitur, quod licet petrus errauerit, non tamē desijt esse petra, tum quia per illa uerba quę obijciuntur, absit a te domine non erit tibi hoc, petrus, nec fidem, nec charitatem perdidit. Vnde & dominus non dixit euaue Sathana (ut tentatori dixerat) sed modificauit dicens, uade post me Sathana, tanquam diceret, sequi tu me debes non ego affectum tuum. Tum quia ut prædictum est, cum postea christum negauit fidem non perdidit, sed petra fidei perseverauit in corde. Et tamē ut Theop. Lu. 22. notauit, christus iterum ipsum in apostolico gradu restituit dicens, confirma fratres tuos. Ad quartum dicitur, quod cum papa eligitur, nec secum clauēs affert, nequē ab ecclesia illas accipit, sed a christo, non noua traditione, sed antiqua illam et qua tradidit petro. Ecclesia siquidem ministerio electionis personam deputat quę petro succedat, christus autem ipse in beato petro cuilibet successorī clauēs tradidit. & propterea uana est quæstio a quo accipit aut cui relinquit moriens, uerbum enim christi semper uiuum dat clauēs cuilibet succedenti, & non unus alteri relinquit.

Ad quintum dicitur, argumentum esse similis formę, sed dissimilis matierię, & propterea non tenere. Iustitia siquidem & fides bona sunt animę, ad utilitatem ipsius credentis & iusti, clauēs autem potestatem significant, ad aliorum regimen ordinatam, & ideo licet cuilibet credenti imitanti Abraham reputetur fides

ad iustitiam sicut Abraham; non tamen cuilibet credenti & confitenti christum, immo nec cuilibet petri imitanti petrum in fide dari oportet clauis, id est potestatem aperiendi & claudendi alijs, sicut nec cuilibet imitanti fidem Abraham datur, quod sit pater multarum gentium, quod in semine suo benedicantur omnes gentes, quæ tamen Abraham credenti data sunt. Quod autem additur nulli nisi ecclesiæ conuenire posse constanter certo ac perseueranter habere petri confessionem, si ad singulares personas refertur Paulus apostolus ad Ro. 8. confutat dicens, quis nos separabit a charitate christi? tribulatio an angustia &c. & subdit, certus sum enim &cet. loquens ad literam de electis. Quod si non contra rem, sed contra notitiam nostram argueret qui a nos nescimus quis perseuerabit, facile satisfit per hoc, quod deus suauiter disponens omnia, non exigit ab homine maiorem certitudinem ea quæ est fidei & humani moris, a fructibus scilicet eorum cognoscendo homines.

Ad sextum dicitur verum esse & quod ecclesiæ data sunt clauis, & quod petrus personam ecclesiæ figuratæ gerebat, & quod unitas petri unitatem ecclesiæ significauit. Sed in hoc falluntur argumenta, quod ex his ueritatibus in aliam ueritatem insurgunt, hæc siquidem ueritates non contrariantur huic alij ueritati, quod petrus in propria persona accepit clauis, sunt hæc enim omnia simul uera. Et primum quidem & ultimum, ut sexto, patebit ea. ad ueritatem sensus literalis spectant, quoniam ad literam petrus in propria persona sic accepit clauis, quod etiam ecclesiæ accepit eandem. Reliqua autem ad mystici sensus ueritatem spectant, secundum spirituale siquidem sensum unus petrus unitatem ecclesiæ significat, & uniuersalem ecclesiam representat. Vnde Cyprian. Hieron. & August. dicta quæ obijciendo allata sunt, uerissima sunt, sed iuxta sensum mysticum. Sed non aduersantur sensui literalis, quo (ut euangelica testatur historia) ipse petrus in propria persona cui reuelatio facta est respondit, clauiumque promissionem accepit. Ad clariorem tamen notitiam habendam uerborum Aug. scito duplicem euangelij sensum, hoc est literalem (quo uerificatur tibi, id est petro dabo clauis regni cælorum) & mysticum (quo uerificatur tibi, id est ecclesiæ significare petre, dabo clauis regni cælorum) esse ab Aug. comparatum non penes uerum, uel falsum, sed penes clarum uel minus clarum. Ad sensum siquidem mysticum spectat, quod

Petrus gerat in figura personam ecclesiæ, sicut ad sensum mysticum pertinet quod Iudas gerat personam inimicorum christi. ad literam autem ipse Iudas erat christi inimicus, & ipse petrus est cui promisse sunt clares. Vnde Aug. quia sensus mysticus clarior est quam sensus literalis in proposito (ut testantur tot questiones quæ circa sensum literalem emergunt) & sensus mysticus ita est omnibus manifestus, ut etiam uulgares sciant clares esse ecclesiæ, comparauit sensum literalem (iuxta quem clares promisse sunt personæ petri futuri pastoris totius ecclesiæ) ad sensum mysticum iuxta quem clares promisse sunt petro in figura ecclesiæ, & dixit quod mysticus sensus est clarior, hoc enim sonant illa uerba, non habent illustrem intellectum nisi ad ecclesiam referantur, cuius ille gessit in figura personam. Negauit siquidem illustrem & non negauit uerum intellectum nisi ad ecclesiam referantur, constat enim illustre ad claritatem pertinere. Et hoc intendere August. patet ex contextu, uolens enim exponere psal. illum, deus laudem meam, partim de Iuda partim de populo iudæorum inimico christi, promittit. si autem de tali genere malorum. i. inimicorum christi ingratorum iudæorum omnia mihi uidentur posse clarius aperiri, & statim subdit uerba allata. Vbi clare uidere quilibet potest non derogari ueritati sensus literalis (quo personæ petri sunt clares promisse) ex hoc quod sensus ille non est ita clarus sicut mysticus, neque enim solus est text. iste talis, sed innumeros habet in sacra scriptura consodales, quorum sensus illustris non nisi mysticus est. Allata quoque uerba August. super Ioan. non negant petro secundum propriam personam dictum esse, tibi dabo clares, sed affirmant petro in persona ecclesiæ significatæ dictum esse tibi dabo clares. Ex hac autem uerba affirmatione non sequi negationem illius alterius ueritatis satis patet. Ad uim autem quæ sit in coniunctione aduersatiua, responderetur quod coniunctio illa augmentatiua est, iuxta frequentissimum loquendi usum, quo dicimus aliquem uirtute bonum uirum, sed officio bonum ciuem, & similia. Tanquam enumeratis August. quibusdam personalibus petri conditionibus auxerit conditionem petri, transeundo ad extensionem eius in uniuersam ecclesiam significatiue, cum qua figura conditione stat quod per proprietatem pastoralis officij idem petrus ad uniuersam se extendat ecclesiam, quamuis hoc non sit ibi ab August. explicatum, qui de petro & Ioanne mystice tractabat, ut ille

actiue

actiue iste contemplatiuæ uitæ personam gerebat. Vnde cum infertur quòd non unus sed unitas clauēs accepit, pro quanto affirmatur unitatem clauēs accepisse, uerum dicitur, sicut uerum est ecclesiam accepisse clauēs, quatenus uero negatur unum petrum accepisse clauēs, aut falsum dicitur, aut pie exponendum est. Nam si ideo negatur unus ut negetur petrus, falsum dicitur cōtra euangelicam historiam, si autem ideo negatur unus ut negetur solitudo personalis, hoc est, ut petrus non acceperit clauēs secum sepe liendas, sed ut in ipso ecclesia usq; ad finem seculi duratura clauēs acceperit, uerum dicitur, sic .n. non unus .i. pro se tantum, sed unitas ecclesiæ in illo uno clauēs accepit. In nullo tamen citatorum locorum habetur negatiua ista, non unus clauēs accepit. Et ex ijs quæ diximus, soluēdas similes obiectiones relinquimus, ut non sit opus omnia quæ obijci possunt afferre. Reliqua ex Cypria. allata de paritate Apostolorum, inferius loco suo patebunt.

VERBA CHRISTI, TIBI DATO CLAUES, PETRO
non in personam omnium apostolorum dicta esse: .i. cap. 4.

EXCLVSIS prioribus erroribus, tractanda est eorum opinio qui petro intelligunt in persona omnium apostolorum dictum a Christo, tibi dabo clauēs &c.

Afferunt autem ad hoc argumenta quatuor. Primum ex interrogatione domini, nam uos petrum solum, sed communiter omnes interrogauit, uos autem quem me esse dicitis? Secundum ex persona petri, quia petrus primus omnium erat apostolorum & personam omnium induit pro omnibus respondendo. Vnde Chryso. dic. omnibus discipulis interrogatis, petrus tãquàm os apostolorum & caput pro omnibus respondet. Et confirmatur, quia nisi in persona omnium petrus respondisset, fuisset expectanda aliorum responsio, aut rei fuissent alij apostoli omisæ responsionis ad interrogationem domini, uos autem quem me esse dicitis? Tertium ex fructu, quia clauēs regni cælorum datæ sunt omnibus apostolis. quartum ex communibus, quia Christus dixit. quod uni dico, omnibus dico.

ANTEQVAM autem ad hæc respondeatur, ex plano sensu tex. euangelici monstrandū est directā esse hæc domini uerba ad petrum solum. Patet siquidem hoc primo ex principio sermo-

nis dominici ad petrum quum dixit, beatus es. Simon bar iona, hoc. n. non potest referri uere ad omnes. Tum quia exprimitur proprium nomen Simonis, & explicatur cuius sit secundum carnem filius dicendo bar iona. i. filius Ione. Tum quia falsum hoc fuisset de Iuda, quoniam non credidit in christum, ut testatur Io. 6. ca. quum refert dominum dixisse, sed sunt quidam ex uobis qui non credunt, & statim subdit rationem dicti, sciebat. n. ab initio Iesus qui essent credentes, & quis traditurus esset eum. Et rursum in calce eiusdem ca. dicente petro pro .12. apostolis, & nos credimus & cognouimus quia tu es Christus filius dei, respondit eis Iesus, nonne ego uos. 12. elegi, & ex uobis unus diabolus est? non potest ergo uerificari quod ad omnes apostolos dictum sit beatus es, quum unus eorum non crederet & diabolus esset.

Secundo ex subiuncta ratione, quia caro & sanguis non reuelauit tibi sed pater meus qui est in coelis. nam ex his domini uerbis constat petro reuelationem factam esse a coelesti patre, ita quod hoc negare, esset contrarium fidei. sed non propterea hic constat alijs apostolis huiusmodi reuelationem esse factam, scriptura. n. hoc non tradit, & propterea eadem facilitate contemnitur quia affirmatur. Constat igitur hic quod ad petrum uerba diriguntur, & non constat quod ad alios extenduntur. Tertio ex subiuncta affirmatione, tu es petrus, monstrat. n. & pronomem tu & nomen sibi primus impositum a Christo Io. primo. tu uocaberis cephas, quod interpretatur petrus, quod ad solum petrum sermo dirigitur. Nam si per pronomem demonstratiuum ad sensum adiunctis & nomine proprio a natiuitate. s. Simon, & nomine patris carnalis, & nomine quo solus cognominatus est a Christo a principio discipularis. s. petrus, & interiori dono reuelationis quod non constat alijs fuisse concessum, num sufficienter significatum est quod ad ipsum solum est sermo, quibus quæso uerbis describendum fuit ab euangelista quod ad solū petrum erat sermo? Et confirmatur, quia eodem pronomine demonstratiuo ad sensum usus est dominus subiungens, & tibi dabo &c. Et confirmatur ex eo quod non pluribus nec maioribus circumstantijs describuntur & nominantur a notarijs persone hæredes aut legatarie quam persona petri in hoc. textu descripta ac nominata est, ut patet colligendo, Simonem filium Ione, petrum ex interna reuelatione commendatum. Ex uerbis igitur & ex sensu uerborum clara luce patet soli petro dictum esse, tibi dabo clauēs &c.

AD PRIMAM autem obiectionem in oppositum dicitur, ex hoc quòd dominus interrogauit omnes non cogi reliquum sermonem dirigi ad omnes, frequenter. n. diuertitur sermo a pluribus ad unum aut econuerso. Mater siquidem filiorum Zebedei petijt ut sederent duo filij sui, unus ad dexteram & alter ad sinistram, dominus autem ad filios respondendo, sermonem dirigit, potestis bibere calicem quem ego bibiturus sum? Et si diligenter perspectus fuerit euangelicus tex., ipsa conuersio sermonis attestatur, quòd non omnem sermonem ad omnes dirigebat, inquit. n. Math. quòd primo & secundo interrogauit discipulos communiter, deinde ad petrum sermonem uertit, & rursus ad discipulos sermonem conuertit, nam subditur. tunc præcepit discipulis suis ut nemini dicerent, quia ipse esset Iesus &c. Si. n. totus iste sermo ad omnes fuisset directus, non narrasset euangelista huiusmodi uariam conuersionem sermonis. Nec officit quòd communis petro & alijs causa, effecta domini interrogatione sit. cum hac. n. communitate stat q̃ appropriata sit petro. nam in maiori causa, communis. s. tentationis, solius petri ratio habita est, ut ipse dominus testatur Luc. 22. dicens. Simon ecce Sathanas expetiuit uos ut cribraret sicut triticum, ego autem rogaui pro te, ut non deficiat fides tua, & tu aliquando cōuersus cōfirma fratres tuos. Vbi patet omnes expetitos a Sathana, & tamen dominum pro solo petro orasse, orauit inquit pro te, non pro uobis, immo alios petro commendauit. Ad secundam obiectionem ex persona petri dicitur, quòd gerere personam communem seu respondere pro omnibus apostolis, potest intelligi tripliciter. Vel ex officio, puta quia habet curam eorum. Vel per uiam commissionis, puta quia apostoli cōmiserunt petro ut in persona omnium pro omnibus responderet. Vel per uiam ratificationis, ut quia responsio data a petro grata fuit communiter apostolis, ut pote congrua ac eximia. Et quidem quòd petrus non gereret personam communem ex officio, ex eo patet quòd nondum erat constitutus pastor eorum, neq; propriè erat caput eorum, nisi sicut primus inter canonicos, potest dici caput canicorū. Similiter quòd non ex commissione apostolorum responderet, non solum ex eo patet quòd huiusmodi cōmissio, uolontariè affirmaretur (quoniam ex scriptura non habetur) sed ex eo conuincitur quòd dominus expressè testatur quòd caro & sanguis non reuelauit tibi sed pater meus. Vbi excludit non solum omne humanum cōsiliū, sed etiam

etiam disciplinam ex sententia auditu doctrinæ ipsius Christi, dum interiori spiritali reuelationi patris qui in celis est, Petri noticiam qua Christum filium Dei uiui confessus est attribuit. Si enim ex consultatione cum alijs apostolis responsum dedisset non sibi dictum fuisset, quod caro, & sanguis non reuelauit tibi quum inter eos esset consanguinitas, & carnalis propinquitas, & similiter non fuisset recursus ad actorem omnino spirituale, & designatum tam a remotis, in celis. Hæc. n. omnia manifeste testantur Petri confessionem non ex apostolorum commissione, sed ex interiori ipsi Petro facta reuelatione processisse.

Et confirmatur hoc ex contextu euangelij, nam præposita domini interrogazione prima discipulorum (quem dicunt homines esse filium hominis?) quia responsio fuit communis euangelista dicit, at illi dixerunt, in secunda uero interrogatione eorundem (uos autem quem me esse dicitis?) quia responsio propria fuit Petro, euangelista dicit. respondens Simon Petrus dixit.

Et confirmatur rursus ex Ioan. 6. cap. Vbi dicitur iam aperte notare possumus inter Petrum in persona omnium loquentem, uel in persona propria, nam ibidem loquens Petrus in persona omnium Christo domino dicenti nunquid, & uos uultis abire? respondit ei Simon Petrus in persona omnium. domine ad quem ibimus? uerba uitæ eternæ habes, & nos credimus, & cognouimus, quia tu es Christus filius Dei. Et subdit euangelista, respondit eis Iesus, nonne ego uos. 12. elegi, & unus ex uobis Diabolus est? Vbi conferendo textum Ioannis textui Matthei, aperte apparet, quod tunc cum apud Ioannem in persona omnium Petrus respondit. locutus est in numero plurali primæ personæ, dicens ad quem ibimus? & nos credimus, & cognouimus. & similiter dominus respondit non Petro, sed eis, hic uero apud Matth. omnia sunt in numero singulari cū pronomibus demonstratiuis solius Petri tam in responsione Petri, quàm in replicatione domini, & promissionibus ac assertionibus. tibi inquit da bo, non uobis, quodcunque ligaueris, non quodcunque ligaueris, tu es Petrus, non uos estis Petrus, ut patet in litera. Huiusmodi enim differentia manifestat, quod Petrus ex proprijs intus a celesti patre habitis solus respondet, solusque a Christo monstratur. Nec putes propterea hanc eandem esse lectionem apud Matthæum, & Ioannem, quoniam ista Matthei fuit post ea quæ referuntur a Ioanne. Quod ex multis patet, illa. n. Ioannis fuit

post miraculum de quinque panibus, & in capharnaum, ut ibidē apparet. quod autem refert Matthæus, fuit non solum post miraculum de quinque panibus, sed etiam post aliud miraculum de 7. panibus, ut patet Matth. 16. & fuit in partibus cæsareæ Philippi. Dicendum est ergo, quod responsio Petri tanquā grata, & rata pro omnibus, dicitur fuisse in persona omnium, sicut frequenter contingit, quod collegis pluribus interrogatis, primo bene respondente, ab omnibus ut rata habetur responsio, & pro omnibus respondisse primum frequentissimo usu dicimus. Et sic intelligenda sunt uerba Chry. & Glinterli. & quorūcūq; aliorū dicentium, quod Petrus respondet pro omnibus, erat. n. os omnium tanquā ratificatum ab omnibus. Vnde Chry. Homel. 55. super Matth. subdit. solus Petrus respondet, & confestim præfiliuit ac præueniens ait. Tu es Christus, &c. Vbi uidet non consilio aut commissione aliorum respondisse, sed præuenisse, Et Aug. de uerbis apostoli sermone 31. ait. respondit Petrus unus pro omnibus, quia unitas in omnibus. ubi videre potes quare dicitur Petrum respondisse pro omnibus, nō ex commissione omnium, nō ex officio, sed ex unitate omnium, quia. s. oēs erant fratres. & qđ primus eorum optime respondit, unitas omnibus placere fecit. Sicut inter fratres unitos ac unanimes quod ab uno bene dicitur, ab omnibus ratum habetur, & ut ab omnibus dictum sumitur. Et hinc patet responsio ad confirmationem subiunctam, ex eo enim quod Christus Petri responsionem approbavit, & cōmendauit Petrumque beavit, ac illi tot promisit, uanum apparet expectationem ingerere, ut audiantur alij, quis enim aliud dicturus esset quā quod diuinitus reuelatum? & sic remuneratum uidet. Vnde nec rei māserunt non respondentes alij, quia gratam eis esse Petri responsionem suffecit. Insinuat autem Petri responsionem alijs apostolis gratam fuisse non solum ex hoc quod est rationi consentaneum iuxta humanum morem, sed ex subiunctis statim euangelistę uerbis. tunc præcepit discipulis suis ut nemini dicerent, quia ipse esset Iesus. Hoc siquidē præcepto monstratur discipulos Petri confessionem tenuisse, ideo enim ne alijs dicant inhihentur.

Ad tertiam autem dicitur quod, si intendit argumentum promissas per uerba hæc omnibus apostolis clauēs, principium petit, hoc enim est, quod probandum erat.

Si uero intēdit qđ per alia uerba dominus apostolis alijs clauēs re
gni

gni cœlorū tradiderit, ad sequens spectat capitulū, ubi hoc tracta-
bitur. Ad quartam obiectionem dicitur, q̄ auctoritatem illam
quod uni dico, nullibi inuenio in euangelio. Veruntamen ubicū
quæ inueniatur dicitur, quod ad literam intelligitur de dicere
doctrinali, ut Marcus testatur in simili ca. 13, quod uobis dico,
omnibus dico, uigilate. Potest nihilominus ad proteruos dici
quod in hac auctoritate non habetur quod uni do omnibus do,
aliud est. n. dicere & aliud dare. præsens autem sermo non de di-
cere sed de dare est. inquit. n. dominus, tibi dabo clauēs regni
cœlorum. & propterea auctoritas non est ad propositum. Ex
quibus omnibus patere potest, quod ex his domini uerbis
Matth. 16. solus petrus promissionem accepit clauium regni
cœlorum.

APOSTOLIS ALIIS NON ESSE ALIAS

collatum quod Petro: cap. 5.

QUAMVIS fateantur multi præmissum textum euangelij
ad solum petrum pertinere, affirmant tamen nonnulli to-
tum id, quod petro promissum est, datum esse a Christo
aliās reliquis apostolis, idq; uerum esse multis affirmāt argumen-
tis ex sacra scriptura Primo Matth. 18. apostolis communiter
dicitur. quæcūq; ligaueritis super terram, erunt ligata & in
cœlo, & quæcūq; solueritis super terram, erunt soluta & in cœlo.
Vbi apparet potestatem prius petro promissam, ad omnes exten-
sam esse. Secundo Io. 20. apostolis communiter exhibentur
clauēs petro promissæ, dicendo. quorum remisistis peccata, re-
mittuntur eis, & quorum retinueritis retenta sunt. Tertio Io.
quoq; 20. apostolis communiter dicit Christus. sicut misit me
pater & ego mitto uos. & similiter Mar. ulti. & Matth. ulti. om-
nes communiter misit ad docendum, prædicandum &c.

Deinde manifestatur idem ex facto, nam Act. 8. petrus missus
cū Ioanne legitur in samariam ab apostolis, qui erant Hie-
rosolymis. Et Act. 15. in Synodo de legalium obseruatione præ-
sente Petro, Iacobus dedit sententiam, dum dixit. ego iudico
non inquietari eos &c. Ad Gala. quoq; 2. petrus & Iaco. &
Io. qui uidebantur columnę esse, dextras dederunt paulo & Bar-
nabæ societatis. Ex quibus gestis æqualitas comprobatur Petri

HH 2 & alio-

& aliorum apostolorum. Afferuntur demum mille auctoritates sanctorum, sonantes equalitatem petri & aliorum apostolorum, ut est illa Cypria. & habetur. 24. q. 1. loquitur dominus. dicentis quod parem potestatem omnibus apostolis tribuit, & hoc utique erant ceteri apostoli quod petrus fuit, pari confortio præditi & honoris & potestatis. Et illa Hiero. contra Iovinianum lib. 1. ca. 14. At si tu dicis super petrum fundatur ecclesia, licet id ipsum in alio loco super omnes apostolos fiat, & claves regni cælorum cuncti accipiant, & ex æquo super eos ecclesiæ fortitudo solidetur. Et quæcunque; aliæ similes.

AD EVIDENTIAM horum scito ex euangelico textu duo inveniri singulariter promissa petro, quibus Origenes addidit tertium, primum est. Super hanc petram edificabo ecclesiam meam, hoc. n. soli petro promissum legimus. secundum est. Tibi dabo claves regni cælorum, quod nulli alij invenitur promissum. tertium ab Origenes. notatum est, quod petro dicitur. Quodcunque; ligaveris super terram erit ligatum & in cælis, in numero plurali, & similiter quodcunque; solueris super terram, erit solutum & in cælis, apostolis autem communiter dicitur, quod erunt ligata aut soluta in cælo, in numero singulari. Et rationem subdit, quia non sunt tantæ perfectionis sicut petrus.

Inter quatuor ergo promissiones petro factas, primæ ab alijs differentia clara est, nam constat aliud significari per fore ecclesiæ fundamentum (quod explicat, super hanc petram edificabo ecclesiam meam) & aliud per habiturum claves & solvere & ligare. Sed differentia inter secundam (i. inter claves regni cælorum) & tertiam ac quartam, hoc est ligare & solvere, non est usquequaque; nota. apparet siquidem iuxta literæ superficiem per claves potestatem, per ligare autem & solvere explicatos esse actus potestatis, ut efficacia clauium declararetur, quo pacto: scilicet ad cælorum regnum pertingerent. Huiusmodi. n. efficacia manifestatur dicendo, quodcunque; solueris super terram erit solutum & in cælis. & quia pluraliter cælorum regnum præmiserat, ideo pluraliter dixit in cælis. Et iuxta hunc sensum promissio clauium a promissione soluendi & ligandi differunt, sicut promissio potestatis a promissione actuum illius explicatiua.

Sed hæc veram quidem, sed non totam continent euangelij sententiam. Quod ut plenius intelligas, scito duplicis generis inveniri actus clauium, quidam. n. sunt actus adæquati ipsi clauibus,

bus, quidam uero minores ipsis. Illi sunt uelut actus totales, isti actus partiales. Adæquati autem clauibus actus sunt aperire & claudere, partiales autem sunt ligare & soluere. Declaro singula. Quod aperire & claudere sint actus adæquantes clauēs, uoces sonant, & officium clauium clarissimè testatur, clauēs .n. solum modo ad aperiendum & claudendum sunt. Nec desunt scripturarum testimonia tam ex ueteri quàm ex nouo testamento. Esā. n. 22. cum dictum esset. & dabo clauem domus dauid, subditur & aperiet & claudet, & similiter Apoc. 3. idem repetitur. Quod uero soluere & ligare sint actus clauium, doctores omnes testantur. Quod autem sint actus partiales & nō adæquati clauibus, et hoc patet, quod soluere & ligare se habent ad aperire & claudere ut partes ad totum, omnis .n. qui soluit aliquem, aperit illi regnum cælorum, sed non omnis qui aperit alicui regnum cælorum, soluit illum, & similiter omnis qui ligat claudit, sed non omnis qui claudit ligat.

Et ne per multa diutius uagemur, sed solida ratio simul cum ueritate pateat, soluere & ligare actus sunt iudiciales, siue, in sacramento pœnitentiæ, siue in foro ecclesiastico, aperire & claudere actus sunt superiores, comprehendentes sub se & actus iudiciales & actus non iudiciales, utriq; .n. clauditur & aperitur regnum cælorum. Et quidē q̄ cælorum regnum multi claudat alijs absq; uinculo iudiciali, testatur dominus Luc. xj. dicens. uē uobis legisperitis qui tulistis clauem scientiæ, ipsi non introiistis, & eos qui introibāt prohibuistis. Quod uero regnū cælorum aperiāt absq; actu iudicij, magistra rerum experientia monstrat, dum pastoris prouidentia, gubernatione, ordinatione, doctrina, dispensatione, commutatione, &c. continue aperitur ecclesiæ regnum cælorum. Differt ergo promissio clauium (tibi dabo clauēs regni cælorum) a subiunctis duabus reliquis (quodcunq; ligaueris & q̄cūq; solueris) secūdū rē promissam nō solum sicut p̄tās ab actibus, sed sicut p̄tās ab actibus inadequatis, seu minoribus & partialibus, ita q̄ cū promissæ sunt clauēs petro, promissa est potestas aperiendi & claudendi regnum cælorum, cum autē promissum est eidem, & quodcunq; ligaueris, & quodcunq; solueris, explicata est clauium efficacia in actibus minoribus, ut percipere mus, quod si partialium actuum tanta est efficacia, multo magis adæquatorum actuum efficacia pertinet ad cælos. Quocirca, promittendo clauēs, promittitur totum, promittendo

do autem actus soluendi & ligandi, non promittitur totum, sed promittuntur actus partiales. Et propterea ex hoc quod soli petro promissæ sunt clauæ regni cœlorum, fateri oportet soli petro promissam esse potestatem aperiendi, & claudendi regnum cœlorum, nō quod solus aperire & claudere possit cœlorum regnum (nam ut prædictum est, quicumque soluit aliquem, aperit illi regnum cœlorum) sed quia solus potest quicquid pertinet ad aperiendum & claudendum regnum cœlorum, non istis uel illis, sed ecclesiæ edificatæ super eum a christo. Hunc sensum hancque differentiam ad literam uerificari, ex tribus ultra prædicta declaratur, primo ex interposita semper coniunctione copulatiua in tex. euangelico, ait enim, tu es petrus, & super hanc petram, & tibi dabo clauæ, & quodcuq; ligaueris, & quodcunque solueris, diuersitatem enim promissarum rerum coniunctio copulatiua insinuat secundo, quia dominus non dixit, & cuicumque aperueris, & cuicumque claueris, sed dixit, quodcunque solueris, & quodcunque ligaueris. Si enim clauæ exponere uoluisset per adæquatos proculdubio actus (qui sunt aperire & claudere) exponendæ erant, sed ubi ad ligandum & soluendum descendit, manifestauit se non exponere clauæ, sed ad minores actus clauium transire, tertio ex eo quod nunquam apostolis promisit aut dedit clauæ regni cœlorum, uel illarum adæquatos actus, scilicet aperire & claudere regnum cœlorum, sed de partialibus actibus clauium locutus legitur cum apostolis, & dicendo, quæcunque alligaueritis super terram &c. & dicendo quorum remiseritis peccata &c. Et si instetur quod nec etiā petro dominus actus adæquatos clauibus dedit aut promisit, quia clauæ quidem illi promisit, sed nunquam promisit quod aperiret & clauderet. Absit a diuina sapientia, ut silentio inuoluerit actus adæquatos clauium, cum enim explicauit cuius essent clauæ, ut aperiendi, & claudendi, explanauit proculdubio actus adæquatos clauium, qui sunt aperire, & claudere. Constat autem ideo apposuisse regni cœlorum, ut exponeretur quod clauæ sunt regni cœlorum, ut appellandi, & claudendi. Eo ipso igitur quod promisit soli petro clauæ regni cœlorum, promisit soli petro adæquatos actus clauium, seu quod idem est clauæ secundū actus adæquatos clauibus. & post hanc promissionem descendit ad actus iudiciarios, & quodcunque ligaueris, & quodcunque solueris, ut prædictum est. Ex euangelico igitur textu duæ euidenter restant soli petro
pro-

promissiones, hoc est fore fundamentum ecclesiae (super hanc petram edificabo ecclesiam meam) & dandas ei claves regni cœlorum, & tibi dabo claves regni cœlorum.

Nec carent hæc obiectionibus. Nam contra primam promissionem opponitur, aut solum christum esse fundamentum ecclesiae (iuxta illud primæ ad Cor. 3. fundamentum aliud nemo potest ponere præter illud quod positum est, quod est christus Iesus) aut si multiplex fundamentum admittitur, non solus petrus est ecclesiae fundamentum, sed etiam alij apostoli, iuxta illud ad Eph. 2. superædificati super fundamentum apostolorum, & Apoc. 21. murus ciuitati habens fundamenta. 12. & in ipsis. 12. nomina 12. apostolorum.

Contra secundum uero opponitur primo. Si promissione clauium promittitur tota potestas, cur post totum promittuntur partes, quodcumque ligaueris, & quodcumque solueris? fuisse enim hæc promissa in toto. Secundo. Si soluere & ligare sunt partiales actus clauium, cur theologi in 18. & 19. di. 4. sent. de clauibus tractando, diffiniunt eas per actus iudiciales qui sunt ligare, & soluere? diffinitio enim per proprios, & adequatos actus dari debet. Tertio. Cur clauis apostolicæ in ordinatione presbyterorum dari affirmantur, si illis non conferuntur nisi minores actus clauium? Quarto. Cur clauis dicuntur clauis ecclesiae, & non dicuntur clauis petri, si soli petro prima data sunt?

Non est autem difficile his satisfacere. Et obiectis quidem contra primam promissionem petro factam ut foret fundamentum ecclesiae, responderetur, quod esse ecclesiae fundamentum simpliciter. i. totaliter proprium est christo, esse autem fundamentum ecclesiae secundum aliquod tempus, uel secundum aliquam rationem particularem, communicatum est alijs. Et scis quidem quibus reuelata est doctrina fidei pro ecclesia, communicatum est esse fundamentum sub rationibus apostolorum & prophetarum, petro autem ultra prædictam rationem promissum est fore fundamentum, secundum rationem pastoris totius ecclesiae christi, secundum quam rationem non conuenit alijs apostolis esse fundamentum. Et propterea diuersimode dicitur fundamentum de hoc triplici modo. de christo enim dicitur cum exclusione aliorum (fundamentum aliud nemo potest ponere &c.) de apostolis uero, & prophetis dicitur cum additione fundamenti totalis. i. christi, dum & ad Ephe. 2. adiungitur, ipso summo angulari lapide christo

sto Iesu (ubi Aug. dicit. ne apostoli uel prophetæ in quibus funda-
ta est ciuitas se tenerent in se, in Christo totum innititur primo
fundamento, quod fundamentum in summo est non in imo, ut
in corporali fabrica.) Et Apoc. 11. subiungitur, & agni. i. Chri-
sti. De Petro uero adiungit ipse Christus, & edificabo ecclesiam
meam, ut ostendatur ex Christo principaliter pendere ecclesiæ
& edificium. Ad quæ sita uero circa promissas clauis responden-
do, dicitur ideo post promissum totū per clauis, promissas quo-
que esse partes per quodcunque ligaueris, & quodcunque solue-
ris, ut monstraretur diuersitas rerum promissarum. (Si enim sub
vnica promissione omnia comprehensa essent absque coniu-
ctionibus copulatiuis, aut sole clauis promissæ fuissent, adæqua-
tas putasses, & exhaustas clauis per hæc duo, quodcunque liga-
ueris, & quodcunque solueris. Nunc autem quia tam aperte pro-
missarum rerum diuersitas monstrata est, exprimendo singula cū
coniunctionibus copulatiuis clare intelligimus nō totum quod
promissum est petro promitti aut exhiberi cuicunque alteri per
hoc quod promittitur, aut datur quodcunque alligaueris, &
quodcunque solueris &c. sed per hoc promitti, aut dari tantum
quod tertio & quarto loco promissum est & petro.) Et inde ui-
deres remanere primas promissiones apud petrum solum.

Ad secundū uero quæ sitū respōdetur, ideo clauis à theologis
peractus iudicij diffinitas, quia de clauibus ordinis tractabant,
ut patet in tex. magistri sen. tam in principio di. 18. (ubi assertur
Amb. dicens. ius enim hoc solis permissum est sacerdotibus) quā
in principio di. 19. ubi dicitur dantur. hæc clauis per ministerium
episcopi in promotione sacerdotij, cum. n. sacerdotalem recipit
ordinem simul, & has clauis recipit. Et per hoc soluitur tertiu
quæ situm. Ad quartum autem quod non de re, sed de nomine
est, & propterea extraneum quodammodo est, respondetur q
clauis dicuntur, & Ecclesiæ, & Petri, solus enim petrus clauiger
dicitur regni cælorum. Et petri quidem sunt ut capitis utentis,
& ut per quem ad ecclesiam deriuantur, ecclesiæ autem sunt & ut
finis (quia propter ecclesiam petrus habet clauis) & ut utentis
in suis episcopis, & sacerdotibus, ita tamen quod secundum ea-
rum totalitatem ecclesia utitur illis in suo capite, secundum autē
partiales usus utitur in episcopis & alijs ministris. Remanet er-
go solida sententia dicta.

Ad primū autē argumētōrū in principio allatorū, dñ, dominū
per illa uerba quæcūq; alligaueritis sup terrā &c. non adæquasse
promi-

promissiones quatuor factas Petro, sed solas duas ultimas, ut littera ipsa testatur. Et propterea non dixit dominus dabo vobis aut ecclesie claves regni cœlorum, cum tamen dixisset Petro coram eisdem, tibi dabo claves regni cœlorum. Vnde ex hoc ipso quod alijs apostolis dominus dixit, quęcunque alligaueritis, & cætera, non facta mentione de clauibus, manifeste habetur quod non totum quod promiserat Petro repetijt in potestate aliorum, tanquā Petro totum alijs uero partes commissurus.

Ad secundum uero dicitur quod post resurrectionem dicendo quorum remiseritis peccata, &c. date sunt quidem apostolis claves, sed non in sua totalitate, quoniam datę sunt tantum claves ordinis, ut communiter docto. dicunt, & bene. Vnde ad litteram cum dicitur quorum remiseritis, constituitur iudex ecclesiasticus in sacramento pœnitentię, quantum est ex parte ordinis, cum uero Matth. 18. dictum fuit eisdem, quęcunque alligaueritis super terram, sermo erat de iudicio ecclesiastico in foro iudiciali. Vnde & communiter dicitur & bene, quod tunc sermo fuit de actibus clauium iurisdictionis, postea autem de actibus clauium ordinis. Et quoniam (ut declaratum est) neutrum iudicium etiam simul sumptum adæquat claves Petro promissas, sed soluere, & ligare in utroque foro, partiales sunt actus clauium Petro promissarum, ideo per utranque potestatem simul, non adæquat potestas Petro promissa. Vnde disputationibus uacantes caueant a sophistis opponentibus claves ordinis, & claves iurisdictionis adæquare claves ecclesię. Venenum latet hic quoniam proprię, & formaliter loquendo claves Petro promissę, superiores sunt, & clauibus ordinis, & clauibus iurisdictionis. & propterea dominus non per actus ordinis, aut iurisdictionis eas exposuit, sed per regnum cœlorum, proculdubio aperendum, uel claudendum. Ita quod perspicacius intuendum (ut prædictum est) domini uerba, tibi dabo claves regni cœlorum, per illam particulam regni cœlorum, exposuit claves per actum adæquatum, scilicet aperire, uel claudere, regnum enim cœlorum aperendum, uel claudendum, actum aperiendi, uel claudendi secum fert, constat autem quod aperire, & claudere regnum cœlorum, actus sunt longe superiores omnibus actibus iudicialibus, tam clauium iurisdictionis, quā clauium ordinis.

Importunè deniq; instātibus nouas nunc inferri ecclesię cla-

nes, hæcenus. n. non sunt audite nisi clauēs ordinis, & clauēs iurisdictionis. Vnde nunc tertiæ clauēs in Christi ecclesia? Respon-
detur me non inuenisse, aut fingere nouas clauēs re, aut nomine,
sed si aqua lance librare fas est hæc cum obiectis, inueniētur obii-
cientes seipsos arguere. nam neq; clauēs ordinis neque clauēs
iurisdictionis tradidit sacra scriptura, sed doctores explicarunt
clauēs autem regni cœlorum Christus dominus ore proprio cō-
secrauit. Ego de clauibus regni cœlorum loquor, non nouita-
tes introduco, ex ipsis domini uerbis iuxta sensum literalem per
spicius intellectum manifesto, quæ dico. Oportet autem ar-
guentes considerare subtilius doctorum sensum, & uel ex hoc ip-
so, quod doctores distinguunt regni cœlorū clauēs in clauēs or-
dinis, & clauēs iurisdictionis, intelligere superiores esse clauēs
regni cœlorum utrisque, & utrasque significare partes clauium
regni cœlorum, ac per hoc clauēs regni cœlorum significare to-
tum maius, & superius suis partibus cum simpliciter, & absolu-
te dicuntur, ut Petro promissæ sunt, quoniam uero ad partes ap-
plicantur, significare tam clauēs ordinis quam clauēs iurisdic-
tionis, utræque. n. clauēs regni cœlorum appellantur. Vnde acuti-
lectoris officium erit, discernere quando doctores de clauibus
regni cœlorum absolute, & quando de clauibus regni cœlorum
applicatis ad ordinem, uel iurisdictionem loquuntur.

Ad tertium dicitur, quod ipsa domini uerba testantur, quod
de apostolatus auctoritate sermo est cum dicitur, sicut misit me
pater, & ego mitto uos, mittere. n. & mitti ad apostolatatum spe-
ciat, iuxta illud Ioā. 13. non est seruus maior domino suo, neq;
apostolus maior est eo qui misit illum, & propterea hinc non ha-
betur nisi paritas apostolatus. Et similiter per alios textus qui-
bus missi sunt pariter ad docendum, & prædicandum, &c. non
habetur nisi paritas quo ad huiusmodi commissiones, Petro aut
supra hæc omnia promissum est, & quod foret ecclesiæ fundamē-
tum, & quod sibi darentur clauēs regni cœlorum.

His autem, quæ ex gestis apostolorum adducuntur, facillime
satisfit. Docent siquidem concorditer Theologi in primo sen-
ten. non oportere missum minorem esse mittente, neque etiam
esse ab illo, nam filius missus est a. f. f. quo non est minor, & a quo
non est. Ad literam tamen dicitur quod petrus erat tantæ hu-
militatis, ut inter apostolos se gereret ut unus ex illis, & nō uole-
bat

bat uti potestate quam habebat, & propterea tanquam unus ex apostolis ab eisdem cum Ioanne missus est. Patet autem manifeste huiusmodi petri humilitas act. 11. cum aduersus illum discipabant alij fideles ex circumcisione, quod & Greg. & habetur. 1. q. 7. ca. Petrus. notauit dicens. Petrus potestatem regni acceperat, & tamen idem apostolorum primus quarimoniam contra eum a fidelibus factam cur ad gentes intrasset, non ex potestate officij qua posset dicere, oues pastorem suum non accusent nec reprehendant, sed ex auctoritate diuine uirtutis qua gentiles acceperant spiritum sanctum respondit. Et per hanc posse sibi dici in synodo de obseruatione legalium petrum se habuisse, ut unum apostolum. Verumtamen si res gesta recte notetur, non fuit petrus consultatus, nec soli apostoli, sed apostoli & presbyteri in Hierusalem, & propterea conuersio, nec a Petro, nec a Iacobo facta est, sed ab apostolis & senioribus cum omni ecclesia, scribentibus tamen nomine apostolorum & seniorum. Vnde falsum est, quod Iacobus sniani protulerit, quoniam snia conuersio est, quam constat ab omnibus factam, sed dum Iacobus dixit ego iudico, perinde est ac si dixisset hoc est iudicium meum. Vnde non introducitur Iacobus iudicans, sed respondens, sic. n. legimus. Et postquam tacuerunt respondit Iacobus. Immo petrus pastoris personam in principio gessisse videtur, quoniam ipse primus surgens allegans diuinam gratiam reprehendit eos qui libertatem a legalibus uertebant in dubium. Legimus enim sic, cum autem conquisitio fieret surgens petrus dixit &c. Vbi monstratur petri auctoritas. Quod dexteris demum societatis petrus cum alijs dederit, hoc fecit quod quotidie pontifex facit, omnes episcopos non solum, ut socios, sed ut fratres habens.

Ad auctoritates denique doctorum sanctorum, sonantes æqualitatem petri & aliorum apostolorum, dicitur uerificari de paritate eorum secundum apostolatam, fuerunt enim æquales omnes in auctoritate apostolica. Et si instetur sub potestate apostolica comprehendi posse omnia quæ petrus poterat, in promptu responsio est satisfactiua, quod dato quod uera esset huiusmodi comprehensio, ex ea tamen non sequeretur omnimoda æqualitas ad petrum, essent enim eorum potestates æquales quo ad res quas facere possent, sed non essent æquales extensue, neque quo ad modum. Apostoli siquidem potestatem a christo acceperunt, ut apostoli, hoc est, ut legati, petro autem supra apostola-

tum promissa est (vt infra manifestabitur) potestas, ut ordinario pastori ecclesiæ. Et hinc patet tam superior gradus atque unitas potestatis petri quam maior extensio, quoniam extēdebat, sed ad ipsos etiam apostolos, utpote christi oues. Nec paruifacias differentiam penes modum habendi, magni siquidem lapsus periculum est si confundantur. Aliud quippe est habere clauēs, ut apostolos, & aliud habere clauēs, vt caput, & pastorem etiam ipsorum apostolorum. illud non derogat petri singulari excellentiæ, hoc autem ipsum petrum super omnes statuit, omnibusque præficit apostolis ac toti ecclesiæ. Ad horum differentiam modorum spectat, quod dominus soli petro clauēs promittit, alijs autem non dat clauēs, sed ea quæ sunt clauium legat aut tribuit, siue Matth. 18. siue Ioan. 20. siue Matth. & Mar. vlti. siue Luc. 12. ego dispono vobis sicut disposuit mihi pater meus regnum. Et vt allatę primum auctoritates manifestentur, patet Cyprian. ita pares fateri apostolos, ut tamen super unum petrum ædificari dicat ecclesiam (ex uerbis domini super hanc petram) & auctoritate sua dominum disposuisse dicat unitatem ecclesiasticā ab uno petro originem habere. Hiero. quoque uerba christi apud Matth. tu es petrus &c. soli petro relinquens, ad alium se transfert locum, ubi similia apostolis data narrantur, tria numerans. Primo fundari ecclesiam super apostolos omnes, hoc enim fieri promulgatum est ad Ephe. 2. super ædificati super fundamentum apostolorum, secundum uero quod scilicet, cuncti apostoli clauēs regni cælorum accipiant Matth. 18. quæcunque alligaueritis, & Ioan. 20. quorum remiseritis, habetur tertium autem, & ex æquo super eos ecclesiæ fortitudo solidetur, ex relatis textibus, scilicet Matth. & Mar. vltim. & Luc. 22. & Ioan. 20. aut etiam ex alijs similibus textibus sumptum est, unde patet ex iam dictis æqualitatem apostolorum quatenus apostoli sunt, & in fundando ecclesiam & in clauibus iurisdictionis, & ordinis, & in robore doctrine, miraculorum & uitę, ecclesię fortitudinem solidantium (qua m. Hiero. affirmat) nihil officere petri singulari auctoritati qua solus cunctę præponitur ecclesiæ. Vnde & Hieron. ibi subiungit statim, propterea tamen unus inter. 12. eligitur, ut capite constituto schismatis tollatur occasio. Vbi manifeste uides ita ex æquo apostolatus pares dixisse apostolos, ut tamen petrus electus, & constitutus a christo sit caput omnium, hoc siquidem est quod tuemur. Hoc ad differentiam modi habendi

bendi spectat, quoniam hinc haberes omnes hæc habuisse ut apostolos, præter hunc autem modum petrum singulariter habuisse ut caput oïum. Ex duabus autem his auctoritatibus declaratis facile esse putamus reliquas recte interpretandas iuxta sensum prædictarum. Manifestatur autem hunc esse uerum sensum doctrinæ sanctorum tripliciter. Primo ex eo quod pares dicunt apostolos. non solum potestate sed honore, quod nisi ad apostolatatum referat, constat esse falsum, cum petrus primatum honoris manifeste habuerit secundum omnes. secundo ex textibus euangelicis, quos sancti afferunt ad probandam hominibus æqualitatem, afferunt. n. istos quos nunc discussimus, ex quibus constat non plus haberi quam æqualitatem secundum apostolatatum. tertio ex ratione qua utuntur: quia: si petrus in persona ecclesiæ unus accepit clauēs &c. ut unitas ecclesiæ, hinc probaretur. Vbi per schismaticos sistit pedem, & scito dupliciter posse intelligi unitatem ecclesiæ per petri unitatem comen datam, primo ut significata sit ecclesiæ unitas in christo capite uno, unitateque: articulorum fidei, sacramentorum ecclesiæ & spei ac charitatis, secundo ut significata sit ecclesiæ unitas simpliciter, & absolute unite in capite uno christi in terris uicario, petro. s. Primum sensum eligunt schismatici ex sanctorum vera ac sancta doctrina, sæpe unitatem ecclesiæ per ea quæ in primo numerantur sensu explicante, uere quidem, sed non totaliter, nisi sub unitate capitis, scilicet christi intelligatur ipse christus in se & in suo in terris uicario, ipse christus ut caput, petrus autem ut vicecaput. Quod propterea quandoque tacitum est, quia acceptato capite, intelligi consuetum est acceptari ipsum in se & in suo uicario dum absens fuerit.

Secundus autem sensus (in quo clauditur primus adiuncta unitate capitis in terra) catholicis omnibus cõis est, comprobaturque quadrupliciter. Primo, quia ad designandam unitatem ecclesiæ in suo capite cœlesti Iesu christo, non congruit unitas petri, sed & sufficiebat & decentissime cõgruebat unitas ipse christus, quam dominus hic non tacuit, sed expressit dicens, ego dico tibi, & rursus & discipulis ecclesiam, & iterum dabo clanes. Diuinam autem sapientiam (quæ est christus) disponentem omnia suauiter, convenientissime per unitatem petri unitatem ecclesiæ in capite terrestri loco christi significare, nullam hæt difficultatem. Secundo ex eo quod historiæ fides periclitaretur, nam quasi similis esse petrus in his paruulo quæ Matth. uigesimo quarto aduocās ad se dominus sta

tuit

tuit in medio discipulorum dicens, nisi conuersi fueritis & efficia mini sicut paruulus &c. sicut .n. paruulus illæ assumptus est exemplum seu similitudinem humilitatis, ita petrus nominatus esset ad exemplum seu similitudinē unitatis, ac per hoc sicut ad fidem historiæ curæ nō est quis fuerit paruulus illæ, ita nihil aut parum curandum ecclesiæ esset an fuerit Simon petrus cui dictum est, tibi dabo claues regni cœlorum &c. quod tamen doctorum omnium & totius ecclesiæ aures offendit. Sanctorum propterea sensus est, quod secundum historiæ fidem res ita gesta est quod uni Simoni petro claues sunt promissæ, ut res rē significaret ut unus petrus primo accepturus claues unitatem significaret ecclesiæ.

Tertio ex eo quod oportet saluare nō solum significationem sed etiam deriuationem, hoc est non solum ut unitas ecclesiæ significetur per unitatem petri, sed etiam ut unitas ecclesiæ proficiscatur ab unitate petri, ut Cypria. in auctoritate allata dicit. Loquitur dominus ad petrum, ego dico tibi quia tu es petrus, & super hanc petram edificabo ecclesiam meam, super unum edificat ecclesiā. Et quāuis apostolis omnibus post resurrectionem suam parem potestatem tribuat, dicens, sicut misit me pater & ego mitto uos, accipite. s. s. tamen ut unitatem manifestaret, unitatis eiusdem originem ab uno incipientem, auctoritate sua disposuit. Vbi manifeste uides ex hoc quod dominus auctoritate sua disposuit originem unitatis ecclesiasticæ ab uno incipientem, non solum significationem unitatis ab uno, sed deriuationem unitatis ab uno assertam. Nam ad significandum auctoritatem nō erat opus, sed ad hoc quod initium habeat ecclesiæ unitas ab uno petro, auctoritate Christi opus fuit, poterat. n. si uoluisset instituire unitatem ecclesiæ a multitudine apostolorum proficisci.

Quarto, quia unitas ecclesiæ catholicæ non solum opponitur heresi, sed schismati. Si uero unitas ecclesiæ attenderetur solum penes unitatem cœlestis capitis illiusq; sacramentorum ac rei sperate credite & amate, unitas ecclesiæ non opponeretur schismati, nam cū huiusmodi unitate stat schisma, ut patet ex eo quod schismatici habentur qui ab unitate apostolicæ sedis separati sunt. Ex hoc igitur quod unitas ecclesiæ per petrum unum significatur, non excluditur immo magis ex modo quo per petrum significatur, includitur quod petrus unus claues accepit, ut ecclesiæ unitatem non solum significaret, sed etiam inchoaret ac conseruaret. Et si perspectum acutius fuerit hoc quod est ecclesiæ unitas

tem accipere clauēs, uerius perfectiusq; & fit & significatur accipiendo clauēs in suo uno capite petro, quā si non in petro sed absolute ecclesia illas acciperet, quoniam unitas capitis clauēs accipiens, unitatem ecclesie non solum significat, sed construit, sicut & conseruat, quibus omnibus careret ecclesia si de uno non fuisset illi capite prouisum a Christo domino. Et hinc habes unde in numeras sanctorum auctoritates recte intelligere queas.

SOLVM PETRVM ACCEPISSE CLAVES, CONSONAT ei quod est ecclesiam accepisse clauēs. cap. 6.

OCCVRRIT post præmissa satisfaciendum his qui quaerunt quonam pacto stant hæc duo simul, solus petrus accepit clauēs, & ecclesia accepit clauēs. Apparet. n. q. si solus petrus, ergo non ecclesia, & si ecclesia, ergo non solus petrus. Augeturq; quaestio ex Aug. uerbis super Io. recitatis. 24. q. 1. quodcunq; Quodcunq; ligaueris super terram erit ligatum & in cælis, si hoc petro tantum dictum est, non hoc facit ecclesia, si autem & in ecclesia fit, petrus quando clauēs accepit ecclesiam sanctam significauit.

HVIC enim quaestioni satisfieri facile potest ab exercitatis in sacris literis, ac sciētibus has duas ueritates sic connexas quòd secunda non solum consentit primæ, sed præsupponit & dependet a prima secundum sanctorum doctrinam, Considerandum siquidem est ecclesiam catholicam dupliciter referri ad petrum. scilicet ut significatam & ut inchoatam, petrus. n. & significauit ecclesiam uniuersalem, & inchoauit eandem, quemadmodum caput principium est corporis. Inter has autem duas religiones duplex ad propositum est differentia. prima est quòd significatio pertinet ad sensum mysticum, quo petrus significat ecclesiam, inchoatio autem pertinet ad sensum literalem. quo institutus est petrus pastor totius ecclesie. Secunda est quòd penes significationem non attenditur dependentia rei a re, sed dependentia significationis a significatæ, penes inchoationem autem attenditur dependentia rei a re, hoc est corporis a capite. Vnde ecclesia dupliciter accepit clauēs in petro, nam & accepit eas ut significata in petro, & accepit eas ut inchoata in petro, & secundū utrumq; accipiendi modum oportet præsupponere hanc priorem ueritatem ad litteram, solus petrus accepit clauēs. Ad significationem siquidem spectando,

spectando, cum significatio ista non sit per modum parabolę, sed
 per modum rei gestę (quia non petrus parabolicus seu parabo-
 lice accipiens clauē, sed petrus secundum rem gestam significat
 uniuersam ecclesiam) oportet fateri unum solum petrum secun-
 dum historiā accepisse clauē, ut ex re gesta significaretur unam
 solam ecclesiam catholicam habere clauē, iuxta illud Amb. cer-
 tum est quod ecclesię utrumq; ius. s. soluendi & ligandi licet, he-
 resis utrūq; non habet. Si. n. solus petrus secūdm historiā non
 accepisset clauē, nequaquā per modum rei gestę figuram ge-
 reret unius at solius ecclesię uniuersalis. Dependet ergo catholi-
 cę ecclesię significatio figurata in petro ex ueritate rei gestę
 quod solus petrus accepit clauē, & nō cōtrariatur illi. Si ad in-
 choationem quoq; spectetur. nulla est opus declaratione; quo-
 niam manifestum ualde est corpus dependere a capite, & quod
 conuenit capiti, conuenire quoq; corpori in suo capite, & ideo
 solum petrum accepisse clauē, est solam ecclesiam cuius petrus
 est caput accepisse clauē in suo capite. Quo circa solum petrum
 accepisse clauē, non excludit sed infert uniuersalem ecclesiam il-
 las accepisse, ut significatam & inchoatam in petro. Esse autem
 hanc sanctorum doctrinam, perspicere potes ex Cypria. uerbis
 in præcedenti capitulo declaratis, ubi utrūq; modum. s. significa-
 tionis per modum rei gestę, & originis ecclesię a petro docuit,
 dum dixit, super unum edificat ecclesiam. subdit, & unitatis eiuf-
 dem originem ab uno incipientem auctoritate sua disposuit. Et
 rursus exordium ab unitate proficiscitur, ut ecclesia Christi una
 monstretur, ut prædeclaratum est. Aug. autem uerba inducta
 eundem confirmare sensum patet ex duobus. primo ex eo quod
 ad uerbis tantum utitur ad excludendum extensionem petri ad
 ecclesiam, dixit. n. si petro tantum perinde ac si dixisset si petro
 secundum seipsum tantum & non secundum quod se extendit
 ad ecclesiam significandā uel figurate uel connotatiue, ut caput
 significat corpus cuius est caput. Vnde non intulit Aug. ex se-
 cunda ueritate. s. ecclesia habet clauē, negationem primę. s. so-
 lus petrus accepit clauē, sed expositionem ipsius. s. quod petrus
 accipiens clauē significauit ecclesiam, perinde ac si dixisset quod
 non accepit secundum seipsum tantum, sed ut extenditur ad ec-
 clesiam uniuersam significando illam, hic. n. planus est sensus uer-
 borum Aug. Secūdo ex eo quod subiungit. si ergo in persona pe-
 tri significati sunt in ecclesia boni & in iudę persona significati
 sunt

sunt mali in ecclesia. Hic enim patet q̄ de significatione per modum rei gestę loquitur, nam Iudam inter apostolos significare per modum rei gestę malos in ecclesia, dubium non est. Intendit ergo Aug. Petrũ secundũ rem gestam accipientem claves, in ferre ecclesiam quoque per ipsum significatam accipere claves. Modus autem quo ecclesia per Petrum vsque ad consummationem seculi accipit claves, est suauissimẽ dispositus a diuina sapientia, nam vniuersalis ecclesia sicut distribuitur in caput, & mēbra, ita distribuitur in suaui acceptione clauium, ut in capite quidẽ accipiant per successionem, in membris autem per participationem. In capite namq; habet claves regni cœlorum secundum actus clauibus adequatos, in membris autẽ, hoc est partialibus ecclesijs, claves habet secundum actus ordinis, & partialis iurisdictionis.

Vnde patet oppositum esse eius quod apparebat proponẽdũ quæstionem, cum enim dicimus solus Petrus accepit clades regni cœlorum, socij compares excluduntur, non illius corpus ecclesia, non illius successor excluditur. imo tam ecclesia quàm successor in solo Petro includitur, quia ex hoc, quòd solus Petrus accepit claves regni cœlorum, infertur easdem accepisse ecclesiam inchoatam ac significatam in suo capite, ac propterea eandem semper clauẽ habere in capite quidẽ per successionem, in membris autem per participationem, ut sic uerẽ unum sit corpus tota ecclesia sub uno capite. Nec fallaris antiqua schismaticorum inuẽctione in catholicos tanquam monstra fingentes, dũ ecclesię caput Petrum dicimus quandoquidem Christus est caput corporis ecclesię (ut dicitur ad Colo. i.) & si Petrus quoq; caput ecclesię ponitur, duo capita uni corpori non sine monstro iunguntur. Friuola sunt hæc, quoniam Petrus alia ratione caput ecclesię dicitur, ab ea ratione qua Christus est caput ecclesię, Christus. n. est caput ratione sui ipsius, Petrus autem ratione Christi. Vnde Christus est simpliciter, & absolute caput Petrus autem ideo caput, quia est uice caput, est. n. loco Christi in cœlis residentis, caput in terris. Vnde totius ecclesiastici corporis unum tantum ponitur caput simpliciter, & absolute. i. Christus loco cuius in terris Petrus non aliud caput, sed vicecaput constitutus est. Vnde nulla interuenit monstruositas in ecclesiastico corpore, nisi apud nolentes intelligere ecclesiastica nomina in sensu in quo dicuntur omnibus fere manifesto. Libet autẽ

intueri hoc in loco omnibus huiusmodi obuiationibus commune esse unum errandi iter, inter omnes siquidem discussas positiones prima ex affirmata iustitie qualitate, negauit substantiæ personam. secunda ex affirmata ecclesiæ significata, negauit personam Petri significantem. tertia ex affirmata Petri principalitate negauit eius singularitatem. quarta ex affirmato communi parique apostolatu negauit unitatem pastoralis officij in Petro. quinta ex affirmatis ecclesiæ clauibus, negauit solum Petrum accepisse clauēs. sexta ex affirmato vnico ecclesiæ capite Christo, negauit Petrum esse caput loco Christi. Et simile inuenies inferius cum ex affirmata charitate petri pastoris, negabitur persona pastoris sine charitate, & ex affirmato pascendi opere, negabitur pastoris autoritas. Aperiantur itaq; lectorum oculi, & laqueos deprehendant.

PROMISSVM ESSE PETRO TOTIVS ECCLESIAE
pontificatum in antedictis promissionibus. Cap. 7.

QUATVOR promissa esse Petro a domino Matthæus Euāgelista in supra allatis refert uerbis, quorum duo ultima, quodcunque liaueris, & quodcunque solueris, cōmunicata quorūque a domino alijs apostolis idem testatur, prima uero duo, super hanc petram edificabo ecclesiam meam, & tibi dabo clauēs regni cœlorum, propria petro perseuerarunt. In quibus promitti Petro totius ecclesiæ pontificatum declarandum est, postquā ambæ promissiones amplius dilucidate fuerint.

QUOCIRCA in prima promissione notanda sunt sex, significatius. n. uide primo ecclesiam meam, non ecclesias meas, secundo ecclesiam meam, non aliquam ecclesiam meam, tertio ecclesiam meam, non omnem ecclesiam meam, quarto ecclesiam meam, non indefinite, quinto ecclesiam meam, singulariter seu unicam, sexto ecclesiam meam, sine additione aliqua. Attende sigillatim non dixit ecclesias meas, sed ecclesiam meam, ut una ecclesia significaretur, quæ quāuis multas comprehendat partiales ecclesias, non propterea scinditur diuiditur, aut multiplicatur ecclesia, sed unitate numerali retenta multas habet partes, sicut vnum corpus multa habet mēbra, iuxta uerbū apostoli ad Col. 1. ipse est caput corporis ecclesiæ. & Can. 6. una est columba mea, Dixit non aliquam ecclesiam meam, sed ecclesiam meam. ut nō de parte ecclesiæ, nō de particulari aliqua ecclesia, sed de itegra
seu

seu tota ecclesia intelligeres. neque enim decebat diuinam sapiē-
tiam aliquam ecclesiam ædificare super vnum petrum, & aliquā
non, dei siquidem perfecta sunt opera. Non dixit omnem eccle-
siam meam, tum quia multitudinem ecclesiarum supponeret di-
stributium signum, cōtra domini sententiam Io. 10. aliās oues
habeo quæ non sunt ex ouili, & illas oportet me adducere, & fiet
vnum ouile & vnus pastor. Tum quia singulare. distribui vniuer-
saliter, implicat cōtradiçtoria, nisi uniuersalitas referatur ad par-
tes integrantes ipsum, quod est extra propositum, & inferius ni-
hilominus declarabitur, quomodo partes ecclesiæ ædificatæ sunt
super hanc petram. Dixit ecclesiam meam, non indefinitæ, uagū
relinquendo intellectum ad quærendum quæ esset ecclesia chri-
sti ædificanda super hanc petram, sicut dubium reliquit intelle-
ctum cum in cena dixit, vnus vester me traditurus est certifica-
ti enim sumus per hæc uerba quòd unica tota christi ecclesia ædi-
ficata est super hanc petram & non sumus suspensi relictī. Dixit
ergo ecclesiam meam, ut singularem unicam solamq; suam ec-
clesiam integram (de qua in symbolo dicitur quòd est una ec-
clesia catholica) intelligeres. Vnde per solum pronomen meam
determinauit illam, ut perciperemus quòd de illa una ecclesia lo-
quitur quæ est christi ecclesia sine additione aliqua (quælibet nan-
que partialis ecclesia uocatur christi ecclesia cum aliqua addi-
tione) puta Romana, Antiochena, Constantinopolitana & cet.
Et hoc non solum secundum modernum usum, sed secundum sa-
cras scripturas, ut patet in principio utriusque epistolæ ad Cor.
ubi dicitur ecclesiæ quæ est Corinthi, & in principio ad Gala. ec-
clesijs Galathiæ, & ad Thessā. ecclesiæ Thessalonicensium & cet.
Habes igitur quid intelligere debeas per ecclesiam meam, idē. s.
quod intelligis per unam ecclesiam catholicam.

Non desunt tamen sophisticæ importunitates, ex eo q. quæli-
bet particularis ecclesia ueræ est christi ecclesia, arguentes. De
illa ecclesia christus loquitur, de qua uerificatur quòd est eccle-
sia mea. i. christi, sed de qualibet particulari ecclesia uerificatur,
quòd est ecclesia mea, ergo de qualibet particulari ecclesia chri-
stus loquitur, cum dixit super hanc petram ædificabo ecclesiam
meam. Potest siquidem facile detegi fallacia argumēti, ad rem
spectando, & dicendo quòd quælibet particularis ecclesia est qui-
dem ecclesia christi, sed non tota, nec sine additione aliqua, sed
talī, puta Mediolan. nec ita est ecclesia quin sit pars ecclesiæ,

Ro. ecclesiam ædificatam esse a christo super hanc petram, uerificari non per proprietatem, sed per appropriationem. Quod ex conuenientia & differentia inter ecclesia Ro. & alias manifestatur, commune siquidem est cuilibet particulari ecclesiæ esse partem. Et hinc fit quod non per proprietatem verificatur de quacunque particulari ecclesia, sed tantummodo de ecclesia catholica, quod est ædificata super hanc petram, de ipsa enim sola ad litteram loquitur christus, dicens super hanc petram ædificabo ecclesiam meam, in qua tamē omnes partiales christi ecclesiæ clauduntur ut partes in toto. Differt autem Rom. ecclesia ab alijs partialibus ecclesijs propinquitate ad caput ecclesiæ catholicæ, nam ecclesia Rom. in suo proprio capite non solum proxima, sed eadem facta est cum capite ecclesiæ catholicæ, ex facto enim petri unus atque idem factus est pontifex Rom. & pontifex ecclesiæ catholicæ, secundum seipsam uero immediate heret pontifici ecclesiæ catholicæ. Alia autem quæcunque partialis ecclesia, nec secundum seipsam immediate iungitur pastori ecclesiæ catholicæ, nec secundum suum caput coincidit cum capite ecclesiæ catholicæ. Ob hanc igitur proximitatem, & coniunctionem ecclesiæ Ro. ad pastorem ecclesiæ catholicæ, appropriantur uerba christi ad Rom. ecclesiam potiusquam ad alias, non quod illi sint propria, sed ecclesiæ catholicæ, ut dictum est. Promisit igitur dominus petro hac prima promissione, super hanc petram edificabo ecclesiam meam, futurum ipsum fundamentum ecclesiæ catholicæ.

PER SECUNDAM autem promissionem (tibi dabo claves regni cælorum) plenitudinem potestatis ecclesiasticæ eidem promisit quod tripliciter manifestatur. Primo ex ipsa re significata per claves regni cælorum, potestate scilicet aperiendi & claudendi cælorum regnum, non his uel illis, sed absolute, ut comprehendantur omnes uiatores, quibus claudi, uel aperiri regnum cælorum potest. Huiusmodi siquidem potestas, quadruplex potestatis generis sub se comprehendit. hoc est iudiciariam tam in foro pœnitentiæ quam in foro ecclesiæ, quoniam, omnis ecclesiasticus iudex utriusque fori, soluendo, uel ligando aperit, uel claudit regnum cælorum illi qui soluitur uel ligatur. Potestatem quoque gubernatiuam ecclesiæ catholicæ, nam prouidendo, gubernando, instituendo, disponendo &cetera. eiusmodi faciendo, nihil aliud fit quam aperitur
uel

uel clauditur regnum cœlorum. Potestatem etiam ad purgatorium extendam comprehendit. ubi nota quod licet Christus non dederit petro iudiciariam potestatem super purgatorium, dedit tamen illi clauis regni cœlorum, aperiendi etiam uel claudendi his qui sunt in purgatorio. Et propterea de potestate iudiciaria loquens apposuit locum .s. super terram dicens. quodcunq; solueris super terram & quodcunq; ligaueris super terram, eximens per hoc eos qui super terram amplius nō sunt, a iudiciali potestate petri. Loquens autem de clauibus regni cœlorum, nullum eximit uiatorem cui per ecclesiam potest aperiri uel claudi regnum cœlorum, sed absolute & illimitate dixit, tibi dabo clauis regni cœlorum, ut posset petrus cuiusq; uiatori regnum cœlorum aperire posituæ, claudere uero saltem negatiue.

Hæc autem dicentes nequaquam Aug. sacrosq; canones potestatem petri ad excommunicandum etiam defunctos tuentes oppugnamus, immo hinc quod diximus confirmamus. Nam ecclesiastica censura in defunctos quatenus soluit aut ligat ad id respicit quod super terram est, hoc est uiuos, qui ligantur ne communicent aut soluuntur ut communicent defuncto, quatenus uero aperit aut claudit regnum cœlorum, ad defunctorum animas respicit. quibus uere hinc aperitur aut clauditur regnum cœlorum. Terminatur ergo iudiciaria potestas super terram, clauis autem regni cœlorum ad omnes uiatores se extendunt. Potestatem demum imperatiuam uniuersis ad ecclesiam quomodolibet spectantibus, in ordine tamen ad regnum cœlorum, exigit siquidem recta ratio ut potestas quæ supræmum sortita est finem, reliquis omnibus imperet in ordine ad supræmum finem, ut facile manifestatur inducendo tam in artibus quàm in rectoribus duces & principibus. quilibet nēpe artifex, rector, dux, princeps, ad suum finē, ac per hoc illis quatenus ad suum diriguntur finem, principes superiorem sortitus finē, ordinata alios artifices, rectores, duces præcipit. Cōstat aut regnū cœlorū supræmū esse finem potestatiq; clauium petro promissarum respondere, reliqua uero omnia temporalia ad hunc finem quandoq; oportere disponi. Sub hac igitur petri potestate comprehenditur posse imparare regnis & principibus omnibus in ordine ad regnū cœlorum, nec .n. huiusmodi imperium aliud est quàm aperire & claudere regnum cœlorum, ut de se patet. Ex re igitur promissa per clauis regni cœlorū, patet primo quod plenitudo potestatis ecclesiasti

et petro promissa est a Christo dicente, tibi dabo claves regni cœlorum. Declaratur deinde idē ex modo loquēdi sacrę scripturę. Esa. quidem. 22. de Eliachim summi sacerdotis plena potestate dicitur, & dabo clauem domus dauid super humerum eius, & aperiet & non erit qui claudat, & claudet & non erit qui aperiat. In nouo quoq; testamento Apoc. 3. de christi potestate dicitur, qui habet clauem dauid, aperit & nemo claudit, claudit & nemo aperit. Nec obstat si obijciatur in textu euangelij nō haberi quōd si petrus aperiat nemo claudit, & si claudat nemo aperit, quia & si non habentur hæc uerba, habetur tamen idem sensus. Ex eo siquidem quōd de minoribus actibus clauium in euangelio habetur, quodcunq; ligaueris super terram erit ligatū & in cœlis, & quodcunq; solueris super terram erit solutum, & in cœlis, manifeste habetur quōd ita petrus ligat q̄ nemo soluit, & ita soluit quōd nemo ligat. quod .n. in terra ligatum in cœlo quoq; ligatum est, constat ita esse ligatum quōd nemo soluit, & similiter quod in terra solutum in cœlis quoq; solutum est, constat ita esse solutum quōd nemo ligat. Ex hoc autem sufficienter habetur quōd ita petrus aperit regnum cœlorum, quod nemo claudit, & ita claudit quod nemo aperit, æquum est .n. ut non minus, sed potiori modo possint clauēs petri adequatos sibi actus quā actus minores exercere. Et aduerte quōd uerba illa Esa. 22. dicta sunt de Eliachim in persona Christi, ut glo. ibi dicit. In cuius signum Io. euangelista eadem repetit de Christo, tanquā monstrans illum esse in Eliachim significatum, & ipsemet Esa. 9. ca. de Christo scripserat, & factus est principatus super humerum eius, ut ostendatur clauis super humerum eius principatus super humerū eius, ac per hoc undiq; percipiamus per clauēs regni cœlorum plenitudinem potestatis significatam. Accedit autem ad hoc testimonium a cōsuetudine, in signum .n. summe potestatis clauēs regni regi offerūtur. Quo circa iungendo ambas promissiones cum ex prima petrus futurus sit fundamentum ecclesię catholicę (ubi in petro officium sustinendi ecclesiā catholicā in fidei soliditate statuitur, & pariter ecclesię catholicę necessitas inherendi petro ut fundamento imponitur, edificationis. .n. ratio exposcit, ut edificatum necessitatem habeant inherendi petrę super quam fundatum est) ex altera uero petro ecclesię potestatis plenitudo pollicita sit manifeste liquet promissum huiusmodi uerbis petro ecclesię catholicę pontificatum esse, hæc .n. duo præcipua esse in totius

totius Christianæ ecclesiæ pontifice constat. Ex Matthei euangelistæ igitur uerbis tu es petrus &c. collatis cum alijs euangelijs ac discutis, manifestatum credimus soli petro pontificatum, ecclesiæ catholicæ esse promissum a Christo.

PERSONÆ PETRI QVAMVIS CHARITATE QUALIFICATUM ESSE PASCE OUES MEAS. cap. 8.

EX P R E D I T O tractatu de promissionibus soli petro factis a domino apud Matth. tractanda occurrit commissio quam saluator petro fecit apud Ioannem, cum toties ei dixit pasce oues meas. Vbi sicut in antedictis, quatuor dilucidenda occurrunt, hoc est quod personæ petri, quod soli dicta hæc intelliguntur ita quod nusquam alias cæteris similia dicta sunt, quod tota ecclesia pascenda commissa est petro, & quod per hæc pontificatus ecclesiæ catholicæ datus est petro.

Quoniam autem soluere nescit qui nodum ignorat, quæ rem dubiam reddere possunt, in horum singulis asserenda sunt. Ex duobus in primis apparet quod non personæ, sed qualificatæ personæ dictum est pasce oues meas. Primò ex cognominatione petri, dum appellatus est Simon Ioānis, hoc est obediens gratiæ, neq; .n. frustra (ut beda hæc dicit) sic cum dominus appellauit, sed ad hoc mysterium insinuandū. Deinde ex trina interrogatione diligis me? ubi manifeste amanti dixit pasce oues meas. Ex his .n. apparet quod non personæ, sed personæ qualificatæ obedientia diuinæ gratiæ & amore ipsius Christi dictum est pasce oues meas.

Hoc in loco obseruandum est ne in extremos declinemus errores, sed media incedamus uia, cum .n. de qualificate personæ officio agitur, quatuor occurrunt. s. persona, qualitas eius, usus officij & rectitudo eius. Quæ omnia licet diuersa sint, heretici tamen nolentes discernere inter potestatis usum & rectitudinem usus, totum qualitati tribuunt, malos Christi ministros cognoscere refusantes, quia qualificati Christi charitate non sunt, tanquàm potestas & rectus potestatis usus idem sint, uel saltem utrumq; qualitati hoc est charitati commissum sit, unde latius aberrantes cuilibet iusto ecclesiasticam arrogant potestatem. Stulti aut (quorū infinitus est numerus) rectitudinē usus paruipendentes, si personæ ecclesiasticæ tribuunt potestatem quicquid sit de charita-

tis qualitate, fecisse putant satis. Recta uero ac catholica ratio
 mediam amplectitur uiam personæ qualificatæ datâ, & dari debe
 re ecclesiasticam potestatem censens, ea tamen ratione ut per
 sonæ potestas seu potestatis usus qualitati uero rectitudo usus
 respondeat. Sic enim uterq; uitatur error, dum sapienter quali
 ficatæ personæ committitur ut rectè utatur ecclesiastico ministe
 rio, & si contingit malos esse ministros ecclesia ambiguitati, aut
 fallacie periculo non subsit, sed per malos etiam bona suscipiat.
 Et si sapiens quicumq; qualificatæ debet personæ committere re
 ctum usum officij, hoc maxime decuit sapientiam incarnatam,
 & propterea testio a Petro exigit qual itatem charitatis, comit
 tendo ei actum optimum, ita quod exacta charitas bonitatem
 actus respicit, & ipsa rectitudo seu bonitas actus charitati tri
 buitur, ut omnes communiter doctor. sonant. Patet autem a
 ctum optimum a saluatore Petro committi dicendo pascere oues
 meas, ex singulis trium dictionum, pascere. n. est conferre nu
 trimentum, quo oues nutriuntur, augentur, multiplicantur, &
 uiuunt. Ques dixit non hedos, non boues, non lupos, & id ge
 nus homines, luxuriosos, superbos, rapaces, inuidos, maledi
 cos, &c. Meas addidit, ut proprio amore subtracto, amor chri
 sti rō pascendi oues significata explicetur. Ex quibus tribus si
 mul iunctis perspicuum fit, quod actum optimum comittebat
 Petro dicens pascere oues meas, & quia (ut dictum est) actus opti
 mus nō potest nisi a charitate Christi prodire, ideo personæ qua
 lificate charitate a domino commissus est. Ex hoc autem non se
 quitur (ut heretici fingunt) quod qualitati commissum est pa
 storale officiū, sed charitati quidem commissā intelligitur boni
 tas seu rectitudo usus officij pastoralis, ipse autem usus perso
 næ commissus intelligitur. Vnde & dominus hoc in loco ter exa
 cta charitate non dixit, charitas tua pascatur oues meas, sed per
 sonam ter alloquitur dicens, pascere tu agnos seu oues meas. Et
 sicut apud Matth. persona Petri descripta est nomine proprio,
 & nomine proprio patris carnalis quoad corpus, & internæ re
 uelationis gratia quo ad animam, ut ex his singulariter Petro
 conuenientibus personam eius intelligeremus, ita quoque hoc
 in loco non semel, sed ter eodē nomine proprio, & patris carna
 lis persona Petri secundum carnem describitur Simon Ioannis
 seu Ione (ut correctiores codices habent) & secundum animam
 ex propria humiliatione qua cor Christi scientiæ submittit, ter

repetens Domine scis, quia amo te: & ex propria contristatione, contristatus est Petrus, &c. ut ex his sibi proprijs Petri personam aperte intelligeremus esse illam cui Christus dixit pascue oves meas, ac proinde non dono charitatis, sed personæ commissum officium pastorale perciperemus ex exacta autem charitate intelligeremus charitati committi rectitudine usus officij pastoralis, nemo enim charitate potest officio pastoralis recte uti. Et hoc secundum literalem euangelij sensum sunt, ad mysticum vero sensum (unde efficax non potest argumentum trahi) spectat quod Simon Ioannis interpretatur obediens gratiæ. Vnde pater quod Christus non qualitati, sed personæ Petri qualitate charitate dixit, pascue oves meas, ac proinde si decidisset Petrus a charitate, non amisisset pastorale officium, sed rectum usum illius, quoniam a charitate pendet non officium, sed rectitudo usus, ut planum est apud quemlibet catholicum doctorem, & solos habet hereticos contradictores.

SOLI PETRO ITA QVOD NON ALIIS APOSTOLIS
dictum esse, pascue oves meas. *Cap. 9*

QUOD autem soli Petro dictum, sit a Christo pascue oves meas, textus ipse clare manifestat, tum ex nomine proprio suo, & patris carnalis tertio repetito. tum ex comparatione apposita ad alios, diligis me plus his? comparativum enim diuersitatem monstrat ipsius ad alios apostolos presentes quibus comparatur. tum ex propria Petri passionis, qua contristatus describitur ex tertia interrogatione memor negationis Christi prædictæ sibi olim ipso parato mori, ita ut locus dubitationi non relinquatur. Et quoniam hæc fuerunt Petro data resurrectionis domini, alijs apostolis, nec antea, nec postea inueniuntur simile quid dictum, restat ut omnino soli Petro dictum sit pascue oves meas. Nec obstat quod ecclesia apostolos omnes uocat pastores dominici gregis in præfatione (quos operis tui uicarios eidem contulisti præesse pastores) quando hoc ad apostolatū manifeste refertur, & propterea eo modo dicuntur pastores dominici gregis, quo ad apostolatū spectat pastoralis cura. ut autem apostoli non men testatur, pastorale exercitium ad apostolos spectat ut ad legatos Christi, & sic hoc est ut legati Christi dicunt.

dicantur pastores dominici gregis. Petrus autem (ut ex supradictis & dicendis patebit) constitutus est ut ordinarius pastor etiam ipsorum apostolorum, & hoc significant Christi uerba, pascue oues meas.

PETRO SOLI VNIVERSAM COMMITTI ECCLESIAM,
per hæc uerba christi pascue oues meas. Cap. 10.

VNIVERSAM autem committi ecclesiam petro per hæc uerba pascue oues meas, sophisticè in dubium uertitur ex sex. Primo, quia non dicitur pascue oues meas omnes, si n: tota ecclesia comprehensa esset, dici debuisset omnes oues meas, sicut dictum est docete omnes gentes Matth. ult. Secundo, quia nihil impossibile commissum est a Christo, uniuersam autem per orbem ecclesiam pasci ab uno est impossibile. Et si dicatur quod unus per alios posset, pascue totum orbem. Contra, quia dominus dixit pascue, & non dixit fac pascere oues meas, hoc n: etiam ethnicus posset facere committere. s. alijs ut pascere oues Christi. Tertio, quia peccasset petrus si non omnes solus pascisset, si omnes soli commisse sunt. Quarto, quia petrus nullum apostolum misit, & quilibet apostolus ordinauit episcopos absq; petri auctoritate. Quinto, quia constemur apostolos in diuersas mundi partes tanquam suas portiones distributos.

Sexto, quia petrus circumcisionis tantum oues sortitus est, ut patet ad Gal. 2. Vbi dicit paulus cum uidissent quod creditum est mihi euangelium præputij, sicut & petro circumcisionis, qui n: operatus est petro in apostolatû circumcisionis operatus est mihi inter gentes.

Quod manifeste autem exorbitent hæc a uero euangelij sensu, non est difficile aperire. Dicendo siquidem pascue oues meas, oportet aut omnes, aut istas, aut nullas, uel uage oues committi pascendas. Et quidem quod non has uel illas determinate commiserit, uerba ipsa testantur, quod uero nullas, ueritati aduersatur q; autē uage reliquerit & christi sapientiæ derogat & ueritati pronominis adiuncti cōtrariatur. sapientis. n. gubernatoris & potentis definite providere, non est uagā relinquere prouisionem suam. Et constat quod ex hoc ipso quod solo pronomine meas demonstrat oues, non uage seu indefinite loquitur, sed ex hoc ip

so quòd nullas suas eximit, omnes suas comprehendit dicendo, pascue oues meas. Et obserua peruersitatem exponendi, quando apud Matth. dicitur super hanc petram edificabo ecclesiā meam de omni ecclesia Christi intelligendum putant, ne unam solam ecclesiā super petram edificatam fateantur, quādo uero apud Ioannem petro dicitur pascue oues meas, indefinite exponunt, ne oues Christi sub uno pastore comprehendant. Ibi rem singularem unam, scilicet ecclesiā catholicam, contra omnem rationem distribuunt uniuersaliter, hic res diuersas, multas, scilicet oues distribuere uniuersaliter recusant, ut hinc uideas falsos esse eorum sensus, falsum. n. etiam a seipso dissonat. Et per oppositum quia uero omnia consonant, ecclesiasticus sensus sicut habet quòd ibi ita unica intelligitur ecclesia catholica, ut comprehendatur omnes Christi particulares ecclesiæ in ea tanquā partes in toto, ita hic oues Christi ita intelliguntur explicate per pronomen meas, ut nulla relinquatur quæ sub pronomine meas comprehenditur.

ET PROPTEREA non oportuit apponere omnes, quia quæcunq; oues ad quas extenditur pronomen meas, comprehenduntur cum dicitur pascue oues meas, sicut Io. x. omnes comprehensæ sunt Christi oues cum dixit dominus, apinam meam pono pro ouibus meis, & rursus oues meæ uocem meam audiunt &c. Vnde si meas uniuersalis signi supplere effectum altiori ratione necessario appositum patet, & propterea non esse simile iudicium de hoc tex. & illo, docete omnes gentes. ibi. n. tam suas quā non suas per electionem gentes docendas mandauit, hic uero oues suas pascendas commisit sufficienter, per si meas comprehendens omnes, ut ratione & testimonio scripturæ monstratum est clarissime constare ex eodem euangelista.

Et hinc confirmatur sensus catholicus, quoniam quod ibi Christus promisit, hic exhibuit, & propterea quia ibi totam ecclesiā promisit, hec omnes oues commisit. Et confirmatur rursus ex uerbis domini Io. x. alias oues habeo quæ non sunt ex hoc ouili, & illas oportet me adducere, & fiet unum ouile & unus pastor, si. n. ex ouibus omnibus ouile unum constare debet sub uno pastore, consequens est ut cum unus pastor instituitur & dicitur pascue oues meas, illius unius ouilis cura committatur. Dubitandum. n. forte fuisse si plura haberet Christus ouilia, de quibus suis ouibus loqueretur. cum autem unum tantum ouile se habere testetur, dubitari non potest quas suas oues committat, nisi quis

quis adeo decipiat ut de parte tantum ouilis curam committat. Et confirmatur rursus hæc sensus ex sanctorum expositione, quorum auctoritates latius inferius afferentur. Vnde Theophilus hic dicit. finito prandio commissionem ouium mundi petro commendat, non alij. Ad secundam uero obiectionem dicitur, quòd non est impossibile, sed necessarium atq; utile omnes christi oues pasci ab uno ut catholicæ ecclesiæ capite. In hoc autem pascendi modo, scilicet ut a capite catholicæ ecclesiæ, clauditur quòd christi oues diuersis coadiuuantibus membris pascuntur a capite, sicut totum corpus a capite regitur coadiuuantibus alijs membris. Vnde non est dicendum quod petrus pascit, id est facit pascere, sed quòd ipse ut caput per alia conmembra coadiuuantia pascit omnes christi oues. quod non posse per principem laicum aut quemcunq; alium qui non est caput ecclesiæ fieri constat. Tantoq; possibilibus est a petro pasci omnes christi oues, quanto petrus uicarius est christi uiuentis, regnantis & assistentis ad dirigendum, inspirandum atq; adiuuandum.

Vnde patet solutio tertie obiectionis, commissum est. n. petro soli non ut solus omni modo, sed ut solus tanquam caput catholicæ ecclesiæ pascat, omnes christi oues. & propterea non peccat si per conmembra adiuuatur ad pascendum christi oues, sed peccaret si concaput ecclesiæ catholicæ sustineret.

Ad quartam dicitur, petrum nullum misisse apostolum, quia preuentus est a Christo domino, qui misit apostolos Ioan. 10. sicut misit me pater & ego mitto uos. Et propterea poterant auctoritate applicatus episcopatos ordinare absq; habita a petro facultate. Ad quintam dicitur, quòd distributio apostolorum ad apostolatus executionem spectat, & nihil penitus obstat pastoralis officio petri, sicut in nullo eius autoritas imminuita est ex hoc quòd christus apostolos misit, hoc. n. ad legationem illud uero ad executionem pertinet.

Et per hoc etiam soluitur sexta obiection, nam quantum ad executionem apostolatus paulus loquitur, ut ipsa uerba clarescant. qui operatus est in apostolatum. Cum his. n. diuersis executionibus euidenter fiat unitas pastoralis, cure apud petrum.

PETRO PER HÆC VERBA PASCE OVE-
meas, commissum a Christo Pontificatum totius ec-
clesiæ esse. Cap. 11.

ECCELSIÆ totius pontificatum petro per hæc uerba collatum inficiantur aliqui. Primo, quia pascere non significat principari aut esse primum. Secundo, quia uerbum christi est uel exhortatoriū uel præceptorium ad pascendū, non ad subiiciendum oues. Et si dicatur, pascere non potest nisi superior, quid ad me? quære locum ubi uerba sunt conferentia petro potestatem super ecclesiam, hic enim solummodo pascere committitur.

VERVM difficile non est pontificatum monstrare sub his uerbis datum. Pascere siquidē christi oues, actus est auctoritatis in pascente, utilitatis in ouibus, finis in christo. Eo nanque quod christus suos, ut oues pascendas petro commisit, meridiana luce clarius patet, quod ipsum præfecit alijs, ut pastorem ouibus.

NON oportet ergo alium quærere locum ubi petro potestas data est super ecclesiam, quoniam hic locus eam attestatur datam, nisi quis usque adeo decipiat, ut petro dictū putet pascere oues meas non officio pastoris, sed officio mercenarij. Quæ etiam insipientia confutatur ex trina, ex actione charitatis christi a petro, cui enim amore christi pascende oues committuntur, procul abest amor mercenarius. Vnde etsi pascere non significat principari, significat tamen actum ecclesiastici principis. & rursus si non significat principari, præsupponit tamen principatum quia præsupponit pastorem. Vnde & bene respondebatur, quod pascere non potest nisi superior. Et cum dicitur quid ad me? responderetur multum profecto ex ipsa ratione connexorū, habent enim hoc, ut altero collato reliquum tributum intelligatur. Quo fit, ut si pascere non potest nisi superior, cui datum est pascere, datum quoque est esse superiorem, unde ex hoc etiā capite liquet quod non est alius quærendus locus scripturæ, ubi petrus factus est super ecclesiam, quoniam hic clare habetur.

Affirmamus autem christi uerbum preceptorium esse, nam si apostolo Paulo ue est si non euangelizauerit, multo magis Petro ue est si non pauerit oues christi. Sed non præceptorium solummodo est christi uerbum, sed institutorium, nam si in conditione

tionem primæ partis uniuersum uerbum dei instituit creaturas precipuas, & simul proprium earum opus præcepit (iuxta illud, instituit ea in æternum, & in seculum seculi, preceptum posuit & non preteribit) par est ut in creatione christianæ ecclesiæ primum eius membrum eodem uerbo perfecerit, precipiendo summum pontificatus opus & instituendo ipsum pontificatum. Eo uero ipso quo petro ut pascat christi oues committitur, christianis populus, ut oues iubetur se habere ad petrum, frustra enim committerentur, ut oues pascendæ a petro, nisi ut oues exhiberentur eidem a communi domino. Unde necessitas non solum pastus, sed subiectionis in uerbis domini significatur cum dicitur pascite oues meas. Attestante, & hoc Aug. hic exponente pascere, non solum docere, sed regere, dum dicit oues ipsas pascendas, hoc est docendas regendasque committit. & Chryso. pascite oues meas, fratrum curam suscipe, & glo. ex alchui. pascere oues est credentes in christo ne a fide deficient confortare, terrena subsidia si necesse est subditis providere, & exempla uirtutis cum uerbo prædicationis impendere, aduersariis obistere, errantes subditos corrigere. Quocirca etsi pascere non significat principari, significat tamen christi oues regere, in quo clauditur principari. etsi non significat principari, trahit tamen secum principari, sicut trahit secum requirere, reducere, alligare, consolidare, custodire & sanare, quorum meminit dominus Ezech. 34. unde & petrus princeps apostolorum & princeps super plebem christi constitutus dicitur, & iuxta Greg. uerba ad mauri. cura ei totius ecclesiæ, & principatus committitur.

Et si quaeratur quare dominus commisit pontificatum petro non sub uocabulo prælationis seu auctoritatis, uel dignitatis, sed actus pascendi suas oues? In promptu ratio est, & ex parte rei, quia prælatio seu auctoritas est propter pascere oues christi, & non e contra. Et ex parte appetitus regulandi, quia non locus superior, non dignitas, aut auctoritas ambienda est, sed pastus ouium christi appetendus in pontificatu, iuxta quod apostolus postea dixit qui episcopatum desiderat bonum opus desiderat. Et ex parte scripturæ adimplendæ, dixerat enim ante passionem Luc. 22. reges gentium dominantur eorum, & qui potestatem exercent in eos benefici uocantur, uos autem non sic, sed qui maior est in uobis fiat sicut minor. Hinc enim a ministeriali actu pascendi christi oues significauit pontificatum tacitum, tanquam

annexum

annexum quid & non estimandum nisi propter utilitatem ouium christi, cuius oppositum cōtingit in regibus & dominis gentium, qui ad hoc ut regnent & domini sint omnia ordinant.

Porro commissum inter actus pontificios opus præcipuum, petri inontrat pontificatum, pascere siquidem electos præcipuus est pontificis actus. Nam sicut ad supremam diuinæ providentiæ partem spectat cura electorum (ad quorum felicitatem, non solum cæli motum ordinauit, testante Io. in Apoc. ca. 6. dictum est illis, ut requiescerent adhuc modicum tempus donec impleatur numerus conseruatorum eorum, sed etiam ipsemet descendit de cælis, & homo factus, crucifixus, mortuus, sepultus &cet. omnia sustinuit propter electos) ita ad summam ecclesiasticā curam, quā pontificatum uocamus, spectare oportet pascere electos. Constat autem solos electos significari cum dicitur pascere oues meas, testante hoc ipso domino Ioan. 10. dicente. oues meę uocem meam audiunt, & ego cognosco eas, & sequuntur me, & ego uitam eternam do eis, & non peribunt in æternum, & non rapiet eas quisquam de manu mea.

Nec propterea Petri Pontificatus quasi ad solos electos se extendat, restrictus est, sed subordinatus electorum pastui hinc est omnis circa alios Pontificatus actus. Sicut enim secundum uniuersi ordinem unicus cæli motus propter implendum numerum est electorum, & idem tamen etiam ad propagandos non electos se extendit, & secundum ordinem gratiæ summæ bonus pastor christus animam suam posuit pro ouibus suis, hoc est electis, & tamen eadem mors pro totius mundi uita fuit, ita in sacris mysterijs summus Pontificatus propter pascendos est electos, & idem non electos comprehendit. Nec immerito, quoniam eiusdem est cura finis & dispositio eorum quæ sunt ad finem, uita autem electorum finis est gubernationis aliorum. Oīa inquit apostolus 1. ad Thi. 2. suscipeo propter electos, & ad Ro. 8. omnia electis donata testatur, & super omnia bona domini cōstituenti affirmantur electi Matth. 23. Nec silentio inuocatos propterea dixerim præcitos, quoniam sub agnorum noīe comprehendendi aliquos præcitorum nō inconuenit, sunt. n. christiani multi imperfecti semper discētes, & nunquā ad perfectionem ouis peruenientes, quos dominus pascendos simul cum ouibus, hoc est electis commisit petro. Vnde bis commisit agnos, & tertio oues, non solum quia imperfecti maiore egēt cura, sed ut ipso

ipso numero diuersitatem insinuaret agnorum suorum, hoc est Christianorum communem uitam ducentium, dum alij reprobi, alij electi sunt. oues autem semel, & ultimo committuntur, quia omnes Christi oues inter electos sunt, & crescens oratio ad summum terminatur. Et cum omnes pastoralis petri curæ committantur, soli agni, & oues pascendæ committuntur, Lupi siquidem Leones, & Vrsi cōmissi intelligūtur cauendi fugādi, aut ex terminandi. Vnde nullus a petri pontificatu exemptus relinquitur, etiam si solum fuisset illi commissum pascere oues meas, propter quas fiunt omnia, utpote quibus omnia cooperantur in bonum, ut apostolus ad Roma. 8. testatur. Fit autem rursum huius excellentia commissi operis manifestior, discurrendo per pastoralia pontificiaq; opera, nam sex illos actus pastores Ezech. 34. positos (scilicet requirere quod perierat, reducere quod abiectū erat, alligare quod contractum fuerat, consolidare quod erat infirmum, sanare quod erat egrotum, custodire quod pingue, & forte) ad pastum ouium ordinari testatur dominus, arguens de his pastores dicens. ve pastoribus Israel qui pascebant semet ipsos, nonne greges a pastoribus pascuntur? lac comedebatis, & lanis operiebamini, &c. Vbi rationem omissionis manifeste reddit ex eo quod nō oues, sed semetipsos pastores mali pascūt, tanquā omnium horum operum ratio sit vacare ad pascendū ipsas oues. Actus quoque iudiciales qui in ecclesia fiunt tam in foro penitentiae, quā in foro contentioso, ad pascendas Christi oues ordinari non est dubium. Aperire demum, & claudere regnum cœlorum ad pastum ouium sic spectant, quod aperire regnum cœlorum est pascere oues Christi, claudere autem illud ad pastum earundem ordinatur, quando quidem ad bonum refertur electorum, quibus omnia cooperantur in bonum. Constat igitur si colligantur cuncta significata per hanc promissionē pascere oues meas, commissum Petro esse totius ecclesiæ pontificatum. Nec ut noua hæc cudimus, sed a patribus, quæ didicimus proferimus, eorundem attestazione Petri pontificatum firman tes, ut in ultimo patebit capitulo.

PETRUM HABERE EX CHRISTI INSTITUTIONE
successorem in pontificatu ecclesiæ catholicæ. Cap. 12.

FIRMATO Petri pontificatu ecclesiæ catholicæ, oportet de successore eius tractare. Et ut intelligatur manifeste dis-

ferentia inter catholicos, & schismaticos, prænotandum est in quo convenimus, & in quo dissentimus. cōcorditer siquidem fatemur Petrum apostolorum principem, &c. fuisse Ro. pontificem, sicut Iacobus apostolus fuit pontifex Hierosolimitanus, & propterea quemlibet Rom. episcopum successorem esse Petri in pontificatu Ro. ecclesiæ, sicut quilibet Hierosolymitanus episcopus successor est Iacobi in pontificatu Hierosolymitanæ ecclesiæ. Coneorditer quoque affirmamus Hierosolymitanū episcopum non succedere Iacobo nisi in Hierosolymitanæ ecclesiæ episcopatu, non. n. succedit Iacobo in auctoritate apostolatus. Sed statim dissentimus, cum inferre conantur Rom. Pontificem non succedere Petro nisi in episcopatu Roma. eccles. fatemur, enim catholici Roman. Pontificem succedere Petro non solum in episcopatu Roma. ecclesi. sed etiam in Pontificatu ecclesiæ catholicæ. Vbi si perspicaciter scrutari fuerimus, videbimus duo superesse tractanda, an. s. Petrus habeat diuino iure successorem in pontificatu ecclesiæ catholicæ, & an huiusmodi successor sit Roman. Pontifex. Schismatici enim negant Roman. Pontificē episcopum esse ecclesiæ catholicæ, & prænegant oportere institutione diuina aliquem unum succedere Petro in regimine totius ecclesiæ, & ante omnia negant Petrum institutum a Christo Pontificem ecclesiæ catholicæ. Cum autem iam declarauerimus huiusmodi Petri Pontificatum, superest ut primo an habeat aliquem successorem, & demum an ille sit Roma. Pontifex tractemus.

ET IUXTA præfixum modum afferenda censui argumenta, quibus contra unicum Petri successorem in Pontificatu ecclesiæ catholicæ insurgitur. Arguitur ergo primo ex coniunctis. Si hæc uerba Christi ad Petrum, tibi dabo clauēs regni cœlorum Matth. 16. & pasce oues meas Ioan. ultim. extenduntur ad successorem, par est ut uerba antetia concomitantia, & subsequētia dicta Petro a Christo, intelligantur quoque dicta non solum Petro, sed successori, sed hoc constat esse falsum, ut patet singillatim discurrendo. Nam apud Matth. dominus præmittit tu es Petrus, & post subiungit reprehendendo Petrum, uade post me sathana, quia non sapis, quæ Dei sunt. similiter apud Ioann. præmittitur, diligis me plus his? & similia concomitanter interponuntur cum Petri responsionibus, & postea subiungitur, cum esses iunior cingebas te, & cætera. nihil autem horum

horum spectat ad successorem secundum literalem sensum, ergo nec illa uerba, tibi dabo & pascue oves meas, sunt ad literam dicta petro & successori, sed sicut reliqua mysticæ applicantur ad successores, ita & hæc. Secundo ex similibus. Verba christi Luc. uigesimosecundo, ego rogaui pro te &c. non sunt ad literam dicta petro, & successori, ergo nec ista, tibi dabo claves, & pascue oves meas &c. sunt dicta Petro pro se, & successore. Consequentia tenet a simili, præsertim cum iste tex. a sacris doctoribus affectatur pro soliditate successionis Petri in fide. Antecedens uero manifestatur ex eo quod ibi dicitur, & tu aliquando conuersus confirma fratres tuos. si enim de quolibet successore hæc dicta sint, oporteret successorem quemlibet auersum quandoque esse uel fuisse, ut de ipso possit uerificari, & tu aliquando conuersus, sicut petrus auersus fuit negando christum cum periurio, & postea conuersus confirmauit fratres suos.

Tertio ex alijs eidem Petro a domino dictis, puta antequam gallus cantet, ter me negabis Matth. 26. & uade ad mare & mitte hamum &c. Matth. 17. cur enim huiusmodi soli personæ Petri ita quod non successori dicta exponunt, illa autem tibi dabo, & pascue, ad successorem referuntur? uoluntarie enim hoc fieri uis.

Quarto ex omisilis. Nullibi siquidem dixit christus se loqui in illis uerbis Petro pro se, & successore, cum tamen debuisset hoc docere, cum hoc ut unum de necessario credibilibus proponatur ecclesiæ, & ipse Esa. 5. dixerint, quid est quod debui ultra facere vineæ meæ, & non feci ei? si enim totum quod debitum erat effecit synagogæ Iudeorum multo magis totum effecit ecclesiæ christianæ. Et augetur hoc argumentum, ex hoc quod dominus Matth. ult. dicit. ecce ego uobiscum sum omnibus diebus usque ad consummationem seculi. Vbi quia se fore in toto hoc tempore cum ecclesia nos certificare uoluit, dicendo, ecce ego uobiscum sum usque ad consummationem seculi, manifestauit quod ad discipulos pro se & successoribus eorum loquebatur. Hinc. n. arguitur quod si Petro & successori intendisset hæc dicere, explicasset, aut insinuasset successorem sicut insinuauit ibi successores discipulorum. Quinto ex coapostolis. Quænam ratio est, ut nullus aliorum apostolorum habeat successorem in apostolatu, & solus Petrus habeat? Et rursus quæ ratio est, ut apostolorum successores sint & dicantur episcopi (quos constat esse æquales, unde & fratres uocantur) & unus tantum episcopus successor sit

petri super totā ecclīā? Et rursus ut prætactū est, quā rō suffert
 vt episcopus Hierosolymitanus succedat Iacob in episcopatu il
 lius ecclēsiæ, & non in apostolatu, successor autē petri succedat
 ei in apostolatu ac pontificatu totius ecclēsiæ? hoc enim non
 nisi humana ratione, aut voluntate factum vñ, cum scripturæ desit
 auctoritas. Deinde arguitur ducendo ad inconuenientia mul
 ta. Et primo. Si ad solum petrum refertur christi uerbū, ergo nō
 ad successorē, & iterum, ergo cum petro claues uenerunt, &
 abierunt. Et probantur sequelæ, quia non potest ad plures per
 tinere quod ad unum tantum dicitur. Secundo, quia si ad suc
 cessorem extenditur, ergo necessaria ratione & ad alios aposto
 los, quia tunc erant præsentes, successores autem petri nondum
 erant. Tertio, quia ridiculum esset quod omnium ecclēsiarum
 idem baptisma, eadem eucharistia, eadem confirmatio, idem uer
 bum dei, idem sacerdotium, eadem pœnitentiæ, unctiois, matri
 monij & reliqua sacramenta, eadem fid. s. spes, charitas, gratia,
 mors, vita, gloria esset, una hæc tēporalis potētia vni tributa es
 set successori petri per uerbū dei, quod cōmune est omnibus.

Quarto. Si unus episcopus iure diuino cæteris præsertur, ma
 nifeste Hiero in epistola ad Euādrum quæ habetur. 93. di. ca. le
 gimus. hæresim docet, non solum ipse, sed Petrus, Paulus, Ioānes,
 Lucas, quos inducit irrefragabiles autores. Patet enim ibi epi
 scopos eosdem esse cum presbyteris, & episcopos æquales esse.

Quinto, quia idem Hier. super epistolam ad Tim. & habetur.
 95. di. ca. olim. dicit. Sicut ergo presbyteri sciunt se ex ecclēsiæ
 consuetudine ei qui sibi præpositus fuerit esse subiectos, ita epi
 scopi nouerint, se magis consuetudine quam dispensationis do
 minicæ ueritate presbyteris esse maiores, & in communi debe
 re ecclēsiam regere. Non ergo diuino iure unus Petri successor
 episcopus maior est alijs.

A d huius rei euidentiam considerandum est, triplici uia ma
 nifestum fieri hæc christi uerba toties repetita Petro, non solum
 pro se, sed pro successorē suo dicta esse. Prima uia ex ipsis uerbis
 domini cum dixit, pascue oues meas, procedit. Nam dicendo
 pascue oues meas, unum ouium suarum pastorem instituit (ut ip
 sa uerba testantur, absque ulteriori probatione) pastor autem
 significat ordinarium rectorem ouium, ut patet tum ex ipsis uo
 minibus pastoris & ouium, tum ex ipsa ratione pascendi. Tum
 quia oportet eum qui ordinarie gerit curam ouium, uel mer
 cenarium

cenarium uel pastorem esse, sed mercenarius non est, quia cum uidet lupum uenientem fugit, & non pertinet ad eum de ouibus quia mercenarius est, ut dicitur Ioan. 10: relinquitur ergo quod is qui ordinarie curam ouium gerit pastor est. Constat autem pastorem utpote ordinarium officialem, non finire morte illius qui pastorale officium exercebat, sed per successionem oportere durare. Et hinc fit, ut institutio pastoris sit institutio perpetui officij, & per hoc quod, in prima institutione pastori tribuitur, pro quolibet successore eidem datur. Vnde ex hoc ipso quod dominus dicendo, pascue oues meas, pastorem totius ecclesie instituit; pastorale officium totius ecclesie statuit ex tunc & in seculum seculi, & consequenter quod dedit tunc Petro, significauit se dare cuilibet Petri successori in Petro. Rursus dicendo pascue oues meas, perpetuitatem pastoris intelligendam ex alio capite monstrauit, nam oues suas duraturas sciebat, & dixit usque ad consummationem seculi in presentis miserie ouili uno, & propterea eo ipso quo ouibus in uno ouili duraturis usque ad consummationem seculi prouidit de pastore uno, dicendo Petro pascue oues meas, significauit se prouidere de uno pastore usque ad consummationem seculi. Habemus ergo dupliciter ex ipsis euangelij uerbis a domino institutum esse quemlibet Petri successorem pastorem totius ecclesie in ipso beato Petro.

Secunda uia ex rationibus fundatis super sacra scriptura procedit, tum quia desipientis est putare christum prouidisse de pastore suarum ouium pro parte temporis, & ea minima, qua scilicet uixit Petrus, & non pro toto, & tam prolixo tempore usque ad consummationem seculi, quo durant sue oues. Tum quia rationabile est, ut uniuersalitas temporis cointelligatur uniuersalitati locorum, & proinde quia dicendo pascue oues meas, oues suas ubique terrarum comprehendit, consequens est, ut easdem pro quocunque futuro tempore comprehendat. Tum quia christus synagoge dicens, quid ultra debui facere uinee mee, & non feci? insufficienter prouidisset christianae ecclesie constituens eam unum ouile sine uno pastore coeui ouili, conuersante cum ouibus suauiter, hoc est sensibilibiter secundum modum ipsarum ouium. utpote quae uiuunt non sola spiritali, sed sensitiua natura, cum tamen de ipso scriptum sit. attingit a fine ad finem fortiter & disponit omnia suauiter Sap. 8. Tertia autem & ea optima pariter & certi.

certissima uia procedit expressa diuina reuelatione facta ecclesie sue sanctae. Vt n. inferius de uerbo ad uerbum afferentur auctoritates, manifeste habetur quod in hoc sensu sanctis inumeris & a sacris concilijs uerbis intellecta est insto pontificatus petri super totam ecclesiam a Christo facta. Certo, autem certius est illum esse uerum scripturae sensum quem concorditer tradentibus sanctis, uniuersalis Synodi diffinitione accedente habemus. Fatemur igitur absq; omni hesitatione quenlibet petri successorem, institutum in beato petro esse pastorem totius ecclesiae.

Ad primum ergo argumentum in oppositum de concomitantibus, dicitur praecedentia concomitantia & subsequencia inueniri duplicia, uel pertinentia ad pastorale officium uel non pertinentia ad hoc. Et de pertinentibus quidem ad pastorale officium (quale est illud, uade post me Sathana, ut patet in ipso euangelij textu) non oportet esse sollicitum an spectent ad successionem, de pertinentibus autem dicitur quod eo modo quo pertinent ad officium pastorale, eodem modo pertinent ad successionem. Vnde ut ad singula descendatur quia uerba praemissa apud Matth. beatus es Simon bar Iona &c. non spectant ad pontificatum, sed ad confessionem quam fecerat petrus (ut declaratum est) nec ad successorem pertinent. Quod uero dicitur, tu es petrus & super hanc petram &c. quia ad pontificatum totius ecclesiae necessario pertinet, ad successorem quoq; pertinere oportet, necesse est. n. successorem petri esse petrum, i. in fide solidum, ut super hanc petram christus aedificet ecclesiam suam. Difficultates autem quae circa hoc sunt, in sequenti tractabuntur capitulo.

Quod autem dicitur apud Io. diligis me & amas me? quodam modo ad pastorale officium spectat & quodammodo non. Nam rectitudo pastoralis officij, amorem christi exigit ipsum autem pastorale officium sine christi amore potest & haberi & exerceri, & propterea amor christi ad successorem quoque spectat quantum ad rectitudinem utendi pastoralis officio, non autem quantum ad habendum uel exercendum ipsum pastorale officium.

Et similiter quod adiungitur cum esses iunior, licet cum petro finitum sit quantum ad prophetiae consummationem, quantum tamen ad insinuatam preparationem animi pastoralis ad ponendum animam pro ouibus christi, & frequentem euentum persecutionum aut mortis pro christi ouibus bono pastori, ad successfulis rectitudinem atq; fortitudinem pertinet. Ad secundum dicitur

dicatur, quod uerba illa domini iuxta regulam de pertinentibus uel impertinentibus ad officium pastorale, quia ad pastorale spectat officium confirmare fratres, petro pro se & successore dicta intelleguntur. Vnde Theo. hæc dicit. Hoc autem petro dixit, eo quod superbire poterat in his quæ promissa erant a Christo. Ea rursus postquam me negato ploraueris ac penitueris, corrobore ceteros, cum te principem apostolorum deputauerim, hoc. n. docet te, qui mecum robur es & petra ecclesiæ. Cyrillus quoque hoc dicit. omisiss ceteris uenit ad petrum ceteris prælatum. Nec propterea oportet quemlibet petri successorem cadere a christi charitate, hæc. n. domini uerba non necessitatem sed possibilitatem auersionis a charitate cum indeficientia fidei significant, sicut si auerti contingat, conuersus confirmet fratres suos. Indeficientia itaque fidei in petro & ipsius successione impetrata asseritur, confirmatio fratrum imponitur, auersio possibilis significatur, conuersio prædicatur. Et hoc insinuat aduerbium aliquando, ex hoc. n. quod non semper sed aliquando conuersus prædicatur, auersio quoque quod quandoque futura sit insinuat. Ad quod uerificandum non oportet quemlibet successorem auerti, sed fat est & nimis etiam quod quandoque successor aliquis auertatur a christi charitate. Ad tertium patere potest iam solutio, nam sola ea quæ dicta sunt petro pertinentia ad pastorale officium, dicta sunt sibi pro se & successore ad literam, reliqua autem ad literam dicta sunt sibi soli. Ad quartum (quod maxime urgebat) iam patet responsio, significauit. n. xps ipse in petro cuilibet eius successori se loqui, eo ipso quod instituit eum pastorem omnium suarum, tum ex parte officij pastoralis, tum ex perpetuitate ouium suarum, ut prædeclaratum est. Vnde non minus aparuit hæc in petro eius successorem quam aparuerit apud Matth. in discipulis suis eorum successores, ibi. n. ex uno tantum capite. s. diuturnitate successionem significauit, hic uero ex duobus. s. & ex officio pastorali & ex perpetuitate ouium suarum, ut prædeclaratum est. Ad quintum dicitur, quod non est eadem ratio de successione in apostolatu & de successione in pontificatu, apostolus. n. ut ipsum nomen testatur, sonat ab alio missum seu legatum (iuxta illud apostoli 2. ad cor. 5. legatione pro christo fungimur, & ad Eph. 6. legatione fungor in cathena ista) non est autem legatorum uendicare sibi successores, sed finitur legatio cum legato, nisi a domino alius mittatur. Pastor autem ordinarium officium sonat, cuius est habere

bere successorē, & propterea ecclesia nō habet apostolos qui successerint in apostola tu, christi apostolis, sed habet episcopos succedentes apostolis, nō quo ad apostolatus auctoritatē, sed quantum ad episcopalem, tam dignitatem quā auctoritatem. Vnde si formaliter & exactissime loquendū est, nec petrus habet successorē in apostolatu. tum quia apostolatū cōmunem habebat cum reliquis apl's, paresq; in apostolatu oēs fuerūt, ac per hoc par est ratio in apostolatus successionē de omnibus. tū quia experiētia testatur nullius petri successoris libellos quātuncūq; sanctos inter sacras esse scripturas, usq; adeo ut epistola pauli ad philemonem, quāuis commendatitia unius seruuli, inter sacras computetur scripturas. Veruntamen quia successor petri succedens ei in pastoralī officio ouium christi (quod est pontificatus mundi) ex hoc ipso succedit p̄cipuo apostolatus officio, quod ut diuus Th. dicit, erat gubernare catholicam ecclesiam, hoc. n. communiter apostolis omnibus a christo delegatum fuit, hoc petro singulariter pastoralī officio datum est, hoc solus petri successor hereditat ex hoc ipso, quōd succedit petro in pontificatu ecclesiæ catholicæ. Hinc igitur sola successoris petri, sedes uocat & est sedes apostolica, ut pote ea in qua sola auctoritas gubernandi ecclesiæ catholicæ (quæ inter facultates legatas apostolis summum tenet locum) residet. hinc successor petri apostolicus, hinc eius dignitas seu officium apostolatus, hinc eius auctoritas apostolica uocatur, ut pote complectens sup̄riam omnibus apostolis tributam auctoritatem. Vnde solutio patet omnium quæstorum. & cur solus petrus inter apostolos habet successorem in apostolica auctoritate, quia. s. solus institutus est a christo pastor ouium suarum. Et quo pacto cum hoc stat episcopos omnes succedere apostolis in episcopali dignitate & auctoritate, & quatenus episcopos esse omnes pares, hoc. n. nihil omnino obstat ueritati declaratē. Et quare episcopus Hierosolimus non succedit iacobo in auctoritate apostolica, episcopus autem ro. succedit petro. in apostolica auctoritate? quia. s. petrus auctoritatem apostolicam habuit ēt ut ordinarius pastor a christo institutus super uniuerso ouili suo, iacobus autem eam habuit tantum ut apostolus. Et hoc nō ratiōe aut uoluntate humana factum, sed christi ueri dei institutione ordinatum esse mōstratum est, dum petrum solum pastorem suarum ouium istituuit dicens. pascue oues meas.

A D argumenta deinceps allata ducendo ad inconueniens, respondendo

respondendo ad primum dicitur sequelas nihil ualere. Ad probationem autem (quia nō potest ad plures pertinere, quod ad unū tantum dicitur) respondetur ad innumeros successores posse pertinere quod ad unum tantum officialem instituendo dicitur, quoniam quod sibi dicitur, cuilibet succedenti intelligitur dictū, & propterea dictum Petro primo pastori Christi ouium instituto, cuilibet ei succedenti in huiusmodi officio pastoralis dictum est. Et eadem est ratio de promissionibus eidem factis.

Ad secundum similiter dicitur sequela nihil ualere, nec esse maiorem, aut parem rationē quod extendantur hæc uerba ad alios apostolos qui erant præsentēs quàm ad successorem Petri, quoniam quilibet successor, licet in seipso tunc non esset, erat tamen in ipso Petro sub eadem officij forma, quo constat modo non fuisse alios apostolos in Petro, quoniam nullus sub eadem officij forma fuit, aut futurus fuit. Ad tertium dicitur, quod nō ridiculum, sed diuine rationi consentaneum est, ut omnium ecclesiarum communicantium in eisdem sacramentis, &c. sicut est unum numero ouile institutum a uerbo dei communi omnibus, ita sit unus numero pastor illius unius ouilis institutus ab eodem uerbo dei communi omnibus. Hoc siquidem diligenter perspectum, non est uniparticulari ecclesiæ, aut personæ consulere, sed unitati ouilis prouidere, ac per hæc sicut unitas ouilis communis est ecclesijs omnibus particularibus, ita unitas pastoris ad omnium est utilitatem ecclesiarum. Et sic optime adimpletur quod apostolus dixit j. ad Corinth. 3. omnia uestra sunt, siue Paulus siue apollo siue cephas. Ad quartum dicitur simul, & ad quintum, consequentias nihil ualere, utpote ex impertinentibus ad propositum deductas. Dicta siquidem a Hiero. in utroq; loco, impertinentia sunt ad propositum, utpote, quæ de episcopis, & presbyteris quatenus episcopi; & presbyteri sunt dicuntur, æqualitas namq; seu idētitas diuino iure inter episcopos, & presbyteros siue sit siue non sit, nihil refert ad unitatem pastoris totius ecclesiæ, non. n. ideo unus est pastor totius ecclesiæ, quia episcopus maior est presbytero, sed ideo quia unus est successor Petri, siue presbyteratus siue episcopatus sit maximus in ecclesia Dei ordo. Equalitas autem diuino iure episcoporum inter se, quatenus episcopi sunt, non eget probatione, quoniam illam asserimus, sed impertinens est proposito, quoniam non ideo unus est pastor totius ecclesiæ, quia unus episcopus, est sacrator altero

(omnes.n.episcopi sunt æquales in episcopatus ordine, & non est magis, aut plus episcopus successor petri, quàm quicunque alius episcopus, sicut non est magis presbyter quàm quicunque alius presbyter) sed ideo unus est pastor totius ecclesiæ, & reliquis prælatus episcopis atq; presbyteris, quia unus est successor Petri. unde patet ex hoc quòd diuino iure a Christo instituto, vnus presbyter siue episcopus Petri successor ceteris episcopis, & presbyteris immo toti ecclesiæ præfertur, non sequi Hieronym. & allatos a Hiero. Petrum, Paulum, Ioannem, Lucam, heresim docere, ut arguentes audent inferre, sed prudens lector intelligit dicta horum impertinenter deducta ad propositum.

ROMANVM PONTIFICEM SVCCEDERE PETRO IN
pontificatu totius ecclesiæ. cap. 13.

SUPPOSITA Petri successione, oportet monstrare quis sit ille successor Petri in pastoralis cura totius ecclesiæ, habet.n. proprias difficultates an is sit Roma. episcopus. Obijcitur igitur in primis ex parte temporis, quia Roman. pontifex natus est per multos annos post Petri pontificatum, cum prius Petrus sederit Antiochiæ, & per multos annos ante absq; particulari aliqua sede fuerit. Et confirmatur hæc ratio arguendo sicut arguit apostolus ad Roman. 4. ubi probat ex circumstantia temporis, & facti, Abraham non ex circumcisione, sed ex fide iustificatum: nulla alia ratione usus, quàm quòd Abraham ante circumcisionem fuerit iustus apud Deum per fidem. Si hoc eius argumentum ualet, necesse est ualere, & hoc, scilicet Petrus, quando clauis accepit a Christo, nondum erat episcopus vrbis Romæ, sed erat vnus inter apostolos, ergo clauis non sunt ei datæ secundum quòd postea, uel factus, uel mutatus est loco, uel officio (sicut Abraham non est iustitia reputata qualiscunq; post fidem factus fuerit) sed prout fuit apostolus tantum. Secundo. Si Ro. pont. esset Petri successor in cura totius ecclesiæ (de hac.n. successione ne contingat idem sepius replicari, semper loquimur, nisi quandoq; explicemus de sola successiõe in episcopatu Romano nos loqui) oporteret de quolibet Ro. Ponti. verificari uerba Christi spectantia necessario ad successorẽ Petri, sed non de quolibet Roma. pontifice hæc verificari oportet, ergo Roman. pontifex non est successor Petri. Probatur autem destructio consequentis, ex eo quòd Roma. pontifex potest labi in hæresim, & sic non verificabun-

ficabuntur de eo uerba Christi tu es Petrus, id est, in fide solus, neq; super hanc petram edificabo ecclesiam meam, quoniam soliditas fidei in ipso super quam edificanda est ecclesia, non inueniretur, nec ego rogavi pro te ut non deficiat fides tua. quæ omnia ad successorem petri dicta esse monstratum est.

Tertio, quia non omnis Ro. pontifex habet christi charitatem, quam tamen tertio christus exegit in institutione officij pastoralis, non est ergo petri successor qui exacte a christo tunc in petro charitati non succedit. Quarto, quia non omnis Ro. pontifex pascit oves christi, sed multi eorum pascunt oves suas, dum ad propriam gloriam, auctoritatē, utilitatem & alia huiusmodi pontificatum exercēt. Dicentē autem domino pascite oves meas, significauit petri successores aut pastores esse debere ouium christi, ipsum amantes, & illas pascētes doctrina, iustitia & alijs huiusmodi, aut si non amant & docent, nihil hoc uerbum ad eos pertinere, ac per hoc non esse petri successores. Quinto, quia priusci Ro. pontifices recusauerunt se uniuersales appellari, Greg. n. senis epistolis hoc reprehendit, & narrat predecessores suos hoc renuisse. Si n. Greg. cum alijs noluit uocari episcopus uniuersalis, consequens est quod non erat aut non se credebatur uniuersalem episcopum, idem autem sonat pontifex uniuersalis & pontifex totius ecclesie. Non succedit ergo Ro. pōtifex petro in pontificatu totius ecclesie. Sexto Concilium Nicenum (ut scribitur lib. x. ca. 6. hist. ecclesie) statuit sic. Et apud Alexandriam uel in urbe Roma, uetusta consuetudo seruetur, ut uel ille egypti uel hic suburbanarum ecclesiasticarum sollicitudinem gerat. Si n. Ro. pontifex successor esset petri in pontificatu totius ecclesie, non præsumpsisset Nice. concilium fines sue sollicitudini decernere in suburbanis ecclesijs. Septimo. Si Ro. pōtifex christi institutione præest toti ecclesie ut christi uicarius generalis, sequitur peccasse & peccare omnes qui non fuerunt & qui non sunt sub Ro. pontificis obiecta. Et hinc sequitur primo primitiuam ecclesiam totam errasse, cum adhuc non esset Ro. pontifex. Sequitur deinde tot sanctos & martyres usq; ad xl. annos post christum errasse, cum tunc non recognosceretur Ro. pōtifex ut pastor totius ecclesie. Sequitur postea Asiā, Africam atq; Greciam in damnatione fuisse, utpote non recognoscentes Ro. pontificem ut omnium caput. Sequitur demum Christianos qui hodie sunt in Perside, india, scythia totoq; oriente damnari, eo

quòd non subsunt Ro. pontifici. Manifestatur autem hos non re cognouisse Ro. pontificem, eo quòd non ab ipso seu eius auctoritate eorum episcopi sunt instituti, eorum concilia sunt celebrata. O⁸auo. Hiero. de uiris illust. scribit, quòd Achatius episcopus Cesariensis discipulus Eusebij Pamphili imperante Constantio Liberium Papam deposuerit, & felicem cōstituerit. Constat autem hoc repugnare primatui Ro. ponti. si totius ecclesie antistes esset. Nono. Si ulla ecclesia est prima & mater. omnium ecclesiarum & a christo domino immediate fundata, non est alia nisi ecclesia Hierosolimitana, quæ per multos annos fuit ante Romanam, unde exierunt omnes apostoli & episcopi ad uniuersum orbem terrarum. In cuius signū ab omnibus ecclesijs etiam Romana collectæ soluebantur ecclesie Hierosolymitanæ.

Ad huius rei eidentiam considerata sunt duo. primum unde est. secundum unde scitur Ro. pontificem succedere petro. Circa primū aut distinguendum est de ratione succedendi & ratione succedētis, nā ratio succedēdi est nō euangelica institutio, sed sub secutū factū petri, quo ecclesia Ro. appropriata est petro appropriatione firmata. Declaro singula, cautū reddendo lectorem in primis quòd aliud est succedere petro, & aliud est succedere petro hunc. s. Ro. pontificem. Rō. n. quòd petrus habeat successorem institutio est euangelica, qua dominus in petro pastorale totius mundi instituit officium, ut in præcedentibus manifestatum est. Ratio uero quòd petro succedat hic, hoc est Ro. pontifex, non est institutio euangelica, tum quia euangelica uoce non est ecclesia Ro. appropriata petro, sed tota ecclesia comissa sibi, dum dicitur, pascue oues meas, & propterea si petrus perseverasset usq; ad finem ut incepit absq; appropriatione alicuius particularis ecclesie, nec Ro. pōtifex nec aliquis alius particularis episcopus esset petri successor, sed migrante ad cœlum petro, fuisset unus electus in episcopū catholicæ ecclesie qui successor fuisset petri. Tum quia si petrus in sede Antiochena quā sibi primus appropriauit perseverasset usq; ad mortem, non Ro. pontifex sed antiochenus successor esset petri. Tū quia si petrus discessisset ex Roma, non tantum loco sed sede, ita q; alibi sedem elegisset, non successisset Ro. pontifex petro. sicut nec modo succedit petro Antiochenus, quia inde discessit mutando nō solum locū sed sedē. Ex his. n. patet non ex euangelica institutione ortū habere q; Ro. pōtifex succedat petro. euāgelica siquidē instō de his mutationibus

tionibus nō se impedit, sed subsequētibz factis disponēdi hoc reliquit. Quocirca, ex eo q̄ appropriatiōe firmata, Ro. ecclesia Petri pontificatui addicta est, inde ortum est ut Rom. Pontifex Petro succedat. Appropriationem autem firmatam dicimus, quia Petri mortē firmata est, & quia christi auctoritate robur firmata obtinuit. Nam (ut ecclesia cantat, & Ambro. in oratione contra Auxentium, de basilicis tradendis, quam habes in lib. 5. epistoliarum Amb. post. 3. 2. epistolam asserit, & ante ipsum in li. 3. de excidio Hierosolymitano ca. 2. Egesippus affirmat) uolenti Petro ex urbe Roma discedere obuians christus iussit, ut Romæ mortem pateretur, eidem dicendo, uenio Romam iterum crucifigi, ut non nuda Petri mors Romæ, sed mors iussa a christo in urbe Roma, firmaret Ro. sedem in Petri successione. Si ad ortum itaque atque initium successionis Ro. pontificis Petro spectes, rationem succedendi inuenies fuisse ecclesiæ Ro. appropriationem ad pontificatum Petri, firmatam & Petri morte & christi mandato. Cum autem dicimus Petrum & Ro. pontificē & pontificem ecclesiæ catholicæ, non duos intelligas pontificatus, non enim sunt duo in actu, sed in potentia tantum, hoc est, quia potuissent esse duo, ut patet ex dictis. Vnde non se habēt sicut duo episcopatus uniti, non erat siquid est in Ro. ecclesia episcopatus ante Petrum, sed ipse Petrus Ro. ecclesiam euexit in pontificatum, non alium quam suum quem secum uehebat, ita quod pontificatus Petri quem a christo habuit relatum ad ecclesiam catholicam, retulit ipse Petrus ad ecclesiam Ro. appropriando sibi illam. Confert autem non nihil hæc pontificatus unitas ad hæc, ut idem sit Ro. pontifex & pontifex ecclesiæ catholicæ, non solū unitate personæ, sed identitate pontificatus. In cuius signum nō dantur Ro. pontifici duo pallia, sed unum tantum, cum tamē plura dari constat habenti plures pontificatus, quibus debentur pallia. Si autem de ratione succedentis est sermo, euangelica institutio ratio inuenitur succedentis. Ro. siquidem pontifex Petro succedens auctoritatem habet apostolicam ab euangelica christi uoce, pascite oues meas, nam cuilibet Petri successori in Petro dixit christus pascite oues meas. Licet itaque apostolicam sedem Ro. esse Pontificis, initium habuerit ex appropriatione ecclesiæ Ro. ad petrum, ex quo tamē firmatum sic est, eo ipso quo aliquis uerus est Ro. ponti. uerus est pontifex ecclesiæ catholicæ a christo in beatq̄ Petro institutus. Manifestum est igitur unde Ro. pō
tífex

tifex est Petri successor, ac totius ecclesiæ pastor.

Scitur autem hoc diuina reuelatione facta, tum uniuersali ecclesiæ, tum sanctis doct. innumeris, tum sacris concilijs. Nullus siquidem christianus dubitare permittitur ex diuina prodire reuelatione quicquid ad fidei christianæ rōnem spectans (de quorum numero hoc constat per decre. unam sanctam, esse) contestatum inuenitur a præfatis. Communis christianorum & olim & nunc & semper confessio fuit, est, & erit Romani pont. sedem solam esse sedem apostolicam, hoc autem nihil aliud est quam fateri Ro. pontificem petri successorem, esse rectorem catholicæ ecclesiæ. nā in aplice sede (nisi quis propriam ignoret vocem) clauditur apostolica auctoritas, in apostolica autē auctoritate facultatem regendi totam ecclesiam includi, intelligunt exercitati in sacris literis. Et hoc usque adeo est clarū, ut concorditer dicatur apostolicę auctoritati a christo orbem commissum terrarū, sic vt quilibet apłs ubicunque contingeret ipsum fore insti tuebat ecclesias, instituebat episcopos, & id genus reliqua faciebat, ut eorum etiam gesta testantur. Vnde cum. 1. ad Cor. 1. dicitur. posuit deus in ecclesia primum apostolos, dicit glo. interli omnium ordinatores, & iudices, manifestans apostolicam auctoritatem esse omnium ordinatricem & iudicem. Confitendo igitur apostolicę auctoritatis sedem, confitemur uelimus noli mus sedem ordinatricem & iudicem omnium. Hanc autem esse intentionem confitentium, ex eo etiam aperitur quòd, solā successoris Petri sedem apostolicam confitemur. Extat siquidē Hierosolymitana sedes, in qua Iacobus apostolus sedit, cuius successor est episcopus Hierosolymitanus, cur sedes illā in qua Iacobus apostolus sedit (quæ prius tempore fuit quam quæcunque alia partialis sedes) non est ipsa quoque sedes apostolica, nisi quia in illa non est auctoritas apostolica, & in istā est? Nam si ex sola successione ad personam apostoli affirmaretur a christi finibus sedes apostolica, dubium non est quòd multę essent sedes apostolicę, & Hierosolymitana sedes esset apostolica, & Ro. sedes esset apostolica. modo autem quia unicam tantum nouit christianus populus sedem apostolicam, eamq; Ro. pont. sedem esse plena uoce confitetur, clarum relinquitur per sedem apostolicam intelligi sedem auctoritatis apostolicę. Et confirmatur, quia sicut in episcopali sede clauditur pontificia auctoritas, & in archiepiscopali sede auctoritas archiepiscopalis, & in sede patriarchali

triarchali auctoritas patriarchalis, ita in sede apostolica clauditur auctoritas apostolica, ac per hoc quæadmodum christianus populus ad huiusmodi sedes recurrens, ad dictas auctoritates recurrere intendit, ita ad apostolicam sedem recurrens, aut ipsam quomodolibet ueneras, auctoritatem apostolicam confitetur. Porro imperfectione sedis apostolicæ clauditur eius diuinæ institutionis confessio, nam quia secundum ueritatem apostolica tam sedes quam auctoritas a solo christo est & esse potest, a quo solo possunt apostoli fieri (neque enim minus est apostolicam sedem ac auctoritatem quam apostolum instituere, sicut non minus est episcopalem auctoritatem ac sedem facere quam episcopum) necesse est, ut qui apostolicam confitentur sedem, a Iesu christo immediate illius esse auctoritatem fateantur, diuinoque proinde iure institutam illam esse profiteantur. Et hinc habes quod doctores confitentes Ro. pontificis sedem apostolicam aut apostolatam aut auctoritatem apostolicam, fatentur Ro. pontificem esse totius ecclesiæ rectorem, quod notandum ualde est, & secundum se, & ne oporteat sæpe repeti in auctoritatibus sanctorum &c.

ANTEQUAM autem auctoritates afferantur, ad obiecta respondendum est. Ad primū ergo dicitur, nihil obstare successioni Ro. ponti. petrum quatenus Ro. pontifex fuit, natum esse post acceptas clauēs, sufficit enim successorī natum esse ante mortem eius cui succedit. Ad argumentum autem formatum ad similitudinem argumenti Pauli Apostoli de iustificatione Abrahamæ, respondetur militare illud, non contra nostram sententiam, sed potius contra arguentes. Manifestatur autem hoc distinguendo, si est in Abraham reputationem iustitiæ a iustitia reputata, ita proportionaliter in Petro acceptationem clauium a clauibus acceptis. Nam quemadmodum reputatio ad iustitiam, Abrahamæ conuenit ex fide, & non ex circumcisione postea subsecuta, ita petro acceptio clauium conuenit ex pontificatu ecclesiæ catholicæ (tunc enim datæ sunt ei clauēs quando factus est pastor christiani ouilis) & non ex ecclesia romana seu pontifici romano. postea subsecuto. Et similiter quemadmodum iustitia reputata Abrahamæ, non est restricta ad statum præputij, sed est extensa ad subsecutum statum circumcisionis (dicente apostolo ibidem, ideo ex fide, ut secundum gratiam firma sit promissio omni semini, non ei qui ex lege est solum &c.

etcetera.) ita acceptæ clauēs extensæ sunt ad subsecutum postea petri pontificatum Ro. rursus quemadmodum abrahe iustitia reputata appropriata est subsecutę circuncisioni, seu ipsi abrahe ut postea pater factus est circuncisiōis, sic ut eius semē ex circūcisio ne prælatum sit omnibus in consummatiōe iustitię promissionum & benedictionum Abrahę (dicente apostolo ad Gal. 3. abrahe di cta sunt promissiones & semini eius qui est christus, quem constat ex circuncisione natum) ita acceptæ clauēs appropriatę sunt ecclesię Ro. seu petro, ut factus postea est pontifex Ro. sic ut per ipsam aperiatur regnum cælorum omnibus cognationibus terrę. Vnde patet quod ex huiusmodi argumēto etsi habetur quod acceptio clauium non pertinet ad petrum nisi secundum quod erat tunc cum accepit clauēs (erat autem non solum apostolus sed pastor ouium christi) non tamen habetur q̃ acceptæ clauēs restrictę sint & conclusę ad statum illum præcite, sed subsequēdo similitudinem Abrahę habetur quod clauēs acceptę & extensę appropriate sunt ad pontificatum Ro. secundum mutationem qua & loco & officio appropriata est petro ecclesiā Ro. Ad secundum dicitur posse dupliciter intelligi successorem petri seu Ro. ponti. non posse esse infidelem seu hereticum. Vel de ipsius persona in ordine ad ecclesiā catholicā, uel de ipsius persona secundum seipsam. Et utroq; modo uerificatur, & utrūq; expr̃s sit dominus in euangelio. Fideni n. solidam in petro & successoribus suis secundum proprias personas, significauit dominus. & dicens tu es petrus, in præsentī, & dicens ego rogauī pro te ut non deficiat fides tua, in futuro. Fidem uero eiusdem in ordine ad ecclesiā, significauit dominus & dicens, super hanc petram edificabo ecclesiā meā, & dicens confirmā fratres tuos. Nec obstat personę Ro. pontificis fidei secundum propriam personam, quod illa persona potest esse heretica, quoniam quā primum definit esse fidelis, definit etiam esse petri successor secundum rei ueritatem & apud deum, apud cuius tribunal qui non credit iam indicatus est, ut dicitur Io. 3. quicquid sit secundum forum ecclesiasticum. Ex quo tamen idem habetur, nam ex hoc ipso quod ille homo qui uocatur petri successor ex casu a fide, iudicio etiam inuitus subieitur ecclesię, manifestatur ipsum non esse amplius petri successorem secundum ueritatem, nam si uere esset petri successor iudex esset totius ecclesię, & non esset illi subiectus inuitus. Ex soliditate autem in fide personę Ro. pont. in ordine ad ecclesiā,

ecclesiam, prouenit vt errare non possit sententialiter diffinien-
do de fide christiana, quoniam in huiusmodi diffinitione con-
struitur fides uniuersalis ecclesie, & per eam edificatur ecclesia
Christi ab ipso Christo super petram sedis apostolicæ. Impos-
sibile autem esse constat, vniuersalem ecclesiam errare in fide. Li-
bet autem intueri, quàm suauiter commendata sit huiusmodi fi-
dei diffinitio uoce euangelica. fide siquidem construi ecclesiam
constat, cum sit (ut ad Heb. x. dicitur) sperandarum substan-
tia rerum, & ideo edificandi, & confirmandi actui respondet,
uterque enim substantiam edificij respicit. Sed quoniam fides
donum Dei est, idcirco Christus sibi ipsi attribuit edificationem
ecclesie super sedem apostolicam, dicens, & super hanc petram
ædificabo ecclesiam meam. firmare uero fideles fluctuantes in am-
biguitatibus, & quæstionibus, quæ circa fidem emergunt, quia
ministeriale opus est Petri, & successoris, ideo dicitur Petro, &
successori confirma fratres tuos, quicquid enim agit sedes apo-
stolica diffiniendo de fide, nihil aliud est, quàm declarare quid
sub fide a Christo data continetur, sic enim confirmat fratres
suos. Vnde, & in Calcedonen. synodo dixerunt patres, quod
congregati in Constantinopolitano concilio doctrinam de spi-
ritu sancto tradiderunt, non quod minus esset in præcedentibus
qui apud Niceam congregati sunt inferentes, sed intellectum ad
uersus hereticos declarantes. Et hinc oritur ut diffinitis de fide
ab apostolica sede, subsit etiam ipse Roman. Pont. sicut subest fi-
dei, non enim alicui propterea de nouo subijcitur, sed quod im-
plicitè credebatur tenetur explicite credere, ex hoc quod fides suf-
ficienter explicata est quo ad hæc, quæ prius explicata non erant
fidei ueritati subesse. At si cui quàm mira in hac responsione di-
cta apparebunt, meminerit scriptum esse, mirabilia testimonia
tua. sunt enim hæc Iesu Christi testimonia. Sed quid mirari fide-
lis debet de tali tantaque diuinæ gratiæ assistentia suo in terris ui-
cario, cum Cayphæ Pont. synagogæ minus legitimo ac persecu-
tori ipsius Christi, astiterit ad prophetandum ratione pontifica-
tus, testante Ioann. Evangelista dum dicit, a semetipso non di-
xit, sed cum esset pontifex anni illius prophetauit, quod Iesus
erat moriturus pro gente Ioann. xj. Cur enim Ioannes hoc do-
cuit, cur hoc reuelauit, nisi ut diuinam assistentiam peculiarem
pontifici esse reuelaret?

Ad tertium dicitur, q̄ exacta trina dilectio a Petro rectitudinē respicit pastoralis officij. & propterea qui non succedit Petro in dilectione Christi, nequaquam succedit eidem in bonitate pastoralis exercitij, sed pastor est officio, & nomine, mercenarius autem studio, & exercitatione. Ad quartum dicitur, quod amare, & pascere oues Christi, spectat ad successores Petri sub ratione commissi, & debiti, Christus. n. comisit ut pasceret oues suas, & ad hoc successor tenetur, & ad hoc se obligauit suscipiendo pontificatum. Vnde si nec amat, nec pascit, non propterea locus iste ad ipsum non spectat, nam multum ad eum spectat pascere Christi oues, ad quem spectat ut præceptum, & ex officio debitum. Exigit quippe locus iste pascentem, & amantem, quia exigit ut amare, & pascere debeat. Et quamuis non amans, nec pascens indignus sit pastoralis officio, & mereretur illo priuari, non esse tamen propterea priuatum ex utroque testamento dicimus. Ezech. siquidem 34. reprehenduntur mali pastores, qui non dei gregem, sed semetipsos pascabant, appositis propheticis minis priuationis pastoralis officij per ipsum Deum exercende, pastores tamen reliquuntur. Matth. quoque 23. super Cathedram inquit dominus Moyse sederunt scribe, & Pharisei, quæcunque, dixerint uobis seruate, & facite, secundum uero opera eorū nolite facere. Ad quintum dicitur Greg. prædecessorum uestigia imitatu refutasse se uniuersalem appellari, ea ratione ut ipse milites dicit, quia si unus uniuersalis episcopus dicitur, solus ipse episcopus uidetur dici, & sic cæteris episcopatus tolleretur. Non autem ea ratione quod Roman. Pontif. auctoritas restricta sit, & in uniuersalē non se extendat ecclesiam, superbum enim uocabulum utpote reliquorum episcoporum iniuriam præ se ferens horruit Greg. & non rem apostolicæ auctoritatis extendentis se ad uniuersalem ecclesiam. Vnde post inferius ad Mauriciū Imperat. afferendo uerba de Petri auctoritate super totam ecclesiam, subiungit de Petro. Cura ei totius ecclesiæ, & principatus committitur, & tamen uniuersalis apostolus non uocatur. Vbi patet Greg. simul affirmare curam totius ecclesiæ, & negare uniuersalis uocabulū. Propter quod posteriores pontifices Roman. remittentes, nec a Greg. humilitate discedentes, uniuersalis nomen a recto in obliquum transtulerunt, & sub scribunt se in hodiernum diem. Ego. N. episcopus ecclesiæ catholicæ.

Ad sextū dicitur, quòd aliud est loqui de auctoritate, & aliud de executione, cum auctoritate siquidem ro. ponti. super totam ecclesiam, mos fuit laudabilis, ut nō exequeretur papa ea quæ ad particulares aliarum ecclesiarum curas pertinebant, nisi casus aliquis id exegisset. Et hinc mos fuit, ut episcopi ab archiepiscopis confirmarentur, curati ab episcopis darentur, & innuata similia fiebant. Et hæc est illa uetusta consuetudo cuius meminit Nicenum conc. quòd annuente rom. ponti. ibi per suos legatos præsentē de obseruatione huius uetustæ consuetudinis statuit. Ex hoc autem non sequitur statutum esse de auctoritate ro. ponti. aut læsam fuisse illius auctoritatem, sicut nec hodie minuitur, aut læditur ro. ponti. auctoritas ex eo quòd in multis prouincijs ro. pon. obediētibus, huiusmodi executiones per prouinciales fiūt.

Ad septimū dicitur, quòd ro. pon. christi institutione esse prælatum ceteris, potest dupliciter intelligi. uel quo ad rationem initij, & sic falsum est, iuxta superius declarata. Vel præsupposita appropriatione ecclesiæ ro. ad petrum, & sic uerissimum est. & propterea conceditur sequela. scilicet omnes peccare & peccasse qui eum non recognouerunt ut prælatum. Et cum infertur primo, quòd primitiua ecclesia errasset, negatur sequela, quoniam tunc adhuc non fuerat appropriatio ecclesiæ ro. ad petrum, qua præsupposita pont. rom. præest omnibus. Sufficiebat siquidē tunc quòd tota ecclesia recognosceret petrum, ut totius ecclesiæ pastore, post appropriationm autem ro. ecclesiæ oportet recognoscere rom. pon. successorem petri, pastorem totius ecclesiæ, non quatenus est rom. ponti. sed quatenus est successor petri, per se & formaliter loquendo. Cum uero infertur secundo quòd tot martyres, & sancti ad quadringentos an. peccassent, quia non recognouerunt roma. pon. respondetur falsum esse huiusmodi martyres, & sanctos non recognouisse roma. pon. a principio enim ecclesiæ petrus recognitus est, & successiue rom. pon. ei succedens, ut subsequentes manifestant auctoritates sanctorum. Et similiter cum tertio infertur Asiam Africam & Greciam errasse, quia non fuerunt subditæ roma. ecclesiæ. manifeste erratur, & quæ falsissima comprobantur inducuntur, plenum siquidem registrum Grego. curis Asiæ Africæ & Greciæ, testatur oppositum.

Quod demum inducitur christianos hodie Orientales nō subesse ro. ecclesiæ (nisi de schismaticis sit sermo) falsum esse, ex gestis in concilio loren. sub Eugenio. 4. patere potest, ibi siqui-

dem iacobitz, Armeni atque Greci roma. pon. ut pastorem totius ecclesiæ recognoscere se confessi sunt. Ad probationem autem subiunctam, quia nec episcopi ibi a papa instituuntur, nec concilia eorum papæ sunt auctoritate, iam patet quid dicendum est. scilicet quod huiusmodi executionum consuetudo in quibuscunque prouincijs, papæ nec tollit, nec lædit auctoritatem. Verumtamen pluries nostra ætate visum est ab Orientalibus missam ad roma. pon. pro surrogando episcopo, seu confirmando electo; & tempore Alexandri. 6. & Iulij. 21. Ad octauum dicitur; nos de iure diuino loqui, arguentes autem obijciunt damnatum uolentia factum, ut ipsamet uerba Hieron. testantur, ait enim, Achatius intantum claruit, ut in locum Liberij felicem Arrianum substitueret. Vnde Felix ille in catalogo pontificum non est computandus, ut testatur Aug. in epistola ad Generosum, & est epistola. 165. Ibi siquidem August. a petro usque ad tunc temporis roma. pon. Anastasium singulos successiue recensens; Liberio Damasum successorum ponit, non Felicem. Ad nonum dicitur, roma. ecclesiæ appellatione intelligi posse uel ipsum corpus roma. ecclesiæ secundum se, uel secundum suum caput, & quod licet roma. ecclesiæ secundum reliqua eius membra non sit prima; nec mater omnium ecclesiarum, nec immediate instituta a christo, ipsa tamen eadem ecclesiæ roma. secundum suum caput petrum ac petri successorē; prima est ac mater & magistra omnium ecclesiarum, & immediate a christo euangelica uoce auctoritatem, ac firmitatem habēs; ut prædeclaratum est. Vnde tam canonum quam sanctorum sententiæ roma. ecclesiæ primam, magistram, matremque ecclesiarum omnium, aut a christo domino euangelica uoce fundatam, firmatamque sonantes, ueræ sunt ratione capit. Et hoc intendunt qui hæc scripserunt, ut ex eo patet quod eorum sententia fundatur super uerbis domini ad petrum, qui caput fuit & in suis successoribus est ecclesiæ roma. Vnde nihil obstat huic primatui quæ de Hierosolymitana ecclesiæ afferuntur; nam illa non fuit prior petro, sed subdita fuit petro. Collectæ autem ecclesiæ Hierosolymitanæ, non ut prælatæ, sed ut indigenti ab alijs dabantur, ut patet ad Gal. secundo, unde impertinentes sunt ad propositum.

A VCTORITATES SANCTORVM ANTI-

quorum, & conciliorum, affirmantes in Petro ac Ro. pont.

successore Petri totius ecclesie pontificatum instituit.

Cap. 14.

RELIQUVM est, ut illis quoque fiat satis, qui nesciunt a pri-
scis ecclesie patribus in Asia, Africa, & Europa veneratum
esse ro. pon. ut totius ecclesie particularem non humana,
sed divina ratione. scilicet quia in petro institutus est rector ecclesie
uniuersalis. Adferendas propterea censui grecorum, & latinorum
antiquorum ecclesie patrum ac doctorum sententias, non om-
nes, nec omnia, sed tot ut sufficiant ad claram notitiam quod
ro. pon. petri successor est, & habitus est semper in petro institu-
tus pastor & rector totius ecclesie.

Et a grecis incipiendo, Chrys. Homel. 55. super Matth. expo-
nens illud, super hanc petram, dicit petrum ecclesie future pasto-
rem constituit. Et infra, Deus concedere solus potest peccato-
rum remissionem, & ut futura ecclesia tot tantisque fluctibus im-
petu irumpentibus immobilis maneat, cuius pastor & caput pi-
scator homo, atque ignobilis terrarum orbe reluctantem, ad aman-
tis naturam firmitate superet. hæc inquam omnia quæ solius dei
sunt, se pollicetur daturum. Et infra. hunc scilicet petrum uniuerso ter-
rarum orbi christus præposuit. Et licet superius glossauerit, & su-
per hanc petram ædificabo ecclesiam meam, id est fidei confes-
sionem, inferius tamen ait, ego dico tibi tu es petrus, & ego su-
per te ædificabo ecclesiam meam. Et Homel. vlti. super Io. tra-
ctans illud, Simon Ioannis diligis me plus his, &c. dicit. Alijs omni-
sis duntaxat petrum affatur, fratrum ei curam committit, neque
negationis meminit, neque exprobat, tantum dicit, si amas me
fratrum curam suscipias. Et infra, tractans illud sequere me,
ait. Inquit ei sequere me, quibus verbis iterum curam & fa-
miliarem in eum affectum ostendit. H Quod si quis percontar-
etur quomodo, iacobus Hierosolymis, sedem accepit, & re-
sponderem hunc totius orbis magistrum præposuisse. Et infra.
tractans illud, domine hic autem quid? dicit. Nam cum ma-
gna dominus petro communicasset, orbis terrarum curam de-
mandasset

mandasset martyrūm prādixisset, & maiorem &c.

Theophilus quoq; Luc. 22. tractans illud, & eu aliquando conuersus confirma fratres tuos, ait. Postquā me negato ploraueris ac penitueris, corrobora ceteros, cum te principem apostolorum deputauerim, hoc. n. decet te qui mecum robur es & petra ecclesie. Et infra. Cum esset apostolus denegauit, ac iterum per pœnitentiam obtinuit prœrogatiuam ut esset antistes mundi. Et super Io. ulti. ca. super illud, cum ergo prandissent, ait. Finito prandio commissionem ouium mundi petro commendat, pon alij. Et super illud sequere me, ait. In hoc quod dicit dominus petro sequere me, cunctorum fidelium prælaturam ei instituit. Et infra, super illud donec ueniam, ait. Id est dum hunc. s. Ioan. uolens dirigant ad prœdicandum, te nāq; nunc dirigo ad orbis pontificatum & in hoc me sequere.

Cirillus patriarcha Alexandrinus in lib. Thesau. Sicut christus accepit a patre sceptrum ecclesie gentium, dux ex israel egrediens super omnem principatum & potestatem super omne quod cunq; est, ut ei cuncta curuenter, sic & petro & eius successoribus plenissime commisit, & nulli alij quā petro christus quod suum est plenum sed ipsi soli dedit. Et rursus. Pedes christi humanitas est. s. ipse homo, cui tota trinitas plenissimam dedit potestatem, quem unus trium assumpsit in unitatem personæ, trāsuexit ad patrem super omnem principatum & potestatem, ut adorent eum omnes angeli dei, quem totum dimisit per sacramentum & potestatem petro & ecclesie eius. Et iterum. Petro omnes iure diuino caput inclinant, & primates mundi tanquā ipsi domino lesu obediunt. Et iterum. Ipsius apostolici Throni Romanorum pontificum solius est repræhendere, corrigere, statuere, soluere, disponere, & loco illius ligare qui ipsum edificauit.

Maximus in epistola orientalibus directæ. Omnes fines orbis qui dominum sincere receperunt, & ubiq; terrarum catholici ueram fidem confitentes in ecclesiam romanorum tanquā in solem respiciunt, & ex ipsa lumen catholicæ & apostolicæ fidei recipiunt.

Cirillus patriarcha Hyrosolimitanus, ex persona christi loquens dicit petro. Tu cum fine & ego sine fine cum omnibus quos loti tui ponam, plene & perfectè sacramento & auctoritate ero sicut sum & tecum.

Concilium Calcedon. (ut in eius gestis legitur) tempore san-

Et Leonis & Martiani Imperatoris acclamauit Leoni Papæ, Leo sanctissimus apostolicus & uniuersalis ab illo tempore.

Et prius tempore Diocletiani & Maximiani Imperatorum (ut habetur di. 22. nunc autem) cum Marcellinus Papa & postea martyr timore ductus turificasset Idolis, Synodus episcoporum collecta huius rei gratia dixit: prima sedes non iudicabitur a quoquam.

Et longe ante Anaclethus martyr Traiani tempore natione græcus, prima Athenien. ait. Sac. san. ro. & apostolica ecclesia non ab apostolis sed ab ipso domino & saluatore nostro primatum obtinuit, sicut beato petro apostolo dixit. tu es petrus & super hanc petram ædifi. ecclesiam meam. & tibi dabo clauces &c. ut habetur di. 22. sacro sancta. Et rursus ut habetur di. 21. in nouo. idem dicit. In nouo testamento post christum dominum a petro sacerdotalis cepit ordo, quia ipsi primo pontificatus in ecclesia christi datus est, domino dicente ad eum, tu es petrus & super hanc petram &c. Et iterum. Electionem summorum pontificum sibi dominus reseruauit. 79. di. Electionem.

Marcellus papa & Martyr tempore Diocletiani & Maximiani, seu Constantij & Galerij, qui imperij gubernacula susceperunt post Diocletianum & Maximianum in. ca. rogamus uos. 24. q. 1. ait de petro. Ipse est caput totius ecclesie, cui dominus ait, tu es petrus & super hanc petram ædificabo ecclesiam meam &c.

Cypria. quoq; martyr in trac. de simplicitate prelatorum dicit ea quæ referuntur 24. q. 1. loquitur dominus. quæ breuitatis causa non duxi repetenda. In illis siquidem petri pontificatus factis patet, ut declaratum superius est.

Amb. in sermone. 47. de fide petri apostoli, & habetur di. 50. ca. fidelior. dicit de petro. Tanquam bonus pastor tuendum gregem accepit, ut qui sibi infirmus ante fuerat, fieret omnibus firmamentum, & qui ipse interrogationis tentatione nutauerat, cæteros fidei soliditate fundaret. Deniq; pro soliditate deuotionis ecclesiarum petra dicitur, sicut ait dominus tu es petrus & super hanc petram ædifi. ecclesiam meam, petra. n. dicitur eo, quod primus in nationibus fidei fundamenta posuerit & tanquam saxum immobile totius operis christiani cõpagem molemq; contineat. Et idem hymno dominicali petrum petram ecclesie appellat, dicens. h o c ipsa petra ecclesie canente culpam diluit. Testatur siquidem Aug. in li. primo retrac. c. 21. hunc hymnum

Amb.

Amb. esse. Et in sermo. xj. de mirabilibus. Hanc igitur solam ecclesie nauem ascendit dominus, in qua petrus magister est constitutus, dicente domino, super hanc petram edificabo ecclesiam meam. Quae navis in altum seculi istius ita natat, ut pereunte mundo omnes quos suscipit, seruet illesos: Cuius figuram iam in ueteri uideamus testis. Sicut. n. Noe arca, naufragante mundo cunctos quos susceperat, incolumes reseruauit, ita & petri ecclesia confligente seculo, omnes quos amplectitur, representabit illesos. Et sicut tunc transacto diluuiio ad arcam Noe columba signum pacis detulit, ita & transacto iudicio ad ecclesiam petri christus gaudium pacis referet, quia ipse columba uel pax est. Et idem super epistolam primam ad Timotheum. cap. 3. tractans illud, ut scias quemadmodum oporteat te in domo dei conuersari, quae est ecclesia dei uiui &c. ait. Cum totus mundus dei sit, ecclesia tamen domus eius dicitur, cuius hodie rector est Damasus, mundus. n. in pernicatione est diuerso turbatus errore; ideo illic necesse est dicatur esse domus dei & ueritas, ubi secundum uoluntatem suam timetur.

Et in lib. de excessu fratris sui nomine Satyri, narrat, commendat ac tuetur cautelam ac sapientiam eiusdem in peregrinis partibus percunctantis, si episcopus, esset catholicus, hoc est cum Romana ecclesia conueniret, dicens ca. 7. Aduocauit ad se episcopum nec ullam putauit ueram nisi uere fidei gratiam, percunctatusque ex eo est, utrum nam cum episcopis catholicis hoc est cum Romano ecclesia conueniret. Cum. x. dixit, non Hierosolimitana, non Antiochena, non Constantinopolitana &c. cur hoc nisi quia Romano communis est omnibus catholicis, praeuidubio ut caput? Simile siquidem apud Hieronymum. refugium inuenies, scribentem ad Damasum epistola. 7. Ego interim clamito, siquis cathedrae petri iungitur, meus est.

Hieronymus super Mattheum. ait. Simoni qui credebatur in petram christum petri largitus est nomen, ac secundum metaforam petrae rector, dicitur enim, edificabo ecclesiam meam super te. Rursus ad Damasum, & habetur. 24. q. j. quoniam uetus. Ego nullum praemium nisi christum sequens, beatitudini tuae. i. cathedrae petri communionem consortio, super illam petram edificatam ecclesiam scio. Et infra. Quicumque tecum non colligit spem, hoc est qui christi non est, antichristi est. Vbi nota Hieronymus. pro eodem computare christum & papam quantum ad ea quae sunt fidei, de his. n. eum loqui clare patet uidenti epistolam. 4. Idem quolibet lib. pri-

mo contra Iouinianum ca. 14. ait. Inter. 1. 2. unus eligitur, ut capite constituto, schismatis tollatur occasio. & loquitur proculdu-
bio de electione petri non ab apostolis, sed a christo, ut patet ex
solutione subiunctæ mox quæstionis. sed cur non Ioan. uirgo ele-
ctus est? soluit. n. ne magister bonus qui dixerat pacē meam do-
uobis &c. in adolescentem quem dilexerat, causam præbere uide-
retur inuidiæ. Idem rursus epistola. 2. ad Damasum, & habe-
tur 24. q. j. hæc est fides ait. Si hæc nostra confessio applicatus tui
iudicio comprobatur, quicumq; me culpāre uoluerit, se imperi-
um uel maleuolum uel etiam non catholicū, non me hereticum
comprobabit Vbi quia uidēs, ex sedis apostolicæ iudicio pende-
re esse uel non esse catholicum, aut hereticum, summum christi in
terris tribunal agnoscere potes, ad quod deinde iudicium specta-
re constat.

Augu. non solum petrum principem apostolorum affir-
mat. sed cum consuleretur sedes apostolica de fide contra pe-
lagianam heresim, a duobus concilijs Carthagin. & Mileui-
tano subscriptus inuenitur. Et respondente innocentio papa
ad Carthaginense quidem concilium. Patrum instituta sacerdo-
tali custodientes officio non censetis esse calcanda, quod illi non
humana sed diuina decreuere sententia, ut quicquid de disunctis
remotisq; prouincijs ageretur, non prius ducerent finiendum
nisi ad huius sedis notitiam perueniret, ubi tota huius aucte iu-
sta quæ fuerit pronuntiatio firmaretur, indeq; sumerent ceteræ
ecclesiæ, uelut de natali suo fonte aquæ cunctæ præderent. Et per
diuersas totius mundi regiones puri capitis incorrupte mane-
rent, quid præcipere, quos abluere, quos uelut in ceno inemunda-
bili sordidatos mundis digna corporibus unda uitaret. Ad con-
cilium uero mileuitanū. Quoties fidei ratio uentilatur, arbitror
omnes fratres & coepiscopos nostros non nisi ad petrū. i. sui no-
minis & honoris autorem referre debere, uelut nunc retulit ue-
stra dilectio quod per totum mundum possit omnibus ecclesijs
in communi prodesse. Et idem ad paulinum epistola. 106. re-
ferens hæc gesta commendat innocentij literas responsiuas su-
biungens. Ad omnia nobis ille rescripsit eodem modo quo fas
erat, atq; oportebat apostolicæ sedis antistitem. Rursus secun-
do lib. de Baptismo, contra donatistas ca. 1. (& habetur. 2. q. 7.
puto) petri cathedram cuiuslibet præfert episcopatu, cum com-
parando Cyprianum, petro ait. Veteri debeo ne in petrū contu-

melius existam, quis .n. nescit illum apostolatus principatum cuilibet episcopatu præferendum? sed etsi distat cathedrarum gratia, una tamen est martyrum gloria. Item in .2. lib. de doctrina christiana non longe uersus principium, decretales epistolas apostolicæ sedis inter canonicas habendas scripturas censet, dicens. In canonicis scripturis ecclesiarum catholicarum, quam plurimū diuinarum scripturarum solermitamus indagator auctoritatem sequatur, inter quas sane illæ sint quas apostolica sedes habere, & ab ea alii meruerunt accidere epistolas. Qui enim decretales fidei quas apud se habet uel alijs misit apostolica sedes inter canonicas esse habendas scripturas affirmat, supponit procudubio apostolicam sedem non solum cunctis prælati sedibus, sed diuinam utpote fidei magistrani.

Grego. in registri lib. 4. epistola. 32. ad Mauritium Augustum ait. Cunctis euangelium scientibus liquet quod uoce dominica sancto & omnium apostolorum principi Petro apostolo totius ecclesiæ cura commissæ est, ipsi quippe dicitur, petre amas me & pasce oues meas. Ipsi dicitur. ecce sathanas expetijt cribrare uos sicut triticum, & ego pro te rogavi, ut non deficiat fides tua, & tu aliquando conuersus confirma fratres tuos. Ipsi dicitur. tu es petrus & super hanc petram ædificabo ecclesiam meam, & portæ inferi non præualebunt aduersus eam, & tibi dabo clauēs regni cælorum, & quodcunque ligaueris super terram erit ligatum, & in cælis & quodcunque solueris super terram erit solutum, & in cælis. Ecce clauēs regni cælestis accepit, potestas ei ligandi, & soluendi tribuitur, cura ei totius ecclesiæ & principatus committitur.

Sanctus Leo primus, in sermone. 3. de anniuersario suæ assumptionis die ait. De toto mundo unus petrus eligitur, qui & uniuersarum gentium uocationi & omnibus apostolis cunctisq; ecclesiæ patribus præponatur, ut quamuis in populo dei multi sacerdotes sint, multiq; pastores, omnes tamen regat petrus, quos principaliter regit, & christus. Magnum & mirabile dilectissimi huic uiro consortium potentia suæ tribuit diuina dignatio, & siquid cum eo commune cæteris uoluit esse principibus, nunquam nisi per ipsum dedit quicquid aliis non negauit.

Venerabilis Beda super illud Io. 1. intuitus autem in cum leus dicit. Vidit cordis eius simplicitatem, animi sublimitatem, cuius

ius merito cunctæ esset præferendus ecclesiæ.

Bernardus non solum pluries rom. pon. Iesu christi vicarium & totius ecclesiæ caput appellat, sed in epistola prima ad Eugenium papam 237. in ordine epistolarum ait. Locus in quo itas terra sancta est, locus Petri est, locus principis apostolorum, ubi steterunt pedes eius, locus illius est, quem constituit dominus dominum domus suæ & principem omnis possessionis suæ, merito tali pastori, tali nutritio commissa est ecclesia, cum adhuc tenera adhuc in cunabulis esset. Et in epistola. 242. ad ro. quando discesserunt a domino papa, ait. Cur regem terræ, cur dominum cœli furore tam intolerabili, quam irrationabili in uos pariter prouocatis, dum sacram & apostolicam sedē diuinis regalibusq; priuilegijs singulariter sublimatā, ausu sacrilego inceslere, suoque minuire honore contenditis?

Et in epistola. 131. ad Mediolan. de plenitudine potestatis apostolicæ ait. Romana ecclesia ualde clemens est, sed nihilominus potens, fidele consilium & omni acceptione dignum. noli abuti clementia, ne potentia opprimaris. Sed dicit aliquis, debitam ei reuerentiā exhibebo & nihil amplius. Esto. Fac quod dicis, quia si exhibeas debitam, & omnimodam. Plenitudo siquidem potestatis super uniuerſas orbis ecclesias singulari prærogatiua apostolicæ sedi donata est, qui igitur huic potestati resistit, dei ordinationi resistit. Potest si utile iudicauerit nouos ordinare episcopos, ubi hætenus non fuerunt, potest eos qui sunt, alios deprimere, alios sublimare, prout ratio sibi dictauerit, ita ut de episcopis creare archiepiscopos liceat, & ecōuerso si necesse uisum fuerit. Potest a finibus terræ sublimes quasunque personas ecclesiasticas euocare, & cogere ad suam præsentiam, non semel aut bis, sed quoties expedire uidebit. Porro in promptu est ei omnem ulcisci inobedientiam, si quis forte reluctari conatus fuerit.

In gestis concilij Constantien. inter damnatos articulos Ioā. viclef, & Ioan. hus, reperiuntur hi duo. scilicet Petrus non est, nec fuit caput sanctę ecclesię catholicę. non est de necessitate salutis credere ro. ecclesiam esse supremam inter alias ecclesias. Et subdit. error est, pro quanto negaret primatum summi pontificis super alias ecclesias particulares.

Sanctus Tho. in. 4. contra gen. ca. 76. postquam multipliciter probauit unum episcopum prælatum a christo toti ecclesię, subdit. Per hoc autem excluditur quorundam præsumptuosus et-

ror, qui se subducere nituntur ab obediētia, & subiectione Petri, successorē eius Ro. pon. uniuersalis ecclesię pastorem non recognoscentes.

In concilio quoque uniuersali Florentię sub Eugenio quarto, ubi Grecorum, Armenorum, & Iacobitarum cum Rom. ecclesia facta legitur unio, habentur hæc uerba. Diffinimus sanctam apostolicam sedem & Ro. pont. in uniuersum orbem tenere primum. & ipsum Rom. ponti. successorē esse beati Petri principis apostolorum, & uerum christi vicarium, totiusq; ecclesię caput, & omnium christianorum patrem ac doctorem existerē, & ipsi in beato Petro pascendi, regendi, & gubernandi uniuersalem ecclesiam a domino nostro Iesu christo plenam potestatem traditam esse, quemadmodum etiā in gestis Icumenicorum conciliorum, & in sacris canonibus continetur. Hęc ibi. Vbi non nouiter ab hac synodo inuentam fuisse hanc definitionem, sed ipsam contineri in aliorum uniuersalium conciliorum gestis, & propterea hoc unum concilium sufficit pro omnibus, ad firmandam fidem huius ueritatis.

Prætereo turbam canonum, & doctorum (quam diuine rare nemo potest) idem sentientium. Tam euidenter siquidem ex his quæ attulimus clarum est Rom. ponti. Petri successorē, a christo in Petro institutum esse totius ecclesię pastorem, ut locus dubitationi nullus relictus sit.

Si quis autem post hæc hæsitans inuenitur, aut rudis & ineptus, aut cum hæreticis, seu schismaticis sapit, aut certe christianus non est. ineruditus quippe ualde, & indocilis est quisquis certitudinem mathematicam in omnibus quærit, ut philosophi tradunt. Hæreticorum, atque schismaticorum propriū est sacra, uti scriptura, secundū sensum tamen quo ipsi faciūt illam sonare. Christianorum aut qui uere catholici sunt sapiētia, sacrā scripturā intelligūt secundū sensum quē sancti doctores, quē sacra concilia, apostolica auctoritate roborata interpretant. Hunc sciendi christianā ueritatem modum quiquis repellit, christianus non est, ab hac uia qui recedit, infidelis inuenitur. Nam licentia exoritur ab hac uia si admittitur, trinitatis unam substantiam reuocare in dubium cum Arrio fas est, spiritum quoque sanctum procedere a filio, ambiguum adhuc cum priscis erit, panem in sacramento altaris conuerti in corpus christi dubitatur. Hęc. n. omnia nulla alia uia aut auctoritate sunt christianis reddita certa

& indubia fide tenenda, nisi interpretatione sacrae scripturae iuxta sanctorum documenta, & sacrorum conciliorum auctoritate apostolica firmatorum diffinitionem. Quocirca, cum textus euangelici ad propositum adsint, & sanctorum doctrina conformis in proposito pateat, nullo penitus sanctorum reluctantem, sacrorumque conciliorum cum apostolica auctoritate inueniatur definitio, omnisque christianorum aetas a petro hucusque in sancta ecclesia catholica hoc confessa inueniatur, reliquorumque doctorum, testimonia innumera sint, certum ita redditur Ro. pontifici petri, successorem in petro a christo institutum totius ecclesiae pastorem, ut certior fides haberi non possit. Amen.

DE PAPAE, AC CONCILII
POTESTATE COMPENDIA-
RIA ENARRATIO,
TRACTATIOVE

Autore Iacobo Naclanto Clusensi Episcopo .

ILLVSTRISS. AC REVERENDISS.
D. HERCVLI GONZAGAE S. R. E.
CARDINALI AMPLISSIMO: NEC NON
Apostolicæ sedis Legato, in Conci-
lio Tridentino ;

Iacobus Naclantus, Clusensis Episcopus,
Felicitem.



T SI INTER plurimas, præclarasq; animi tui do-
tes, eximum nunquam satis, admiramur ingenium,
prudentiam, religionem, liberalitatem, regiones deniq;
mores, et integritatem uitæ, id tamẽ pre cunctis in dies
suspiciamus, quod in assiduis gravissimisq; , quibus nun-
quam non detineris opprimerisq;ue negocijs, tam arden-
ter sacris uersaris in literis, ac si continuo potireris ocio . Testes sunt,
non modo egregia librorum supellex, quos uersas omni die, sed & erudito-
rum frequentia, quos nedum alis, ditasq;ue, uerum & coram, frequen-
ter habere uis: ne uel hora transeat, non dicam, sine linea, sed sine infi-
gni fruge; postquam & eo in tempore, quod uel recreandis solet indul-
geri corporibus, non desunt lectiones sacre, aut Gymnastica, conferen-
tia . O' peccatus christiano Principe dignum, & potissimum si splendo-
re fulgeat ecclesiastico . Et quid præstantius, in ecclesiæ Antistitibus;
quid expectibilis, in Illustriissimis Cardinalibus, quorum sapientia ac mo-
deratione, ut in constantioribus cardinibus, uoluenda, ac reuoluenda sunt
ecclesiæ portæ? Siquidem eorum consilio, iudicioq;ue, datis sibi à Do-
mino clauibus, haud raro, summus, & aperit, & claudis Antistes, ad
adifi-

edificandos sanctos, ut Apostolus docet. Quid ergo? Factum est, ut pro sua, quæ summa est, benignitate, præfatis nonnunquam interfuerim conferentijs, in quibus, & si uaria, pro temporis oportunitate, semper tamen sunt allata gravissima, nec non, insigni, tum eruditione, tum pietate catentia, inter quæ accidit semel, quæ nescio occasione, de Constātiensi, deq; Basiliensi loqui cōcilij, in quibus quàm plura sunt de concilij & Pape tradita potestate; & quidem nonnulla quæ non vulgarem ingerunt questionem. Super quibus, & si coram dixi, quæ sentio, quia tamen res maiorem exigere uidebatur diligentiam, iussit in gratiam ueritatis, illustrissima D. T. ut quæ perstrinxeram, compendio literis demandarem, ac in modum cuiusdam tractatus redigerem. Recusare non ualui, quin præstarem, quod mea fert imbecillitas, meum exigat munus, & illi obtemperare, & communi utilitati consulerem. Ergo compendium offero: et T.

Illustrissime D. censura subijcio.

Quàm Deus felicissimè

ma seruet.

AD ILLVSTRISS. ET REVEREND.

D. HERCVLEM GONZAGAM S. R. E.

AMPLISSIMVM CARDINALEM,

necnon Apostolica sedis Legatum, in concilio

Tridentino, Compendiaria de Papa deq;

Concilij generalis Potestate Tra-

ctatio, Narratioue.

Auctore Iacobo Naclanto, Clugienſi Episcopo.

PROCEDENDI METHODVS.



OLENS sicut & debui, tuis obtemperare uotis, iussisq; , Primo, statum aperiam causæ , Secundo, utramq; statuam potestatem , Tertio , ambarum perstringam collationem, & concludam intentum, Deniq; , & quinq; qui magis uidetur molesti, etiam scrupulos.

STATVS CAVSÆ.

ADVERTENDVM, sermonem esse , de Papa, tum indubio, tum rite electo, Et de concilio æcumenico, legitime conuocato, & Papæ, suis in legatis persidentia foto, Et de potestate legitima, non præsumpta, ordinaria, & non quæ esse posset, in casu.

POTESTAS PAPÆ.

VT res sit illustris, quinq; perstringam. Quæ, Qualis, Quanta, Quorsum, & aquo. ergo, si quæ sit requiritur, palam quòd est summi, supremiq; IESV CHRISTI Vicarij, eiusq; locum, in terra tenentis. Illud constat, non solum ex cap. Vbi periculum, De electione in Sexto, sed ex Martino quinto , & definitione Concilij Generalis, sub Eugenio quarto. Istud ex uerbo sumitur Christi, Oues meas pascite, iuxta interpretationem Crisostomi, esto mei loco prapositus. & fratrum tuorum caput.

ERGO perperam dogmatizant, qui uicarium censent ecclesiæ. Sicut enim, episcopo ecclesiæ peculiaris superstite, capituli sui, nō est, eius creare uicarium, minusq; creato potestatem præscribere, ita & uiuente, regnanteq; Christo, nostrarum Episcopo animarum (nam resurgens ex mortuis, iam non moritur, Et ipse, heri,

hēri, & hodie, & nunc, & in seculum) non est in-uniuersalis ecclesie facultate: illius Vicariū cōstituere, aut potestatem decernere. **S**i qualis, liquet nedum pastorem, sed & Regiam esse. Id quod non solum Florentino in concilio, uniuersalis confitetur ecclesia (definiuimus Romanum Pontificem, in beato Petro, pascendi, regendi, & gubernandi uniuersalem ecclesiam, plenā a Domino potestatem habere) sed & admonet Christus, qui Petro conferens Pontificatum, utroque utitur uerbo. Agnos inquit pascere, & oues meas regere. Et iure, cum de Christo, cuius locum obtinet, scriptū sit. ut Pastor, gregem pascet, & regnabit rex, & sapiēs erit. Ergo, & summi erit Pontificis, suum in utroque munus agnoscere, & quę tū Ezechiel admonet, trigesimo quarto, tum Hieremias uigesimo tertio, pro uiribus adimplere.

Si quanta, haud dubium, quod si queritur amplitudo, ad omnes, & super omnes, est protensa fides, & per hoc, & ad quem libet terrarum angulum. Nam passim oues reperiuntur Christi & omnes sunt tradite Petro, & de ecclesia, sub uineę typo, scriptum est, quod a mare protenditur, usque ad mare, & a flumine, ad extremum terrę. Si eminentia, suprema, maximaque est in ecclesia Dei, quod non modo, in concilio decretum est celebrato Florentię, sed & in concilio celebrato Constantię. Si uis uel efficacia, tanti decernitur roboris, ut non tantum ecclesiastico, quod decernitur in terra supremum, alstringat tribunali, sed & (quod omnium præstantissimum est) super cælesti. Nam quod ligat, uel soluit, in terris ligatum est, & solutum in cælis, sicut & dominus attestatus est.

Ergo, & tropus consonat clauium, & præsertim regni cælestis, quod indubie sacrosancta ecclesia est. Quandoquidem regni clauēs, cum Principi offeruntur, non nisi insignum supremę in illo potestatis, consignantur, quin & ea, ni fallor consignatione, ipse, uel regno inuestitur, uel inuestitum esse decernitur. Præter id, quod Papę datę sunt clauēs; ut Thesauros ecclesie sacrosanctę, tum seruet accurate, tum impartiat oportune. Sunt quidem, Theauri illi crediti, sapientię euangelicę, cum penes illum, suprema eorum sit, tum approbatio, tum sensus, & expositio, & per hoc legitima eorum distributio dispensatioque. Sunt & archanorum, ac sacramentorum religionis Catholicę, quorum apud illum, nedum plenissima est impartitio, sed & absolutissima resolutio. Qua dere, nec cui uis licet, ē diuerso sen-

tire, quàm sedes apostolica sentit. Sunt & meritorum, & satisfactionum, tum Christi, tum per insignium membrorum eius cum ad eum potissimum spectet, sacras profundere indulgētias & eos qui soluendo non sunt, ut qui in Purgatorio sunt, ubertim ijs releuare suffragijs.

M I T T O Thesauros temporales, cum nemo ire possit inficias, & illos catholicæ condonatos ecclesiæ, quando apostolo acclamante, & totius illi donatus est mundus. Et certum est, spirituale secū attrahere tēporale, sicut & anima attrahit corpus,

S I quorsum, res est perspicua cum apostolus tradat, in opus traditum esse ministerij, ad instaurandos sanctos, & in ædificationem corporis Christi. Et rursus. Potestas uestra, non in destructionem, sed in ædificationem & si illius sit proprium, hæreses, schismataque destruere, & oēs sathane munitiones, oēmque altitudinem, quæ se Deum aduersus erigeret, prorsus euertere.

Si denique, & à quo, diximus, quin & satis probauimus, ab ecclesia nō profectū, sed quia non desunt, qui secus rem torquēt præstat id amplius constituere. Si potestas Papæ à potestate proficeretur ecclesiæ, uel diuino, uel naturali, uel canonico proficeretur iure. Non canonico, quando ut dictum est, Papa ecclesiæ non est Vicarius, nec ab illa suam accipit potestatem. Nec diuino, cum ea de re, nec uerbum in sacris reperiatur literis. Minus dicendum est, naturali cum uim excedat naturæ, & longe exuberet, a qua uolueris humana facultate.

S E D dicis. Dum uacat sedes, nonne sunt in ecclesia clauēs? sunt quidem, at non omni cum plenitudine. Vnde nec possunt, ad oēs forte, clauium actus, extendi. Et si forte possunt, hand dubium, quòd non tanto robore. Nam in Papa, tali quidem aperiunt pacto, ut claudat nemo, & ea claudunt efficacia, ut aperiat nullus. Quod indubie, de uacante sede, dici non potest. Nam & ea quæ tunc sunt statuunturque, non sunt penitus solida, nisi Papæ accesserit confirmatio, sicut & experientia docet.

At petis, quas quas habet tūc, ecclesia clauēs, non ne ualet electo pascori tribuere? Respondeo. Esto posset, quam habet auctoritatem, conferre alicui, non propterea summum crearet Antistitem, cum plenitudinem conferre non posset potestatis. Adde, quòd superueniente, qua a christo donaretur plenitudine, cum ea foret ampliter in illa contenta, indubie decerneretur superuacanea, quin & cōfundaretur, inuertereturq; ordo hierarchicus

cus, de cuius ratione est, ut a papa clauēs cōicētur ecclesiæ, sicut & a capite in corpus, niembraq; , natura diffunduntur influxus.

Vrges tamen adhuc. Nonne ecclesia, in potiori sui parte, in Cardinalibus inquā, eligit, constituit, creatq; pontificem? Ergo & supremam, illi adijcit potestatem. Eligit quidem papam, cū electionis utatur forma, sacriq; de illa, non raro disposuerint canones, uerū eligendo, mea quidē sententia, nō constituit, creatq; pontificem, sed Christo, qui illū instituit creatq; , offert, & præsenterat, uel ad summū, a Christo institutum, creatumq; , nominat & declarat, sicut & factum est. in electione Mathiæ. Nam datis sortibus, aliud non intenderunt apostoli, nisi ut Christus, a se electū, tali ostenderet pacto, ut acta testātur apostolica. Hactenus de papa, pergamus, sed breuioribus, de concilio.

POTESTAS CONCILII.

Igitur, ut perstringatur, omnia simul complectenda sunt. Ergo si sane ponderetur, simpliciter quidem, tum cōsultoria, tū cōciliaria, & quodā pacto, iudicatiua, uel diffinitiua auctoritas est. Cum. n. difficiliōres causæ, urgentioraq; accidentia, ut hæreses, schismata, cōmunes fereq; desperatæ morum colluuiōes. iure ad summū deuoluantur pontificem, præstat plures illum hēre, quos consulat, qui concilient, decernāt, & iudicēt. Nec modo præstat, sed & iure habere constringitur, ut negocijs accuratius examinatis, maturiusq; discussis, & frugalius consulat ecclesiæ, & suauius, quæ conferunt, recipiantur ab omnibus.

Iure inquam astringitur: Tum naturæ, cum postulet prudentiæ ratio, & potissimum in maximo principe, & arduis præsertim in quæstionibus, peritos cogere cōsiliarios, & eorum ponderare iudicia. Propter quod, & ut partes insignes, Ebuliam Synesimq; cōplectitur, ut & philosophus docet: nempe, ut illam consilietur circumspecte, & per hanc iudicet prouide ac mature. Tum ordinationis dei, qua motus apostolorum princeps, grauis, ardua quæstione proposita, & de hæresi, quin & de euangelij euerfione, suspecta: euocatis qui Ierosolymis inueniebantur apostolis, & lenioribus, ea super consilium habuit. & unā cum eis, spiritu sancto dictante, rem absoluit, huncq; in pactum. Antiochenæ, prouidit ecclesiæ, in qua erat orta dissensio, per hoc, & diuino prorsus auspicio, & Synodis patefactus est aditus.

Vtroque inquam astringitur iure: at non semper, non passim: sed oportune, sed pro loco & tempore, quin nec semper expedi

ret, nec passim possent concilia congregari. Astringitur, & in concilium euocare episcopos: quippe qui, non solum ex primis sunt christianæ reipublicæ senatoribus, in quibus, & præ reliquis, relucere debet sapietia dei, sed suo ex munere, sunt speculatores facti, & in partem sollicitudinis assumpti, ut qui sunt membra suprema, & Christi uicario familiaria, proximaq;. Ergo & iure, o-neri habent colla subijcere, & in ecclesiæ moderatione, suo pro officio laborare, aliàs frustra urgeret apostolus, illos a spiritu sã cto, episcopos constitutos, ut moderentur ecclesiam dei.

Non astringitur tamẽ, illis consultis, eorũq; placitis auscultatis, conclusam per eos sequi sententiam, idq; non simplici, sed duplici ratione. Altera est, quia sunt (ut diximus) simpliciter consultores, siue consiliarij si mauis, quemadmodum, uel ipsum nomen ostendit. Siquidem concilium, dictum est, quasi cõsiliũ, siue confidium, eo quod consiliarij, solẽt sedere cũ principe, idq; grã, nedũ honoris, sed & certi mysterij, nẽpe, ut animũ, uel sic, moueantur gestare sedatum, & priuatis affectibus alienum.

Quantum nec minus arridet, concilium a conciliando deductum, quasi q̃ ea ut plurimum, cogatur ratione, ut sano, ac circumspecto iudicio & consilio, tum hares, tum scẽtę, & alia componantur, concilientq; portentosa monstra, ut experientia præ se fert.

Et quoniam in actu iudicij, consilium consumatur, cum eius conclusio illius sit & sententia, prout & philosophus monet, haud mirum, si & consultoribus, nomen conceditur iudicum, censorũ, decernentiumq;. Non loquor modo, de indulta a papa concilio, definiendi facultas, quoniam extra institutum est. Quam tamen & tractabimus, sed oportuno loco.

Reliqua ratio est, q̃ & si in concilijs rite uocatis, suoq; munere inculpatis fungentibus, adest Christus (nam ubi sunt duo, uel tres, in medio eorũ sũ) & si adest spiritus paracletus, ut qui ex pollicitatione Christi, ecclesiam nõ deserit (præter id, q̃ singulis, uiro non suffragat pacto, non eadẽ doni copia, & mẽsura, sed cuiq; p rone mẽbri, & mensura qua donatus est fidei, palã q̃ alijs, ea non adlunt firmitudine, non eo robore & efficacia, quibus præcipua adlunt eccl̃iæ mẽbro, eccl̃iæ inquã capiti, & uicario Christi Iesu. Cui & tãto opere, & promissum, & creditũ est fidei munus, ut iure, super illũ edificet eccl̃ia. Nec ppea, gratior est deo papa, eccl̃ia sibi credita, quin & eo gratius esse p̃t, infimũ eccl̃iæ mẽbrũ, imo & cõtingit papã esse, sine gratifica grã, quãdoq; id muneris, nõ

cōferri ei, ob grām suā, sed crediti sibi officij, ecclēi frugē & salutē.

Ergo opus non est, ut papa, iudicium semper amplectatur concilij, minusq; uerū est, quā conciliū sanxit, esse firma, pœnitensq; consistētia, nisi consensus, probatioq; sedis accessoria apostolice. De qua tamen res, in sua tractatione, abunde. Et quis nescit, monstrum esse, mēbra dirigere caput, illius præscribere legē, cū ē diuerso, capitis sit, dirigere corpus, rectamq; ostendere membris. Tametsi, eorum sit capiti subministrare, quin & cum opus foret, debet se precisioni, illius pro salute exponere, ac iacturam extremā sufferre. Habent & quā diximus naturæ consensum, cum & mundi principes, consilientur sæpe, suorumq; excuti aut iudicia Satrapum, & tamen sine illorum iniuria, uel præiudicio, eorū non semp sequunt placita, quin & non raro secedūt ab eis.

Et quanquam res ita se habet, consonat tamen, ut consultorū iudicia prudentissime ponderet, & quantū fas est, complectatur, probetq;. Quod & non raro, quin & frequentissime fit, cum & sacro iudicetur decernaturq; approbante concilio, ut experientia docet. Nec quidem immerito, cum & Christus, in hoc facile referatur, qui & si omnem potestatem, & creditū quodcumq; iudiciū, uult tamen apostolos, & alios insignes amicos, & in supremo quoque iudicio habere coniudices, prout euangeliū instruit.

Ex ijs tandem haud difficile est, quā, qualis, quanta, quorsum, & a quo, potestas in concilio sit (ut locum attinet) animadvertere, & per hoc, quam facile est, quantum a papæ superetur potestate, iudicare.

COLLATIO ET INTENTA CONCLUSIO.

IGITUR cum potestas Papæ, ptās sit capitis, & concilij mēbrorū sub capite, illa pastoralis, hæc sibi creditarū ouīū, illa regia hæc cōsiliaria, illa penitus definitiua, hæc diffinitionis ambulatorig, illa a Christo proxime, hæc ab illo, sed p summū Pon. haud dubium, quod illa, hanc longo superat interuallo, & per hoc, quod pspicua, ac indubitata, inferit de pposita qōne cōclusio resoloq;.

NOTANTVR, ET ERVNTVR SCRVPVLI.

Licet hac in re, plures offēderētur scrupuli, quinq; tamen vnē molesti. Ergo eruēdi, tū sigillatim, tum breui, sed perspicue.

Primus, ex Christi sumitur uerbis (dic ecclēsiæ, quam non audiens, habeatur, ut Ethnicus) Hinc supremū colligūt iudiciū, reiciendū non in papam, sed in ecclēsiā esse. Verum quam hæc sint euānida,

euanida, haud difficile est euincere.

ADMONEBAT Dominus Petrum (ita quidē docet ecclesia, dum inquit, Dixit Dominus Petro, quid nam agendum sibi, si quis ex tribus, hoc est fidelibus, scripturæ consuetudine (sicut enim, per lauacrum, dei regimur filij, ita & sub Deo, omnes euadimus fratres) peccauerit (nempe peccato scandali) ut patet ex contextu, præbendo scilicet, quò anima impingat, offendiculum. Et tale quidem, quòd licet foret ille, frater tam charus, tamq; opportunus, ut oculus, per, uel manus, foret nò immerito traēdus non immerito resecandus, si inq; peccauerit, in te, quod intelligo, nedum illi in personam, onus, & officium, sed & in eius oues, uel ouem. Siquidē in pastore, peccatur cū illius ouis offendit, propter quòd & iure querebatur Paulus, Quis scandalizatur, & ego non iror? uade, non expecta (ita pastoralis sollicitudo requirit officij) & corripe (non primum ut iudex, sed ueluti frater, nempe amice, fraterne, & propterea) inter te & ipsum solum.

Q V O D si te, tali monentem pacto, audierit, lucratus eris fratrem. Si uero contempserit, secundo incipias te habere, ut iudex, quare & tecum adhibe unum, uel duos, ut in ore duorum testium, stet omne uerbū. Duo ergo adhibendi sunt testes, non solum, ut ad ulteriora procedens, super a se facta testentur admonitione, sed ut & sua quodā pacto præsentia, saltem peccantem commoneant, ac ad resipiscendū extimulent, Quod, & uerbum (si illos audierit) perspicue præsert. Deniq; si iudicium orsus, non proficis Petre, & testibus præsentia admonentibus, frater non emendatur, ad sententiam propera. Quare dic ecclesiæ.

C O M P E R T V M est, ecclesiæ uocem (& si uocatam exprimit multitudinem) ad uniuersalem cetū, non semper restringi. Quod non solum ex pluribus conuincitur scripturæ locis (Paulus, ecclesiæ quæ est Corinthi; salutare ecclesiā Aquilæ & Priscillæ) sed & ex præfatio domini uerbo, quādo quidem exploratum est, ob peccantem, uel scandalizantem me fratrem, non oportere æcumenicum congregare concilium. Quare, Dic ecclesiæ, perinde est ac, pluribus conuocatis, quod in te peccatum est fratris, annuncia, ut uel tali pacto, pluribus astātibus, suaq; saltem præsentia commonentibus, confundentibusq;, urgentes habeat ad resipiscendum stimulos. Quod tamen, si contempserit, in illum sententiæ iaculo, & ob id, excommunicationis fulmine animaduerte, illum a fidelium cætū segregando, ac non secus ac ethnicus, membrumq; putridum

ex ecclesiæ corpore abscindendo.

ERGŌ, illis ex uerbis, nihil aduersus, quam attulimus, sumitur ueritatem, quin & non mediocrē, accipimus illius confirmationem, si quis rem rite discutiatur. Præter id, quod & hunc apostolus seruauit ritum, cum aliquibus corinthiorum ecclesiæ cōgregatis, cum quibus, ut dicit, fuit in spiritu, in cestuosum tradidit sathanæ, ut resipisceret. Non ergo, supremum hinc tribunal docemur esse ecclesiā, sed de modo, quo pastor, est fidelibus, emendandis, puniendisq; uti debet instrui. Vnde ne pastorum floccipendantur potestas, nō ad ecclesiā, sed apostolos, & per hoc, non solum ad Petrum, sed & alios, in sollicitudinis partem assumptos, uerba conuertens, Quæcūq; inquit ligaueritis super terram, ligata erunt, & in cœlo, & quæcūq; solueritis super terram, soluta erunt & in cœlo. Sed secundus emergit scrupulus, isq; hunc in modum.

si apostolis omnibus, & per hoc, tenētibus eorum loca, episcopis, una eademq; (itaquidem ea preferunt uerba) est collata potestas, palam quod in ea non preeminet Papa, ergo nec summa, uel suprema illius erit potestas. Eruitur scrupulus, si quis attendat quod admissio oībus, illis in uerbis, eandē concessam esse potestatem, id non fore intelligendum simpliciter, sed proportione. Nempe, ut quod Petro creditum est, super ecclesiā uniuersam, reliquis concessum sit, super diœcesin propriam, idque (ut ordo seruetur ierarhicus) dependēter a Petro; Vt non quidem tenere, & primum illa promissa sit soli, & postmodum alijs, nec quidem seorsum ab eo.

DEINDE dici potest, quod esto omnibus apostolis, forent dicta simpliciter, non propterea eiusdem illi concederent auctoritatis cum Petro, cum illi, non modo tunc fuerunt dicta cum alijs sed & antea, ut tactum est, eidem dicta sunt soli, & maiori (ut Origēnes tradit) rū ubertate, tum amplitudine. Præter id, quod cum dicta sunt Petro, lōge preclarioribus copulata sunt uerbis, quibus & multo prestantiora sunt promissa, & oportune, cumulatissime sunt exhibita, traditaq;. Nempe quod super illū, erigenda foret ecclesiā, quodq; & illius reciperet clauēs, quod nusquā alijs est dictum apostolis.

TERTIO respōdetur, quod etsi in ecclesiæ administratione apostoli ut Patres dicunt, admittuntur pares, id tamen, non ut Petrus, nati sunt ex officio pastoralis, sed ex munere apostolico. In

quo

quo extiterint quidem pares, tam & si ex institutionis modo, magis deferatur Paulo, ut non iniuria, uocetur apostolus, & in sigillo Papæ, ut notat Thomas, ad dexteram collocetur Petri.

TERTIUS ex uerbis trahitur Augustini, qui Petro datas asserit clauēs, in persona ecclesiæ. Et quod cum illas accepit, ecclesiam significauit, Et quod illustrem non habent intellectum, si Petro intelliguntur dicta, & non ecclesiæ applicata.

REVERENS. Et primo recolendo, quod sicut ciuitatis nomine, nonnumquam primores intelliguntur ciuitatis, ita & ecclesiæ uoce (quæ & sanctorum ciuitas est) nonnumquam summi intelliguntur Pontifices, non exclusis & qui sub pontificibus sunt, primi senatores, quales decernuntur episcopi. Ergo cum Petrus dicitur clauēs in persona ecclesiæ accepisse, uel ecclesiam cum illas accepit significasse, aliud non intenditur, nisi quod illas, Petrus accepit, non solum pro se, sed & pro successoribus suis, quin & pro sub se futuris episcopis, quippe qui, sicut Petro, uti coadiutores sunt dati, ita & in partem sollicitudinis sunt ascripti.

Et quidem quod illas acceperit, nedum pro se, sed & pro successoribus, non est eur moremur, cum id omnes fateamur, At quod & per episcopis, sub se laborantibus, ac ueluti ipsi subseruiētibus, satis iudicarunt patres, ut Basilius, Ambrosius, Augustinus, Athanasius, Leo, & alij, dum uerba, per quæ Petrus institutus est Papæ, nempe, pascere, regere; agnosce & oues, docent; & si præcipue, dicta sunt petro, uti generali pastori, alios quoque, complecti episcopos, non secus ac coauxiliarios eius. Sed de hoc alibi opportunius.

Secundo dicitur, quod esto, ecclesiæ uox, pro cætu sumeretur fidelium, petrus in ecclesiæ persona clauēs accepisse diceretur, non quasi ipse non acceperit, sed quia ab ecclesia non acceperit separatus, sed in persona ecclesiæ initus, immo & ut nobilissimum in ea membrum, quoniam illi, ut caput datum, ac præpositum, docet & frequēter Augustinus, docet & aliquando apostolus, ex fidelibus christoque, unum confici corpus, quin & hominem unum, & per hoc, & unā quodam pacto personam, eamque mysticam, cuius ipse sit caput, & nos reliqua membra.

Ergo sicut Papa, locum obtinet christi, ita & ut caput, in hoc decernitur corpore. Ergo cum munus Papæ, munus sit capitale, eique non congruat, nisi reliquis uniatur membris (nam membra à corpore separata, alterius sunt rationis, sicut & philosophi docent) palam quod ei potestas, non conceditur, nisi ut existit in corpore

corpore, & per hoc, ut in persona inuenitur ecclesię. Et quoniam caput refertur ad corpus, illudq; non secus ac correlatiuum cernit, haud inepte in Petro capite, ecclesię consignificatum est corpus. Quod hanc sequendo responsionem, ad uerba sufficeret Augustini, tam & si prior respōsio, illius forte assequatur mentem, quadretq; suauius, ut considerare facile est.

Ex ijs liquet, quod si ad Petrum, sua quis in persona, christi uerba restringat (& si uerbis, sensum largiretur non malum) sensum tamen non largiretur illustrem, sicut qui ex Augustino expositus est.

Quartus ex concilio breuiter Constantię, in quo non semel concilium anteponitur Papę, quin & concilio, eousq; decernitur subditus, ut ualeat ab eo cogi, puniriq;.

Qua in re, sunt qui distinguunt, inter Papam certum, & dubiū, rite uel non rite electum, uoluntq; quod dubio, perperāq; electo preualeat, & quod in hoc tantum casu, concilium Constantiense disponat. Sed hæc, non sunt satis. Licet quidem non repugnem, Concilium præsertim legitimum, dubio perperamue electo Papę, merito anteponi, eo quod dubius, maleue creatus, sicut non breuiter ut Papa, ita & si qua foret, eius non reputaretur potestas, non tamen consensio, Concilium, suis in decretis, illud intendere.

Nam licet, cum illud ageretur, esset in ecclesia schisma, tresq; uiri sedem occuparēt apostolicam, quorum nullus indubius, nullus rite electus, ualeretq; concilium, ex decreto saltem Nicolai secundi, in singulos animaduertere, quia tamen in tertio, quod ab eo aditum est, decreto, non solum de Concilio Papęq; auctoritate, dispositum pro tempore, negociiq; quod instabat, sed & de quocunq; rite collecto concilio. & papa quouis modo, ecclesię sacrosanctę præposito. (tam & si ea semper usum est moderatio ne, ut illum non subdat passim, non in qua uolueris & sed in ijs, quę sunt fidei, schismatis, & reformationis) haud dubium, quod latior apparet iunctio eius.

Tradunt alij, quod cum illa sunt promulgata decetia, concilium non erat œcumenicum, cū non omnes adessent obedientię (aderat tantum Ioannis uigefimi tertij) et per hoc, quod nullius erat auctoritatis. Adduntq;, & recte, quod etiam si omnes affuissent obedientię, & quouis ex mundi angulo extaret concilium congregatū, uim nō haberent decreta, nisi Papę accedente pro-

batione, confirmationeq; Sed, nec ista, sunt penitus firma. Et quod concilium attinet, si non undiq; est collectum, illius culpa non accidit, cum omnes, & omni ex loco, essent uocati, quin & expectati, & tempus opportunum concessum. Quare si non fuerunt praesentes, non concilij, sed eorum factum est praedictio. Et exploratum est, Dominum, &que salutem operari posse per paucos, sicut & per multos, & est promissum ab eo, qui mentiri non ualet, quod ubi fuerint duo uel tres, eius in nomine congregati, quod eorum in medio est. Quod de Papae subdunt probatione, recte quidem dicunt, sed praeter concilij intentionem, mentemq;

sed esto res ita se habeat, non ne & praemissis accessit Papae probatio? Legant qui uolunt Diploma Martini quinti, in postrema concilij sessione, & cognoscent a summo probata pontifice, dum omnes illius sanctiones, omniaque decreta, quae in materijs determinata sunt fidei, summus recipit pontifex, quin & laudat, & sancit. Ergo, probat & sancit, omne concilium rite collectum, posse supra papam, etiam indubium, & eius promotum creatumq;, cum haec sine controuersia, fidei subsint catholicę.

Quid ergo? respondeo: Et quoniam in hoc potissimum uertitur cardo, probauerit nec ne Martinus praemissa decreta, ideo in hoc insistendum, ut scrupulus eruat. Igitur attendendum, quod decreta de concilij, supra papam, potestate, non sunt in bulla Martini comprehensa, sicut uel ex eo potest euinci, quod fere mox, contrarium sancit, dum, qui papam non credit successorem Petri, & supremam habere in ecclesia potestatem, haereticum esse decernit.

Et licet, non diffitear, quin & papa, in suis quae statuit interrogatorijs, quibus tunc temporis, haeretici erant examinandi, demonstrat satis ad fidem, hunc pertinere articulum, quia tamen a patribus, eo in concilio; non est derisum, rem esse fidei, omnibusq; credendam, de necessitate, quin nec uerbum, hac sub ratione, ea de re habitum est, immo & eousq;, fidei instituti non fuerunt iudices, haud obscurum, quod non fuit, nisi ut iurisdictionis materia pertractata, & non alia ratione definita, ergo non est a Martino in illa approbatione comprehensa.

Vnde & Basiliense Concilium, Constanciensis inhærendo doctis, illisq; de quibus est sermo resumptis, tamquam rem indecisam, minusq; an ad fidem pertineret declaratam, ad fidem illam

statuit

statuit pertinere, ut in illius trigesima tertia, legitur sessione. Ergo, hunc in modum eruendus est scrupulus, ut concilij Constantiensis decreta, in tantum sunt rata, in quantum sunt a sede apostolica stabilita, ergo cum hæc non probauerit, sed potius oppositum definiarit, palam quod hæc ex parte, nulla potest esse molestia.

Quintus, ex Basiliensi fovei concilio, quod & legitime est inchoatum, & a multis, ut sacrosanctum receptum. Siquidem non solum suis statuet in decretis, concilium esse supra papam, etiam indubium, & rite creatum, sed & in illum per concilium possit animaduerti. Idque non solum usque ad suspensionem, sed & ad depositionem.

Et quamquam dici potest, & recte, concilium hoc, & si legitime congregatum, mox tamen presumptuosum effectum, ut quod plura supra vires tentauit, perperamque constituit, quin & quod ob id, parum, uel nihil, sit pendendum a nobis, immo & quod omnia ac eius acta, ab Eugenio, sunt rescissa, qui (licet temere ab illo sit depositus, semper ab ecclesia, summo pro pontifice est habitus, & adoratus, nihilominus quia & quoddam Eugenij habetur Diploma, quo illi non mediocriter fauet, scrupulus fomentum aliquod habet.

Qua de re attendendum, quod postquam concilium exitit congregatum, ut tactum est, eousque presumpsit, ut papam aduocaret. Et quidem, non ad concilij ornamentum roburue, sed ad rationem reddendam sui muneris. Quod pontifex (ut par erat) non ferens, mox concilium, è Basilea, Bononiam transtulit, & per hoc in Basilea dissoluit. Et quoniam ea super re, maximi sunt excitati tumultus, multa & graua disseminata scandala, coactus est pontifex, translationem dissolutionemque reuocare, & concilium, prout fuerat in Basilea dimittere. sic habet Diploma.

Dudum sacrum generale Basiliense concilium, per generalium Constant. & sancta. conciliorum statuta, approbationemque Fel. recor. Martini quinti, ac nostram, pro extirpatione hæresum, ac generali reformatione ecclesiarum, in capite & in membris, & perinentibus ad ea, ex certis causis, in alijs literis nostris expressis, de fratrum nostrorum. S. R. E. Cardinalium consilio dissoluerimus. Et sequitur. Verum cum ex dicta dissolutione, orta sint dissensiones graues, possentque & grauiore oriri, nihilque magis optemus

quam quod prædicta sancta opera, suum debitum consequantur effectum, decernimus & declaramus, præfatum generale Basiliense concilium, a tempore prædictæ inchoationis suæ, legitime continuatum esse, prosecutionemq; semper habuisse, continuari & prosecutionem habere debere ad prædicta, & ad ea pertinentia, perinde ac si nulla facta fuisset dissolutio, quin immo præfatum dissolutionem irritam & inane declarantes, ipsa Basiliense concilium, pure, simpliciter, & cum effectū, ac omni deuotione prosequimur, & prosequi intendimus &c.

Ex ijs plane perspicitur, quod (si concilium a sua inchoatione, eousque, legitime est continuatū ac prosecutionem sortitum, ex Eugenij decreto, ac declarationes) conciliū est ab eodē probatum, & quæ egerat decreta sunt stabilita, ergo & quod conciliū sit supra papam, non modo est concessum, sed & ratificatum.

Admittunt aliqui, illis ex uerbis, & probatum eousque concilium, & eius firmata decreta, sed subdunt, id ab Eugenio factum coacte, & eapropter inualide. Quare & quam primum licuit, & decreta rescidit, illis non parendo, & concilium illud dissoluen- do & alii conuocando.

Verum & si hæc possent forsitan tollerari, non tamen subscribo, quandoquidē (præter id, quod indigna pontificio uidentur tribunali, quod non debet, uel ad horam, falsitati cedere, quin & optabilius foret pōtificem mori, quam sua gloria euacuari) & si res aliquid passa est uiolentis, sine illius tamen non est facta consensu, quin & eius efficaci facta est uoluntate, non minus quam mercium proiectio a domino proficiscitur uoluntate.

Dicendum ergo, Eugenium illis in uerbis, minime comprobasse decreta, cum nec mentio sit facta de eis, & errorem continerent in fide, quin & fere mox, contrauenit facto, nedum creando Cardinales, sed & concilium iterum dissoluendo, & tamen utrumque prohibitum fuerat a concilio, sed solum explicasse, legitime continuatum esse, & continuandum fore.

Et ut res sit perspicua, attendendum, quod licet postquam concilium legitime exiit congregatum inchoatumq; multa, ut nō semel diximus, præsumptuose egerit, propter quæ merito fuerat nedum sua potestate priuandum, sed penitus dissoluendum, sicut & factum est; nihilominus quia dissolutio non fuit oportuna, nel alio forte modo, quam debuit, potuitue, ex quo ortę sunt perturbationes,

turbationes, & scandala, non irrationabiliter, coactus est Eugenius, dissolutionem reuocare, & ita concilium, eo in statu, robore, & conditione, in quibus ante dissolutionem habuit se se, de-
relinquere.

Ergo a mota dissolutione, nihil aliud fit, nisi quod a concilio, quæ fuerat superinducta dissolutio, interpolatiove, detrahit, & ita in sua remanens continuatione diminuitur. Ergo ex bulla

Eugenii, nec acta, nec concilium, aliquid nanciscitur robore, uel probationis, sed tantum quod illis ablatum fuerat restituitur, actis & concilio, in eo quod habe-

bant ex se robore, aut ui (quæ plane nulla forsitan erant) remanentibus. Hactenus de scrupulis, & ad præsens de hoc toto negotio. Ad

Laudem Dei.

Amen.

AN DECRETA ACTA QVE
GENERALIS CONCILII
EXIGANT NECESSARIO

CONFIRMATIONEM PAPAE;

Compendiaria enarratio,

Traſtatione.

Autore Iacobo Naclanto Clugienſi Epifcopo.

Rogaui pro te, ne tua deficiat fides; et tu aliquan-
do conuerſus, tuos confirma fratres.

Luc.

22.

ILLVSTRISS. AC REVERENDISS.

D. CAROLO BORROMEEO S. R. E.

AMPLISSIMO CARDINALI;

Iacobus Naclantus, Clugienſis Epifcopus, felicitatem perpetuam!



*V*M quendam, forte fortuna, uiſitandi gratia, conueniſ-
ſem ex Dominis, huic ſacro concilio intendētibz, nonnul-
li aderant, ut ſepe accidit, eruditi, qui de conciliarijs
conferebant Decretis, ſanctionibus; Quare, & in ean-
dem deuentum eſt, diſceputationē, eſſet quidem opus, nec
ne, à Concilio Deſinita, a ſede probari firmariq; apoſto-
lica; ut poſtremum ſortirentur robur. Et quāquā coram explicarim,
quæ merito cōprobarim, duxi tam in animum, ueritatis in gratiā, ac ca-
tholica fidei atteſtationē, negotium compendio demandare literis, ne mea
pro imbecillitate, rei non deeſſem tam oportuna. Igitur rem paucis ab-
ſolutam, non ſecus ac mea erga illam, obſeruantia, ac obſequentiſſima ſer-
uitutis, pignus, ſue Illuſtriſſimæ Dominationi aſcripſi, dicauiq; Fa-
teor, res eſt per exigua, at non perexiguus eſt animus, ſi poſſet præſtare
maiora. Quam Dominus perpetuo ſeruet, & in dies, ad cōmodum fru-
gemq; eccleſie uniuerſalis, ſemper amplifcet.

AD ILLVSTRISS. AC REVEREND.

D. CAROLVM BORROMEVM S. R. E.

AMPLISSIMVM CARDINALEM,

*An decreta Concilij, confirmanda sint necessa-
rio, ab Apostolica sede, compendiarie**Enarratio Tractatio uel.*

Auctore Iacobo Naclanto, Clugienſi Episcopo.

P R O L O G V S.



ET SI ecclesia christi, multos complectitur po-
pulos, & si potentes admittit & diuites, & si ui-
ros suspicit probos, optimosq; diuina tamē di-
sponente sapientia, nō Democratico, non Oly-
garchico, non Aristocratico, sed Monarchico
regitur principatu. Nam cū Deo foret accep-
tissimum Regnum, ac unice dilectum Peculium, illam Vnigenito
tradidit, quin & ea, illum (cum à mortuis resurrexit) inuestiuit. In
qua & uoluit, tum esse, tum principem summum, tum pastorem
maximum. Quod non solum oracula precinunt, sed & epistolæ
admonent apostolicæ. Illud ut optime cōsuleretur ecclesiæ (nam
entia, ut inquiunt, nolunt male disponi, nec confert pluralitas
principatum) Istud, ut ubertim sanctificaret populum, non mo-
do extergendo suo sanguine sordes, sed & immaculatam iugiter
offerendo ecclesiam Deo.

Verum cū illam, corporca esset relicturus præsentia, Petrum,
& qui Petro, rite succedunt, suo substituit loco nec dissimilibus,
principatus, ac pontificatus, honestauit titulis. Et quoniam
equum est, summum subrogatum Principem, & Pontificem, in
rebus arduis, urgentibusq; negocijs, suæ ditionis primates, insi-
gnioraq; aliquando cogere membra, illa consulere, eorumq;
per cunctari placita, haud mirum, si quando, generalia in ecclesia
sunt celebrata concilia, eaq; non vulgari potestate donata, ut
frugalius prospiceretur ecclesiæ. At quia, nec possunt, nec forte
æquum esset, si possent, semper Pontifices maximos, eiusmodi in-
teresse comitijs (postquam illa, sua fieri decreuerint auctoritate,
legatosq; qui rem moderarentur, miserint) solent postremam (ut
par

DE POT. PAPAE

par est, eorum quæ agitantur in Concilijs, sibi reseruare sententiam. Id, quod & in Generalibus, præclarioribusq; semper seruatum fuisse concilij, rem expendenti compertissimum est.

Verum quoniam ijs diebus, res a quibusdam reuocatur in dubium, dum non nulli, conciliorum Acta, Decretaq; , Papæ probatione, uel confirmatione non accedente, ausi sunt astruere ualidissima, ab re esse nõ duximus, si nostra pro tenuitate, hæc certis solidisq; constructa fuerint fundamentis. Quare hanc compendiarum enarrationem, seu tractationem fecimus, ut ualeat quis, ueritatē agnoscere, & ob id, Deo optimo Maximo, a quo omnis profici scitur ueritas, agere gratias. In cuius gloriam, hæc à nobis, potius attentata, quam explicata esse uolumus, cupimusq;, prout & postulat natura, ratioq; compendij. Ergo paucis rem aggredior, nedum sub censura ecclesiæ sacrosanctæ, sed & cuius uis probatoris iudicij.

Q V E S T I O .

*An Acta, Decretaue, Generalis Concilij, Papæ
egeant Confirmatione.*

Q V A E S T I O N E S . S T A T U S .

NON est quæstio, de quouis generalis Concilio, sed de eo, quod est rite collectum, & Legatorum Apostolicæ sedis, tū præsentia, tum auctoritate firmatum.

Nec hæsitatur, de rei decentia, sed necessitate, quandoquidem, non quæritur, An expediat, sed An reuera sit opus.

Q V O R V N D A M A S S E R T I O .

SUNT qui partem astruant negatiuam, quoniam etsi consentiunt, probationem expedire, id tamen pernegant oportere.

Fundamentum afferunt, non quia Concilium sit supra Papam sed quia tali pacto concilium sumptum, summa fulcitur auctoritate, cum potestas in eo (suis saltem in legatis) summi reperitur Pontificis.

Quare, & ecclesiam representare contendunt uniuersalē, quæ indubię, & summam, & omnem ecclesiasticam complectitur potestatem, quā, & immediate habet à Deo.

Ergo

Ergo (ut subdunt) omnes illius, sumus astricti decretis, & illis maxime, quæ sunt definita, de fide, cum, & si omnia, hæc tamē potissime, sint à spiritus sancto profecta. Ergo & hæreticum docent, secus sentire.

Non desunt, qui positionem hanc, alio construunt fundamento, nempe, qui alia non putant opus esse Papæ potestate, præterquam in cogendo concilium, qua de re suo dicendum est loco.

DOCTRINA CATHOLICA.

CONCILIVM, de quo sermo, proxime potestatem habet, à Christi Vicario, at non omni plenitudine. Quin, nec suas vires, ualet Papa, cuius absolute, simpliciterq; committere.

Quare nec ecclesiam representat, simpliciter uniuersalem, nec quæ decernit, quousque non probentur a Papa, supremum sortiuntur robur.

Ergo, & quæ statuit, ad ecclesiæ disciplinam, uel morum moderationem, uim eousque non obtinent legis, ut ad eorum simpliciter astringant obseruantiam, & quæ in materia decernuntur fidei, nobis non sunt prorsus, eousque indubia.

Et cum hæc sententia, sit catholica, ab ea nefas est dissentire. Nec modo secus dicere, ad hæresim pertineret, sed & hæreticum, addita estimatione, decerneret.

DECLARATUR CONSTITUITURQUE

præmissa Doctrina.

CONCILIVM de quo sermo, proxime potestatem habet, à Christi Vicario.

Potestas in proposito, non pro consultoria, de qua aliàs dictum est, sumitur facultate, sed pro iurisdictione, cuius, ut uox sonat, proprium est, ius dicere, ius iuxta legem decernere & legem, ad bonum publicum constituere. Et in principe, ex imioque communitatis rectore, inuenitur simpliciter, sed in cōmissario, uel delegato, communi cursu, inuenitur ad tempus, uel tantum in peculiari casu.

Verum attendendum, quòd potestas hæc modo earum respectu, non excutitur ecclesiarum quibus episcopi, qui in concilio sunt coacti, sunt dati pastores, sponisque, sed respectu, totius ecclesiæ, cui summus præfectus est Pontifex, pro qua sunt & ne

gocia, quæ tractantur (ut plurimum) in concilio. Nam respectu creditarum sibi ecclesiarum episcopi nunquam (communi lege) suam non retinent iurisdictionem, siue sint, siue non sint, in concilio, sed respectu ecclesiæ totius, non retinent, nisi dum in eo sunt, Et tantum ab ea die, qua est legitime congregatum, ad illam usq; qua est legitime absolutum, aut legitime suspensum.

Quare & si utraque episcopis proxime, à summo confertur Pontifice, uti a Christi Vicario, id tamen, non uno accidit pacto, nec unamet ratione. Nam prima, & si confertur per eum confertur tamen, iuxta illā sibi creditam dispensandi rationem, qua mysterium Christi, supremus factus est distributor, iuxta uerbum apostoli. Sic nos existimet homo, ut ministros Christi, & dispensatores, mysteriorum Dei. Et confertur, per modum perpetui ministerij, perinde ac munus episcopale, cum quo, & communi cursu, recipitur.

At secunda, & si confertur per illum, non tamen, iuxta illam confertur dispensandi, a Christo præscriptam rationē, qua suis cum oneribus, sunt dispensandi episcopatus, de quo & sacræ ad monent literæ, & sanctissimi asseuerant patres, sed iuxta rationem liberalitatis propriæ, seu pontificiæ indulgentiæ, non a diuinis præscriptam literis, patribusue, sed a laudabili, hæc tenuitq; si non fallor, in omnibus seruata concilij consuetudine, dum in omnibus, episcopi usi sunt, decernendi, definiendi, canonesq; uniuersales constituendi facultate, tam ad communem fidelium disciplinam, tum ad dogmata pro fide catholica.

Quod quidem, non mediocriter consonat. Nam episcopi, non solum membra sunt proxima, capiti, sed & in concilij sollici u linem subeunt, uniuersalis ecclesiæ. Preter id, quòd & Pontifex maximus, ea utens munificentia supremum animarum imitatur Pontificem, qui licet insigne caput sit, totius ecclesiæ, omnique donatus a patre potestate, omnique iurisdictione (in illius quidem ditione, uniuersa sunt posita) uoluit tamen apostolos, aliosq; ex omnibus assumptos, habere cooperarios, quin & coniudices, & quod maximum est, in extremo iudicio.

Quod dicitur, proxime, ad remouendum non dicitur, iurisdictionem illam, profectam a Christo, sed ad declarandum, ab illo non profectam immediate. Siquidem, cum Christus, Vicarium super totam, papam constituerit ecclesiam, eiq; soli, iurisdictionis, super illam crediderit plenitudinem: exigit quidem
ratio

ratio,exigit & ordo, a diuina positus sapientia , quę omnia agit cum suauitate,ut non nisi, per illum, & in ijs præsertim, quæ totā concernunt ecclesiam,iurisdictionis impartiat^r facultas.

Ergo patrum iurisdiction^r , in concilio , est quidem a Christo , & est, non solum , eo generali pacto , quo omnis , est a deo, potestas, tam in fidelibus , quam in ethnicis , tam in ecclesiasticis , quam in secularibus principibus: aut illo, nō longe dissimili, quo Reges, per eum regnant , & legum conditores , iusta decernunt , sed & illo insigni, ac peculiari, quo, tum peculiare, tum perinsigne est, & caput, & sponsus ecclesię , per quem, & longe præstantius, & multo sollicitius , illi pro reliquis rebus assistit , moderatur , & non secus ac pupillam , seruat & protegit . Tametsi ad illos , & iure, & merito , non pertingat, transeatq[;] : nisi mediante uicario, summoque pontifice.

Cui , cum nulla , super hoc (ut diximus) præscripta sit lex , nulli dubium , quod arbitrio relinquitur suo : quando , quomodo, & qua sit conferenda mensura . Et eo quidem pacto, ut non cedat in destructionem, sed ædificationem, ut loqui consuevit apostolus . Nam licet Christus , cum in omnibus , tum in papa , nunquam bonam non excitet uoluntatem , licet sancta semper inspiret desideria , rectaque consilia , sicut tamen nemini , ita & summo nunquam Antistiti, præiudicat libertati . Ergo tantum abest , ut coactus sit pontifex , plenam concilio concedere iurisdictionem , quod cum illam cōcedit , eam ad libitum ualeat moderari, quin & potest, quod uoluntate reuocare cōcessam , & cum placeret etiam ab illius desistere impartitione.

Siquidem ecclesię totius regimen, cum sit, suapte natura monarchicum, haud obscurum, illius principem, non necessario, suę iurisdictionis habere participes, & si necessario, pro diuersis ecclesię partibus, coadiutores habere debet episcopos . Equum enim est, & naturę lege probatum , summum pontificem , in arduis pro ecclesia uniuersali negocijs, uti consiliarijs, cogereque, cum opus uisum fuerit, æcumenicas synodos, ut ad communem salutem , frugemque , salubres excutiantur sententię , conducentiaque iudicia , tametsi illa non cogatur probare, aut executioni committere, nisi quantuni, & prudenter, & oportune, uiderit expedire.

Sed urges . Esto ecclesię moderatio, sit monarchica (siquidem, & non raro, sub typo describitur Regium) Esto, quod iure,

omnis super illam iurisdictio, uni committatur pontifici, cui hō-
 solum dictum est pascere, sed & oues uniuersas Rege (Nam utrūq;
 uigesimo Ioānis, dictum est Petro) Inficiari nihilominus nequit,
 quin & sit pacto quodam politicū. Sumus. n. sanctorum ciues, &
 domestici dei, & notum est, ecclesiam, collatam haud nunquam, cū
 ciuitate. Quare, etsi præcipuum onus, hanc gubernādi republi-
 cam, iusq; dicendi super illam, uti regi, principi q; , ascribendū est
 papæ, nil tamen obstat, quin & naturæ cōgruit ciuitatis, ut & sua
 pro ratione, non secus ac primis ex senatoribus, concedatur epi-
 scopis. Vnde, & septuaginta, a deo datum est senioribus, ut cum
 Mosē moderarentur synagogam, sicut & uetus admonet lex.

Respondetur. Fateor ecclesiam similem ciuitati, at non hu-
 manæ, sed cœlesti. Nōstra, inquit Paulus, politia, in cœlis est.
 Vnde & tabernaculum Moī, quod ecclesiæ erat typus, iuxta
 exemplar factum est, quod illi est ostensum in monte. Ergo
 non iniuria, si illi ex cœlesti ciuitate, tum forma, tum regen-
 di, præscriptus est modus. Siquidem illa maior, hæc legitima
 filia, quam & sic oportuit æmulari matrem, ut non temere,
 tam de cœlo descendisse, testetur dilectus. Ergo si superna
 in ciuitate (etiam si uaria in ea distributa sunt munera) unus est,
 cuius singula diriguntur nutu, moderator & princeps, cur non
 erit, & in politia ecclesiastica, in qua licet diuersa compartiantur
 officia, unus, penes quem totius sit regiminis cura, omniumq;ue
 iurisdictio?

Fit quanquam non inficior, in Ierarchia sup̄na, omnia fore
 connexa, fateor, & in ecclesia, iuxta cœlestem, omnia esse disposi-
 ta, nullo tamen ambigēdum est pacto; Christum, qui in caput, to-
 ti præpositus est ecclesiæ, omnium (siue in cœlo, siue in terra sint)
 rectorem esse ac principem. Ergo, non h̄sitandum, summum
 eius in terris vicarium, terrestris saltem ecclesiæ, unice moderari
 habenas, esseq; penes illum, oninem super eam, reddendi ius, ple-
 nitudinem. Ergo, etsi humanæ reipub. senatores, possunt ferro
 quædam, & in his, quæ ad publicum pertinent commodum, habe-
 re suapte natura, suffragia, iusq; dicendi, sua pro ratione, quodā
 iure pretendere, secus tamen, de senatoribus politiæ ecclesiasti-
 cæ. Vt quæ eorū a Christo instituta est pacto, ut sicut vno adumbra-
 tur ouili, ita & uno regatur pastore.

At, nō omni cū plenitudine, quin nec suas uices, ualet Papa,
 cuius simpliciter, absoluteq; committere. Si concilium, ea tan-
 tum

tum attenderet, quæ ad politicos fidelium pertinent mores, promotionemq; pro loco, & tempore, ecclesiasticam disciplinam, non magnopere refragraré, ea in re, posse summum pontificem, plenitudinem delegare facultatis, cum inde, nihil (quod uideatur) sequatur absurdum. Quod tamén, nunquam præsumeret facere, tam & si aniplissima legatis demandaret præstare. Licet enim æquum sit, legatis in concilio, abunde, amplissimeq; ea concedere, quæ ad commodam concilij pertinent moderationem, non tamen est consentaneum, ut plenitudo illis concedatur potestatis, cum inde, non pauca sequi possent inconuenientia, ut facile est, humanis ponderatis affectibus, animaduertere.

Quod si quando, uel honoris gratia, uel pia aliqua ratione, in patetibus (ut uocant) literis, plenitudini alluderetur iurisdictionis, uel etiam si clavis, apertisq; id tangeretur uerbis, retinendum semper foret, non esse pontificis mentem, ut ea uterentur temere, passimq; aut in ecclesiæ uniuersalis, uel sedis apostolicæ præiudicium. Et demum, quod nec ea illis uti, fas esset, nisi magna cum moderatione, sicut & probe, maximus præ se fert Leo, septuagesima secunda epistola. Cuius rei, & pontifex erit (ut par est) & supremus, & unicus iudex.

Verum, quia in concilio, non ea dumtaxat pertractantur, quæ politicos attinent mores, habentq; pro loco, & tempore, promouere ecclesiam, sed & quæ fidem concernunt orthodoxam (propter quod, & in eo statuuntur dogmata, a quibus nemini fas est resiliire, quin & quæ possunt, debentq; etiam summos Pontifices alligare) huius saltem respectu potestatis, iurisdictionisue, cõpertum esse debet, Pontificem plenitudinem delegare non posse, simpliciter & absolute. Et quoniam in hoc, non minima substat portio, catholicæ, quæ supra est collecta, doctrinæ, ideo & declaranda, & constituenda res est.

Declaranda quidem, quia forte non desunt, qui hæreant, an ad iurisdictionis hæc pertineant facultatem, non facile penetrantes, quo pacto, in his, quæ fidei sunt, valeat habere locum. Verum si quis attenderit, Romanum Pontificem, nedum iudicare posse de moribus, sed & de scripturis sacrosanctis, non debet, & quæ fidem attinent, illius expectare iudicium. Siquidem fides, & dei innititur verbo, & in nos, ex uerbi dimanat auditu, prout & apostolus docet. Et quis nescit, & legem inueniri fidei, quando id Paulus tradit? Cur ergo, & quæ illius sunt iuris, tam iuxta, non poterunt excuti, uel decerni?

At non fituis, in uerbo. satis quòd improbari nequit, eam quam concilium in ijs quæ fidei sunt, obtinet facultatem, à summo dimanare pontifice, penes quem ita fidei (ut dicitur) depositum est negotium, ut ex illius tandem pendendum sit ore. Et licet, quæ iurisdictionis sunt, possint (communilege) committi, quæ tamē personæ exigunt (ut loquuntur) industriam, illique sunt unice credita, onera sunt personalia, alijque concedi non possunt, & illis præsertim in rebus, quæ maximi, quin & supremi sunt ponderis. Et compertum est, eam duntaxat, indubiam esse fidem, quæ illi in nixa est basi, ac constantissimæ petre, quæ (ut illius peculiare agnosceretur donum) soli data est Petro.

Constituenda uero, quia si hæc de fide decernendi facultas, posset; uel omni cum plenitudine, uel simpliciter, & absolute, a Papa committi, posset & illud peculiare, spiritus sancti donum quo in ijs, quæ fidei sunt (cum de illis, per modum iudicis, iusque supremum decernentis, & promulgantis, statuit decernitq;) infallibile redditur Papæ iudicium, alteri delegari, quod plane, sineq; controuersia, res absurdissima est. Nam præter id, quod ordo, in mystico confunderetur corpore, charismatibusque, quibus & propria membris, distribuuntur munera, præiudicaretur spiritus sancti, dum donaretur corpori, quod peculiare est capiti, haud dubium, quòd (& si in Papæ est facultate, munere se abdicare pontificio) in illius tamen non est facultate, corpori munus conferre capitale, sicut nec esse ecclesiæ fundamentum, ascribi potest, quod super illud constituendū est ædificio.

Sed secus inquis, sonant uerba Martini, cum Iulianum S. Angeli Diaconum Cardinalem, in legatum, ac præsentem, dedit Basiliensi concilio. Nam plenam, in rebus fidei, tam cognoscēdi, quàm decidendi (& si unā cum concilio) contulit facultatem. Quin, & uoluit, quoscunque, qui ab illo, unā cum concilio, decisiss, determinatisq; contrauenisent, seq; rebellassent, per censuras puniendos ecclesiasticas, & alia oportuna remedia etiā brachio inuocato sæculari, & omni appellatiōe postposita promittendo omnia se habiturum, & rata, & grata, ut ampliter eo in diplomate.

Quibus respondeo. Non quidem uoluisse, minusque Martinum explicasse, se in ijs, quæ fidei, Legato Concilioque, potestatis, simpliciter tradere plenitudinem, sed eam tantum decidendi concedere facultatem, quæ ad hæreticos requiritur conciliari-

cilíariter condemnandos, & ad ea, quæ fidei sunt decernendum eo, quo solitum est, iure concilij. Quare non excluditur, quæ in concilio fuissent acta, ad Lydium, non conferenda lapidem, & per hoc, non extremum Papæ subitura iudicium. In quo solo, ex CHRISTI dispositione, munereque, & indubia, & constantissima, fidei regula requirenda est.

Et quamquam (ut non longe post, resumendum est) quæ a Concilio, ante approbationem Papæ, sunt decreta non sint penitus firma, sicut tamen, æquum est, illa suspicere, uenerari, ac honore debito prosequi, ita & iniquum foret, illa uel continere, uel temere contradicere. Ergo, & recte, in illos Pontifex concedit animaduerti, & acri (ut par est) pœna mulctari. Quòd promiserit, habiturum se ratum, & gratum, quicquid fuisset decretum, & conclusum, si ad executiones, ut forte debet, restringatur pœnarum, contemptores detractoresque, merito inuoluentium, nullis ingeritur scrupulus, si decreta, definitaque cõplectitur uniuersa, haud dubium, quòd cum debitis accipiendū est clausulis, nempe, non fraudulenter, non temere facta, & ad Lydium, ut dictum est lapidem, consistentia.

Quare, nec ecclesiam representat, simpliciter uniuersalem.

Exploratissimum est, ecclesiam uniuersalem, omnes complecti fideles, ut quæ integrum (ut in hac saltē contingit peregrinatione) christi continent corpus. Ergo, si simpliciter, omniq; est representanda ex parte, necesse est, ut tota, integraq; omnibus cum membris, & suo præsertim representetur cum capite. Ergo palam, quòd Papa absente, qui solus christi, simpliciter & absolute capitis, gerit uices, simpliciter, & non ut aliquando, sine dochice, integra, totaq; representari non potest.

Adde, quòd sicut particulares ecclesiæ, in suis, & computantur, & representantur pastoribus (propter quod, & illis conuocatis, eorū adesse censentur ecclesiæ) ita & uniuersalis ecclesia, non nisi in summo, & computatur, & representatur pastore, pontificeq;. Qui & illam (ut loquuntur) uirtualiter continet, & in concilio, proxime, pro illis, qui in eo, pastores peculiares, non habent, populis, & ecclesijs, insigniter supplet.

Et licet Papæ Legati, illius uices gerant in multis, sicut tamen, illis datum non est ut gerant christi uicem, ita nec ut pro uniuersali, supplere possent ecclesia. utrumq; sane, munus est papæ personale, & non secus ac, potestatis, ut diximus, plenitudo, communicari

eari simpliciter nequit. Cuius rei, uel inde, accipitur testimonium quòd id nunquam, in eorum, quantumuis uberi, quantumuis ampla, expressum legitur commissione, aut alias, quouis pleno mandato.

Preter id, quòd absq; papæ præsentia, plenitudine (ut dictum est) non potitur potestatis, & quam habet, proxime non habet, à christo. Et tamen obscurum non est, ecclesiam non uere integram, non uniuersalem esse simpliciter, quæ utraq; non completitur. Et notum est, quòd cum summum includit pontificem, ipsius ratione, & plenitudinem habere potestatis, & proxime in eo proficisci, a christo.

Sed duo, ex Martini interrogatorio, se efferunt scrupuli, quos (sed paucis) non dissimulabo. Alter est, quia iudicatur hereticus, qui quoduis generale concilium, dummodo sit legitimum, representare non dixerit, uniuersalem ecclesiam. Reliquus est, quòd Constantiense, quod sine papa, extitit celebratum, eiusmet decernitur representationis fore.

Ad primum dicitur, q; si sermo sit, de representatione simpliciter, & non, ea de qua admittitur sæpe, ex hoc, q; non minima, in aliquo reperitur pars, cum papæ illud intelligendum est assistentia, & non alio modo. Ad secundum respondetur, quòd Constantiense, eo pro tempore, quòd tunc uero extitit papa, ecclesiam & si representauit uniuersalem, ne... tamen simpliciter, sed eo quo tunc reperiatur pacto, at cū est electus Martinus, qui & concilio erat præsens, indubie illā representauit simpliciter intregq;.

At resumis. Basiliense concilium, legitime est congregatum, & sine præsentia papæ, eoq; non reclamante, illo non semel usus est titulo. Dicendum, quòd & si eo est usus, usus est illegitime, quin & præsumptuose, sicut, & quod subdit, a deo potestatem habere immediate. Vnde & secunda mox sessione, ausum est eousq; quòd & summos legitimosq; pontifices presumpsit, suis nedum decretis astringi, sed & posse contrafaciendo deponi. Reclamauit satis Eugenius, quando eorum audacia ponderata, concilium nedum aliò transulit, sed & dissoluit.

Nec quæ decernit, usquequo nõ probentur à Papa, supremum sortiantur robur.

Si quæ in concilio sunt decreta, ex plenitudine profecta non sunt potestatis, nulli dubium, quòd si ad eorum confirmationem, illius accederet plenitudo, ea non parum roborari contingeret.

Ergo,

Ergo, & locupletari possent in robore, ergo palam, quod non erant sortita supremum. Sed dicis. Nam propterea, uim non obtinet coactiuam, qua illa urgeamur præstare, absoluerẽq;? Et si ea de re portione sequenti, sic tamen per paucis habere, nempe, quod licet illis, sua non denegetur uis, ad sui tamẽ prorsus nõ alligant obseruationem.

Siquidem (præter id, quod ius dicat) suadetq; naturæ, ut ea (sicut tactum est) non contemnamus, quin & ex osculemur, tum quia sanctiones patrum, ad communem frugem, tum quia a spiritu (ut credit) sancto dictata propositaq; & ita dicat, suadetq; ut uæ, si quis contempserit, uæ si quis onoratus non fuerit, comperit, quod & conciliari, quale quale sit; etiam cogunt nos iura. Verum quantum, ex illa proficiscitur potestate, nõ astringunt simpliciter, sed aliquo pacto, prout inquam, in illis uoluntas præsumit esse (saltem ex parte) summi pontificis. Cuius auctoritate, concilium non solum est coactum, sed & sanctiones fecit.

Et cum ea præsumptio quousq; de Papæ non constat, tacita uel expressa probatione, reprobationeq; merito in nostris uigere debeat mentibus, ambigendum non est, quod ad eorum, quodam urgebit pacto, nedum reuerentiam, sed & piam ut fas est, executionem, non dicam iudicialiter, sed quasi amicabilius, & eo pacto, ut si factum sit secus (absit contentus) legis non sim absolute transgressor, aut capitaliter uiolator.

Nec obstat, concilium, Papæ auctoritate coactum, legatorum præsentia fultum, ampla auctoritate donatum, & demum, quæ fuerint definita, præ ratis, gratisque habenda promissum, quoniam (præter id, quod ea cum debitis diximus) intelligenda sunt clausulis, & circumstantijs, non satis sunt, ut definita, uim simpliciter sortiantur, ut mox uidebitur, legis, & per hoc, sicut nõ ualeat simpliciter alligare, ita nec simpliciter potest in transgressores, ut transgressores animaduertere.

Ergo, & quæ statuit, ad ecclesiæ disciplinam, uel moram moderationem, uim eousque non obtinent legis, ut ad eorum, simpliciter astringant obseruantiam, & quæ in materia decernuntur fidei, nobis non sunt prorsus eousque indubia.

Quamquàm hæc sunt ex præmissis deducta, non erit forsitan importunum, si confirmentur denuo. Ergo quæ disciplinam tangunt ecclesiæ, probationem. confirmationemq; necessario exigere Papæ, idque non solum, ut constantius, frugaliusque man-

dentur executioni, conferantque communi hominum obseruantia, sed ut & uim simpliciter sortiantur legis, supremam recipiant qua & astringamur absolute, in roboris efficaciam, uel ex hoc, difficile non est euincere.

Cum omni ex domini uoce, Petro totius regimen, ut non semel diximus, creditum sit christianæ Reip. summusque pro tēpo re illi succedens Antistes, & pater, & Princeps a concilio Florentiæ sub Eugenio celebrato, ecclesiæ decernatur uniuersalis, indubie ad illum spectabit quā maxime, nedum leges, pro ecclesiā constituit uere, sed & opus erit, & quæ fuerint constituta, per illum, illiusue expresso saltem promulgari consensu. Id enim, ut cogat, natura postulat legis, ut non solum docent legis periti, philosophi morales, sed & D Thomas, prima secundæ.

Quare & si in Conciliorum calce, cum qui interfuerunt, soliti sunt subscribere, promulgationis aliquādo interponeretur uerbum (præter id, quod res foret particularis, & cōtra cōem cursum p̄sumeret, noua Papæ, id factum commissione, uel nouo eius consensu, sicut ni fallor, & eo casu contingeret. uel ita uerbum illud proferretur quod constaret non præiudicatum arbitrio Papæ, ut factum dicitur a Donato Ostiensi episcopo, Papæ legato in octaua synodo. Sic enim referunt. Ego Donatus Episcopus Ostiensis, locum tenens Adriani pontificis maximi, omnia quæ leguntur superius, huic sanctæ, & uniuersalis præsidens synodo, ad uolūtate eximij præfulis, pmulgaui, & mea manu subscripsi.

Quāquam si alicubi, promulgata legerentur absolute, sine quæ pontificis scitu, non immerito interpretandum foret, id factum, quantum ex conciliaria potest pendere potestate. Quod simpliciter, ut diximus, non ligaret, quousque de Papæ non cōstaret approbatione. Nec haberent propterea, eousque uim iuris simpliciter, nec ad tribunal adducta, absolute probarent, minusque ex illis tantum, posset sententia, iuridice ferri cōstituique. At de sancitis, pro fide.

Hæc etsi pendunt non minus, ex determinatis (quandoquidē ea quæ fidei sunt, infallibiliter decidere, muneris est capitalis, qđ alia Papa, tum Dei ordinatione, tum sedis apostolicæ priuilegio, communicari non potest, unde & merito, oēs ad illam sedem, deuoluuntur qōnes difficiles, & per hoc, & quæ fidei sunt (cum sint perarduæ) non puto tamē inutile, si unde ualeat donū illud educi, quoue Christi uerbo firmari proferatur in medium.

Et quamquam, ex pluribus scripturæ sumeretur locis, erit in presenti sufficiens, unus, uel alter. Primus sextodecimo habetur Mathei, quando Simon factus est Petrus, dicente domino, Tu es Petrus. Siquidem, ut D. docet Ieronimus, illud christi uerbum, uerbum exitit potestatis, quod & mox est secutus effectus. Nam tunc factus est constans, & firmus in fide. Et ea quidem firmitudine, ea cōstantia, ut posset totam firmare, & substinere ecclesiam. Propter quod, & ilico pollicitationem meruit, & hanc supra petram, meā ædificabo ecclesiam. Verum, quia locus iste, cum de primatu egimus Petri, est satis excussus, alius per tractandus est.

Legitur uigesimo secundo Lucæ, quòd contententibus de primatu apostolis, christus ad petrum uersus sic dixit. Rogauī pro te, ne tua deficiat fides, & tu aliquando conuersus, tuos confirma fratres. Quo ex loco, Agathon papa, in ea, quam ad sextam synodum scribit epistola, confisos, asserit prædecessores, semper solitos confirmare concilia. Quod & pollicetur, pariter facturum sese. Et constat concilium illud, nedum Domini prædecessoris autoritate collectū, sed & ad illud ab Agathone, Theodo. Georgium, & Ioannem legatos destinatos, ac in eodem fuisse, sui loco præfectos, Ita quidem, premissis domini uerbis, quæ sunt pro ducta, subiungit.

His Dominus Petro, non defuturam promissit fidem, & confirmare eum admonuit fratres, quod apostolicos pōtiffices, meæ exiguitatis prædecessores, confidentes, semper fecisse, cunctis est cognitum. Quorum & pusillitas mea, licet impar & minima, pro suscepto diuina dignatione ministerio, pedissequa cupit existere. Verum ut christi uerba, sint magis illustra, hunc expendatur in modum.

Orta inter discipulos, de primatu, ut dicebatur, contentione, illisq; ut parauit, benigne commonitis, mox christus uerba conuertit ad Petrum, ut ad quem ex pollicitatione spectabat Primatus. Simon inquit, Simon, geminat quidem uerbum, ut ponderet quod subiungit. Ecce, qđ forte nō cogitabas. Ecce (inquā) nam res est præsentanea, & tentata modò. Sathanas, qui nūquam ad exturbandum calumniandumq; non est sollicitus. Experiuit, omniq; instantia efflagitauit (nam ad libitum debet accari non potest, Vt cribraret, agigaret, excuteretq; omnes uos, non secus ac, triticum, ut tandem me derelicto à fide penitus desciscatis. Et

iusto Patris iudicio, sed uobis impræsentia in accesso, uoti factus est compos.

At, ego rogavi, qui ob meam, nūquā non exaudior reuerentiam Non dicam pro uobis omnibus(nec quidem id, in scrutabilis exigit sapientia dei, quæ singulis, optimo prospicit, cum consilio) sed pro te, cui & alias pollicitus sum primatum, ad quem & mearum cura pertinebit ouium. Rogavi eaq; , pro te, uerum non tui, sed crediti tibi muneris gratia. Vt, non solum, in hac Sathanæ cribratione, non solum, in hoc, quod modo, omnes patimini naufragio, sed & in quibusuis turbinibus, sæuissimisq; tempestatibus, nunquā Tu, tuiq; successores(summi, hoc est pontificis, priuilegium) tua defutura sit fides.

Tua inquam fides, tum quia, cum tibi est à patre donata, potissimum futuro in te, pōtificio muneri est concessa, tum quia in te tui officij ratione, est firmata, stabilitaq; , & quia Petrus factus, constantissima reddita. Et merito quidem, cum non tam super credito tibi munere, mea sit construēda ecclesia. Præter id, quod tua est, quia à te insigniter explicata, cum me christum, uiuentis dei filium, præ reliquis es confessus. Ergo, non iniuria, si te, tuumq; munus, peculiari est suffultum fauore, non iniuria, si te tuiq; successores, nunquam destituendi sunt fide, quin & si ab eis reliqui confirmandi sunt fratres.

Et quamquam, res ita se habet, quamquam nec petrus, nec successores, deficere permittantur in fide, non propterea, illis datum est, peccare non posse, aut aliquid, fidem aduersus, non committere. siquidem immaniter peccauit petrus, & grauissime in fidem commisit, quoniam in fidei confessione, non semel defecit. Peccauit & in fidem Marcellinus, cum thus obtulit simulacro. Verum, non perdidit fidem, cum ea non processerint, ex incredulitate, sed ex mortis formidine.

Et licet nōnulli Romanæ sedis Antistites, sint insimulati de heresi, ni fallor, fuere calumniæ. Habent qui illos uendicent, tum ex probatis hystorijs, tum ex ualidissimis coniecturis, quare, non est cur moremur. Quamquam si aliqui admitterentur hæretici, non propterea quicquam summo detraheretur pontificatui, sed lapsus concederetur personæ. Quod plane, sine summæ sedis præiudicio, posse contingere, Romanam conuincit ecclesiam, nunquam heresi fuisse infectam, sed aliarum omnium, semper permanisse magistram.

Et quamquam deliquerit, ut dictum est, Petrus, deliquerit & Marcellinus, conuersi sunt tamen. Et tantum abest, quòd eorum lapsu, sit periclitata ecclesia, & ea, constantior reddita est, occasione. Siquidem uterq; non solum, suam mirum in modum, detestati sunt culpam, sed & in fidei confessione, eo usq; sunt facti constantes, quòd eorum crimen, ecclesie cesserit, nedum ad profectum, sed ædificationem, & frugem. Hactenus de christi uerbo.

Ex quo, cum constet, petri fratres, Episcopos inquam, ex Petri confirmandos fide, haud dubium, id fore potissimum necessarium, ubi uentilatur maxime. Ergo & potissimum necessarium est, in Generali Concilio, ubi quæ sunt fidei, potissimè resoluntur. Sed iam, est dicendum, de Praxi.

Nicena Synodus, in qua trecenti octendecinq; conuenerunt episcopi, & si Syluestri conuocata est potestate, ut ex epilogo, Romani edocemur concilij, per eundem, eò temporis, in terminis celebrari, & si in ea Osius Cordubensis episcopus, uictor & Vincentius, romani præbiteri, & legati, & uicem Romani gerentes pontificis præfuerunt, ut ex præfatione ad còcilium legitur Sardicenses, uel uictor saltem, & Vincentius, qui in eodè, nomine subscribere Syluestri, ut ex Concilij licet uidere subscriptione, Nihilominus, missum est ad Papam, ut illius confirmarentur decreta.

Et quòd ab eo sint confirmata, & si ex illius satis còstat responsione, clarius tamen, id ex frontispicio euincitur concilij, per Syluestrum Romæ celebrati, ubi sic legis. Syluester episcopus, sanctæ & apostolicæ sedis, præsul urbis Romæ, dixit. Quicquid in Nicea Bithiniæ, constitutum est, ad robur sanctæ Matris ecclesiæ, catholicæ & apostolicæ, à sanctis sacerdotibus, trecentis decem & octo, nostro ore conformiter confirmamus. Omnes qui ausi fuerint dissoluere definitionem sancti, et magni concilij, quod apud Niceam congregatum est, sub præsentia pijsissimi, & uenerandi principis, Constantini Augusti, anthematizamus. Et dixerunt omnes, Placet.

Quòd approbatio, facta sit cū concilio, nullum hac in re, assert incommodum, quin & confirmat intentum. Non assert incommodum, quoniam non maior, ob id, in confirmando, infertur potestas. Eadem quippe est uis, eademq; auctoritas, in Papa solo, & unà cum Concilio, & si cum est solus, est in illo collecta, & cum est in concilio, est ad patres effusa. Confirmat intentum, quoniam ex hoc demonstratur, plenitudinem non esse potestatis,

eis, quantum uis foret eximium, sicut & Nicenum, in generali cōcilio, in quo, & si sunt papę legati, non tamen est papę persona. Siquidem, opus non fuisse confirmatione, si disparitas non fuisset, in auctoritate.

Calcedonenfis quoque, in qua sexcenti & triginta fuerunt epi scopi, non modo papę auctoritate collecta, ut ex epistola habetur Valentiniani, & Marciani, ad Leonem primum, sed & Romani pontificis legatis, Lucentio & Palchafino episcopis, & Basilio & Bonifacio sacerdotibus, & in ea præsidentibus, administrata, qui non solum, quæ ad fidem spectabant, proponebant, sed & sententiam Leonis uice, inquam concilium concessurum erat, ferebāt, ut in tertia illius legitur actione, & Leonis quadragesima prima, & quadragesima quinta apostolis, suorum confirmationem petijt Decretorum.

Et licet de omnibus, quæ eo in concilio acta, decretaq; sunt, a Leone petita sit approbatio, ut in relatione sanctæ Calcedonenfis Synodi, ad Leonem, de omnibus eius gestis, incipiente, repletum est gaudio, os nostrum, facile est videre, licet & omnia Leo videatur probasse, præter præcessionem Cōstantinopolitani Aristitis, ut in eiusmet insinuat epistola, numero quinquagesima nona, certum est tamen, quòd ea, quæ illo, ad fidem pertinentia, sunt decisa concilio, & si iuxta Leonis erant definita mandatum, ut constet ex tertia, ut diximus, concilij actione, & quinquagesima septima eiusdē epistola, ab illo potissimum confirmata sunt, ut ex epistola habetur, ut dictum est, quinquagesima nona. Tametsi Legati, eius in concilio tenuerint locum, & fidei negotium debuerint, ex peculiari mādato tractare, ut liquet in illius epistola sexagesima.

Constantinopolitana tertia, sed respektu quinque uniuersaliū, quæ præcesserant sexta, quæ sub Donno est, ut diximus, conuocata, sub Agathone, cepta, & sub Leone secundo absoluta, ab ipso Leone, ut in ijs, quæ ad piissimum Constantinum Augustum, uide re per facile est, indubie confirmata fuit. Ita quidem legis. Quia definitionem rectæ fidei, sancta uniuersalis, & magna sexta Synodus, plenissime prædicavit, quam & apostolica sedes, beati petri apostoli, cuius licet impares, ministerio fungimur, ueneranter suscipit, iecirco, & nos, & per officium nostrum, hæc ueneranda sedes apostolica, concorditer, & unanimitèr, ijs quæ definita sunt ab ea, consentit, & beati Petri auctoritate confirmat, sicut
supra

supra solidam petram, qui Christus est, ab ipso domino, adeptus est firmitatem.

Nicena secunda, quæ inter uniuersales computatur septima, tempore celebrata Constantini & Irenes matris, in quam & Adrianus primus, nedum consensit, vt ex illius apparet epistola, ad Tharasium Constantinopolitanum Patriarcham, sed & legatos, suumq; locum tenentes, Petrum protho presbyterum ecclesiæ. s. Petri apostoli, & Petrum presbyterum ac presidem. s. Sabe, qui & Adriani subscripserunt loco, destinauit, ut in calce constat definitionis, sanctæ, magnæ, & uniuersalis Synodi, in Nicea secundæ, ab eodem Adriano (in qua de sacrarum imaginum definitum est ueneratione) confirmata est. Alias in fine, opus non erat, Tharasiū ad illum, concilij mittere confessionem, vt in epistola testatur, quam scripsit ad eum. Nec fuisset protestatus Pontifex, se non traditurum confirmationem, nisi sacrę in locū pristinum restitueretur imagines. Vt in ea habes, quam ad Tharasium dedit epistola.

Denique, & quis nescit, Constantiensem Synodum, quæ omnem proculdubio, quæ in ecclesia, tunc reperiēbatur, habebat auctoritatem, presertim cum ex omnibus constitit obedientijs, tandem in ijs, quæ in materia definita erant, de fide, a Martino quinto confirmata fuisse, vt illius apparet ex bulla, ac sessione quadragesima quinta? Et notum est, Basiliense, ut confirmaretur, & nō semel, a papa tentasse, sed & iure, non obtinuisse, testis est, Ioan. a turre crema. in gestis ipsius concilij. Licet Nicolaus quintus, qui Eugenio quarto successit, adiniserit, ualereq; uoluerit, quæ a patribus, in eo fuerunt gesta, quo ad censuras, & beneficiales causas.

Mitto Gelasium, non solum, omnia quæ ante illum precesserūt concilia approbasse, sed & recipienda fore decreuisse. 15. d. sancta. Et Leonem secundum, non modo probasse, Nicenum, Constantinopolitanum, Ephesinum, Calcedonensem, Constantinopolitanum secundum, quod quintum dicitur, uniuersale, sed & sextū, pariter Constantinopolitanum, pari consensu ac ueneratione suscepisse probasseq;. Vt in illius habetur scriptis, quæ ad Constantinum dedit Augustum, & decimo octaua habentur, sextę Synodi actione. Mitto, & testimonium Symachi. Bene quidem. d. 96. Et uerbum Iulij. 17. d. Regula. Et paschalis. Significasti. de electione. Ex quibus docemur, non nisi, per Romanæ sedis auctoritatem, concilia

concilia esse firma, rata, & robur adepta. Adde, & uerbum Nicolai, ad Michaelē Imperatorem, in 1. con. Tom. pag. 756. col. 1. in calce. Quod Romana ecclesia, collecta concilia, sua firmat auctoritate, & sua custodit moderatione, & quod ea non habent ualitudinem, quæ non habent Romanæ sedis consensum.

Sed dices. Fateor, concilia de quibus sermo, a summis confirmata pontificibus, sed non euincitur, id factum ex necessitate. Verum, qui hec objicit, primatum non ponderat apostolicum, nec quod summus pontifex, Christi voce, pastor est ouium uniuersi, & quod penes illum, non secus ac penes patrem, ac principē, ex proprii muneris ratione, iurisdictio super totam commissa est ecclesiam, ut definitum, etiam est, sub Eugenio quarto. Adde, quod continua, concilia confirmandi obseruatio, inani innixa non est fundamentum, & quod nisi fuisset opus, concilia, & presertim Orientalia, & Imperatorum fulta fauoribus, eam non subiissent prouinciis, aut illi se astrinxissent oneri. Et demum, non foret refragandū, quod si aliud rem non probaret, quæ hactenus uiguit consuetudo, rem habet, in necessitatem conuertere.

Nec eorum est probanda sententia, qui admittunt confirmationem quidem necessariam, sed non propter rei infirmitatem, cum sine illa forent, non minus firma solidaque: sed uel in superio ritatis papæ testimoniū, uel ut certi simus, presentiam non defuisse spiritus sancti, uel ad supplendum, si qui in actis, admissi essent defectus: Non inquam est probanda sententia, non quia falsa, sed quia deficiens, cum non totum explicet, quin & propriam rationem transit. Minus placet, quod tradunt alij, nempe eam sufficere approbationem, quam concilium in sui sortitur initio, ut factis constare potest ex supradictis. Siquidem ex illa habet concilium, uim conciliariter consiendi decreta, sed non supremum adiiciendi robur, quo uti firma simpliciterque valida alligemur lege.

Nec obstat, si ante approbationem papæ, concilij acta, nonnūquam sint executioni commissa (nam & episcopi, alijque prelati, conciliari sententia, a suis non raro deiciebantur gradibus, non solum ante papæ confirmationem, sed & ante illius notitiam. Vnde & Nestorius in Ephesino concilio, ab episcopatu, per Cyrillū, sociosque, priusquam ad papam res deferretur, depositus est) non quidem obstat, quoniam in ijs casibus, uel sententia concilij, non simpliciter, uel quantum ex illo pendeat, committebatur executioni, a qua tamen, ad papam poterat appellari, uel in vigore fiebat

bat commissiōis apostolicæ, seu probatorum per illam, dispositionem canonum, ut ea quæ facta est in Nestorium, si uera sunt, quæ secūdo cap. primi hystoriæ Scholasticæ, refert Euagrius. Tradit. n. q. patres qui pronunciauere sententiam, falsi sunt, compulso se ab epistola Celestini, & ab ipsis sacrosanctis canonibus. Nēpe a Nicēna synodo editis, & a Syluestro probatis, ut illa ex synodo (de Ephesina loquor) facile est animaduertere.

Superest, ut et ille demum eruatur scrupulus, quo nam inquam pacto, quæ in concilio rite collecto, & per legatos apostolicos administrato (cum sine controuersia sit in illo spiritus sanctus) papæ non accedente probatione, sunt decreta, possint esse nūc, aut in fide non prorsus indubia, cum & receptum sit, conciliū in ijs quæ fidei sunt errare non posse. Respondetur. Quod etsi sanctus spiritus sit in concilio, etsi illo moueantur partes in constituendis decretis, & fidei definitionibus, quia tamen non decernunt, non definiunt sine iudicio proprio (nam eo mediante, sanctus operatur spiritus) palam quod licet, quātum ex spiritus sancti proficiscitur parte, decreta definitaq; esse non possint inuālidā, aut minusquam certa (spiritus quidem sanctus, spiritus est ueritatis & rōboris) quantum tamen ex humano pendent indicio, haud mirum, si humanæ subiacent imperfectioni. Siquidem cogitationes mortalium timide, & incerte omnes prouiderē nostræ. Ergo, nec mirum, si hac ex parte egeant stabiliri, egeant & certificari.

Sed obijcis. Nonne & spiritus sanctus, in papa, per illius operatur iudicium? Ergo & eius confirmatio, eadem ratione, non erit melioris fortis: sed & deterioris potius, cum magis uideant oculi, quam oculus. ut in prouerbio est. Respondetur; Quod etsi confirmatio per iudicium progrediatur papæ, illud tamen (& in ijs maxime, quæ fidem attinent) sit per sanctum spiritum infallibile. Et hoc propter munus, ut dictum est capitale, quo donatus est Petrus, & successores. Siquidem cum cōfirmat decernitue, quæ fidei sunt, tanquam papa, hoc est, iudicialiter ferendo sententiā, tam eximio agitur spiritus sancti afflatu, quod illius non ualeat periclitari iudicium. Non q̃ ea in re uiolentetur (nam uoluntarie operatur) sed quia tam efficaci mouetur impulsu, quod & si, suo agit iudicio, suauiter tamen actus, humanam imbecillitatem, eo non patitur, in negotio. Qua de re, alibi latius.

Et quanquam adsit sanctus spiritus in concilio, quanquam ne-

mini ferre, non succurrat muneribus sapientiz, consilij, pietatis, alijsq; cōmunibus ecclesiz membris donis, & charismatibus, cum eo tam insigni eximioq; , quo iudicium redditur, in ijs quæ fidei sunt, penitus infallibile, non adest, nisi ecclesiz totius Antikiti, cum Christi (vt dictum est) ordinatione, sit priuilegium capitale, & proprium apostolicæ sedi. Ergo etsi, quæ in concilio sunt definita de fide, esse possint, sintq; & communi cursu verissima, quia tamen, id nobis (sine iniuria) non est manifestum, quousque calculum non fortiuntur, sedis apostolicæ, palam quòd non temere, si a nobis, omnis eousque nō depellitur hæsitatio. Et quòd dicitur, in ijs quæ fidei sunt, concilium errare, non posse, uerum est, quando in illo papæ inuenitur persona, a quo pendet vltima resolutio. De qua re, etiam oportuniori loco diffuse.

Et cum hæc sententia sit catholica. Nam ex diuinis comprobata est literi, sacris canonibus, & pontificum gestis. Ab ea nefas est dissentire. Committeretur enim, non solum, in ius ecclesiasticum, sed & in diuinum.

Nec modo secus dicere, ad hæresim pertineret, sed & hæreticum, addita obstinatione decerneret. Errare possum, inquit Augustinus, sed hæreticus esse non possum, nam obstinatio, in errore fidei, hæreticum facit, vt sacri docent Theologi. Et hic sit finis. Ad gloriam Dei. Amen.

DE
EPISCOPORVM
RESIDENTIA
ILLVST. VIRORVM

DIVERSORVM

OPVSCVLA,

in gratiam

eorum,

QVI VEL EAM IMPVGNARE

VEL TVERI VOLVNT,

IN VNVM COLLECTA.



THOMAE DE VIO CAIETANI

CARDINALIS S. SIXTI,

DE EPISCOPORVM

RESIDENTIA.

AN EPISCOPI, SVB PECCATI MORTALIS

*vinculo, teneantur ad residendum in
suis ecclesijs.*

ET VIDETVR quod non, quia aut hoc esset ex iure positivo, et tunc hoc esset per accidens. scilicet malum quia prohibitum, quod est exire propositum, quum ius positivum contraria tollatur consuetudine. Aut ex diuino seu morali iure, & hoc non Tum quia constat in pluribus casibus licitum esse non residere. Tum quia necessitas ista non nisi ex fine esset, scilicet salute animarum curanda. Quando ergo Episcopus per alium sufficienter, uel etiam sufficientius curam gerit animarum quam per se, non teneretur residere, etiam si nulla necessitas, nulla ecclesia commoditas ad extra manendum inducat, &c. Tum etiam, quia infinitorum episcoporum consuetudo uidetur non residendi, nisi forte ad breue tempus in ecclesijs suis. Sed curias sequuntur multi, nec putant se reos qui bonos habent vicarios. Valde quodque durum, & absurdum esset damnare tot prelatos, quos ecclesia non reprehendit, sed honorifice sic morientes tumulat. Preterea, aut episcopus tenetur ad residendum tantum, aut ad opus tantum, aut ad residendum, & opus simul. Non ad residentiam tantum, quia uanum esset. Non ad opus tantum, quia sic posset per alium supplere, & non residere, nec ad utrumque simul. Tum quoniam quaedam dioceses sunt, ita magnae, ut impossibile uideatur episcopum posse personaliter omnia persolvere. constat autem nullum teneri ex diuino, aut ecclesiastico precepto, ad impossibile. Tum quia aliqui episcopi sunt illius generis, quos non decet ad huiusmodi ministeria personaliter descendere contigere, &c.

In Oppositum autem est, quia pastor, nec nomen pastoris me
retur

rerur, si non personaliter attendat suo gregi. Non enim quilibet ouium dominus, sed ille tantum qui pascit suas uocat pastor. Alioquin principes habētes multos ouium greges, quos per alios pascunt, pastores ouium essent, quod est falsum. Episcopus autē est uere pastor, iuxta uerbū domini ad Petrū. Pisce oues meas. Io. 21.

Ad hoc dicitur quod Episcopus tenetur ex praecepto iuris diuini ad residendum personaliter in suo episcopatu.

Ad cuius euidētiā tria agēda sunt. Primo probabitur quod hoc cadit sub praecepto diuino. Secundo ex qualitate praecepti redditur ratio contingentium. Tertio satisfiet obiectionis.

Quo ad primum. Ad illud tenetur Episcopus sub praecepto diuino, quod necessarium est ad finem episcopi, qui est cura animarum. Sed residentia episcopi est necessaria ad curam animarum, ergo Episcopus tenetur sub diuino praecepto ad personaliter residendum in suo episcopatu. Maior propositio est per se nota & patet inductiue. Constat namque quod omnis qui simpliciter tenetur ad aliquid agendum tenetur ad medium necessarium ad illam actionem. Dixi autem simpliciter ad differentiam eorum qui tenentur ex suppositione. Verbi gratia: Famulus tenetur ad sequendum dominum si prouidetur ei de equo & de expensis. Militēs aliqui tenentur ad pugnandum, si prouidetur eis de armis, &c. Episcopus autem non ex suppositione, sed absolute, & simpliciter tenetur ad curam animarum. Et propterea tenetur ad medium sibi possibile necessarium ad curam animarum. Nec solum tenetur, sed eadem necessitate qua tenetur ad finem, tenetur ad medium, ex quo medium est ita necessarium, quod sine illo non potest finem consequi. Et quia constat quod de necessitate praecepti diuini iuris tenetur Episcopus ad curam animarum, consequens est quod etiam de necessitate praecepti tenetur ad medium necessarium ad curam animarum. & sic patet Maior. Minor autem, scilicet, Residentia personalis episcopi est necessaria ad curam animarum probatur. Episcopus tenetur ad curam animarum mediantibus his actibus personalibus. scilicet doctrina, ministratione sacramentorum, consecrationibus, uisitatione, custodia ac diligentia. Ergo residentia personalis episcopi est necessaria ad curam animarum. Consequentia ista est clarissima. Antecedens quo ad singulas eius partes probatur. Quo ad doctrinam, patet ex autoritate Apostoli. Oportet Episcopum esse doctorem. Et non dicit. Oportet Episcopum habere doctorem.

Et

Et in ordinatione episcopi dicitur, Vade prædica populo Dei. & non dicitur. Mitte ad prædicandum. Quo ad ministracionem sacramentorum patet ex eo, quod tenetur ad ministrandum populo sacramenta quæ solus episcopus potest ministrare. Vt sunt sacramenta confirmationis & ordinationis. Quo ad consecrationem patet, quia cōsecratio ecclesiarū, clericorum, altarium, ac uirginum, confectio Chrysmatis, benedictio Olei sancti, corporaliū, & reliquorum requisitorum ad uestiendum sacerdotem, ac ornandum altare, ad solū episcopum spectant. Quo ad uisitacionem custodiam ac uigilantiā parcat ex eo quod, nisi per sonaliter ad hoc teneretur, non esset ipse pastor custodiens gregem, & uigilans super eo, ac uisitās singulas oues, ut cuiq; tribuat quod conuenit. Sed, ut dictum est, esset dominus ouium habens pastorem ouium, mercenarium scilicet illum, cui cōmittit quod uigilet, custodiat, & uisitet. Et tamen liquido constat episcopos ipsos esse pastores ouium Christi, & ad illos spectant Ezechielis actus, sex. cap. 34. a domino expressi, scilicet consolidare infirmum, sanare ægrotum, alligare contractum, reducere abiectum, requirere perditum, custodire pingue ac forte. Ad illos deniq; in Petro dictum est. Pascue oues meas. non Pascere fac oues meas.

Nec obstat huic rationi si dicatur quod episcopi, exercent hæc per episcopos pauperes, quia quilibet episcopus tenetur ad hæc omnia in sua diœcesi, ac per hoc incōpossibilia sunt hæc duo simul scilicet, quod quilibet episcopus exerceat hæc in sua diœcesi, per se uel per alium episcopum, & quod omnibus diœcesibus fiat satis, nisi unus episcopus sit simul in diuersis locis puta, feria quinta cenæ domini ad conficiendum chryisma. Abusionis quidem est detestabilis quod pauper episcopus relicta sua ecclesia alteri inferuiat. Nec etiam obstat, si dicatur quod per episcopos titulares supplentur hi defectus, quoniam per accidens est quod inueniantur episcopi titulares, ex hoc scilicet accidente, quia ecclesie fixæ aliq; sunt in manibus infidelium uel destructæ. Quod autem est per accidens ab arte relinquitur, nec infirmat rationem per se solidam. Restat igitur ratione firmatum, quod per se loquendo, quilibet Episcopus tenetur ex diuini iuris præcepto residere personaliter in suo episcopatu. Hec de primo.

Quo ad secundum, quia præceptum de residentia est affirmatiuum, præcepta autem affirmatiua licet semper obligent, non tamen obligant ad semper, sed pro loco & tempore, ideo uidentur

dum est pro quo tempore obliget. Nam de loco nulla est quaestio, quia ad certum locum obligat. scilicet propriae diocesis. Quamuis igitur tempus pro quo obligat, affirmatiuum preceptum sit, illud tamen in quo oportet affirmationem ponere in exercitio, oportet diligenter considerare, quando opus est actum episcopalem ponere in exercitio. Sunt autem triplicis differentiae episcopales actus. Nam quidam exigunt certum & determinatum tempus, ut collatio ordinum, consecratio chrysmatis, ut patet. Ex ratioe horum sufficeret quod episcopus resideret pro tunc, quando exercere oportet hos actus. Quidam uero sunt interminati temporis, sed non frequenter occurrunt, ut consecrationes & benedictiones. Et ratione horum sufficeret episcopum residere, ita quod non pateretur defectus istorum. Quidam autem sunt temporis indeterminati & frequentis, ita quod nullum tempus est exceptum, in quo non facile & saepe occurrat horum necessitas, ut est actus pascendi Christi gregem. Oportet namque pastoralibus actibus ita assiduum pastorem esse, ut quasi continue pascat oves. Scriptum est enim. Qui prae est in sollicitudine. Et rursus sollicitudo mea omnium ecclesiarum. Quis infirmatur & ego non infirmor? Quis scandalizatur & ego non uror? A pastore quoque exiguntur illi actus supradicti ab Ezechiele enumerati, quos aut continuum, aut frequens ualde tempus exigere constat. Et ratione eorum tenetur episcopus continue in episcopatu residere, quoniam tanta temporis frequentia, continuam exigit residentiam, tum ex frequentia exercitij actuum huiusmodi, tum ex preparatione ad istos. Nam licet omne tempus non occupetur in exercitiatione actus pastoralis, nullum tamen tempus est exemplum, in quo non oporteat episcopum esse paratum ad exercitationem actus pastoralis. Et quia actus pascendi, est principalis actus episcopi, iuxta uerbum Domini ad uniuersalis ecclesiae episcopum, pascere oves meas, & ex principali actu iudicium sumendum est, ideo episcopus tenetur, per se loquendo, sub precepto ad continuum residentiam in suo episcopatu, ita quod hoc preceptum affirmatiuum ex natura rei preceptum sicut habet locum determinatum, scilicet propriam diocesim, ita habet tempus determinatum scilicet assidue. Et sic licet precepta affirmatiua formaliter obliget semper sed non ad semper, sed pro loco & tempore quo oportet, & in hoc differant formaliter a negatiuis, hoc tamen preceptum gratia materiae obligat ad semper seu assidue, quod

est quasi semper & ad certum locum. Et quoniam obligatio ista ad semper ex parte materiæ est, & materia ipsa mutabilitati subiecta est, idcirco contingit absq; uiolatione præcepti episcopum non semper residere. Quæcumq; enim ita se habent ad huius præcepti materiam, quod secundum rectę iudiciū rationis absolunt illam a uinculo necessarię continuitatis, excusant episcopum ab obligatione ad residendum pro tunc. Sunt autem quæ ab huiusmodi uinculo absolunt & excusant tria. Necessitas impedimenti, qualitas negotij, & conditio personæ. Impedimentum quidem inuenitur dupliciter scilicet ab extrinseco uel ab intrinseco. Si enim extrinseca persecutio uel infidelium uel principis absolunt illum, cogit episcopum exulare uel recedere, ut contigit beato Iohanni euangelistæ, & B. Thomæ Cantuariensi licite episcopus subtrahit propriam presentiam gregi suo. Et in huiusmodi persecutionibus seruanda uniuersaliter est regula a D. Thoma tradita secunda secundę q. 187. ar. 5. in corp. Quod scilicet, quando subditorum salus exigit personæ pastoris præsentiam, non debet pastor personaliter suum gregem deferere, neq; propter aliquod commodum temporale, neq; etiam propter aliquod personale periculum imminens, cum bonus pastor animam suam ponere teatur pro ouibus suis. Si uero subditorum saluti possit sufficenter in absentia pastoris per alium prouideri, tunc licet pastori uel propter aliquod commodum ecclesiæ, uel personæ periculum corporaliter gregem deferere. Quam regulam D. Thomas elicit ab Augustino in epistola ad Honoratum. ubi dicit. Fugiat de ciuitate in ciuitatem serui Christi, quando eorum quisq; specialiter a persecutoribus queritur, ut ab alijs, qui non ita queruntur non deferatur ecclesia. Cum autem omnium est commune periculum, hi qui alijs indigent non deferantur ab his, quibus indigent. Si enim perniciosum est nauem in tranquillitate nauem deferere, quanto magis in fluctibus? Idem habetur. 6. q. 2. Hæc D. Thomas. Distinguentum est itaq; quando expedit ecclesiæ præsentia corporalis seu personalis episcopi, etiam si corporalis eius uita auferenda credatur a tyranno, quoniam bonus pastor animam suam dat pro ouibus suis. Et quando expedit ecclesiæ ut uita uel libertas episcopi conseruetur. Ex ecclesie siquidem bono summenda est ratio præsentia seu absentia. Hæc de extrinseco impedimento.

Intrinsecum uero impedimentum quod ex corporea procedit
infr-

infirmirate, absolute loquendo excusat a residentia, puta si oportet mutare aerem ad recuperandam sanitatem, uel ire ad balnea & huiusmodi. In casu tamen imminentis periculi ecclesie sue, cui sua obuiaret presentia, teneretur sustinere egritudinē, etiam usque ad mortem inclusive, iuxta uerba domini iam citata. Bonus pastor animam suam dat, pro ouibus suis.

Negotium autem excusans a residentia licet multiplex ualde sit, ad triplex tamen genus reducitur, sicut ecclesia ipsa ex cuius bono, ratio residentie sumitur, tripliciter se habet. Nam ad aliquid se habet, ut totum ad partem, ad aliquid uero, ut pars ad totum, ad aliquid autem, ut pars ad compartem. Verbi gratia. Ecclesia Caietana habet se ad singulos actus sibi debitos puta uisitari, doceri, defendi, & huiusmodi, ut totum ad partes. Habet autem se ad uniuersalem ecclesiam, ut pars ad totum. Ad alias uero ecclesias, ut pars ad compartes. Quando igitur negotium exigens absentiam episcopi, se habet ad ipsam suam ecclesiam, ut pars ad totum, puta quia imminet defensio ecclesie ob quam oportet episcopum ad remotiores partes se transferre, tunc liquet episcopum excusari a residentia. Et ratio est quia ipse tenetur sue ecclesie exhibere non solum alios actus, sed istum, etiam qui est defendere, uel procurare bonum eius. Et propterea licite ob ecclesie sue bonum, subtrahit corporalem presentiam. Et ad hoc membrum directe respicit quod in loco citato D. Tho. dixit, quod propter aliquod ecclesie commodum, episcopus potest se absentare. Quum uero negotium exigens episcopi absentiam ad uniuersalis ecclesie bonum spectat, clarum quoque est licite episcopum se absentare a sua ecclesia. Et ratio est, quia bonum partis ordinatur ad bonum totius, ut ad finem, & debet pars exponi pro totius bono, & si oportet etiam detrimentum pati, ut patet cum inciditur quandoque manus, ut saluetur persona. Unde ecclesia particularis tenetur pro ecclesia uniuersali suā exponere pastorem, & damnum etiam pati sue absentie. Est tamen hic opus distinctione, an negotium huiusmodi uniuersalis ecclesie sit necessarium exigens episcopum uel non. Nam si negotium necessario exigit episcopum, ut ire ad concilium generale, uel ad synodum prouincialem quæ etiam se habet ad episcopalem ecclesiam, ut totum ad partem, constat quod rationabilis est absentia. Sed si negotium uniuersalis ecclesie non necessario exigit episcopum, puta quia persona episcopi habet officium quo oportet ipsum

uniuersalis ecclesiæ seruitio perpetuo personaliter Romæ deseruire. Verbi gratia. quia est secretarius sedis apostolicæ, uel auditor rotæ, aut huiusmodi, non ex hoc excusatur a residentia quo ad Deum. Et ratio diuersitatis est, quia partes dupliciter ordinantur ad bonum totius. Primo absolute. Et sic secundum naturalem statum ordinantur ad bonum totius, sicut manus, pedes, & cetera membra hominis absolute ordinantur secundum suos naturales status ad bonum, hominis cuius sunt partes. In casu autem quo totius bonum periclitatur, partes etiam perdendo naturales suos status ordinantur ad bonum totius.

Secluso autem casu necessitatis seu periculi totius, natura non requirit defectum in parte aliqua, sed utimur singulas partes saluare suis naturalibus statibus. Sic autem proportionaliter oportet fieri in toto & partibus ecclesiasticæ politiæ secundum rectam rationem, ita quod quælibet particularis ecclesia ordinatur ad bonum, & seruitium uniuersalis ecclesiæ absolute quidem salua cuiusque ecclesiæ perfectione, in casu autem necessitatis ordinatur ad bonum uniuersalis ecclesiæ etiam cum sui detrimento. Et quia seruitia quædam, ut ire ad synodum, sunt manifeste in articulo necessitatis ecclesiæ uniuersalis, vel provincialis, seruitia autem quæ Romæ in huiusmodi officiis exhibentur nulla necessitate communiter exigunt, quod episcopi incumbant talibus officiis, sed sunt tales in ecclesia dei velut monstra in natura, ideo non excusantur a residentia.

Et si instetur, quod residentes in ecclesia communi, qualis est Romana, censentur ubique residere; Respondetur, quod si hoc est verum, fictione positiui iuris quod iuristis relinquo, non tamen est verum quo ad Deum, quia secundum ueritatem alius est finis proprius cure ecclesiæ communis, & alius est finis proprius cure ecclesiæ particularis, ac per hoc aliud est incumbere cure communis ecclesiæ, & aliud est incumbere cure particularis ecclesiæ. Et eadem ratione aliud est residere in cura particularis ecclesiæ, & aliud est residere in cura communis ecclesiæ.

Et si rursus instetur quod Cardinalis Romane ecclesiæ de iure potest esse episcopus alicuius particularis ecclesiæ, etiam remotissime ab vrbe, ac per hoc excusatur a perpetua residentia in sua particulari ecclesia ex hoc quod residet Rome, uacando cure uniuersalis ecclesiæ.

Respondetur dupliciter. Primo iuxta illorum opinionem qui
 teneant

tenent Cardinalem non episcopum, posse nō solum retinere episcopatum prius habitum, sed etiam posse eligi in episcopū, quod hoc non conuenit Cardinali ex hoc quod perpetuē seruituti uniuersalis ecclesiæ est addictus, sed ex hoc quod presumitur, quia sic debet esse quod Cardinales sint flores orbis electi ex uniuersa ecclesia, ut uiri excellentissimi in uita & doctrina; ita ut merito ad uniuersalis ecclesiæ non qualecunque seruitium, sed hoc maxime scilicet curam, sint assumpti: De talibus autem uiris rationaliter presumitur quod non minus bene pascunt particulares ecclesias suas absentes, quam alij presentes. Et idcirco non ex hoc capite solo, hoc est ex negocio uniuersalis ecclesiæ, sed ex alio adiuncto capite postmodum tractando, scilicet conditione persone excusatur Cardinalis a residentia in suo episcopatu etiam quoad Deum. Vtrumque autem caput clauditur in hoc quod dicitur Cardinalis Romane ecclesiæ, quia incumbit perpetuo cure uniuersalis ecclesiæ, & presumitur de iure vnus ex primis sapientibus orbis ad regendum, ac pascendum ecclesiam dei.

Secundo iuxta doctrinam iuris communis editi ab Innoc. 3. Extra de postu. c. Bone memorie. ubi patet quod falsum assumitur, scilicet quod Cardinalis de iure potest esse episcopus cuiuscunque ecclesiæ quantumcunque remote, quoniam ut in dicta patet decretali propter impossibilitatem residendi in vtraque ecclesia Romana, scilicet & Rauennate prefertur utilitas uniuersalis ecclesiæ, ut Cardinalis presens sit Rome, & non admittitur postulatio ipsius ad archiepiscopatum ecclesiæ Rauennatis. Et quia textus clarus est, & rationi innititur facte, ideo dicendum videtur quod Cardinalatus, & episcopatus sunt de numero incompatibilium de iure, ut Panormi. etiam ibidem sensit, quicquid sit de consuetudine, si tamen consuetudo, & non potius abusus appellanda est. Quum autem negotium ad bonum alterius particularis ecclesiæ ordinatum, exigit absentiam episcopi, contingit licite, & illicite episcopum abesse. Nam cum quolibet particularis ecclesia se habeat ad aliam particularem tam ecclesiam, quam personam, ut pars ad partem, eo quod sumus omnes vnus corpus in Christo, singuli autem alter alterius membra, potest & debet illam adiuuare. Dupliciter tamen vnus membrum ordinatur ad bonum alterius, tam in naturalibus, quam in politicis, scilicet absolute, vel in casu. Et absolute quidem quodlibet membrum saluo suo naturali statu confert alteri sicut oculus vi-

det sibi, & pedibus ac manibus. Et similiter pedes ambulant sibi & oculis & sic de alijs. Et similiter quilibet ecclesia ac persona in sua perfectione consistens, & sibi, & cuilibet prodest. Scriptum est enim in Symbolo, Sanctorum communionem. In casu autem necessitatis videmus naturam membrum quidem minus necessarium pro magis necessario exponere, ut pedem pro capite, sed non econverso. Et rursus videmus quod pro maiori necessitate membri minus opportuni natura abhorret aliquid detrimenti sustinere in membro magis nobili, & necessario, ut patet quando ne perdamus pedem sustinemus lesionem aliqualem in capite puta cauterium. Quocirca, quum officium episcopi precipue circa spiritualia versetur, & spirituale est magis necessarium ecclesie, quam temporale, non licite episcopus propter tale negotium alterius persone, vel ecclesie priuaret ecclesiam suam spirituali pastu, ad quem persone sue presentia tenetur. Sede contra optime faceret si in temporalibus damnum sustineret sue ecclesie, ut alteri in spiritualibus subueniret. Similiter cum vnum spirituale sit magis bonum necessarium quam aliud, puta negotium fidei vel pacis, quam ministratio sacramentorum, & huiusmodi. Laudabiliter episcopus pro negotio fidei vel pacis, in aliena moratur ecclesia. Et hac ratione episcopi licite sunt legati ad pacem inter Reges Christianos componendam. Si enim cuiusquam, inquit Ambrosius, officium est pacem facere, sacerdotis maxime officium est. Quod autem legati eant promiscue ad temporalia negotia, abusionis est. Scriptum est enim. Nemo militans Deo, implicat se negotijs secularibus. Posset quoque tanta necessitas alteri ecclesie, vel persone in minus bono spirituali, aut temporaliter imminere, ut laudabiliter ecclesia eligeret sustinere aliquod detrimentum, in seipsa per subtractionem sui pastoris ad tempus, ut tante alterius necessitati subueniret.

Prudentie autem humane relinquitur pensanda quantitas aliene necessitatis cum quantitate damni spiritualis precipue ecclesie proprie. Si enim bona fide prudens propter aliquod pietatis opus ecclesiam suam ad tempus corporaliter deserit, etiam si minus recte iudicaret non imputaretur ei ad culpam mortalem ab eo qui inuenitur, quod cogitationes mortaliu timide & incerte sunt prudentie nostre.

Conditio autem personarum excusans episcopum a personali residentia

ſidentia eſt unica, quando ſcilicet, perſona talis eſt ut melius, aut ſaltem æque bene paſcatur eccleſia a tali perſona abſente quam paſceretur ab alio præſente. Ob hanc rationem ſunt ſex epiſcopi vicini Romanæ eccleſiæ, habentes Romę reſidentiam, quia ſunt epiſcopatus Cardinales. Ob hanc quoq; rationem poſſet unus plures eccleſias habere deficientibus alijs idoneis, & excuſaretur a iugi reſidentia in una. Ob hanc quoq; rationem ſecundum quorundam opinionem, ut dictum eſt, concedunt iura ut Cardinalis Romanæ eccleſiæ poſſit eligi in epiſcopum alicuius particularis eccleſiæ. Et quia excuſatio ex iſto capite eſt per accidens, per accidentem ſcilicet penuriam paſtorum bonorum, ideo nõ eſt mirum ſi per accidens in huiuſmodi caſu oportet per aliquem titularem epiſcopum aut uicarium ſupplere opportunos actus, qui perſonalem præſentiam in eccleſia exigunt. Quod autem hæc quæ de perſonali reſidentia diximus ita ſe habeant, ex ipſo etiam iure ſcripto de Clericis non reſidentibus ſatis patet, quia priuandi ſunt non reſidentes abſq; rationabili cauſa. Ex regulis quoq; Gregorij in paſtorali perſonalẽ exigere induſtriam ac probitatem patet. Conſtare quoq; poteſt & ex articulo prius adducto ſecunda ſecundæ hanc eſſe Diui Thomę doctrinam, ubi nec perſecutionis tempore concedit licitam eſſe abſentiam paſtoris niſi in caſu. Quanto ergo magis abſq; perſecutione illicita eſt & pernicioſa abſentia paſtoris ſine rationabili cauſa? Hæc diſtin.

Quo ad tertium reſpondendo obiectis dicitur ad primum, quod obligatio epiſcopi ad reſidendum in ſua eccleſia, eſt ex præcepto diuini iuris, ut monſtratum eſt. Et ad primam obiectionem in oppoſitum dicitur quod, quia præceptum hoc eſt affirmatiuum, ideo nihil illi obſtat quin in multis caſibus liceat ab eccleſia abeſſe.

Ad Secundam dicitur, quod nec illa comparatiua. ſ. ſufficientius per aliumquàm per ſe epiſcopus regit, excuſat ipſum a reſidentia, quia licet uerum ſit quod ſufficientius per alium quam per ſe epiſcopus regat, non tamen ex hoc habetur quod ſufficienter regat. Quilibet enim malus rector ſufficientius per alium bonum quàm per ſe regit, & tamen ſtat quod nec alius ſufficienter regatur. Nec illa poſitiua ſcilicet ſufficienter per alium regit excuſat ipſum a reſidentia, quoniam licet per hoc ſufficienter ſit prouiſum epiſcopatui ex parte eccleſiæ, non tamen ſufficienter ex parte epiſco-

episcopi, quia non solum tenetur ad prouidendum ecclesiæ, sed tenetur ad personaliter pascendum ecclesiam ut monstratum est. In debitis autem personalibus non absoluitur debitor si per alium facit. Verbi gratia, sacerdos si per alium deuotum ac sanctum clericum diuinum officium pro se dici faciat, sufficienter satisficit illis pro quibus tenetur orare, sed non propterea excusatur a dicendo officium, quia est debitum personale. Et similiter accidit in proposito. Vnde cum dicitur, si residentia sub præcepto caderet hoc esset ex necessitate finis qui est salus animarum, conceditur, & dicitur quod salus animarum necessitat pastorem suum ad personale debitum, hoc est personalem curam animarum. Et quum dicitur. Salus animarum procurari potest absque personali episcopi cura, ergo non necessitat ipsum ad personalem curam. Respondetur, quod quia in moralibus non attenditur possibile secundum potentiam logicam, hoc est quod non implicat contradictoriū, sed secundum potentiam moralem officiorum. constat autem ex Domini sententia quod mercenarij officium non se extendit ad id quod præcipuum est in pastore, scilicet amorem ouium suarum non alienarum, & propterea dicitur quod per se loquendo, salus animarum ita necessitat pastorem ad personalem curam, quod regulariter non potest sine ipso personali cura episcopi haberi, quamuis per accidens contingere forte hoc possit, sed quod est per accidens non uariat naturam moralium uinculorum. Et propterea non excusatur episcopus a personali residentia ex hoc quod per optimum uicarium prouidet ecclesiæ.

Ad Tertiam dicitur, quod non consuetudo sed abusus est tot episcoporum non residentium & sequentium curias. Et quia, unusquisque presumitur pœnitens in fine uitæ suæ, quando cum sacramentis & sanctæ ecclesiæ communionem recedit, ideo nihil honoris non residentium tumulis ecclesiæ adimit. Nec hoc uideri debet durum ei qui illud Hieronimi considerat, non omnes episcopi, sunt episcopi.

Ad secundum principale dicitur quod Episcopus tenetur ad utrumque; simul residentiam & opus, & quum instatur contra hoc ex parte magnitudinis diocesis, respondetur, quod nulla est adeo magna diocesis cui non possit unus episcopus personaliter exhibere omnia quæ sui sunt officij, si uere uult curam ouium suarum gerere. Quum autem instatur ex parte illustis generis respon-

detur,

detur, quod nemo illustrior illo est qui pontifex assistens futuro-
rum bonorum introiit semel in sancta. Qui de seipso dicit, Filius
hominis non uenit ministrari sed ministrare & dare animam suam
pro multis. Nec acceptet uir illustris episcopatum si non uult
pastorale officium exercere. Sibi ipsi imputet illustris qui accep-
tauit episcopatum & exequatur quod promissit. Seruet Deo &
ecclesie fidem. Turpem se recognoscat, si nomen, potentiam,
honorem, ac diuitias Episcopi tenet in persona sua, officium au-
tem alteri delegat, quoniam priora omnia sue data sunt persone,
ut habeat simul cum ipsis personale officium episcopi. Cum his
tamen stat quod persona episcopi, salua conscientie puritate, ex
rationabili causa absteineat ab aliquo proprio sibi actu, & per
aliud exerceat illum, puta quod predicet per alium, ubi hoc ma-
gis expediens fuerit, exemplo Valerij, qui per Augustinum pre-
dicabat &c.

F I N I S .

CONTROVERSI DE NECESSARIA RESIDENEIA PERSONALI

EPISCOPORVM, ET ALIORVM

inferiorum Pastorum Tridenti

explicata per F. Bartholo-

mæum Carranzam de

Miranda instituti

B. Dominici.

ET REGENTEM IN COLLEGIO S. GREGORII

eiusdem ordinis in Valle Oletana.

L V C A E D E C I M O.

Melsis quidem multa, operarii autem pauci, roga-
te ergo dominum melsis, ut mittat
operarios in mensem suam.

CONTROVERSI A DE RESIDENTIA MINISTRORVM ECCLESIAE.

DECLARATVR QVIBVS GENERIBVS
argumentorum examinanda sit praesens controuersia.

C A P V T P R I M V M.



IN SACRIS disciplinis multiplex est locus ar-
guendi unus est ex sacrarum scripturarum testi-
monio, & hic est firmissimus locus argumentan-
di. Alter est ex sacrorum conciliorum genera-
lium, uel provincialium traditione. Tertius est
ex sanctorum, & ueterum Patrum ecclesiae, sen-
tentiis. Isti omnes sunt proprie loci Theologici, quibus omnibus
contendam demonstrare, uniuersos ministros ecclesiasticos ex
iure naturali, & diuino teneri ad residentiam personalem in ec-
clesiis à quibus temporalia stipendia desumunt. Postremo adde-
mus, & rationes humanas, qui locus arguendi nō est alienus ab
hac

hac disciplina, sed ne diu uagernur. Primum ostendamus, unde uim habeant quæ nobis præcipiuntur, & an pastores spirituales dignitate tantum nobis præsent & imperio, an etiam munere & officio. Magna quidem res est residètia pastoralis, & grata omnibus esse debet, & iocunda certe populo christiano, quandoquidem ex ea omnis instaurandæ ecclesiæ ratio, omnis restituendæ religionis modus leges, instituta, mores, ueterem christianam ueramq; disciplinam reuocandi facultas pendeat atq; proficiscatur, quæ cum ita sint, & tanti referant, silere non licet, neq; in tanto religionis nostræ discrimine tantoq; animarum cõi periculo cuiquã consulere potius, quam officio nostro, & publicæ utilitati.

EXPLICATUR PER DVO AXIOMATA

totus status presentis controuersia. Cap. 2.

EORVM ad quæ legibus tenemur, quædam sunt iure diuino prohibita, uel præcepta, quæ nullam institutionem habent à iure naturali, ut baptizari aqua, & usus aliorum sacramentorum. Alia uero sunt iure naturali prohibita, quæ nullam nouam institutionem habent à iure diuino, ut furari, mœchari, &c. Alia autem ab utroque iure prohibita sunt, uel præcepta V. g. reuerenter tractare sacramenta, mûdum summere cœnam Dominicam, ne liceat uendere sacram uestem, aut præbendam, quia sacra res est. Hæc pendent ab utroque iure. Qui in istis offendit, omnia iura uiolat naturalia & diuina, quoniam hæc habent institutionem à iure diuino (ab eo enim sunt sacramenta, & ministeria sacra) si tamẽ dederis aliquid esse à Deo destinatum ad sacra, aut assumi instrumentum an sanctificandos homines (quod uocant sacramenta) iura naturalia prohibent illa uedere, aut emere. Nec opus est noua aliqua prohibitionem, aut lege diuina. Et eadem iura præcipiunt, ut istæ reuerenter tractentur. Huius tertij generis sunt, quæ nunc controuertuntur, de residentia ministrorum ecclesiasticorum.

Futuros esse in ecclesia Episcopos, & pastores alios inferiores iura diuina instituunt, & Apostoli tradiderunt. Act. 20. Attendite uniuerso gregi in quo spiritus sanctus uos posuit episcopos ad regendam ecclesiam Dei, & j. Timoth. 3. & Tit. j. Et iura naturalia, & eam diuina præcipiunt, ut faciant officia sua. Ideo utriusq; iuris uiolator est, q ab illo cessat. Quo circa statuam. j. cõ-

YY cluso

clusio quam inter orthodoxos indubitatam processu operis demonstrabimus.

Omnes ministri ecclesiastici præsertim Episcopi, & parochi ex iure naturali, & diuino tenentur non per mercennarios, sed personaliter facere officia sua.

Ex qua colligitur secunda conclusio æque certa.

Ex utroque iure tenentur Episcopi, & parochi ad regularem & ordinariam residentiam siue præsentiam, corporalem in suis ecclesiis, & diocæsisibus.

Arbitror non esse diuersa, re, teneri ad usum officij, & ad residentiam personalem, sed solo nomine esse diuersa. Quoniam ad hoc nempe personaliter residere nemo tenetur nisi propter illud. scilicet ut faciat officium suum. Vnde siquid operis est, quod ponit absens ecclesiæ sue facere, in eo non tenebitur ecclesiæ adesse, quia cessante causa, cessant & illa, quæ ad eam consequuntur. Quo circa eisdem argumentis ostendemus utrâque conclusionem.

Ad utriusque igitur euidentem demonstrationem statuamus ista ministeria, & prælaturas ecclesiasticas esse a Deo instituta, & ad hoc instituta, nempe ad certas actiones exercendas, ut patet ex Ioan. cum Christus instituebat Petrum primum, & summum ecclesiæ pastorem, non dixit ei. esto Pontifex, sed: pascere, gubernare, regere oues meas, gregem meum, certam operationem mandauit, nempe pascere, regere. & Num. 18. cum in lege institueret dominus sacerdotes: Aaroni, & filiis suis tradit primitias pro officio sacerdotali; filiis autem Leui iubet donari omnes decimas pro ministerio, quo seruiunt ei in tabernaculo fœderis, & j. Timoth. 3. Qui episcopatum desiderat, bonum opus desiderat, opus dixit, non imperium, non dominationem, non dignitatem, quamuis sit etiam præclara dignitas. & Aug. (explicans Paulum) inquit, exponere uoluit Apostolus, quid sit episcopatus, quia nomen est operis, non honoris. Episcopi sunt superintendentes, &c. et habetur. 8. quæstio. j. Qui episcopatum. ergo sua institutione tenentur. ad præscriptam operationem. et Hieronym. ad Oceanum explicans eiusdem Apostoli uerba. Si quis episcopatum desiderat, &c. opus, non dignitatem, laborem, non delicias, opus, per quod humilitate decreseat, non intumescat fastigio, &c. Idem ad Nepotianum. episcopi Sacerdotes, sciant se ministros esse, non dominos. et infra subdit. Recorde mur semper quod Apostolus Petrus præcepit Sacerdoti-

dotibus. Pascite enim qui in uobis est gregem Domini; prouident
 tes non coacte, sed spontanee, secundum Domini præceptum ha-
 betur dist. 95. esto. Origen. in Esaïam. Hom. 7. Qui uocatur ad
 episcopatum, non ad principatum uocatur, sed ad seruitutem to-
 tius ecclesiæ. Si uis credere de scripturis quia in ecclesia seruus sit
 omnium, qui præest, suadeat tibi ipse Saluator & Dominus, qui
 talis tantusq; factus est in medio discipulorum, non quasi discum-
 bens, sed quasi ministrans. Accipiens linteam postquam exutus
 est uestimentis &c. Bernar. ad Eugenium papam epistola. 237.
 Si Christus te misit, æstimabis tibi, non ministrari sed ministrare
 uenisse, & ministrare, non solum substantiam, sed ipsam quoq; ani-
 mām, sicut præfatus sum &c. Huc facit canon ille ecclesiasticus.
 Beneficium datur propter officium. Omne ergo ministerium ec-
 clesiasticum institutum est ad aliquam actionem hæc est status no-
 stri tam firma & certa probatio, ut si opus sit etiam aduersus om-
 nes portas inferorum queat subsistere.

TESTIMONIIS VETERIS TESTAMENTI

*probatur necessaria residentia personalis mini-
 strorum ecclesiæ. cap. 3.*

SED iam ostendamus quod in principio promissimus, nos
 ostensuros, teneri, scilicet pastores omni iure ad residentiam
 personalem, ac primum quid in sacris literis inueniamus incipien-
 tes ab scripturis ueteris instrumenti.

Postquam Dominus sub Mose constituerat ministros taber-
 naculi sui Aaronem & filios eius, addideratq; eorum coadiutores
 Leuitas fratres suos, dixit uniuerfis. Excubate in custodia san-
 ctuarij, & in ministerio altaris, ne oriatur indignatio super filios
 Israel &c. omnia quæ sanctificantur a filijs Israel tradidi tibi & fi-
 lijs tuis pro officio sacerdotali legitima sempiterna, filijs autem
 Leui dedi omnes decimas Israelis in possessionem pro ministerio
 quo seruiunt mihi in tabernaculo fœderis &c. Hæc Dominus ad
 Aaronem. Omnia in figura fiebant apud illos, inquit Paulus, & ta-
 bernaculum illud nostræ ecclesiæ figura fuit in Aarone & filijs, in-
 tellige pastores maiores, nempe Romanum cum cæteris episco-
 pis orbis. In filijs Leui adsumptis a Domino, ut ministrarent maio-
 ribus ministris, nempe Aaroni & filijs suis, intellige inferiores pa-
 stores, quos olim uetus ecclesia uicarios, uel coadiutores episco-

porum uocabat. Vniuersis igitur dixit Dominus. Excubate in custodia ecclesie mee, & in ministerio altaris mei, ne oriatur indignatio super populum meum, Non dixit dominus. Ne oriatur indignatio mea super uos dormientes aut ociosos, abalienatos à ministerio altaris mei, sed super populum meum, ostendens puniendum peccata sacerdotum in populo, non in illis tantum, quoniam populus particeps semper est delictorum ministrorum. Vix cauere potest, ut corrupto sacerdotum collegio, non corrumpatur & populus, iuxta illud. Qualis populus talis sacerdos. Deinde si cessent sacerdotes fungi suo officio, necesse est, indignetur Dominus super Israel, à quo semper offenditur, & nisi placetur intercessionem sacerdotum, seuitura est ira eius in populum. Modo certum est sacerdotes in curijs Pontificum aut Cesarum degentes, aut alia secularia negotia tractantes, non posse excubare in custodia ecclesie sue, nec in ministerio altaris sui occupari. Si ergo id exigebat Dominus à Leviticis ministris, quid exacturum putas ab Euangelicis? quorum iustia abundare debet supra iustitiam scribarum, & Phariseorum? Merito timeamus, ut hæc mala, quibus nunc premitur ecclesia, immiserit Dominus propter cessationem, & ignauiam Pastorum. deinde annota quod cum assignat Dominus mercedem temporalem suis ministris semper subiungit hæc tradidi tibi pro officio sacerdotali & filijs Leui dedi decimas pro ministerio quo seruiunt mihi in tabernaculo. unde collige quod si cessent ibidem seruire, non meretur mercedem eis assignatam.

Secundo, Salomon libro Prouerbiolorum, inquit, diligenter cognosce uultum pecoris tui, tuosque greges considera. non enim habebis iugiter potestatem, sed corona tribuetur tibi in generatione & generationem. Hebræa uersio sic habet, cognoscendo cognosces faciem pecoris tui, & pone cor tuum ad greges. Bona pars Doctorum ecclesie putat hæc dicta ad ministros ecclesiasticos, habentes curam aliquam animarum. Quid. n. lucidius potuit proponi, ut intelligeremus lege esse prohibitam absentiam ministrorum ab ouibus suis? Si non satis est ministro de nomine tantum agnoscere oues suas, sed oportet (ut uidemus ex præcepto Dominico) quod de facie etiã uniuersas & singulas agnoscat, quæ uix potest facere præsens & in suo munere uigilantissimus episcopus, quomodo absens poterit satis facere huic præcepto spiritus sancti? Minime gentium, quod dixit hic Salamon spiritu Dei afflatus

uifa est aperte explicare æterna illa sapiëntia Christus Iesus, dicens, Ego sum pastor bonus, & cognosco oues meas, & cognoscunt me meæ. Et paulo inferius. Et oues uocē pastoris audiūt, & sequunt illum, quia sciūt uocē eius, & pastor proprias oues uocat nomina tim, & educit eas, & cum proprias oues emisit ante eas uadit. hæc Christus, hic pastorum princeps & quicquid alius uerus pastor cognoscendo cognoscit faciem pecoris sui, suosq; greges cōsiderat. Et quid obsecro est dicere, Bonus Pastor animā suā ponit pro ouibus suis, nisi q̄ iuxta hebræam uersionē hic dicitur. Pone cor tuū ad greges, quæ uerba singularem quandā curam & insignem sui gregis dilectionem designāt, de qua dilectione Ioannes. In hoc cognouimus (inquit) charitatē Dei, quoniam ille animam suā pro nobis posuit, & nos debemus pro fratribus animas ponere. Si pro fratribus quorum non est peculiaris cura nobis, debemus uniuersi animas ponere, quāto magis pastores hoc ipsum facturi sunt pro animabus illorum, pro quibus reddituri sunt rationem Domino in die iudicii? hic nihil exaggeramus, sed tantū relinquimus sola uerba spiritus sancti prudēti lectori expendenda, & quid sentiendū sit de hac diuina ordinatione ipse iudicet.

Tertio produco ex ueteri testamento Exechiæ prophetam ad quē sic dicit Dominus. Fili hominis, ppheta de pastoribus Israel, qui pascebant semetipsos. Nōne greges a pastoribus pascuntur? Lac comedebatis, lanis operiebamini, quod crassum est occidebatis, & gregem meum non pascebatis. Quod infirmum fuit non consolidastis, quod egrotum nō sanastis, quod fractum est, nō consolidastis, & quod abiectum est, non reduxistis, & quod perierat, non quæristis, sed cum austeritate imperabatis eis, & cum potentia. Et dispersæ sunt oues meæ, eo q̄ non esset pastor, & factæ sunt in deuorationem omnium bestiarum agri. Errauerunt greges mei in cunctis montibus. & in uniuerso colle excelso, & super omnem faciem terræ dispersæ sunt, & non erat, qui requireret &c. quo loco audi Grego. in Pastora. parte. i. cap. 6. Abiectum reducitur. cum quis in culpa lapsus ad statum iustitiæ ex pastoralis sollicitudinis uigore reuocatur, fracturam uero ligamentum astringit, cum culpam disciplina deprimit, ne plaga usq; ad interitum defluat, si hanc distriktionis seueritas non coartat, sed sæpe deterius frangitur, cum fractura incaute colligatur, ita ut grauius scissuram sentiat, si hanc immoderatus ligamenta constringant. hætenus Grego. Non uideo quid explicatius possit dici.

Hic

Hic opus est non argumentatione aliqua, sed attentione eola & fide. Si ad hæc verba attendamus & credamus, quòd ex ore domini prodierint, & ab spiritu domini proponantur, quis negabit teneri pastores ad perpetuam residentiam in suis ecclesijs? Si hæc requirenda sunt a pastoribus, si ea cura, ea sollicitudo, vt quod ægrotum est in animabus fidelium contendat sanare, quod contractum est, alligare, quod abiectum est, reducere, & quod perierit ex numero fidelium reuocare, viderint illi, si hæc absentes, & ignorantes ouium suarum, quas absentes cognoscere minime potuerunt, præstare poterunt. Quod si possunt, dicant se nullo iure obligari, vt inter oues suas sint frequentes, & familiariter conuersentur. Quod si non possunt (vt verum est) relinquunt aulas, & veniant ad caulas ouium suarum, & curam earum agant. Obserua lector verba illa Domini. Dispersæ sunt oues meæ, & factæ sunt in deuoracionem bestiarum agri, eo quòd non sit pastor. Quid est dictu non esse pastorem aliquem in Israel? si nullus erat pastor, quid est, quòd Dominus dicit ad prophetam. Fili hominis propheta de pastoribus Israel. Et propheta clamat. Væ pastoribus Israel, & si veri pastores erant in Israel quid dicit, eo quod non sit pastor? Certum est dixisse dominum, non esse pastores in Israel, quia perinde est, absentes esse pastores, aut ociosos, nec exercentes officia sua, quod est non esse pastores. Quid enim confert esse pastorem, si nihil agat? Huic veritati prætexunt aliqui, & causantur, quòd sint iuste occupati in negotijs, & officijs publicis, quorum recta, & bona administratio est ecclesie maxime necessaria, & iò per viros probos & doctos exercenda. Hac excusatione puto grauari magis peccatum eorum, quoniam stipendijs ecclesiasticis obeunt prophana munera. Sed & quamuis necesse sit, publica illa officia per tales viros administrari, non tamen hæc tam necessaria, & tam sacrosancta munera erant propter illa deferenda, sed e contra, illa alijs deleganda, vt hæc possent per idoneos ministros rite dispensari, sicut fecerunt Apostoli, de quorù sueuersione Episcopi vere gloriantur. Qui cum æconomia exerceant, & curam pauperum haberent, videntes quòd minime possent vtrique officio pro sua necessitate satisfacere, abdicarunt sese ab officio suo ciuili, & reseruarunt solum ecclesiasticum, elegerunt Diaconos sue æconomos, qui æconomiam exercerent, vt ipsi Apostoli prædicationi & orationi vacarent. Qua in re obseruandum est, quam longe ab Apostolis distent nostri pastores.

Nam

Nam Apostoli retinuerunt id officium, quod vere Apostolicum erat, puram administrationem euangelij. At, nostri pastores abdicatio alijsq; delegato prædicandi euangelij, officio, retinuerunt sibi ciuilia & prophana ministeria. Vtinam ad mensas, & curam pauperum, quam reliquerunt Apostoli, isti rediissent.

Præterea quarto sunt verba Domini ad Zachariam prophetam dicentis. Ad huc summe tibi vasa pastoris stulti, quia ecce ego scito pastorem in terra, qui derelicta non visitabit, dispersum non quæret, & contritum non sanabit, & carnes pinguium comedet. O pastor & idolum derelinquens gregem gladius super brachium eius, & super oculum dextrum eius. Brachium eius ariditate siccabitur, & oculus dexter eius tenebrescens obscurabitur. Hæc dicit Dominus. Vide quam graphice depingantur nonnulli pastores huius nostræ tempestatis, qui habent quidem vasa pastoralia, peram, baculum, & mitram, & lana, & lacte ouium fruuntur: gregem tamen eis commissum non pascunt: Hos appellat spiritus Domini, pastores & idola: Pastores quidem, propter auctoritatem episcopalem, quam etiam mali pastores retinent; idola, propter repræsentationem eius rei, quam vere non habent, sed mortuam illius imaginem. faxit christus, ne videamus & reliqua, quæ spiritus sanctus comminatur Episcopis derelinquentibus gregem sibi commissum, nempe gladium super brachium eorum, hoc est, super potentiam eorum temporalem, sicut iam ab Aquilone descendebar, diffecans, & perdens ecclesiasticam potestatem, nisi dominus ecclesiæ suæ misertus, per Carolum Cæsarem huic gladio occurrisset, qui in fortitudine brachij sui, aduersariorum ecclesiæ comminuit hoc anno potentiam.

Per oculum dextrum intellige rectitudinem iudicij, prouidentiam, sollicitudinem, in agendis, intelligentiam legis, & mysteriorum eius. Hunc minatur excæcandum Dominus pastoribus stultis, qui derelinquunt gregem, contra quos spiritus Domini adhuc clamat per Hier. Sacerdotes non dixerunt populo meo, ubi est Dominus, & tenentes legem nescierunt me: Et pastores præuicati sunt in me. Hoc ipsum visus est dixisse Hiero. cum scriberet ad Heliodorum. Non omnes episcopi, episcopi sunt, quoniâ episcopus græce inspector est siue curator. Hinc falsò dicuntur episcopi, qui sibi viuunt, non gregi, sed de nominibus, suus post erit locus.

Duo sunt hoc loco, quæ meo iudicio euidenter demonstrant immane

immane delictum reputari apud Deum absentiam episcoporum a suo grege. Primum est, quia eiusmodi episcopos derelinquentes greges, vocat spiritus Domini pastores & idola. Alterum est seuera illa pœnæ interminatio. Brachium eius ariditate sicabit. Quibus malis non solet comminari Dominus, nisi ubi est insigniter offensus. quæ duo leæori expendenda relinquo.

Item lib. Nume. Moses cui iam significata erat mors sua, de pastore sui loco ordinando sic dominum allocutus est. Pronideat dominus deus hominem, qui sit super multitudinem hanc, & possit exire & intrare ante eos, & educere eos, vel intrducere, ne sit populus Domini sicut oues absque pastore. Quibus verbis aperte Moses declarauit officia episcoporum, quæ (vt vides) necessario requirunt præsentiam personalem eorundem. confirmat hoc Esai. enuncians aduentum filij Dei in carne, describitque illum pastorem, & in eo declarat munus spirituale pastorum, dicens. Sicut pastor gregem suum pascet, in brachio suo congregabit agnos, & in sinu suo leuabit: fœtas ipse portabit. Diligentius adhuc hæc duo loca considerem atque tractarem, nisi haberemus alia loca multo manifestiora, quibus collatis & ista liquidius manifestantur, & si ista non essent, illa sufficerent.

TESTIMONIIS EVANGELICIS PROBATUR
residentiam personalem ministrorum ecclesie esse
de iure diuino. Cap. 4.

MATTH. 10. quando misit Christus duodecim Apostolos per ciuitates Israelis prædicare euangelium, cum præfatus fuisset. Messis quidem multa, operarij vero pauci, rogat Dominum messis, vt mittat operarios in messeni suam &c. Sed hæc obiter annotemus, quia non dixit Christus, sacerdotes pauci, doctores pauci, sed operarij pauci, quia semper orbis habuit sacerdotum, & doctorum numerosam multitudinem, operarios vero, qui sacerdotum, & episcoporum officio recte fungerentur, semper habuit paucos. Hæc igitur præfatus primo ordinauit, vt gratis administrarent munera illa cœlestia, tantum permixit, vt operantes apud illos salutem eternam quæ ad vitam naturalem seruandam erant necessaria, desumerent, dicēs.

Edentes

Edentes , & bibentes , quę apud illos sunt , quoniam dignus est operarius cibo suo . Theophi. hoc est à discipulis pascemini, debebunt enim hoc uobis ut operarijs. Dixit autem cibo, nō luxu, neq; n. delitiriari oportet doctorem . Hęc Theophi. Expēdamus uocem illam, operarius , Qui non est operarius non est dignus cibum desumere , nec illi debetur aliqua merces in ecclesia. Sed qui non sunt in dioecēsi sua. non possunt in ea operari, ergo absentes non possunt iure accipere mercedem aliquam, cum non sint operarij. Hoc idem pręscripsit Christus septuagintaduobus discipulis . Luc. 10. Dicens ; Comedite , & bibite , quę uobis apponuntur , dignus est operarius mercede sua. Theophi. Pro mercede autem habere cibum , & ne quęratis , & pasci , & mercedem insuper accipere , sed cibum pro mercede habetote . Soli ergo operarij suscipiunt ex institutione euangelica mercedē in ecclesia. Chrysost. super Matth. cap. 10. Expendamus utranq; uocē, operarius , & mercede sua, Mercedem appellat , ut rem debitā dari sibi ostenderet . Dignus est operarius cibo suo dixit Christus , ne Apostoli plus aliquid quęrant. Confirmatur hoc ex uerbis Pauli in 2. ad Timoth. 2. Solicite autem cura teipsum probabilem exhibere Deo , operarium inconfusibilem rectē tractantem uerbum ueritatis . quo loco Paulus instruit episcopum , & pręcipit ut se exhibeat operarium inconfusibilem. Secundo confirmatur hoc ex eodem Paulo. j. Timot. 5. Qui bene pręsunt presbyteri , duplici honore digni habeantur, maxime qui laborant in uerbo , & doctrina. Dicit. n. scriptura, Dignus est operarius mercede sua, & non alligabis os boui trituranti . Obserua uerba Pauli , docet duplici stipendio dignos presbyteros , sed eos tantum , qui bene pręsunt , & eos , qui laborant in uerbo , & doctrina, quod probat per scripturā, quę iubet , ne infrānetur bos triturans. Vnde ociosus bos poterat infrānari. Ergo & minister ociosus , & absens potest infrānari, ne pascatur ex fructibus ecclesię. Igitur si uelint pasci , & fructus desumere , tenentur laborare triturando messem Christi , quod absentes facere non possunt. Ergo quatenus tenentur ad actionem ministerij , & laborē, eatenus tenentur ad pręsentia regularem in ecclesijs suis. Chrysost. j. Timot. 5. duo adducit Apostolus testimonia, primum ex lege Deu. 25. Non alligabis , &c. Alterum ex Chryso. Dignus est operarius , &c. & ambo sibi consentiunt , uult Dominus laborare doctorem. Itaq; si quis delicatus est, aut remissus fuerit, dignus

pe inuiferet cognosceret illas, ac pastor qualis Christus cognoscit suas oues, quia curam illarum agit, & rursus cognoscitur ab illis, quas uisitatione dignatur, & propter consuetudinem agnoscentium suum curatorem. Obserua quid intersit inter mercenarium & pastorem. Ille si lupum videt venientem, fugit, quia non pertinet ad eum de ouibus. Iste uero ponit animam suam pro ouibus suis. Et quot exempla nobis exhibent huius doctrinæ præsentia hæc deploranda secula? Quid perdidit totam ferè Germaniam, nisi ocium & absentia pastorum? Volentes esse principes seculares, deserunt esse pastores. Venerunt lupi in stabulum ouium, non inuentis pastoribus rapuerunt, & aberrare fecerunt oues, sicut nunc misere per varias hæreses & sectas aberrant. Quæ mala flebat olim Dominus per Hierem. cap. 50. Grex perditus factus est populus meus, pastores eorum seduxerunt eos, feceruntque vagari in montibus, de monte in collem transierunt, obliti sunt cubilis sui. Quid ab alienauit à tota ecclesia Angliam, nisi quod vix vnus pastor inuentus est, qui poneret animam suam pro ouibus suis? Et cum hæc sint luce meridiana lucidiora, sunt non rari pastores, qui sibi persuadent se nullo iure teneri, vt sint cum ouibus suis, nisi constitutione quadam Pontificia, non autem constringi lege aliqua diuina, aut naturali. Hoc loco idem Theophi inquit: Hinc differetiam mercenarij & pastoris elicies, Nam mercenarius ignorat oues, quia raro uisitat eas, pastor vero cognoscit oues proprias, tanquam erga eas sollicitus. Item Chryso. super Ioan. 10. hom. 59. explicans verba Domini: Ego sum pastor bonus, ita scribit. Magnum quiddam dilectissimi, magnum inquam ecclesiæ prelatio, & quæ multa indiget sapientia & fortitudine qualem Christus proposuit, vt nunquam oues deseramus, lupo genere se resistamus. Hæc enim inter pastorem, & mercenarium differentia. Alter proprie contemptis ouibus, alter sua contempta, ouium semper salutem inuigilat. Et hoc ipsum ex testimonio Ezechielis confirmat. c. 34. Væ pastoribus Israel &c.

Quidam voluit infirmare argumentum acceptum ab hoc loco dicens, verba huius capituli pertinere ad solum Christum, nec ad alium pastorem posse accommodari, ac proinde aiebat, quæ in eo capite dicuntur, non esse requirenda ab alio pastore ecclesiastico, nec ex his sumendum argumentum, vt probaretur resistentia ex iure diuino. Sed quam sint hæc voluntarie dicta, patet.

Primò, idem Apostolus qui ex persona Christi recensuit, quæ hoc capite annotantur, scripsit in epistola sua prima (& forsan arguens ex his, quæ scripserat in historia euangelica) In hoc cognouimus charitatem dei, quoniam ille animam suam pro nobis posuit, & nos debemus pro fratribus animas ponere, hic Ioannes ex facto Christi arguit, quid nos debeamus facere, ad hunc modum ex his quæ hoc loco dixit Christus de se, proponens seipsum exemplar à nobis imitandum, arguere debemus, quæ sint, quæ ille requirat à reliquis pastoribus ecclesiasticis, quod & ante nos fecerunt omnes patres ecclesiæ; Augustinus in epistola ad Honoratū arguit, quòd instante aliqua persecutione ouium, episcopus non potest fugere, quia exemplo Domini tenetur bonus pastor, ponere animam pro ouibus suis, simile quid collegit ubi ait, de verbis Domini Serm. 50. pastor bonus Christus, quid Petrus, nōne bonus pastor? nōne & ipse animam suam pro ouibus posuit? Quid Paulus? Quid ceteri Apostoli? Quid eorum tēpora consequentes beati episcopi Martyres? Quid etiam iste sanctus Cyprianus; Nōne omnes pastores boni? Non mercenarij de quibus dicitur. Amen dico vobis perceperunt mercedem suam? Omnes ergo isti pastores boni, non solum quia sanguinē fuderunt, sed quia pro ouibus fuderunt. Idem alibi citatus in cathena. si autem prepositi ecclesiæ, qui filij sunt, pastores sunt, quomodo vnus pastor est, nisi quia sunt illi omnes vnus mēbra pastoris, & quidem qui pastor est, dedit hoc membris suis. Nā & Petrus pastor & ceteri Apostoli pastores, & omnes boni episcopi. Vides lector secundum Augustinum verba huius capituli, non ad solum Christum pertinere. Eadem & fusius annouit B. Cyrillus in Ioannem, cuius verba infra recensebo. Deinde Christus hoc loco distinguit inter mercenarium, & pastorem, & generaliter notat signa, quibus iste distinguitur ab illo, & vnum est hoc, quia bonus pastor ponit animam suam pro ouibus suis, nec fugit veniente lupo, quod facit mercenarius. igit non de solo christo accipienda sunt, quæ hoc capite docentur, sed ab illo ad reliquos pastores transferenda, & ab eis requirenda.

Octauo arguitur ex verbis Domini ad Petrum, volens Dominus ascensurus ad patrem vicarium in terris instituire & Petrum in vniuersæ ecclesiæ pastorem præficere dixit illi, Simon Ioannis dicitur: me plus his? dixit ei, etiam domine, tu scis quia amo te. Dixit ei, Pasce agnos meos. dixit ei iterum, simon diligis me? ait illi, etiam

etiam domine, tu scis quia amo te. Dicit ei iterum. *Pasce agnos meos.* Dixit ei tertio. *Petre amas me?* Contristatus est Petrus, quia dixit ei tertio, *Amas me,* & dixit ei, *Domine tu omnia nosti, tu scis, quia amo te.* Dixit ei. *Pasce oves meas.* Hoc loco solo scripturarum contendit. Caiet. Cardinalis demonstrare certum, & evidens episcopos uniuersos teneri ex præcepto iuris diuini ad residentiam personalem, & vere locus hic est, meo quidem iudicio efficacissimus, quia verba illa tertio repetita, *Pasce oves meas,* sunt verum & absolutum Domini præceptum, quibus aperte præcipitur ministerium pascendi, & regendi oves Dominicas ijs qui hanc curam susceperint, quod exerceri nulla ratione potest nisi adsit episcopus præsens: Quoniam ministerium pascendi implicat multa, quæ necessario requirunt præsentiam personalem, ut locupletissime explicauit Card. Caiet. & nos fusius infra adnotabimus. Sic intellexerunt hunc locum ferme omnes patres ecclesie, quorum primo loco produco, Bernardum, qui super canticum sermo. 76. Sic ait. Non ociose toties repetitum est, *Petre amas me,* in commissione ouium, & ego quidem id significatum perinde puto, ac si illi dixisset Iesus, *Nisi testimonium tibi perhibente conscientia quod me ames, & valde perfecteque ames, hoc est, plusquam tua, plusquam tuos, plusquam & te, ut huius repetitionis meæ numerus impleatur, nequaquam suscipias curam hanc, nec te intromittas de ouibus meis, pro quibus sanguis utique meus effusus est.* Terribilis sermo, & qui possit etiam impauida quorumuis tyrannorum corda concutere. Propterea attendite vobis quicunque opus ministerij huius sortiti estis. Attendite inquam vobis & præcioso deposito, quod vobis creditum est. Ciuitas est, vigilate ad custodiam, sponsa est, studere ornatui, oves sunt, intendite pascui, & hæc tria ad illam Domini trinam seiscitationem forte non incongrue pertinere dicentur. Porro custodia ciuitatis, ut sit sufficiens trifaria erit, a vi tyrannorum, a fraude hæreticorum, a temptationibus dæmonum. Sponsæ vero ornatu in bonis operibus, & moribus, & ordinibus. Ac pascuis ouium communiter quidem in pascuis scripturarum tanquam in hereditate domini, sed est distinctio in illis. Nam sunt mandata quæ duris atque carnalibus animis imponuntur ex lege vitæ, & disciplinæ: Et sunt olera dispensationum, quæ infirmis & pusillis corde de respectu misericordie apponuntur. Et sunt consiliorum solida fortiaque, quæ ex intimis sapientiæ proponuntur sanis, & quæ

exercitatos

DE RESID:

exercitatos habent sensus ad discretionem boni & mali. Paruulis nanq; tanquā agniculis adhortationis lac, potus datur, non efca. Ad hæc boni sollicitiq; pastores impinguare pecus non cessant bonis lætisq; exemplis & suis magis quam alienis, nam si alienis & non suis ignominia est illis, & pecus ita non proficit. Si. n. (uerbi causa) ego qui uideor inter uos pastoris gerere curam, uobis ap posuero Moy si mansuetudinem, patientiam Iob, misericordiam Samuelis, Dauid sanctitatem, & si qua sunt eiusmodi exempla bonorum, immitis ipse, & impatiens atq; immisericors, & minime sanctus, sermo, ut uereor, minus lapide eueniet, & uos minus uide capietis. Verum hoc supernæ pietati relinquo, ut quod minus uobis ex nobis est ipsa suppleat, & quod perperam ipsa corrigat. Nunc uero bonus pastor hoc quoq; curabit, ut secundum euangelium inueniatur habere sal in fementipso, sciens quia sermo sale conditus quantum placuerit ad gratiam, tantum proderit ad salutem. Hæc interim de custodia ciuitatis atq; ornatu sponsæ, nec non & pastu ouium dicta sint. Hæc Bernadus. Audis candide lector testem omni exceptione, maiorem qui perspicue & plene confirmat sententiam nostram. quid potest ad hæc responderi, nisi negetur tanti doct oris autoritas? sed audi rursus eundem.

Item sermone secundo de resurrectione Christi, sic ait. Petrus mandatum accepit tertio pascere gregem domini. Pasce, inquit, mente, Pasce ore, Pasce opere, Pasce animi oratione, uerbi exhortatione, exempli exhibitione, Item Alcuinus eiusdem uocis significationem explicat, dicēs, Pascere oues est, credentes in Christo ne à fide deficiant conso lare, terrena subsidia si necesse est, subditis providere, & exempla uirtutum cum uerbo prædicationis impendere, aduersarijs obfistere, errantes subditos corrigere. Hæc Alcuinus.

Non ab re erit inter tot antiquorum patrum testimonia etiam Erasmi uerba afferre quæ maxime conferre uidentur, etiam si eius uiri autoritas non sit nobis argumentum. Hic igitur hunc locum non indiligenter annotauit in 'confusionem aduersariorum nostrorum in annotationibus super Ioannē ibi, Pasce agnos meos. Cuius annotatio sic habet. Qui ex loco gloriatur sibi commissum gregem Domini eos primum oportet meminisse à Petro ter exactum amorem erga Christum, neq; quemlibet amorem, sed ardentiorē cæteris, Deinde ter item commissam illi curam gregis. Illud nimirum significatum est, non esse idoneum sacerdotio,

dotio, nisi qui neglectis omnibus nihil amet, nisi Christum, hoc est ueritatem, iuuentiam, pietatem. Adhuc nihil huic antiquius esse debere quam incolumitatem gregis sibi crediti. Proinde quæso, quid frontis est istis quibusdam, qui prophanis, immò scelertis principum obsequijs, qui pecunijs huc penetrant, qui sacerdotium nihil aliud quam quæstum ac tyrannidem esse putant? Nec meminerunt quam attente quibusq; legibus Christus suas oues Petro commiserit. Nec commiserit deuorandas, sed pascendas exemplo piæ uitæ, Pascendas euangelicæ doctrinæ pabulo, siue lac desiderabunt, siue solidum cibum, Pascendas etiam opum sub sidio, si res ita poposcerit, hæc citatus author quæ nec incôgrue, nec falsò hoc tempore annotata uidentur.

Nono, est locus non inefficax in actis Apostolicis ubi est oratio Pauli ad Presbyteros Ephesios exhortatoria, qua hortatur, ut officio suo diligenter fungantur. Qui ascendens Hierosoly mam, transiens Macedoniam accersuit Presbyteros Ephesiorum, quos sic allocutus est.

Contestor uos hodierna die, quòd mundus sum à sanguine omnium, non enim subterfugi quominus annunciarem omne consilium Dei uobis. quo loco Gregorius libro epistolarum .i. epistola. 33. sic ait. Mundus à sanguine eorum non esset, si eisdem consilium annunciare nolisset, quia cum increpare delinquentes noluerit, eos proculdubio tacendo pastor occidit. hac igitur consideratione compulsus uelis nolis locutus sum, quia omni uirtute aut te cupio saluari, aut de tua morte me eripi. Postquam hæc Paulus præfatus est, subiungit. Attendite uobis & uniuerso gregi, in quo uos spiritus sanctus posuit episcopos regere ecclesiam Dei, quam acquisiuit sanguine suo. Ex uobis surgent uiri loquentes peruersa ut adducant discipulos post se, propter quod uigilate, memoria retinentes quoniam per triennium die ac nocte nõ cessauim cuni lachrymis monere unumquemq; uestrum &c. Si uerba Pauli attente consideres, uidebis, quibus rationibus ostendat, cur presbyteri Ephesij debebant suo ministerio diligenter fungi.

Primo quia (inquit Paulus) tota ecclesiæ cura iam in uos solos incumbet, & siquid negligatur, uobis solis culpa impingi potest, & debet.

Secundo, quia spiritus sanctus posuit uos episcopos ad regendam ecclesiam Dei. proinde, si fueritis ignaui neglectores, non
in

in homines, sed in Deum peccabitis, nec hominis, sed spiritus sancti mandatum uiolatis.

Tertio, quia Iesus Christus qui est Dominus Deus noster, ac qui fuit ecclesiā, cuius ipsi episcopi, speculatores, curatores, doctores sunt, non uili, sed incomparabili pretio, uidelicet, non auro, argento, non deniq; ullis terrenis diuitijs, sed suo ipsius sanguine.

Quarto, sumit rationem à periculo, dicens, Ego scio, quòd intrabunt post discessum meum lupi rapaces in uos, non parentes gregi &c. quo uos oportet esse magis attentos, & uigilantes super gregem Dominicum, quia bonus pastor animā suam ponit pro ouibus suis.

Quinto, sumit rationem ab exemplo, dicens, Memores estote. quòd per triennium nocte & die &c. Monet Paulus presbyteros, ut sui exempli meminerint, & quemadmodum ipse etiam cum Iachrymis toto triennio singulorum salutem curauerit, Ita & quum est, ut illi multo maiori sollicitudine ministerium suum urgeant, quando maiora pericula instant. Hæc Paulus ad Episcopos Ephesios.

Rogo te lector, quis tanta sollicitudine curabit salutē ouium suarum, aut tam diligenter defungetur hoc sacro ministerio absens? Quid putas dixisset Paulus, si ep̃s aliquis Ephesius astans respondisset Paulo, ero quidem pastor, & episcopus, & curabo salutem harum ouium mihi commissarum, sed interim oportet me per aliquot annos mauere Romæ, & in aula Cæsaris uersari, & de fungi munere quodam, honesto quidem illò, sed Cæsareo. pasceatur uero grex Christi per suppositum quendam pastorem. Nec tamen ponam ego gregis Christi curam, nam è Roma per literas curabo multa, & cū uacauerit, interim etiam ipse uisā gregem mihi commissum per dies aliquot. Non ne sic abunde satisfecerò deniandato mihi munerì? Quid inquam putas responsurum Paulum? Credo neminem fugit, quid Paulus fuisset dicturus, ad hæc tam noua & inaudita uerba. hoc ipsum puto, eum & nunc respondere multis apud tribunal Christi iudicis.

TESTIMONIIS APOSTOLICIS OSTENDITUR
de iure naturali & diuino esse necessariam residentiam
pastorum ecclesiasticorum. cap. 3.

PAULVS I. Cor. 9. disputat quam potestatem habeant ministri ecclesiastici desumendi, siue metèdi carnalia ab ecclesijs

ssis fidelium, ubi duplici ordine argumentorū probat solum licere illis māducare, & bibere siue uiuere ex mīsterio ecclesiastico.

Primo id astruit argumentis dum taxat humanis, dicēs. Quis militat suis stipendiis unquā? Quis plātat uinē, & de fructu eius non comedit? Quis pascit gregem, & de lacte eius non māducatur? Si obserues Apostoli uerba, uidebis, quod tantum militantibus, plantantibus, pascentibus gregem Dominicum concedit ius percipiendi fructus temporales. Cum igit istas actiones non possint facere nisi præsentes, consequitur ministros teneri ad præsentiā corporālē, qua sola possunt implere mīsteria sua.

Secundo arguit ex lege Moſis. Scriptum est, Non alligabis os boui trituranti. Quæ uerba exponens quidam haud obscurus Doctor, sic ait. Annotandus hic locus his, qui tantis clamoribus tantaq; tyrannide decimas, & plusquam decimas extorquēt à pauperrimis quoque laicis, nec intelligunt legem uetare, ne quis obliget os boui, sed trituranti, hoc est, docenti, monenti, exortanti, sacrificanti, ac ceteris sacerdotalibus officiis fungenti. Quid autem hoc ad istos quosdam, qui non solum in ocio, sed in sardanapalicis deliciis uitam omnem transigunt? Hæc ille, audi nunc Paulum. Quæ propter nos ministros euangelii scripta sunt, non propter boues, quorum Deus non habet tam peiuliarem curam. si nos uobis spiritualia seminauimus, magnū est si carnalia metamus? Qui in sacrario operantur, quæ de sacrario sunt, edunt. Et qui altario deseruiunt, cum altario participant. Ita & Dominus ordinauit iis, qui euangelium annunciant, de euangelio uiuere. quæ uerba explicans Bernardus in declamatione. Ecce nos reliquimus omnia, sic ait. Viuat, inquit de altario, & iuxta Apostolum alimenta, & quibus tegatur habens his contentus sit, uiuat, non superbiat, non luxurietur, denique non ditetur, nec ex clericatu ditior fiat. Hæc Bernar. Huſius uocis emphasim annotauit; & Theophilactus, & ante hunc Chrysostomus. Non enim, ait, sacerdotes, sed qui assident altario, ut intelligamus assiduum cultum sacrorum. at hodie nulli ferè magis absunt ab altario, quàm hi qui maxime participes sunt altariorum, nec ulli molestius exigunt à populo decimas, quàm hi, qui nihil eorum præstant populo, quorum gratia dandæ fuerāt decimæ. nec satis est assidere, sed operandum est, nec satis quid uis operari, sacra oportet operari, & in his assiduum esse, nec dixit ex sacro accipiunt, sed ex sacro uestiuntur, ut admoneat ui-

ut rōne hēamus prælatorū nostrorū, & honore sūmo illos afficiamus Sed audi prius quibus rōnibus roget honorandos a nobis ecclesię præsules. Prima ratio, quia laborant, inquit, inter vos, quod liquet ociosos nullum promereri stipendium à subditis, iuxta illud, qui non laborat, non manducet. Item neque absentes etiam si laborent, quoniam foris non inter nos laborant, & ibi honorandi ubi laborant. Secunda ratio, & præsunt vobis in domino. Quo loco audi Theophilaetum. Si enim præsides tuos in humanis rebus in pretio habes, quanto potius his qui in diuinis rebus tibi præsunt, gratiam & honorem te debere fateri debes, quod ait in Domino, hoc est, non in mundanis rebus tibi præsudet, sed in his quæ ad dominum pertinent. Orat pro te, regenerauit te per baptisma, incitat præterea, & adhortatur. Medicus tibi est, medijs in noctibus voces veniet, Hæc Theophi. Vides lector hic clare doceri necessariam præsentiam prælatorum. Tertia ratio, & monent vos, aliàs annotauimus ex Paulo. Quia oportet episcopum doctorem esse. Quarta ratio. Abundantius illos habeatis in charitate propter opus illorum. Noua additio habet, ut habeatis illos in humano pretio per charitatem, hoc est, ministrando illis necessaria propter opus illorū. Igitur ubi nullum est eorum opus, non tenemur illis necessaria ministrare. Nam Paulus propter opus ipsorum inquit. Honorate eos, Quare Paule? An quia nobiles? An vero quia sumptū magnū, in cuius principū faciunt? Nihil horum, sed propter opus ipsorum, & si officium suum non faciunt, nec suis digna nominibus præstant, Non est cur (authore diuo Paulo) habeamus illos abundantius, nec illos agnoscamus episcopos, si non laborant inter nos qui illos nostris sumptibus, & oblationibus alimus. Hæc locutus est Apostolus ad subditos. Audi qualem describat esse debere curā prælatorum. Rogamus autem vos fratres corripite inquietos, consolamini pusillanimes, suscipite infirmos, patientes estote ad omnes. Videte, ne quis malum pro malo alicui reddat. Et quid explicatius potuit dicere, ut intelligeremus necessariam præsentiam personalem prælatorum? Nunquid absens monebit aut arguet inordinatos, consolabitur pusillanimes, & meticulosos, subleuabit infirmos, erit patiens erga omnes? Bene vides candidè lector, quā sint hæc clara & aperta, ut qui hæc non videat, in media luce cæcutiat. Hūc locū admonet quidā annotandū diligenter ab episcopis, qui exigunt à suis summū honorem cum ipsi non curent

hortari non potest, pseudo episcopus est: Nam alias virtutes in alijs sub epō cōstitutus iueniat quisquā, nimirū hospitalē esse, sobriū, idq; genus alia, quod maxime vero episcopum veluti characteribus quibusdā & signis exprimat, docendi munus est.

Decimotertio, demonstratur præfata veritas ex verbis Pauli ad Timo. quo loco sic spūs domini per organum, illud electionis sue in vno episcopo alloquitur vniuersos. Testificor corā Deo, & Christo Iesu, qui iudicaturus est viuos & mortuos, & per aduentum ipsius, & regnum eius, prædica verbum, in sta opportune, im portune, argue, obsecra, increpa, in omni patientia & doctrina. Erit enim tempus cum sanam doctrinam non sustinebunt, sed ad sua desideria coaceruabunt sibi magistros prurientes auribus, & a veritate quidem auditum auertent, ad fabulas autem conuertentur. Tu vero vigila, in omnibus labora. Opus fac euangelistæ, ministerium tuum imple. Hæc Paulus. Quis nō videt hoc loco aperte demandatā esse & præsentiam & sollicitudinem omnibus epis? Audi secundo vocem spūs. Prædica verbum, in sta opportune, im portune, argue, obsecra, increpa. Nunquid & ista fient per mercenarium, quem tibi subrogasti? Tu vero vigila, in omnibus labora. Necessē est labores non in oībus, sed in paucis, si absentes à grege tuo. Ministeriū tuū imple. Qui potes implere tā remotus à grege, quē verbo & exēplo pascere in tua ordinatione iurasti? Utinam oēs epī sic cogitarent hanc obtestationem cuiq; singulatim esse proditam, sicut est reuera. Quid autē exigit spūs cū tā religiosa obtestatione, Prædica verbum? Quid Paulo respondebunt pastores, vbi ventū erit ad iudiciū, cuius ipsos hic cōmonefacit?

Quartodecimo, est & alius locus meo iudicio, euidenter demonstrans præmissā veritatē in epistola canonica Petri, qui sic habet. Seniores ergo, qui in vobis sunt, obsecro consenior & cet. Pascite qui in vobis est gregem dei: prouidentes, non coacte, sed spontanee secundum deū, nec turpis lucri grā, sed voluntarie, nec vt dominantes in cleris, sed forma facti gregis ex animo, & cū apparuerit princeps pastorū, percipietis immarcescibile gloriæ coronam. Hæc Petrus Apłs. Preceptū hoc Apłorū principe dignū in oībus omnium epōrum aulis uel aureis literis erat inscribendum. Pascite (inquit) gregem, non opprimere, non expilare, idq; non coacte uelut ex officio, sed ex sincero affectu, tanquam p̄s, nec turpis lucri grā, quasi presentiens ecclesiæ pestem ex hac radice oriturā, deniq; non dominantes more principum, sed exēplo

& doctrina pascite, benefactis uincite. nunc episcoporum bona pars nihil audit ab assentatoribus doctis, nisi dominia, diriones, gladios, potestates, atque hinc fastus nonnullorum plusquam mundanus. Multa sunt hoc loco à pastoribus ecclesiasticis consideranda in usum ministerij sui, sed tria, quæ in rem nostram agunt, ego oculis lectorum subiiciam. Obserua obsecro christiane lector hæc quæ spiritus sanctus per os Petri Apostoli iubeat episcopis, ut recte obeant sua munera.

Primum pascite gregem uobis commissum. Quidam sic uertunt Græca, Pascite quantum in uobis est, gregem Christi.

Secundum & id faciatis uoluntarie, non uelut dominium exercentes in greges, qui uobis uelut forte gubernandi obtigerunt, hos. n. uocat æditio uulgata cleros:

Tertium, & sic, ut sitis exemplaria gregis ex animo, quod nostra æditio dixit, facti forma gregis, Nunc cuiusuis lectoris iudicio relinquo causam nostram, si possunt hæc tria obseruari per absentem pastorem, uel ociosum, ingenue fateor non teneri episcopum ad residentiā in ecclesia sua. Si potest quis pascere gregem Christi, & esse exemplar, siue forma uiuendi suis ouibus absens, & aliud agens, turissimus degat, ubi uelit. Si uero non potest, uel relinquat munus, uel subeat onus manendi, & pascendi suas oues, à quibus ipse pascitur. His testimonijs hæc controuersia probata est sufficienter, ita ut non reformidet æqui iudicis iudicium, immo ut ipsas penè conscientias aduersariorum appellare, audeat,

DE PASTORVM SPIRITUALIVM NOMINIBVS,

*nam hæc uidentur partem esse diuinæ scripturæ, quæ
ut à spiritu sapientiæ indita semper, consonant
rebus ipsis, ac proinde testimonijs scriptu-
rarum illa subiicimus. C. 6.*

POSTREMO excutiamus si libet, quibus nominibus episcopi appellantur in sacris scripturis, uel hinc enim astruimus quod rantopere querimus. Et mihi quidem uidentur suum nomen ignorare, qui putant sibi ociosis uagari licere, uel potius negotio longe ab officio alieno implicatis. In alijs quidem disciplinis leue esset argumentum à nomine sumptum, quæ uel casu aliquo, uel humana ratione imponi solent, & licet aliquando uera, interdum tamen uana, sæpe etiam mentita usurpamus nomina.

In hac uero disciplina cuius author & magister est spiritus sanctus, firmissimū est à nomine acceptū argumentum, quæ quidem accomodare solet rebus ipsis, secundum ipsarum rerum naturas, ut quod ipse uelit in re, hoc nomen ipsum designet. Episcopus is dicitur qui speculatur, & attente rimatur, quid geratur. Nam ubi habemus. 1. Petri. c. 5. Prouidentes, Græce est *ἐπισκοποῦντες* 1. intendentes, aut episcopum agentes, quod tamē adeo uulgare est, ut nemo non intelligat. Si episcopos tantum excipias, hinc Ezechiel Vigiles & speculatores appellat episcopos. Quis igitur unquam speculator conductus relictā prouincia, in qua munus illud habet, aliena pererrat? hoc igitur est, quod olim dixit Hieronymus Heliodoro, Non omnes episcopi, episcopi sunt, hoc est multi sic uocantur, sed pauci respondent suo nomini.

Dicuntur Angeli, cum apud Lucam & Marcū, tum apud Esai, & Malach. Cur ita? quia mittuntur ut nuncij prædicaturi uerbum Dei, Quomodo prædicabunt (dicit. D. Paulus) nisi mittantur? Quisquam ne est adeo perfrixæ frontis, qui si nuncius mittatur Toletum, Tarraconem proficiscatur, ut ibi fungatur legatione? hoc nō facturus erat ab homine missus, & qui à deo nuncius mittitur ut Toleti quæ fert in mandatis palam faciat, Romam petet ubi quid Deo præster obsequij, libet magis silere quàm dicere.

Montes etiam appellantur, cum alibi læpe, tum à David Psal. 71. Quo uerbo potuit uox diuina significantius firmitatem & præsentiam episcopi ostendere? Suscipiant (inquit) Montes pacem populo, & colles iustitiam. Montes Apostolos & eorum successores uocat, quia populo subdito Mesia annunciant pacem per Christum & ueram iustitiam. his montibus David præcatur, ut suscipiant pacem à domino, sed non sibi solis, uerum populo, ut populus sub eis pace fruatur, & collibus, ut suscipiant iustitiam ut iustitia dirigantur, quæ pax & iustitia, uenit omnibus regnis quæ Christum susceperunt, sicut scriptum est. Quam speciosi pedes euangelizantium bona, euangelizantium pacem. Sicut enim terreni montes primi excipiunt influentias cælorum, & ex illis ad ualles deriuantur, sic sacerdotes primi accepturi sunt cælestia dona. Item per montes immobilitas designatur, & montes eminent cæteris terræ partibus, sic & sacerdotes perpetuo eminere debent reliquis fidelibus. Ad hæc uero opus erat episcopis & ministris, qui spiritu Christi feruentes bellum indicerent aduersarijs potestatibus, & sic pacem annuntiarent populo Dei, at nunc ma

o nost ro uidemus impletum illud eiusdem Dauidis. Transferen-
tur montes in cor maris. Per mare enim inscripturis sacris hic
mundus solet designari. Videmus nonnullos montes ad cor ma-
ris, hoc est ad aulas principum secularium & alias curias migra-
se. Vnde cum dominus in argumentum fidei & uice miraculi di-
xerit. Si habueritis fidem sicut granū sinapis, dicetis monti huic
transi hinc, illuc, & transibit, ita puto nunc non minoris miraculi
& fidei argumentum foret, si quis hos mysticos montes à corde
maris ad aridam reuocaret.

Vocantur Boues ex interpretatione Pauli, qui exponens illud
Mosis. Non alligabis os boui trituranti. Propter nos (ait) scrip-
tam legem non propter boues, ut non negemus mercedem epi-
scopo. Boum nomine episcoporum & doctorum labor designa-
tur. Vnde Salomon. Vnde non sunt boues præsepe uacuum est,
sic etiam actum est de ecclesia, ubi episcoporum & doctorum la-
bor cessauerit, sicut iam in bona ecclesiæ parte cessauit, postquam
creuerunt opes in ecclesia, interijt doctrina, quia quāto crescunt
opes crescunt curæ, & augetur familia, hinc Episcopi desierunt es-
se doctores in ecclesia, & hæc uidentes principes (Deo sic per-
mittente) cœperunt pinguiores prælaturas, & episcopatus con-
ferre ijs per quos regna, & ditiones suas gubernant, sic & opes
& personæ ecclesiasticæ ab ecclesijs in aulas principum maxima
ex parte translatae sunt. Dic mihi Christiane lector, an potuerit
nobis proponi ullum animal tardius, & minus habile ad peregre-
nandum? Quis nescit boues in eodem quo nascuntur loco, &
opus facere, & animam agere? Non uocauit Episcopos equos,
aut canes quod illi in bello nati, hi adulatorum & uoraces, & pere-
grinandi audi uideantur, quamuis, & equi triturationi, & canes
ouium custodiae non inepti sint, sed uocauit boues, quasi dicat
immobiles, & perpetuos operarios.

Insigniuntur etiam militū nomine, ita Paulus Timotheum epi-
scopum, bonum militem uult esse, & se bonum certamē certasse,
exultat. Quis igitur adeo uecor est, ut militem sibi conducat in
familiæ, & patriæ tutelam, & securitatem & illum patiatu-
r uagari longe à stationibus ut conductor sit præda hostibus, dum miles
in alieno uersatur? Verum & si episcopus militis nomine satis ad-
monebatur ne à loco discederet, tamen quia non omnino graue
ui lebatur, Si unus aut alter miles discederet, uocantur etiam Du-
ces qui nec transuersum quidem digitum possunt à castris abesse.

Dicuntur

Dicuntur patres, & Spirituales patres nomine peruulgari, sed quis erit tam crudelis pater, ut filios quos alere tenetur, deserat fame perituros, dum ipse ut paulo licentius agat nouas permutat regiones? & ut intelligamus quam exposcat Paulus hanc presentiam non ueretur subire imaginem mulieris pregnantis, quæ tantum adest, ut filios quos in utero fert relinquere ualeat, quæ leges humanæ partum uiscerum, matris partem diffinierint. Audi quid scribat ad Galat. Filioli mei, quos iterum parturio. Euge optime episcope Paule, & uere pater, an hos tu unquā deseres, an hos aborsu abijcies quos iterum te parturire fateris?

Nominantur arietes a David. Afferte Domino filios arietū, & hoc ipsum uoluit significare cū dixit, induti sunt arietes ouiu. An quisquam gregem reliquit sine ariete, qui præiret? Modo deplorabimus cum Hieremia gregem dominicum, & dicemus, facti sunt Principes eius, uelut arietes non inuenientes pascua, & abierunt absq; fortitudine ante faciem subsequenti.

Dicantur etiam custodes ciuitatis Hierusalem, uigiles, sponsi ecclesiæ, gubernatores regni Christiani, uicarij Christi, quæ omnia nomina nihil aliud clamare uidentur quàm præsentia episcoporum in custodia, & uigilia ob gregem commissum. an episcopi qui subditos nunquam uiderunt, nec cibo illos spiritali aluerunt, digni sunt aut honore, aut mercede ulla? Immo uero nō aperte digni sunt, qui utroque priuarentur ut proditores muneris traciti? Tu ne cum tot nominibus exciteris ut operam tuam præstes præsens præsentibus, audes dubitare, An ad hoc iure diuino tenearis? Tu ne absens, & ignotus ecclesiæ tuæ audes usurpare prædictos titulos? Diceris, Pastor. Cum nihil minus agas quàm pascere? Tu ne audes plebem domini deuorare ut panem, cum tenearis illi panem spirituale frangere, & temporale, nec facias? Qua fronte exposcis mercedem, nec uis tibi os alligari, cum operas nullas exhibeas, nec triturationem ullam facias?

Vocantur etiam pōtiffices de cuius nominis ratione audi Bernardum in epistola quadragesimasecunda ad Senonensem Archiepiscopum. O quam pulchra est (ut Sapiens clamat) casta generatio cum charitate, cum illa, inquam, charitate quam describit Apostolus de corde puro, & conscientia bona, & fide nō ficta. Porro puritas cordis in duobus consistit, in querenda gloria Dei, & utilitate proximi, ut in omnibus uidelicet actis suis,

uel dictis nihil suum quærat episcopus, sed tantum aut Dei honorem, aut salutem proxorum, aut utrunque. Hoc enim agens implebit non solum pontificis officium, sed & etymologiam nominis ponrem utique seipsum faciēs inter Deum, & proximum. Pertingit pons iste usque ad Deum ea fiducia qua non suam, sed illius gloriam quærit. Pertingit usque ad proximum illa pietate qua & ipsi non sibi prodesse desiderat. offert Deo bonus mediator preces, & vota populorum reportans illis à Deo benedictionem, & gratiam. Supplicat Maiestati pro excessibus delinquentium, uindicta in peccantes iniuriam dei, ingratis improperat beneficia pietatis, contemnentibus potentia seueritatem insinuat. Vtrisque tamen nihilominus placare studet indignantis furorē, nunc quidem hominum obtendens infirmitatem, nunc diuinæ magnitudinem pietatis. Denique siue excedat Deo, siue sobrius sit nobis, aut Deo semper, quantum in ipso est, placere gestit, aut præstare nobis, non quod sibi omnino utile est, quærens, sed quod multis. Fdelis pōtifex qui bona quælibet per manus transeuntia, siue diuina beneficia ad homines, siue hominum vota ad Deum, columbino intuens oculo, nihil sibi retentat ex omnibus. Nec populi requirit datum sed lucrum, nec dei gloriam usurpat sibi. Acceptum talentum non ligat in sudario, sed partitur numularijs a quibus, & usuras recipit non sibi, sed domino. Non habet foueam ut uulpes, non tanquam uolucris nidum, non oculos quomodo Iudas, non denique (sicut nec maria) locum in diuersorio. Imitatur profecto illum qui non habebat ubi reclinarēt caput, factus in præsentiarum tanquam uas perditum, quandoque proculdubio futurum uas in honorem, & non in contumeliam. Denique perdidit animam suam in hoc mundo, ut in uitam æternam custodiat eam. hoc tanto puritatis internæ gloriari non potest ueraciter, nisi extrinsecus gloriosas perfecte respuerit. Nec enim pure ualet, Dei uel proximi, quærere lucra, qui propria non contempserit. hæc Bernardus.

Item dicuntur scribæ docti non admodum, sed ad regnum cælorum. scriba doctus in regno cælorum profert de thesauro suo noua, & uetera.

Item ministri Christi, dispensatores ministeriorū dei, adiutores Christi, colūnæ ecclesie, legati Christi. Itē dicunt lapides sãctuarij de quo Greg. lib. pastoralis curæ part. c. 2. c. 7. sic ait hoc cum magno

magno dolore charitatis Hier. prophe. conspiciens quasi sub destructione tēpli deponat dicens. Quo obscuratū est aurū, mutatus est color optimus, dispersi sunt lapides sanctuarij in medio oīum, platearū. Quid per sanctuarij lapides, nisi sacrorū ordinū psonz figurātur? Quid platearum nomine, nisi præsents vitæ latitudo designatur? Sanctuarij lapides in platea disperguntur, cum causarum secularium foras lata itinera expetunt hi, qui ad ornamētum ecclesie internis mysterijs quasi in secretis sanctuarij vacare debuerunt, ad hoc quippe sanctuarij lapides fiebāt, vt intra sancta sanctorum in vestimento summi sacerdotis apparent. Hæc Greg. Si ergo uelis præclaros hos titulos cum re ipsa possidere, necesse est, vt labores in domo domini, uigiles super gregē dominicum, & facias uigilias noctis, sicut de pastoribus Bethlemiticis dixit Lucas euangelista. erant uigilantes & custodientes uigilias noctis super gregem suum. In quæ uerba Theophilactus sic dicit, pastores illi figura sunt spiritualium pastorum. oportet igitur episcopos custodire gregem suum, & docere populum, & sic audire diuinas uisiones & auditus, officium itaq; spiritualium pastorum fuerit, quærere panem cœlestem, quem cum uiderint, debent illum & alijs predicare, sicut, & pastores, qui uiderunt infantem, locuti sunt, de eo, & alijs. Idem Greg. In Homil. Mystice autem quoddam uigilantibus pastoribus angelus apparet eosq; claritas Dei circumfulsit, hoc est, quoddam illi præ ceteris uidere sublimia merentur. qui fidelibus gregibus præesse solícite sciūt, dūq; ipsi pie super gregem uigilant, diuina super eos latius gratia coruscat. Idem Beda in homilia. Liceat mihi christiane lector huic parti præsentis controuersie eis uerbis finem imponere, quibus ueri episcopi descriptionem Hieronymus ad Oceanū absoluit. Obsecro ne quis me in sigillationem istius tēporis sacerdotum, scribere quæ scribo existimet, sed in ecclesie utilitatem, & euangelice doctrine propugnationem. vt enim oratores, & philosophi describentes qualem uelint esse perfectum oratorem & philosophum non faciunt iniuriam Demostheni & Platoni, sed res ipsas absque personis diffiniunt, sic in descriptione episcopi, & in eorum expositione quæ scribo quasi speculum sacerdotij proponitur. Iam in potestate & conscientia singulorum est, quales se ibi aspiciant, ut uel dolere ad deformitatem uel gaudere ad pulchritudinem possint.

LEGIBVS CONCILIORVM GENERALIVM ET PROVINCIALIVM comprobatur pastorum ecclesie necessaria residentia personalis. Cap. 7.

LEGISTI pater in Christo obseruantissime, quid spiritus Christi in sanctis voluminibus tradiderit nobis de praesenti controuersia, lege nunc, quid sancti patres ecclesiae in sacro sanctis concilijs obseruauerint, illud tamen mihi praefandum est, non tantum uoluisse me adducere quae ad residentiam pertinent verbis apertis, sed etiam quae ad difficultatem muneris episcopalis agunt, ut facile quis contemplare possit vix hominem solertissimum, etiam si uel pedem nunquam dimoueat, posse satisfacere suo muneri, & primo profero Sardicense concilium generale, & ab vltima ecclesia receptum & probatum, cuius canon. 14. sic habet. Eps in aliena prouincia non moretur ultra tres dominicas, quia per id tempus ibidem non recipi inhumanum est, & si diutius resideat, perniciosum est, hoc ergo ne fiat prouidendum est. Osius episcopus dixit. Memini autem superiore concilio fratres nostros constituisse, ut si quis laicus in ea, in qua commoratur ciuitate tres dominicos dies, id est per tres septimanas non celebrasset conuentum, communionem priuaretur. Si haec ergo circa laicos constituta sunt, multo magis episcopo nec licet, nec decet, si nulla sit tam grauis necessitas, quae detineat, ut amplius a superscripto tempore absens sit ab ecclesia sua. vniuersi dixerunt placere sibi. simile quiddam statuerunt in canone. 18. In canone octauo eiusdem concilij Sardicensis habetur, ut episcopi etiam pro tuendis pauperibus, nudis, aut pupillis, quibus aliquae illatae fuerint iniuriae, nullo modo ad comitatum, id est ad curiam ueniant, eo quod ex nimia frequentia accessus ad principum curias, obque importunitates, & iniustas petitiones gratiam, & fiduciam coram principibus amiserint. Eo maxime, quod sub praetextu suas defendendi ecclesias, aliosque protegendum iniuriam patientes, dignitates, secularis; postulent administrationes. Quam prauitatem (dicunt praes) olim non solum murmuraciones, sed scandala excitasse dignoscitur.

Hoc idem habetur in can. 10. Eiusdem concilij ubi dicunt patres quod accessus episcoporum ad principum curias, sine inuidia hominum, sineque reprehensione esse non potest. Et si propter praedictas, honestasque;

honestasq; causas talis profectus non nihil habere rōnis posset .
Quod maxime testaretur si ob defendēdos iniuria, & incommo-
dis affectos sulceperint peregrinationis incommoda.

Quo circa in eodem concilio canone. 9. statuitur ad obuian-
dum talium episcoporum improbitati (sic habet textus) vt si que,
iustæ emerferint causæ, vt pro pauperibus, uiduis, pupillis tuen-
dis, suum ipse diaconum ad curiā mittat ep̃s, eo q̃ persona mini-
stri inuidiosa non est, & quæ impetrauerit celerius poterit refer-
re. Qui tamen diaconus cum literis denissorijs, & comendatitijs
sui Metropolitæ curiam adire debet. Si tamen ep̃s (a quo diaco-
nus ad curiam destinatus est) nonnullos apud Imperatorem ha-
beat amicos, quos scit benignam intercessionē sibi absenti pos-
se præstare. Tunc si iusta esset postulatio, absq; Metropolitæ ue-
nia suum poterat episcopus mittere ad Curiam Diaconum.

Quæ omnia, ut firma permanerent in sequenti canone. 11. hæc
diffiniuntur.

Ea quæ salubriter præmonita sunt, conuenientia & æstimatio-
ne oīm, & deo placitura, & hominibus tenere hanc firmitatem
possunt, si metus huic sententiæ coniungatur. Scimus enim & ipsi
propter paucorum impudentiam religiosum sacerdotale nomē
fuisse reprehensum. Si igitur aliquis contra omnium sententiam
nissus, uoluerit ambitioni magis placere quam Deo, is debet sci-
re causas redditis, honorem, dignitatemq; se amissurum. Quod
ita demum compleri poterit, si unusquisque nostrum, qui in ca-
nali constitutus est, cum progredientem episcopum uiderit, in-
quirat transitum eius, causas uideat, quò tendat, agnoscat. Et si
quidem eum inuenerit ire ad comitatum, requirat & illud: quod
superius comprehensum est, ne si forte inuitatus est, ut ei facul-
tas eundi permittatur. Si uero propter desideria, & ambitiones
ad comitatum pergat, nec in literis eius scribatur, nec in com-
munionem recipiatur. Vniuersi dixerunt hoc honestum esse &
placere sibi hanc constitutionem. Quid obsecro dixissent isti pa-
tres, si uidissent, ut nunc, cum tanto ecclesiæ malo uidemus, per-
petuo uersantes episcopos in curia uel Cæsaris, uel pontificis, &
nec in ecclesia sua, nec in aliena ullum ecclesiasticum exercentes
ministerium?

Deinde confirmat hanc ueritatem can. 17. In concilio Antio-
cheno sic habens. Siquis episcopus per manus impositionē epi-
scopatum acceperit, & præesse populo constitutus ministerium
subire

re. Qui contra fecerint anathematizentur. Mens Synodineo quidem iudicio fuit, cauere, ut ministri, ecclesiastici non se inpli carēt negocijs secularibus, sicut prohibuerat Paulus Apostolus. Quoniam non est possibile, ut quis utrunque munus rite possit obire, ecclesiasticum & seculare, spirituale & mundanum. Quocirca non est audienda glossa in uolumine decretorum. 20. quæstione tertia. Eos qui semel, quæ dicit honores seculares esse, in quibus exercetur iudicium sanguinis, astruens alijs posse honeste, & licite implicari clericos, & episcopos. Perspicuum est cauisse Synodum transitum ad honores seculares, quoniam necesse erat eos manere in ecclesijs suis, & ibidem propria munera exercere.

Item quinto, est canon. 17. concilij Romani celebrati tempore Syluestri papæ præsentē Constantino Imperatore habens in hunc modum. Nemo enim clericus, uel diaconus, aut præbiter propter causam suam quamlibet, intret in curiam, quoniam omnis curia à cruore dicitur, & immolatio simulachrorū est. Quoniam si quis clericus in curiam introierit anathema suscipiat.

Rogo te christiane lector an non tibi uidentur sancti illi uiri diuinasse omnem pestem status ecclesiastici emanaturam à curijs principum secularium & ab urbe Roma? Qui tanta solitudine curarunt, ut episcopi in suis essent ecclesijs, & longe abessent curijs principum secularium.

Item sexto, in synodo illa celebrata sub Carolo magno tempore Zachariæ Papæ, cuius mandato congregata fuit Synodus, in canone. 2. habetur quòd presbyteri in quadagesima rationem, & ordinem ministerij sui, puta de baptismo, de fide catholica, de præcibus, & ordine missarum, episcopo reddant, & ostendant, & ipsi etiam episcopo testis assistat castitatis, & uitæ, & fidei, & doctrinæ illius. hæc synodus. Quæ quidem impossibile est adimpleri, si episcopus ipse, uel parochus ab episcopatu uel parochia absentes sint. Sed dices, minime. Immo rationem ministerij sui mercenario presbyter, mercenarius episcopo quadagesimæ tempore reddere poterit. Quod sanè expresse contra canonis mētem est. Sed tamen hoc concessio, ultimum stare non potest. Nam si episcopus in curia Romana Cæsareā uel degat, quomodo obsecro parochus, qui in diocæsi manet, uel è diuerso, testis castitatis, uitæ fidei, & doctrinæ sui epi esse poterit? nō ergo putet aliquis, quod sit possibile impleri officiū pastorale sine p̄sentia corporali pastoris.

Item

Item septimo etiam septima synodus generalis in *canone. 19.* hæc diffiniuit.

Clericus ab hoc deinceps tempore in duabus ecclesijs non collocetur, hoc enim est negotiationis & turpis lucri proprium, & ab ecclesiastica consuetudine alienum. Ab ipsa enim Domini uoce audiuius non posse quenquam duobus dominis seruire aut unum amplectetur, & alterum negliget. Vnus quisque ergo (ut uox est apostolica) in eo, in quo uocatus est, debet manere, & in una ecclesia assidere. Quæ enim propter turpe lucrum fiunt in ecclesiasticis negotijs, ea à Deo sunt aliena. Ad huius autem uitæ usum sunt diuersa studia. Ex his ergo si quis uelit ea, quæ sunt corpori ad usum necessaria, comparere, Dixit Apostolus. Vtui meo, & his qui mecum sunt subministrauerunt manus meæ. Quid responsuros putamus sanctos illos patres istis, qui queruntur non posse se simplicibus beneficijs uiuere, sed cõtumplices querunt? nimirum illud Bernardi, nō futuros illos simplices in supplicijs. sed tamen si residentia non est necessaria, non uideo cur non unus centum habere possit ecclesias, quas nunquam est aditurus.

Item octauo, in octaua synodo generali quæ sequuntur definiuerunt patres. In can. 17. Sic habetur. Quoniam sunt quidam episcoporum qui ne secundum uocationem Apostolici præfulis occurrant, se mundi principibus impeditos causantur, Placuit talem excusationem omni modo esse inualidam. Impium est, ut summos præfules ad synodos pro ecclesiasticis negotijs celebrandas impediunt seculares principes, licet tale impedimētum, & fictam prohibitionem, Episcoporum suggestionem diuersis modis fieri didicerimus. hæc synodus. An non tibi uidentur loqui de synodo Tridentina tam infrequenti, in tanta copia episcoporum quos pauperes alunt. suis sudoribus, & nunc in rerum maxima turbatione quando mundus præcipuo iure, eorum indiget opera, ut si non in integrum, saltem in aliquam partem res perditæ restituantur, omnes dormiunt, omnes surdi sunt, sed de hac re alius dabitur opportunior locus.

Item canon. 19. eiusdem synodi sic habet. Definiuit sancta hæc, & uniuersalis synodus, nullum archiepiscoporum, aut Metropoli tanorum relinquere propriam ecclesiam, & sub occasione quasi uisitationis ad alias accedere, & consumere redditus, qui apud illos inueniuntur ad ecclesiasticam dispositionem, & alimenta pauperum. qui cōtrafecerit deponatur, & sequestretur, ut sacrilegis.

Vltimo

Ultimo est canon. 24. In eodem concilio qui sic habet. Diuina scriptura dicente, Maledictus homo qui facit opus Dei negligenter, quidam Metropolitanorum extrema negligentia, & delidia delapsi, præceptionibus suis subiectos ad se adducunt Episcopos, & committunt eis ecclesiæ propriæ diuina officia, & lætanas. & cuncta omnium sacra, quæ ad se pertinent mysteria, ut per illos celebrent omnia, quæ per semetipsos alacriter agere debuerunt, ac per id eos, qui episcopalem dignitatem meruerunt, quodammodo clericos sibi subiectos exhibeant. Vacant iidem præter ecclesiasticas leges secularibus curis, atque dispositionibus demittentes perseuerare in orationibus, & obsecrationibus pro suis delictis, ac populi ignorantijs, quod nunquam apud aliquos penitus inuenitur cum sit canonicis nimirum, contrarium omnino præceptis. Hæc autem omnia magnis, & multis ac uehementissimis damnationibus dignos huiusmodi statuunt. Probantur enim tales per hæc, quæ faciunt etiã sathanica iactantia, & superbia languere. Quisquis ergo Metropolitanorum post hanc sanctæ, & uniuersalis Synodi defensionem eadem audacia uel superbia, & contemptu abusus non perse cum timore, & alacritate, seu conscientia bona, debita ministeria in propria ciuitate, sed per suffraganeos episcopos suos efficere tentauerit, pœnas exoluat coram proprio Patriarcha, & aut corrigatur, aut deponatur, hæc synodus. Sed ego sum egregie ineptus qui cum sacra. scriptura hoc unum præcipiat, concilia nihil aliud fanciant, sacri doctores ad hoc unum exhortentur, uim nunc omnia in unum cogere, quasi nunc potius sint episcopi Christo obsecuturi. Vtcunq; tamen hoc cesserit, iuuabit me nullum noui mouisse lapidem, ut ob oculos hoc libello illis posuisse ad quid teneantur, ne causari possint, nihil de residentia præcipi. Sed ad alia transeamus.

Audi nunc pater obseruatissime, quid in Africa obseruauerint & legibus sancierint ecclesiæ Carthaginæ. ut in omnibus orbis partibus incognitam, & ignoratam intelligas nouam hanc opinionem. canon. 6. con. Carthaginensis primi. Nicasius episcopus Culusitahus dixit, credo placere suggestionem meã sanctitati uestre, & displicere uobis, ut qui seruiunt Deo, & annexi sunt clero, nunc accedant ad actus seu administrationem, uel procurationem domorum. Gratus episcopus dixit. Et apostolorum statuta sunt quæ dicunt, Nemo militans deo ingerit se ne

goti s secularibus. Proinde aut clerici sint sine actionibus domorū, & aut actores sine officio clericorū. Vniuersi dixerunt hoc obseruemus, nunc uero contrariū putant nostri epi præceptum a sacra scriptura, ita omnes aliena curant, & sua negligunt.

Item in eodem concilio cano. 8. Cauetur ne implicati negotijs secularibus ordinentur clerici.

Item canon primus concilii Carthaginensis quarti sic habet. Qui Episcopus ordinandus est, antea examinetur si natus sit prudens, si docilis, si moribus temperatus, si uita castus, si sobrius, si semper suis negotijs cauens, si humilis, si affabilis, si misericors, si literatus, si in lege Domini instructus, si in scripturarum sensibus cautus, si in dogmatibus exercitatus, & ante omnia si fidei documenta uerbis simplicibus asserat, id est, patrem, & filium, & spiritum Sanctum, &c. Quærendam etiam ab eo, si noui, & ueteris testamenti, id est, legis & prophetarum, & apostolorum unum eundemque credat authorem, & Deum. Si diabolus non per conditionem, sed per arbitrium factus sit malus hætenus synodus. an hæc omnia nunc postulentur a futuro episcopo his nostris perditis temporibus, & an illis hæc requirerent, ut post ociaretur in curiis, & aulis principū christianus lector poterit expendere.

Item in eodem concilio. can. 14. Sic habetur. Episcopus non longe ab ecclesia hospicium habeat.

Item canon. 15. eiusdem concilij hæc cōtinet, ut episcopus uileni suppellectilem, & mensam ac uictum pauperem habeat, & dignitatis suæ autoritatem fide, & meritis quærat.

Item in canone. 17. eiusdem concilij hæc habentur uerba. Episcopus gubernationem uiduarum, pupillorum, ac peregrinorū non per seipsum, sed per archipresbyterum, aut archidiaconum agat. si hæc tam sancta iubetur per alium negotiari ne episcopus ab ecclesia discedat, quid censet illos facturos si audirēt, quæ nunc allegantur, ut Romæ episcopi perpetuo uersentur, ne uile scat, scilicet curia pontificis, ne desit cardinalibus ante ambulones? o tempora, o mores.

Item canon sequens in eodem concilio sic habet. Episcopus uitio nem testamentorum non suscipiat.

Item canon. 19. eiusdem concilij. Episcopus non prouocatus pro rebus transitorijs, non litiget.

Itē cano. 20. ibidē, Eps nullā rei familiaris curā ad se reuocet, sed

sed ut lectioni, & orationi, & uerbis dei prædicationi tantummodo uacet. hæc canon. Quid nunc iubent qui episcopos abesse uolunt à suis ecclesijs, ut hæc omnia somnium arbitrentur, & querant mundi negotia, & alia quæ pudet dicere?

Item canon. 31. eiusdem concilij carthaginen. episcopus rebus ecclesiæ tanquā cōmendatis, non tanquam proprijs utatur.

Item canon. 33. eiusdem concilij. Episcopi uel præ/byteri si causa uisendæ ecclesiæ alterius episcopi ad ecclesiam uenerint, & in gradu suo suscipiantur & tam ad uerbum faciendum, quam ad oblationem consecrandam inuitentur.

Item canon. 3. In concilio carthaginen. 3. sic habet. Nulli episcopo sit facultas, relicta principali cathedra ad aliquā ecclesiam in diocēsi constitutam se conferre, uel in re propria diutius quā oportet, constitutum, curam, uel frequentationē propriæ cathedræ negligere. penes te sit lector in hac causa iudiciū, si ad aliam ecclesiam, deserta propria non licet accedere, licebit per regiones separatas, & principum aulas uersari?

Veniamus nunc ad ecclesias Hispaniarum quæ olim Toleti ad extirpandam hæresim arrianam & statuendam christianæ legis obseruantiam non infrequenter cōgebantur.

Et primo hanc nostram sententiam summopere iuuant patres secundi concilij Toletani. qui in canone secundo post alia docent, quō necesse sit episcopum prædicare, & ab alijs curis cessare ne quos sub regiminis cura tuetur, fame uerbi Dei perire sinat.

Deinde est in concilio Toletano. 4. canon. 24. In hac forma uerborum.

Ignorantia mater cunctorum errorum, maxime in sacerdotibus Dei euitanda est, qui officium docendi, in populo dei susceperunt, sacerdotes. n. legere sanctas scripturas frequenter admonet Paulus dicens ad Timo. attēde lectioni & exhortationi. Sciant ergo sacerdotes scripturas sanctas, & canones meditentur. Omne opus eorum in prædicatione diuina & doctrina consistat atq; ædificent cunctos tam fidei, scientia quā operum disciplina. Hæc omnia sanctissime quidem constituta eadem facilitate qua laudantur contemnuntur, & ad solos mercenarios deriuantur.

Item canon. 31. eiusdem concilij. Episcopi (quibus hæc cura à deo inposita est) dum conspiciunt iudices, ac potentes, pauperum oppressores existere, prius eos sa-

DE RESID.

cerdotali admonitione redarguant, & si contempserint emendari, eorum insolentiam regis auribus intiment, ut quos sacerdotalis admonitio non flectit ad iustitiã, regalis potestas ab improbitate coerceat. si quis episcoporum id neglexerit, cõcilio erit reus.

Item canon. 32. eiusdem concilij. Auaritia radix est cunctorum malorum cuius sitis etiam sacerdotum mentes obtinet, ideo constitutum est à præsentì concilio suas episcopos diocèses ita regere, ut nihil ex earum iure præsumant auferre. Sed iuxta priorum authoritatem conciliorum tam de oblationibus quàm de decimis, tributis, ac frugibus tertiam consequantur, ut cõcessa à fidelibus in Christi & martyrum honorem, ipsorum episcoporum parrochijs, intacta maneant. Item canon. 35. in eodem concilio. Episcopos per cunctas diocèses parochiasque suas, per singulos annos ire oportet ut exquirant quo unaquæque basilica in reparatione sui indigeat. Quod si ipse aut languore, aut alijs occupationibus implicatus id explere nequiverit, presbyteros probabiles, aut diaconos mittat, qui & redditus basilicarum & reparationes, & ministrantium vitam inquirant. hæc synodus, quam auide accipituri sunt huius canonis occasionem, qui sibi uiuere cupiunt ex alienis sudoribus. Sed non est cur sibi blandiantur, hic iubentur peregrinari, sed intra episcopatum, & in hac re admittitur procurator, dum tamen ipse impeditus sit, non absentia in curijs, & aulis, sed morbo.

Postremo, munus episcoporum quale sit docent patres in concilio Toletano. 17. congregati, qui in canone secundo in hunc modum illud describunt. Quantum qui præcelsi culminis obtinet locum, tantum necesse est præcedat ceteros gratia meritorum ut in eo, quod præsidet singulis, singulariter ornetur eminentia sanctitatis, habens semper & in ore gladium ueritatis & in opere efficaciam luminis, ut iuxta Paulum potens sit exhortari in doctrina sana & contradicentes relincere.

Nos proinde nostri ordinis gradum, uel suscepti regiminis modum magnopere cogitare debemus, ut qui officium prædicationis suscepimus, nullis curis à diuina lectione priuemur. Nam quorundam mentes pontificum ita corporis ocio à lectionis gratia secluduntur, ut quid doctrinæ gregibus subditis exhibeat, non inueniat præco mutus. insistendum ergo erit maioribus, ut quos sub regiminis cura tuerentur, fame uerbi dei petere non sinant. hæc synodus. Vide quam sollicitè commendetur prædicationis uerbi & quàm

quàm censeatur necessaria, quæ si iuxta doctrinam Pauli reponenda est loco alimentorum corporalium, cui dubium futurum est, residendum esse in suis ecclesijs?

Item est canon. 19. Synodi Elibertinæ qui & nostram confirmat sententiam habens in hunc modum,

Episcopi, præbyteri, & diaconi de locis suis negotiandi causa non discedant, nec circumeuntes provincias, quæstuosas nundinas sectentur, sanè ad uictum sibi conquirendum aut filium, aut libertum aut mercenarium, aut amicum, aut quemlibet mittant. Vides præcipi omnia potius experienda quàm abesse à proprijs ecclesijs. Quod si priuatis clericis ita est interdictum, quid censendum de episcopis?

Item est canon. 39. concilij Agathensis habes in hunc modum.

Siquis diaconus uel presbyter per tres hebdomadas ab ecclesia sua defuerit, triennio à communione suspendatur, Siquis autem in clero constitutus ab ecclesia sua diebus solennibus defuerit, id est natiuitate Domini, epiphania, pascha uel pentecoste, dum potius singularibus lucris studet, quàm seruitio dei parere, conuenit ut eidem damnationi succumbat.

Item canon. 38. eiusdem synodi.

Ciues qui superiorum solennitatum, id est paschæ, ac natalis Domini, uel pentecostes festiuitatibus cum episcopis interesse neglexerint, cum in ciuitatibus communionis, uel benedictionis accipiendæ causa positos se nosse debeant, triennio communione priuentur ecclesiæ.

Item canon. 7. synodi Tarraconen. sic habet.

Episcopi annuatim diocæsım uisitent, & basilicas destitutas restituant, &c.

Item in synodo Aurelatensi in canone sexto hoc statuitur a patribus.

Episcopus pauperibus, & infirmis qui debilitate faciente, non possunt suis manibus laborare, uictum & uestitum in quantum possibilitas habuerit, largiatur.

Item in eadem synodo canon. 13. sic habet.

Episcopus si infirmitate non fuerit impeditus, ecclesiæ, cui proximus fuerit, die dominico deesse non debet.

Item canon. 10. concilij Maguntiaci uirā sacerdotum in hunc modum describit.

Placuit sancto concilio, ut qui dicunt seculum reliquisse, & qui adhuc

adhuc seculum sectantur ita discernantur, sicut in regula clerico-
rum dictum est, his igitur lege patrum: cauetur, ut uulgari uita
seclusa mundi voluptatibus sese abstineant, non spectaculis, nō
pompis intersint, conuiuia in honesta, turpia fugiant: Hieron. ad
Nepotianum dicit. Omnium christianorum domus quasi prop-
rias amare debemus, ut cōsolatores nos in mœroribus suis po-
tius quam conuiuas in prosperis nouerint, & Isidorus, clerici ta-
men conuiuia priuata, non tantum pudica sed & sobria colant,
turpium lucrorum occupationes non appetant, amorem pecu-
nię quasi matrem cunctorum criminum fugiant, secularia officia
negotiāq; abijciant, honorum gradus per ambitionem non sub-
eant. Non vagis oculis, non infrāni lingua aut petulanti tumi-
doq; gestu incedant, sed pudorem ac verecundiam mentis sim-
plici habitu, & incessu ostēdant, obscœnitatem etiam verborum
sicut & operum penitus execrentur, viduarum ac virginum visi-
tationes frequentissimas fugiant, contubernia scēminarum, nul-
latenus appetant. Castimoniam quoque inuiolati corporis per-
petuo conseruare studeant. Senioribus quoque debitā prębeant
obedientiam. Nec vllō iactantię studio se attollant. Postremo, in
doctrina, & lectionibus, psalmis & hymnis, & canticis exercitio
iugi incumbant. Tales enim debent esse, qui diuinis cultibus se
mancipandos student exhibere, scilicet ut dum sciētię operam
dant, doctrinę gratiam populis administrent.

Item canon. 15. eiusdem synodi.

De officio prædicationis si forte episcopus non fuerit in do-
mo sua, aut infirmus est, aut aliqua causa exigente, non valuerit,
nunquam tamen desit diebus dominicis, aut festiuitatibus qui
verbum Dei prædicet, & iuxta quod intelligere vulgus potest.

Item in concilio Rhemenſi sub Leone. 3. congregato in cano-
ne. 14. quo sequitur statuitur.

Episcopi diligentius operam dent, lectioni quę diuinę incum-
bant, idest canonicis libris & opusculis patrum, & verbum dei o-
mnibus predicent.

Item in eodem cano. decimoquinto sequenti sic habetur.

Episcopi, sermones, & homilias sanctorum patrum prout o-
mnes intelligere possint, secundum proprietatem linguę prædica-
re studeant.

Est & alius canon eiusdem synodi. 17. episcopi, & abbates an-
te se ioca turpia facere non permittant, sed pauperes, & indi-
gentes

gentes secum ad mensam habeant & lectio diuina ibi personet. Et sumant cibum cum benedictione, & laude Domini secundum Apostolum, siue manducent siue bibant, omnia in laudem dei faciant.

Item in synodo Triburien canon. 27. sic habet. Semel in clero deputati, nec ad militiam, nec ad aliquam veniant dignitatem mundanam, ut in synodo Calcedonen si statutum est, ne tales sint sicut Sanctus Ildorus dixit, esse similes hippocentauris qui nec equi, nec homines, sed quasi bruta animalia libertate ac desiderio suo feruntur.

Item sunt & canones apostolorum qui non vulgariter confirmant & hanc nostram sententiam, primo est canon septimus sic habens.

Episcopus aut presbyter, aut diaconus nequaquam seculares curas adsumant, si nautem ejiciantur.

Item & canon. 57. sic habet.

Episcopus, aut presbyter qui negligentius circa clerum, aut populum agit, nec in pietate eos erudit, a communione segregator. Si vero in ea socordia perseverauerit, deponitor.

Item est etiam can. Apost. 80. In hunc modum habens. Dicimus quod non oportet episcopum, aut presbyterum publicis administrationibus se immittere, sed vacare, & commodum se exhibere usibus ecclesiasticis. Animum igitur inducito hoc non facere, aut deponitor. Nemo enim potest duobus dominis seruire iuxta preceptum dominicum.

Quibus obsecro legibus, aut decretis manifestius agere potuissent Apostoli contra pastores a suis gregibus absentes, & sui ministerij neglectores?

Vniuersos canones ueterum synodorum qui hanc veritatem, vel asstruunt, vel adiuuant in presentia recensere foret penes infinitum: Ideo consulto, ne lectorem amplius grauaremus, abstenuimus ab aliarum synodorum enumeratione. satis super quæ ex suis præscriptis explicatam habet lector synodorum sententiam, si uelit illam tenere. Veniamus nunc ad ea quæ iidem patres in proprijs scriptis non sine afflatu spiritus sancti nobis de presenti commouersia tradiderunt.

SYMMORVM PONTIFICVM DOCTRINA ET DECRE-
tis, episcoporum residentia necessaria conuinci-
tur. Cap. 8.

AVDI nunc quid ecclesię catholicę pontifices qui citat-
 tis concilijs auctoritatem, & robur dederunt, decreue-
 rint circa hanc veritatem, quam explicamus & demon-
 stramus.

Gregorius cognomento magnus, sanctus & Papa in libro Pa-
 sto. quanta eruditione, & pietate cõtendit prædictam veritatem
 demonstrare, quod & fecisse cum omnium legentium admiratio-
 ne, nemo non nouit. hic parte 2. ca. 3. post alia multa, quę de offi-
 cio episcopali docet sic habet.

Sit rector operatione præcipuus, ut uite uiam subditis uiuen-
 do denuntiet, & grex qui pastoris uocem moresq; sequitur, per
 exempla melius quam per uerba gradiatur, qui. n. loci sui necesi-
 tate exigit summa dicere, hac eadem necessitate cõpelliit summa
 monstrare. illa vox nanq; libentius auditorum corda penetrat q̃
 dicentis uita commendat, quia dum quod loquendo imperat,
 ostendendo adiuuat, ut fiat. Hinc. n. per prophetam dicitur, super
 montem excelsum ascende tu qui euangelizas Sion.

Idem capite sequenti exponens prædicta uerba Esaię sic ha-
 bet:

Præconis quippe officium suscipit, quisquis ad sacerdotium
 accedit, ut ante aduentum iudicis qui terribiliter sequitur, ipse. s.
 clamando gradiatur. Sacerdos ergo si prædicationis est nescius,
 quam clamoris uocem daturus est præcor motus? Hinc est enim
 quod super pastores primo in linguarum specie. Spiritus sanctus
 infedit, quia nimirum, quos repleuerit, de se protinus loquentes
 facit.

Idem ubi supra. c. 10. docet, quanto studio pastor inuigilare
 debet super populum suum, quanta attentione subditorum inge-
 nia obseruare debeat, ut interdum eorundem uitia prudenter
 dissimulanda sint & caute indicanda, interdum aperte cognita,
 mature toleranda, interdum salubriter, & occulte perscruta-
 tanda, interdum leuiter arguenda, interdum uehementer in-
 crepanda. Quę omnia latissime explicat id. m. author. 3. parte
 eiusdem libri, ut ex illis quilibet considerare & colligere ualeat,
 diffinitate u

difficultatem muneris episcopalis, & dicere cum ueritate ipsa, Quis putas est fidelis dispensator, & prudens, quem constituit Dominus super familiam suam, ut det illis in tpe tritici mēsurā?

Idem lib. 5. epistola 37. ad Anthonium subdiaconum:

Peruenit ad nos Pigenium Amalphicanz ciuitatis episcopū in ecclesia sua residere non esse contentum, sed foris per diuersa loca uagari, quod uidentes alij, nec ipsi in castro se retinent, sed ipsis exemplum sequentes, foris magis eligunt habitare. Idcirco hac tibi autoritate p̄cipimus, ut supradicto episcopo interminari non desinas, quatenus hoc de cætero facere non p̄sumat, sed in ecclesia sua sacerdotali more resideat, quem si forte non emendari post tuam interminationem cognoueris, in monasterio eum deputare, & nobis curabis modis omnibus indicare, ut quid facere debeas, nostra iterum p̄ceptione cognoscas.

Item lib. 4. epistola 15. summopere commendat, ut episcopi exhibeant in opere, quod designant in nomine, quia nomen pastoris non ad quietem, sed ad laborem susceperūt, &c. Quæ certum est eos absentes p̄stare non posse.

Item libro. 8. epistola. 11.

P̄latum ad nos est. R. F. nostrum Basilium Episcopum uelut unum de laicis in causis secularibus occupari, & p̄toria inutiliter obseruare. Quæ res, quoniam & ipsum uilem reddit, & reuerentiam sacerdotalem annihilat, statim ut Reuerentia tua hoc p̄ceptum susceperit, eū ita ad reuertendū districta executione compellat, quatenus ei illic te in resistēte, quinque diebus sub qua libet excusatione immorari non liceat, ne si quolibet modo eum ibidem moram habere permiseris, cum ipso apud nos grauiter incipias esse culpabilis.

Item lib. 2. Epist. 31. in qua Greg. cumanam, & Musitanam ecclesias p̄cipit esse unitas propter uicinitatē locorū, & populos parum frequentes, ut non conueniat singulos, sicut olim, h̄re sacerdotes proprios. Post alia p̄cipit nouo ep̄o, Vbi uero commodus, atq; utilius esse prospexeris, ibi habitato, ita sanē ut alterā eccl̄am cui corporaliter p̄sens non es sollicita prudentiq; cura disponas, &c. Quibus uerbis supponebat ueluti certū, q̄ ep̄s corporaliter in sua ecclesia futurus erat, & in lucrandis, & curandis animabus, perpetuo laboraturus, cum statim subdat, Fratertitas tua tanto in adoratione populi lucrandisq; animabus sollicitiori cura semper inuigilet, quāto se unitarum ecclesiarum

gubernationis onera suscepisse cognoscit. Hæc Grego. ille uere magnus, ecclesiæ latinæ, & doctor, & pastor, quæ recensui uti ex his intelligat lector, quàm ignoratum erat ante hæc ætatem, Episcopum siue Pastorem alium ecclesiasticum absentem a grege suo, posse proprio officio satisfacere, quod nec nunc arbitror ab aliquo esse intellectum. Sed qui absunt uolentes, & scientes rei impossibilitatem, malum magis abesse, & in delicijs agere, quàm præsentibus fastidia muneris pastoralis deuorare.

Ex Epistola Euaristi Papæ.

Episcopum uero oportet opportune, atque sine intermissione ecclesiam suam docere, eamque prudenter regere, & amare, ut a uitijs se absteat & salutem consequi possit æternam.

Non incongrue ponemus inter decreta patrum, & Gregorij. xj. factum, & Valentiniani Christiani Imperatoris iudicium. Hic (ut fertur in historia tripartita) instante electione Episcopi Mediolanensis sic plebem, & clerum est allocutus. Nostis aperte, eruditi utique diuinis eloquijs, qualem oporteat esse Pontificem & quod non deceat eum uerbo solum, sed etiam uita gubernare subiectos, & totius semetipsum imitorem uirtutis ostendere, testemque doctrinæ conuersationem bonam habere. Talem itaque in pontificali constituite sede, cui & nos, qui gubernamus imperium, sincere nostra capita summittamus, & eius monita, dum tanquam homines deliquerimus, necessario ueluti curantis medicamenta suscipiamus. Hæc Cæsar.

Ille uero Romam ex Gallia transtulit pontificiam, sedem motus ex uerbis cuiusdam Episcopi, qui interrogatus à Pontifice (dum simul inambularent) cur non rediret ad ecclesiam suam, quàm malum erat illam sine pastore nudam relinqui. Cur, inquit tu summus Pontifex cæteris exemplum daturus tuum episcopatum non repetis? Quæ uerba adeo eum commouerunt, ut eis auditis continuo decreuerit ex Auinione Romam migrare, quod, & fecit. Hæc duo in medium adduxi, ut uideat Christianus lector, quod semper ab exordio ecclesiæ fuerit communis animi cõceptio inter fideles cuiusuis ordinis, Pastores ecclesiasticos maxime omnium episcopus præsentibus esse debere in suis ecclesijs.

Deinde etiam confirmatur hæc ueritas nonnullis regulis quas iuris appellant canonistæ, & iurisperiti.

Primo dicit lex. C. de cadu. tollen. non est ferendus, qui lucrū amplectitur, onus autem subire recusat.

Hinc

Hinc regula iuris. Qui sentit onus, sentire debet, & commodum, & e contra, qui non sentit onus, non sentiat, & commodum.

Est & alia desumpta ex Gregorio in registro.

Non potest esse pastoris excusatio, si lupus oves comedit, & pastor nescit. Quæ regulæ satis aperte ostendunt, q̃ vniuersa iura ciuilia, & canonica damnant absentes Pastores & presentes ociosos, qui cum reportent suorum officiorum commodum, nec uelint nec possint absentes sentire eorundem officiorum onera.

Præterea alia etiam uia probatur hæc nostra sententia.

Nam hoc uisum est tenere ab initio ecclesia Romana, quæ caput est reliquarum ecclesiarum & leges tulit Christi fidelibus. Ea autem uisum est ab initio & nunc et uisum, ut si quando contingat assumi aliquem ep̃m ad officium Cardinalatus, absoluat à uinculo, quo tenebatur ecclesiæ suæ. Ratio est, quoniam Cardinalis ex officio tenetur manere Romæ; Si uero ep̃s ex officio non teneretur manere in ecclesia sua, non erat absoluendus, sed cum uinculo ecclesiæ suæ erat assumendus, ad officium Cardinalis, quod tamen non fit, ne ad duo incompatibilia assumat simul eadem persona, ut patet ex ceremoniali Roma. Sect. 8. c. 1. Vbi forma creandi Cardinalem sic habet. N. episcopum Firmanum absoluiimus ab uinculo quo tenebatur ecclesiæ sue Firmanensi, & ipsum assumimus in sanctæ Romane ecclesiæ presbyterum Cardinalem. Ergo signum est certum quod episcopus tenetur manere in ecclesia sua.

Confirmatur ex usu eiusdem ecclesiæ, quoniam assumpto aliquo ecclesiæ ministro ad Cardinaliū censetur uacare omnia beneficia que habebat ante assumptionem. quare Pontifex solet cum illis dispensare in retentione beneficiorum, ut patet ex eodẽ ceremoniali. Sect. 8. c. 9. ubi sic habet, & quoniam in assumptione ad Cardinalatum censent omnia beneficia promoti uacare, consuevit Pontifex per litteras ap̃licas ad partem dispensare cum promoti, ut omnia beneficia que obtinebat retineat, & decernere illa non vacare, si secundum iura esset composibilis Cardinalatus cum alio ministerio ecclesiastico, non opus haberet dispensatione.

Secundo confirmatur, quoniam si contingat q̃ Cardinalis aliquis eligatur episcopus secundum iura cano. non erat confirmanda eius electio, sed infirmenda & extinguenda, siquidem manere debeat Rome ex munere Cardinalatus. nam si relicta Roma suæ uelit presens adesse ecclesiæ, non est cur dubitemus quin possit

episcopus creari qui est Cardinalis, utrunque patet ex. c. bonæ. de posu. prælat. quo. c. postu. est ad curam pastorem Cardinalis quidam & extinguitur eius postulatio quia erat impeditus officio Cardinalatus, & ex. c. ecclesia uestra in 2. de elect. quoniam manens Romæ, ut Card. manere debet, impeditur ab administratione suæ ecclesiæ. Ergo tenetur illi presens inferuire. Alioquin iniuste extinguitur electio Cardina. cum sit canonica, & de uiro idoneo, nec impedito incompatibiliter, si episcopus non teneatur perpetuo manere in sua ecclesia & c. Hinc credo dixisse patres illos delegatos à Paulo. 3. Pont. Max. ut tractarent de reformatione ecclesiæ uniuersalis, abusum hunc inualuisse in curia, ut Reuerendissimis Cardinalibus episcopatus conferantur, seu commendentur, nec unus tantum, sed plures. Quem abusum verissime dixerunt esse magni momenti in ecclesia dei, quia officium Cardinalatus, & officium Episcopi sunt incompatibilia, quod uere & sancte dixerunt.

Hanc eandem sententiam probat multo fusius & doctius Damasus papa in Epistol. 4. quæ damnat corepiscopos in ecclesia, deinde & episcopos, qui propter suam quietem corepiscopis suas plebes committere non formidabant. Quos hisce rationibus damnat.

Primo quia curam sibi a deo commissam negligant, cū dominus dicat: Bonus pastor animam suam ponit & c.

Secundo quia episcopi talia præsumentes, videntur similes meretricibus, quæ statim ut pariunt, infantes suos alijs nutricibus tradunt educandos, ut suam citius libidinem explere ualeant. Sic & isti infantes suos, id est, populos sibi commissos alijs educandos tradunt, ut suas libidines expleant, id est, ut pro suo libitu secularibus curis inhiant, & quod unicuique uisum fuerit, agant. pro talibus animæ negligantur, oues pereunt, morbi crescunt, hæreses, & schismata prodeunt, ecclesiæ destruuntur, sacerdotes uitiantur. & reliqua mala proueniunt. non taliter dominus docuit, nec apostoli instituerunt, sed ipsi, qui curam suscipiunt, ipsi peragant, & ipsi proprios manipulos domino representent & c.

Tertio arguit ex facto Iacob Patriarchæ, qui postquam pro uxoris diu seruierat, dixit Laban socero suo. uiginti annis fui tecum, oues tuæ, & capræ steriles non fuerunt, arietes gregis tui non comedi, nec caprum à bestia ostendi tibi, diu noctuq;

astu

æstu vrgebar, & gelu, fugiebat somnus ab oculis meis &cete. Si ergo sic laborat, & vigilat, qui pascit oues Laban, quanto labori quantisque vigilijs debet intendere, qui pascit oues dei? Sed in his omnibus ipse nos instruat, qui dedit pro ouibus suis animam suam. Hæc Damasus papa. Quis episcopus absens a suis ouibus ualebit similia dicere patri cœlesti, a quo accepit oues pascendas? Nullus ut opinor. Audi quid in hæc uerba scribat Chryso. in Gene. hom. 37. Vidisti pastoris vigilantiam? Vidisti intentum studium? Qualem habebunt excusationem hi, quibus rationales greges crediti sunt, & magnam præ se ferunt negligentiam, & quotidie iuxta Prophetam pecudes alias manducant, alias a bestiis captas contemnunt, alias uero ab alijs rapas reducere non curant? Vide enim (inquit) die urebar æstu, & nocte gelu, & discedebat somnus ab oculis meis. Quis hæc nunc potest dicere, quod propter eos, quos pascit, tot ferat labores & pericula? Et hoc quidem nunc nullus dicere audet, Paulo autem soli licebat hoc fidenter dicere, atque his maiora, quis infirmatur, & ego non infirmor? Quis scandalizatur, & ego non uoror? ò pastoris dilectionem indulgentissimam. Alienæ ruinæ meos dolores augment. Aliena scandala fornacem doloris mei succendunt. Hunc omnes imitentur, quibus rationales oues concredite sunt, & ne deteriores fiant, hic qui tante in brutis pecudibus custodiendis uigilantiæ fuit, idq; tot annorum numero, & illic quidem si in curia quadam occidens, nullum damnum, hic autem si ouis rationalis perierit, uel a bestia fuerit capta, graue damnum, maximum detrimentum, ineffabilis pœna. Nam si dominus noster sanguinem suum effundere pro illa non declinauit, quæ uenia dignus fuerit, qui sic honoratâ a domino despicere uoluerit, & non omnia quæ potest in curanda ouicula adimpleuerit?

Item Gregorius super Ezechiel. hom. 11. super illud. Sanguinem eius de manu speculatoris requiram &c. Pensandû est, quantum sibi connexa sunt peccata subditorum, atque præposito rum, quia ubi subiectus ex sua culpa moritur, ibi is, qui preest, quoniam tacuit, reus mortis tenetur. Et si quando uos fratres ad iniquitatem deflueris, etiam ex nostro reatu, hoc est, quod obfistetes atque reclamantes in prauis desiderijs non habetis. Vobis ergo & nobis parcitis, si à prauo opere cessastis, uobis & nobis parcimus, quando hoc quod displicet, non tacemus. O quam libera

ber à commissorum sibi sanguine fuerat prædicator egregius, qui dicebat, Mundus sum à sanguine omnium, Non enim subterfugi quominus annunciarer omne consilium dei vobis &c. Si enim non annunciasset, mundus à sanguine non esset, sed quibus omne cōsilium Dei annunciare studuit, ab eorum sanguine mundus fuit. In qua uoce nos convenimur, nos constringimur, nos rei esse ostendimur, qui sacerdotes vocamur, qui super ea mala quæ propria habemus, alienas quoq; mortes addimus, quia tot occidimus, quot ad mortem ire quotidie tepidi tacentes uideamus. Cum uero dicitur, sanguinem eius de manu tua requiram, si hoc in loco sanguinis nomine mors corporalis designatur, ualde nobis de nostro silentio augetur metus, quia si in subiectis suis, is qui prælatus ad speculandum est, & de monte corporis quandoq; morituri tam grauitet reus tenetur, quo reatu de morte animæ, subiecti cōstringitur, quæ potuisset semper uiuere, si uerba correctionis audisset? Sanguis ergo morientis, de manu speculatoris requiritur, quia peccatum subditi, culpa esse præpositi si tacuerit, reputatur. Est ergo quod faciat, ut etiam moriente subdito se liberum reddat, surgat, inuigilet, malis actibus contradicat. Tunc enim subiectus moritur sine te, quando in causa mortis contradicteorem pertulerit te. Nam morti cui non contradicis, adiungaris. Hæc Grego. Papa.

Hæc adeo plana sunt, si Gregorio & sancto Pontefi. summo, & ecclesiæ doctori, adhibere, quis uelit fidem ut. tergiuersationi nequaquam sit locus.

SANCTORVM PATRVM DOCTRINA RESIDEN-

tia episcoporum demonstratur necessaria. Cap. 9

HANC sententiam tradiderunt nobis omnes patres ecclesiæ primo Clemens Papā epistola 3. in principio. Oportet fratres omnes doctores, qui ad salutem animarum instituti sunt, & ad lucrandas animas episcopi sunt consecrati, pro cunctis sollicitudinem gerere, & errantes ad uiam ueritatis, & ad portam salutis reducere.

Item Hic. Tom. 2. in epistola ad Oceanum, ubi explicans uerba Pauli ad Tir. Oportet episcopum sine crimine esse &c. describit qualem oportet esse episcopum. In euangelio, & futuri pastoris longa oratione uitam deliniat quam separatus pastor ab ouibus

bus uidere, nulla ratione potest, ad quem librum remitto lectori, ut ex illo probet uel improbet sententiam nostram.

Item ad Paulinum: Officium pastorum est esse dispensatores, Græce œconomos mysteriorum Dei & doctrinæ mysticæ, iuxta illud. Sic nos existimet homo ut ministros Christi & dispensatores mysteriorum Dei.

Quis non uidet hæc requirere præsentem episcopum quæ per absentem exerceri minime possunt? In commentarijs Ephe. 4. in hæc uerba dedit alios Apostolos, alios prophetas, alios pastores & doctores. Hiero. sic habet. non dixit Apostolus Paulus alios pastores, & alios doctores, sicut dixerat, alios Apostolos, alios prophetas, sed alios pastores & doctores, indicans non esse diuersos pastores, & doctores, sed quod idem est in ecclesia pastor, qui & doctor. Cū ergo absens nō possit esse doctor, ergo nec pastor.

Hoc idem sentit Augustinus in epistola. 58. respondens Paulino querenti quæ esset differentia inter pastores & doctores, eo quod præpositis ecclesiæ utrunq; nomen adscriberetur. Cui Augustinus ubi supra. q. 4. sic respondet, Pastores autem & doctores, quos maxime ut discernere uoluisti, eosdem puto esse sicut & tibi uisum est, ut non alios pastores, alios doctores, intelligamus. Ideo cum prædixit pastores. subiunxit doctores, ut intelligant pastores, ad officium suum pertinere doctrinam.

Sed & Nicolaus papa primus, cuius decreta extant in .2. Tomo cōciliorū, de pastoribus q & doctores esse deberēt, sic dicit.

Episcopis dispensatio cœlestis seminis iniuncta est. Væ si non sparserint. Væ si tacuerint, sicut uas electionis formidat, & clamat. Si euangelizauero non est mihi gloria, necessitas .n. mihi incumbit. Væ .n. mihi est, si non euangelizauero. Si .n. uolens hoc ago, mercedem habeo, si aut inuitus, dispensatio mihi credita est.

Quo circa idem Nicolaus post pauca subiunxit.

Episcopos uero, qui dominici gregis suscipiunt curam, atq; solitudinem, ab administratione eorum discedere nō oportet, ut accepti talenti pulchritudo nō deleatur, sed certamen eorum salubriter augeatur, & triplicatur fructus. Hæc ille.

Enimuero, qui à gregibus suis discedunt pastores qui uelut canes latratibus abigere ab ouibus lupos non curant, se ipsos & oues perdunt. Si euangelizauero (dicebat Paulus) mercedem habeo, mercedem quidem non tantum æternam, sed & temporalem. Quis militat (eodem cap. dicebat Apostolus) suis stipendijs

dijs unquam? Quis plantat uineam, & de fructu eius non ediet? Quis pascit gregem, & de lacte gregis non manducat? ergo qui non plant uineam, immo qui ut aper de sylua, eam exterminat, quo iure eius fructu uescetur? Qui gregem non modo non pascit, sed maciat & perdit, quomodo de gregis lacte manducabit? Qui non laborat (inquit Apostolus) non manducet. Hoc idem in lib. de pastoribus cap. 10. asserit Augustinus, ubi aperte indicat, & episcopi, qui non laborant in prædicatione uerbi, non percipiebant fructus ex ouibus. Ibi loquens de malis pastoribus, qui prædicantes legem operantur contra illam, dicit. Non uos (loquens ad populum) ipsi pastores mali pascunt, sed Deus, quia uelint nolite, pastores, ut perueniant ad lac & lanam, uerba Dei dicturi sunt. Hæc Augustinus. Quibus uerbis indicat quod percepturi lac & lanam ex ouibus, debent necessario uerbum Dei prædicare. Sed & Vt ouibus si pastorem non habeant, qui pascuis uberrimis diuini uerbi eas pascat. Qui cum errantes uiderit, reducat, & ad salutis uiam ducat oues; qui ita inuigilent custodiantque; uigilias noctis super gregem suum, ita assiduis latratibus circuncænt gregem, ut non modo non maciet, sed nec grassari audeat lupo. At si pascua non habeant oues, unde illis lac ut nutrire possint pastorem? Si proprijs ob pastoris culpam expoliantur pelliculis, unde illis lana ut calefaciant episcopum? Si denique pastoris somnolentia grex luporum est esca, unde ouibus scetus ut ipsum cibare possint? Mercedem denique, suam, suasque oues mali pastores perdunt. Vnde Augustinus in lib. de pastoribus. ca. 8. ubi optime distinguit bonum à malo pastore, post alia subiungit. Audi quid sentit de ista negligentia malorum uel falsorum pastorum. Et dispersæ sunt oues mez eo quod non sit pastor, & factæ sunt in deuorationem omnibus bestijs agri. furantur lupi insidiantes, rapiunt leones frementes cum oues non hærent pastori. Hæc ille. Sed quomodo possunt hære illis, si per aulas Cæsarum uagantur? Si fugiunt ab ipsis pastores, quid non insequentur gregem leones? Quid non inuadent ipsum rapaces lupi cæteraque; bestię agri, ut morsu amarissimo deuoret eum? Si pace composita pastores oues deserunt, tempore persecutionis, quonam comparebunt? Cum & tanto astringantur uinculo, ut persecutionis etiam tempore ipsi discere ab ouibus minime liceat, Sed uelut ille bonus pastor (si opus est) animas suas pro ouibus suis ponant? Qua de re Nicolaus ille Pontifex ubi supra, cuidam episcopo sciscitanti, tempore

rene persecutionis suas posset deferere oues, respondet sic.

Sciscitatis, utrum cum a Normānis, ab episcopo depellaris, debeas de cetero in monasterio conuersari. In quo scias charissime frater, quod sicut perniciosum est proreptam in tranquillitate nauim deferere, quanto magis in fluctibus? Vbi non dicimus quod persecutorum non fugiamus insidias (maxime pagānorum) cum ad tempus sciuunt, & ob multitudinem delictorū nostrorum nocendi facultatem diuinitus assequuntur, præsertim cū eis prodire ultro non debeamus, & multos prophetas, & Apostolos, ipsum quoque dominum huiusmodi fugisse insecutores. lucē clarius constet, Sed quæ præcipue nos, qui tanquam arietes ductum gregibus præbemus, immo qui, & horum pastores sumus (Deo auctore) cū eis in periculis pro uiribus persistere pro cetero conueniat. Et cum tranquillitas reddita diuina fuerit pietate, sopitaque furentium infestatio, mox gregem perquirere, & in unum colligere, & eius animos cœlesti patriæ ac securitate prædicata, erigere debemus. Hæc Nicolaus Papa.

Item Augustinus epistola 180. ad Honoratum explicans, quādo & quomodo fugiendum in persecutione, & quibus, & quando non liceat episcopis fugere imminente periculo persecutionis, docet illic inter alia, quod quando est barbaricus, & hostilis incurfus, licet quidem fugere, sed his quos ecclesiastici officii non tenent, uincula. Hæc Augustinus.

Item in eadem Epistola idem Augustinus sic dicit. Recolimus uerba dicentis. Cum persequantur uos in ciuitate ista, fugite in aliam, &c. Tunc de locis in quibus sumus permeante persecutione Christi ministris licet, quādo ubi aut plebs Christi non fuerit, aut potest impleri per alios necessarium ministerium, quibus non est eadem causa fugiendi, sicuti in sporta submissus fugit Paulus cum à persecutione propter ipse quæreretur. Alijs atque necessitatem similem non habentibus, a quibus illic, absit ut defereretur ministeriū ecclesiæ, sicut fugit Athanasius Alexandrinus episcopus, cum eum specialiter apprehendere Constantius cuperet imperator, nequaquam à ceteris ministris desertæ plebe catholica, quæ in Alexandria commanebat. Quoniam quæ igitur sic fugit, ut ecclesiæ necessarium ministerium illud fugiente non desit, quod dominus præcepit, siue permittit. Qui autem sic fugit ut gregi Christi ea, quibus specialiter uiuit, alimenta subtrahantur, mercenarius ille est, qui uidet lūpū uenientem,

& fugit, quoniam non est ei cura de ouibus. Hæc Augustinus, Huic sententiæ subscripsit S. Tho. 2.2. q. 185. Arti. 5. ubi allegat decretum Nicolai Papæ, & quæ dicebamus ex Augustino.

Item Bernardus de persecutione sustinenda ca. 34. declarans illud domini. Mercenarius uidet lupum uenientem, & fugit, &c. sic dicit. Utinam hodie quicunque pastores non sunt, mercenarios gregi uellent se exhibere, non lupos, utinam ipsi non læderent. Utinam non fugerent nemine persequente, utinam non ponerent gregem donec lupo ueniens uideretur. Nimirum sustinendi fuerant, si inuenirentur præsertim tēpore pacis recipiētes mercedem suam, ut pro mercede sua saltem in custodia gregis laborantes, dummodo non ipsi turbarent gregem, & gratis auerterent à pascuis iustitiæ, & ueritatis. Nam persecutio quidē indubitanter mercenarios à pastoribus segregat, & discernit. Quando enim transitoria damna non timeat, qui temporalia luera sectatur? Quando terrenam sustineat persecutionē propter iustitiam, qui terrenam mercedem plusquam iustitiam querit?

Audi & alium testem non minoris fidei. Ambro. qui in lib. de dign. sacerdo. c. 3. post alia sic habet.

Hæc uero cūcta fratres ideo nos permisisse cognoscere debetis, ut ostenderemus nihil esse in hoc seclūso excellentius sacerdotibus, nihil sublimius episcopis reperiitū, & cum dignitatem episcopatus, eiscoporum oculis demonstramus, & digne noscāmus quid sumus, & quid sumus professione, actione potius quam nomine demonstramus, ut nomen congruat actioni, actio respondeat nomini, ne sit nomen inane, & crimen immane, & post pauca. Sic episcopum non aliud nisi episcopalis opera designat, ut ex bono opere magis, quam professione noscatur episcopus.

Idem cap. 6. ubi supra de officio episcopi.

Oculorum etiam in corpore officium, id est, in ecclesia, uoluntarius accepisti, ut reliquum per te corpus ducatum lucis haberet. Episcopus enim a cūctis indubitanter uocaris, præsertim cū ipso nomine censeris, Si tamen actio concordet nomini, & nomen se societ actioni. Nam quid aliud interpretatur episcopus, nisi superinspector, maxime cum solio in ecclesia editione resideat, & ita cunctos respiciat, ut & cūctorum oculi in ipsum respiciant?

Idem libro 2. de Abraham. cap. 6.

Pastores

Pastores sunt magistri gregum, uel diligentes, & sobrij non finentes agrorum culta obteri pedis ue stigio, atq; à duris sentibus, uel negligentes & remissi, qui non reuocēt pecus suum, quo herbo sa, & non fructuosa pascatur, sed libere uagari per uarios agri fructus sinant. Hæc Ambrosius.

Eiusdem ueritatis catholicæ & alter testis accedat omni exceptione maior Bernardus in libro de consi. ad Euge. Et in declam. de uerbis Petri. Ecce nos reliquimus omnia, &c. Summo opere urget hoc argumentum de ministerio & residentia pastorum ecclesiæ. in declamatione sic habet.

Tam qui per Christum sibi in sortem ministerij huius introisse uidetur, de cætero quemadmodum ei seruiat, quemadmodum ministret, quemadmodum pascat, tripliciter, exemplo conuersationis, uerbo prædicationis, fructu orationis, gregem domini, solita secum examinatione discutiat. indignus enim lacte & lana conuincitur, si non pascat oues, si non uigilat in custodia gregis, iudicium sibi manducet & uestit. Væ, uæ, tibi clerice, Mors in olla, mors in olla, mors in ollis carniū, mors in huiusmodi delitijs est. non modo quia secus introitum delectationis posita esse cognoscitur, sed ob id maxime, quia populi cōstat esse peccata, quæ comedis. Sumptus ecclesiasticos gratis habere te reputas? Cantando (ut aiunt) tibi provenire uidentur, Sed bonum erat etiam fodere, aut manducare. Peccata enim populi comedis, ac si propria tibi minus sufficere uiderentur. Sollicitus esto, tanquam rediturus rationem pro eis, gemitus fundere, dignos agere pœnitentiæ fructus, alioquin tibi noueris ea imputanda, quæ modo inter delicias comedis, & paruipendis, & dissimulas tanquam nihil ætinentia tibi. ò iudiciorū Dei abyssus multa. ò terribilis Deus in consilijs super filiis hominum. frustra tunc incipient miseri dicere mōtibus, cadite super nos, & collibus operite nos. Venient, uenient ante tribunal Christi, audietur populorum querela grauis, accusatio dura. quorum uixere stipendijs, nec diluere peccata, à quibus facti sunt duces cæci, fraudulentī mediatores. Quid tibi insipiens delitiæ sapiunt? Quia diuitiæ illæ cæcos delectant oculos, quibus mercaris tam graue iudicium, tam duræ temetipsum obligas rationi? Vniuersa siquidem usq; ad quadrantem nouissimum exigeris.

Idem sermo. 3. de Aduentu Domini.

Longe tamen grauiori & periculosiori debito tenentur adstri

Et, si qui pro multis animabus reddituri sunt rationem. Quid ego infelix? quò me uertam si tantum Thesaurum, si pretiosum depositum istud, quod sibi Christus, sanguine proprio pretiosius iudicauit, conigerit negligenter custodire? Si stillantem in cruce domini sanguinem collegissem. esset repositus penes me in uase uitreo, quod & portari sapius oporteret, quid animi habiturus essem in discrimine tanto? Et certe id seruandum accepi, pro quo mercator non insipiens (ipsa utiq; sapientia) sanguinem illum dedit. Sed & habeo thesaurum istud in uasis fictilibus, & quibus multo plura quam uitreis imminere pericula uideantur. Accedit sanè ad sollicitudinis cumulum & pondus timoris, quod cum & meam, & proximi conscientiam seruare necesse sit, neutra mihi satis est nota. Vtraq; abyssus est imperscrutabilis. Vtraq; mihi nox est, & nihilominus exigitur à me utriusq; custodia, & clamatur. Custos qui de nocte. Cum stes qui de nocte. Non est mihi dicere cum Caim. Nunquid custos fratris mei sum ego. Sed est fateri humiliter cum Propheta. Quia nisi dominus custodiret ciuitatem, frustra uigilat qui custodit eam. *Illo in eam non est uigilantia*

Idem in Psal. Qui habitat. Sermo. 6.

Ipsa quoq; ecclesiasticæ dignitatis officia in turpem questum & tenebrarum negotium transiere, nec in his salus animarum, sed luxu quæritur diuitiarum. Propter hoc tenduntur, propter hoc frequentant ecclesias, missas celebrant, psalmos decantant. Pro episcopatibus, & Archiepiscopatibus, Abbatibus alijsq; dignitatibus impudenter hodie decertatur, ut ecclesiarum redditus in superfluitatis & uanitatis usus dissipentur. *in illis non est uigilantia*

Idem Sermo. 77. Super Canti,

Non omnes sunt amici sponsi, quos hodie sponsæ hinc inde assistere cernis, & qui (ut uulgo aiunt) eam quasi addextera uidentur. Pauci admodum sunt, qui non quæ sua sunt quarant ex omnibus charis eius. Diligunt munera, nec possunt pariter diligere Christum, quia manus dederunt mammonæ. Intuere quomodo incedunt nitidi & ornati circumamicti uarietatibus, tanquam sponsa procedens de Thalamo suo. Nonne si quempiam talium repente eminus procedentem aspexeris, sponsam potius putabis, quam sponsæ custodem? Vnde uero hanc illis exuberare existimas rerum affluentiam, uestium splendorem, mensarum luxuriam, congeriem uasorum argenteorum & aureorum, nisi de bonis sponsæ? Inde est quòd illa pauper, & inops, & nuda relinquitur,

tur, facie miseranda, inculta, hispida, exangui, Propter hoc non est, hoc tempore ornare sponsam; sed spoliare, non est custodire, sed perdere, non est defendere, sed exponere, non est instituire, sed prostituere, non est pascere gregem, sed mactare & deuorare. Dicente de illis domino. Quid deuorant plebem meam ut cibum paupis, & quia comederunt iacob, & locum eius desolauerunt. Et in alio Propheta. Peccata populi mei comedent, quasi dicat. Peccatorum pretia exigunt, & peccantibus debitam sollicitudinem non impendunt. Quem dabis mihi de numero prepositorum, qui non plus inuigilet subditorum euacuandis marsupijs, quam uitijis extirpandis? Vbi qui orando flebat iram, qui pradicet annum placibilem domino? Leuiores loquimur, grauiora, grauius inane iudicium. Sine causa tamē uel his, uel illis immoramur, quia non audiunt nos, Sed & si literis forsitan mandentur ista quæ dicimus, dedignabuntur legere, aut si forte legerunt, mihi indignabuntur, quamuis rectius si hoc facerent. Propterea relinquamus istos non inuentores sponsæ, sed uenditores, & inquiramus potius illos à quibus sponsa se inuentam loquitur. Et quidem illorum isti sortiti sunt ministerij locum, sed non zelum. Successores omnes cupiunt esse, imitatores pauci. O utinam tam uigiles reperirentur ad curam, quam alacres currunt ad cathedram. Vigilent utiq; solícite seruantes ab illis sibi creditam. Immo uero eū gilarent pro semetipsis, nec sinerent de se dici, Amici mei & proximi mei aduersum me appropinquauerunt & steterunt. Iusta omnino querimonia, nec ad ullam iustius quam ad nostram referenda ætatem. Parum est nostris uigilibus quod nō seruant uos; nisi & perdant. Alto quippe demersi obliuionis somno ad nullum dominicæ conuincationis tonitruum expergiscunt, ut uel suum ipsorum periculum expauescant. Inde est quod non parcant suis, qui non parcent sibi, perimentes pariter & pereuntes &c.

Et post pauca subiungit.

Et qui dimittit oues in pascuam absq; custode, pastor est non ouium, sed luporum, &c.

Et quid clarius, ut conijcere quis possit, quod qui nō proprias custodit oues eas in luporum pastum seruent & in cibos cunctis bestiis; agri parent gregem, Non pascua gregi, sed ut grex in pascua sit lupis pastoris tacit absentia. Si mercenarij alleges custodia, nō est, q̄ effugere possis Bernardi, immo & Christi sententiā. Nonne Christū audisti dicentē q̄ lupi incursum, mercenarius effu-
giat,

D E R E S I D.

giat, & dimittat oues, eo q̄ mercenarius sit, & nō pertineat ad eū de ouibus, & sic lupus rapit & dispergit gregē? Igitur si nō ipse custodias, si non defendas, si non pascas gregem, pro lupis oues custodis, luporum denique pastor & procurator es. Si enim patris non adsumeres nomen, suffecisset forsan Deus, qui non modo ut pater congregaret filios, sed ut mater ad ubera portaret, lactaret, foueret, atque filios nutrirer, suiq; potius obliuisceretur quam filiorum. Nō defuisset ouibus pro quibus bonus ille pastor mortuus est, pastor inquam, si pastoris dignitatem, & si non curā sortitus fuisses, qui suis omnibus relictis, etiam pro una tantum errabunda oue desertum ascenderet, & inuentam gaudens humeris superponeret proprijs, & prę gaudio uicinos ut secum congratularentur conuocaret. Si doctoris, custodisq; personam nō induceres tuum profecto locum alius ascenderet qui uiam salutis uerbo, & exemplo populum suum doceret, qui custodis ita officium expleret, ut muros ciuitatis, ouileq; sui gregis ascendens diebus ac noctibus a clamoribus non cessaret, ut lupos a gregibus arceret, qui & lectum strati sui nō ascenderet, & oculis suis, suisque palpebris negaret somnum quoad usque requiem gregi suo inueniret. Modo cum iam patris, pastoris, doctoris atque custodis obtinueris locum, cum non pascas, non custodias, quę maxima indigent custodia, oues, quę, ut pascua sibi spiritalia, & æterna, custodia atq; pastoris pręsidio comparare possent, magalia huius uitę habitant, quas cum (ut deuoret) tanquam leo rugiens, hostis antiquus sapissime, immo incessanter circumeat; Nōne custos es luporum infernalium, qui ut ipsi nemine contradicente auidius, & facilius deuorent, & in oues grassentur, nomē custodis sumpsisti quo te superstitē, qui custodire gregem posset, tuis non pręficiatur ouibus? Denique dum cathedra frueris pastoralis, fores custodis, ne qui custodias gregem domini introire possit.

Athanasius in epistola ab Heb. ca. ult.

Intelligent, qui aliorum sunt duces, & ceteris præsunt, quia quemadmodum necesse est, ut populus obsequentem se prebeat, & præsidiis ipsis morigerum, ita & sacerdotē oportet, ut aliorum animas curet, uel noctes ducat insomnes, ut populi salutē inuigilet, ut qui rationem sit pro populi facinoribus redditurus.

Origenes super lib. Iosue Homi. 7.

Pastor es, uides ouiculas domini, ignaras periculi ferri ad precipitia,

cupitia, & per prærupta pendere, & non occurris? Non reuocas? Non saltem voce cohibes, & correptionis clamore deterres? Sic memores Domini sacramenti, ut cum ille derelictis nonaginta nouem in cœlestibus propter unam ouiculam, quæ errauerat, ad terrenas descenderit, & inuentam vestraverit humeris suis ad cœlum? Nos in nullo prorsus in curandis ouiculis magistri pistoris sequamur exemplum.

Idem super Gene. Homi. 16.

Vis scire quid intersit inter sacerdotes Dei, & sacerdotes Pharaonis? Pharaon sacerdotibus suis terras concedit: Dominus autem sacerdotibus suis partem, non concedit in terra, sed dicit eis. Ego sum pars uestra. Obseruate ergo qui hæc legitis omnes Domini sacerdotes, & uidete, quæ sit differentia sacerdotum, ne forte qui partem habet in terra, & terrenis cultibus ac studijs uacant, non tam domini; quam Pharaonis sacerdotes esse uideantur. Ille est enim qui uult sacerdotes suos habere possessiones terrarum, & exercere agri, non animæ culturam, rurri, non legi operam dare. Christus autem Dominus noster quid sacerdotibus sui præcepit, audiamus; Qui non abrenunciaverit (inquit) omnibus quæ possidet, non potest meus esse discipulus.

Beatus Cyprianus martyr non fuit alienus ab hac ceterorum patrum sententia in suis epistolis. In epistola tertia, in primo libro post alia sic habet.

Singulis pastoribus portio gregis est ascripta quæ regat unusquisque & gubernet, rationem sui actus Domino redditurus.

Item Chrysostomus. & hanc urget ueritatem in libris de sacerdotio, & super Matth. cap. vigesimosexto, ubi post alia multa subiungit.

Modo autem in procuratores, dispensatores, canpones redacti episcopi sunt, immo uero istos etiam cura & sollicitudine secularium rerum superant.

Item Gregorius Nazianzenus cognomento Theologus latissime disputat de munere episcopali in libro suo apologetico, in quo congeffit tot & tanta ueluti necessaria, ut quis possit rite satisfacere muneri sacerdotali, ut uiuere possit homo aliquis etiam præsens illa præstare, tantum abest ut absens & alijs occupatus possit. Idem in sermone de semetipso de agro reuerso, cum per dies aliquot abfuisset ab ecclesia sua, ut quieti & contemplationi uacaret,

uacaret ; Audi quibus uerbis curauit gregi satisfacere.

Regressus sum vobis, non quidem abstractus, sed retractus affectu spiritus nos agente ad nos. Ego ergo cū præsens essem minus ex affectu sentiebam laboris ; Cum vero iussus sum abstrahi, ac separari tunc sensi amorem, uelut dulcem quēdam tyrannum, & nihil noui est, si enim grauiter fert & dolet plurimum armentarius cum a grege uiculus abcessit, vel pastor cum ouis deest, uel auis si foetus auferatur ex nido, quem parumper reliquerat, quanto amplius putatis inesse sollicito pastori erga rationabilem gregem? maxime pro quo etiā periculi aliquid pertulit, ex quo proculdubio plus aliquid ad stimulum amoris accedit. Quoniam cō turbare gregem aeris turbo modicus facit, hoc accidit quoque per morbi alicuius languorem, facit hoc & bestia subito, atque ex improviso gregibus superueniens. Hæc ego timidus pastor, qui pro multa circumspectione & cautela uelut segnis, & desidiosus incusor: sed non opto ex illis pastoribus inueniri, qui lac qui dem comedunt, & lanis opetiuntur, & quod crassum est iugulāt, & labore conficiunt, uel in pretium uertunt, & dicūt. Benedictus dominus, quoniam ditati sumus, qui semetipso pascunt magis quam oues. Sed ex illis opto inueniri pastoribus, qui dicūt. Quis infirmatur, & ego non infirmor? quis scandalizatur, & non ego vror? per sollicitudinem scilicet quid dicunt. Non quæro quæ uestra sunt, sed uos, & ex illis qui adurebantur æstu solis per diem, & gelu frigori noctu. Patriarchæ pastoris opus illud est, cuius oues signatæ omnes, & quæ didicerint in canalibus potatæ ex intuitione & concupiscentia concipere uirgarum. Hæc Greg. Nazian. ex quibus facile est intelligere propriam in hac cā sniam.

Non erat silentio prætereundus D. Cyrillus Alex. Episcopus, ecclesiæ ueteris sydus fulgentissimum, qui non indiligenter hanc nostram annotauit sententiam. Pri. in Leuit. 4. lib. sic habet.

Siquis uult pōntifex non tam uocabulo esse quam merito, imitetur Moſen, imitetur Aaron. Quid enim dicitur de eis? Quia nō discedunt de tabernaculo Domini. Erat ergo Moſes in tabernaculo domini. Quod aut opus eius erat? Vt a Deo aliqd disceret, aut ipse populū doceret. Hæc duo sunt pōntificis opera, ut a Deo discat legendo scripturas & sapius ruminando, aut populum doceat, sed illa doceat quæ ipse a Deo didicerit, nō ex proprio corde uel ex humano sensu, sed quæ spiritus docet. Est & aliud opus quod facit Moſes. ad bellum non uadit, non pugnat contra inimicos

nicos. Sed quid facit? orat, & donec ille orat, uincit populus eius. Si relaxauerit, & dimiserit manus, populus eius uincitur, & fugatur. Oret ergo, & sacerdos ecclesiæ indefinenter, ut uincat populus, qui sub ipso est, hostes inuisibiles Anialechitas, qui sunt demones impugnantes eos, qui uolunt pie uiuere in Christo.

Idem in Ioan. lib. 7. cap. 1.

Secundum legitimi pastoris signum est, quod oues uocē eius audiunt recipiendo sanam ab eo doctrinam fidei, & præceptis ad uitam recte instruendam datis prompte obediendo.

Ibidem c. 2. in hæc uerba. Proprias oues uocat nominatim, & educit, &c. Possunt, & huius capituli uerba euangelica ad pastorem ecclesiasticum non inconcinne adaptari nempe bonus pastor, & diuina electione, & canonica institutione ad gregem Domini pascendum delectus proprias oues uocat nominatim, quoniam sollicitam præstat curam ad eas cognoscendas, non foris solum, sed intus, & in cute, ut ex hac peruigili sollicitudine eas propemodum noscat ex nomine, & propria appellatione nuncupet, admonitus ad hanc habendam uigilanter omnium notionem a sapiente, Diligenter, inquit, cognosce uultum pecoris tui, gregesque tuos considera. Educit autem eas idem pastor quando ex quiete, & ocio ad ambulandum in uia mandatorum Dei, & boni operis exercitio ipsas euocat, admonitorioque sermone incitat, illud beati Pauli uerbum illarum auribus inclamans. Surge qui dormis, & exurge a mortuis, & illuminabit te Christus. Et illud eiusdem uerbum, Propter quod remissas manus, & soluta genua erigite, gressus rectos facite pedibus uestris, ut non claudicans quis erret, magis autem sanetur. Deinceps ante oues suas uadit ipse pastor, quando ipsis proponit bonæ uitæ exemplum, quod imitentur, & per bonorum operum gressus iter illis ostendit, quo debeant incedere, quemadmodum Beatus Paulus admonuit Timotheum ita scribens. Nemo adolescentiam tuam contemnat, sed exemplo esto fidelium in uerbo, in conuersatione, in charitate. Ad Titum etiam scribens idem his uerbis ipsum, ut ante oues suas iret est exhortatus. In omnibus temetipsum præbe exemplum bonorum operum, in doctrina, in integritate. Illum quoque pastorem sequuntur oues, quoniam imitantur bona opera, quæ in eo mirifice elucet. & obiecta sunt oculis subditorum quo incitentur ad ipsorum consecrationem. Hæc Cyrillus.

Vides candidæ lector communem sententiam patrum ecclesiæ, uides in ueteri ecclesia inauditas has uoces, episcopum abesse ab ecclesia sua, pastorem ab ouibus suis, episcopum simul agere, & magistratum, per mercenarios pasci oues Christi, usque adeo firma, & indubitata erat ueritas ista, Nempe necessariam esse confidentiam episcoporum in ecclesijs suis, ut uehementer formidarent iram Dei pij, & legitimi episcopi (si quando gratia contemplationis, aut, ut parum quieti uacarent) continebat illos a plebibus suis abesse, Audi quid scribant huius ueritatis fidiſſimi testes Augusti. & Bernar. quorum sic in cantica sermo .53. ita scribit. Etenim is qui alijs præest in solitudine uix unquam, uel raro secure uacat sibi, dum semper timet sui penuriâ facere subditis, non placere deo, quod communi utilitati propriam præsefert quietem, & contemplationis dulcedinem. Ille uero cui semel aut iterum accidit abesse a suo grege, in hunc modum curauit plebi suæ satisfacere. In primis peto charitatem uestram, & per Iesum obsecro, ne uos mea contristet absentia corporalis, nam spiritu, & cordis affectu puto uos non dubitare, nullo modo me à uobis posse discedere, quanuis me amplius contristet quàm forte uos ipsos, quòd infirmitas mea sufficere non potest omnibus curis quas de me exigunt membra Christi, quibus me, & timor eius, & charitas seruire compellit. Illud enim nouerit dilectio uestra, nunquam me absentem fuisse, licentiosa libertate, sed necessaria seruitute, quæ sæpe sanctos fratres, & collegas meos etiam labores marinos, & transmarinos compulſit sustinere a quibus me semper non indeuotio mentis, sed minus idonea ualetudo corporis excusauit. Hæc Augustinus ad clerum, & uniuersam plebem Hypponensem, in epistola. 138.

Igitur cum tantam habeamus tellium nubem impositam ueritatis præpositæ, quis audet, uel dubitare hanc sententiam? Dicit aliquis, non dicunt patres in hac forma uerborum, quod tenetur episcopus continuo residere, in sua diocesi. Si formam uerborum requiris, forſan non conuincam te patrum sententia, Si autem rem ipsam (quod æquum est) requiras, nullum exemplum, nec uerbum sententiæ tuæ inuenies in patribus ueteris ecclesiæ, sed oēs citra exceptionem aliquam auersantur ueluti Sathanam hanc sententiam tuam, & falsam, & perniciosam ecclesiæ catholicæ. si roges, cur nec Dominus, nec Apostoli in scripturis sacris, nec patres in suis commentarijs sub hac forma tulerint legem contra ab-

lentes

sententes episcopos; Respondeo q̄ Solon respondit, rogatus, cur nō tulisset legē contra patricidas: Ferunt dixisse, quia nūq̄ putarā futurū aliquē qui p̄m propriū esset interempturus. Tātundem arbitror nunc responsuros & Ap̄los & patres ecclesiæ.

Deinde quō p̄s dānasent in hisce uerbis sniam hanc, quibus nūq̄ uenit in mētem, q̄ ep̄s absens ab ecc̄la sua alijs implicatus posset defungi munere suo ep̄ali? Dubitarunt quidē illi uehementer, an p̄sentes possent suo officio satisfacere. Ideo Chrys. accersitus ad id munus sibi timēs occultauit se. Basilius ille cognomento magnus, magno dolore uexabāt, q̄ coactus sit subire tam arduā prouinciā. Gre. Nazian. utriq; fidelissimus sodalis uocatus & electus aufugit adeo, ut post coact⁹ sit redire & purgare se corā ecc̄la de fuga, & alter Greg. cognomento magnus cū ad Pōtificatū uocaret, aufugit & abscondit se, donec inditio colluminae fuit inuentus. s. Thō. Aquinas nūq̄ uoluit importunitati pontifici eum acquiescere & alij quā plurimi, dicit. n. Hier. ad Heliodorū. Nō est facile stare loco Pauli, tenere gradū Petri. De illis autē q̄ temere & extra tempus, uel ambiunt, uel facile oblata admittūt eiusmodi ecclesiastica munera, audi quid Bernardus scribat.

Meditantibus quidem honores blandiunt, sed onera pensantibus tædio sunt atq; formidini. Nō autē oēs capiunt hoc uerbum, multi. n. non tanta fiducia, & alacritate currerent ad honores, si esse sentirent & onera, grauari profecto metuerent, nec cum tanto labore & periculo quarūlibet affectarent infulas dignitatum. Nunc uero quia sola attendit gloria & non pœna, purum esse clericū erubescit in ecc̄la, seq; viles æstimant & inglorios, qui quocunq; eminentiori in loco nō fuerunt sublimati. Scholares pueri, & impuberes adulescētuli ob sanguinis dignitatē promouent ad ecclesiasticas dignitates, & de sub ferula transferunt ad principandū p̄sbyteris, lætiores interim q̄ virgās euaferint, q̄ q̄ meruerint principatū, nec tā illis blandit adeptum, q̄ adeptū magisteriū. & hoc q̄dē in initio, processu uero t̄pis paulatim inolescētes, ducti sunt in breui uēdicare altaria, subditorum marsupia uacuare, magistris nimirū in hac disciplina utentes idoneis, ambitione & auaritia. Verum quātuis industria tua tibi lucra conquirere cautulus videaris, quantalibet uigilantia rē possis seruare tuam, quam tocunq; studio regum tibi ac principum gratiam captare cures, dicimus tamē. Væ terræ cuius rex est puer, & cuius princeps mane comedunt. Hæc Bernardus.

DE RESID.

Quid putas dicturos hos patres, si quis rogasset, an absens, & exercens magistratum civilem & prophanum posset muneri episcopali satisfacere? Haud dubium quin responderent nobiscum: alioquin falso querebant de difficultate muneris & perperam recussissent pro Christo summere hæc ministeria pascendi oves suas, pro quibus ille morti se dederat (præsertim cum istud sit indicium singulare dilectionis Christi, si pro amore suo quis pascat, & regat gregem suum, iuxta illud quod dixit Petro. Si amas me, pascere oves meas) Si tam facile est huic muneri satisfacere, ut non modo præsens, sed & absens possis plene illud administrare? sed uere or ne isti, quibus sic pruriunt aures, ut libenter audiant nouas istas, & perniciosas opiniones, sint illi de quibus Chrysostomus quicumque fuerit eius operis author, Hom. 1. operis imperfecti. Et ueluti uaticinans dixit. Sicut Roboam abiiciens seniorum consilia, & coætaneorum suorum consilia sequens, occasionem præbuit dissidio populi Israelitici, ut decem tribus secederent, & duæ tantum manerent cum domo David. Sic & circa finem episcopii relinquentes consilia seniorum Apostolorum & Prophetarum secundum, quod consiliati fuerant episcopos conuersari debere, vel episcopatum suum tractare, & secuti sunt consilia coætaneorum suorum, & iuuenum consiliantium, episcopum oportere diuitem fieri, & inhospitalem, & timorem Dei non habere, & talia quædam alloqui, quæ moueant plausum. Dederunt occasionem diabolo præcisionum faciendarum, non attendentes, quod præcipit Petrus. Non ut dominantes in cleris, sed forma facti gregis ex animo. Item Paulus, Nouitates uocum deuota, generant. n. lites, & sermo illorum sicut cancer serpit. Item. Formam habent sanctorum uerborum quæ a me audisti. Hæc Chrysostomus. uel quicumque fuerit eius operis author.

Istas & similes opiniones uocassent patres veteris ecclesie, nouitates uocum, uerba non sana, & ideo a viro fidei cauenda. Hos igitur duces, & antesignanos sequimur, immo Catholica ecclesia per uniuersum orbem ab ipsis apostolorum temporibus ad præsens usque communem sententiam sequimur, nam ex omnibus omnino seculis ex omnibus orbis terre Cardinibus testes indubitæ fidei protulimus, semper ab initio ita tenuisse fidem Catholicorum omnium, quos antutius sequi sit, quam hos nouorum dogmatum inuentores, ipsi uiderint, qui hos magis sequi dignum duxerint, nobis certum est cum illis & viuere & sentire.

COMPENDIO RECENSETUR ET EXPLICATUR SEN-
*tentia Cardinalis Caietani circa hoc argumentum, cum firmio-
 ribus eiusdem rationibus.* Cap. 10.

CARDINALIS Caietanus in commentarijs sancti Tho-
 mae 2. 2. q. 185. art. 5. contendit multis argumentis demon-
 strare, quod obligatio episcopi ad continuam residentiam,
 est ex præcepto iuris diuini. Argumenta eius magis firma & effi-
 cacia sunt ista.

Primum, episcopus de iure diuino tenetur ad curandas animas
 subditorum suorum, sed ad eam curam animarum exercendâ est
 necessaria continua residentia personalis episcoporum, ergo eo-
 dem iure tenetur ad hanc, quo ad illud. Quoniam, qua lege præci-
 pitur aliquis suis, præcipiuntur oia necessaria ad comparandum
 illum finem. Huius argumentationis secunda præmissa proba-
 tur, quoniam curam animarum exercere debet pastor spiritualis,
 custodiendo gregem Dominicum, prædicando, pascendo illum
 uerbo legis, & exemplo vitæ, visitando, & sacramenta dominica
 suis ouibus administrando, ut patet per Ezech. ca. 34. & per Paul.
 1. ad Timo. 3. & ad Titr. 1. Sed ad custodiendum gregem domini
 ad pascendum eum, uerbo legis, exemplo vitæ, & administratio-
 ne sacramentorum, & ad continendum illum in obseruantia le-
 gis annua visitatione, est simpliciter necessaria residentia perso-
 nalis, sine qua, nulla ratione per absentem impleri possunt, & ad
 quæ nullo modo, antequam occurrerent, potuit præparari, er-
 go necesse est, ut sit personaliter præsens, si nolit deesse officio
 suo, & ex consequenti ex iure diuino obligatur a perpetuam per-
 sonalem residentiam.

Secundo, Episcopus & quicquid alius ecclesiasticus pastor ex iu-
 re diuino debet esse non Dominus gregis sibi commissi, sed ue-
 rus pastor, ergo eodem iure tenetur agere pastorem, non Domi-
 num, ac proinde per se pascere & attendere curæ ouium suarum.
 Assumptum illud probat. Primo ex verbis Christi ad Petrû. Pasce
 oues meas. Secundo verbis Pauli. Sic nos existimet hō, ut mini-
 stros Christi, & dispensatores. Tertio verbis Petri. Pascite qui in
 vobis est gregem Dei, non dominantes in cleris &c. Vbi vides in
 vniuersis citatis testimonijs cōmendari, & mandari ministerium
 iuste tale, negari vero imperium & dominium seculare.

Tertio,

Tertio, arguitur ex forma consecrationis pastoralis, in qua ordinando episcopo dicitur. Vade, & prædica euangelium populo tibi commissio, obserua uerba illa, uade, & prædica, non dixit mitte qui pascant, & qui prædicent, sed ipse uade, & prædica populo tibi commissio. Vnde rectissime cum alijs multis, annotauit Paulus scribens ad Titum & ad Timotheum, oportet episcopum doctorem esse, heu quam preposterum est, nomen, honorem & diuitias episcopi tenere in propria persona, officium autem episcopi in aliena, cum priora omnia sint illi concessa tantum propter officium pastorale, iuxta illud. Datur beneficium propter officium, illa uero libenter retineat, istud uero solum abiciat. Hæc Cardinal. Caietanus. Quæ possent & hac ratione confirmari. Si hæc uera non sunt, quid sibi uolunt uerba domini ad Ezechielem prophetam, Fili hominis speculatore dedi te domui Israel, & audies de ore meo uerbum, & annuntiabis eis ex me, si dicente me ad impium, morte morieris, non annuntiaueris ei, ipse in impietate sua morietur, sanguinem autem eius de manu tua requiram. Qui potest speculari uitam ouium suarum si præsens non est, sed in aulis principum degat? Quomodo auditum uerbum ab ore domini annuntiabit domui Israelis? Quomodo gladius uenientem prædicturus est impijs, si præsens non sit? Sed quid ago? quid frustra laboro? Nam absens ab ecclesia, liberatus est ab hac cura. Paulus enim dicit. Non datur manifestatio spiritus, nisi ad utilitatem, cum igitur absens, ecclesie utilis non sit, non loquetur illi dominus, nec audiet uerbum ab ore eius, quod annunciet. Vis intelligere quod à pastore negligente curam sui gregis, fugiat spiritus sanctus? Audi quod fecit dominus cum Mose. Moses clamauit coram domino, dicens. Cur imposuisti pondus uniuersi populi huius super me? nunquid ego concepi omnem hanc multitudinem, uel genui eam, ut dicas mihi, porta eos in sinu tuo, sicut portare solet nutrix infantulum? non possum solus sustinere omnem hunc populum quia grauis est mihi. Hæc Moses. tantum quia uoluit fugere curam populi quem regendum à domino suscepit, dixit illi dominus. Auferam de spiritu tuo tradamq; senioribus ut sustentent tecum onus populi, Descenditq; dominus & locutus est ad Mosem, auferens de spiritu qui erat in eo, & dās 70. uiris. Si ergo in Mose diminutus est spiritus domini, tantum quia tentauit relinquere curam gregis sibi commissi, Ab eo qui omnino deserit gregem domini, cum tamen mercedem non de-

relinquat

relinquat pastoris, nonne totus auferetur spiritus domini? auferetur prius, & dabitur alteri qui faciat fructus illius, & hic seruus mittetur in tenebras exteriores. Visum est seorsum, annotare sententiam Cardinalis Gaetani, tum quia primus hac tēpestate afferuit hanc ueritatem, quam penē extinxerat multorum praelatorum contraria consuetudo. Tum quia nonnulli nunc contendunt infirmare illius argumenta, & palam audent dicere eis argumentis, non fuisse astruendas conclusiones, quas nos in 2. ca. huius controverse posuimus, quas tamen ego arbitror certissimas, & uniuersos lectores id ipsum iudicaturos, & ad eas probandas solas rationes cons. Caie. sufficere, quamuis ob perfidiam huius temporis, & ut magis sepultam hanc ueritatem ab inferis in lucem reuocaremus, nos locupletius illas probauerimus, donec Christus ut uniuersi eas intelligamus, & credamus. III

RATIONIBVS HUMANIS MANIFESTANTVR
uera quę per fidē scripturarum & patrum ecclesię doctrinam
docuimus de residentia episcoporum. Cap. II.

PROFECTO si uellemus rationi obtemperare, nec extinguemus igniculum illum nobis à superiori lumine (quod illuminat omnem hominem) donatum, non erat cur in re clarissima digladiaremur. Dic mihi o pastor ecclesiastice, quo iure petis stipendium? qua ratione uictum & necessaria? Nimirum respondebis iure diuino. Præceptum erat enim ut filijs Leui decimę darentur in quorum loco sacerdotes succedimus, & Christus mercede dignos sacerdotes pronunciat, & Paulus exemplo uobis præcipit, ne nobis os alligetur, & hoc inconfesso est apud omnes, recte quidem respondes. sed quærō ego uicissim, an gratis uobis debet ista dicant sacra scripturę, & ob donationem puram an potius sit aliquis contractus ultro citroq; obligatorius (ut uulgo dici solet) Nunquid cum iubentur præstari decimę filijs Leui, nullę operę ab illis exiguntur? Immo uero pro ministerio quod faciunt domino in tabernaculo, cum ait Christus uos dignos mercede, nonne appellauit uos operarios, etiam si mercedis nomen satis hoc declarabat? cū Paulus uetat ne uobis os alligetur exemplo bouis, non adiecit trituranis? ergo cur uis contractum ex altera parte claudicare? cur si in iure diuino tibi decimas debeo, non tu eodem iure tenebris inferuire tabernaculo? Cur non tritura-

turabis? cur non operaberis eodem iure? quæ iniquitas est, ut
populum religione alliges ob tuum stipendium, & tu religione
sis solutus, si nolis militare? At dices, militare uolo, sed per uica-
rium obsequium præstabo in templo, sed per supposititium. Vo-
lo triturare, sed per conductitium: O ingentem confidentiam,
exclamandum enim erat tragice. An non est electa industria tuæ
personæ? An nos tantum stipendium daremus tuo uicario, quam
tibi? si ille quem nobis præficias dignus est episcopatu, cur tu illum
sua mercede integra spolias, & salarium nescio quod præstas, ut
tu residuum deuores ociosus? Si indignus es, cur nos fraudas tua
præsentia, cum nihilominus integram soluamus mercedem? Dic
mihi, si Tridentini medicum sibi cōduxissent, ut in ægitudinibus
illis subueniret, idq; magna mercede, nunquid paterentur illum
Mediolani agere, & Tridenti nescio quem alium relinquere? non
clamarent omnes alium quærendum esse medicum, & absenti ni-
hil soluendum? Tu cum medicum agas animarum, salarium iure
diuino corrades, & iure humano dices te teneri ad non residen-
dum? Dic mihi, quis erit tam uecors pater familias, qui gregem
suarum ouium patiatur à proprio pastore deferri, & à conductio-
pasci, quæ ille accersit data aliqua portione iustæ mercedis, quam
à parte familias accipit, ut reliquum mercedis deuoreret, ubi reli-
cto grege libeat occupari, ne dicam delitieri? An quod homines
non omnino frugī suis in rebus non paterentur, feret pater cæle-
stis, qui se bonum pastorem, & bonum patrem familias uocat &
est? An tu si ministros habes qui tibi inserviānt, quorum hic pe-
cunijs præest, illè uillis, hic alijs mensæ, ferres ut hi omnes per ui-
carios tibi ministrarent? quod tu in equis curandis, aut in con-
diendis cibis non ferres postulas ut deus & homines serāt in re
tanti momenti? an existimas satisfactum esse tuo uentri, si alius
pro te comedat, si alius pro te bibat, si alius pro te dormiat? non
opinor. qua fronte igitur audes permittere, ut alius pro te labo-
ret, ut alius pro te concionetur? quod sanè non minus, immo
etiam multo magis necessarium est ad legitimam eius officij ad-
ministratorem quod tibi usurpas, quam est uel ipse panis ad ui-
tam hominum tuendam & conseruandam. sed scias quandoqui-
dem uis nunc, ut alijs pro te doceat, ut alius pro te laboret, futu-
rum, quoq; omnino ut deus pro te hereditatem regni cœlestis
consequatur, quateris sanè tu foras, nam qui laboris participem
speret. Dic mihi obsecro, Num deterioris conditionis est resp.

Chri-

Christiana, quàm sint aliæ humanæ, & prophanæ respublicæ? in istis nondum intellectum est, ut permittatur rectoribus earû nō residere, inauditum est, quòd absentes percipiant salaria ab illis designata, & in illa Christiana, spiritali a cœlo delapsa, & omnium ordinatissima respublica, debent esse istæ tam cognita, & probata? Si hæc non pernuntiant prophana hominû tribunalia (& id iure optimo) putasne concessura diuina?

Deinde considerasse oportuit, quot absurda, proposita opinio in ecclesiam Dei inuexit. Primo cum persuasum est, quod episcopo absenti licet derondere oues, & earum lana, & lacte potiri propter præsentem, & residentem Vicarium, hinc cōtinuo emanauit, quòd unus plures simul occuparet ecclesias cū æque facile iudicauit plures præsentem, & residentes habere uicarios atq; unum. Cum tamen nihil absurdius, neque magis perniciosum in ecclesia fuerit (ab assumpto Christo) excogitatû, & nūc uix est alius abusus, qui magis uexet ecclesiam Christi, quàm iste de pluralitate ecclesiarum. Secundo hinc uenerunt in ecclesia dispensationes illæ siue potestates percipiendi fructus in absentia, quo malo quantum patiantur animæ fidelium, & miseranda plebs, quam uidit, & deplorauit Christus ueluti oues nō habentes pastorem, nemo est qui non intelligat. Tertio, hinc etiā cognouit ecclesia episcopos titulares, quos necesse est institui ad ministeria episcopalia peragenda uicē absentium episcoporum, quibus monstris quantum uexetur ecclesia Christi, uidemus, & dolemus uniuersi. Isti mercenarij, & factitij episcopi inuexerunt in ecclesiam infinitam multitudinem abusu, quo circa uehementer cupit ecclesia catholica eos aboleri, sicut iam olim fecit Damasus papa, & post illû tota uetus ecclesia in concilio episcopis. Quarto, & aliud absurdum deriuatum est ex opinione contraria, nempe ut episcopi non pauci simul ecclesiasticam & ciuilem administrationem obirent, cum tamen omnes uetores canones tam seueriter uetent, nequis functioni ecclesiasticæ deputatus (minime autem omnium episcopis) curam ullam rerum secularium suscipiant. Item noua hæc opinio peperit prophanationem istam diuinorum sacramentorum, quam passim uidemus fieri in ecclesia per conductos ministros, ut iam nihil penè in ecclesia administretur sine pretio, & quasi extinctam uideamus iam legem illam quam ministris euāgelicis præscripsit Christus. Gratis accepistis, gratis date. & in administratione alio-

DE RESID.

rum sacramentorum passim uidemus, & prophanationem præsertim eorum, quæ per solos episcopos possunt administrari, ut sunt ordo, & confirmatio, quorum abusu causa est episcoporum a suis sedibus absentia, nam si episcopi residētes per sese administrarent sacramentorum ordinis, promouerent necessarios exploratos, & idoneos ministros, & non grauaretur ecclesia tā promiscua turba sacerdotum. Deinde si non abessent a suo grege pastores ecclesiastici, uitarentur, & alijs abusus circa sacramentum confirmationis non infrequenter accidentes, primum quando contingit eos inuisere diœceses suas (cum raro id fiat) ungunt sacro chrismate quotquot illis offeruntur etiam infantulos, uix ab uberibus matrū ablactatos, quos oportebat prius edoceri in fide, & religione quam professi sunt in baptismo, & illam explicate coram proprio pastore confiteri. Secundo euenit non raro repetere hoc sacramentum, & eosdem infantes bis aut ter ungi, quod tamen caueretur præsentia, & cura pastorum ecclesiasticorum. Hæc omnia mala, & absurda nata sunt, & multo plura monstra paritura est persuasio hæc de licita absentia pastorum. Cum tamen secundum Deum nihil minus licere possit. Et, ut semel concludam, puto, & omnia mala, & peccata populi Christiani perfluere ex ocio, & absentia pastorum ecclesiasticorum, quod, & dominus aperte per Ezechielem Prophetam significauit dicens. Dispersæ sunt oues meæ, eo quod non esset pastor, & factæ sunt in deuorationem omnium bestiarum agri, errauerunt greges mei in cunctis montibus, &c. Et quid est non esse pastorem, nisi abesse illos ab ouili Christi, neque esse in ecclesia qui pastorum officio fungantur? Hoc ipsum, & per Hieremi. clamabat è cælo princeps pastorum. Quia stulte egerunt pastores, & dominum non quæsierunt, propterea non intellexerunt, & omnis grex eorum dispersus est. Quæ omnia mala beatus Gregorius recte interpretatus est pastori nescienti, aut negligenti, ascribenda, dicens. Non admittitur pastoris excusatio, si lupus oues comedit, & pastor nesciat. Quæ sententia pro regula iuris ecclesiastici nunc habetur. Itaque ni suffocaremus rationem nobis inditam, dū affectibus obsequi discipimus, nemo est tam cæcus, quin uideat, qui de residentia dubitant in sole meridiano lucem quætere.

Examina-

EXAMINATUR, AN SINT ALIQUA, QUAE POSSINT
excusare episcopum à perpetua residentia & solvuntur
rationes aduersariorum. cap. 12.

S V B N A S C I T U R ex priori & altera cōtrouerfia, quæ sint, quæ possint excusare episcopum ab ordinaria & regulari residentia personali, quoniam necesse est esse aliqua, quibus legitime interdum excusetur absens episcopus, nisi uelinius centurias episcoporum damnare, deinde quid respondebimus ad rationes aduersariorum, quarum prima est.

Est infinita multitudo episcoporum, quibus iam pro lege est non residere, exceptis paucis qui per breue aliquod tempus interdum residere solent, & id, data aliqua occasione, regulariter autem satis putant fecisse, si idoneos Vicarios subrogauerint.

Secundo residentia non est necessaria nisi propter curandam animarum salutem. Sed aliquando episcopus sufficienter & sufficientius gerit curam animarum per alium, quam per se, ergo tunc non tenetur personaliter residere, etiam si nulla necessitas ecclesiæ, uel propria cogat illum abesse ab ecclesia sua. Nullo alio argumento (quod ego sciam) ualent partem oppositam utcumque apparentem reddere. Sunt multa nunc in uita mortalium similia quæ solus usus uel abusus fecit, ut ab aliquibus uerterentur in dubium, cum olim nunquam uisa fuerint digna, ut de illis uel ambigeretur.

Ad hanc subnatam controuerfiam respondeo duo. Primum est, nihil est, meo iudicio quod possit excusare episcopum à regulari præsentia sua, & cura ouium suarum mihi non indiligenter consideranti rem hanc, nunquam potuit occurrere aliquid, quo episcopus aliquis posset iuste excusari coràm Deo ab ordinaria residentia. Dixi, coràm Deo, Quoniam coràm hominibus multa sunt quæ cum reddunt excusatum, quoniam siquid esset, istud maxime, fungi aliquo ministerio in curia summi Pontificis, exempli uice, esse illi à secretis, aut ab audiendis causis Camera apostolicæ, uel Rotæ (quam uocant.) Sed ut uere & pie annotauit Card. Caietanus, certum est huiusmodi ministros nō excusari, & abusu esse ecclesiæ catholicæ perniciosum, assumi episcopos ad huiusmodi ministeria, & pastores spirituales in similibus occupari, cum possint per non episcopos quæ bene exerceri, de quibus

non minus uere quàm sancte dixit prædictus Car. episcopi in istis & similibus ministerijs sunt in ecclesia, quod sunt monstra in natura. Quid obsecro magis monstruosum quam episcopum & pastorem animarum esse iudicem causarum ciuiliū, uel esse amanuensē uel à secretis pontifici? quæ monstra (proh dolor) uidemus passim & ecclesias Christi perinde ac si uiduæ essent, proprijs sponſis carere, & gregem dominicum sine pastore. quam rem perpendens recte Innocentius .6. Beneficia ecclesiastica non nisi probatissimis sacerdotibus, tum uita, tum doctrina dare curauit, statimq; coronatus omnes prælatos, & quotquot beneficia habebant ab aula & curia sua abegit, & ad ecclesias suas sub anathematis pœna abire coegit. Dicebat enim oues pascendas à proprio pastore, non à mercenario custodiri debere. Sed quid in re perspicua atq; manifesta moramur? si esse Cardinalem in ecclesia Romana, & assistere Romæ pro expediendis negotijs uniuersalis ecclesiæ, hoc non excusat episcopum à residentia in ecclesia sua, quanto minus excusabunt alia ministeria tanto inferioris gradus? Assumptum uero probatur ex antiquo iure canonico in cap. bonæ memorię de postu. prælato. & in c. exegistis de clerici. non residentibus; Item ex Synodo Tridentina sessione .6. decreto de residentia: In quo diffinitum est nullos episcopos quouis gradu uel dignitate fulgentes excusari à residentia personali in suis ecclesijs, & scio hanc esse mentem Synodi, & si explicatam per plures patres in publicis congregationibus, nullos neq; Patriarchas nec Cardinales excipi ab hoc canone, & nimirum cum idem sit de iure. Siquis tamen obijciat in hac parte multorum contrariam consuetudinem, dicemus cum Cardinale Caietano, quòd hæc abusus, non consuetudo dicenda est.

Hinc collige unum aliud. quòd si hæc ministeria quæ ecclesiastica sunt, & ad bonum uniuersalis ecclesiæ pertinenētia, nō faciunt excusatum episcopum absentem ab ecclesia sua; multo minus excusabunt officia ciuilia, siue mūdāna alia munera, quibus funguntur nō rari episcopi in curijs & aulis principum, quibus satis erat dixisse Apostolum Paulum. Nemo militans Deo implicat se negotijs secularibus, ut ei placeat, cui se probauit. Si ergo uelint Christo placere, necessum est ut se explicent ab huiusmodi secularibus negotijs.

Secundum, dico q̃ possunt occurrere aliqua, & interdum etiam occurrunt, quæ iusto excusant absentiam temporalem episcopi

ab ecclesia sua, temporalem dico exempli gratia, ad annum, ad biennium uel parum amplius uel minus. Primo occurrit interdum persecutio temporalis, qua instante iusto potest abesse. hoc dico si sit persecutio personæ, & non ecclesiæ uel aliarum ouium suarum, quoniam tunc tenetur bonus pastor ponere animam suam pro ouibus suis. Item quando præsentia episcopi non est necessaria ecclesiæ, nam si sit, negligenda est uita corporalis pro salute ouium suarum. Extra hos casus imminente periculo persecutionis potest episcopus abesse ab ecclesia sua durante persecutione, ut Paulus missus est in sporta ut fugeret Damasci persecutionem Iudeorum. Et Athanasius fugit ab ecclesia sua instante persecutione Constantij imperatoris Arriani, quo tempore exularunt multi sancti episcopi ab ecclesijs suis.

secundo, iusto etiam excusat episcopum aliqua eius ægritudo corporalis, si episcopus laborat morbo aliquo in ecclesia sua, potest ad tempus abesse causa recuperandæ ualeitudinis amissæ.

Tertio, si contingat celebrari concilium aliquod generale uel prouinciale, potest & debet abesse quādiu durat conciliū, quoniam proprio fungitur munere, si intersit synodi alicuius celebrationi.

Quarto, si mittatur ipse Legatus ad Cæsarem uel Pontificē ad tractanda aliqua negotia, uel fidei uel ecclesiæ suę, uel alterius, uel ad componendam pacē inter principes aliquos fideles, uel si quid aliud rarū & peregrinū occurrat, quo casu ēt cū aliquo incōmodo ecclesiæ suę potest & debet episcopus iuuare Kemp. Christianam, & ad tempus abesse propriæ ecclesiæ, nam sumus inuicem membra, & si patitur unum membrū, necesse est conpatiuntur & reliqua, si gaudēt & cōgaudeāt & mutuas opas nobis tradamus.

Quinto, iusto excusaretur episcopus expresso aliquo mandato episcopi Romani accersitus ad tēpus aliquod breue, pro ministro aliquo & bono ecclesiæ uniuersalis, uel Reipub. Christiane, sic tamē, ut expedito ministerio redeat ad propriā ecclesiā, hoc casu arbitror excusari, quāuis si cōmode posset suppleri per nō episcopū, Pastor animarum nō erat separandus à suo grege. Et hæc meo quidē iudicio uocauit synodus Tridentina in sessio. 6. & 7. legitima ipedimēta & cās iustas & rationabiles quibus excusari potest episcopus absēs ab ecclesia sua, uel si quid simile istis occurrat.

Reliquum est, satisfacere rationibus cōtrarijs. Ad primā dico primo, & amplector sententiam Caieta. Card. q. illa abusio, nō cōsuetudo dicēda est, secūdo tantā multitudine ministrorū damnari si in
præ

prædicto, ab ulu perseveret. Certe mihi christiano, uehementer dolendum est, & ueritatē dico (cum apostolo Paulo) testimonium mihi perhibente conscientia mea, quoniam tristitia mihi magna est, & cōtinuus dolor cordi meo pro fratribus meis, qui sunt cognati mei secundum carnem, quorum est adoptio filiorum, & gloria, & testamentum.

Ad secundam, respondetur quod debita personalia non possunt iuste per alium suppleri. Talis est cura pastoralis. Deinde posse ecclesiam æque sufficienter gubernari per alium est de per accidens (quod uocant dialectic i.) quæ autem per accidens siue contingenter eueniunt, nō excusant à uinculo præcepti, quoniā hæc non mutant naturas rerum.

Tertio arguitur ab aduersarijs sic, humana institutione factus sum episcopus, & Papa pōt cum causa priuare me hoc episcopatu, & transferre de hac ecclesia in aliam, ergo non teneor ex iure diuino exercere hic officium sacerdotale, ac proinde, nec residere. Hinc rursus colligunt, ergo poterit, & mecum humana auctoritas dispensare in residentia. Hac ratione inducti sunt aliqui, ut negarent residentiam esse de iure diuino. Ingenue fateor, ego obstupui, quando primo intellexi hac tam friuola, & puerili ratione adduci aliquos uiros, alioqui doctos, in tam nouā, falsā, & perniciosā opinionem, eodem argumento probarent, ex iure diuino nos non teneri parere præpositis nostris. Primo quia humana institutione ego præfectus sum huic reipublicæ. Deinde humana etiam auctoritas pōt me remouere a magistratu, & eadē potest me trāsferre ab hoc magistratu ad alium. Et cum his certum est, & extra controuersiam, obedientiam ex iure diuino exhibendā esse præpositis, & eodem iure deberi mihi quandiu sum in magistratu, & si contingat me renoueri, deberi successori meo. Item eo argumento altrueretur furari tunicam meam non esse cōtra ius naturæ, quia ex iure positiuo hæc tunica est mea, & humana auctoritate possum illa priuari, quod illi respondebunt ad hæc argumenta, nos dicemus ad suum argumentum, illi autem uelint nolint dicturi sunt, multa esse in ecclesia similia, quorum institutio generalis facta est ex iure diuino, uel ex iure naturali, earum tamen determinatio particularis fieri debet per iura humana, siue positiua, uerbi gratia, obediendum esse præpositis, siue prælatis est præceptum a iure diuino, non esse accipiendas res alienas, est præceptum a iure naturæ; Quod autem ego sim prælatus hu-

cere

ius reipublicæ uel illius; Item quòd hæc tunica sit mea uel alterius, hæc faciunt humana iura. Ad hunc modum episcopos exercere per se officia sacerdotalia in suis ecclesijs, ac proinde in eisdem residere est præceptum à iure diuino: quòd autem ego sim Episcopus Tridentinus, uel Veronensis hoc faciunt humana iura quandiu fuero Tridentinus, tenebor iure diuino ibi residere, si translatus fuero ad ecclesiam Veronensem, tenebor in ea residere.

Ex prædictis collige tu lector, quòd si residere in ecclesia, a qua accipio commoda temporalia, mandatum est à iure diuino, necesse est eodem iure prohiberi omnia, quæ necessario impediunt personalem residentiam. Cuiusmodi sunt, occupatio ministrorû spiritualium in officijs secularibus, & pluralitas ecclesiarum, uel præbendarum ecclesiasticarum in diuersis ecclesijs, & si quæ sunt huiusmodi, sunt autem, & alia multa quæ necessario impediunt personalem residentiam episcoporum, & aliorum ministrorum spiritualium in suis ecclesijs.

Finis controuersiz De residentia.

TRACTATVS DE EPISCOPORVM RESIDENTIA.

EX DIVINIS LITERIS.

Per R. P. & D. Iacobum Naclantum Episcopum Clugiensem.

*Attendite vobis, & vniuerso gregi, in quo posuit vos Spiritus
sanctus Episcopos, regere ecclesiam Dei, quam acquisiuit
sanguine suo. Actuum. 20.*



TRACTATVS DE EPISCOPORVM RESIDENTIA,

Ex diuinis literis.

Quod, & Quale, Episcoporum onus.



PRINCIPIO attendendum, quòd etsi Episco-
pi, præcellsum nacti sunt gradum: quippè qui,
constituti sunt à Deo, super familiam Christi, &
euhecti in primas partes ecclesiæ; propter quod
& in Concilijs generalibus, riteq; collectis, totā
ecclesiam continent, & repræsentant; Et si non
modò sunt honorandi, sed duplici (qui benè præfunt) honore af-
ficiendi; Nihilominus & nacti sunt, tum graue, tum periculosum
onus. Cum super gregem sibi creditum, non solum astricti sint vi-
gilare, & indefesse profundæ noctis excubias custodire; Sed &
pro animabus eorum (testis est Paulus) rationem exactissimam
reddere; Et sicut sapientis auctoritate, in eos qui præfunt, futurū
esse

esse didicimus, iudicium durissimum experiri.

Siquidem in ecclesia, positi non fuerunt ad ocium, sed positi fuerunt ad opus, & planè non malum, sed ex genere bonum. Vnde & Apostolus: Qui Episcopatum desiderat, bonum opus desiderat. Imò ex genere optimum, & præclarum, quàmvis arduum, & perdifficile: Nempe, ut alibi docet, ad ædificationem corporis Christi, quod indubiè, eius ecclesia est. Cuius, sicut ille est sponsus, & caput, ita illa ex doctrina Pauli, eius est sponsa, & corpus.

Et licet ædificationis uerbum, sit tropicum, non est tamen obsecrum; & duo manifestè prætendit. Alterum est; Quòd & si ecclesia, tum sponsa, tum corpus est Christi, est & nihilominus, illius domus, & templum. Vt non raro Apostolus admonet. Et domus est, non materialis, sed spiritualis (ut utar uerbo Petri) Quippè quæ, ex hominibus constat, spiritu sancto regenitis, si cut sit in lanacro baptismi (propter quod, & omnes baptizati, ad illius consistentiam pertinet) in quibus perinde ac singulari domo, non modo Christus habitat, & perambulat, sicut olim promiserat Moyse, & demum demonstrauit Ioanni; sed insigniter habitat, & perambulat: Quoniam non ut famulus, sed (ut scribit Apostolus uelut dominus domus.

Similiter & templum est, non manufactum (ut utar uerbo Pauli) non ex lateribus, & cemento constructum; sed ex lapidibus uiuis, hoc est, hominibus fide & charitate, aliquando uiuentibus, ac super lapidem uiuum, Christum, scilicet, tmro modo compositis, potissimum fabricatum: sicut perspicue tradidit Petrus. In quibus non secus ac in augustissimo templo, Christus iugiter colitur, tum fide, spe, & dilectione, iuxta sententiam Augustini, tum hostijs, & spiritualibus sacrificijs, iuxta admonitionem Petri, & demum præcibus, uotis; & gemitibus in spiritu, & ueritate, iuxta uaticinium Christi.

Reliquum est; Quòd non modo docemur episcopos, inter ecclesie ædificatores haberi, sed & quo pacto, suo debent munere fungi, euidenter accipimus. Nam licet ab illis, contemnenda non sit, materialis domus, non templum, cemento, & lateribus structum, sed cum necesse fuerit, sint pro uiribus reparanda & si expedit, & alia construenda (quippe quæ apud Christi fideles, sunt religiosissimè instituta, à Deo ordinata, & tum ad excitandos, erudiendosq; populos, tum ad reddendum externum cul-

HHH tum,

tum. & commune ac publicum sacrificium Deo, magna cum pietate selecta) Nihilominus præcipuum eorum onus est, ut eo pacto populis, sibi commissis attendant, ut quantum ex ipsis fuerit, erigantur in domum, & templum, acceptissima Christo.

Quod planè tunc fit. cum ita instituuntur ad illum, q̃ non modo per fidem, & dilectionem, delectet habitare cum eis (Nam per fidem Christus habitat, in cordibus nostris, Et qui manet in charitate, Deus manet in eo) non modo delicias ducat, uersari inter illos (Nam, & deliciæ eius sunt, uersari inter filios hominum) Sed, & habitare, & uersari, uti dominus domus, hoc est, ut proprio in peculio, & domicilio. Vbi lectulus sit Salomonis quem sexaginta fortes ambiunt, ubi ferculum de lignis libani, ubi tigna cedrina, & laquearia cypressina, ubi odores aromatici, & omnes pulueres pigmentarii; De quibus & pluribus, in Canticis canticorum. Et deniq; ut & ita coaptentur illi, q̃ perinde ac in sacratissimo templo, unice colatur ab eis, non tantum oblatiis spiritualibus hostijs (mortificationis carnis, contribulationi spiritus, & laudis consentientium eius nomini) sed & tota uita, illi perpetuo consecrata, ut tandem quicquid faciunt, in uerbo uel in opere, in eius semper gloriam cedat, queamodum & Apostolus docet.

Verum, ut res sit magis illustris, diligentius attendendum, q̃ & si Episcopi extra ædificantium classem non sunt (alias nō mōneret, Apostolus, ut uideant, quomodo super Christo fundamento ædificent, Quòd; non ædificent ligna, fœnum, stipulam sed aurum, argentum, lapides præciosos) in ea tamen non sunt uti ædificationis Authores, Architecti, aut ædificantes principales, quoniam istud excellentiæ, congruit soli Deo, hoc testè, patri filio, & spiritui sancto (ita quidem, & non rarò, Deus sumitur in scripturis, Ut Dei perfectæ sunt opera, Deum adorabis, soli Deo honor, & gloria, & id genus plurima) Et Christo, hoc est, Verbo natura nostra uestito, (Nam Christus Iesus, ut inquit Paulus, est Deus, & homo) Qui licet sint omnium rerum Autores, Architecti, Opifices principales, maximè tamen ecclesiæ sunt sacrosanctæ, ut in qua, eorum tum potestas, & bonitas, tum ars, & sapientia, nedum potissime, sed & singularissimè fulgent, Propter quod, & scitè Paulus scripsit Corinthijs, Dei ædificatio estis, & rite Christus, est pollicitus Petro, Super hanc petram ædificabo ecclesiam meam, sed sunt Dei, & Christi ministri.

Vnde

Vnde etſi dixit Apoſtolus, quòd dati ſunt in edificationem eccleſiæ, modum tamen adiunxit, In opus (inquiens) miniſterij. Et Petrus uolens in Episcopatum ſubrogare Mathiam, oſtende (ait) quem elegeris fortem accipere huius miniſterij.

Sunt, inquam, Dei & Chriſti miniſtri; At non ſimplici miniſterio. Et primo quidem ſunt miniſtri, preparando materiam, ut accommoda reddatur edificationi. Quæ ſanè preparatio (& ſi alium ſubinducendo tropum, a Paulo, ſub plantatione, & rigatione comprehenditur, quemadmodum & eccleſia, ſacris in literis, etiam ſub Horti, Vineæ, & Campi ſymbolis declaratur) recto tamen typo materialis fabricæ, potiſſimum in lapidum adaptatione conſiſtit, & cõmuni curſu, tum malleo, tum quadra preſtatur. Et licet forſan in tropis, neceſſe non ſit, ſingula in omnibus adaptare, licet & in ſymbolis permittantur adaptationes diuerſæ, ita tamen omnia diſponenda ſunt, ut ſaltem proportionè, ad ſymbolum cõrreſpondeant.

Ergo, ut hoc perſurgantur officio, Episcopis non ſegniter annitendum eſt, ut fidei ſuæ commiſſi perinde ac gibboſi, & a recto recedẽtes lapides; tum malleo legis Moſaice (quæ ſic uocata eſt, a Domino per prophetam) a morum exorbitantijs complanentur, tum quadra legis euangelicæ (quæ ſine controuerſia rectiſſima eſt) ad rectam lineam reducantur. Vnde, & callere utrumq; tenentur teſtamentum, quemadmodum, & bicornis mitra protegit, ut illis pinde ac ſcribæ docti, & paſſim, & ubertim poſſint ſuo de theſauro, tum uetera, tum noua profundere, ſicut & ad illos, in euangelio dictum eſt.

Siquidem Epifcopo non ſatis eſt, eſſe doctorem, ſed & illum neceſſe eſt docere, & ſuo populo prædicare, quemadmodum, uel ex ipſius conſecratione conuincitur. Imo & frequenter neceſſe eſt, predicationi inſiſtere; Alias Epifcopo, dilectoq; diſcipulo Timotheo, non mandaret Apoſtolus, ut non modo predicaret uerbum, ſed ut inſtaret, oportune & importune, in omni patientia & doctrina. Verum de hac re inferius locupletius.

Secundo, ſunt Dei & Chriſti miniſtri, materiam preparatam, ſiue humeris, ſiue machinis (ut in materialibus, non raro accidit edificijs) perducendo ad eos, ut eorum pro arbitrio, in fabrica reponatur. Et licet non ibo inſicias, & aliter hoc oneris forſan, præſtari poſſe; puto tamen præſenti loco aptiſſimè conuenire, ſi ad episcopale regimen referatur. Quandoquidem tunc maxime

(si non fallor) creditos sibi populos, ad deum & Christum perdunt, cum illis unice, ac tota pro uirili prospiciunt.

Siquidem sui muneris est, non modo populis superintendere, de quo Apostolus, Attendite gregi, quos posuit spiritus sanctus Episcopos, ad regendum ecclesiam Dei, sed superintendere cum omni uigilantia, quasi (ut inquit alibi) rationem reddituri pro eis, cum omni cura, & sollicitudine, (Rectorē populi, ait Sapiens, constituerūt te, curam illius habe) & Apostolus; Qui praeest, sit in sollicitudine. Idq; non coacte, ut admonet Petrus, non gratia temporalis lucri (quod ibi, turpe lucrum appellat) sed ex animo, ex propensione cordis, imò, si Christo creditur, ex visceribus charitatis. Quippè qui, & hanc, tum eximiam, tum & non semel requisuit a Petro. Et denique non secus ac formæ gregis facti, audacter requirant a suis, quod non est neglectum ab eis.

Tali igitur superintendencia, tam prouido, ac salutari regimine, nemini dubium esse puto, populos ad Deum & Christum, non solum maximè prouocari, aut ualidissimè perurgeri, sed suauissimè pertrahi, ac magna cum celeritate perducì. Et praesertim electos, quive fortiti sunt animam bonam, vel in quibus locupletior est gratia Dei; Qui suæ imbecillitatis conscij, episcopi sui curæ, perindè ac proprij patris, ac locum tenētis Dei & Christi, se spòtè committunt, se in illum reiiciunt, ac super illum suæ salutis negocium, animo propenso reponunt.

Quare sicut istos, episcopus potissimum gestare debet in corde, ardens illos in dies, non secus ac filios charissimos, cum Paulo parturire, hoc est, plenissimè ad Deum & Christum instituere, illis offerre ac dedicare, donec penitus formentur in eis; Ita & singularissimam illorum, ut par est, curam gerit, & sollicitudinem. Qd' sicut tropicè in scripturis, est gestari in alis, ita haud dissimè, dī gestari in humeris. In cuius typū, ni fallor, & noīa filiorū Israel, non solum in rōnali ferebantur Aaronis, quod erat circa pectus, sed & in superhumerali, quod, ut uox sonat, ferebat in humeris.

Qui uero horum de numero non sunt; Nempe quibus non facile est suadere, & per hoc, ualde difficile est, eos ad Deū, & Christum perducere, quippe qui non solum egent minis, sed baculo, imo fulmine & tonitruo, ab episcopis probe prudētēq; superintendentibus, tandem uirgendi sunt machinis præceptorum, excommunicationum, & id genus censurarum; Ut saltem quos non trahabat charitas timor extimulet, & pēna compellat. Ut & impleatur

tur quod Dominus dixit ; Et compellite eos.

Tertio sunt Dei & Christi ministri, quia ædificationem coope-
rantur cum eis. Propter quod, dicere non sat duxit Apostolus,
quod sunt Dei & Christi ministri, sed addidit, quod sunt & coope-
rarij. Tantus quidem est ardor Dei in homines, tam ingens cura,
& sollicitudo, ut cū suauitate, sua ædificetur ecclesia, ut eo in ope-
re, homines non solum elegerit in preparatores, ac cōductores,
ut diximus, sed & euhexerit in cōdificantes; quemadmodum &
ex Dionisio facile est comprobare. Et q̃ ita sit possumus hunc
in modum agnoscere. Constat in materiali fabrica, onus ædifi-
cantium esse, acceptos lapides, oportunis locis disponere, calce
connectere, & tam solide ædificium constituere, ut iuxta uerbum
Domini, non deiiciatur à vento, nec subuertatur a flumine. Er-
go, & in spiritali, seruata (ut par est) congrua proportionem, non
erit dissimile.

Et licet ea dispositio lapidū, in ædificio ecclesiæ Dei, quæ per
eternam predestinationem, à Deo & Christo facta est, coope-
ratores non habeat, cum & facta sit, ante constitutionem mūdi,
licet nec illa munerum dispensatio, qua alij datur sermo sapien-
tiæ, alij gratia sanitarum, & sic de reliquis, que dona gratis data
dicuntur, ep̃os cooperatores requirat, illa tamen, que in ecclesiæ
ædificio, Ierarchiam mirificam continet, nec mediocriter domū,
ac templum, Dei & Christi ornat integratq̃; nō nisi ep̃is coope-
rantibus, a Deo & Christo, executioni committitur.

Siquidem ad ep̃os pertinet episcopos consecrare (Reliqui te
Crete, inquit Paulus Tito, ut episcopos constituas oppidatim)
Ergo & consecrare sacerdotes, diaconos, subdiaconos, & alios
inferiorū ordinū. In quibus, sine controuersia, sacer ecclesiæ princi-
patus cōsistit, & totus quidē, si maximum, ut par est, includamus
Pontificem, a quo non secus, ac fonte riui, oīs ecclesiæ principa-
tus dimanat, & omnis potestas perinde ac mēbrorum a capite,
ad quosuis gradus ecclesiasticæ Ierarchiæ proficiscitur.

Licet & connexio lapidū in ecclesiæ edificio, ex uirtute progre-
diat̃ spūs, per ecclesiæ corpus diffusi, qui oīa eius mēbra, per neruos
& iuncturas (ut uerbis utamur apostoli) mirum in modum ne-
ctit, & copulat: Vel (ut non recedamus a tropo) per calcē, sine glu-
ten charitatis, que per illū in corda, tanta uirtute profunditur, ut
non modo id ipsum dicant oēs, nec sint inter illos hereses, non
factiones, sed unū sit omnibus cor, una anima, omnia cōmunia;

Licet

Licet & structuræ robur, soliditas, consistentia (cum ad perseuerantiam pertineant) singularissimum donum sint Dei, Nihilò minus, cum administratione cuiuslibet sacramenti, conferatur spiritus sanctus, & præsertim in sacramento Ordinis, in cuius signum, non confertur nisi cum impositione manuum, & per sacramentum Confirmationis, in quo, non solum confertur, sed cõfertur ad robur (quæ ambo sacramenta, ut constat, unicè sunt comissa episcopis) & spiritus sanctus, ut certum est, non detur sine gratia, non sine charitate, cum ipse aliud non sit, quam amor patris & filij, imò & in templo ecclesiæ, nunquam non multorum corda succedat, ardeatq; (siquidem lampades eius, lampades ignis sunt & flammæ, sicut in Canticis ad monemur) Palàm quòd, & ædificationis ecclesiæ opus (quod in his potissimùm consistere diximus) non nisi cooperantibus, coædificantibusq; episcopis, à Deo & Christo, communi lege, ad exequutionem deducitur.

Imò si quis scripturas diligenter expendat, non solum Episcopi ædificationem faciunt, ut cooperarij, sed quodammodò, ut Architecti. Aliàs non testaretur Apostolus, se perindè ac doctum Architectum fundamentum iecisse. Nec quidem mirum si aduertimus, quòd ardore in nos diuinæ bonitatis, non modò eubecti sunt in celsitudinem cooperarij, sed & locumtenentis, ut possint quodam pacto, ædificare in persona Dei, & christi, quemadmodum & alia non pauca, in eorundem persona efficere. Propter quod, & canit ecclesia de Apostolis (quibus sine controuersia, succedunt episcopi) quòd sunt operis christi uicarij, ut & non immeritò dictū sit eis, Qui uos audit, me audit, & qui uos spernit, me spernit. Ergò sicut Paulus in persona christi donabat, siquid donabat, ita & in christi persona ædificabat, cum eius ecclesiam construebat,

Et quanquam, mea sententia, hæc constantissima sunt, scrupulus tamen submouendus est. si enim Episcopi, non solum sunt in ædificatione ministri, præparando materiam, & præparatam exhibendo Deo & christo, sed & ipsius ædificationis cooperatores, imò & quodam pacto Dei & christi, in ædificando locum tenentes, Qua ratiōe, de se & alijs, dicit Apostolus, quòd aliud non sunt, quam puri ministri, plantantes quidem, & rigantes, sed incrementum non facientes. Imò quòd ministri sunt ferè nullius penfi, Quàdò quidem neq; qui rigant, neq; qui plantant sunt aliquid, sed qui incrementum dat Deus.

Vt igitur scrupulus eruat, attendendum est quod eò loci
Paulus,

Paulus, non loquitur de pastoribus, siue Episcopis, sed de inferioris ordinis prædicantibus, donatis tamen munere prophetiæ, siue interpretatiōis sermonū, de quibus duodecimo ad Corinthios. Siquidem ultra pastores, uel episcopos nunquā defuerunt ecclesiæ, inferiores administratores uerbi, & maximè tēpore Apostolorum, & præsertim apud Corinthios, ut ex utraq; ad illos epistola, difficile non est animaduertere. Quorum & multi, eo non fungebantur muneris ad pietatem, sed fungebantur ad questum, multi non ad gloriam christi, sed ad gloriam propriam, & de his potissimum loquitur. Quippè qui, prædicabant (ut epistola prima colligitur) potius in humanæ sapientiæ uerbis, quam in ostensione spiritus & uirtutis, potius ad captandā auram populorum & parādos sibi discipulos, qui passim iactarent, Ego quidem sum Pauli, Ego autem Appollo, Ego uerò Cephæ (his nominibus usus fuit Apostolus, ne si suis illos, nominibus prænotasset, nonnulli offensionis occasionem accepissent) quam ad instituendum congregandumque homines, deo & christo, in fide & dilectione. Nec modò prædicabant, sed & baptizabant, at non maiori quidem zelo religionis, aut christianæ pietatis.

Ergò de his non inmerito dicit, quòd aliud non sunt, siquid sunt, quam Dei & christi ministri, Propter quod quicquid in illis esse potuit dignitatis, quicquid præstantiæ, & exultationis (ita enim in scripturis sumitur, esse aliquid, ut constat Galatarum tertio) & maximè in oculis Dei & christi, qui intima uident, totum adscribendum fuerat, dono Dei, quo donati, & gratis quidem, fuerunt ab eis. Et plantationis tropus, administrationem significat uerbi, qua homines prouocantur ad fidem, non quod internam persuasionem faciant (cum illa opus sit Dei, qui in cordibus fidem infundit) sed quia extrinsecus, quæ sunt credenda proponunt (cum Dei ordinatiōe, fidem externus præcedat auditus, quod præstatur administratiōe uerbi) Quia planè fide, obscurum non est, homines non solum, ex oleastro excidi primi parentis, sed inferi ac plantari, in oliua pingui christi Iesu, ut apostolus docet.

Rigationis uerò uerbum, etsi tropicè insinuare potest, frequēs prædicatiōis exercitium, ut nouellæ arbores, fide in Christo plantatæ, citius coalescant (Siquidem & prædicatio in scripturis, non modò assimilatur rori, sed pluuiæ, imò & imbri, qui inebriat terram, & quantum ex se est, germinare eam facit) Puto tamen ma-

gis præmissis consentire, si de administratione intelligatur baptis-
mi, quandoquidem & in hoc, non leuiter intumebant. Vnde sicut
ueluti è regione dixit Apostolus, quod illis euangelizatus non est, in
humanæ sapientiæ uerbis, ne eorum fides esset in sapientia homi-
num, sed in uirtute Dei, ita & adiunxit, quod non est functus apud
illos, nisi erga paucos, administratione baptismi, ne quis diceret,
quod suo in nomine baptizatus esset.

Et licet administratio baptismi, administratio sit sacramenti,
Licet baptismus gratiam largiatur spiritus sancti, imò iuxta chris-
ti uerbum, ex spiritu sancto regeneret, non tamen minister, ex ra-
tione (ut sic dicam) ministri, gratiam aut spiritum confert. Siqui-
dem non accedit in baptismo, quemadmodum in ordine sacro,
qui peculiare munus exigit, in ministro (propter quod, & ab alio
quam Episcopo, conferri non potest) quandoquidem quilibet
potest baptizare, & non solum laicus, sed & mulier, imò & hære-
ticus, & baptizando gratiam, (suo modo) spiritus sancti confer-
re, propterea quod qui administrat causam, quantum ex eo est, con-
fert & illius effectum, qui communi lege, consequitur causam, ta-
met si non aliter, effectus à conferente dependeat. Ergo quantum
uis ministri, de quibus est sermo, fuissent insignes, quantumuis
eximij, & apud Deum maximæ existimationis (cum tamen aliud
non præstarent, quam plantationem & rigationem externam)
haud dubium quod quantum augmentum attinet, uerè nihil erant,
quippe quod, non nisi ex intrinseco proficiscitur. Ergo, scitè di-
xit Apostolus, quod neque qui plantant neque qui rigant, aliquid
sunt, sed qui incrementum dat Deus.

Deinde, etiam si ea uerba Pauli, ad prælatos extēdimus (quod
facile consentimus) minime præmissis reclamant. Siquidem con-
stat, quod de prælatis sermo non erit absolutè, sed quatenus ad
illos pertinet administratio uerbi, cum eò loci Apostolus, non
nisi ea de administratione loquatur, tametsi (meo iudicio) anne-
ctat administrationem baptismi, quemadmodum diximus. Qui
baptismus cum possit à quocunque præstari, liquet quod admini-
strationem uerbi, illius functio, nullo modo transcendit. Quod au-
tem plantationem, & rigationē, attingit (ut & suprà notauimus)
populi præparationem continet, qua adulescere possint in chris-
to, Et quanquam, illam exhibent Episcopi, præclariori dono,
quia munere exhibent pontificio, propter quod & illorum prædi-
catio, maior cum energia procedit, & ad aures populi sibi credi-
ti,

ti, uberiori cum fruge dilabitur (alias non diceret Christus, quod oues uocem pastoris audiunt, & audiendo sequuntur, è contra uerò, illius qui non est pastor, non audiunt, nec sequuntur) nihilominus, & indubie ueritatem habet, quod neque qui plantat neque qui rigat aliquid est, respectu, scilicet augmenti, quod (ut dictum est) non nisi ex intrinsecus operante progreditur. Nec in præparationis operibus, episcopi aliud quidem sunt, quæ externi ministri, tametsi in sequentibus, ut expressum est, sint & cooperarij imo, & Dei, & Christi, locum tenentes.

Rursum, De eodem, Sed apertius.

Verum quia doctrina symbolica, propter interpretationes uaria, non semper, tum à Dionisio, tum ab Augustino, reputatur conuincere, forsan non erit inutile, siquid de episcoporum munere, ex scripturis sine tropis occurrit, paucis inseramus. Et licet id præstari posset, ex pluribus locis, lubet tamen, solum uerba Seruatoris expendere, quibus non modo Petrum, in Episcopum totius ecclesiæ consecrauit, sed & perspicuè illius officium patefecit.

Dixit IESVS Simoni Petro. Hoc est, Simoni in fide reddito solido, & constanti. *Simon Iona*, Non enim erat filius Ioannis, sed Ionæ. Quod si sacramento uacaret, nec modo cum illum Pontificem facit, nec solum cum sibi Pontificatum spondit, Christus repeteret. Et quantum imbecillitas mea consequitur, admonet Pontificatum nemini exhibendum, imo nec promittendum, nisi filius sit Columbæ (id enim Iona significat) hoc est, nisi filius sit, tum ecclesiæ, de qua legitur, una est columba mea, tum Spiritus sancti, de quo euangelium docet, quod aliquando in forma columbæ descendit. Nisi, inquam, filius sit Ecclesiæ, hoc est, nisi & habitus ab illa semper sit, ut pius filius, & ab eo, illa semper obseruata sit, ut pijsima mater, utpote qui & illius doctrina sit pastus, & iuxta, illius leges, & ritus, optime institutus, nisi filius sit Spiritus sancti, ut qui non solum ex illo sit, in baptismo re-genitus, sed & eius gratia foris, & charismatibus locupletatus.

Diligis me, nunc excitatum à mortuis, quemadmodum, & diligebas properantem ad mortem; non modo asserens, ex ardo re charitatis, sed repetens, paratum, & promptum te mecum esse, non solum carceri tradi, sed & morti exponi? *Diligis inquam me*, postquam non semel abnegasti, non dicam, ut hi, sed

& *plusquam hi*, quemadmodum & apud Cæsaream Philippi, me præ his, Dei filium es confessus, & in nouissima cœna, audacter præ his es protestatus, quòd etsi, me paltore percussio, reliqui forerent scandalizati, tu nunquam esses scandalizatus? *Respondit Petrus*, non solum in gratiam reassumptus, sed ad altiore (ni fallor) gradum promotus, & præ illis ardentiori Christo charitate copulatus, quemadmodum, & illis erat officio, & auctoritate præpositus. *Tu scis Domine, quòd amo te*. Siquidem suam imbecillitatem expertus, quantæ temeritatis fuerit se iactasse, ac præ reliquis præsumpsisse, nimium exploratus, non modo non solita animositate loquitur, sed nec audet, euidentis suæ conscientie testimonium, nisi sub iudicio Christi depromere, asserens, quod cum illum nulla res lateat, qui & pertingit ad intima cordis, probe quidem nouit, quòd amat, hoc, est, uehementissimè diligit eum. Et cum non solum spiritus sit ponderator, sed lagitor, quique & ignem uenit mittere, nec aliud cupiat, quàm uehementer accendi, porfus, non ignorat, si plus quàm reliqui ardeat eum.

Dicit ei Iesus. Si me uehementer diligis, si præceteris ardes (quòd plane non diffiteor, qui & latebras tui cordis intueor, imò, & inflammo) rem à te, quæ mihi est unice chara, & præ omnibus suapræ modum accepta, obnixè requiro. *Pasce agnos meos*. Olim ecclesie tibi Pontificatum promissi, nunc promissum absoluo, uerum & quanti sit oneris detego. Siquidem & si non inficior, pro me, te aliquando coniiciendum in carcerem, & cum senueris, & si nolueris, ducendum ad crucem, ac moriendum in ea, Et si non renuo, te permanfurum in fide, & si opus fuerit confirmaturum Apostolos, & confratres, Nihilominus quod pontificatus est, exigo flagitoque; ut agnos scilicet meos, quos sanguine mihi parauimus, omni cura reficias. Illos tibi committo, ac tota uirili commendo, & esto certior, quod si ardentè me diligis, necesse est, ut ardentè diligas eos. Quos & dum pasces, me pasces, quippe qui in eis insigniter dego, & quod uni ex minimis istis præstatur, indubie & mihi præstatur.

Dicit ei iterum. *Simon Iona diligis me?* Et plane quidè, plus his. Tum ne prima extenuetur interrogatio, tum ut & retineatur, semper ardentioribus Christi, credenda munera pontificia. *Respondit Petrus*, eadem prorsus responsione. *Tu scis Domine, quòd amo te*. Non occurrebat Petro assertio, aut tutior, aut efficacior, quàm ad illud, quem probe nouerat nihil effugere, iterum prouocare, &

suę quidem scientię , tũ certitudinem , tũ sui amoris pręstati-
tiam , toto corde committere .

Dicit ei Iesus. *rege oues meas*. Sime prę cęteris amas, prę
cęteris, & hoc onus assunime, ut regas oues meas , Non ignarus
quod si agni, mihi sunt, unice chari, oues unice sunt charissimę , si
illi sunt proximi cordi, hęc sunt in meditullio cordis, si illi sunt sem-
per ob oculos, hęc ut pupilla sunt oculi. Nec quidem mirum, cum
minores illi sint, hęc uerò maiores, Illi egeāt lacte, hęc solido cibo,
Illi steriles, hęc sepiusculè grauidę, Illi demum imbecilles, & ad la-
bores insoliti, hęc fortes, & laboribus assuetę.

Dicit ei tertiò. Vt pręferat indubiè, tum eximiam in illo qui
ungendus est Pastor, Christi dilectionem requiri, tum, & potissi-
mum pastoris negocium, & primò, & secundò , & tertiò , in hoc
ipso uersari, ut pascat & regat ecclesiam. Et licet, hoc in loco, ser-
mo peculiariter sit, de summo Pontifice, respectu uniuersalis ec-
clesię, non secus tamen intelligēdum esse, & de episcopis, quibus
commissę sunt ecclesię particulares , Apostolus docet , qui illos
non dissimilibus uerbis exstimulat. Attendite, inquit, uestro gre-
gi, quos posuit spiritus sanctus episcopos, ad regēdum ecclesiam
Dei. *simon iona amas me?* Non solum me prę cęteris diligens,
sed & unice ardens ? Propterea, & (si non fallor) uerbum Dilige
re, in uerbum commutauit Amare, quemadmodum & respōden-
do, semper fecerat Petrus. *Et contristatus est Petrus*, tum ueritus
aliquod presentaneum malum, tum prorsus nesciens, quo modo
& tutius & ualidius posset suum ergā illum ardorem conuincere:
dicatq; ei : tu, quidem, *omnia nosti*, non solum quia Deus, cuius
oculi abditissima uident, sed quia homo, cum in te omnes sint the-
sauri, tum scientię, tum sapientię Dei reconditi . Ergò tu mi do-
mine & magister, imo redemptor & saluator, qui (ut alias noui-
mus) nosti quicquid latet in homine, tu in quam, *scis quidd*, uere,
amo te, nec aliud cupio ardeoue pręter te. Dicit ei Iesus. *Pasce*
oues meas. Sicut & priori loco mandauit de agnis . Igitur Petre,
hec erunt plenissima, & omni exceptione maiora, tuę erga me di-
lectionis, tuiq; ardoris testimonia, si regeris pauerisq; tum oues,
tum & infirmiores agnos meos, omni cura, ac tota uirili.

Et quanquā premissa Domini uerba, multis sint grauida sa-
cramentis, de illis tamen, solum aliquid attemptabimus, prout
presenti pertinent instituto. Qua de re excutienda non sunt, ut
creationem continent pontificatus Petri, sed ut attinent fun-

D E R E S I D.

tionem sui muneris, & per hoc officium cuiuscunq; Episcopi. Quod planè in duobus uerbis concludit, scilicet, in Regimine, & Pabuli administratione. Et à primo exorsi, quod potissime onus cõtinet præfulatus, & ex quo omnis super gregem prelati credi tum, deducitur iurisdicção, maxime attendendum, quòd sicut indubie ex illo uerbo, Rege oues, habet summus Pontifex curam & regimen, totius uniuersalis ecclesiæ, ita, uel ex eodem (sed ordi ne suo) uel ex eo, si mauis, quod Apostolus dixit, Quos posuit spiritus sanctus Episcopos, regere ecclesiam Dei, habent Episcopi curam & regimen, sibi crediti peculiaris populi. Quam & sortitur, uel cum confirmatio summi Põtificis electis, accedit, uel cum eiusdem authoritate, quemadmodum exigit rectè instituta ecclesiastica Ierarchia, iuxta Patrum sacrosanctum ritum, inungitur.

Habent inquam regimen, At non quodcunq;, sed Pastorale, ita quidem & greca uox sonat, & ob id, non ad prospiciendum sibi, sed gregi. Siquidem oues, cum sint nõ solum natura imbelles, sed timidæ, nesciantq; ab hostibus se defendere, quos tamen habent, & multos, callidos, & sanguinem earum ardentes, præ omnibus animalibus, egent cura pastoris. Qua si fuerint destitutæ, non modò errandè uagantur, per saltus, per uepres, sed faciliè præcipitantur ac deglutiuntur, tum à lupis, tum à leonibus, qui nusquam non circumeunt, quærentes ut aliquas deuorent. Habent, inquam, regimen pastorale, Verum non ethnicum, nam & qui apud gentes erant legiptimi Principes, nec regimen uerte rant in tyrannidem, sed neruis omnibus, populorum intende bant commodo, & profectui, Pastoris ornabantur ænco miji, sed Christianum. Et propter hoc, non iuxta instituta ethnicorum pastorum, sed iuxta instituta unici, ac uerissimi Pa storis christi.

Ergò regimen episcopi, Præter id, quod proficisci non debet, ex ambitione gradus, sed ex uocatione Dei, & iuxta uerbum Apostoli, nemo sumit sibi honorem, sed uocatus à Deo, tan quam Aaron, non ex amore sui, sed ex dilectione christi, iux ta illius uerbum, inculcatum, ut patuit, principi episcoporum Petro (diligis me, diligis me plus his?) non ex cupiditate lucri, ut etiam diximus, sed ex propensione animi, iuxta admonitio nem Petri (non turpis lucri gratia, sed ex animo pascentes gre gem) non ad dominandum populis, sed ad seruiendum eis, iuxta

uerbum

uerbum apostolorum principis (non uelut dominantes in clericos) imò & iuxta uerbum christi Iesu (Principes gentium dominantur eis, uos autem non sic, sed qui maior est uestrum, erit uester seruus,) Præter hæc, inquam, Non præstatur solummodò uerbis, non solis constitutionibus & statutis, sed, & maxime (ut tactum est) integritate morum, & innocentia uitæ. Propter quod & Petrus de episcopis dicit, ut sint ueluti forma grægis, ut ad illos attendentes oues, uiuendi normam excipiant. Et dominus, Bonus pastor ante oues uadit, plane non sola præcedens auctoritate, sed (& potissimum) perfectione. Vndè & Apostolus Thimotheo Ephesiorum episcopo. Exemplum esto fidelibus, in uerbo, in conuersatione, in fide, in dilectione, in castitate.

Non præstatur, ouibus prospiciendo, solummodò in communi, sed & prospiciendo, singulis, in particulari. Propter quod, sat non est bono pastori, ut oues agnoscat ex facie, iuxta monita Sapientis (Diligenter attende uultum pecoris tui) quod pertinet ad agnitionem externam, & ex solo uisu acceptam, sed opus est, ut illas agnoscat ex nomine, ut possit iuxta christi uerbum, singulas nominatim uocare, Quod pertinet ad agnitionem intimam, & consuetudine partam. Siquidem aliquem nosse ex nomine hebræorum tropo, est illius notitiam habere domesticam, & familiarem, iuxta illud domini ad Moysen, Noui te ex nomine. Imò est nosse amicè, & attendere speciali cura (Nouit dominus, qui sunt eius, non relinquit dominus, quos cognouit, quorum & nomina sunt apud eum, in libro uitæ.) Non sat est, ut uocet illas in communi, sed, ut præmisimus, necesse est, ut uocet singulas nominatim. Quod haud insolito tropo, est singulorum sollicitudinem gerere, & cuicunque sigillatim prospicere. Est pro illorum commodo, nulli non accommodare se se, ut dicere possit cum Apostolo, omnibus omnia factus sum, ut omnes facerem saluos. Est demùm omni cura dilquirere, ut uestigetur si qua errauit, sanetur si qua languit, ligetur si qua intumuit, custodiatur si qua sit pinguis & fortis, & id genus, sicut in Ezechiele propheta.

Denique Episcopi regimen, eòusque addictum est gregi, quòd sententia christi, pro ouibus animam, hoc est, uitam ut scriptura loquitur, exponere non recusat. Quod hùc in modum intelligo. Constat bifariam in scripturis uitam acceptam; Aliquã

do pro esse uitali, quod consistit in connexione animæ ad corpus, de qua scriptum est; Quod uita hominis, in sanguine eius est; Aliquando pro operationibus uite, de qua legitur in euangelio, Diliges Dominum Deum tuum, in omni uita tua. Et hæc quoque non sunt obscura philosophis, ut cuique uidere licet, secundo libro de anima. Et quamuis bonus pastor, nullam reculet expone re, primam tamen, non exponit, nisi in casu, quando scilicet salutis gregis, aliter non potest consulere, sed secundam, & quouis momento, & omni pro uirili, semper expendit; Quippe qui, ecclesiæ est præpositus, ut non sibi militet, sed ut illius profectum omnibus neruis procuret.

Nam (præter id, quod non præsidet, ut diximus, ad dominandum, sed per charitatem omnibus inserviendum, & notum est quod seruus totum quod est, illius est, cui ad seruiendum addictus est) constat, quod & eius regimen, regimen est uiri respectu propriæ coniugis. Quippe qui, sponsus est suæ ecclesiæ, & ob id, haud dubium, quod non secus illam, non modo tenetur diligere, sed fouere, & custodire, ac proprium corpus, sicut Apostolus admonet. Imò quod & illi non solum relicto patre, & matre, & multo magis alijs quibuscumque commodis, & illecebris, debet continuo adhærere, sed perinde ac proprium eius caput, omnibus actibus eius, non modo superintendere, sed omnem uim, & robur, iugiter applicare. Nam capitis est, corpori & singulis membris, uidere, audire, odorare, gustare, & loqui, et semper assistere, recta ostendere, aduersa declinare, & in omnibus sua pro facultate, defendere, & custodire. Hactenus de regimine. Nunc breuibus, de administratione pabuli.

Et quanquam ex præmissis, magna ex parte res sit perspicua, non grauabimur tamen, & pauca superinferere, ut saltem præceptus ordo seruetur. Primum igitur, nemini, puto, est obicurum, ad episcopum pertinere, egenas oues, etiam temporaliter pascere, iuxta illud tamen quod habet, ut uerbo utar Apostoli, & non iuxta id, quod non habet. Tametsi minime detrectarim, ad charitatis uiscera pertinere, si quando exemplo Pauli, qui ab opulentioribus exigebat gentibus, ut pauperibus subueniret Israelitis, aliquid a ditioribus petat, aut, si malint, ut ipsi sua saltem ex abundantia aliquid fratribus & suis in Christo commembris, impartiri uelint, paterna admonitione sollicitet.

Pertinet inquam ad episcopum egenis succurrere, & secundum illud

illud quod habet, non modo pertinet ex charitate, sed pertinet ex ratione iustitiæ. Quippe qui, ex ui sui muneris pater est pauperum, quos oportet, iuxta uerbum Christi, suis in ecclesijs semper habere. Nec patri congruit thesaurizare, nisi pro filijs, ut habeat, quod necessitatem tribuat patienti, sicut Apostolus dicit. Vnde & bona ecclesiæ, detractis quæ ad uitâ eius pertinent, quâdoquidem nemo militat stipendio proprio, & qui altari seruit, debet de altari etiam uiuere, imo & quæ pertinent ad decentiâ gradus, in qua re tamen grandis est sermo, sed locum commodiorê, requirens, detractis & iuxta sanctiones antiquas, quæ necessaria sunt pro reparatione ecclesiæ, nisi forte illa non egeat, aut illi, ut non raro accidit, prouentus sint aliunde ascripti, uidentur in pauperes exponenda, cû non aliam ob rationem, illis data sint, quàm ut habeant, iuxta uerbum christi, qui in ea resident, unde possint pauperibus benefacere, quemadmodum & factum est, tempore apostolorum.

Verum etsi tenentur episcopi, temporale pabulum, ut possunt egentibus ministrare, tenentur quoque & non minus, imo & longe magis, oues Dei uerbo reficere. Propter quod, ut supra dicebamus ex Paulo, episcopum oportet esse doctorem, & frequenter docere; Et non solum in doctrina sana, sed & tam solida, ut non modo possit rationem reddere, omni poscenti, ut Petrus episcopum debitorem facit, sed & ualide contradictores arguere, sicut Paulus ad Timotheum docet. Et quoniam docturus est omnes, & paruos, & magnos, & agnos, & oues, quoniam pabulum omnibus debet, palam quòd opus est, ut sciat imbecillioribus dare lac potum, & fortioribus administrare solidum cibum, imo & sapien-
tiam loqui inter perfectos.

Et quanquam pabulum temporale, episcopus ministrare possit per alium, presertim si eo negotio, retraheretur ab administratione pabuli spiritualis, aut ab aliquo non minori bono. Alias nõ dixissent Apostoli, Non est æquum nos derelinquere uerbû Dei, & ministrare mensis, Nec ecclesia statuisset œconomos, aut diaconos huic oneri deputasset, nec legeremus leuitam Laurétium, thesauros ecclesiæ rite pauperibus dispertisse. Pabulû tamen spirituale, debet ministrare per sese. Vnde & Petro non semel dictum est, pascere, sed bis; Et episcopis per Petrum, Pascite, quantum in uo bis est, gregem Christi. Nec immerito, quoniam Pastorum est gregem pascere, ut Dominus per Ezechielem docet, &

oues

oues solum pastoris uocem agnoscunt, quemadmodum, & sequitur, sicut seruator nos admonet, & iam non semel assumpsimus. Imo, ut ostendimus, longe maiorem uim habent uerba episcopi, quam cuius uolueris mercenarij, cuius scilicet, nō sunt oues proprie. Quippe quæ ex locupletiori, imo & excellentiori dono procedunt.

Verum & si res ita se habet, accidit tamen, ut nonnunquam excusetur episcopus, si per ministrum inferioris ordinis, id muneris exequatur. Vnde & Aaron iunctus est Moysi, eo quod non erat eloquens, ut eius loco, uerba haberet ad populum: Et beatus Valerius, haud dissimili ratione, suffecerat leuitam Vicentinum, ut sui loco, non solum concionaretur plebi, sed ut & de fide responderet pro illo, coram iudice. Imo, si non fallor, etiam apostolorum tempore, seruatum esse uideatur; Aliàs non addidisset Apostolus, post uerba, (qui bene presunt presbyteri, duplici honorētur honore) maxime qui laborant in uerbo, & doctrina; Nec tolerasset illos, etiam euangelizare Christum, qui non fidei zelo, sed quæsitā, etiam non iusta, occasione, illum euangelizabant; Imo nec fuissent a Deo inferiores uerbi ministri instituti, & dono prophetiæ, siue interpretatio nis dignati; Nec in ecclesijs permisisset, alios ab episcopis loqui, quod tamen non solum permittit, sed & ordinem loquētiū statuit, ut possent singuli suo munere fungi. Crediderim tamen maxime expedire, ut cum episcopus concionatur per alium, semper cōcioni adesset, non tantum propter periculum, nequis per philosophiam, uel inanē fallaciam, ouiculas deprædetur, aut per doctrinas erroneas, uel hæreticas, gregem uniuersum inficiat (Siquidem multi ueniunt prophetae, ut dixit Dominus, in uestimentis ouium, qui intrinsecus sunt lupi rapaces) Sed etiam quia administratio uerbi, maioris efficit authoritatis, & profectus in grege, cum minister tunc quasi os reddatur episcopi, suaq; præsentia restetur episcopus approbare, quicquid cōcionator producit, quod meo iudicio, non solum, non erit mediocris satisfactionis, sed & uberioris frugis, & utilitatis.

Necesse est Episcopum, in sua Ecclesia residere:

Quibus omnibus plene consideratis, haud difficile est (si non fallor) euincere quod debitum sit episcopis in suis residere ecclesijs: Si. n. sunt instituti ad opus, nec quidem imperij, sed ministerij, obscurum

obscurum nō est, quōd instituti sunt ut ipsi suo muneri seruiāt. Et (præter id, quōd repugnat rationi ministri, habere ministrū; quandoquidem Seruatore teste, ministri est ministrare, & non recumbere, præcintum esse ad opus, & non substituere operariū & præsertim, eo in opere, ad quod est selectus, imō, & mercede conductus) constat episcopi ministerium, tanti fore momenti, tantam exigere curam, sollicitudinem, superintendentiam, ut uere putauerim neminem suæ salutis recte consulere, nisi in eo omnes uires expenderit. Adde, Quam gratum sit Christo, & quam debitum illius dilectioni, quam impium illum non æmulari, qui se episcopis in exemplum dedit.

Sed, ut paucis rem absoluam, palam siquis Episcopi munus excuserit, quod onus est personale, & in multis præsentiam corporalem requirens. Et quidem si spectetur ea ex parte, qua tenetur oues sibi creditas pascere (præter id, quōd pascere, opus est pastoris, ut Dominus dixit) certum est, quōd pabulum uerbi, de quo sermo, ita habet ab episcopo proficisci, ut parū ouibus proffit, nisi proficiscatur ab eo. Quippè quæ ut non semel diximus, uocem non audiunt mercennarij, cuius scilicet (interpretatur Christus) oues non sunt propriæ. Quod si quando excusetur non secus ac Moses, a concione publica, non excusatur tamen a concione priuata, Non a priuatis consilijs, admonitionibus, & id genus, exercitijs, reficiendis animis necessarijs. Si uero ex ea, qua oues astringitur regere, haud dubium, quōd id sine sui præsentia præstari non potest. Imō necesse est, ut ab eo dumtaxat progrediatur, Alias quo pacto ante oues ibit? Quo pacto singulas uocitabit? & cuicunque quod opus illi est ad salutem prospiciet? Quomodo se habebit ad illam ut sponsus, si non dimiserit patrem, & matrem, & adhaerebit ecclesiæ suæ, ut illius perfruatur amplexibus, & reddat illi proprium debitum? Quomodo ut caput, si non præsens sit corpori, illi uidens, audiens, loquens, & id genus officiorū exhibens, quæ caput, quouis momento, præstat reliquo corpori? Quo modo pro ouibus uitam non detrectabit exponere, qui non nisi suo commodo, uitā uiuit? quique tam longe abest, ut nec uideat, nec audiat lupos, qui tamen, & passim, & semper ouibus sunt infesti, & earum sanguinem ardentissime sitiunt? Et licet adsint mercennarij, fugiunt tamen luporum, aspectum, quia (ut dicit dominus) ad illos non pertinent oues.

DE RESID.

Mitto, quæ spectant ad consecrationes ecclesiæ, per sacramenta Ordinis, & Confirmationis, quæ sine dubio, inter præcipua opera sunt episcopi, in quibus, ut patuit, non modo sunt Dei, & Christi ministri, sed & cooperarii, quibus sine controuersia, alij ab episcopis non funguntur, & communi iure, non nisi ab episcopis proprijs, suis in ecclesijs exhibentur. Quandoquidem nulla ecclesia, plures habet episcopos quemadmodum; nec plures patitur sponso. Quare si quilibet, suæ uacaret ecclesiæ, ut communis lex habet, nullibi præstarentur nisi ab episcopo proprio. Sed esto fiant a suffraganeis, certum est, quòd non fiunt ut a suis pastoribus, sed sicut a mercennarijs. Quòd quanta dignum sit animaduersione, facile constat, cum id aliud non sit quam nolle suo munere fungi, imò, & dedignari Deo, & Christo cooperatorem esse. Sed quid multis? Compertissimū mihi est, suum onus agnoscere, nec quanto in discrimine, quouis momento, salus uersetur animarum; minus animaduertere, quæ earum curæ, cui tamen, & addixerunt sese, non studuerint, omnium uigilantia, tum solitudine, imò, & assidua superintendentia, quibusuis post habitis, insistere, ac semper attendere.

Episcopus, regulariter residere debet assidue.

Sed dices. Esto necesse sit episcopo, in sua residere ecclesia: Est ne opus, ut in ea persistat assidue? Respondeo. Regulariter quidem, residentia esse debet assidua, sed in aliquibus casibus admittitur interpolata. Quòd hunc in modum intelligo. Primum assidua residentia, minimas non excludit distantias, aut momentaneas, ut sic dixerim, interpolationes; quandoquidè notum est, & in humanis moralibusque negocijs, quòd parum pro nihilo reputatur, & quòd de minimis non curat Prætor. Siquidem residentia reputatur continua, etiam si quando, ad breuissimum tempus, Episcopum contingat abesse, aut loco suæ diocesis, esse adeò proximū, ut non minus gregi ualeat superintendere (nec enim Deus, id ea distinctione requirit, ut nunquam liceat, uel subleuandi animi gratia, parumper a laboribus requiescere, nec populo prodest, nimium morosus Princeps) Sed excludit distancias (ut ita dixerim) lōgas, & interpolatio

nes

nes prolixas: Quod hoc pacto difficile non est cōvincere. Certū quidē est, totū pastoris negociū, salutē esse animarum; Quod quāti sit momenti, nemo est qui ignoret. Quia ergo dum hic agimus, nunquam expositi non sumus periculo; imo & in multis, & magnis, iugiter uersamur periculis, quin & in hoc mari magno, & spaciofo, frequētibus agitamur procellis. Et præter illecebras carnis, & fallacias huius mundi; nunquam non uallamur multitudine hostium, nūquam non petimur eorum machinis; & rarō est, quod aliquibus non circumueniamur insidijs; Ideo factum est, ut assidua egeamus custodia, imo & uigilantissima cura.

Et licet electi, propter quos, episcopi sunt potissimum instituti, & eam ob rationem, ad pascendum, tum oues, tum agnos (qui in scripturis indubie electos exprimunt) peculiariter deputati, tādē perire non possint, quoniā, ut dominus dixit, nemo eos potest rapere, de manu sui Patris: Licet & pastor Christus, illis semper assistat, & perinde ac murus, & antemurale, ut aliquando promisit, secure defendat, imo & ut pupilla custodiat; Nihilominus sicut statuit in ordine uniuersi, ut creaturæ magis insignes, & in sublimioribus gradu, & loco repositæ, sua pro uirili prospicerēt his, quæ natura sunt minus insignes, ad inferiorem gradum, ordinemq; spectantes: Et tamen certum est, quod diuina uirtus, nullā quantumuis minimam, deserit (aliàs reduceretur in nihilum) Certum quod ordinem istum non statuit, quia sit uiribus imbecillis, sed quia sic placuit suæ liberalitati; Ita & sua in ecclesia, magna cum ratione, obseruari constituit, & decreuit.

Quam ob rem non obstat diuina protectio, aut tam ualida Christi custodia, quin maxime sit uigilandum episcopis, aut omni pro uirili indefesse superintendendū, sed vrget potius, & stimulos addit, ut considerata incredibili dignatione Dei, qui illos secum, non quidem in regendis rebus inferioribus, aut minus insignibus creaturis, sed in seruando unicē sibi dilecto peculio, animabusq; tanto incompendio comparatis, ad salutem promouēdis, fecit esse consortes. Et licet tam enixē uoluerit esse cōmendatas, & tanta cura ac solitudine custoditas, quantam exigit ardor, tum suus erga illas, tum noster erga sese (qui plane exigit, tū eximiam diligentiam, tum heroicam sollicitudinem) nemini tamen dubium, quod pastores ex animo, quātum in se fuerit, suam functionem præstantes, deus semper oportuno, & ob id, heroico & eximio, fauore præueniat, manum apponat; ac successum in

Ponderandum tamen est sano iudicio, quid magis conducatur, in ecclesia persistere, an speratum prouentum, absentia procurare, & constat quòd conducibilius eligendum est. Quod si nesciat in partium alteram per seipsum inflectere, puto non deerunt, quos consulat. Vel summo pastori significet, & illius consilio, se committat.

TERTIVS est, Persequutio personalis. Nam & ad tempus ex doctrina Pauli, cedendum est iræ. Quod tamen intelligo, cum pastoris discessio, non præiudicat animarum sibi creditarum saluti, exemplo Athanasij, & aliorum Patrum. Aliàs si oues relinqueret lupis, aut euersoribus fidei, & christiane pietatis, non licet discedere, sed potius, ut bonus pastor, debet pro ouibus se morti obijcere.

QUARTVS est, Adeptio valetudinis. Cum enim pastor infirmus, quæ sui sunt oneris, non facile exequatur, incommodo non erit ecclesiæ, si ad tempus illius præsentia destituitur, ut validior factus, commodius illi ministret. Quod & sine præiudicio intelligi animarum, sicut & in præcedenti casu.

QVINTVS est, Voluntas summi Pontificis. Quod non intelligo de qualibet voluntate, quoniam, non de voluntate tollerante, non de permittente, non de emendicata præcibus uel fauore; Sed intelligo de illius uoluntate simpliciter, & absolute, quæ scilicet uult, quia sic, re uera expedire cognoscit. Nam cum indubie ad illum potissimè pertinet, cuius particulari ecclesiæ, ministros præscribere. Et certum est, quòd sicut illius libertatis extitit, cuicunque diocesum, certos præfigere terminos, quos tamen potest iusta de ratione, tum retrahere, tum extendere, ita & eius extitit optionis, ut hæc particularis fidelium multitudo, proximè regeretur, ac pasceretur episcopo, & illa proxinie, & regeretur, & pasceretur ordinis inferioris ministro. Quod & nihilominus posset, & iusta ratione mutare.

Et quamuis ecclesia, in cathedram episcopalem euhecta, eo dignitatis, communi lege, priuanda non sit, sicut tamen accidit, ut nonnunquam iuste priuetur, & non solum ad tempus (ut cum ob demerita, fuerit suspendendus episcopus) sed & absolute (ut cum obsecus populi, priuanda est cathedra episcopali) quibus casibus, animarum cura, sine controuersia, relinquitur inferiori ministro; ita & accidere potest, ut non in alterius eorum pœnam, sed ob piam causam, uel iustam rationem, uelit summus Pontifex,
ad

ad tempus episcoporum aliquem, certo negotio deferuire, & per hoc ad tempus suam ecclesiam, corporaliter destituere; & sic eo pro tempore, ab inferiori ministro, proximè regi, ac proximè patri. Quo quidem casu, meo iudicio, non solum episcopus à reficienda excusatur, sed si negotium illud ecclesiæ uniuersali conducit, à propria functione, penitus non dimouetur, quandoquidem & eo pacto, procuranda est salus particularis membri, ut cum opus fuerit, etiam pro salute totius corporis, possit exponi. Vnde & Apostolus, Titum quem in episcopum præfecerat Cretæ, non solum aliquando accersit ad se, sed & misit ad Dalmatas, Et Thimotheum, qui Episcopus erat Ephesi, non raro secum detinuit, & ad Philippeneses mittere destinauit, ut & certo sciret, quo pacto res agerentur cum eis.

Et licet forsitan non deessent, qui eo in negotio, summe possent inseruire pontifici, dubium tamen non est, quantum conferat, non modò rei dignitati, sed & promotioni, cum agitur per uirum non solum prudentem, fidelem, & probum, sed gradu & honore insignem. Et præsertim cum res, non tantum est grauis & pia, sed non mediocris momenti, sed ecclesiæ conducens uniuersali, & non raro cum magnis tractanda Principibus, sicut contingit legatis, nuncijs, & oratoribus. Nec puto defuissent Apostolo, quos mitteret in Dalmatiam, aut ad uisendum qui crediderunt Philippis, sed, sicut Thimotheum elegit, quia non habebat magis unanimen, ita elegit & Titum, quia fortè non habuit magis fidelem. Quod dico de legatis & nuncijs, non ea de ratione commemoro, quod in his tantum consistam, quandoquidem meum non est, leges præscribere Pontificis uoluntati, sed quia hæc ab omnibus (si non fallor) debent esse comperta. Siquidem negotij genus & qualitas, Pontificis sunt relinquenda prudentiæ, in quò & eximia, & heroica necessaria est. Imò cum regimen summi Pontificis, longè sit præclarior, longèq; excellentius quouis humano regimine, illi satis non est, quæuis prudentia hominis, etiam si heroica sit, sed illi opus est prudentia spiritus, (quæ & uiro, si Salomoni creditur, sapientia est) & ea quidem, non mediocris, sed summa.

si enim, ut nemini dubitare fas est, penes illum semper est assistentia spiritus sancti, & cum suo munere fungitur, non modo in ea re, illum non deserit, sed & locupletissimè dirigit, haud dubium, quòd aderit, & prudentia & sapientia spiritus, quæ & clarissima eius sunt. Et si de ratione prudentiæ est, consiliari, decernere, pro uidere,

videre, palàm quòd de ratione prudentiæ spiritus est, ea facere consilio, iudicio & providentia spiritus. ergò nulli dubium, quòd cum consulit Deum, cum iudicat posthabitis priuatis affectibus, & prouidet salutì totius ecclesiæ, quòd omnia prudentissimè ac sapientissimè facit. Et quoniam si nefas est, de proximo malè sentire, & deterius est non rectè de superiori cogitare, plusquam nefarium erit, quòd summo uideatur pastori, non boni consulere, imò non summa cum ueneratione suscipere. Quare meo iudicio, tutissimè nos illius uoluntati committimus, imò & committi debemus, illi semper obedire, & omnia quæ iusserit, inquantùm possumus, quam rectissimè interpretari.

- At si uoluntas eius sit, ut non modò Episcopus, à sua absit ecclesia, tempore pertractandi negocij, sed & usquequò Pontifex égerit in humanis, quippè qui illum uult sibi frequenter assistere, non rarò consulere, & à secretis habere, quid ritè Episcopus faciet? Rursum. Si illum euheat in Cardinalem, & propterea non solum quòdà Papa uixcrit, sed & quòdà superstes ipse fuerit, nequit in ecclesia residere, quid facere habet?

In priori casu, Rectè quidem faceret, si quando exoraret, ut posset ad sponsam redire. Quod si præce non obtinet, suggerat & suadeat, ut sui loco præficiatur alius, qui ut sponsus illi ecclesiæ ualeat adhærere. Quod si assequi nequit, securus obtemperare potest, imò & (mea sentètia) obtemperare debet. Nam (præter id, quod onus, eo casu, in summum reijceretur Pontificem) ex præmissis sufficienter habetur, quòd summi Pastoris uoluntate, potest particularis ecclesia, pastori ordinis inferioris committi, & præsertim ad tempus, & iusta de ratione. Et si iusta fuit ratio (sicut indubiè iusta fuit) ut Romam Paulus Thimotheum accerferet, & in sui obsequium (ut qui illi non secus ac filius patri semper obsequutus fuerat) uel consortium, nam missis, in Dalmatiam Tito, & in Galatiam Crescentio, solus cū Luca degebat, & usq; ad obitum, qui tamen proximè instabat, pariter retineret, Cur & ratio nō poterit esse iusta, si quando summo uideretur Pontifici; quem piam apud se episcoporum habere, ac illo etiam usque ad diem ultimum, qui Pontificibus, non longe, communi cursu, protenditur, in profectum totius ecclesiæ, sibi iugiter deseruire?

Verùm ut res sit magis dilucida, attendendum est quòd cum summo Pontifici, non modò commissi sint agni, sed oues, & ob id non solum minores, ut dictum est, sed & maiores, & per hoc Præ-

sules,

sules, qui minores non secus ac oues agnos, christo pariunt, la& pascunt, & ad pietatem instituunt, commissi sunt, (imò & hi insigniter commissi sunt, quippe qui non solum commissi sunt, ut pascantur, sed ut & regantur ab eo, ut perspicue Dominus dixit) plane quòd non erit obscurũ (uel ex hac insigni commissione) quod rem atinet, facile animaduertere. Siquidem cum summo Pontifici dictum est, Rege oues, indubie peculiaris illi Episcoporum de demandata est cura, nec quidem tantum, ut eorum prospiciatur personis (quoniam id satis factum est, cum dictum est, *Pasce*, & notum est, quòd (præter id quòd oues egent solido cibo) non modò accuratius, sed & uberius, illis prouidendum est, unde & qui bene præsunt, duplici dignantur honore, uti Apostolus scribit) Sed maxime, ut eorum prospiciatur officio, & ob id, ut illius peculiari moderatione, grex illis creditus dirigatur ab eis. Propter quod, & summi Pontificis sanctiones astringunt episcopos ut iuxta illas, suo inferuiant muneri, Et certum est, in Ierarchia, ecclesiæ, non modo inferiores gradus à superioribus decorari, sed dirigi, & præcellentiores à supremo insigniter regi, ac perfici. Vnde & prouide factum est, ut certo tempore, eorum quilibet limina apostolorum adeat, ac summo se Pontifici representet. Nec quidem tantum (meo iudicio) ut illum, sicut & par est, superiorem agnoscat, sed ut & (exemplo Pauli qui Ierosolimam profectus est uidere Petrum) cum illo, sua de ecclesia conferat, illius uoluntatem requirat, & iuxta eius præscriptum executioni tradat.

Ergò indubie cura præfulis particularis, Dei ordinatione, à cura dependet supremi pontificis, & ob id & quæ illius alligata sunt oneri non solum tutè, sed & legiptimè, illius habent dispensationi subijci, & pro illius iudicio, ac moderatione executioni mandari, Ergò & iuxta summi Pontificis uoluntatem, dubitandum non est, multis in casibus, posse contingere, ut episcopus sine sui muneris præiudicio præstet, quod suæ tenetur ecclesiæ, per uicarium, uel ministrum, ut sæpe diximus ordine inferiorem, & per hoc, ut absq; diuini præcepti uiolatione (ut quod non quouis casu episcopum ligat) nonnunquam & ad tempus, à corporali re sidentia ualeat supersedere. Nec propterea, episcopum penes se retinente Pontifice, iniuria pati, illius uideretur ecclesia, quandoquidem (præter id quòd sponso non destitueretur absolutè, sed solum destitueretur ad tempus) constat quòd episcopus apud Pontificem degens, illiq; in re non leuis momenti, & in commo-

dum

dum totius ecclesiæ seruiens, non modo ei sit membrum proximum, sed cōiunctū, & ob id, ad personā eius peculiariter pertinēs; Quod tantum abest, ut iniuriā illius facere possit ecclesiæ, q̄ facit non contēnendum fauorem. Nā hunc in modū deuinctus pontifici, nequit illius splendore, insigniter non perfundi; & per hoc nō nihil ulterioris lucis propriæ ecclesiæ non afferre, Præter id, q̄ si uelit, poterit ualidius supintendere, & q̄ illi expedire possunt efficacius procurare. Quare, nec suis prouentibus, et si de mensa pontificis uiueret, foret quouis iure priuandus, Sed detractis, quæ suis, illa in ecclesiā essent suppeditanda ministris, & quæ cōtingeret deputari reparationi materialis tēpli, & demū, quæ exponenda forent in eleemosinas pauperū, quæ fortè non sunt minima pars p̄fertim si redditus sint ex Decimis (ut quæ in noua lege non sunt p̄ceptæ solū ut sustentent ministri, quēadmodum in lege Moysi sed ut & reficiant pauperes, sicut & Doctores adiaduertunt) non dubito qd̄ reliquū fuerit, Ep̄m posse, percipere, & in licitos usus exponere, & p̄sertim cum sua culpa non absit, & non leuiter ut dictū ē, sicut & p̄t suæ ecclesiæ, de opportunis, nō obmiserit, p̄uidef.

In Posteriori casu, accuratius obseruandum q̄ cum ep̄s efficiatur Cardinalis, communi lege, non remanet ecclesiæ illius ep̄iscopus, sed commendatarius, propter quod, nec amplius alligatur illi uinculo episcopali, aut spiritualis matrimonij, sed administratoris. Quare non ex inductis superius fundamentis, sed ex natura & ui, istius alterius uinculi, si non fallor, resoluenda q̄o est. Nec de administratoribus in præsentī loquemur, qui sunt ueluti depositarij, quemadmodum temporibus factum est retroactis, quando ecclesiæ commendabantur ad tempus, nec de fructibus beneficij commendati licitum erat, cui commendabantur disponere, Sed de administratoribus loquemur, ut dicunt beneficiatis, sicut accidit temporibus nostris. quibus, & commendantur perpetuò, & commendatario licitum est fructus percipere, & in usus p̄prios distribuere. Siquidem in illis difficile non est agnoscere, q̄ astricti non erant assidue residere, & forte satis erat superintendere, & per sapientem œconomum commendatæ ecclesiæ proximè deferuire, Quandoquidem ecclesia tūc temporis commendata, non erat ecclesiæ, ut uocant, titulari repugnās, & anibas, & forsità plures, abiq; aliā dispensatiōe, retinere aliq̄ poterat, Ergo cum nō posset simul pluribus in locis cōsistere, haud dubium, q̄ residendum fuerat in titulari, & sat erat, per proui-

dum ministrum, quæ commendata fuerat providere. At in istis arduum fortasse uidetur, rem absoluerè, uel ad conscientiæ usq; satisfactionem definire. Dicā ergo, quod mea pro tenuitate suo currit, non solū sine præiudicio ueritatis, sed & sub censura, cuiusuis melioris iudicij.

Considerandum est itaq; q̃ cum Commendæ, de quibus est sermo, institutæ non sint iure diuino, sed ex plenitudine ecclesiasticæ potestatis indubium esse debet, earū uinculum nō aliunde, q̃ ex eodem fonte, potissimū uim, & robur accipe, & per hoc, maxima ex parte Pontificis libertati subesse. Siquidem, cū ipsius autoritate factū sit, ut non solū ecclesiæ commēdent, sed & cōmendari legitime possint, Liqueat q̃ non modo ipsa commēdatio, sed & ipsius cōmendationis uis, in non paucis, ex illius uolūtate depēdent, in quibus, & eatenus stringit, quatenus Pontifex iudicauerit. Et licet hætenus iudicatū sit, cōmendas perpetuas, habendas loco beneficii titularis, & per hoc, & commendatarū ad oīa perinde ac beneficiatus, teneri, nō tamē iudicatū est, q̃ teneat uino, & modo cū eo, cum ille in multis alstrictus sit, iure diuino, in quibus, hic iure alstrictus est solius ecclesiæ. Et ut de residentia loquar, Plane quidem, non dubito reiiciendā esse, in Pontificis uoluntatem, de qua pro arbitrio, pōt (mea opinione) disponere, & Cōmendatarius, iuxta id, quod disposuerit, tuta pōt conscientia obedire. Quare, si cui diceret ut sex mēsis, exēpli grā, resideret non ultra sex mēses (ex ui cōmendationis) ille residere teneretur, si cui diceret ut resideret duobus, & illis eadem rōne, residere sufficeret, Ergo & si cui diceret, satis fore, si per Vicariū probū, uel fidelem, & prudentem ministrum, eo loci persisteret, ac proximè superintenderet, dubium non esset (si non fallor) q̃ satisfaceret.

Horum autē fundamentū est, quia licet Cōmendatarius, ecclesiæ cōmendatæ teneat prospicere, maximè, cū curā exigit aīarū, & potissimum si in dignitatem sit epālem assumpta (aliās ecclesiā nō foret cōmendata, sed potius expilationi, aut dilapidationi expōsitā) nec mō teneat prospicere, sed nō secus ac proprius illius minister, non segniter superintendere (Siquidem exigit ius naturæ, cum sit de rōne iustitiæ, ut qui bonis potitur ecclesiæ, & p̃sertim q̃ sunt assignata ministris, seruire teneatur ecclesiæ, Nec mō exigit ius naturæ, sed & ius (si non fallor) ordinatiōis Dei. Cū. n. sit cōstitutū ab eo, ut qui seruit altari, uiuat ex altari. hoc est (ut Ap̃ls interpretari uidetur) ut certum illi debeat stipendium, nō secus

ac illi, qui seruit militiæ, quo plane, ut ministrū decet, uiuere possit, palam quòd qui illi non seruit, seruitutis stipendium, non legiptimè sumit, & ob id; haud dubium, quòd contrà Dei ordinationem facit) Licet, inquam, Commendatarius commendatæ ecclesiæ teneatur prospicere, non tamen in illa, tenetur simpliciter residere, tametsi teneri potest in peculiari casu, in quo & fortè teneretur ad tempus, ut si aliàs funditus euerteretur fides, uel indubiè præcipitarentur animæ, Sed in casu modo nō loquimur, absolute, & ut dicunt, communi lege.

Non tenetur inquam residere simpliciter; quippè quod nec exigit ius naturæ, nec (si non fallor) ordinatio Dei. Non quidem ius naturæ, quoniam illi sat est, si eòsque creditæ provideatur ecclesiæ ut ritè quidem, tum seruari, tum promoueri possit. Et si ad episcopum Cardinalem factum sermonem restringimus, fortè quòd non minus legi sat fieret naturali, si in profectum ecclesiæ uniuersalis, resideret Romæ, cum suggerat non modo parti præferendum totum, sed & cum opus est, partem exponendam pro eo. Verum quia non semper fit, ut Cardinalis adeò oportunus sit salutis totius ecclesiæ, ut eam ob rationem, possit sibi peculiariter creditæ, penitus obliuisci, idèò opus modò non est illò confungere, sed sufficit Cardinalem per superintendentiam ac sollicitam prouisionem, naturæ legibus satisfacere, cum nec aliud communi cursu, ut iam dictum est, uideantur requirere. Non exigit ius diuinum, præsertim à quouis ministro, tametsi exigit à Pastore, ac sponso, sicut ex præcedentibus manifestum est. Ergò cum episcopus Cardinalis factus, suæ ecclesiæ, amplius non sit pastor, uel sponsus, sed ad ministrator tantum & Commendatarius, de quo & diuinum ius, nihil in particulari constituit, sed solum in iure ministris commune comprehendit, haud dubium quòd diuina lege, ad residendum simpliciter, non obligatur. Quare cum neutro ex iure, ad residendum simpliciter, Commendatarius sit allectus palam quòd tutè in summi Pontificis uoluntatem reijcitur, quomodo residere debeat. Vndè & (meo iudicio) non aliam ob rationem factum est, ut episcopales ecclesiæ, in titulum non retineantur à Cardinalibus, sed in commendatiōe depositæ sint apud eos, ut non perfenerantes pastores, uel sponsi, non subsint oneri residentis, sed dispositioni potestatis Papæ, & sic officio cardinalatus, liberè fungi, quod est, summo Pastori frequenter assistere, & in grauioribus ecclesiæ uniuersalis negocijs, perindè ac Consi-

liarij, imò & præcipua eius membra semper adesse possint.

An autem hoc pacto, ecclesias, & maximè si curatę sint, tradi commendę, illasq; ob id pastoribus, proprijsq; sponſis deſtitui, conducat eccleſiæ Dei, præſentis nō eſt inſtituti, ſed ad opus pertinet reformationis, Quemadmodū nec oneris eſt iſtius tractatus, qua ratione, eodem prorsus ſtipendio potiri ualeat Commendatarius, quo ritè potitur ſponſus & paſtor, qui ſuę adhæreſcit eccleſiæ. Cuperem tamen, ſicut & cupiunt multi, ut aliter prouideretur Cardinalibus, quod & forſan non eſſet difficile. Sed hæc Prouidentia & Pietati relinquenda ſunt ſummi Pontificis, cui peculiariter oues chriſti ſunt creditę, & ſumma cum plenitudine, clauis cæleſtis regni commiſſę.

Verum illud præterire non debeo. Quid nam de Cardinalibus ſentiendum ſit, qui ſuarum ſunt eccleſiarum epiſcopi, paſtores & ſponſi, ut Oſtienſis, Portuenſis, & ſimiles qui eccleſias habent in titulum, ac illis præſident, ut ordinarij. Vt ergò & hoc breuibus explicetur, maximè ponderanda ſunt duo. Alterum eſt, q̃ illorum eccleſiæ non longè abſunt à roma, imò & cenſentur ſuburbia, & ueluti eius uici, Propter quod, (ſi quę parū diſtant, ut dicunt, non cenſentur diſtare) palam quòd ſi Romę reſederint, in ſuis cenſentur reſidere eccleſijs, Et præſertim, ſi quę illis accidunt ſoliciti ſint agnoſcere, ac oportunè proſpicere, imò & illas aliquando uiſitare, & cum grauioribus non urgentur negocijs, uel ad breue tempus conſiſtere. Reliquum eſt, quod cum ædem eccleſię, non ſint tantę præſtantię, imò nec tantę frequentię, & hæc potiffimum tempeſtate, in qua ſunt ex magna parte deſtructę, ut ſuis meritis, naſcę ſint cathedram epiſcopalem, ſed ſatis ſuperq; illis proſpectum eſſe uideretur, ſi inferioribus forent alligatę paſtoribus, haud dubium, quòd iſtud dignitatis, non aliundè ſunt aſſequutę, quam in gratiam Urbis, & commodum Romani pontificis, ut eo pacto & illi non deſint proximi ſuffraganei, quando nec deſunt longè inferioribus patriarchis, imò nec quibus uolueris archiepiſcopis. Qua de re & factum eſt, ut & fulgeant ſplendore Cardinalatus, ſicut & præſtantiam decet Romanę eccleſiæ.

Ergo ſi licet multis ex epiſcopis qui longè abſunt ab Vrbe, qui & ſuis eccleſijs in illarum frugem & gratiam potiffimum aſſignati ſunt, cum commodo eſſe poſſunt eccleſiæ uniuerſali, ſine iniuria, non modò diuinę legis, ſed eccleſiarum ſuarum, ab illis abeſſe & iuxta Pontificis ſummi præſcriptum, etiam ad tempus

non

non modicum toti ecclesie superintendere, cur non licebit Episcopis, qui sunt Romæ tam proximi, quique illis ecclesijs sunt deputati, non tantum pro illarum fruge, sed & maxime pro comodo summi Pontificis & utilitate uniuersalis ecclesie, sine præiudicio sui muneris, apud Pontificem maximum commorari & unicum illo ecclesie totius mundi prospicere? Et licet quos diuina lex indubitanter astringit, non nisi certis eximantur casibus, licet & fas, omnibus non sit, legem exponere, aut pro arbitrio diuinam uoluntatem excutere, si tamen sacerdotis est legem cultodire, si scientia præditus esse debet, ut illam ualeat interpretari, sicut Dominus docet, Quanto magis, hæc summo congruunt Sacerdoti, summoque ecclesie uniuersalis Antistiti?

Ergo si pænes ethnicum Principem, potestas est munere (ut uocant) Epichia, moderari ethnicam legem, illamque certis in casibus aliquem non alligare, ipso iure decernere, Cur pænes summum non solum sacerdotem, sed & maximum christianorum Principem, munere maximi pontificatus, supræneque potestatis sibi cõcessæ à Deo, in quo & plusquam heroica residet Epichia, facultas non est Dei legem interpretari, ac quibusdam in casibus, liget uel non liget, iure optimo definire? Quare, his omnibus ponderatis, fortè dubium non est, quid & hoc postremo casu dicendum sit, faciliè animaduertere. Hactenus de residentia præsumum, & per hoc (suo ordine) & Pastorum omnium inferiorum. Ad Dei gloriam, & episcopi animarum nostrarum Christi Iesu. Amen.

. F I N I S .

DOMINICI SOTO
SEGOBIIENSIS
THEOLOGI,
ORD. PRAED.

CAESAREAE MAIESTATIS
A SACRIS CONFESSIONIBVS
SALMANTINI PROFESSORIS.

DE RESIDENTIA QVAESTIONES,
EX DECIMO LIBRO
de Iustitia, & Iure extractæ.



ARTICVLVS PRIMVS.

*Vtrum institutio episcopalis dignitatis
sit de iure diuino.*



VAPRITVR, vtrum episcopi sint iure diuino instituti? Apparet enim aliter res habere. Primum, quia præter Apostolos neminem legitur Christus instituisse episcopum; sed Apostoli ipsi sua autoritate illos instituebant, vt patet de Timotheo & Tiro, quos Paulus constituit, ergo pariter episcopi non debent censi iure diuino creati, sed a Papa iure positiuo, penes quem diximus summam iurisdictionem ecclesiæ esse. Secundo, id confirmatur facto ipso Christi, Petrum sibi substituētis. Ipsi enim singulariter iussit dicens, Pasce oues meas. Ac si dixisset: Tibi summam rei huius concedo, tu ipse pro tuo arbitratu de illa dispone, ergo episcoporum institutio non Christi,

Christi, sed Petri est, eiusq; successoris. Vnde vox illa ipsius in prima eius cano. cap. 1. Pascite, qui in vobis est, gregem, non diuinam, sed humanam, nempe Petri præceptio apparet. In contrarium, est illud Pauli Actuum vigesimo; Attendite vobis & vniuerso gregi in quo vos Spiritus sanctus posuit episcopos, regere ecclesiã Dei, quam acquisiuit sanguine suo.

CONSTITVTVM quidem supra reliquimus, dignitatem episcopalem ab Apostolorum seculo a sacerdotio propria dignitate & muneribus fuisse secretam. Desideratur autem quàm maxime ad rei præsentis elucidationem, nosse quo fuerit iure instituta. Nam cum papa sit episcopos eligere, vñ eius institutio. Id quod ad persuadendam ipsorum residentiam tanti refert scire, vt inde sint præcipua argumenta petenda. Et qui cauillari eludereque rationes pertendunt, quibus saluberrimum illud ac diuinum, residentia ius fulcitur, non alio se protegent zneo clypeo, quàm quòd aiunt non a Deo immediatè, sed a pontifice episcopos fieri. Sic enim quidam coarctauit sese in defensionem, vt ipse arbitratus est, episcoporum, videlicet vt eos à iure diuino residendi liberaret, vt paulò inferius, fusius luculentiusq; patebit. Quem admodum enim inquit episcopus iure diuino residere teneatur, cum nullus a Deo immediatè fiat episcopus, sed a Põrifice? Ipsius enim est diuidere diœceses & particularia ouilia, & imponere curam. Multaq; alia id genus subdit, quæ illic amplius differemus.

Hic ergo more nostro duæ sunt conclusiones asserendæ, & irroborandæ, vtpote quæ basis futuræ sunt ac fundamentum illius disputationis. Duobus enim modis comminisci quis potest episcopatus particulares, nempe summo inferiores, non esse de iure diuino. Vno, quòd dignitas ipsa non fuerit a Deo ipso instituta, veluti sunt sacramenta, sed a papa, vt est quadragesimalis abstinẽtia, particulariumq; observatio festorum, & annualis confessio. Altero vero, quòd eorum electio, quæ per pontificem fit, non sit diuina, hoc est de iure diuino, quorum vtrûq; est aperte falsum.

Sit ergo prior conclusio: Episcopalis ordo, hoc est gradus, & dignitas, institutio prorsus diuina est, quam Christus ore suo proprio fecit; hæc iam satis in superioribus est demonstrata. Christus enim ipse Apostolos elegit, cui muneri annexa est episcopalis dignitas, puta, Christianum gregem pascendi. Illam autem dignitatem, præter spiritum propheticum quo illos imbuìt, non in tempus instituit, sed vt perpetuo in Ecclesia perduraret, ergo episcopalis

palis dignitas, & gradus qualis nunc in ecclesia perseverat, ipsissima est Christi institutio. Posterior quidem præmissa nemini indubium venire potest; quandoquidem Christus ecclesiam fundavit perpetuo duraturam, perpetuoque pastu gubernationisque administracione indigentem, cui adeo in singulis provinciis fides morumque norma perpetuo esset elucidanda. Non ergo in tempus, sed in perpetuum hanc instituit dignitatem. Hoc secundo accedit testimonium Paulinum ad Ephesios 4. Et ipse dedit quosdam Apostolos, quosdam autem Prophetas, alios vero Evangelistas, alios autem Pastores, & Doctores, ad cûsummationem sanctorum in opus ministerij, in ædificationem corporis Christi, donec occurramus omnes in unitatem fidei, & agnitionis filij Dei. Pastorum autem nomine episcopi potissimum, ut dictum est, censentur, ergo illi necessarij sunt in ædificationem corporis Christi, atque adeo a Christo instituti sunt, ut quantum Ecclesia, tantum essent duraturi. Tertio. Sacerdotium Evangelicum præstantius est Mosaico, plusque adeo necessarium, illud autem in pontificem, & sacerdotes diuinitus pro toto legis tempore diuinitus institutum est, ergo & nostrum sacerdotium, in quo episcopi sacerdotibus præferuntur, a Christo est usque ad finem mundi institutum.

Id quod Paulus ad Hebræos contestatur, dicens: Translato sacerdotio, necesse est ut & legis translatio fiat. Nisi quod cum sub illa lege vnus dûtaxat populus vnaque; tantum synagoga degeret, uno præcisè opus erat pontifice, ecclesiæ uero Euangelicæ in toto orbem late patenti quàm plurimis.

Id etiam quarto ratione patet; Christus fuit solus ecclesiæ fundator. Vbi enim ait Paulus, fundamentum neminem posse aliud ponere quàm quod positum est, quod est Christus Iesus, non solum personam designat, verum & eius leges, & politiam. Vnde ad Petrum ipse ait: Super hanc petram ædificabo ecclesiam meam. Ad fundationem autem ecclesiæ non solum necesse erat fidem sperandarum rerum, quo ceu in scopum tendendum nobis erat, docere, & leges illuc ducentes condere, verum, & magistratus instituire, qui ecclesiam secundum easdem leges gubernarent. Qui quidem non alij sunt quàm episcopi, qui secundum uerbum Augustini. pro patribus Apostolis nati sunt nobis filij; ergo episcopalis functio institutio Christi est, aliàs non satis firmiter fundasset ecclesiam. Quinto; Sacramenta & quæ illis necessaria sunt, Christus ipse per se instituit, ac perinde sacramentorum ministros, quare

quare ipse sacerdotes ordinavit. Episcopi autem soli proprio nomine habent quædam sacramenta administrare, ne impe ordines, & confirmationem. Haud ergo dubium est ullū, quin Christus, non solum Papatum, verum, & dignitatem episcopalem, quæ latissimè ad omnes Antistites patet, instituit. Sextò: Dignitas episcopalis, ut in præcedentibus mōstratum reliquimus, eiusdem generis est in omnibus episcopis, nā sola iurisdictionis latitudine inter se distant, ergo quatenus Papæ, & reliquis episcopis cōis est, eodem autore Christo instituta est. Septimò: Episcopalis dignitas inter charismata numeratur, quibus Christus sponlam suam ecclesiam donavit. De quibus nimirū ait Paulus primæ ad Corinthios xij. Diuisiones gratiarum sunt, idē autē spiritus, & diuisiones ministrationum sunt, idem autē Dominus, & diuisiones operum sunt, idem verò Deus, qui operatur omnia in omnibus. Ergo episcopalis dignitas donū Dei est per ipsum ecclesiæ donatum, secundum uerbum Pauli j. ad Timot. iij. Noli negligere gratiam, quæ in te est, quæ data est per prophetiā, cū impositione manuum presbyterij. Postremò deniq; id confirmatur: Cū Papa episcopum eligit, aut confirmat, non magis instituit episcopalem dignitatem, quàm instituitur Papalis, dum ipse eligitur, sed sola persona ad eādem dignitatem applicatur.

Accedit tum demum, & Pius Papa, qui canon. oues. vj. q. j. con testatur hanc ueritatem, dicens, quòd episcopos Deus sibi oculos elegit. Est ergo certo certius, & sic de his, quæ sunt fidei loqu liceret, luce euidentius, Christum instituisse dignitatem episcopalem, quæ modò in ecclesia uiget. Ecquis. n. credat tam insignem magistratum in arbitrio Papæ posuisse, ut ipse illum crearet? Et ita omnes Theologi tenent in iij. dist. xxiiij. omnesq; iuris cauoni ei interpretæ, quod idipsum confessissimum habent. Qua utiq; ratione, Paulus non hominis ministros, sed Dei prorsus Apostolos ac perinde eius successores episcopos, ac demū sacerdotes existimandos docet. Sic. n. inquit, nos existimet hō, ut ministros Christi, & dispensatores mysteriorum Dei. Cū Papa pæos creat, aut episcopi sacerdotes ordinant, nil aliud faciunt, q̃ ceu Christi ministri, Dei mysteria dispensare. Hanc ergo conclusionem tam multis duximus asserendā, non quod ullus de illa dubitare credendus sit, sed ut per illam falsitas apertius innotescat assertionis illorum, quos. i. citauimus, in quibus est Catharinus. qui aiunt episcopales functiones eorumq; obligationes ad residendum ob id esse de iure duntaxat

D E R E S I D.

pontificio, q̄ Papa est, qui illos eligit applicatq; ad suas singulorum ecclesias. Cuius contraria impræsentiarū asseritur talis conclusio, Ep̄orum electio, atq; adeo obligatio ad sua exercenda munera, est de iure diuino. At uerò sunt qui hanc conclusionem, quauis ueram, non satis ex suis principijs deducunt, quorum est Torrensis illi, alioqui non pœnitendus autor, quem. l. lib. viij. citauimus qui q̄dem plus inferunt, q̄ ueritas permittat. Existimant inquam ob id eiusmodi ep̄orum electiones esse de iure diuino, q̄ fiunt à Papa, quatenus est Ecclesiæ minister. Quæ profecto causa ad colligendum non satis firma, neq; exemplū quod subdūt talem habet in uniuersum efficacia. Aiūt. n. q̄ sicut baptizatio, quia fit a ministro Dei eius ipsius nomine, ē de iure diuino, sic electio episcopī, quam facit Papa. Sed possent qui contrarium defendunt, hoc pacto rationem hanc d. biliare, Christus Papæ, & Concilio non modo administrationem cōmisit eorum, quæ ipse instituerat, uerum, & facultatem reddit nouas cōdendi leges & ritus. Quare observatio quadragesimæ festorumq; multorum mere sunt positiui iuris, nempe pontificij. Et idem merito censeri solet de consecrationibus Ecclesiarum, altarisq; ornamentorum. Quocirca nulla est collectio hæc, si in uniuersum fiat, Pōtifex quasi Dei minister hoc aut illud facit, ergo est de iure diuino, nisi antecedenti adhibeas illa facere tanquam institutionē ipsius Dei, uel quā Ap̄lis ipse explicuit, ut ecclesiæ uerbotenus traderent. Quocirca ceu fundamentum huius posterioris cōclusionis priorē anteieciimus. Est aut prius nostra nobis explicanda conclusio, Ep̄orum. n. electiones esse de iure diuino, bifariam intelligit. Vno mō in genere, quòd singulis ecclesijs. secundum ecclesiasticam diuisionem sui applicent ep̄i. Alio modo, quòd, hic Petrus, aut Paulus huic aut illi. Et quidem in hoc secundo sensu notum est, hanc huius personæ electionem non esse de iure diuino eo pacto, quo electio Matthiæ, ac subinde Pauli, sicuti aliorū Ap̄lorum fuit à Deo facta, sed ex humano eligentiū iudicio, aut Papæ. In priori ergo sensu intelligenda est conclusionis ueritas, quæ quidē facile ex præcedēti sic colligit, Deus Dei minister id quod ipse instituit ipsius iussu dispēsat, actio est de iure diuino cēsenda, cū aut papa ep̄m confirmat, & consecrat, alicuiq; attribuit ecclesiæ, id exequit quod Christus in genere instituit, quodq; ei facere iussit, ergo id iuris diuini censendum est. Posterior quidem p̄missa superiori cōclōne satis est demonstrata. prior uero sac̄orū
admi-

administratione perspicua fit. Baptizatio namq; & sacramentalis absolutio & similia, licet per ministros ecclesiæ immediate (ut isti loquuntur) fiat, nihilominus ob id iuris diuini sunt, quod Christus illa instituit, eiusq; nomine fieri sic ac dispensari iussit. Et hoc est, quod Paulus in priori ad Corinthios epistola admonitum esse curauit, ubi illa sugillat diuersa symbola; Ego quidē sum Pauli, ego autem Apollo, &c. Nunquid Paulus crucifixus est pro vobis? aut in nomine Pauli baptizati estis? & infra cap. 3. Quid igitur est Apollo? quid vero Paulus? ministri eius cui credidistis; & vnicuique sicut Dominus dedit. Ego plantauī, Apollo rigauit; sed Deus incrementum dedit. Deus ergo per ministros sacramentorum gratiam dispensat. Et pariter omnino de episcoporum electionibus censendum est; pariq; modo nos docuit Paulus loqui. Sic enim locis supra citatis ait: Christus posuit quosdam Apostolos, alios uero pastores, & doctores &c. Et alibi; Attendite uni uerso gregi, in quo vos posuit Spiritus sanctus. Et cum Exodi vigesimo octauo, Deus Moyse iusserit, dicens: Applica ad te Aarō & filios eius, ut sacerdotio fungantur mihi; nunquid propterea, quod per ministrum Dei illa facta fuerit applicatio, continuo fit consequens non fuisse diuinam? Nonne & de episcopis qui a pontifice summo creantur, assertio vera est, quod sint serui, quos Dominus constituit super familiam suam? Vide consecratoris uerba. Ait enim inter alias benedictiones ad Deum loquens; Sit fidelis seruus & prudens, non quem ego aut papa, sed quem constituas tu Domine super familiam tuam, ut det illi cibum in tempore opportuno, & exhibeat omnem hominem perfectum. Hæc est enim episcopalis functio, perfectionem tum docere, tum etiam persuadere. Seductorium ergo argumentum est; Electiones Episcoporum distributionesq; ecclesiarum per pontificem fiunt, ergo id non est de iure diuino. Enimuero cum Christus permansurus nobiscum non esset in æternum, ut nos exteriori functione, ut dum inter mortales agebat, gubernaret, sed Spiritus sanctus quem nobis in hoc misit, ut intima mentis tantum motione ecclesiæ absideret, fieri nequiunt aliud, quam ut quæ Christus instituerat, ministris committeret, qui externo foro & iudicio nomine ipsius prohiberent. Vnde Paulus non simpliciter, sed per externam ceremoniam, nempe per manuum impositionem Timotheum ac Titum ordinauit. Id quod commentariis super Isai. adnotauit Hieron. inquit, ordinationem non tantum precibus,

uino iure, sed hūano. Ad hoc respondeſ, aliud eſſe ius, aliud iuris uſum. Ius. n. eſt facultas, & præceptio faciēdi id qđ Deus ipſe inſtituit. Quod ideo diuinū eſt. Uſus aut̃ eſt exercitium quod in ſa-
cto conſiſtit, & hoc relinquit prudentiæ & iudicio eligentium, & confirmatium. Quocirca. ptās episcopalis, niſi fiat clauē contra iura errante, utputa qđ irregularis non eligat, ſp̃ iure diuino con-
ferat. Quod autē bonus, uel malus eligat, hoc dependet ex factō, & uſu humano, ex quo pcedere contra Dei uoluntatem pōt ele-
ctio mala. Atq; in hoc, de quo nōs aduerſarij decipi arbitrant̃, ip-
ſi falluntur. Cenſent inquam nos inde ſeduci, qđ ex eo qđ episcopa-
tus eſt de iure diuino, elicimus electiones episcopales eodem fie-
ri iure. Hęc autem non noſtra eſt fallacia, ſed ſua, qua ex eo quod uſus iuris ſit arbitrio, & iudicio humano, inferunt electiones eſſe de iure humano. Audiant quaſo Leonem pontificem in ſermo-
ne de aſſumptione ſua. Dignatio, inquit, cœleſtis gratiæ gignit Antīſtitem. Et Ambroſius in Paſtorali, contra eos, qui prætio or-
dines conferunt. Quis, inquit, dat gratiam episcopalem, Deus an homo? Et reſpondet, Sine dubio Deus, ſed tamen per hominem dat Deus. Homo imponit manus, Deus largitur gratiam. Episco-
pus initiat ordinem, & Deus tribuit dignitatem. Si homo in or-
dine nihil amplius operatur, niſi ſeruitium, quod ei creditur, cur Deo totum negat, qui ipſum ordinem tibi largitur? Hęc ille. Ele-
ctio ergo iure diuino ſit. At ne de noīe diſputare uideamur, dici-
mus quod quicquid poteſtatis Papa eligens confert, iure diuino Dei; noīe confert; atq; adeo quicquid tunc ei præcipit, iure di-
uino præceptum eſt exiſtimandum. Exempli gratia. Cum conſe-
crator ait; Accipe Euangelium, & predica populo tibi commiſ-
ſo. Illi contrarij nobis autores uocem eſſe aiunt non Dei imme-
diatē, ſed Pape. Quare ordinatus, inquiunt, episcopus arbitrio Pa-
pe id exequi tenetur, ut ſi papa uoluerit, ne ille reſideat, aut ſi non curauerit, ut episcopale munus recte exerceat, ipſi Pape impu-
tandum eſt, non autem episcopo. Atque in hoc puncto ſtatus litis conſiſtit. Ecquis autem hoc ferat audire? Ecquis (inquam) ullo modo ambigere queat, quin uox illa perinde habeat, ac ſi il-
lam Chriſtus proprio ore protuliſſet? quādoquidem quod ipſiſ-
ſimus inſtituit, iuſſuq; ſuo, ore ſui organi profertur; Deum ergo id loquentem debet episcopus auſcultare; diuinoq; ſubin de id iure ſibi imperari. Nam retrocedamus paulo ante in conſecra-
tione. Cum ait conſecrator: Accipe baculum paſtoralis officij,

Petrū sub pastoris nomine, tamē cū eādē autoritatē, ut dictum est, perpetuò permanfuram fundasset, eo ipso facto in Apostolis, & singulariter in Petro singulis futuris episcopis locutus est. Itaque quòd Petro dixit, *Pasce oves meas*, cunctis qui per ipsum creandi essent episcopi dictum uoluit, nempe, ut eo ipso quòd quisque creatus esset, idem sibi datum diuinitus præceptum intel ligeret. Ad secundum respondetur, propterea singulariter dictum fuisse Petro, *Pasce*, quòd quantum ad iurisdictionis plenitudinem singulariter ipsum caput constituēbat. Quocirca, sicut illi peculiariter permittæ sunt clauēs regni cælorum. Matthæi xvj. quas postea Ioan. ix. cunctis dedit Apostolis, quin uerò & Ioan. xx. cunctis suo gradu sacerdotibus in foro conscientiæ, sic hoc quòd ipsi dixit, *Pasce*, cunctis factus est. Ad aliud autem uerbum eiusdem Petri, *Pascite qui in uobis est gregem Domini*, negamus catholicè idēmq; firmissimè uocem esse præcipuè Petri. Imò id nomine Dei admonuit. Quin uerò mirari satis istos nequeo qui contrarium putant, uidelicet uocem esse perinde à Petro prolata tam ac si episcopus suis præciperet subditis, aut prælatus monachis aliud quidpiam quòd sua esset ordinatio & præceptio. Cū planum sit ac perspicuum ceu diuinum organum esse locutum, perinde nimirum atquē Paulum ubi aiebat, *Attendite uobis & uniuerso gregi in quo uos Spiritus sanctus posuit*. Consultò nāque dixit, *Pascite gregem Domini*. Nam si oves sunt Domini, cuiusnam pastores nisi Domini, & cuius præcepto pascere tenentur, nisi Domini? Vnde Hierony. ad Nepotianum, & refertur, distinctio. xcvi. cano. esto. Petrus secundum Domini præceptum illud dixisse.

A R T I C U L U S II.

Utrum episcopi in suis diœcesibus residere iure diuino teneantur.

APPARET enim diuino iure nō esse indicta. Ius enim hoc, illud præcise censetur, quòd in euangelio aut loco alterutius Testamenti, tanquam diuinum præceptum legitur, ut est præceptum baptismi. Qui crediderit, & baptizatus fuerit, saluus erit, aut quòd inde planè colligitur. Huiusmodi autem residendi præceptio non est huiusmodi, ergo non est sanctio diuini iuris. Secundo, Soli Petro commissæ sunt clauēs regni cælorum, illique soli

sicuti oraculis auscultandum. Et cum egrè ferat quòd omnes ue-
 lint esse magistri, nil ipse ueretur omnium prodire magister. At
 uerò non constitui, quia neq; theologicum, neque Christianum
 est, malum pro malo reddere. Et ægrius fero, q̃ episcopus simi-
 lia de aliquo euomat, quàm quòd de me quisquam, eo præfer-
 rim, quòd neque ea in me expuit mala, quæ multa opus habeāt
 ad ferendum longanimitatem. Rem ergo tantum pro meo in-
 geniolo dilucidare satago, non cum homine contendere. Igi-
 tur quo lineam aliquam omnibus confessissimam præstituamus
 unde disputationem auspicemur, conclusionem primum uniuersis
 literarum professoribus receptissimam præfigamus, Constantis-
 simum est, ecclesiarum Præsules, imò & animarum omnes pa-
 stores, usque ad paræcios inter suos greges residere teneri. Sed
 quòd in quæstionem uertitur, est de iure ad id cogente, sitne tā-
 tum humanum, an uerò diuinū etiam, & naturale. Equis enim
 mente sanus in quæstionem compellet, utrum ianitor, cui iura
 claudendi recludendiq; cōmissa est, ad ianuam assistere debeat?
 Et cui nautis gubernatio incumbit, ad clauum sedere? Et utrum
 dux in bello, dum geritur, & miles in acie debeat existere? Quin
 uerò non modo humanæ leges hoc de episcopis in quæstionem
 traduci non sinunt, uerum & diuina & naturalis dementiæ nobis
 certum est, adscribunt, quòd ipsum intentamus. Etenim si Deus
 ut ipsi contrarij fatentur, quia diffiteri nequeunt episcopalem di-
 gnitatem, quæ late in ecclesia patet, instituit, nonne, & officium
 ipsum pascendi instituit? Pascere autem, num naturale ius aper-
 tē clamat personalem requirere præsentiam? ergo quamuis illis
 largiremur electiones iure tantum humano fieri, nunquam inde
 obtinerent, ut Papa mutare possit quin officium pastoris sit iure
 diuino per se pascere, ac subinde residere. At ne dicendi impetus
 sine dispensationis atq; œconomix luce in viscera nos disputatio-
 nis inferat, supposita prima fundamentali conclusione, quod in
 q̃onem accersitur, est, quo iure hæc residendi obligatio innat-
 tur. Et primus articulus est de diuino. Debet autem sacrorū tra-
 ctator, ut Primo de doctrina Christiana autor est August. docu-
 mentum patrisfamilias auscultans, de thesauro scripture profer-
 re, primū noua, deinde vetera. Qua de cā, peculiare hic titulū se-
 cinus, de diuino iure tam euangelico, q̃ antiquo, ex quo primū
 petendum est rei præsentis fundamentum, & articulo proximo
 de naturali, ac tertio de humano. Tamen si adeò istę intis spēs sibi

inuicem meritæ sint, atque se uicariè elucident, ut testimonia sacra, nisi naturali statim ratione, & iure explicentur, & confirmetur, debiliora uideri possint, & ideo necesse erit sæpenumero per mistim ab omni iure argumenta accersere. Ad horum autem perspicacem intelligentiam, meminisse ex libro primo, & tertio, opus est, primum diuidi ius in naturale, & positium, deinde positium in diuinum, & humanum. Ius enim naturale est, quod nos ipsa natura docuit, Ius autem positium, quod uel ex hominum condictione, uel ex principis iussu legis habet vigorem. Et quia summus princeps Deus est, fit, ut ius positium diuidatur in diuinum, & humanum. Quo fit consequens, ut minimè repugnet aliquid esse de iure naturali simul, & diuino, ut patet in Decalogo, quæ, etiam si Deus non scripsisset, natura nos ipsa docuisset. Sed tamè quia scripto Dei expressus est, censetur etiam de iure diuino. Vnde fit, ut distinguatur ius diuinum in naturale, & positium, ut positium sit, quod nos Deus præter, aut supra cognitionem naturæ docuit, ut sunt sacramentorum mandata. Et de hoc genere diuini iuris loquimur in hoc articulo, nempe quod in sacra pagina scriptum est. Id quod bifariam contingere potest, nempe, aut quod expressis verbis sit scriptum, ut, Qui crediderit, & baptizatus fuerit, saluus erit. Et, Quorum remisseritis peccata, remissa erunt: Et, quorum retinueritis, retenta. Aut quod ex uerbis scripturæ expressis planè colligitur. Et quidem quod sub hoc uerborum tenore expressum sit in euangelio, ut episcopi re fideant, nemo affirmat, quia nusquam legitur. Sed tamen quod uerbis æquipollentibus eandem prorsus habentibus significationem, id sit in eisdem sacris Biblijs assertum, hoc persuadere contendimus, sit ergo secunda conclusio, Obligatio Antistitum ad residendum, omniumque pastorum parochialium ecclesiarum, est de iure diuino. Et cum primis, postquam diuini Thomæ interpretes agimus, sua est conclusio præsentis quæstionis, quam exponendam hic duximus, articuli. v. Vbi ex testimonio Christi, quod bonus pastor animam suam teneatur pro ouibus suis ponere, infert, ob nullum temporale periculum licere præfati de sua ecclesia decedere. Materiam autem illius articuli, in quarto nos huius quæstionis disputaturi sumus, An uidelicet aliquæ sint causæ; quæ homini decessum excusatum faciant. Interim autem conclusio præsens affirmatiue est demonstranda. Atqui solet quidem ab officio pastoris initium demonstrationis sumi, est tamen illud altius petendum. Episcopus namque non, est propter

pter quem ecclesia est constituta, sed ipse potius est propter ecclesiam institutus. Mundum quidem Deus fecit propter hominem, nempe ut ei esset subsidium uitæ, ipse autem non propter ipsum, sed creatus est tanquam eius dominus, Et patres familias seculares diuitijs suas domos propter suos successores amplificat. Itaque in eiusmodi familijs non personæ propter domos, sed domus propter personas sunt extructæ. In rebus autem publicis diuerso modo se res habent. Regnum enim non est factum propter regem, sed rex propter regnum. Et in hoc, ut libro primo dicebamus, rex differt à tyranno, quod ille omnibus ob publicum bonum utitur, hic uerò regno propter se abutitur. Multo id autem certius est in episcopis. Christus enim qui propter nos homines descendit de cælis, propter seipsum ecclesias fundauit & propter ipsas, tum alios pastores, tum præcipuè episcopos. Nisi quod est diuini duplex inter ciuilem & ecclesiasticam rempublicam. Vnum scilicet ex parte finis ex quo in modo administrandi alterum deriuatur. Finis namq; proximus ciuilis reipublicæ, ut in superioribus adnotauimus, est pacificus tranquilluscq; eius status, etsi in sit præcælestem subinde referatur. Finis autem proximus ecclesiasticæ est sempiterna felicitas, ad quam nos Christus ecclesiæ fundator per suos ministros perducere expetit, & omnimodè contendit. Alterum autem discriminè est, quod seculares principes in modo sui regiminis effigiem habent dominorum, episcopis uerò nullam præ se ferre licet, licet ministrorum atq; omnino seruitium. Principes enim gentium ait Mat. xx. dominantur eorum, & qui maiores sunt, potestatem exercent in eos. Non ita erit inter uos. Sed quicumq; uoluerit inter uos maior fieri, sit uester minister, & qui uoluerit inter uos primus esse, erit uester seruus. Sicut filius hominis non uenit ministrari sed ministrare, & dare animam suam in redemptionem pro multis. Vnde Augusti. super Isaiam homin. li. vii. Qui uocantur ad episcopatum, non ad principatum uocantur, sed ad seruitium totius ecclesiæ. Ecce ergo episcopalis institutionis fundamentum, quod constitutissimum est esse de iure euangelico, nempe ut seruus quicquid est, domini est, sic episcopus quicquid est, sit ecclesiæ. Hinc cõsequitur episcopalem dignitatẽ nõ esse institutam nisi propter officium. Est enim dignitatis pastoralis officium, pascere. Ad quã ueritatẽ penitissimè cõmendandã nunquã dignitas in sacra pagina nisi officij nomine designatur. Nã ut cõclusionẽ ab eo primum loco demonstrare ordiamur, qui est Ioann. xx. Pæce oues

meas, utpote quo episcopalis dignitas planissimè declaratur, nò ait Christus, Sis p̄sul aut episcopus. Imò nec, sis pastor, nam & pastores socordes esse possunt & gregi indormientes. Sed pascere, hoc est docere, institue, atq; adeo gubernare exemplo meo meas oues. Et ubi apostolos p̄dicatū dimisit non dixit, Messis quidem multa est, ij autem qui metēdi docti sunt, pauci, sed operarij, nempe qui usu potestatē exerceant. Nil enim refert qua doctrina aut facultate p̄diti sint sacerdotes, nisi munere suo fungantur. Misi ergo Deus non qui operari possent, sed qui operarentur. Similiter enim instituerat Deus Aaron, Leuit. xxviij. Applica enim inquit, ad me Aaron & filios eius, Nò ait ut sacerdotes mihi sint, sed ut sacerdotio fungantur mihi, & ut suprà in Paulo adnotauimus Qui episcopatū, inquit, desiderat, bonū opus desiderat, id est si legitimū est eius desiderium, nò ad dignitatē, sed opus referendū est. Quare ilicò subiūxit, Oportet episcopū doctore esse, quo nomine nò designatur habitus seu facultas & dignitas, sed usus, hoc est oportet ut doceat. Vnde ad Paulinum suprà citatus August. & refertur. viij. q. j. can. qui episcopatū. Exponere, inquit, uoluit apostolus quid est episcopatus, quia nomē est operis nò honoris. Et ad Honoratū Hieron. Qui episcopatum desiderat, opus desiderat, hoc est, nò dignitatē aut delicias, sed opus & laborē. Ex hoc secundo, ut per gradus descendamus, tertium colligitur, nempe decimas & primitias, ut lib. iij. latè demonstrauimus & sapissimò repetimus, non esse in hoc populo imperatas ut sint bonorum p̄mia, eò quòd uel boni uel docti sunt. Sed in hoc potiùs, ut bene ecclesijs p̄sint, ut ait Paulus & inseruiant. Haud enim me pigebit hoc inculcantissimè repetere, quòd ad rem penitissimè attinet, quòd si hoc ecclesiasticum seruitium Christianis non fuisset necessarium, nulla fuisset à Christo habita personarum, quæ idoneæ sunt, ratio, quantum ad decimarum impositionem. Haud ergo arbitrentur uel nobilissimi uel doctissimi uel sanctissimi sibi ulla ratione deberi ecclesiastica stipendia, neq; eorū gratia fuisse instituta, sed eò prorsus quòd ad ecclesiarū obsequia Dominus ipsis personis opus habet. Reuisto, ne sim morosus, quæ lib. iij. quæst. vj. art. ij. in huius demonstratiōe attulimus. Etenim Num. 8. nò alia de causa Deus decimas legitur instituisse q̄ pro ministro, quo Leuitę ac potissimū sacerdotes tabernaculo seruebāt. Et cum Christus apostolos dimisit ut messores eētioluit, qui pro operis digni sunt mercede sua. Et Paul. j. ad Cor. ix oīa naturalia

exempla

exempla ad hoc propositum congerit. Vt de milite, qui non militat suis stipendijs, & de triturante boue &c. Et primò ad Tim. i. Presbyteros non censet præmio ecclesiastico dignos quia boni sunt, sed quia bene præstunt. Et si ius consulas canonicum, Innocentius 3. c. cum secundum apostolum, de præben. eisdem vsus sacris oraculis idem prorsus constituit, quòd stipendia ecclesiastica atq; adeo dignitates solum propter opus conferuntur ac tandem. c. si. de rescrip. beneficium asseritur non dari nisi propter officium. Communia sunt hæc; sed in præsentiarum etiam vsque ad nauseam repetenda. Ex his ergo colligit nra conclusio illatione illa quã paulo ante insinuabamus. Christus nõ alia prorsus ratione q̃ propter earum obsequia atq; administrationes pastores instituit, quorum subinde officium proprium esse voluit pascere, & in huius tantum mercedem, & stipendia populo imperata sunt decimæ; ergo quantum est ex rei natura diuinãq; institutione, ipfis per se incùbit gregem pascere. Hoc at absq; personali præsentia fieri non pòt, ergo residentia est de iure diuino; nã quo quisq; iure obligatur ad finẽ, obligat ad mediũ, sine quo nequit illum cõmodè attingere. Primũ antecedens nemo est qui neget, sed primam consequentiam inficiari moluntur aduersarij. Quoniam inquit Papa episcopos creat, illi ergo incumbit disponere, vt per se, vel per alios pascere debeãt. Quod autem cauillus hic nullum præ se ferat, vel probabilitatis colorem, palam ex superioribus colligitur. Primum enim iam satis constitutum est, creationem episcopi, licet fiat per pontificem, nihilominus iure diuino fieri, quippe cum institutio Dei sit, per ipsumq; fieri iussa, perinde atque sacramentorum administratio. Sed ne de nomine nos angat disputatio, esto Papa immediate, vt aiut electionem faciat, num consequens subinde fit, ut naturam ipsam quam dignitas à Deo instituta proprio significato declarat, possit Papa mutare? Vnde rogo duarum rerum consequentia, quæ tam sunt disparatæ? Nunquid dum Papa episcopum eligit, & consecrat, efficere potest, ut non sit pastor, magis quàm cũ sacerdotem initiat efficere, vt non sit sacerdos? Potestne inquam efficere, vt functio episcopi nõ sit sacramenta ordinum administrare, populumque docere, ac moribus instituere; & quod nomen eius sonat, gregi inuigilare? Quisnam hoc uel fari queat, cum hæc omnia episcopali muneri sint diuino iure annexa; quin uerò ipsissima eodem iure sint dignitatis substantia. Profecto si Dei institutio eandem uim habeat,

habeat, quam natura per ipsum instituta, plane fit, ut sicuti qui morum ferit, efficere non potest, ut prunus inde aut alia arbor germinetur, q̄ morus, ita neque qui episcopum facit, efficere potest, ut eius natura diuinitus instituta non sit per se pascere. Haud enim modo disputamus an ulla de causa efficere iuste possit, ut ipse per se non pascat, sed per alium. De hoc enim alia nos disputatio manet; sed rei tantum naturam constituimus, docentes, ut quemadmodum qui scamnum fabricat, aut arcam, efficere non potest, quin figuram habeat scāni, aut arcæ; aut qui facit calceū, efficere non potest, quin rem faciat formam habentem pedis; ita qui facit episcopum, quæ res diuinitus instituta est, efficere non potest, quin eodem iure quo est instituta, officium habeat, atque adeo obligationem per seipsum pascendi, ac subinde residendi, quicquid postea forinsecus accidere possit. Etenim ne nobis pastorem homonymia, & æquiucatio negotiū a modo faciliat, intelligere episcopus debet pastorem esse secundum propriam nominis notionem, & non secundum illā abusuam, qua gregum domini pastores dicuntur. Solēt enim & pastores nuncupari, pecudum, armentorumq; domini; eo quod sua substantia & peculiū pecorarium sit, quēadmodum rogati filij Iacob à Pharaone qd haberent operis, responderunt, Pastores sumus, putā hæc est nra diuitiarum possessio. Et isti per se nullā exercent ouilis curā, nisi per suos famulos, sed duntaxat vellere, caseo, fœturaq; fruenter, delicate ac mollior uitam degunt; Episcopi autē non sunt sic instituti pastores gregis Christi, sed prorsus uelut ministri, qui gregū vigilias perferre tenentur, & per præta scripturæ gregem deducere, eiusq; fontibus potare, atque oleo scabiem inungere, eisq; lupum cauere, & quidquid vilo pacto nocere poterit. Neque enim est, quod huic sanctæ veritati quis obmoliat; soli Petro dictum esse, pascce; in hoc enim uerbo aliquid est singulare Petro dictum, aliud uero cunctis præsulibus generale. Singulare inquam, ut tanquā uniuersalis pastor suo gradu, & ordine uniuersum gregem pasceret, non quidem uniuersis assistendo ecclesijs, sed suis constitutionibus, & fidei ac morum sententijs uniuersos illustrando, & instituendo; dignosque adeo ministros cuicunque ecclesiæ adscribendo. Generaliter autē explicata est episcopalis functio, quæ in apostolis, & in ipso per ipsissimum Christum ecclæ institutori constituta est; ut scilicet cum primum unusquisq; crearet, iustum ab eodem Christo putaret, ut sicut suum peculiarem gregem pasceret.

pasceret. Ait quippe Augu. ca. xij. in lib. de pasto. ob id Petro singulariter Christum id quod omnibus erat commune, iussisse, ut unitatem commendaret. Multi enim erant, inquit, apostoli, & unum dicitur, Pisce oves meas. Hactenus ille. Ac si dixisset, In uno cunctis potestatem dedit. In uno cunctis generalem regendi formam expressit, atq; adeo in uno cunctis idem iussit. Et Ambro. in Pastor. Nobis, inquit, in uerbis diuinis credita est dispensatio, gregemq; Christi alédum suscepimus. In uerbis (inquit) diuinis, Alludens ad ista Petro dicta. et infra, Repetitum est à domino tertio, Pisce oves meas. Quas oves & quem gregem non solum tunc beatus suscepit Petrus, sed nobiscum illas suscepit, & cum illo nos suscepimus omnes. Iussit Dominus Petro pascere oves, per quem ad reliquos omnes potestas & autoritas pascendi manat à Deo. Hæc ille. Ex his ergo fit consequens, peruersam esse calumniosamque interpretationem, ut uox illa consecratoris, Vade, prædica populo tibi commissio, perinde intelligatur, ac si solius sit Papæ. Est enim illius tanquam organi Dei, atq; adeo expressio & quasi repetitio uerbi ipsius Christi, Pisce oves meas. Quo plane alludit Paulus Actuum. xx. dicens, Attendite uobis & uniuerso gregi, in quo uos Spiritus Sanctus posuit episcopos, &c. Haud enim aduersariorum glossa ullius est pretij, qua scilicet aiunt propterea tantum dixisse, Spiritus sanctus posuit, quod ecclesia etiam quo ad ius posituum eius nutu gubernatur. Nam. j. ad Corin. vij. distinguit inter ea quæ Deus præcepit & quæ ipse; & hic propriam actionem & iussum, Dei designat. Non enim ait se illos posuisse, sed Deum.

At uerò quò res etiamnum patentior fiat, explicare paulò amplius opus est spiritualis pastoris officium. Dictum enim iam supra reliquimus, esse spiritualis ouium uitæ impensissimam curam gerere. Quæ quidem cura tripartita est, uidelicet ut episcopus sacramentis plebem in uita spiritali generet & nutriet, atque adeo prædicatione foueat, & prudentia gubernet. Quæ sub alijs nominibus sanctus Tho. expressit, putà instituere, defendere, & gubernare. Nomine autem sacramentorum, etiam sacramentalia quædam intelliguntur, quæ quidem can. quauis. distin. lxvij. Leo Papa recenset. Incumbit enim eis presbyterorum ac diaconorum cæterorumq; ministrorum altaris, & uirginum consecratio. Mox constitutio altaris, & benedictio & unctio, atq; adeo omnium usq; sòrum indumentorumq; ad idem altare pertinentium, ac deniq; baptiza-

aptizatos chrismate confirmare. Omnium autem maxime proprium eius munus est prædicare, hoc est non de suggesto modo, sed & peculiariter etiam sacra oracula interpretari, & de ambiguitatibus responsa dare. Vnde super illud Pau. ad Ephe. 4. Alios pastores, & doctores, adnotauit Hierony. consulto non dixisse alios pastores, atque alios doctores, sicut dixerat alios apostolos, & alios prophetas; sed alios pastores & doctores; scilicet, quod idem est in ecclesia pastor, qui & doctor. Idemq; Aug. in epist. 8. Paulino sciscitanti quo pastores a doctoribus differret, respondet; videlicet nullo differre discrimine; quod eodem apostolico uerbo confirmat. Tertium demum eiusdem muneris membrum est gubernatio, quibus non infimè adiungitur pauperum, uiduarum ac pupillorum cura. Hæc autem expressius, tum Greg. lib. priori Pastor. tū ēt alij sancti p̄s per Ezech. prophetā explicari autumāt c. 34. ubi ait Dominus; Filij hoīs propheta de pastibus Israel, qui pascebāt semetipsos. Nōne greges a pastoribus pascunt? Lac comedebatis, lanis operiebamini. His. n. duobus cū cta designant, quæ ad uictū uestitūq; spectant. Quæ quidem ad sustentationem epis populus suppeditat. Sed ad designandā eorum luxuriæ subdit; Quod crassum est, occidebatis, ubi summa iniquitas pastoris insinuat. Cum. n. officium eius sit gregē doctrinæ, ac morum pinguedine saginare, & pinguefacere; eius potius suba ipsi curant pinguescere. Et gregē meū non pascebatis. Quid autem sit pascere, explicare p̄sequit, dicens: Quod infirmum est, nō consolidastis; quod ægrotum, non sanastis, quod fractum, nō alligastis; quod abiectum est, non reduxistis; & quod perierat, nō quaesistis. Hic aut̄ primum omnium animaduertendum est, oracula antiquæ legis non eandem prorsus energiā ad rem præsentē habere, quam testimonia nouæ. Etenim sacerdotium nostrum longe ab illo differentius, ac perinde sublimius existit, q̄ quo illi fangebantur. Nam cum illorum sacramenta nullam conferrent gratificantem gratiam (nil de illa loquimur quæ sub signo circumcisionis conferebatur) neque clauium illi potestatem habebant ad remittenda peccata; neque subinde curam, ut nostri sacerdotes, gerebant animarum, quæ potissimum est fundamentum, ut nostri prælati residere teneantur. Petuntur autem inde ad propositum argumenta. Tum ratione figuræ, in qua, ut ait Pau. omnia continebāt illis, nempe quod illud sacerdotium præfigium erat nostri. Tum etiam per modum exempli, nam si illis tanto uirio

tio tribuebatur, quod curam non gererent gregis, & in excubijs templi perpetuo esse cogebantur. Iussum enim legitur Nu. xvij. Aaron filijsque eius ac Leuii, excubate in custodia sanctuarii; multò efficacius conuincitur pastores nostros animarum custodes, debere semper præsentibus gregi prospicere. Quamuis, ut ad præsentem locum Ezech. reuertamur, non solum sacerdotes illis, pastorum nomine, denotantur, sed & omnes iudices, & gubernatores populi, tametsi iam tunc temporis, gubernationis sceptrum penes sacerdotes esset. Affabrè ergo Propheta illa quinaria oratione pastoris munus delineat, quantum ad ea saltè quæ in grege medenda sunt. Quinque. n. incommodis Christianus grex periclitari consuevit. Primum est infide, quæ totius Christianæ uitæ fundamētum est, nā sine fide impossibile est Deo placere. Primum autem detrimentum fidei est, languor & imbecillitas, quando, scilicet homo propter magnitudinem credendorum nutabundus uacillat. Quare Paulus ad Roma. iij. laudi tribuit Abraham, quòd non fuit infirmatus in fide. Et ad Roman. xiiij. Infirmum in fide assumite (id est) ne cadat, sustentate. Hæc ergo Antistitis, qui doctor est fidei, prima functio est, nempe ut fidei scrupulos mentibus gregis eximat, dubia scilicet explicando, ac subinde animos affirmando, & consolidando ut intellectum, quemadmodum ait Paulus, captiuent in obsequium fidei. Aegritudo autem ad mores attinet, cum quis corruptis affectibus infectus est. Etenim, ut intellectus scrupulus fidei infirmatur, sic & appetitus affectuum tumultu ægrotat. Quare sicut illud doctrinæ luce est consolidandum, ita & hoc salutaribus monitis sanandum. Confractio uerò iam ad discordiam inter fratres attinet, uidelicet cum populus, aut varijs opinionibus, aut litibus, & iurgiis inter se dissidet. Tunc enim ligamine pacis atque unitatis confœderandus est, amicitiaque conglutinandus. Ex his enim fracturis, nisi in tempore colligantur, hæreses solent intumescere. Quod reuera vecordia, & inertia præsulû, ac potissimum absentia a suis ecclesiis creberrimè accidere, præsentia tempota documento nobis sunt. Quocirca, id quod subditur, abiectum, ad manifestariam hæresim, & apostasiam referatur. Dissensio enim populi, seminarium est hæresum, per quas ab ecclesia exitur, & usque ad huius etiam medicamina prælati cura protenditur, ut saltem una atque altera monitione, ut docet Paulus, enitendum ei sit abiectos in ecclesiam reducere. Concludit

dit demum, Et quod perierat, non quæsitis, exemplo illius, qui de
 cœlo quæsitū venerat quod perierat. Perit autē hō per quodeun-
 que mortale delictum, insigniter vero per obstinationē. Sed ne-
 que illo prorsum desperandum est, quin omnis adeatur, quæren-
 di ipsū via. Atqui effectus porro isti, gratiæ Dei eiusq; singula-
 ri fauori referuntur accepti. Attamen quia ipse eiusmodi grām
 ministerio sacerdotū nobis suppeditat, sit, ut propter eorum ne-
 gligentiam vsu ueniat, ut populus eadem gratia priuetur. Id quod
 protinus ibidem Deus aperte admonet, dicens, Et dispersæ sunt
 oues meæ, eo qd non esset pastor, & factæ sunt in deuorationem
 omnium bestiarum agri, hoc est, ab omnibus uitijis pestundatæ
 sunt, omniq; errore conculcatæ. Qua de cā, statim comminat pa-
 storibus, Requira gregem de manibus eorum. Hac. n. ratione
 ait, ad Hebr. ult. Paulus, præpositus sic debere super gregem in-
 uigilare, quasi rōnem pro eius animabus sint reddituri. Porro
 ergo nisi hæc episcopi munera, & officia tam essent obliuione se-
 pulta, nemo esset, arbitror, qui uel hæsitare posset teneretur in-
 re diuino episcopi per se illa præstare, ac perinde in suis diœce-
 sibus residere. Etenim non solum publica concione, si suū bene-
 noscunt institutum, hæc perficere debent, uerum priuatis uisita-
 tionibus, exhortationibus, recreationibus, cōsilijsq; adeo, & cō-
 solationibus. Imò non uerbo tantum, uerū, & exemplo, ac de-
 niq; re ipsa iuuando, nempe egentiū causas negotio et tuendo
 & eleemosynis adiuuando, Ecce sacerdotis officium, qua parte
 debet nocumenta gregi cauere. At uero qua parte ipsum ad pfe-
 ctū pmouere tenet, latius eius pminet functio. Hac quippe rōne
 appellat eos in suis antecessoribus Christus lucē mūdi. Vide quā
 ta largitate sua ipsius noīa illis impartit, ut si in officio non per-
 stiterint, eos peius in die iudicij pudefaciat. Quin verò, ut i. di-
 ximus, Pius Papa, cano. oues. vj. q. j. ueluti oculos Deū illos insti-
 tuisse ait, siue per quos Deus ipse gregi suo puidet, siue per quos
 populus, q̄ diuina sunt suscipit. Appellat et illos ciuitatem i. mō-
 tem positā, q̄a non solum doctrinæ lumine de candelabro lucere
 debent, uerum prominenti uitæ exemplo in conspectu populi,
 & ueluti sal terræ mores condire. Perpende, an eiusmodi officia
 absentes exhibere, ut decet, ualeat. Quin age, ut cuncta cōplecta
 mur, epi in ea pfectionis sublimitate esse debent, ut perfectionē
 nō discant, sed quēadmodū in sua consecratione admonent, om-
 nino doceant. Quid demū perfectionem doceat? ceu Christi mi-
 nistri

nistri ecclesiā suam sic expurgent, sic promoucant, sic itaq; exor-
nent, ut sine macula, vt Christi spōsam decet, Deo patri offerāt.
Ecce primum locum euangelicum; Pasce oues meas. Secūds
locus ex quo veritas præsentis conclusionis elicitur, extat Ioan.
10. vbi Christus naturam boni pastoris sub hac verborum exag-
geratione commēdat; Ego sum pastor bonus. Bonus pastor ani-
mam suam dat pro ouibus suis, mercenarius autem fugit. Intelli-
gere autem nequeo, qua ullus fronte deludere hunc possit locū,
dicens non intelligendum esse generaliter de pastorum vniversi-
tate, quippe quòd Christus de seipso particulariter, vt aiunt, id
asseruit. Haud. n. opus est sanctos huc interpretes cōpellare, qui
hunc sensum recutiant. Præstat nanq; semper scripturam sacrā,
vbi id fieri possit, ex suis ipsius verbis elucidare. Perpende ergo
verborum cōtextum; Ego sum pastor bonus. ecce assertionem.
Haud vero satis duxit simpliciter id asserere, sed demonstrare per
rexit. Quō autē demonstraui; Quia bonus pastor animam suam
pro ouibus suis dat. Hoc ergo non de se peculiariter, & proprie
asseruit; aliās id quod dixerat per idem ipsum probasset, nempe,
ego sum pastor bonus, quia ego ipse pastor bonus animam pro
ouibus meis pono. Per illam ergo probatoriam propositionē,
naturam ingeniumq; & substātiā boni pastoris definitione pa-
tesfecit, nempe vt sic colligeret: Ille prorsus qui animā suam dat
pro ouibus suis, bonus est pastor, ego autem animā meam, hoc
est vitam do pro ouibus meis, ergo ego sum bonus pastor. Gene-
ralem ergo regulam præfixit, per quam bonus pastor ab ijs, qui
non sunt boni, discernendi sunt. Vnde Greg. in hom. Eius, inquit,
bonitatis formam, quam nos imitemur, adiunxit; dicens, Bonus
pastor animam suam pro ouibus suis ponit. Fecit quod monuit;
ostendit quod iussit, &c. Et Augustinus de uerbis Domini, serm.
5. Pastor bonus, Christus. Quid Petrus? nōne bonus pastor? nā
& animam suam pro ouibus suis posuit; quid Paulus? quid cæte-
ri Apostoli? &c. Itaque si attente verba respicias, non tantum
Christus exemplū sese perhibere oculis nostris uoluit, quod imi-
taremur, secundum illud Ioan. In hoc cognouimus charitatem
Dei, quoniā ille pro omnibus aīam suam posuit; & nos debemus
pro fratribus nostris ponere. Et sicut ait ad Honora. Aug. quòd
instāte persecutione ep̄s non pōt fugere; quia exēplo Domini re-
netur bonus pastor animam ponere pro ouibus suis. Hæc enī
quodammodo possent aduersarij cauillari, dicentes, quòd licet

Christus de se peculiariter id diceret, posuit nihilominus de se imitandum exemplum. Sed insuper affirmamus posuisse regulam & definitionem, per quam se probauit esse bonum pastorem, quamq; adeo licet ipse per impossibile non seruasset, tenerentur vniversi præfules iure diuino & naturali seruare.

Agedum, idem ex subiectis verbis corroboremus. Subdit. n. Mercenarius autem, & qui non est pastor; cuius non sunt oues propriæ, uidet lupum venientem, & dimittit oues, & fugit. Quô rogo illic vsurpauit mercenarij nomen? vtrum peculiariter pro aliquo? Re vera non nisi generatim; ergo eodem modo acceperat vocem boni pastoris. Aliàs non è regione apponeret illi mercenariû. Vtrinseq; ergo naturam amborû oppône explicuit. Nisi admittere absurde malis, q̃ naturâ explicuerit nali pastoris, nō at boni. Neq; contentus fuit id simplr enuntiare, sed natiuâ subiūxit causam; Mercenarius. n. inquit, fugit; quia mercenarius est, cuius non sunt oues propriæ; & ideo ad eum de ouibus non pertinet, quia non sunt inquit, eius propriæ; vtpote quòd cum ei nō sint a Christo commendatæ. sit vt eas non diligat, nimirum ea dilectione qua ex Petro requisituit an se præ ceteris diligeret.

Sed & vrgentissimum præterea argumentum, quòd hoc Dominus ac Redemptor noster non de se tantum proprie, verû tanquam cunctis qui legitimi sunt episcopi necessarium enuntiauerit; est, quod ex hoc loco sancti omnes & Doctores colligunt (vt articulo 4. uidebimus) teneri episcopum dū necessitas gregi suo ingruerit, vitam exponere anteq̃ inde recedat. Quam quidem veritatem cum ipsi aduersarij negare profecto non auderent, inde deberent colligere residentiam esse de iure diuino; idq; adeo ex hoc loco inferri, aliàs ecclesia non cum tanto periculo eos residere constringeret. At de hoc illic pressius. Hic ergo pedem sistere cuperem, si pro rei dignitate mihi facultas ad persuadendû suppeteret, rogareq; colèdissimos episcopos, expenderent, vtrû potuerit Christus significantius re aperire, vehementiusq; ipsos, ne mercenariis suos greges confiderent dehortari. Quô enim diligere animas vsq; ad sanguinis effusionem possunt, quas vt proprias non habent? & nisi ita charas in Domino habeant, quomodo possunt eis legitime prospicere? Abunde se nanq; mercenarij feci se arbitrantur. quando pro ratione stipendij, quod recipiunt audientis litibus, horas aliquot infumunt. Prosequitur autem Christus eandem boni pastoris naturam etiam nūm patefacere.

Ego

Ego inquit, sum pastor bonus, & cognosco oues meas, & cognoscunt me meæ. Haud ergo locus iam ullus sit reliquus despectendi, ut quis dicat de se proprie Christum loqui. Imo eadem demum in sinuat, nempe ob id, quod ingenium, fides & cura boni pastoris sit, ut mutuo se de facie, & voce ipse, & oues cognoscant; se, in quem hæc competunt, bonum esse pastorem. ubi I heophylactus. Hoc loco, inquit, agnosco dominum pastorem, & mercenarium. Nam mercenarius quidem nescit oues; quod contingit, quia non saepe illas inuist, &c. Qui, n. per Dei dilectionem sibi ecclesiam desponsauit non potest eius conspectu, & familiaritate magnopere se oblectari: præterquam, quod neque officia pastoris gregi præstabit, nisi cuiusque ouis faciem, & balatum nouerit, ut non per relationem aut per alium, sed de vultu, gestu, & voce animi morbum deprehendat. Neque vero grex eum vicissim satis diligere, eiusque tum exemplum imitari, tum, & auscultare mandatis valet, nisi de vultu, & sermone eum agnoscat. Quocirca, hoc quod isti dicunt Christum de se proprie affirmare, quam sit falsum inde constat, quod fortasse ad illud prouerbum Salomonis alludit, quod ipse tum propter priscos pastores, tum in nostrorum figuram illius ore iam pridem protulerat. Ait enim ille Prouerb. 27. Diligenter cognosce vultum pecoris tui, tuosque greges considera; non enim habebis iugiter potestatem; sed corona tribuetur tibi in generatione & generationem. Vbi Hebraicè habetur; Cognoscendo cognosces seu euidenter agnosce faciem pecoris tui: & ut dicitur facie ad faciem, & pone cor tuum ad greges. Vbi non adeo ad rem accommodè quidam comminiscunt, verbo illo appone, allusionem fieri ad illud Christi. Bonus pastor animam suam ponet. Nam præterquam quod verbum euangelicum non significat nisi, dat, manifestata est rerum discrepantia; nam verbum Salomonis ad internam curam, & sollicitudinem quam pastor habere debet erga gregem, refertur, ut scilicet cor impensissime habeat ad singularem ouium necessitatem attentum. Vox autem Christi ad testimonium amoris, ut scilicet si opus fuerit, mortem eius gratia oppetat. Nam si cura bruti gregis illam mutuam agnitionem exposcit, quanto magis studium quod erga Christianam familiam impenderi debet; sane cum quot sunt subditi, tot sint & morborum genera. Alius enim consolatione indiget, alius consilio alius reprehensione, alius denique alio eleemosynarum subsidio. Quare protinus in initio eiusdem c. Io. ubi se Christus ostium esse ouium dicere adornabat. Qui non, inquit, intrat

DE RESID.

intrat per ostium, sed aliundè, fur est & latro, qui autem intrat per ostium, pastor est ouium. Huic ostiarius aperit, & oues uocè eius audiunt, & proprias oues uocat nominatim, & educit eas, & cum proprias oues emisèrit, ante eas uadit, & oues illum sequuntur, quia sciunt uocem eius. Vide quomodo lex boni pastoris non tantum in hoc consistat, quòd quis ad dignitatem secùdum Christi leges accedat, uerùm & quòd eius exemplo eandem administraret, nempe cognoscendo oues singulas de nomine, easq; exemplo uitæ antecedendo, quod ipsæ sequantur. Id quod absentes quònam pastor præstare perficerè que possint, ipsi uiderint. Vnde sequitur, Alienum autem non sequuntur, sed fugiunt ab eo, quia non nouerunt uocem alienorum. Vbi alieni appellatione non solum eos, qui non legitimè ingressi sunt censet, imò & qui illegitimè rem administrât, scilicet tam mercenarios, quàm eos qui illa quæ præmisit, non seruant. Et quidem Apostoli non cognouerunt quid loqueretur eis, scilicet mysterium fidei ipsius, per quam solam ingressuri erant quotquot ueris pascuis essent porituri, quia non est aliud nomen sub sole, in quo possint homines salui fieri. Nobis autem, qui illud iam certò per eandem fidem cognoscimus, aliud restat constantissima fide tenere, nempe quòd qui ab ipso instituti sunt pastores, eius instar necesse habent munere suo perfungi. Vnde Damasus Papa in aurea sua epist. iij. ubi de deprendendis chorepiscopis locupletè disseruit, hoc Christi testimonio uehemèter inuohitur in episcopos, qui alienis suas plebes educandas concedunt, cum Christus bonum pastorem asserat uitam pro ouili suo ponere, mercenarium autem ingruente lupo oues destituere. Sed de hac epistola statim arti. proximo. Habeant ergo aduersarij, & contra sic arguant, Quicquid homo per suos administrat facit, per seipsum censetur efficere, ergo cum episcopus uicarium ecclesiæ suæ deleget, residere nò tenetur, sed pro sua satisfacit obligatione. Videant autem huiusmodi argumentatores, quanta eos responsa persequantur. Primùm omnium, ut suprà diximus, hic non disputamus, an causa possit aliqua intercedere propter quam dispensari cum episcopo absenti queat, de quo art. iij. repetendus est sermo, sed rei naturam constituimus, & ea quæ diuina lege episcopo iussa sunt, In primis ergo si factum spectemus, absentes episcopi non sibi uicarium ad omnia sua munera substituunt, sed eum tantum, qui ad lites audiendas sedeat, quòd re uera non est præcipuum. Et præterea uisitatorem, qui

diæce sim

diocesim circūuolēt, cū neq; ista in ipsorum absentia fieri possint commodē, neque alia ullo modo, ad quā praeipue tenentur. Potissima enim pars spiritalis pastoris, ut in concilio Carthagi. iij. licet breuioribus uerbis admonetur, nempe cui animarum longē maior cura incumbit, quā temporaliū, in hoc posita est, ut lites, quae sine iudiciorum strepitu definiri possunt, componere satagat, pacareq; & extinguere procuret, ut tempus secundum Christi mandatum redimat, quod oues in Christianis exercitijs collocent. Quod quidem nemo sine episcopi autoritate & grauitate & amore, quo gregem prosequi tenetur, atque adeo sine eius praesentia perficere ualet. Item neque uisitationis longissima experientia testatur, per alium quā per seipsum fieri castē posse. Haud enim criminibus sola pecuniarum multa, aut excommunicatione medendum est, sed profecto uerbo, nunc placido, nunc acerbo, ac alijs denique adhibitis remedijs, quorum uisitatores, quia mercenarij sunt, nulla tangit cura. Adde, quod eleemosynae quae inter episcopales operas tam altum locum tenent, (Oportet enim episcopum, ut ait Paulus, esse hospitalem) nisi per praesentes Antistites fieri nequeunt commodē. Conspectus namq; pauperis. egenorumque clamor uiscera commouens, uel eleemosynam exprimit, uel aliam saltem consolationem, qua suam possit miseriam leuare. Huc enim illa spectant, quae modo circa uerbum Christi tractabamus, nimirum quanti referat uultum pecoris uisu agnoscere, & uocem auditu. Sed ais, quid si episcopus haec omnia atque alia per alium rectē dispense? Accidere enim potest, ut alij efficaciores sint praedicatores ipso episcopo, atq; alij ad alia munera doctiores & aptiores, quos cum suffecerit, munus suum expleuit, ut absens ecclesiae suae uiuere possit. Huius autem una responsio est, esse impossibile. Altera praecipue notanda, quod episcopi uicarij non sunt perinde constituti ac si sint futuri praesules, sed quasi praesulum adiutores. Et ideo non per hoc excusatur eorum residentia. Debent enim uicarij esse sicut membra in corpore, ipse uero sicut anima. Christus enim non eos ut operariorum constitutores, sed ut operarios misit. Et Paulus non ait, oportere episcopum esse doctoris substitutorem, sed esse doctorem, & ij. ad Tim. ij. Sollicitē, inquit, cura te ipsum probabilem exhibere Deo, operarium inconfusibilem, & rectē tractantem uerba ueritatis. Vbi confusione eum Antistitem aspergit, qui operarius non est. Et alibi admonet, ut qui non operatur, nec manducet. In
summa

summa, non uident isti qui munus episcoporum in hoc collocant, ut bonos sibi habeant subrogatos ministros, quemadmodum leges uniuersas electionis episcoporum & pastorum de medio tollant. Quid enim opus est tantam sollicitudinem & uigilantiam adhibere ad digniorem eligendum, quantam iura omnia clamant, si satis episcopo est alios ecclesiarum suos ministros delegare? Ergo si iura illa certa ratione constituta sunt, planè colligitur personalem industriam in episcopo eligi, atque adeò per se residendo teneri munia sua explere. Quare non est cur nobis Valerium obiciant, qui Augustinum sibi substituit. Id enim fecit ingrauescente iam ætate, quando uires sibi non suppetebant. Imò nec tunc credendus est sic cessasse, quin id quod posset, efficeret. Imò hinc sumitur argumentum, quàm sit necessaria personæ. Hac enim de causa Petrus Apostolus ut Theodoretus refert in lib. de lxx. discipulis, & antiquissimus Epiphanius to. ij. c. xxvj. nempe quia illi necesse erat tanquam Apostolo per alias ecclesias diuagari, substituit sibi episcopum Romanum, non qui esset Papa, sed qui sibi esset auxiliaris nicarius. Ad eorum ergo argumentationem respondetur, quod etsi unicuique liberum sit de suis proprijs bonis, ut libuerit, per famulum disponere, in quo casu quod quis per aliũ facit, ipse facere cõsetur, in publicis tamẽ administratio nibus longè res secus habent. Publici enim magistratus, atque illi potissimum quibus ob personalem functionem iusta stipendia decreta sunt, non ad iustum per uicarios administrantur. Ecquis enim in consulem, aut prætorem, aut ducem creatur, ut per alium rē administraret? Imò uerò in rebus priuatis quis æconomum, pincernam, imò uel coquum, uel quod rei magis arridet, naucleum uel certè aurigam conduxit, qui non munus eiusdem personæ requirat? Quòd si magistratus alij hanc habent residendi naturam, quis non uideat episcopatum, qui animabus prospiciendis, quas Deus & ad suum ipsius consortium condidit, & proprio uitæ dispendio redemit, primum huius legis obtinere locum? Vnde Paulus ij. ad Corint. nono, Vt mihi si non euangelizauero, ne cessitas mihi incumbit. Sed uide quomodo aduersarij cauere hanc plagam contendunt. Aiunt enim, apostolis per seipsos necessarium fuisse prædicare, quoniam in ipsis personalis industria electa fuit. Episcopi autem non illis successerunt in apostolatu, sed in episcopatu. At uerò, ut fateamur urgẽtiorẽ fuisse in apostolis prædicandi obligationem propter reuelatã eis doctrinam,

tamen

tamen quis neget in episcopis personale etiam industriam, quatenus in episcopatu ipsis successerunt, eligi? Sed neque aliud istorum commentum illis admittendum est, nempe quod apostoli iussi sunt solis infidelibus prædicare, episcopi uero solis subditis; imò Paulus sæpe prædicauit conuersis, quod certè ad eorum confirmationem facere debebat. Nec episcopo dicitur, ut aiunt, Vade, prædica populo Dei, sed, populo tibi commissio; cui non repugnat quin aliquando possit & debeat infidelibus prædicare.

Alius uero cauillus istorum est, quod etsi Papa dictum sit, Pascite oues meas, non tamen inde colligitur, quod residere teneatur in omnibus ecclesijs, atque adeo neque de singulis colligitur, quod teneatur in suis residere. Quod autem cauillatio hæc peiori sit nomine digna, quis non planè uideat? Insus enim est Papa per seipsum pascere, atque adeo in sua ecclesia, quæ Romana destinata est, residere, uel ubi expedire uisum esset. Decet autem propter confluxum orbis illuc, ne per alias diuagetur, sed suos singulis ut Deus ei iussit, episcopos consignet, qui eodem diuino iure teneantur in suis diocesium residere. Vnde Paulus ad Thessal. v. Rogamus, inquit, uos fratres ut noueritis eos, qui laborant inter uos, & præsumt uobis in Domino, & monent uos, ut habeatis illos abundantius in charitate propter opus illorum. Non ergo propter dignitatem, sed propter opus quod resident personaliter exercent. Alia denique eorum argutia non est responsio digna. Arguunt enim, quod cum Papa possit episcopum a sua diocesi dimouere atque alteri adscribere, fit, ut dispensatio episcopi cum hac ecclesia non sit de iure diuino, atque adeo nec residentia. Iam enim supra ostensa est infirmitas consequentiæ, nempe quod licet Papa possit episcopos summutare, non tamen eorum naturam, & functiones, quæ iure diuino annexæ sunt dignitati. Sed rogas, nonne multa episcopus potest per ministros dispensare? Apparet enim posse, ut ordines conferre, & confirmare, benedicere templa, & ornamenta, &c. Item permulta sunt episcopalia officia, quæ non nisi statis temporibus eademque raro fiunt, ut chrisma conficere, & sacris initiare, quæ ideo iugem residentiam non exigunt. Respondetur inter episcopalia munera gradus esse dignoscendos. Quædam n. sunt, quæ licet non ita decenter fiant, tamen non usque adeo absurdum est per substitutos illa exercere. Ut sunt chrismatis confectio, & templorum ornamentorumque consecratio. Est inquam in his,

dum per ticularēs episcopos sunt, indecorum quidam, quòd nō tanta gravitate, ut decet celebrantur, præterquàm quòd anſa inde porrigitur titularibus introducendis. Verumptamen non ita sunt munera, quę vrgentiſſimè reſidentiam episcopopi requirunt, ſed alia ſuprà commemorata, quę aſſiduam præſentiam ſedulamque diligentiam expoſcunt. Imò uerò ut iam diximus, propterea episcopopi obligationis reſidendi obliti ſunt, & non putant alia ſibi incumbere onera, quàm lites audire, & ſemel in anno ordines conferre. Si enim ſe ignorantium lucem, delinquentium regulam, aſſictorum ſuſlugium, egentiumque ſubſidium ac præſidium (ut uerè ſunt) eſſe cognoſcerent, non grādi opus eſſet negotio, ut ius reſidendi perſuaſiſſimum haberent. Multa alia hic miſſa facimus ſcripturarum teſtimonia, nimirum ſatis rati ea, quę præcipui ſunt momenti attuliſſe. Multaſque ad uerſariorum argutias ſilentio prætermittimus, ad quas utiq; moleſtius, eſſet reſpondere, quàm utile. Quòd autem de episcopo aſſertum curauimus, de cunctis etiam parœcialibus paſtoribus ſubinde eſt intelligendum. Sanè cùm & allata teſtimonia idem ſibi uelint licet multò efficacius episcopos urgeant. In apice autem iſtorum, quę dicta ſunt, hoc licet per ſeipſum euidentiſſimū ſit, non erit tamen admonitu ſuperuacaneum, nempe q̃ reſidendi obligatio ſic præceptum eſt, ut non ſit præcepti ſinis. Videas enim præſules in ſuis quidem eccleſijs reſidentes, ſed tamen adeo oſcitanter, & ſegniter in adminiſtratione uerbi, in guberatione in aſſictorum conſolatione, & pauperum ſubſidio ſeſe gerentes, ut nihil referat abſentefne ſint an præſentes. Reſidentia. n. propter hæc neceſſaria eſt, quę ſi non ſiant ſuperuacanea, imò quandoq; cauſa, ut episcopus maiori opprobrio, & uilipendio à ſua plebe habeatur.

A d primum igitur argumentum reſpondetur, uerba illa formalia, quòd episcopopi reſidere teneantur, nullam fuiſſe neceſſitatem, ut in Euangelio exprimerentur. Sanè cùm euidentiſſimè ex ipſa episcopopi ſunt functione diuinitus inſtituta colligantur, & etiam ſecundum aduerſarios ſatis eſt, ut eadem reſidentia ſit de iure diuino. Nam ubi Chriſtus ceu operarios miſerit prædicatum Apoſtolos atque alios lxxij. diſcipulos, quibus episcopopi, & parœciales ſac erdotes ſucceſſerunt, & ubi iubet in Petro cunctis episcopopis, ut gregem paſcant, & ubi docet bonum paſtorem eſſe, qui nominatim cognoſcit oues, & ubi ait Paul. episcopopum

scopum esse doctorem & hospitem, & ubi admonet Timoth. ut seipsum operarium inconfusibilem, verbum veritatis recte tractantem exhibeat; & ubi admonet præfules, ut vniuerso gregi attendant in quo eos Spiritus sanctus posuit episcopos ad regendum ecclesiam Dei; atque in id genus alijs locis, vsque adeo luce clarius residentiâ pastorum præcepit, ut fatuû sit expressiora verba requirere. Ad secundum iam satis responsum est, quòd etsi summam ecclesiæ iurisdictionem Petro eiusq; successoribus singulariter commiserit, ubi ait, *Pasce oues meas*; atq; adeo facultatem eligendi pastores; modum tamen pascendi non reliquit suo arbitrio, ut eum mutare posset. Haud enim in arbitrio est Papæ facere, ut episcopus non sit doctor, non sit hospitalis, non sit uigilator super gregem, quibus munetibus intimum est, ut resideat.

Ad tertium deniq; respondei, quòd si Timo. & alij forsitan episcopi iussu Pauli à suis nonnunq̃ ecclesijs peregrinati fuerint; id tamē ob ecclesiæ vniuersalis necessitatem factum est, atq; adeo per interpretationem eiusdem diuini iuris, & naturalis. Haud enim secum pugnant residentiâ esse de iure diuino, & nihilominus possibile casus accidere, in quibus non solum licitum, verum & expedientissimum sit episcopum a sua ecclesia in tempus abscedere.

A R T I C V L V S III.

Utrum residentia episcoporum iure naturali fundetur.

CVM monstratum sit residentiâ episcoporum de iure esse diuinam, subsequitur, ut videamus an ius etiam naturę suas rationes eidem veritati subministret? Arguitur nanque a parte negatiua; Evangelicus episcopatus, ordo est supernaturalis; quippe cum fundatio ipsa ecclesiæ super naturam fuerit à Christo instituta; non ergo episcoporum residentia in iure naturali fundatur. Secundo: Si iure naturali eiusmodi residentia iuberetur, nulla ratione posset super eo dispensari. Nam ut lib. ij. de Decalogo pronuntiauius, ob id indispensabilis est, quòd indiuiduû habet à natura obligandi vinculum; & tamen, ut in ca. 4. patebit, ingruere ea necessitas potest, ut legitimè à sua ecclesia episcopus absens fiat. Tertio denique arguitur; Esto de residentia præceptum agnoscamus, natura tamen præceptorum affirmatiuorum est; ut non obligent, (quod aiunt) pro semper. Non ergo

iugis continuaq; residentia necessaria est. In contrarium est, quod cum ius naturæ, autore Deo, mentibus nostris insculptum sit, explicandis et fidei legibus ab eodem Deo promanantibus, multum inferuit. Nam diuinæ leges naturalium perfectrices existunt.

IAM supra dictum est naturale ius esse, quod natura nos docuit; atque adeo minime repugnare, ut quod diuino iure sancitum est, naturali etiam quadamtenus roboretur. Respondetur ergo ad questionem, affirmatiua hac conclusione: Obligatio residenti quam proxime est naturali iuri affinis. Enimvero quamuis episcoporum institutio iure sit facta diuino; tamen ut supra dictum est, rationibus naturalibus eius congruentia innotescit; atque adeo modus episcopalis administrationis eisdem rationibus elucidatur; quas quidem in superioribus adeo insinuauimus, ut hæc non sit nisi explicatio repetitio. Primum igitur argumentum sumitur ab officio. Enimvero cum pastoris officium, ut dictum est, sit spirituali animarum saluti prospicere, functio hæc bipartita est; nempe, vel respectu gregis infirmantis, ac deficientis, ut iuuetur saneturque; uel respectu eiusdem sani, ut ad perfectionem promoueat. Defectus autem & quantum ad intellectum accidere potest, & quantum ad effectum. Est ergo pastor ignorantium lux. Nam Vos, inquit, estis lux mundi. Lucem autem natura docet nisi præsentem lucere non posse. Illis autem qui de via decedunt, est ciuitas supra montem posita, cuius uitæ sydus aspiciens populus recto tramite incedere debet: in conspectu autem populi nisi resideat, esse non potest. Condiendis uero corruptis affectibus est sal, qui in operibus uirtutis ostendere saporem debet. Denique ægrotis est medicus. Nam talem se appellauit Christus, ubi ait: Non est opus ualentibus medico, sed male habentibus. Pespice ergo quæso te, utrum si rex selectissimum medicum eligat, cui iusta stipendia pro ratione suæ facultatis exoluat, ferre queat, ut ubi corporalis sibi uita periclitatur, per aliū seruiat? Si ergo in medico corporali industria personæ expetitur & optatur, quis neget tanto id iustius in medico spirituali, quanto temporali uitæ spiritualis præstat? Et denique episcopus, ut supra diximus, auriga, nauclerus, dux, fidelisq; seruus ac dispensator mysteriorum Dei. Et, tamē si ad rempublicam civilem spectes, quisnam mortalium permitteret hæc per uicarios exhiberi? Cur ergo Deus id permittat? Re uera naturæ ius aperte reclamationat. Sūt etiam ad arcendum hostes, custodes & uigiles, quod absentes esse nequeunt. Respe

Quod autem gregis est si sanus esset ab hostibus tutus, summum episcopi officium est, ut iam supra diximus, & in sua consecratione habet, ad perfectum plebem perducere, quod de Baptista Lucae 1. legitur, ut sit sine macula & ruga, ac perinde digna, quae in conspectu Dei appareat. Ad haec autem ratio naturalis manifeste demonstrat industriam, atque adeo praesentiam personae requiri. Secundus locus idem naturaliter demonstrat sumitur ex stipendio, quod, ut supra satis probatum est, non pro scientia aut morum probitate, aut nobilitate, aut dignitate episcopali, sed pro praesidentia, & functione, atque adeo pro exercitio ipso, & opere, & usu penditur, ut Nume. 18. admonitio diuina habet, & 1. ad Corinth. 9. docet Apostolo. Vbi namque stipendium pro opere penditur, naturalis ratio illico demonstrat non satis esse uicarium constitutere, etiam si digniorem teipso substituas. Est enim ille uelut auxiliarius, qui ideo episcopum non excusat, quin praesens, quod ualuerit, efficiat. Sed tertius locus sumitur ex detrimetis quae episcoporum absentia progignit, & parturit. Horum autem potissimum est, idque nisi omni sensu careant pastoribus extimescendum, quod propter eorum negligentiam creberrime multae animae perpe sua morte pereunt, quae quidem si secundum suam obligationem diligentes essent, sempiterna felicitate fruerentur. Reuise illud super citatum oraculum, Ezech. 34. Postquam enim ait Deus, Vae pastori bus Israel, eorumque negligentiam in consolandis infirmis &c. recenset, subdit. Ecce dispersae sunt oves meae, eo quod non esset pastor, & factae sunt in deuorationem omnium bestiarum agri. Ecce, eo quod non esset pastor, Non quod nullus esset; alias non dixisset, Vae pastoribus Israel; sed quod nullus legitime suam expleret curam. Et ideo subdit: Et ego de manibus pastorum meorum oves meas requiram. Huc uellem attentos habere Christi pastores. Si Rex charissimos filios negligentia pedagogi custodisque; eorum trucidatos conspiceret, quoniam regiam iracundiam ferre posset? Cum ergo Deus (quod saepe, & saepius, ac sapientissime usu uenire solet) pastorum incuria priuatum se uiderit animarum contubernio, quas, ut sua ipsius gloria fruerentur, condiderat; quarumque gratia filium suum qui pro illis moreretur huc demisit, easdemque in infernorum abyssu perpetuo trucidandas conspexerit, quoniam rogo non suppliciorum genera ab infidis illis, & tam insigniter sacrilegis pastoribus non reposcat? Quin vero non solum in pastores ipsos prauos indignari solet Deus, verum, & ob ipsorum prauitatem indignatio eius dimanat in populum. Sic enim legitur. Nume. 19.

Excubare

Excubare in custodia sanctuarij & in ministerio altaris, ne oritur indignatio mea super filios Israel. Non quod ob alienam culpam populus eternaliter puniatur, sed quod uel ex eo quod in populo nunquam ingentissimus delinquentium numerus deest, qui prælatorum suffragijs sustentari debet, illis cessantibus indignatur Deus in populum ob sua ipsius crimina, uel quod cessantibus episcopis manus cum Moyse ad cælum cum precibus leuare, atq; adeo negligentibus populi curam, facile à suis hostilibus cupiditatibus prostermitur, dignusq; adeo sit indignationis Dei. Cum ergo ex absentia pastoris tam presentaneum moderando gregi emineat negligentia periculum, naturalis profectò ratio planissime demonstrat. quàm debeant presentes aduigilare.

Mox & præter gregis detrimentum eadem præsulum absentia indecorum aliud in Christiana republica peperit. Nam cum ob personalem residentiam ius cogat unicuiq; ecclesiæ suum mancipare episcopum, ubi persuasum habent licere sibi absentes esse, pro inconuenienti non ducitur, ut quis plures habeat ecclesias, quarum simul fructus unus percipiat. Id quod in Concilio Lateranensi prohibitum est, ut patet cap. Quia nonnulli. de reg. & xx. q. j. can. clericos. Ac deinde protinus mos in ecclesiam ingestus est episcoporum titularium, per quos quemadmodum ordines atque reliqua episcoporum sacramentalia perficiantur, experientia ipsa testimonio est. Inde enim emanauit, ut eiusmodi spiritualia uenundentur, adeoque tractentur abiectè, ut in conspectu Christiani populi despectui habeantur. Accedit quartò quod cum episcopi cultores instituti à deo sint animarum, messorèsq; adeo spiritualium frugum missi, ipsi per se deberent in conspectum Domini portare manipulos suos, quod re uera qui per alios gubernant, minimè faciunt. Ipsiq; talenti sui uluras quas per se accumularent Deo reddere, & tanquam legitimi pastores exemplo cœlestis illius qui illos instituit, oues suas proprijs humeris baiulare, propriisq; manibus contrectare. Sic enim de illo præcantauerat. Isai. ca. xl. Sicut pastor gregem suum pascet, in brachio suo cõgregabit agnos, & in sinu suo leuabit, scortas ipse portabit. His nanque atq; id genus alijs exemplis Damas. Papa, ut in illa suprà citata epistola. iiii. uidere est, chorepiscopos explodere sanctè curauit, qui quidem nō ita multum ab istis titularibus differebant, ut lxxviii. dist. can. ecclesijs. & duobus sequentibus explicatur. Et potissima causa eos abigendi & extinguendi fuit, quod

quod legitimi episcopi illis suos greges pascendos committēbant, ut otio ipsi torpescerent, instar, ut ait ille sanctus Pontifex, meretricum, quæ statim ut pariunt infantes suos alijs nutricibus tradunt educandos, ut suam citius libidinem explere ualeant. Sic enim miserandi episcopi faciunt, dum sibi commissos populos uicarijs educandos concedunt, ut liberius ipsi secularibus curis inhiant. Perspice ergo quam ratio naturalis persuadeat, ut qui ecclesiæ desponsantur, proles Christi sanguine per se progignant suisque propriis uberibus lactent. Nam sponsa, ut in Canticorum capite legimus, sponso ubera tribuebat, eademq; super uinum unguentis optimis fragantia. Quæ profectò cum in episcopo sine usu sunt, ultore Deo, desiccantur. Sed ò temperum calamitas. Istarum nanq; omnium necessitudinum obliuio obligationem residendi obscurauit. Quis enim iam se, ut sponsum ecclesiæ suæ gerat, & ut subditorum patrem? Pau. quidem inter suos episcopales labores & Ecclesiarum sollicitudinem id potissimum; ad Corinth. ix. commemorat, quod & Indæis Iudæus fieret, & gentilibus gentilis, & infirmus infirmis, ac denique ad omnium se accommodaret affectus, ut omnes Christo lucrificaret. Et in posteriori ad eosdem Corinth. Quis infirmatur, & ego non infirmor? quis scandalizatur, & ego non uror? Iam uerò nunc temporis hic charitatis gradus adeò aboleuit ab usu, ut nullo zizaniorum seminatore peiora scādala, quam inter episcopos & capitularia sua collegia seminauerit. Id quod episcoporum multum causantes sibi prætexunt, ut suam absentiam excusent, cum tamen enitendum illis summopere primum esset, canonicos patres uisceribus lucrari, quod si perficere nequirent, non ideo illis esset de diocesi decedendum. Nam propter paucorum culpam, non esset grex totus deferendus, imò adeò uigilanter curandus & colendus, ut clericorum procures pudore conuicti deuinitas eis manus offerrent.

Et per hæc ad argumenta in capite quæstionis proposita responsum nobis censetur. Prioris enim solutio est, tum quod episcopalis dignitas nō usque adeò est supranaturalis, quin sit rationi naturali germana, tum etiam quod etsi sit supranaturalis, illa tamen supposita, tunc ratio naturalis modum quo administranda est, plurimum elucidat. Posterioris autem responsio articuli. iij. patebit, ubi constabit ius etiam ipsum naturale ac diuinum nonnunquam causas offerre, ob quas liceat episcopis suas dioceses exire.

D E R E S I D.

exire. Ad tertium denique respondetur, præcepta affirmatiua propte reā non obligare pro semper, quòd obligant pro loco & tempore, & cum reliquis circumstantiis, quamobrem nec episcopus obligatur semper prædicare aut ordinare, &c. Attamen quia multa eius munia sunt, quæ non habent determinatum tempus, sed creberrimè & præter spem eorum necessitas offertur, tenetur in sua semper esse diocesi, nisi in casibus quibus ius ipsum diuinum & naturale ei absentiam indulget.

A R T I C V L V S I I I I.

*Utrum episcopi iure humano, hoc est pontificio,
residere teneantur.*

QUANTVIS post diuinum ius & naturale non ita multum nosse de humano referat, conducit tamè ad omnimodam obtinendam uictoriam. Arguitur nihilominus de more ab utraque parte. Aut enim residendi obligatio iure diuino ligat, aut secus, si iure diuino, superfluebat ius Ecclesiasticum, quoniam humanum uinculum urgentius esse non potest diuino, sin minus, uidetur ecclesia rigidius iusto id præcepisse. Nam cum res sit tam grauis, ut præfules arbitrantur, non debuit ecclesia diuinum ius onerosius reddere. Secundò arguitur, si residentia, iuris diuini est, tunc præceptiones de illa pontificiæ, esse nõ possunt nisi eiusdem iuris declarationes, atque adeò dici non potest ut sit de iure humano. In contrarium est totus titulus de cleri. non resident. nèpe ca. Quia. & cap. relatũ. & reliqui, ubi qui absentes à suis sunt paræcialibus ecclesijs, anathemate atque alijs pœnis plectuntur.

Quo tandem nullum suffugium reliquum fiat, sed palam pastoribus sit eitra ulla controuersiam ad residendum esse perstrictos, adhibetur in hoc iij. articu. postrema conclusio, Residentia episcoporum ac perinde sacerdotum animarum curam gerentium iure humano, putà ecclesiastico sancita est, & sub pœna peccati mortalis constituta. Hæc aut cõclusio nõ perinde intelligenda est, ut q̃ singulis annis fiat cõfessio, & quadragesimalis abstinentia, singulorumq; festorum, multarumq; ceremoniarũ obleruantia. Ista enim licet ab Apostolorum seculo censeantur instituta, baud tamè ab ipso christo immediatè, sed ab ecclesia per potestatem illi ab ipso collatam cõdendi leges. Præceptum autè Ecclesiasticum residentiæ est explicatio diuinæ institutionis. Distinguit enim

Pau.

Pau.j.ad Corinth. vij.inter hæc duo,ubi ait, iis qui matrimonio iuncti sunt, præcipio, non ego, sed Dominus. Nam cæteris ego dico, non Dominus. Est ergo differentia, quòd quæ sunt de iure humano, etiam si per potestatem diuinitus traditam sint constituta, nulla tamen vi pollerent obligandi nisi ab ecclesia essent præcepta. Quæ autem sunt de iure diuino, etiam si ecclesia de illis nihil decreuisset, obligassent. Huius ergo secundi generis est obligatio, qua præsules ac pastores residere coguntur, siquidem vt dicebamus, lex diuina est. Dicitur autem de iure humano, propterea quòd ecclesiasticis sanctionibus ius idem diuinum explicatur. Imò usque adeò eisdem sanctionibus iubetur, ut et qui proterua obstinatione ius diuinum agnoscere noluerint, cogantur nihilominus ius pontificium fateri. De hoc enim nemo doctorum, aut Theologiæ, aut canonici iuris hæsitauit unquam sed solum pastores quorum id nosse confiteri; potissimum refert, facto ipso diffitentur. Nam usque adeò, non quidem tuti, sed securi a suis ecclesijs peregrinantur, ac si omni essent iure liberi, cum tamen hoc citra ullam controuersiam confessissimum esse debet, quòd etiam si solo iure pontificio residere teneretur (quod ius proculdubio planum ac firmum est) nequeant absq; dispensatione, eademque ob legitimam causam petita, & obtenta, notabilem moram extra suas dioceses protrahere. Conclusio ergo plurimis iuris testimonijs irroboretur. Primò enim, ut dicebamus, extra de clericis, non resident. cap. quia nonnulli Concilij Lateranen. sancitum est, ut ecclesiasticum ministrorum neutiquam committatur nisi personæ, quæ residere in loco, & curam ecclesiæ per seipsum valeat exercere. Quamobrem artificum illic inhihetur, ut nemo duas parochias quibus per sese residere non possit, retinere ualeat, neque fructus earum percipere. & in c.xxxij. eiusdem Concilij eadem prohibitio reperitur, nempe ut qui parochialem ecclesiam habuerit, non per uicarium, sed per seipsum illi deteruiat, nisi forsan præbendæ, uel dignitati parochialis ecclesiæ sit annexa. De qua quidem exceptione statim cap. proximo redibit sermo. Idemq; subinde Alexand. III. cap. relatum. eodem titu. confirmat. Idemq; Cælestin. c.ex parte. & Inno. cap. qualiter, & aliis duobus subsequentibus. Et in Concilio Antiocheno, cap. xxi. strictissime inhihetur episcopus a sua diocesi exire. Et in concilio Sardienfi, canon. xiiij. prohibetur, ne episcopus in aliena prouincia ultra tres dominicas cõ-

D E R E S I D.

moretur. Idemq; habetur in Concil. Agath. quod refertur vii. q. j. can. si quis. & can. ix. Et duobus sequentibus eiusdem Concilii Sardicen. proibentur accessus episcoporum ad principum curias, sanè, quæ sine inuidia hominum, & reprehensione esse nō possunt. Adeò, quæ illud prohibitum est, ut si quæ iustæ emerferint causæ, uidelicet pro pauperibus, aut uiduis, aut pupillis tuèdis, tunc diaconum mittant, ut ipsi in suo grege permaneant. Idemque habetur in sexta synodo, cap. xviii. & lxxx. Atque in concilio Romano sub Syluestro, & Constantino can. xvii. arctissime idem accessus ad curiam interdicitur, quia curia, inquit, a cruce dicitur, quoniam immolatio est simulacrorum. Et in concilio Calcedonen. ca. xvii. quod xcii. dist. refertur. Si quis episcopus per manus impositionem episcopatum acceperit, & præesse populo cōstitutus ministerium subire neglexerit, neq; acquirerit ad ecclesiam sibi cōmissam redire, hūc oportet cōione priuari donec susceperit coactus officium. Hæc aut pœna ingentis criminis indicium est. Et xxi. q. j. can. Clericus residentie grā phibet, ne q̄s in duabus ecclesiis connumeret. Idq; diuino testimonio confirmat, quia nemo. s. pōt duobus dominis seruire. Et in viii. synodo, can. xix. prohibet, ne quis archiep̄orum aut metropolitano- rum relinquat propriam ecclesiam, sub occasione quasi uisitationis ad alias accedat. Et in Concil. Carth. v. quod refert vii. q. j. c. placuit. h̄c, ut nulli sit facultas, relicta principali cathedra ī aliquā ecclesiam in diœcesi constitutam se conferre, uel in re propria diutius q̄ oportet constitutū curā, & frequentationē propriæ cathedræ negligere. Et eadem can. & qōne can. Sciscitaris. ait Nicolaus Papa, perinde iuri naturali aduersari ep̄m in perfectione ecclesiæ deserere, ac si nauta s̄cuietibus fluctibus nauim destitueret. Et x. q. j. c. decreuimus. iubent ep̄i annuatim diœcesim uisitare. Quin uero lxxxij. dist. c. ep̄s. iubentur saltē die Dominica esse in ecclesia. Plura deniq; sunt iura, quam ut possit referri. Et quo rē tandem concludamus, eadem dē mū ueritas nōuissimo decreto sancita est in Concil. Triden. sessione vj. quod definitum est, nullos ep̄os quouis gradu, & dignitates (ut Cardinales etiam comprehendere) excusari à personali residētia episcopali in suis ecclesijs, nisi legitima habeant impedimenta, nempe quæ iure ipso naturali probentur. De quibus ar. proximo. Iuri insuper canonico appenditur, & imperatorium. Primò in Authentico, quomo. opor. ep̄is. & c. coll. j. §. & hanc uer. & illud sic legitur, & illud

& illud etiam definimus, vt nemo Deo amabilium episcoporum foris a sua ecclesia plus, q̄ per totum annū deesse audeat, nisi hoc per Imperialem fiat iussione. Idq; latius cauetur in Authen. de sanctis. episcopis. colla. 9. §. interdicimus. vbi arctissime prohibetur suas proprias relinquere ecclesias, nisi de cōsensu patriarcharum aut metropolitani. Similis enim sanctio habetur in Concilio Antiocheno, can. 11. Permittitur tamē, vt possint per annum manere in curia Cæsarea. Sed de hoc statim articulo proximo.

Quòd si post concilia sanctos etiam patres de hac re audire non piget, vide Damasum in epistola citata de exigendis chorepiscopis; & Aug. in lib. de pasto. & Greg. Nazian. in oratione de statu episcopali; & Chryso. in lib. de sacerdotio. Et Grego. atque Amb. in suis Pastoralibus. Sed latissime Hier. in 2. epist. ad Oceanum, super illud Pauli ad Titum; Oportet episcopum sine crimine esse. Vbi multa ad propositum disserit; concludens quòd non sat est episcopis innocentibus esse, nisi & latratu sint canes. absentes autem latrare non possunt. Vnde Bernardus serm. 77. super Cantica; Quid dimittit, inquit, oues in pascua absq; custode, pastor est, non ouium, sed luporum. Ibidemq; complura præclare aduersus pastorum negligentiam diserte cōgerit; qui re vera successores, inquit, Apostolorum esse cupiunt, sed imitatores non item; quia neque sunt tam vigilantes ad curam, q̄ alacriter curretes ad cathedram. Et li. citato de pastor. Aug. ca. 10. docet, quòd episcopi non laborātes in prædicatione verbi non debent percipere fructus ex ouibus; nam Pau. si euangelizauero, inquit, mercedem habeo; nempe tam apud Deū quā apud homines. Quasi dicat: Si non euangelizauero, non sum mercede dignus. Et Origen. super Iosue, homil. 7. cessantes esse cum ouibus reprehendit exemplo pastoris Christi, qui relictis. 99. ouibus in cælo, quæsitū venit illam quæ perierat. Sed pergo esse molestus; cū omnia persequi quæ de hoc argumēto apud patres scripta sunt, sit prorsum impossibile, & sic frustatim pauca decerpere, parum utile. Concludamus ergo cum Bernardo de persecutione sustinenda. c. 3. 1. super illud, Mercenarius vidit lupum venientem, & fugit; Vtinam hodie quicumq; pastores non sunt, mercenarios gregi vellent se exhibere, non lupos. vtinam ipsi non lēderent. Vtinam non fugerent nemine persequente, vtinam non exponerēt gregem donec nementem lupum viderent. Taceant ergo, qui aiunt quæstionem istam nouam esse. Fuit enim, vt ex locis citatis apparet, an

D E R E S I D.

tiquissima, ac potissimum ex Athana. epistolis, quas articulo proximo appendere pergimus. Antiqua inquam, non quòd in dubio apud probos versaretur; sed quòd qui contra faciebant obiurgabantur.

Ad argumentum ergo prius à parte negatiua præpositum responderetur, quòd quamuis ius diuinum sit, quo eiusmodi resistentia indicitur, non tamen fuit supernacaneum, imò ex re plurimum communi ecclesiasticis cõstitutionibus explicari; vt nemo sibi eius ignorantiam prætexere posset; præterquam quòd etiam si diuinum ius non extaret in sacris literis, natura ipsa pastoralis officij ecclesiam adponebat, vt ipsum strictissime præciperet. Neque vero huiusmodi præceptio tam est rigida, quàm vel auaritia, & ambitio, vel luxur, & socordia episcopis mentiuntur. Nā præterquam quòd fructuum temporalium pinguedo digna est illo labore, Christi charitas, qui illis suos greges concedidit, deberet in primis rem illis dulcorare. Ecquid enim cuique suauius quàm in domo propria sponsum cum sponsa, patremque cum filiis commorari? Ad posterius vero argumentum iam responsum est, quomodo hoc dicatur ius humanum. Haud enim intelligendum est per exclusionem, ac si non sit diuinum aut naturale, sed quòd sit horum explicatio.

A R T I C V L V S V.

Vtrum aliqua emergere possit causa, ob quam liceat episcopo à grege sibi commissio abesse.

Sanct. Thom. 2. 2. quæstio. 185. ar. 5.

IN calce demum præsentis disputationis ad expositionem D. Thomæ reuertendum nobis restat; nempe ad articulum v. eiusdem quæstionis 185. vbi disputat vtrum aliqua possit causa in tercedere propter quam liceat episcopo gregem sibi commissum deferere. Sumitur enim argumentum a parte negatiua; primum ex illo loco Ioan. x. supra iam exposito, vbi ait Christus, bonum pastorem animam suam dare pro ouibus suis, mercenarium autem viso veniente lupo gregem relinquere, & fugere. In cuius homilia Greg. Lupus, inquit, super oues venit, cum quilibet iniustus, & raptor fideles quosque atque humiles opprimit. Si ergo episcopus ingruente tyranni persecutio ne, gregem suo præsidio destituat,

destituat, mercenarius, & non pastor reputabitur. Secundo; Inter Prouerbia, cap. 20. sic legitur; Fili, si sponderis amico tuo, defixisti apud extraneum manum tuam. Et subdit; Discurre, festina, suscita amicum tuum. Quod quidem idem Greg. in Pasto. ad propositum exponens; Spoudere, inquit, pro amico est animam alienam in periculo sue conuersationis accipere. Qui autem ad viuendum alijs in exemplum preponitur, non solum, vt ipse vigilet, sed & vt amicum sulcitet, admonetur; hoc aut facere nequit nisi qui corpore presens adsit gregi; ergo tempore persecutionis nemini pastorum licet se subducere. Tercio; Ad perfectionem episcopalis status pertinet animarum curam gerere; nemini autem perfectionem professus licet ea que ad perfectionem attinet, ob vllum periculum deferere; ergo episcopo, cum statum perfectionis profiteatur, nullatenus neq; in periculo mortis constitutus potest, vbi suum officium exigitur, terga uertere. In contrarium est illud Christi mandatum Matth. x. ad Apostolos, Si uos persecuti fuerint in una ciuitate, fugite in aliam.

Ad questionem, Diuus Thomas, duabus conclusionibus respondet. Prior; Neutiquam episcopo aut pastorum ulli ubi subditorum salus eorum exigit presentiam, licet illis se personaliter subtrahere, neq; propter aliquod commodum temporale, neq; propter quouis periculum imminens. Probat conclusio; Obligatio cuiuscumque persone ex fine eiusdem obligationis (quod cuiusque medijs natura est) debet perpendi: finis autem episcopalis muneris, atque adeo obligationis episcopi est spiritualis salus populi, ergo ubi illa presentia eius exegerit, nullum periculum eum excusabit, quo minus adesse teneatur. Id quod testimonio Christi confirmatur, nam si animam pro ouibus ponere tenetur, quod, vt ait Philosophus, terribilissimum est omnium terribilium, nullum minorum periculorum culpam excusabit, atque adeo neque vllum temporaliu commodum quandoquidem natura facilius indulgeat detrimenda euitare corporalia, quam comoda procurare. Secunda conclusio; Quando legitimus pastor satis potest saluti plebis per alium prouidere, & consulere, tunc non erit ei nefas, etiam, vt proprium persone periculum euitet, a sua ecclesia in tempus secedere. Imo uero ubi id ex re fuerit ecclesia, expediens erit ut faciat. Conclusio ex superioribus colligitur, nam tunc fini obligationis nullatenus aduersatur. Vnde in epist. ad Honoratum Augustinus. Fugiant, inquit, de ciuitate in ciuitatem serui Christi; quando eorum quisque specialiter a persecutoribus

ribus queritur, ut ab alijs, qui non ita queruntur, non deferatur ecclesia. Cum autem omnium est commune periculum, hi qui alijs indigent, non deferantur ab his quibus indigent. Idem supra citatus admonet Nicolaus vii. q. j. cano. sciscitaris. ubi non negat quin quandoq; liceat praesuli per fugam cauere tyrannum. Attamen quando populus sua praesentia indiget perinde, ait, delinquet, ac sinauta in periculo nauim deferat. Quin, uero tanto enormius quanto salus spiritualis praestantior est corporali.

Hic primum omnium animaduertenda est sententia. S. Thomae, quae ex uisceribus Euangelij desumpta est. At quod perspicacius fiat, queritur, utrum fides quam episcopus ecclesiae suae, imò Deo suo obstrinxit, usque ad mortis perpeffionem eum, ut resideat, obliget? Apparebit enim hoc sciolis prima fronte creditum, quoniam obligatio fubeundae mortis, quae mortalibus summa est, affirmari non debet nisi diuinum de hoc mandatum palam contiterit. Et tamen ubi ait Christus, bonum pastorem pro ouibus suis animam dare, consilium magis significare uidetur, quam praecceptum. Verbum enim illud, Bonus pastor, non uidetur necessitatem, sed supererogationem praesse ferre. Accedit, quod martyrium tunc duntaxat ubi fides periclitatur, confessionemq; sui exigit, necessarium est. Obligare autem episcopos ad martyrium, ubi fidei tale periculum non imminet, temerarium apparet. Nihilominus indubiè tenenda est pars affirmatiua, quam hic expresse Diuus Thomas in priori conclusione affirmat, quando quidem ait propter nullum imminens personale periculum licere episcopo ecclesiam suam tempore necessitatis deferere. Idque confirmat testimonio Christi, quod ideo in sensu praecceptorio intelligit, sic scilicet quod nemo sit bonus pastor bonitate, quae ad gratiam amicitiamq; Dei retinendam necessaria est, nisi ubicunque necessitatis casus occurrerit, cum periculo uitae gregi suo fauore & auxilio praesens usque ad mortem adfuerit. Idq; Augusti. supra ad Honoratum citatus asseueranter enuntiat, dicens, quod instante persecutione episcopus non potest fugere, sed exemplo Christi debet animam pro ouibus suis ponere. Verbum namque, non potest necessitatem praeccepti significat. Vnde sanctus Thomas secunda secunda, quaestione uigesimasexta, artic. v. ad tertium argumentum ubi ait non semper charitatis necessitatem obligare hominem ad offerendam uitam pro amico, casum excipit, quo tenetur eius saluti providere, ad officium potissimè episcopi alludens.

alludens. Ab hac ergo ueritate, de qua nemo unquam ambigere quiuir. peregrinum argumentum sumitur, residentiam esse de iure diuino. Nam si non esset nisi de iure positio, cum pontificia præcepta, ut quadragesimale ieiunium, & festi obseruatio, ut lib. j. scriptum reliquimus, non consueuerint usque ad periculum mortis obligare, non facile persuaderes teneri episcopum in periculo mortis residere, eò potissimum, quòd, ut supra uisum est, prædicti auctores uerbum christi de se propriè assertum arbitrantur, & tamen si illud uerbum neges nim habere præcepti, nihil relinquis, unde inferatur teneri episcopum tempore necessitatis uitam pro suo grege ponere. Quæ tamen omnium est generalis confessio. Ad argumentum ergo in cōtrarium responderetur, huiusmodi præceptum nō esse censendum atrox, quin uerò cum tota salus temporalis orbis medium sit ad spiritualem promouendam; idq; usque adeò sit certum, ut Deus ipse temporalem uitam, corporali præstantissimum pro salute nostra posuit, naturalis ordo diuinusque postulabat, ut qui pastores animarum futuri essent eodem tenerentur, præcepto. Neque ullus antea ad id muneris eligeretur, quàm idoneus esset inuentus, qui illud optima fide completet. Imò uerò & rex tenetur pro sua republica uitam ponere. Quocirca sicuti ubi fidei cōfessio id monuerit, martyriū est mortem oppetere, sic & ubi hæc ratio iustitiæ id ipsum postulauerit. Cuius nobis Ioannes Baptista documentum reliquit, qui iustitiæ defendendæ caput obtulit. Hinc facile ad posterioris conclusionis expositionem descenditur, nam ex his quæ dicta sunt, elicitur, causas omnes, ob quas licitè præsul potest à sua ecclesia abscedere, nullatenus existimandas esse respectu suæ propriæ personæ, quandoquidem & uitam ipsam ecclesiæ debeat, sed tantum respectu boni ecclesiæ, cui fidem habet obligatam. Quare etsi Caiera. impresentiarum easdem causas sub tribus generibus complectatur, quæ sunt, Necessitas impediementi, qualitas negotij, & conditio personæ, ad commodum tamen ecclesiæ sunt omnes referendæ. Atqui impediementum, aliud est quod ab intrinseco prouenit, & aliud, quod ab extrinseco. Ab intrinseco scilicet, ut est aduersa episcopi ualeitudo, ratione cuius solum & aerem mutare debet. Et quòd hoc etiā debeat respectu ecclesiæ pensari, patet. Nā si etiam tunc ecclesia necessitate præsentis Antistitis premeretur, occumbere potius deberet morti, quàm exire, secundum legem boni pastoris à Christo præscriptam. Quando autem non usque adeò ecclesia

ecclesia affligatur, in rem eius uergit, quòd episcopus suæ salutis consulat, ut expeditius ei seruire possit. Neque uerò solius uale tudinis gratia, uerum & animi recreandi suòsque uisitandi necessarios ius naturale indulget, ut possit exigua tempora succidere, quæ his, aliisue id genus suis negotijs possit impendere. Nam eius modi obligatio non est intelligenda ac si deberet esse in carceribus, cõpeditibus uinctus. Pari modo censendum si impedimētum forinsecus ingruat, ut cùm tyrannus ecclesiæ infestus est. Nam si non singulariter in odium præsulis, sed in ecclesiam ipsam grassatur, tunc persistendum illi est usque ad mortem. At ad hanc necessitatem applaudunt exempla Augustini ad Honora. suprà allata. Et de uerbis Domini ser. v. de Petro & Paulo, ac cæteris sanctis martyrib. qui pro suis ecclesijs, exemplo christi, tyrannorum gladijs occubuerunt. Si autem ob particularem inuidiam prælati tyrannus est infestus ecclesiæ, tunc etiam ex re eiusdem ecclesiæ est, ut in tempus sese inde auferat, sicuti ibidem idem ait Augusti. ne subditi fugere cogantur. Cuius exempla nobis extant in Ioanne Euangelista, qui præcibus suæ ecclesiæ, ut expediebat, secessit, & in Cantuariensi I. homa. sed tamen postea dum opus fuit, ad easdem sedes cum periculo uitæ remeârunt. Qualitas autem negotiorum similiter respectu eiusdem ecclesiæ pensanda est, ut legitima inde petatur absentia excusatio. Est enim triplex particularis ecclesiæ habitudo animaduertenda. Consideratur inquam generalis utilitas Salmanticensis ecclesiæ ad singula eius ministeria, ut prædicare, uisitare, &c. ut totum ad singula membra. In ordine autem ad uniuersalem ecclesiam Romanam, sicuti membrum ad caput, seu ad totum corpus. In ordine autem ad alias ecclesias, sicut unum membrum ad reliqua eiusdem corporis. Et omnes istæ necessitudines, iustas possunt episcopo asserre cās secedendi ab ecclesia, etiam iure diuino & naturali. Quando ergo ecclesia particularis in aliqua est calamitate constituta, tunc ob primam habitudinem totius ad partes potest eius episcopus ab alijs muneribus & officijs cessare, & accedere curiam uel Romanam uel Regiam ad protegendam suam ecclesiam, idque iure diuino & naturali. Quandoquidem non solum alia particularia officia, uerum etiam hoc, idemque præcipue ei debet, dummodo per alios id perficere non possit. Si autem necessitas uniuersalis ecclesiæ absentiam episcopi expetuerit, nemini dubium, quin diuino iure & naturali cogatur abscedere. Nam sicut membrorū singula naturali ordine

ordine se salutē tuendæ capitis obiciunt , ita & ecclesiæ particu-
lares sese tenentur offerre, atque adeo suos episcopos communi
bono . Perplacet autem hic adnotamentum domini Caietani
non solum ob suam doctrinam , verum & ob suam dignitatem ,
qui Cardinalis erat Romanus . Ait quippe iudicium hic esse ad-
hibendum , quo discernatur an personalis opera, & industria epi-
scopi sit ecclesiæ uniuersali necessaria . Nam si necessaria non est,
non excusatur eius absentia . Exempli gratia, Dum Concilium
œcumenicum , aut provincialis synodus indicitur , constantissi-
mum est debere iure diuino episcopos illuc commere . Nam
Concilium , est ecclesiarum cœtus , & nomine ecclesiæ uenit epi-
scopus . Pari modo , si citra concilium expedierit Papæ pro-
pter egregiam doctrinam, aut singularem auctoritatem personæ
aliquem episcopum accrescere, cuius consilium in commune bo-
num capiat , licebit quidem ad tempus eum e sua sede euocare .
At uero si quia eleganter scribit aut psallit, uult illo pro amanuē
si, aut cantore uti, uel uult eum esse auditorem cameræ aut rotæ,
cum id non sit necessarium per episcopum exequi, imò abundat
qui eiusmodi prouinciis obeundis præsto adsint, profecto non
est legitima apud Deum excusatio . eò potissimum , si residentiā,
ut uerè res habet , iure diuino sit necessaria . Nam inde certum sit
non posse Papam dispensare nisi idem ius naturale ac diuinum in
terpretando, quod quidem nisi in uera, & legitima necessitate ne-
minem excusat, qualis in similibus casibus neutiquam occurrit.

Haud æquidem nescio nonnullos iuris prudentum huc nobis
obuiam exituros , qui aiunt eos qui Romæ resident , residentes
censeri in suis ecclesiis , nepe quòd qui residet in capite, resideat
in membro . Attamen hoc esse merum figmentum , neque Cai-
etanus , iuris non ignarus, affirmare ueretur, neque ullus iuris ,
aut theologiæ peritus non plane uidet . Cum enim ius diuinum
sit ut unicuique diœcesi suus mancipetur episcopus, idque, ut de
monstratum est propter peculiarem curam, & uigilantiam, quæ
eisdē ecclesiæ est necessaria, planè colligitur q̃ residere Romæ, nō
solū non sit residere Salmaticæ, uerū neq; absentiam non residen-
tis excuset, nisi legitima id exigente necessitate . Quamobrem, sic
in Germania nonnulli ep̃atus, quos ego uidi, instituti sunt, ut ep̃s
nullus habeat alios fructus præter victum, & honestissimam suæ
familiæ in omnibus necessarijs sustentationem dum fixerit præ-
sens, absentia uerò nihil tribuitur . Per hæc utique de Reuerēdis-

D E R E S I D .

simis Cardinalibus episcopis censendum est, sua enim se ipsi lo-
ge iudicare debent. Haud enim frustra lege ab ipso sacro sena-
tu cautum est, ne episcopi ad illam insignem dignitatem assumā-
tur, nempe q̄ iudicarunt residentiam episcoporum esse de iure
diuino, cuius idcirco dispensationem, nisi alia eiusdem iuris in-
terpretatio, puta grauitas necessitatis, non admittebat. Quę
quidem lex usque adeo summo pontifici sancta habetur, ut nul-
latenus super illam dispensare in animū inducat. Et nihilominus
electo Cardinali commendatur sine titulo ecclesia, quod, ut lib.
iii. dicebam, si fas est minimo monacho, Christiano tamen de re
fari Christiana, apertam prę se fert legis elusionem, quasi non
tam stricto iure obligetur, cui ecclesia commendatur, illic resi-
dere, ac si esset legitimus episcopus. Aufertur Cardinali eccle-
się titulus eo solum, q̄ residere non potest, & tamen non timetur
eandem ipsissimo commendare. Utinam hoc non sit Deo impo-
nere. Porro ergo qui diuinum ius consuluerit, primū hoc æquil-
simē iudicabit, ut nemo episcoporum Cardinalis creetur. At ue-
ro si contrarium fiat, multo minor est culpa imo forsā nulla, si
ut in sua ecclesia persistens, nunquam Romam uisat, quam ut in
curia commoretur, suam deserat ecclesiam. Siquis diocēsim
proximam haberet Romę, quam crebrō uisitare posset, & ea ef-
fet doctrinę autoritatisque excellentia ut plurimum ad ecclesię
bonum referret sacro interesse senatui, forsā suam posset de-
fendere causam, hac nanque ratione, ut aiunt, permittuntur sex
episcopatus, Romę circumiacentes, Cardinalibus esse manci-
pati. Extra hos tamen casus ipsi sibi viderint, nobis enim non li-
cet os ponere in cælū, nisi quatenus ipsi cęli Dominus perstrin-
xerit. Huic demum sententię maximē a stipulatur decretum
Innocentij III. in cap. Bonę memorię. j. de postulatio. pręlat.
ubi noluit exhibere Cardinalem in archiepiscopum Rauennatē,
quia necessarius erat ecclesię Romanę. Quo fit, ut nisi in tali ca-
su, scilicet propter excellentiam, tum autoritatis tum etiam p-
bitatis personę, & propter ecclesię uicinitatem, non sit audien-
da sententia Panormitan. super eodem capitu. nempe Episcopa-
tum, & Cardinalatum esse dignitates compatibles. Qua ra-
tione in Concilio nuperrimo Tridentino (ut supra dicebamus)
ubi decretum est, nullos episcopos exculari a personali residen-
tia, adiectum est, Quouis gradu uel dignitate fulgeant.

Pręter hæc, necessitas etiam unius particularis ecclesię potest
alterius

alterius episcopo charitatis iure in animum inducere, ut illi succurrat, quando id sine detrimento propriæ plebis facere potest. Sumus enim omnes, ut ait Pau. eiusdem corporis membra, atque adeo cum singuli aliorum ope indigerint, mutuo se possunt ac debent iuuare, ut quod in Sybolo de sanctorum communione scriptum est, opere referatur, maximè cum præstantius membrum inferioris auxilium exposulat. Atque hac de causa Pau. Titum ac Timoth. aliòsque discipulos nonnunquam à suis ecclesijs abire in alias iussit, propter raritatem, quæ tunc erat similium supplicitorum ecclesiæ, & propter necessitatem promulgandæ fidei.

Per hæc respondetur aduersariorum argumentis, fictis potius quàm legitimis. Arguant quippe, nonnunquam episcopos necesse habere ad concilium ire, aliàque pontificis capeßere iussa, & Apostolorum discipulos à suis ecclesijs diuagatos. Sed hæc nihil conclusioni aduersantur, sanè cum residentia propter salutem ecclesiæ sit instituta. Quare ut eidem consulatur fini, ipsum naturale ius ac diuinum eiusmodi exceptiones, non solum permittit, sed & iubet. Eadem ratione potest episcopus ad infideles in tempus transire & legatus ad componendam pacem, aliudve id genus exequendum munus ecclesiæ necessarium abire. Secus, si legatio de re esset temporali, quæ per alium posset absolui. Tunc enim abusus esset episcopalis dignitatis in detrimentum ecclesiæ quandoquidem ueritum sit ne Deo militans implicet se negotijs secularibus. Tertium demum causarum genus, quibus potest episcopus nonnunquam se ecclesiæ suæ subtrahere, est conditio personæ, adiunctis tamen temporis ecclesiarumque qualitatibus. Vt si raritas esset personarum, quibus ecclesiæ demandari possent, & persona existeret excellenter idonea, & ecclesiæ proximæ, quibus fructuosior esset uicissitudo uisitationis talis præsulis, quam perpetua alius residentia. Tunc enim uni personæ duarum possent ecclesiarum tituli committi. ut patet can. Illud. xxj. q. j. ubi archiepiscopus. Tarraconensis permissus fuit episcopus esse Fundensis. Hoc autem accidentarium est, & quàm rarissimè usu contingens. Præter hæc de iure concessum est dum parœcia annexa est superiori dignitati, ut qui in superiori ecclesia residet per uicarium seruiat parœciæ, ut habetur in Concilio Lateranen. cano, xxxij. supra citato, iubetur tamen idoneum & perpetuum habere uicarium canonicè institutum, & uoce perpetuum, designari uidetur ut sit quasi curam habens animarum. In calce demum præsen-

tium exceptionum sciscitabitur quis forsan, utrum possit Papa præter has causas super hoc iure dispensare, peruia tamen est solutio, quippe quæ ex superioribus planè colligitur. Quem enim opinio tenuerit hoc esse tantum de iure humano, subsequenter respondebit, perinde Papam super hoc dispensare posse, atque super ecclesiastico ieiunio, aut quauis alia id genus lege. Itaq; non solum poterit interpretari ius, nempe quod ad talem casum non extendatur, uerum & obligationem prosus singularis personæ tollere. Qui uerò ius hic diuinum & naturale confessus fuerit, & non solum probabilius, uerum certo certius est, subsequenter respondebit, pontificem dispensare non posse, sed ius interpretari diuinum ac naturale, scilicet declarando talem casum ab ipso eodem diuino iure excipi. Quòd si quis sic contrà redarguat, Reddere uotum simplex est etiam de iure diuino, super quo tamen Papa dispensare potest, ergo poterit residentis uinculum pariter dissoluere. Negatur consequentia, nam & si redditio uoti manente uoto sit de iure diuino, cuius cōtrarium Papa permittere non potest, tamen quia obligatio uoti nascitur ex peculiari uouentis uoluntate, super illo Papa potest dispensare, uidelicet, ut factum uotum, pro infecto habeatur. Lex autem diuina iubet episcopum residere. Quare dum manet episcopus, per nullam potest pontificis dispensationem ab eodem residendi nexu religari. Vide quanti referat sic, aut sic loqui. Attamen licet in illa uix probabili opinione persistas quòd residentia tantum sit de iure humano, nihilominus Papa pro libito dispensare non ualet, sed legitima id causa exigente. Neq; aliter ille cum quo fuerit dispensatum, tutò potest eadem dispensatione uti. Iuxta hoc ergo documentum hæsitabit quis forsan utrum ratione ciuilis administrationis reipublicæ possit episcopus licetè in curia regia uel alibi uitam agere. Et arguitur à parte affirmatiua. Primum iuris autoritate in Authenticis suprà citatis, Quomodo episcopo. & de sanctis episcopis permittitur ut possint per annum in curia manere atq; diutius de Cæsaris facultate. Et ratione id patet, quia bonum, quo communius est, eo præstantius. Administrare autè rempublicam regni uniuersalius est, quàm ad gubernaculum unius ecclesiæ sedere, ut exempli gratia, si episcopus fiat prorèx, aut curiæ præses. Nam uerisimilius est per episcopum eiusmodi magistratus sanctiori fide & iustitia, uigilantioriq; cura administrari quàm per seculares administratores. Et supra hec si fiat generalis fidei protector

tector aduersus hæreticam prauitatē . nam eiusmodi provinciar
 præfici commodius ac decentius nemo potest quàm ecclesiasti-
 cus præsul propter illustrem autoritatem ecclesiasticam ad idem
 munus requisitam, Ad hoc autem discreta distinctione respon-
 dendum est. Quod enim episcopus ob causam componendæ pa-
 cis aut aliam non fictam, sed uerè honestam, regia legatione fun-
 gatur ad alium principem, Item. quod inquisitor fiat hæreticæ
 prauitatis, profectò nullum refragatur ius, inò æquitas ipsa suf-
 fragatur. Quod uerò annorum curriculo maneant ciuilibus ma-
 gistratibus, atque administrationibus mancipati, tum iura citata
 consentienter reclamant, tum & ratio sublimitatis, ac perinde fi-
 dei qua se suis ecclesiis manciparunt, & iustitia insuper suscepti
 stipendij nullatenus ferre possunt. Primum enim eiusmodi admi-
 nistrationes non solum necessarium non est ut per episcopos
 fiant, uerum neque suum statum concedet. Possunt enim in pri-
 mis uiri seculares illas optimè exequi, Antistites uerò non satis
 dignè. Cùm Timotheum Paulus admoneat neminem, qui Deo
 militat, implicari debere negotijs secularibus. ecquis rogo ra-
 tum ducat episcopum qui tam sancto spiritali muneri additus
 est, in discordijs ac litibus secularibus audiendis, eorum tempus
 prodigere? Quod re uera uel altissimo contemplationis silentio
 deberet uel suis ouibus docendis educendisque impendere. Euo-
 cauerat Romam Nicolaus Papa episcopos quosdam, qui erant
 apud Carolum Cæsarem, causante uerò Imperatore quod con-
 tra maritimos piratas inuigilarent & ideo ire nō posseut, respon-
 det, ut patet. xxij. quæstione octaua, quod reprehensibile id ual-
 de esse constaret, nam cùm militum, inquit, Christi sit Christo ser-
 uire, milites seculares debent seruire seculo. Potissima tamen ra-
 tio quæ huic abusui reclamation, est, quod etiam si eiusmodi munia
 melius ac salubrius per episcopos quàm per alios exhiberentur,
 non tamen hoc est talentum quod Deus illis augendum commi-
 sit, neque id quod eis iussit, & pro quo tam ampla decimarum sti-
 pendia ipsi percipiunt, neque de quo rationem est ab illis exactu-
 rus. Quid enim particulares ecclesiæ reipublicæ ciuili debent, ut
 tantam decimarum copiam pro seruitio rependant, quod episco-
 pi non sibi sed seculo impendunt? Aut quomodo dum Christus
 ab illis in die iudicij effusi sanguinis sui rationem reposceroit,
 quo animas redemit, quas illis seruandas confidit, respondebūt se
 alijs uacasse negotijs, nō sibi ab ipso commissis? Perpendant si rex
 à suo

a suo duce male ducti exercitus rationem interrogaret, cui ille responderet, rei aulicæ dedisse operam, quomodo responsum ferret. Si qui in agone seculari contēdunt, se ab omnibus abstinēt, vt ad Corinth. 9. ait Paul. vt se totos suo muneri tradāt, qui Christo tam insigniter militant, perpende quā se debeant a cunctis alijs subtrahere, vt tanto negotio integri adsint? Et si qui inuitati ad nuptias male in Euangelio ob id audiunt, quod quia vel vil las, vel iuga bouum emerant conuiuium detractauerant, quanto putas peius sint apud Deum audituri præsules, qui ad conuocandum conuiuias missi sunt, imo qui secundum Christum sponsi, & ipsi existunt ecclesiæ, qui sunt conuiuium celebraturi, si alijs se emancipent negotijs, quibus illa, vel defraudetur, vel remittatur cura? Regi Ozie, vt legitur. 2. Paralipo. 26. conuitio, & sacrilegio datur, quod thuribulo incensum adoleret Domino. Cui sacer dotes impropertantes aiebant, Nō est tui officij Ozia, vt adoleas incensum Domino, sed sacerdotum. Sed longe iustius vice versa sacerdotibus, ac maxime episcopis opprobrio tribuendum est, quod officium suū adolendi incensum deserentes, thurificent seculo. Non enim est ille spiritus, quem Deus illis dum consecratur, suggerit, sed quo spirituales proles progignant ac nutrant. Audi Moysen Numeror. vndecimo, quanta verborum significan tia similes curas quas Deus animarum pastoribus committit, exaggeret. Cnr enim inquit, posuisti pondus vniuersi populi huius super me? Nunquid ego concepi omnem hanc multitudinē, vel genui eam, vt dicas mihi, Porta eos in sinu tuo, sicut portare solet nutrix infantulum; & efferes in terram, pro qua iurasti patribus eorum? Profecto multo maiorem curam, & solertiam requirit Christus a præsulibus, animabus quas suo ipse sanguine pig nit, impendendam; ad quod proprie spiritum fauoremq; sup peditat. Quocirca illic statim subditur: Cōgrega mihi septuaginta viros. &c. & auferam de spiritu tuo, tradamq; eis, vt sustentent tecum onus populi. Aliqui volunt imminutum fuisse tunc spiritū Moysi, sed forsā, vt supra dicebā, non ille est sensus, quandoquidem illi non fuit culpa auxiliares sibi poscere; & ideo neque pœ nam commeruit. Sed sensus est fortē, Auferam, id est, capiā eiusdem generis spiritum, quem illis infundam. Nam, vt ait Paulus, di uersa sunt gratiæ, & spiritus munera, quæ Deus suis dispersit iuxta officiorum necessitatem, quæ illis committit. Quare in episcoporum consecratione ab ipso petitur, vt super eum qui con secratur,

secratur, de oleo sacerdotali infundat. Horum ergo meminimus
vt episcopi intelligant non sibi diuinitus aliam gratiam, & fau-
rem atque spiritum impertiri, quàm quo ad suam regendam ec-
clesiam opus est. Sed humane appetentie & conatus sunt, qui il-
los in alia secularia negotia submergant; ut nauim, quam illis
Deus ceu proregetis, vt ait in quadam epistola Clemens, ad regen-
dum concredidit, submergi sinant. Neq; vero distindendum est,
hanc pestem quæ ecclesias præsentia suorum pastorum expoliat,
inde latius inrepsisse, ex quo episcopi a suis capitulis eligi desie-
runt, cœperuntq; in curijs, vel Romana, vel regijs creari. Nō qui-
dem est, quod prorsus contra principum indulta obmurmurem.
Nam eo iam vsque euasit humana malitia, vt si penes capitularia
collegia potestas electionis duraret, omnia essent discordijs ple-
na, cruentisq; dissensionibus dilacerata. Sed tamen quia, vt est hu-
manum ingeniū, nullum remedium rebus adhiberi potest, quod
secum non aliquid incommodi aserat, inde cœperūt curiæ, tum
Romana, tum potissimum regiæ episcopis crebrescere, qui spon-
sis pauperioribus neglectis cum ditioribus adulteria committe-
re semper inhiant. Quod quidem malum non est recens. Hac. n.
de causa, vt Hieronymus in epistola citata ad Ocea. refert in cō-
cilio Nice. cautum fuit, ne isti episcoporum ascensus ecclesiarūq;
cambia permitterentur. Porro autem quo ad finem iam de-
mum quæstionis properemus, ex huiusmodi episcoporum, tum
absentia a suis ecclesijs, tum frequētia in, curijs, cœpit, vulgus eo-
rum dignitatem despiciari. Cœptum inquam eis est & a seculari-
bus parum reuerentiæ, & a clericis minus obedientiæ exhiberi, &
a ciuilibus curijs, & foris plurimum iudiciorum adimi. Nam, vt
ait super vltimum ca. ad Heb. Athanasius, quemadmodū necesse
est, vt præsentibus populus obsequentem se præbeat, ita & sa-
cerdotem oportet, vt aliorum animas curret, & noctes ducat inso-
mnes. Acquisita ergo est vindicta, vt qui suum negligunt lo-
cum, sensim de illo decendant. Hęc enim vltio fuerat de sacerdoti-
bus a Malachia præcantata cap. 2. ubi ait; Et nunc ad vos manda-
tum hoc, o sacerdotes; Si nolueritis audire, & si nolueritis pone-
re super cor, vt detis gloriam nomini meo, ait Dominus exerci-
tuum, mittam in vos egestatem, & maledicam benedictionibus
vestris. Ecce ego projiciam a vobis brachium (seu armum) & di-
spergam super vultum vestrum uentriculum solēnitatum vestra-
rum, Et infrā: Ego dedi vos contemptibiles, & humiles in omnes
gentes

gentes pro eo quòd non custodistis vias meas. Perpende maledictiones: Mittam in vos egestatem, hoc est, subtraham vobis doctrinæ lumen, & gratiæ fauorem, quibus vberes fructus ferre solitis in populis. Et maledicam maledictionibus uestris. Fortasse idem est. Nam sacerdotum benedictiones sunt fructus, quos populus per ipsorum doctrinam, & fauorem captat. Quare maledicere benedictionibus, est, vt malignos fructus ferant. Quamuis etiam si ad sacramenta id referatur, quodammodo verum est. Nam etsi sacramentorum fructus mali esse non possint, tamen sæpe cum per ignaros, & auaros dispensantur, non tenent; nempe ordines quos conferre attentant propter irregularitatem, non uere conferunt, & crebro quos non possunt, a delictis absoluunt; quod sæpenumero propter absentiam prælatorum accidit. Adde, quòd maledicere idem quoq; sonare potest, quod permittā vt maledicantur. Quod lamentabili vsu accidisse in Germania, & Anglia, atque alijs regionibus experti in malum nostrum sumus. Nani propter ignauiam, & perniciosissimam episcoporum aliorumq; pastorum incuriam cuncta sunt hæreticis plena, qui sacramenta omnia execrantur, blasphemiasq; conspurcant. Vnde sequitur; Et ecce projiciam a vobis brachium, seu armum, quod est robur dignitatis uestre, & regiminis baculum. Ac demū dispergam super vultum vestrum ventriculum solennitatum uestrarū.

Alia litera pro ventriculo, impudentiori uoce, sed tamen significantiori, habet, stercus. Et fit illusio ad Mosaica sacrificia, quibus animalia mactabantur. Nam iam apud hæreticos adeo sacramenta nostra foetere cœperunt, vt sacerdotum vultus stercore sordescere existimentur. Simile est apud alium Prophetam; nempe Zachariæ 11. O pastor, & idolum dereliques gregem. Ad viuum profecto exprimit naturā ingeniumq; pastoris derelinquētis gregem. Est. n. nil aliud q̄ pastoris idolum, nempe imaginem tantum præ se foris gerens, & personam pastoris, vt sculptus lapis, re tamen ipsa carens. Gladius super brachium eius; hoc est, super regiminis potestatem, & super dextrum oculum eius, putā super rectum sensum, & iudicium. Nam postquā libido sua eos cegit ecclesiæ gubernaculū deferere, illicò eis suadere incipit nō ea obligatione teneri, quā sapientes docēt, quod est oculū dextrū eis eruere. Vtinā ille qui lux venit in mundū, quotquot super eā delatram ecclesiā suā crexit, sic illuminet, & inflammet, ut iura sui muneris, tum clarè cognoscant, tum & charitatis ardore moribus

ribus exhibeant. Argumenta ergo in fronte quaestionis propo-
 sita, quoniam ad id militabant, quod neuiquam episcopo liceat
 de diœcesi sua decedere, facilimæ sunt solutionis. Ad primum
 enim responderetur, quod non omnis qui à sua ecclesia sese in tem-
 pus aufert, fugere ut mercenarius censetur, sed ille prorsus qui
 ob peculiare commodum id facit, uidelicet, salutem spirituales
 populi corporali suo posthabens, secundum illud Gregorij in ea-
 dem homilia. Stare in periculo ouium nõ potest, qui in eo, quod
 ouibus præst, non oues diligit, sed lucrum terrenum querit. Et
 ideo opponere se contra periculum trepidat, ne hoc quod dili-
 git, amittat. Ille ergo qui absque detrimento gregis recessu suo
 periculum sibi cauet, non est mercenarius. Pariter ad secundum,
 ex Proverb. vj. responderetur, quod qui fidem suam alteri spondet,
 si legitime est impeditus, satis per alium seruit. Ad tertium deni-
 que responderetur, quod cum episcopus in altiori fit gradu perfe-
 ctionis quam monachus, dum ab illius functione impeditur, non
 tenetur se religioni mancipare.

TAMETSI pro captu nostro disputationem hanc & fortè
 prolixius iusto absoluerimus, nõ suppudebit fragmienta quarun-
 dam epistolarum Athanasij subscribere, quæ ante nos alij, tum
 traduxerunt, tum præsentì quaestioni appensas curarunt. Sunt
 enim profectò dignissimæ, quas præfules uniuersi cordi altissimè
 haberent impressas. Quem ergo legere non pigebit, eundem pro-
 fectò neque pœnitebit legisse, qui uerò tædio iam fessus legere re-
 cūsauerit, non grauabitur scriptas habere. Sane ut constet quàm
 hæc qd fuerit antiqua, quàmque sanctissimis illis patribus affir-
 matiuâ eius ueritas, sanctissima, quàmque duxerint episcoporum
 residentiam ad animarum salutem & perpetuitatem Christianis-
 mi necessariam. Irrepserat enim iam tunc mos ut episcopi Impe-
 ratoriam urbem Constantinopolim, cuius Athanasius patriarcha
 erat, frequentarèt. Primam ergo scripsit episcopo Cretæ, qui
 dum absens à sua esset ecclesia, proponebat illuc proficisci, quod
 quidem propositum præcipuis laudibus & rationibus commen-

rum damnum creet, & animæ suæ infinitos præparet cruciatus. At
tende uerborum emphasim. Et sequitur, Cur enim iste, scilicet,
qui in sua non permanet diœcesi, non potius uitam priuatam ui-
uere maluit, si cogitabat succumbere, seque, nō oues pascere, pro
quibus sanguinem suum Christus profudit? Quemadmodū non
uenit huic in mentem eius, qui maledicto eum affecit qui opus
Domini facit negligenter? Quāuis facere nomine simulet, in
cuius alioqui animo insi-stit, quod de insipiente scriptum est, qui
dixit in corde suo, non esse Deum. Neque enim Deum ponunt,
qui hæc in conspectu eius facere audent. Audi. Deum nō ponunt,
quia eum factis esse negant. Ex quorum numero & ordine faxit
Deus ne simus, adscribatq; nos inter fideles dispensatores, conce-
dātq; benignè, ut præstō simus principi pastorum ad perniciēdum
quæ oportet, ponamusque animas pro ouibus eius, qui simul id
& exemplo demonstrauit & edictō sanxit. Præcep-^{um} ergo in
uerbis Christi Ioan. decimo, agnouit. Et paucis interiectis, Qua-
mobrē, inquit, ueris pastoribus nō est tutū nō vigilare, & nō cir-
cūquaq; omnia lustrare ouesq; erātes solū quærere, ac nō magis
solicitos esse pro ijs quæ non errant, perterritos horū temporum
tenebris, quæ iusto Dei permissu ac iudicio nobis illatæ sunt, quia
scilicet non ita uiuimus, ut eum decet, qui nos uocauit. Sed ò ani-
marum nostrarum detrimentum. Quingentes pœnas nobis ob
nostras libidines, & perturbatas uoluntates, quæ hoc malum pe-
pererunt, infligendas, hoc inq uam malum, ut gens sancta, per om-
nes campos & montes uicio pastorum absentium dispersa ac dis-
sipata esset. Debent ergo hoc facere (hoc est in suis diœcesibus re-
fidere) omnes boni pastores, quicunque hoc nomine digni sunt,
ita ut qui cessarit, non sit impunè cessaturus. Etenim si quisq; pa-
stor in diœcesi quæ sibi obtrigit, uel biduum moretur, experiri li-
ceat permulta peccata, & damna non esse futura in populo. Perin-
de nanque esse uidetur gregem abesse à pastore, ut cæcum duce
carere. Sanè augentur oues, & in tuto sunt, cum præsumt ueri pa-
stores, non autem qui solūm ebibant lac, & lana tegantur, omni-
que studio, & arte se ipsos, non oues pascant. Hæc atque alia id ge-
nus multa in illa epistola. Secundam misit episcopo Sardeni, ubi
statim à proloquio sic incipit, Scio te non ignorare, quæ à sanctis
Apostolis de constitutione rerum ecclesiasticarum sancita sunt.
Ex quibus vnū est, quisq; pastor, intra suos fines insistat propter
pacem, & charitatem, quarum est Iesus artissimum uinculum,
quod

quod solui non potest. Scis præterea, ut quales nos essemus, apparet, quibus nobis verum pastorem designantibus magnus ille Pontifex Christus munus pastoris definierit: nempe mutua in illum charitate. Alludis ad illud, Diligis me plus his? Deinde non ignoras ornatum egregij pastoris, qui sit animas suas euidenter cogniturus, hoc est de facie: de quo in Prou. scriptum est, quod bonus pastor de facie cognoscere gregem debeat. Et infra: Intellexisti etiam quis sit mercenarius, & qualis, de quo pudet me tum dicere, tum tacere, cum satis ipse status temporum, & rerum, cum ostendat, atque coarguat. De quo si attente audiam prophetas, cum in mei similes pastores his uerbis inuehuntur, Pastores pascunt seipso, non oves. Et illud. O pastores qui perditis oves pascuæ. Item, sacerdotes legem Domini occultarunt, & legem meam uiolarunt, & sancta mea profanarunt. Item illud, Lanis ouem indui, & mactare, quod pingue est, lac bibere. Hec inquam attente audiens, quid faciam, ne metuum eos, qui me redarguant, & clare ob oculos mihi ponunt, qualis sim? Quæ si fabulas putat, qui ignem illum extremum non intuetur, mihi fabulæ non certe, sed ita horribilia omnia esse videntur, ut horrore exedant, cõsumantq; medullas. Neque tamen curamus facere pro uiribus, ne propter aliquod ex his vitium, ac scelus, constricti vinculis atctissimis, pœnis sempiternis afficiamur. sed quod subinde sequitur, est notatu dignum. Ait nanque, quod cum a principio constitutum esset, ut bis quoquo anno synodus haberetur, postea cõmodius uisum est haberi semel, ne oves propter crebram absentiam pastorum facile a lupis inuadi possent. Vide quantæ illis patribus curæ erat residentia, ut eius gratia a synodo celebranda abstinerent. Et sequitur ad mōres nostrorū temporū accõmode contra illos ep̃os, qui desertis suis gregibus in curia Constantino polita versabantur; de quibus ait, deniq; maluerunt breui uoluptate contenti carni indulgere. q̃ cum populo Dei laborare contēptis legibus diuinis, quæ prohibent ne paulisper quidē impune a grege abesse. Ausculta, lege diuina eam sic esse iussam residentiam, ut ne paulisper quidem liceat impune a grege abesse. Et subdit; Ac

facere isti consueverunt, ex quo Constantinopoli potiti sumus. Quod quidem cum reliquis malis non est ambiguum, & incertum, quin iram Dei nobis augeat. Certum enim est pastores, qui gregem negligunt non impunitos inultosq; discessuros, tamen si fortasse non ita videatur iis, qui sponte velamen obtendunt, ne limatam euangelij ueritatem aspiciant, Hæc ille. Et in illa tertia epistola ad episcopum Apameæ, inter alia sic illum admonet. Vt debet verus episcopus, resideas sanctæ ad sanctam aram, de qua tibi participandum est, sicuti Dominus pronuntiavit, dignum esse operarium mercede sua. Quamobrem non est existimandum, licere tibi diu quauis de causa abesse, quin potius faciendum tibi est, ut celeriter ire possis ad eam ecclesiam, quæ tibi addicta est, & commendata ut ei præsis. Sed in alia ad eundem, quæ quarta est, uerba etiam num maioris emphasis accumulat. Ait quippe: Ego verò eum, cui grex Christi commissus est, si dignitatem muneris norit, iniquum esse arbitror, non usque ad sanguinem ei studere, & incumbere nisi fortè ignoraueris Deum esse, qui dixerit, Petre amas me? pascue oues meas. Sed heu mihi, non jam pastores oues pascunt, sed quibus tanquã pane pascuntur, iam horribilia illa mala pastorum, quæ propheta Ezechiel describit, summa licentia irreperunt. Quæ si talia tamque gratia uobis uidentur, agè optime vir, contentus esto tua diocesi, permane in ea, fac sis cum ouibus tuis, ut usque ad sanguinem illis affixus, quas quidem nunc in frutetis, inter ficus & rosas, atque in montibus diuina prouidentia custodit. Neq; enim quod certissimum est, uirga, & baculo tuo pastoralis sit ut in pascuis virentibus pacis, & bonorum cœlestis Hierusalem ex sint. Scis enim qui amplius sex mensibus a diocesi abfuerint, nisi eos grauis moribus teneat, canonibus, & legibus firmatum esse, ut sacerdotium, & gregem amitterent. Verum nouum consilium, & sceleratum hic a nostræ ætatis hominibus excogitatum est, scilicet, mittitis aliquem, qui sciat mulgere gregem, ipsi uerò in urbe Constantinopoli spectatis propter præfecturas ciuiles, subscriptiones, intempestiuas ordinationes, adde etiã bullas, & decreta. Nostra hæc sunt tempora. Et tanquam impune sit uobis futurum, ita procul a diocesi uobis commissa receditis, & alia huiusmodi ut cuique libet committitis, oportebat potius cunctis episcopis undique in unum congregatis, suam cuiq; diocesim funiculo distributionis circumscribi, atq; ita patriarchæ

chæ partem suam à vobis assignari, aut vos a patriarcha priuari.

Alias præterea de eadem re subnectit epistolæ, quas ne fastidio esse persistam, missas faciam. Sed & ad Imperatorē, qui Constantinopoli sinebat epōs degere, nec cogebat eos ad suas ecclās abire, multa ēt cōmemorat; inter quæ ait; Si tu oues pastori cōmitteres, deinde illas quidem derelictas cerneres, illū uero quieti suę, suisq; cupiditatibus indulgere, & seruire, dic obsecro, relinquere sine pastorem impunitum? Non patimur oues, & pecudes impune negligi, & patiemur pastores animarum impune seipsos pascere, non oues? Quid quæso apud Deum excusabimus? Vtinā ne illud nobis exprobrecur, omnes quærun quę sua sunt, nō quæ Iesu Christi. Deinde aliam de eadem re ad eundem hoc tenore subtextit; si uerum est, quod dici solet, qui gregem pastore priuat, veriq; periculū creare, profecto graue supplicium manet eū, qui pastorem arcet ab ouili; debetq; qui pastor est, vsq; ad sanguinē pro grege Christi non relinquēdo labores perferre, nisi cū opus fuerit; in synodo singulis annis ad agendum de rebus necessarijs paulisper abesse. quibus conclusis, celeriter redeundum illi sit, si crediderit se redditurum rationem summo pastori Christo, & si dignus est nomine pastoris. Nisi forte etiam propter necessitatē ad vtilitatem animarum pertinentem, ab Imperatore, aut a patriarcha statim redditurus uocetur. Quod si aliter epīs aut Imperatori videatur, siue quid secus fiat, minime ipse sequar, neq; assentiar ullo modo. Neque enim rationem habebit Deus causationum nostrarum & cupiditatum; sed rationes reposcet de veritate, iustitia, diuinisq; legibus, & statutis. Ac demum in alia breviori sic habet; Memento scripturæ, quę iubet contristari potius homines quā Deum, tibi uero Imperator, cur graue uideatur iustitiam, temperantiam, misericordiam populis tuis sancire, & inde non modo nullum incommodum reportare, sed potius operibus bonis conciliare Deū misericordiam? Quid iustius, q̃ si episcopus quisque iubeatur, uelit nolit, ad diocēsim suam redire? an non hoc debitum soluere tenentur? idq; canone sancitum est? Videt deo finis rem hanc deduxisse quā cū iuniorum forte par censeri

REGISTRVM.

*ABCDEFGHIJKLMN O PQRSTVXYZ.

AA BB CC DD EE FF GG HH II KK LL MM

NN OO PP QQ RR SS TT VV XX YY ZZ

AAA BBB CCC DDD EEE FFF GGG HHH

III KKK LLL MMM NNN OOO PPP

QQQ RRR SSS

Omnes sunt duerniones.

GRAVITATION

THEORY OF GRAVITATION
AND THE THEORY OF THE
UNIVERSE

BY
J. H. VAN DER LAAN

PH.D. IN PHYSICS
UNIVERSITY OF AMSTERDAM

1911

AMSTERDAM

THE NETHERLANDS

THE NETHERLANDS

THE NETHERLANDS

THE NETHERLANDS

THE NETHERLANDS

THE NETHERLANDS

THE NETHERLANDS

THE NETHERLANDS

THE NETHERLANDS

THE NETHERLANDS



V E N E T I I S,
Ex Officina Iordani Ziletti, Ad signum Stellæ.
M D L X I I.